


Jém jomipic trato
jém iwatnewiip
tánomi Jesucristo



New Testament in Popoluca, Highland

Jém jomipic trato jém iwatnewip tánomi Jesucristo New Testament in Popoluca, Highland

copyright © 2009 Wycliffe Bible Translators, Inc.

Language: Popoluca, Highland

Translation by: Wycliffe Bible Translators, Inc.

Popoluca, Highland

poi

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoluca, Highland

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 25 Aug 2023 from source files dated 29 Jan 2022
da18b773-264a-519b-a8dd-012e48df725d

Contents

SAN MATEO	1
SAN MARCOS	57
SAN LUCAS	93
SAN JUAN	152
HECHOS	198
ROMANOS	247
1 CORINTIOS	270
2 CORINTIOS	291
GÁLATAS	305
EFESIOS	313
FILIPENSES	320
COLOSENSES	325
1 TESALONICENSES	330
2 TESALONICENSES	335
1 TIMOTEO	338
2 TIMOTEO	345
TITO	350
FILEMÓN	353
HEBREOS	355
SANTIAGO	371
1 PEDRO	376
2 PEDRO	383
1 JUAN	387
2 JUAN	393
3 JUAN	394
JUDAS	395
APOCALIPSIS	397

Jém wibic aṅmaṭi jém ijayñewiip jém Mateo

Jém Jesucristo jém ijatunḡewe jém wiñicpicyaj
(Lc. 3:23-38)

¹ Jaycámnetā yim jém lista de jém Jesucristo ijatunḡewe jém wiñicpicyaj. Jém Jesucristo jém David iocmanic y jém Abraham iocmanic.

² Jém Abraham imaníc jém Isaac. Jém Isaac imaníc jém Jacob. Jém Jacob imaníc jém Judá con itiwitam. ³ Jém Judá imaníc jém Fares y Zara, iapa jém Tamar. Jém Fares imaníc jém Erson. Jém Erson imaníc jém Aram. ⁴ Jém Aram imaníc jém Aminadab. Jém Aminadab imaníc jém Naasón. Jém Naasón imaníc jém Salmón. ⁵ Jém Salmón imaníc jém Booz, iapa jém Rahab. Jém Booz imaníc jém Obed, iapa jém Rut. Jém Obed imaníc jém Isaí. ⁶ Jém Isaí imaníc jém rey David. Jém rey David imaníc jém Salomón, jém iapa jém Urías iyomo idic. ⁷ Jém Salomón imaníc jém Roboam. Jém Roboam imaníc jém Abías. Jém Abías imaníc jém Asa. ⁸ Jém Asa imaníc jém Josafat. Jém Josafat imaníc jém Joram. Jém Joram imaníc jém Uzías. ⁹ Jém Uzías imaníc jém Jotam. Jém Jotam imaníc jém Acáz. Jém Acáz imaníc jém Ezequías. ¹⁰ Jém Ezequías imaníc jém Manasés. Jém Manasés imaníc jém Amón. Jém Amón imaníc jém Josías. ¹¹ Jém Josías imaníc jém Jeconías con itiwitam. Jeetim tiempo cuando nanicyajta preso itumpiy jém Israelpic pixiñtam hasta jém naxyucmi de Babilonia.

¹² Jesic cuando nanicneyajtaḡwum jém naxyucmi de Babilonia jém Jeconías imaníc jém Salatiel. Jém Salatiel imaníc jém Zorobabel. ¹³ Jém Zorobabel imaníc jém Abiud. Jém Abiud imaníc jém Eliaquim. Jém Eliaquim imaníc jém Azor. ¹⁴ Jém Azor imaníc jém Sadoc. Jém Sadoc imaníc jém Aquim. Jém Aquim imaníc jém Eliud. ¹⁵ Jém Eliud imaníc jém Eleazar. Jém Eleazar imaníc jém Matán. Jém Matán imaníc jém Jacob. ¹⁶ Jém Jacob imaníc jém José, jém Malía iwidaḡaya jém icnayñewiip jém Jesús, iñiyitim CRISTO.

¹⁷ Jesic it catorce jém Abraham iocmanictam hasta David. Ittim catorce jém David iocmanictam hasta cuando mu ininicyajta preso jém Israelpic pixiñtam jém naxyucmi de Babilonia. Ittim catorce jém Jeconías iocmanictam dende nanicyajta preso jém naxyucmi de Babilonia hasta cuando mu iñay jém Cristo.

Jutsap iñay jém Jesucristo
(Lc. 2:1-7)

¹⁸ Jesic yimpic nay jém Jesucristo. Cuando jém José iniwatneum trato jém woñi Malía iga napicyajtaḡ, antes que danam napicneyajta, manicomcaneum jém Malía con Dios iAnama ipimi. Da je jém José imaníc. ¹⁹ Jesic jém José, jém iwatnewiip trato jém Malía iga napicyajtaḡ, como wibic pixiñ, da ichaawattooba jém Malía. Jeeyucmi iyamtsactooaba jém woñi iga jém pixiñtam odoy ijodónayajiñ. ²⁰ Jesic iganam ijispa jempic jém José, imawíñix tum siñyucmicpic pixiñ jém icutsatnewiip Dios. Iñimáy jém José:

—MiJosé, jém rey David miocmanic, odoy cñi iga impictsonpa jém Malía. Porque jém imaníc, jém ijúmpacnewiip, inimiñ jém Dios iAnama. ²¹ Jém woñi icnaypa tum jaychixi. Accámaayi iñiyi iga JESÚS porque iciacputpa jém ipixiñtam, iwitsagáypa jém itañca iga odoy ipictsonyajiñ jém castigo.

²² Jempigam iñasca jém Malía iga cupaguiñ juuts nimpa jém wiñicpic aṅmaṭciwiñ jém ipimiyñewiip jém tanjatunḡ Dios iga inmadíñ. Nimyajpa:

²³ Manicomca tum woñi jém ḡapic jaayiy.

Da quemán ijyypát pixiñ.

Icnaypa tum jaychixi.

Accámaytáp iñiyi iga Emanuel.

Taichtam tanañmatimí nimtooba: tanwaganaittámpa Dios.

²⁴ Jesic cuando yus jém José iwat juuts iñímáy jém siñyucmipic p̄ixiñ jém icutsatnewiip jém tanjatun Dios. Ipiçtsoñ jém Malía. ²⁵ Pero da inimoñ hasta que icnay jém icoponmanic tum jaychixi. Jesic jém José iccámáy iñiyi iga Jesús.

2

Miñ ijóyayaj jém tsixi jém sabioyaj

¹ Nay Jesús jém attebet Belén jém naxyucmi de Judea cuando injacpa jém rey Herodes. Jesic jeetim tiempo núcyaj Jerusalén jém sabioyaj. Miñyaj anjamquimmi. ² Mu iñúcyaj, acwágoyyajpa. Nimyaj:

—¿Jut it jém tsixi jém nayñewiip, jém tsíypáppic juuts Rey iga injacpa jém judíos? Ánixayta imatsa jém anjamquimmi. Amiññeta iga acosteeñaytámpa y anjístámpa.

³ Jesic cuando jém rey Herodes ijodóna ti iñímáy jém juumipic p̄ixiñ, agui c̄iñ, da icutiíyí ti iwatpa. C̄iñyajtím jém p̄ixiñtam jém ityajwiip jém attebet Jerusalén. ⁴ Jesic jém Herodes in̄tuumaawat itumpiy jém cobacpic panij anjagooyiyaj con jém escribaspic maestroyaj. Jém Herodes icwácpa jém panij anjagooyi jut naypa jém Cristo. ⁵ Jeeyaj iñímayyaj jém Herodes:

—Naypa jém attebet Belén jém naxyucmi de Judea porque jem̄pigam ijaychacne jém wiñicpic anmatciwiñ. Nimpa Dios:

⁶ Mich miattebet Belén, miitwiip jém naxyucmi de Judá, agui mixutu, pero michíypa juuts tum mijpic attebet porque mimichtámanjom naypa tum mijpic anjagooyi. Iwatpa cuenta jém ampixiñtam jém attebet Israel.

⁷ Jesic jém Herodes iyámanwejay jém sabioyaj. Icwác iga juchis moj iixyay jém matsa. ⁸ Jesic ocmi jém Herodes icutsat jém sabioyaj jém attebet Belén. Nimpa:

—Nictaami jem̄ic. Wimétstaami jém tsixi. Jesic cuando impátnetámum, miñi acjodónaji. Ich nicpatim an̄costeeñáy.

⁹ Jesic cuando yaj imatonyaj ti nimpa jém rey Herodes, moj niquiyay jém Belén. Anjagoyñeeba iñic jém matsa jém iixñeyajwiip anjamquimmi. Núc jut it jém xutu tsixi, jemum teeñanjac. ¹⁰ Cuando iixyay jém matsa jut teeñanjac, tsam p̄imi maymayyaj.

¹¹ Jesic cuando tigíyyaj jém ticjom, iixyay jém jaychixi con iapa Malía. Jém sabio icosteeñayyaj jém tsixi. Ijisyajpa. Íñáy jém ibaúl, ixaíyyajpa oro, jém wibic incienso y jém mirra jém aguiptic c̄iñpa. ¹² Ocmi Dios icmawíña jém sabioyaj iga odom nicyajiñ eyb̄ic jut it jém Herodes. P̄imiyta iga sediñ tunjac tunjom hasta núcpa iticmi.

Nicyajpa Egipto. Poyyaj jém José y Malía

¹³ Jesic ocmi mu iñicyajum jém sabio, jém José imawíñix tum siñyucmipic p̄ixiñ jém Diospic icutsatne. Iñímáy jém José:

—Napoyi jém xutu tsixi con iapa. Nictaami jém naxyucmi de Egipto. Jemum tsíytaami hasta que ich mannímáypa iga mixediñ porque jém Herodes imétspa jém xutu tsixi iga iccaaba.

¹⁴ Jesic tsucum jém José con jém Malía. Inipoyyaj jém xutu tsixi tsuucim. Nicyaj jém naxyucmi de Egipto. ¹⁵ Jemigam tsíyyaj hasta que ca jém Herodes. Iñasca jem̄pic iga cupaguiñ juuts iñímáy Dios jém wiñicpic anmatciwiñ: “Ich anañwejaypa ammanic jém naxyucmi de Egipto.”

Jém Herodes ip̄imíy iga accaayajtaiñ jém tsixtam

¹⁶ Jesic tsam jóy jém Herodes mu iix iga jém sabio da icupicyaj juuts iñímáy. Ipimíy jém isoldado iga iccucaayyajiñ itumpiy jém jaychixtam jém ityajwip Belén con jém ityajwip nocojom. Ijisne jutsañ mayooyi oyñe iámyaj jém sabioyaj jém tsixi. Jeeyucmi iccucaayyaj itumpiy jém iniitwip dos amtíy hasta jém dapic núcne dos amtíy. ¹⁷ Jempigam cupac jém añmati juuts ijaychacne jém wiñicpic añmatcwiñ jém Jeremías. Nimpa:

¹⁸ Matontap tum jiyi jém attebet Ramá.

Tsam weyajpa, tsam anyácneyaj.

Tsam weyajpa jém Raquel, jém Israelpic yomtam,

iyaachanjampa jém imanictam.

Da ixunpa iga acpocsaytap ianama

porque accucaáyayyajta imanictam.

¹⁹ Jesic ocmi cuando caaneum jém Herodes, tanjatun Dios icutsat tum sinyucmicpic pixiñ iga icmawíñaiñ jém José jém naxyucmi de Egipto, nímayta:

²⁰ —Sip settaami jém iñticmi Israel. Naseti jém jaychixi con iapa. Porque sip caaneum jém anjagooyi jém iccaapáppic idic jém xutu tsixi.

²¹ Jesic mojum seti jém José. Iniseta jém xutu tsixi con iapa jém naxyucmi de Israel.

²² Pero tsam cñ jém José iga nicpa jém naxyucmi de Judea porque ijodóna iga jém Herodes imaníc jém Arquelao injacpa jém naxyucmi Judea jut injacpa idic jém ijatun. Jém José mawíña iga odoy niguiñ Judea. Ijspa iga nicpa jém naxyucmi de Galilea. ²³ Jesic núc jém Galilea, nic iti jém attebet Nazaret. Iñasca jempic iga cupacpa juuts nim jém wiñicpic añmatcwiñ iga Nazaretpic pixiñ jém Jesús.

3

*Najíyóypa jém Xiwan jém acchínoypaap titsinaxyucmi
(Mr. 1:1-8; Lc. 3:1-9, 15-17; Jn. 1:19-28)*

¹ Núc jém jama iga moj najíyooyi jém Xiwan jém acchínoypáppic. Najíyóypa jém titsinaxyucmi jut da ti idíyiy, jém naxyucmi de Judea. ² Nim jém Xiwan:

—Tsaci iga immalwatpa, cucaci iñjixi porque núctooba jém tiempo iga injacpa Dios yip naxyucmi.

³ Jém wiñicpic añmatcwiñ jém Isaías inmat de yíptim Xiwan. Nimpa:

Matontap tum añmatcwiñ jém tsampic najíyóypa jém titsinaxyucmi.

Nimpa iga:

“Witsagaayi jém tánomi itun.

Áñaayi tum tun numapic.”

⁴ Jém Xiwan iyooti tacne con jém camello ipic. Jém icinturón tum tsococuero. Icutpa jém awu. Iucpa jém jimñi chiñu. ⁵ Tsam jáyan pixiñtam nic imatonjaj jém Xiwan jut najíyóypa. Miñaj jém attebet Jerusalén, icuwiti jém naxyucmi de Judea, con jém ityajwip nocojom jém río Jordán. ⁶ Jém pixiñtam inmadayyajpa Dios itánca iga agui imalwatne. Ocmi jém Xiwan icchinpa jém río de Jordán.

⁷ Jesic cuando jém Xiwan iix iga chintooba wati jém fariseopic pixiñtam y jém saduceopic pixiñtam, iñímáy:

—¿Que michtam impóyaytámpatim jém Dios icastigo? ¿Que incupicpa iga ich wiap manciacputta? Mijex juuts jém tsañ agui poypa cuando miñpa jém iccaapáppic. ⁸ Siiga numa inchacneum jém immalajixi, jesic wati juuts ixunpa Dios, jesic quejpa iga numa incucacneum iñjixi. ⁹ Odoy jistaami iñanamanjom iga mimichtam tsam wibic mipixiñtam da mimalotam porque jém Abraham mimanictam. Da wi iga iñjistampa jempic porque Dios wiap icset yip tsa juuts jém Abraham imanictam. ¹⁰ Witsacneum jém hacha.

Accámnetawum jém cuytichicyucmi. Itumpiy cuy dapic tím̄ap, tinquím̄ap, nooquettap juctj̄om. ¹¹ Ich n̄uma manacchin̄pa con ni iga quejiñ iga iñchacneum iga immalwatpa. Pero ocmi miñpa tungac p̄ixiñ antuuñiañcim. Je más wiap que aich. Da wiap annasca. Da wiap añcuwiyáyá jém iciac. Micchin̄pa con Dios iAnama y con jucti. ¹² Imatspacneum jém iyemcuy iga icutippa jém trigo. Cuando yajum icutip, iccáypa jém trigo graneroj̄om. Nooquettap jém trigo ipuchi juctj̄om jut da nunca píchpa.

Acchin̄ta jém Jesús

(Mr. 1:9-11; Lc. 3:21-22)

¹³ Jesic Jesús put jém naxyucmi de Galilea. Nic jém río de Jordán iga icchíñiñ jém Xiwan jém acchíñoypaap. ¹⁴ Pero jém Xiwan da icchin̄tooba Jesús. Nímayta Jesús:

—Más w̄i iga mich anacchin̄pa aich. ¿T̄iiga mimiñpa iga manacchíñiñ?

¹⁵ Jesic Jesús icutson. Iñímáy jém Xiwan:

—Pero siip w̄i iga anacchin̄pa. W̄i iga tanaccupacpa itumpiy juuts tap̄m̄íy Dios.

Jesic jém Xiwan icchin̄. ¹⁶ Cuando yajum icchin̄ta jém Jesús, put jém n̄icim. Jesic añáy jém siñ, Jesús iix jém Dios iAnama. Quet juuts tum cuucu. Nummiñ, núc Jesúsycmi.

¹⁷ Jesic jém ityajw̄ip jem imaton̄yaj tum jiyi siñycmi. Nimpa:

—Yíp ich amManic jém tsampic antoypa. Tsam amaymay con je.

4

Cutitsta jém Jesús

(Mr. 1:12-13; Lc. 4:1-13)

¹ Ocmi jém Dios iAnama ininic Jesús jém titsinaxyucmi jut da ti idíyiy. Nanicta iga icutichiñ jém Wocciwiñ.

² Da wíc Jesús cuarenta jama y cuarenta tsuu. Jesic ocmi tsam p̄imi yuap. ³ Jesic jém Wocciwiñ icunúc Jesús iga icutítspa. Iñímáy:

—Siiga n̄uma Dios miManic, acseti yíp tsa iga caxtánañi.

⁴ Jesic Jesús iñímáy jém Wocciwiñ:

—Nimpa jém Dios in̄mati jém jayñew̄ip: “Jém p̄ixiñtam da itpa no más con jém caxtánañi iga icútpa. W̄itpa jém p̄ixiñ siiga iwatpa itumpiy juuts iñímáy Dios.”

⁵ Jesic jém Wocciwiñ ininic Jesús jém atebet Jerusalén. Iniquím jém m̄ipic mastican̄cobac. ⁶ Jesic jém Wocciwiñ iñímáy Jesús:

—Siiga n̄uma Dios miManic, yóyanqueti. Porque nimpa jém Dios in̄mati:

Dios icutsat jém siñycm̄ipic p̄ixiñtam iga mimatstson̄yajiñ icij̄om iga odoy coowaiñ impuy tsaayucmi.

⁷ Jesic Jesús iñímáy jém Wocciwiñ:

—Nimpatim jém Dios in̄mati: “Odoy cutiitsi jém tanJatun̄ Dios siiga n̄uma wiap.”

⁸ Jesic jém Wocciwiñ eybic icutítspa jém Jesús. Ininic tum m̄ipic cotsicyucmi tsam yucmi. Inquejáy itumpiy jém atebetyaj icuw̄iti yíp naxyucmi iga tsam w̄ibic lugar. ⁹ Jém Wocciwiñ iñímáy Jesús:

—Manchiiba itumpiy ȳimpic manañquejáy siiga añc̄osteeñáypa y anj̄ispa.

¹⁰ Jesic Jesús iñímáy:

—Nicsim, miWocciwiñ. Nimpa jém Dios in̄mati: “J̄istaami tanJatun̄ Dios icutum. Odoy cuyoxataami tungac.”

¹¹ Jesic nic jém Wocciwiñ. Ichac iga icutítspa Jesús. Jesic miñyaj jém siñycm̄ipic p̄ixiñtam iga iyoxp̄atyajpa.

Mojpa iwat iyoxacuy jém Jesús Galilea

(Mr. 1:14-15; Lc. 4:14-15)

¹² Jesic cuando Jesús imaton iga pajta cárcel jém Xiwan, set eybic jém naxyucmi de Galilea. ¹³ Da tsíy jém attebet Nazaret. Nic iti jém attebet Capernaum jém laguna aṇṇaca jém naxyucmi de Zabulón y Neftalí. ¹⁴ Iñasca jempic iga cupacpa jém aṇṇaṇṇa juuts ijaychacne jém wiñicpic aṇṇaṇṇa jém Isaiás. Nimpa:

¹⁵ Jém naxyucmi de Zabulón con jém naxyucmi de Neftalí

dende jém lamar aṇṇaca hasta jém Jordán inwiñtuc,

jém naxyucmi de Galilea,

juṭ ityaj jém p̄ixiñtam jém dapic je de Israel,

¹⁶ jém ityajw̄ip piichc̄im;

iixyajpa tum w̄ibic juctianṭsoca.

Tsíyyaj juuts caaneyaj idic.

Cupiichane iti,

pero iyicquejyajpa tum w̄ibic jucti.

¹⁷ Jesic cuando núc jém Capernaum, moj inmat Jesús jém Dios inṇaṇṇa. Nimpa:

—Tsaci iga immalwatpa, cucaci inṇixi porque núcneum jém tiempo iga inṇacpa Dios yip naxyucmi.

Moj inwejay Jesús jém icuyujc̄wiñ

(Mr. 1:16-20; Lc. 5:1-11)

¹⁸ Jesic naspa Jesús jém laguna aṇṇaca inṇiyi Galilea. Iix tum p̄ixiñ con it̄iwi. Tum jém Ximoy, inṇiyitim Peto; tum jém Anti. Síp ipatsyaj ired jém laguna iga imatspa t̄ipi. Jeeyaj t̄ipteroyaj. ¹⁹ Jesic Jesús inṇimáy jém w̄isten:

—At̄un̄iytaami. Nicpa tamméts p̄ixiñ juuts t̄ipi.

²⁰ Jesic jeeti rato ichacyaj ired, nic it̄un̄iyyaj jém Jesús.

²¹ Jesic nic Jesús uxaj más juumi, ipát tungac w̄isten p̄ixiñ. Jém Jacobo, jém Zebedeo imanic, con it̄iwi jém Xiwan. Ityaj barcojom con iṇatun̄. Síp inṇot̄syaj ired. Jesic Jesús inwejay. ²² Jeeti rato ichacyaj jém ibarco y jém iṇatun̄. Nic it̄un̄iyyaj Jesús.

Jáyan p̄ixiñ ac̄p̄isyajta

(Lc. 6:17-19)

²³ Jesic nic Jesús icuw̄iti jém naxyucmi de Galilea. Accuyujóypa cada lugar jém sinagoga juṭ icuyujcayajpa jém Moisés inṇquímayooyi. Inmadáypa jém p̄ixiñtam jém w̄ibic aṇṇaṇṇa iga núcpa jém tiempo iga inṇacpa Dios yip naxyucmi. Icpis jém mimneyajw̄ip jém imatsneyajw̄ip it̄umpiy jém caacuy. ²⁴ Jodónata icuw̄iti jém naxyucmi de Siria iga agui w̄iap jém Jesús. Jesic namíñayta Jesús it̄umpiy jém mimneyajw̄ip, jém imatsneyajw̄ip caacuy y jém toya. Namíñaytatim jém iniitw̄ip mal espíritu, jém imatsneyajw̄ip ataque y jém tusacanew̄ip. Icpis it̄umpiy. ²⁵ Tsam jáyan p̄ixiñtam it̄un̄iyyajpa jém Jesús. Miñyaj de jém naxyucmi de Galilea, de jém attebet Decápolis y de jém attebet Jerusalén. Miñyajtim de jém naxyucmi de Judea y de jém Jordán inwiñtuc.

5

Accuyujóypa Jesús tum c̄otsicyucmi

(Lc. 6:20-23)

¹ Jesic cuando iix Jesús iga aṇṇaṇṇa jém tsam jáyan p̄ixiñtam, quim tum c̄otsicyucmi. Jemum coñ Jesús. Jém icuyujc̄wiñ icunúcyaj. ² Jesic Jesús moj inquejay. Nimpa:

³ —Agui maymay jém ijodónaneyajw̄ip titam itogóyayaj iga núcpa juṭ it Dios porque jeeyaj núcyajpa juṭ it Dios.

4' Agui maymay jém anyácneyajwíip porque Dios icpocsáypa ianáma.

5' Agui maymayyaj jém p̄ixiñtam jém ðap̄ic nacujíptap̄ iyaac porque jeeyaj ip̄ictson̄yajpa yíp nas, jém ij̄ycámayñewíip Dios iga ichiiba.

6' Agui maymay jém ts̄amp̄ic iwattooba juuts ixunpa Dios porque Dios iȳoxpát̄pa iga wīaiñ iwatyaj jemp̄ic.

7' Agui maymay jém iyaachanj̄amyajp̄ápp̄ic jém it̄iwítam porque Dios iyaachanj̄amp̄atim jeeyaj.

8' Agui maymay jém cuáyñewíip ianáma porque jeeyaj iixyajpa Dios.

9' Agui maymay jém p̄ixiñ jém inj̄iyjacp̄ápp̄ic jém áñayajpaap porque ts̄íypa juuts Dios iman̄ic.

10' Agui maymay jém ts̄amp̄ic yaachwattap̄ iga iw̄iwat̄pa juuts ixunpa Dios porque jeeyaj núcyajpa jém w̄ic̄om̄ j̄ut̄ injacpa Dios.

11' Maymáya_{ta}ami cuando jém malop̄ic p̄ixiñtam ts̄am mimaln̄ímayt̄ampa, ts̄am miyaachwatt̄ampa y ts̄am micum̄igoyt̄ampa ich̄ añcuyucmi. 12' Maymáya_{ta}ami. Odooy anyáctaami porque imp̄ictson̄t̄ampa t̄um w̄ib̄ic xaja s̄inyucmi. J̄istaami iga jém wiñ̄icp̄ic añmat̄c̄iwiñ ts̄am p̄imi malwadayyajt̄atim.

Jém çana y jém jucti

(Mr. 9:50; Lc. 14:34-35)

13' Mimichtam mijex juuts jém çana para yíp naxyucm̄ip̄ic p̄ixiñtam. Pero siiga da paac jém çana, ¿jutsap̄ tanw̄itsac? Da ti mejcuy. Tampatsáypa. Iacunepnepquetyajpa jém p̄ixiñtam.

14' Mimichtam mijex juuts t̄um w̄ib̄ic jucti iga iñ̄ycquejpa jém ityajw̄ip̄ yíp naxyucmi. T̄um mijp̄ic at̄bet lumuyucmi da i w̄iap̄ in̄éc. 15' Da i iñooba t̄um nooquejcu y iga icujappa t̄um coñcucim̄. Itunpa yucmi iga iȳicquejpa itump̄iy jém ityajw̄ip̄ jem. 16' Jesanetim mimichtam w̄itsoctaami juuts t̄um w̄ib̄ic jucti iga iñ̄ycquejyajpa jém p̄ixiñtam. W̄iwattaami jém p̄ixiñt̄aman̄jom iga cuando iixyajpa, ts̄am icujípyajpa tan̄jatun̄ Dios jém itw̄ip̄ s̄inyucmi.

Da accaytap̄ jém wiñ̄icp̄ic añquímayooyi

17' Odooy j̄isi iga ich̄ miñ̄ anaccáy jém Moisés inj̄químayooyi, ni da anaccáypa jém wiñ̄icp̄ic añmat̄c̄iwiñ inj̄químayooyi. Ich̄ amiñ̄ anaccupac itump̄iy juuts n̄impa jém wiñ̄icp̄ic añquímayooyi. 18' Numa, mannímáypa, da i nunca iccáypa jém wiñ̄icp̄ic añquímayooyi. Ni t̄um punto ni t̄um j̄iti da togoypa. Da cuyajpa jém s̄iñ̄ ni jém nas hasta que cupacpa itump̄iy cosa juuts n̄impa jém añquímayooyi. 19' Siiga t̄um p̄ixiñ̄ da iccupacpa t̄um jém añquímayooyi ðap̄ic juchan̄ y in̄quejáypatim jemp̄ic jém p̄ixiñtam, jesic da ti mejcuy jém p̄ixiñ̄. Da tiḡiypa j̄ut̄ injacpa Dios. Pero siiga t̄um p̄ixiñ̄ iwat̄pa itump̄iy juuts n̄impa jém wiñ̄icp̄ic añquímayooyi, y siiga in̄quejáypatim jém p̄ixiñtam, jesic jém p̄ixiñ̄ ts̄íypa juuts t̄um mijp̄ic añjagooyi cuando injacpa Dios yíp naxyucmi. 20' Pero mannímáypa mimichtam, siiga da más in̄w̄iwatt̄ampa que jém fariseoyaj y jém escribasp̄ic maestroyaj, jesic da w̄iap̄ iñ̄úc̄ j̄ut̄ injacpa Dios.

Siiga tananit̄ jém malop̄ic j̄ixi t̄an̄anaman̄jom, tammalwatpa

(Lc. 12:57-59)

21' Michtam immaton̄neta iga jém wiñ̄icp̄ic tan̄jatun̄w̄ewetam n̄imyaj iga: “Odooy accaoyi porque chiitap̄ castigo jém accaoyapaap.” 22' Pero ich̄ mannímáypa, siiga i ij̄óyixpa jém it̄iw̄i, ip̄ictson̄pa jém castigo juuts t̄um accaoyapaap. Siiga i imaln̄ímáypa jém it̄iw̄i, c̄ip̄in̄tap̄ jém cobacp̄ic añjagooyicim̄, jém Sanhedrín; chiitap̄ castigo. Siiga i iñ̄ímáypa jém

it̄iw̄i iga tsam bruto, jesic jém p̄ixiñ wiap icn̄icta jém infierno, jém juctjom jut da nunca p̄ichpa.

²³ 'Cuando ininicpa tum ofrenda iga iñchiiba Dios jém altaryucmi, siiga iñj̄ispa iga immalwadayñe jém iñt̄iw̄i, ²⁴ jesic odoyñam tsaci jém ofrenda jém altaryucmi. Wiñti niḡi cunucsaayi jém iñt̄iw̄i, jesic wiap iñchac jém ofrenda.

²⁵ 'Siiga i mijóyixpa y miquejajwadáypa, jesic w̄itsaci jém iñasunto antes que miñúctámpa jém juezc̄im porque una vez miñúcneum jem, mic̄ijun̄cottap jém policia ic̄ijom, mipa-jtap. ²⁶ Mannímáypa iga da miputpa hasta que yajpa iñyoj.

²⁷ 'Michtam immaton̄neta iga jém wiñ̄cpic tanjatun̄wewetam n̄imyaajpa iga: "Odoj pejooyi." ²⁸ Pero ich mannímáypa siiga i iámpa tum yomo iga tsam icusúniypa, jesic pejóypa ianamanjom.

²⁹ 'Siiga jém iñixcuy, jém aṇw̄im̄ipic, micwatpa t̄añca, topi, p̄atsaayi. Más w̄i iga togoypa tum parte jém imm̄ijtay que iga micottap in̄cumij jém juctjom jut da nunca p̄ichpa. ³⁰ Siiga in̄ci, jém aṇw̄im̄ipic, micwatpa t̄añca, jesic jaci, p̄atsaayi. Más w̄i iga togoypa tum jaca jém imm̄ijtay que iga micottap in̄cumij jém juctjom jut da nunca p̄ichpa.

Da w̄i jém ichacpaap iyomo

(Mt. 19:9; Mr. 10:11-12; Lc. 16:18)

³¹ 'Wiñgam n̄imyaajpatim: "Siiga i ichacpa iyomo, tienes que iwatpa tum acta iga ichacneum jém yomo." ³² Pero ich mannímáypa siiga tum p̄ixiñ ichob̄iyhacpa iyomo da pejoyñe, jesic icpejóypa jém yomo siiga ip̄icpa tun̄gac p̄ixiñ. Siiga tum p̄ixiñ ip̄icpa jém yomo jém tsacnetaw̄ip, jesic pejóypatim jém p̄ixiñ.

Jesús in̄quejáypa iga odoy tan̄wadiñ jém juramentos

³³ 'Immaton̄netaim iga jém wiñ̄cpic tanjatun̄wewetam n̄imyaajpa iga: "Siiga miñ̄impa, w̄ijodios, jesic accupaci titam iñ̄iȳcámayñe Dios." ³⁴ Pero ich mannímáypa iga odoy tsaci ni tum cosa juuts testigo iga da mim̄igóypa. Odoj tsaci jém siṇ juuts tum testigo iga da mim̄igóypa porque siṇyucmi in̄jacpa Dios. ³⁵ Odoj tsaci jém nas juuts tum testigo iga da mim̄igóypa porque jém naxyucmi icteññe ipuy jém tan̄jatun̄ Dios. Odoj tsaci jém Jerusalén juuts tum testigo porque je jém más Miṇ̄pic Rey im̄ichi. ³⁶ Odoj tsaci juuts tum testigo jém in̄cobac iga da mim̄igóypa porque ni tum jém in̄way da wiap in̄icpoōba ni datim wiap in̄icyiga. ³⁷ Cuando miñ̄mattámpa, n̄imtaami "n̄uma" o "da". Siiga iñchacpa algun ti juuts testigo iga da mim̄igóypa, jesic da w̄i porque jexp̄ic j̄ixi miññe de jém Woc̄iwiñ.

N̄impa Jesús iga odoy cian̄seedaȳi

(Lc. 6:29-30)

³⁸ 'Michtam immaton̄neta iga n̄imyaajpa wiñgam: "Siiga i iñácscutedáypa iixcuy tum p̄ixiñ, jesic jém p̄ixiñ ician̄seedáypa, iñácscutedáypatim iixcuy. Siiga i iñacxquímáypa it̄its tum p̄ixiñ, jesic ician̄seedáypatim, iñacxquímáypatim it̄its." ³⁹ Pero ich mannímáypa: Siiga i mimalwadáypa, odoy cian̄seedaȳi. Siiga i micótsáypa iñ̄acpac, jesic j̄igaayi iga micótsáȳiñtim tun̄gac lado. ⁴⁰ Siiga i miquejajwadáypa iga mitobáypa jém iñyooti, jesic ch̄it̄im jém iñchamarra. ⁴¹ Siiga i mip̄im̄iypa p̄im̄im̄i iga in̄inigáȳiñ algun ti tum kilómetro, nan̄igaayi dos kilómetro. ⁴² Siiga i miwágáypa algun ti, jesic ch̄i. Siiga i miñucsóypa alguna cosa, jesic acnúcsi, odoy n̄imaayi iga da manchiiba.

W̄i iga tantoyt̄amiñ jém tánenemigoyaj

(Lc. 6:27-28, 32-36)

⁴³ 'Immaton̄neta juuts n̄imyaajpa jém p̄ixiñtam: "Toytaami jém iñamigo, pero j̄oyixtaami jém iñenemigo." ⁴⁴ Pero ich mannímáypa iga: Toytaami jém iñenemigoyaj. Odoj

malnımaytaami jém mimalnımayñewı̄p. Wı̄wadaytaami jém mijóyixpaap. Anı̄wejpáttáami Dios iga iwı̄wadáyı̄ñ jém pı̄xiñtam jém mimalwadayñewı̄p. ⁴⁵ Siiga inı̄wattámpa jempic, jesic michı̄ytámpa juuts tanı̄Jatunı̄ Dios mimanı̄ctam jém itwı̄p sı̄nyucmi. Porque jém tanı̄Jatunı̄ Dios icpijpa jama para jém malopic y para jém wı̄bic. Dios icchijóypa tuj para jém tsampic tı̄ncaı̄y y para jém dapic tı̄ncaı̄y. ⁴⁶ Siiga nada más inı̄foytámpa jém mitoyajpaap, ¿que inı̄jı̄spa iga Dios miwı̄wadáyı̄pa? Porque jém malopic pı̄xiñtam, jém ichécyajpáppic impuesto, itoypatim jém iamigoyaj. ⁴⁷ Siiga inı̄dioschiiba nada más jém inı̄tı̄witam, ¿que inı̄jı̄spa iga inı̄wı̄watpa? Jém dapic iixpı̄cpa Dios idioschı̄yajpatim jém itı̄witam. ⁴⁸ Siempre wı̄wattaami juuts iwı̄watpa jém tanı̄Jatunı̄ Dios jém itwı̄p sı̄nyucmi.

6

Jutsap tanyoxpát jém tantı̄witam

¹ Odoy nı̄manı̄taayajı̄ iga inı̄watpa juuts ixunpa Dios iga miı̄xyajı̄ñ jém pı̄xiñtam porque siiga inı̄watpa jempic, jesic jém tanı̄Jatunı̄ Dios jém itwı̄p sı̄nyucmi da michiiba jém inı̄coñwı̄yooyi. ² Jeeyucmi mannı̄máypa cuando inı̄yoxpátı̄pa jém yaachayajpaap, odoy i anı̄madaayı̄ iga inı̄wı̄watne. Jém malopic pı̄xiñtam, jém nı̄manı̄taayapaap iga icupı̄cyajpa Dios, siiga iwı̄watı̄yajpa, tsam inı̄madayı̄yajpa i quej iga cujı̄ptaiñ. Inı̄matpatim anı̄sı̄cmi y jém sinagoga titam iwı̄watı̄yajpa. Tsam iwı̄anı̄jamyaj iga cujı̄pyajı̄ñ. Numa mannı̄máypa iga jeeyaj ipı̄ctsonı̄neyajum jém ı̄coñwı̄yooyi. ³ Cuando inı̄chiiba algun ti jém yaachayajpaap, odoy jı̄ci iga jém anı̄nı̄mı̄pic inı̄ci ijodonı̄ ti iwı̄watpa jém anı̄wı̄mı̄pic inı̄ci. ⁴ Yamwatı̄, jesic tanı̄Jatunı̄ Dios icutum miı̄xpa. Je michiiba jém inı̄coñwı̄yooyi.

Jutsap tanaı̄wejpát Dios (Lc. 11:2-4)

⁵ Cuando inı̄ı̄wejpáttámpa Dios, odoy wattaami juuts iwı̄watı̄yajpa jém nı̄manı̄taayapaap iga icupı̄cyajpa Dios. Tsam iwı̄anı̄jamyajpa iga inı̄wejpátyajpa Dios jém sinagoga o jém calle anı̄naca iga iı̄xyajı̄ñ jém pı̄xiñtam. Numa mannı̄máypa iga ipı̄ctsonı̄neum jém ı̄coñwı̄yooyi. ⁶ Pero mimichtam cuando inı̄ı̄wejpáttámpa Dios, tı̄gyı̄ jém inı̄tı̄cjom, anı̄pajı̄ jém inı̄tı̄c, anı̄wejpaati Dios jém miwaganaitwı̄p jı̄t da i miı̄xpa. Dios iı̄xpa itumpı̄y cosa jém inı̄yamwatnewı̄p, michiiba jém inı̄coñwı̄yooyi.

⁷ Cuando inı̄ı̄wejpátı̄pa Dios, odoy nı̄mi jeetim jeetim anı̄mı̄ti jém dapic tayoxpátı̄pa juuts iwı̄watı̄yajpa jém tı̄ngac pı̄xiñtam jém iı̄ı̄syajpaap jém tı̄ngac dios jém watnas. Iı̄ı̄syajpa iga imatónı̄yapa jém watnas porque watcı̄y nı̄mpa jeetim jeetim anı̄mı̄ti. ⁸ Odoy watı̄ jempic juuts iwı̄watı̄yajpa jeeyaj porque tanı̄Jatunı̄ Dios ijodonı̄ titam mitogóyay antes que inı̄wágáypa. ⁹ Jeeyucmi mannı̄máypa, cuando inı̄ı̄wejpáttámpa Dios, nı̄mı̄taami yı̄mpic: Manı̄Jatunı̄ Dios, miıtı̄wı̄p sı̄nyucmi, agui cuáyne mich inı̄ı̄yı̄.

¹⁰ Wı̄ iga mı̄ñı̄ñ jém jama iga inı̄ı̄jacpa yı̄p naxyucmi.

Watı̄ yı̄p naxyucmi juuts mich inı̄wı̄anı̄jam, juutstim inı̄watpa sı̄nyucmi.

¹¹ Achı̄ı̄taami yı̄p jama titam anı̄cúttámpa.

¹² Awadaytaami perdón jém antı̄nca juutstim aı̄chtam anı̄wadayñeta perdón jém amalwadayñewı̄p.

¹³ Awattaami cuenta iga odoy i wı̄ı̄ñ acutıtsta iga acmalwattámpa.

Agui miwı̄, manı̄Jatunı̄ Dios.

Mich más mı̄pı̄c mı̄njagooyi.

Inı̄it itumpı̄y jém impı̄mi.

Da nunca micuyajpa. Amén.

¹⁴ Porque siiga inwadáypa perdón jém mimalwadayñewiip, jesiç miwadáypatim perdón jém tanJatun Dios jém itwiip sinyucmi. ¹⁵ Pero siiga da inwadáypa perdón jém mimalwadayñewiip, jesiç tanJatun Dios datim miwadáypa perdón jém inñánca.

Jutsap tanwat jém ayuno

¹⁶ 'Cuando inwattámpa ayuno odoy anyáguiñ inñámooyi juuts iwatyaj jém nimanñtaayapaap iga iixpicyajpa Dios. Odoy nanquejtaji iga inwatne ayuno. Numa mannímáypa iga jeeyaj iniitum jém icoñwiyooyi. ¹⁷ Pero mimichtam cuando inwattámpa ayuno jetstaami inway, jíftaami inwiñpac, ¹⁸ iga jém pixiñtam odoy icutiñyíyini iga inwatne ayuno. Jém tanJatun Dios icutum ijodon iga inwatne ayuno, jesiç michiiba jém incoñwiyooyi.

Jém sinyucmic riqueza (Lc. 12:33-34)

¹⁹ 'Odoy anñtuumañwati jáyan riqueza yíp naxyucmi jut icútpa jém wechi, jut tsam jómpa, jut tigiyyajpa jém númyajpaap. ²⁰ Anñtuumañwati jáyan riqueza sinyucmi jut da icútpa jém wechi ni datim jómpa, jut da tigiyyajpa jém númyajpaap. ²¹ Porque jut inñtuumañwatne jém inñriqueza jemtim it inñanama.

Jém tánixcuy tum jucti para jém tammijtay (Lc. 11:34-36)

²² 'Jém inñixcuy jex juuts tum wibic juctianñsoça para jém immijtay. Siiga wi jém inñixcuy, jesiç itumpiy jém immijtay it jém juctianñsoçajom. ²³ Siiga da wi jém inñixcuy, itumpiy jém immijtay it piichcim. Siiga pichñe jém juctianñsoça, tsam pimi piichcim miit.

Da wiap tançuyoxap Dios y jém tumiñ (Lc. 16:13)

²⁴ 'Da i wiap icuyoxa wisten iomi. Porque siiga itoypa tum, jesiç ijóyixpa tungac. Siiga iwñanigáypa tum, jesiç tungac da iwñanigáypa. Da i wiap icuyoxa Dios siiga tsam itoypa jém itumiñ.

Dios iwatpa cuenta jém imanictam (Lc. 12:22-31)

²⁵ 'Jeeyucmi mannímáypa iga: Odoy jisi jut impicpa titam inçútpa ni titam inñucpa para miitpa yíp vida. Odoy jisi jut impicpa jém impuctucu para jém immijtay. Más wi jém invida que jém inwícuy. Más wi jém immijtay que jém impuctucu. ²⁶ Ixi jém jonyaj jém quecpaap. Da ñipyajpa, datim ipinyajpa jém cosecha iga icáypa tum ticjom. Pero icwícpa jém tanJatun Dios jém itwiip sinyucmi. Mich más miwi que jém jonyaj. ²⁷ Siiga tsam inñjisa, ¿que wiap inñyon uxan más?

²⁸ '¿Tiiga tsam inñjisa jut impicpa jém impuctucu? Jistaami jém wibic moya jém nayñewiip copjom. Je da yoxap ni da pitpa. ²⁹ Pero ni jém rey Salomón cuando tsam wicuyajne, da ictsíypa iwí juuts jém wibic moya. ³⁰ Dios tsam iwíaccuyajne jém moya, jém itwiip copjom, pero jomyi jípsquetpa. Mimichtam da inwícupicne Dios, pero je más mitoypa que jém moya. ³¹ Jeeyucmi mannímáypa odoy jisi jut impicpa titam inçútpa y titam inñucpa. Odoy jisi jut impicpa jém impuctucu. ³² Porque jexpic jixi iniit jém ñapic icupicyajpa Dios. Tsam imétsyajpa itumpiy jexpic cosa, pero mimichtam iniit tum inñjatun sinyucmi. Ijodon titam mitogóyay. ³³ Wiñti métstaami jutsap inñtigiya jut injacpa Dios y jutsap inwatta jém witampic cosa juuts ixunpa Dios, jesiç ocmi Dios michiiba titam mitogóyay. ³⁴ Odoy jisi titam mitogóyaypa para jomyi porque jomyi it tiempo iga inñjispatim. Cada jama iniit jém da wibic cosa.

7

Odoy jisi iga tsam táŋcaíy jém iñtíwi
(Lc. 6:37-38, 41-42)

¹ 'Odoy jisi tungac p̄ixiñ iga táŋcaíy, jesic Dios datim mijisáypa mich iñtánca. ² Siiga tsam iñjisa iga táŋcaíy tungac p̄ixiñ, jesic Dios mijisáypatim mimich iñtánca. Miquípsaytaptim con jeetim quipsóycuy jém impicnew̄ip iga inquíps. ³ ¿Tiiga íñixáypa jém iñtíwi tum xutu puchi iixcom? ¿Que da iñjampa jém mijpic cuy íñixcom? ⁴ ¿Jutsap iññímáy jém iñtíwi iga mantobáypa jém puchi íñixcom cuando michgacti iniittim tum mijpic cuy íñixcom? ⁵ Tsam minimigóyaytap iñyaac. Wiñti topi jém cuy íñixcom, jesic inw̄ixáypa jém puchi jém iñtíwi iixcom.

⁶ 'Odoy chi jém wibic cosa jém Diospic im̄ichi jém malopic p̄ixiñtam juuts jém chimpayaj. Porque da iw̄ixyajpa jém Dios im̄ichi, mimalwadáypatim mex mimich. Odoy coti jém perla, jém wibic tsa, jut ityaj jém yoya. Wiap icunepnepquetyaj.

Jutsap tampictson titam tatogóyáy
(Lc. 11:9-13; 6:31)

⁷ 'Wágaytaami Dios titam mitogóyáy, je michiiba. Métstaami jém w̄itampic cosa, jesic impátámpa. Ticstaami jém tic ipuerta, m̄ináyaytap. ⁸ El que iwágáypa Dios algun ti, chiitap. El que imétsa jém w̄itampic cosa, ipátpa. El que iticspa jém tic ipuerta, añáyaytap.

⁹ 'Siiga miwágáypa immanic tum caxtánañi, ¿que iñchiiba tum tsa? ¹⁰ Siiga miwágáypa immanic tum tiipi, ¿que iñchiiba tum tsañ? ¹¹ Mimichtam tsam mimalotam, pero iñjodon jutsap iñchi immanic jém w̄itampic cosa. Pero jém tanJatun Dios, jém itw̄ip s̄inyucmi, je da malo; ichiiba jém imanictam jém w̄itampic cosa jém iwágaypápic.

¹² 'Jesic mimichtam w̄iwadaytaami jém tungac p̄ixiñtam juuts mimichtam iñxunpa iga miw̄iwadáypatim mex jeeyaj. Siiga inwattámpa jempic, jesic cupacpa itumpiy jém Moisés inquímayooyi con jém anm̄ati ijaychacnew̄ip jém wiñicpic Dios inmatc̄iwiñ.

Jém wayaypic puerta
(Lc. 13:24)

¹³ 'Tigiytaami jém wayaypic puerta. Porque w̄iti jém puerta y tsam w̄iti jém tun jém nicpápic jut togoyajpa jém p̄ixiñtam. Tsam jáyan nicyajpa jem. ¹⁴ Wayay jém puerta y wayaytim jém tun jém nicpápic jut ipictsonyajpa jém vida jém dapic cuyajpa. Da w̄ati jém p̄ixiñtam ipátayajpa jém tun iga tigiyajpa jem.

Ixpictap jém cuy por jém itim
(Lc. 6:43-44)

¹⁵ 'Nawattaji cuenta iga odoy mimigóyáyíñ jém malopic p̄ixiñtam, jém niman̄taayapaap iga icuyoxap Dios. Miñpa juuts tum wibic p̄ixiñ, pero miñpa imalwadáy jém Dios ip̄ixiñtam. Juuts jém lobo icunumpa jém borrego. ¹⁶ Mimichtam wiap íñixpicta juutspic p̄ixiñ cuando íñixtámpa ti iwatpa. Mich iñjodon iga da tantúcpa wibic uvas chicxchayyucmi. Da tantúcpa tsuj ap̄itcuyyucmi. ¹⁷ Jém wibic cuy da chióypa malopic tim. Jém malopic cuy da chióypa jém wibic tim. ¹⁸ Jém wibic cuy da wiap ichiáy jém malopic tim. Jém malopic cuy da wiap ichiáy jém wibic tim. ¹⁹ Itumpiy jém cuy, jém dapic chióypa jém wibic tim, tinquímtap. Nooquettap juctjom. ²⁰ Jesic mimichtam íñixpictámpa juutspic p̄ixiñ cuando íñixpa siiga iw̄iwatpa o imalwatpa.

Da itumpiy tigiyapa jut injacpa Dios
(Lc. 13:25-27)

21 'Wati jém p̄ixiñtam anímayyajpa iga: “MánQ̄mi, mánQ̄mi”, pero da itump̄iy tigiyayjpa jūt injacpa Dios. Nada más tigiyayjpa jém iwatneyajw̄ip juuts ixunpa tanJat̄uñ Dios jém itw̄ip siñyucmi. 22 Cuando núcpa jém jama, jesic jáyan jém p̄ixiñtam anímayyajpa: “MánQ̄mi, mánQ̄mi, ¿que da anañmatta jém Dios in̄māti mich iññiȳimi, que da antopta jém mal espíritu mich iññiȳimi, que da añwatta jáyan jém w̄ib̄ic milagro mich iññiȳimi?” 23 Jesic ich annímáypa jeeyaj: “Da mánixpicpa. Nicstaami mimichtam, tsam immalwatneta.”

Jém wisten tic ibase

(Mr. 1:22; Lc. 6:47-49)

24 'Jém p̄ixiñ imaton̄pa ich anañmāti y iwatpa juuts annímáypa jex juuts tum p̄ixiñ tsampic j̄ixīy iga iwatpa tic. Icp̄im̄ap tum tsaayucmi. 25 Ocmi tsam p̄imi chijóypa tuj. Compa jém ni. Tsam p̄imi poypa jém sawa. Ictsiypa jém tic, pero da cutiñpa porque p̄imane tsaayucmi. 26 Tun̄gac imaton̄pa ich anañmāti, pero da iwatpa juuts annímáypa. Je jex juuts tum p̄ixiñ ðapic j̄ixīy. Iwat tum tic, pero icp̄im̄ap pooyucmi. 27 Ocmi tsam p̄imi chijóy tuj, compa ni, p̄imi poypa jém sawa. Ictsiy jém tic, iccutiñ, da ti ts̄iy.

28 Jesic cuando yaj in̄mat Jesús jém in̄químayooyi tsam ipooñanjamyajpa jém p̄ixiñtam, 29 porque in̄quejáypa juuts tum añjagooyi da jex juuts jém escribasp̄ic maestroyaj.

8

Jesús icp̄is tum p̄ixiñ jém iniitw̄ip jém lepra caacuy

(Mr. 1:40-45; Lc. 5:12-16)

1 Cuando quet Jesús jém c̄otsicyucmi, itún̄ȳȳaj jáyan jém p̄ixiñtam. 2 Jesic miñ tum p̄ixiñ tsam mimne, cupúgayñe iñaca, iniit jém lepra. Icosteeñáy jém Jesús. N̄impa jém mimnew̄ip:

—MánQ̄mi, siiga in̄w̄ian̄jam, w̄iap anacp̄is.

3 Jesic Jesús ichiccunúc jém p̄ixiñ, iñímáy:

—Añw̄ian̄jam. Micuáyñeum.

Jesic yaj n̄imi jém Jesús, pisum jém p̄ixiñ, w̄its̄iyum jém iñaca. 4 Jesic Jesús iñímáy jém p̄ixiñ:

—Odoy i añmadaayi iga ich manacp̄is, pero n̄igi añquejaayi jém pan̄ij iga michacneum jém caacuy. Jesic ch̄i Dios jém ofrenda juuts n̄impa jém Moisés in̄químayooyi iga miixtap iga n̄uma mip̄isneum.

Acp̄ist̄a jém capitán imozo

(Lc. 7:1-10)

5 Jesic núc Jesús jém atebet Capernaum. Tum Romap̄ic capitán icunúc Jesús, moj icunucsáy. 6 N̄impa jém capitán:

—Maestro, mimne actiñ tum woñ̄jaych̄ixi anticc̄im, tum jém añcuyoxapaap. Tusacane icumuma. Tsam p̄imi yaachap̄ixi.

7 Jesús iñímáy:

—Nicpa anacp̄is.

8 N̄impa jém capitán:

—Maestro, da w̄i iga miñicpa anticc̄im porque mich agui w̄ib̄ic mip̄ixiñ, ich tsam atañcaiy. Nada más p̄im̄iyi jém caacuy iga ichaguiñ jém añcuyoxapaap, jesic p̄ispa. 9 Porque ich anaiftim tum anañjagooyi iga ap̄im̄iypa. Ich anaiftim soldado jém amp̄im̄iypaap. Siiga annímáypa jém ansoldado iga n̄iguiñ, jesic tienes que nicpa. Siiga annímáypa iga miñiñ, jesic tienes que miñpa. Siiga amp̄im̄iypa tum jém acuyoxapaap iga iwadiñ alguna cosa, jesic tienes que iwatpa.

¹⁰ Jesic mimaton jém Jesús junimpa jém capitán, agui ipooñanjam. Iñímáy Jesús jém itúnjyayjaap:

—Numa mannímáypa, icuwiti tannación de Israel da ampát ni tum pxiñ wíap icupic Dios juuts yíp capitán. ¹¹ Mannímáypatim iga tsam jáyan pxiñtam jém dapic je de Israel miñyajpa jutquej yíp naxyucmi. Miñyajpa anñisaumipic y anyomsaumipic. Iwaganacoñyajpa jém wiñcpic anmatcwiñ jém Abraham, Isaac y Jacob jut injacpa Dios. ¹² Pero wati jém Israelpic pxiñtam jém iniitwip derecho iga tigypa jut injacpa Dios, quebacputyajtap. Tsacyajtap anñicmi jém piichcím. Jemum tsam weyjajpa, tsam iñichyajpa itits.

¹³ Jesic Jesús iñímáy jém capitán:

—Nicsim iñticmi. Mich incupic iga Dios miwadáy juuts mich iñxunpa. Jempam iwat. Jeeti hora pisum jém icuyoxapaap.

Pis jém Peto imidapa

(Mr. 1:29-31; Lc. 4:38-39)

¹⁴ Cuando núc Jesús jém Peto iticcím, iix iga wone icheesmi jém Peto imidapa. Tsam pimi jawañy. ¹⁵ Jesic Jesús ichigáy jém yomo ici. Ichac jém jawañ, jeeti rato tsucum, moj icwicyaj jém Jesús con icuyujcwiñ.

Jesús icpis jáyan jém mimneyajwip

(Mr. 1:32-34; Lc. 4:40-41)

¹⁶ Jesic piichawum iti, jém pxiñtam inimíñayyaj Jesús jáyan jém iniitwip jém mal espíritu. Itop jém mal espíritu, nada más ijyáypa iga pudiñ. Icpis itumpiy jém mimneyajwip. ¹⁷ Jempam iwat Jesús iga cupacpa jém anmatí juuts ijaychacne jém wiñcpic anmatcwiñ jém Isaías. Nimpa: “Je iyaac ipictson taichtam tancaacuy. Ipictson itumpiy jém yaachaji.”

Wati itúnjytooba Jesús

(Lc. 9:57-62)

¹⁸ Jesic cuando iix Jesús iga antuumayajpa tsam jáyan pxiñtam, iñímáy jém icuyujcwiñ:

—Tanictámpa jém laguna anwiñtuc.

¹⁹ Jesic miñ tum jém escribaspic maestro. Iacunuc jém Jesús, iñímáy:

—Maestro, mantúnjyapa jutquej jut miñicpa.

²⁰ Jesús iñímáy jém pxiñ:

—Jém zorra iniit ijos jut monpa. Jém jon iniittim ipeeñi. Pero ich, jém aMiññewip Siñyucmi, da anaj jut anaczejpa ançobac.

²¹ Jesic tunçac jém icuyujcwiñ iñímáy jém Jesús:

—Mánomi, ajígaayi iga wiñti nicpa ançum jém anjatun. Ocmi mantúnjyapa.

²² Pero Jesús iñímáy:

—Miñi atúnjyí. Tsaci jém caaneyajwip iga nacumyajtap jeeyaj.

Jesús icteeñanjacpa jém sawa y jém nipoa

(Mr. 4:35-41; Lc. 8:22-25)

²³ Jesic Jesús tigiy tum barcojom. Tigiytim mex jém icuyujcwiñ. ²⁴ Ocmi moj poyi jém sawa jém laguna. Tsam pimi poypa hasta tigypa ni jém barcojom. Pero monpa Jesús.

²⁵ Jesic jém icuyujcwiñ nic ichicyus. Iñimayyaj:

—Mánomi, aciacputtaami porque tacumonjampam niçím.

²⁶ Jesic Jesús iñímáy:

—¿Tiiga tsam micinjámpa? ¿Que da incupicpa ni uxañ iga Dios miyoxpátpa?

Jesic tsucum Jesús, iñímáy jém sawa y jém nñpoa iga teeñanjaguiñ. Jesic teeñanjac jém sawa y jém nñpoa. Dam ti tsigóypa. ²⁷ Jém icuyujcñwiñ agui ipooñanjamyaj. Nanímayyajtá entre jeeyaj:

—¿Iapaap yíp pñxiñ iga iñímáy jém sawa y nñpoa iga teeñiñ y icupicpa?

Jém Gadarapic pñxiñ jém imatsnewñp jém mal espíritu
(Mr. 5:1-20; Lc. 8:26-39)

²⁸ Jesic cuando núc Jesús jém laguna añwiñtuc jém naxyucmi de Gadara, ipát wisten pñxiñ jém imatsnewñp jém mal espíritu. Putyaj jém camposanto, icunúcyaj Jesús. Tsam pñimi maloyaj juuts tum jimñi animat. Tsam pñimi icñyaypa jém ityajwñp jem, da i wiap iñas jém tunjom. ²⁹ Jesic pñimi jyyaypa jém wisten. Nimyaj:

—¿Tiiga mitigñycúmpa con aichtam? Mich miJesús jém Yucmñpic Dios miManic. ¿Que mimiñ yim iga anyaachwattámpa antes que danam núcpa jém iñanpñic jama?

³⁰ Jesic da más juumi ityaj tsam jáyan yoya. Wícpa ixñiyaj. ³¹ Jesic jém mal espíritu icunucsáy jém Jesús. Nimpa:

—Siiga antoptámpa, ajígaytaami iga atigñyapa jém yoya iñanamanjom.

³² Jesic Jesús iñímáy:

—¡Nicsim!

Jesic putyajum jém mal espíritu. Tigñyyaj jém yoya iñanamanjom. Jesic póyanñsucumyay jém yoya. Poyimi quetyaj jém tejayucmi, actñyay jém laguna, jicjiccayaj nñicim.

³³ Tsam pñimi ichiganjécyaj jém iwatyajpáppic cuenta jém yoya. Poyimi nicyajpa iticmi. Cuando núcyaj, moj iñmadayyaj los demás ti iñasca jém imatsnewñp idic jém mal espíritu. ³⁴ Jesic itumpñy jém ityajwñp jém atebet, nic iámyaj jém Jesús. Cuando iixyay, icunucsayyajpa iga cáyiñ de jém naxyucmi de Gadara.

9

Acpñstap tum pñxiñ tusacanewñp
(Mr. 2:1-12; Lc. 5:17-26)

¹ Jesic tigñy Jesús tum barcojom, eybic jac jém laguna añwiñtuc. Nic iticmi. ² Jesic algunos inimiñayyaj Jesús tum mimnewñp, tusacane icumuma. Wone tum tseesyucmi mu inimiñyay. Cuando Jesús iix iga tsam icupicyajpa iga Dios wiap icpñs, jesic iñímáy jém mimnewñp:

—Manic, maymáyañi, miwadayñeta perdón jém iñtáñca.

³ Ittim jem jutén escribapñic maestroyaj. Ijñsyajpa ijñxianjom: “Yíp pñxiñ icujñyapa tanDios.” ⁴ Pero Jesús ijodonñ ti sñp ijñsyaj, jesic iñímáy:

—¿Tiiga iniit jém malopñic jñxi iñanamanjom? ⁵ ¿Júp más da táñca iga annímáypa yíp pñxiñ iga: “Manaccáyáypa iñtáñca”, o iga annímáypa: “Tsucumi, wñtim”?” ⁶ Nñmtim Jesús:

—Pero iga iñjodonñata iga jém Miññewñp Sñyucmi iniit jém ipñimi iga wiap iccáyáy jém pñxiñ itáñca yíp naxyucmi (jesic iñímáy Jesús jém tusacanewñp): Tsucumi, pññim jém iñchees, nicsim iññicim.

⁷ Jesic tsucum jém pñxiñ, nñcum iticim. ⁸ Cuando iixyay jém pñxiñtam ti iwat Jesús, tsam cñnyaj, icujñyaypa Dios iga icutsat yíp naxyucmi jém ipñimi.

Jesús iñwejay jém Mateo
(Mr. 2:13-17; Lc. 5:27-32)

⁹ Jesic moj nñqui Jesús. Iix iga jemum coñ jém calle aññaca tum pñxiñ ichécpa jém impuesto. Iññyi Mateo. Jesic Jesús iñímáy:

—Atúññyi.

Tsucum jém Mateo, nic itúññy jém Jesús.

¹⁰ Jesic ocmi iganam wícpa Jesús jém Mateo iticcim, núcyaj jáyan jém ichécyajpaap impuesto con tungac jém táñcaiywíip. Miñ iwaganacoñyay jém Jesús con jém icuyujcñwiñ.

¹¹ Jesic cuando jém fariseoyaj iixyay ti iwat jém Jesús, iñimayyay jém icuyujcñwiñ:

—¿Tiiga wagawícpa jém immaestro con jém ichécyajpaap impuesto y jém tungac táñcaiywíip?

¹² Cuando imaton Jesús ti nımyajpa, iñímáy jém fariseoyaj:

—Jém dapic mimne da ixunpa jém tsóyíoyopaap, pero jém mimneyajwíip ixunpa jém tsóyíoyopaap. ¹³ Nigi cuyujcai ti nimtooba jém Dios inmati jut jaychacneta: “Más wı iga iñtóyiñ jém iñtíwıtam que iga inwatpa jém sacrificio.” Jesaptim aich da miñ amméts jém dapic táñcaiy. Miñ amméts jém táñcaiywíip iga icucacyajiñ jém ijixi.

Jématpa Jesús de jém ayuno

(Mr. 2:18-22; Lc. 5:33-39)

¹⁴ Jesic miñyay jém Xiwan icuyujcñwiñ jém acchıoyopaap. Miñ icwácyaj jém Jesús. Nımyaj:

—¿Tiiga aichtam con jém fariseopic pıxiñtam tsam anwattámpa ayuno, pero mich inçuyujcñwiñ da iwatyajpa ayuno?

¹⁵ Jesús icutson. Nımpa:

—¿Que wıap inyácneyaj jém anwejayñetawíip jut it tum ancoomıyóycuy iganam it jém yoomıyopaap? Pero núcpa jama cuando accáytaap jém yoomıyopaap, jesic numa iwatyajpa ayuno.

¹⁶ Jesic inquejáytım iga jém jomıpic anquımayooyi da iwınanigáypa jém wiñıcpic jıxi. Nımpa:

—Da ı inótospa tum pecapic yooti con tum jaca jompuctucu. Porque siiga iwatpa jempic, nıanxichpa jém jomıpic puctucu, más pımi jacpa jém pecapic puctucu jut antótsne.

¹⁷ Da ı icucompa jomvino jém pecapic cuero bolsajom. Porque siiga jempic iwatpa, to-jansajpa jém pecapic cuero bolsa, cutegáypa jém vino, togoypa jém cuero bolsa. Jeeyucmi cucomtaap jém jomvino jém jomıpic cuero bolsajom, jesic da togoypa jém bolsa ni jém vino.

Jém Jairo iyommanic y jém yomo jém ichıgaywıip jém Jesús ipuctucu

(Mr. 5:21-43; Lc. 8:40-56)

¹⁸ Iganam inmatpa Jesús, núc tum Israelpic anjagooyi. Icosteeñáy jém Jesús. Iñímáy:

—Yaguiñ ca jém anyommanic. Nigi tsiccunuuci jém anyommanic iga pıxiñ.

¹⁹ Tsucum Jesús. Iwagananicyaj jém anjagooyi con jém icuyujcñwiñ. ²⁰ Iganam nıquiyaj, tum yomo icunúc jém Jesús ituuñıncım. Tsam mimne. Doce amtıy imatsne jém caacuy iga quetpa iñıpiñ, da nunca teñpa. Ichıgáy jém Jesús iyooti inıaca. ²¹ Ijıspa jém yomo ijıxıanjom. Nımpa: “Siiga nada más antsıgáypa jém iyooti, jesic apıspa.” ²² Jesic ámsset Jesús, iix jém yomo. Iñímáy:

—Mıyomo, odoy cıñı. Tsam inçupıcpa iga Dios wıap micpıs, jeeyucmi mipısneum.

Jeeti rato pısum jém yomo.

²³ Cuando núc Jesús jém anjagooyi iticcim, iix iga it jém susyajpaap iga nıcpa icumta. Agui anyácneyaj jém pıxiñtam. Agui weyjajpa. Tsam it bulla. ²⁴ Iñímáy Jesús jém ityajwıip jém:

—Mımichtam puttaami anıcmı. Da nunta caane yıp woñı. Nada más monpa.

Pero tsam ixıccayajpa jém Jesús.

²⁵ Cuando cupodayyaj, jesic tigıy Jesús jém ticjom. Imatsáy jém woñı ici, tsucum jém woñı. ²⁶ Jesic icuwıti jém naxyucmi jodónata ti iwat jém Jesús.

Jesús icpıs wısten cáchı

²⁷ Jesic nic Jesús. Nas jut it wisten cáchtí. Moj itún̄iyyaj. Pimi anweyjajpa. Nimyaj:

—Mich mirey David mimanic, ayaachanjami.

²⁸ Cuando tigiyne Jesús tum ticjom, tigiyajtim jém cáchtí. Iacunúcyaj Jesús. Jesic Jesús moj icwác jém cáchtí. Iñimáy:

—¿Que incupictámpa iga ich awiap?

Nimyaj jém cáchtíyaj:

—¡¡, mánomi!

²⁹ Jesic Jesús ichigáy iixcuy jém wisten cáchtí. Iñimáy:

—Sip manwadáypa jempic porque mich tsam incupicpa iga Dios wiap miyoxpát.

³⁰ Jesic toj jém cáchtí iixcuy. Witsiyum. Jesic duro inquímpa Jesús iga odoy i inmadáyñ. Iñimáy:

—Odoy i anmadaayi iga manacpis.

³¹ Pero cuando nicneyaj jém cáchtipic idic, inmadayajpa i quej ti iwat Jesús icuwiti jém naxucmi.

Jesús icpis tum uma

³² Cuando yaj niquiyaj jém cáchtíyaj, namíñayta Jesús tum uma. Iniit tum mal espíritu jém pixiñ. ³³ Cuando tobayta jém mal espíritu mojum jiyi jém uma. Agui ipooñanjamyaj jém ityajwip jem. Nimyaj:

—Da queman tánix yicxpíc cosa yip naxucmi Israel.

³⁴ Pero jém fariseoyaj tsam jóyñeyaj. Nimyaj:

—Yip pixiñ wiap itop jém mal espíritu porque iniit jém Wocciwiñ ipimi.

Jesús iyaachanjampa jém pixiñtam

³⁵ Nic Jesús itumpiy jém atebetyaj y jém tiganjoj. Accuyujóypa jém sinagoga jut icuyujcayajpa jém Moisés inquímayooyi. Inmadáypa jém miññeyajwip jutsap itigiyaj jut injacpa Dios. Icpis itumpiy jém mimneyajwip y jém iniitwip wati jém caacuy. ³⁶ Pero cuando iix Jesús iga tsam jáyan miññeyaj, agui iyaachanjampa porque tsam yaachaneyaj, agui uuguayajtim juuts jém borregoyaj cuando da i iwatne cuenta. ³⁷ Jesic iñimáy Jesús jém icuyujcwiñ:

—Numa, juuts tum mijpic cosecha, tsam jáyan jém pixiñtam icupictooba Dios, pero jém yoxacwiñ, jém inmatyajpappic jém Dios inmati, da wati. ³⁸ Jeeyucmi mannimáypa, wágaytaami jém cosecha iQmi iga icutsadiñ jáyan jém yoxacwiñ iga ipinyajpa jém cosecha.

10

Jesús icupin jém doce icuyujcwiñ

(Mr. 3:13-19; Lc. 6:12-16)

¹ Jesic Jesús inwejay jém doce icuyujcwiñ. Ichi jém pimi iga waiñ itopyaj jém mal espíritu y iga waiñ icpisayaj itumpiy jém mimneyajwip y jém imatsnewip caacuy.

² Yipyaj iñiyi jém doce icuyujcwiñ jém apóstolyaj: Wiñti jém Ximój, iñiyitim Peto; jém Anti, jém Peto itiwí; jém Jacobo, jém Zebedeo imaníc; jém Xiwan, jém Jacobo itiwí; ³ jém Felipe; jém Bartolo; jém Tomax; jém Mateo, jém ichécpaap idic impuesto; jém Jacobo, jém Alfeo imaníc; jém Tadeo; ⁴ jém Ximój, jém itwip con jém partido cananista; jém Judas Iscariote, jém iwadaypaap atraición Jesús.

Cutsatyajta iga inmatyajpa Dios inmati

(Mr. 6:7-13; Lc. 9:1-6)

⁵ Jesic Jesús icutsat jém doce icuyujcwiñ iga inmatyajiñ jém wibic anmati. Iñimáy ti wiap iwatyaj. Nimayajta:

—Odoy nictaami jut it jem tungac pixiñtam jem dapic je de Israel. Odoy tigiyaami jem Samariapic iatbeteyaj. ⁶ Más wı iga miñictamiñ jut it jem Israelpic borregoyaj jem togoyñewiip. ⁷ Iganam miñicpa, anmati iga noco it jem tiempo iga Dios injacpa yıp naxyucmi. ⁸ Acpistaami jem cupúgayñewiip iñaca con itumpiy jem mimneyajwiip. Acpistaamitim jem caanewiip. Tobaytaami jem mal espíritu jem iniitwiip jem pixiñtam ianamanjom. Da mantségay cuando manchiita ampimi, jesic odoy tséctaami cuando inicpisa.

⁹ Odoy nanictaami tumiñ; ni plata, ni oro, ni cobre imbolsajom. ¹⁰ Odoy nanictaami immorral, ni wisten iñyoofı, ni tungac inçiac, ni imbastun, porque jem yoxaciwiñ wı iga chiitap jem iwıccuy.

¹¹ Cuando miñúctampa tum atebet o tum xutu tiganjoj, métstaami tum wıbic pixiñ jut miñúctampa. Jemum tsıyaami hasta que miñictampa tungac tiganjoj. ¹² Cuando mitigiytampa tum ticjom, dioschiı jem ityajwiip jem. Wagaayi Dios iga ichiñ bendición. ¹³ Siiga wıbic pixiñ ityaj jem ticjom, jesic Dios ichiiba jem bendición. Pero siiga malopic pixiñ ityaj jem ticjom, jesic Dios da ichiiba bendición. ¹⁴ Siiga da mipictsonpa ni da imatontooba titam ininmadáypa, jesic cuando miputtampa jem ticjom o jem tiganjoj, cunebaayi jem impuy ipótpót iga quejiñ iga da i mipictson. ¹⁵ Numa mannímáypa cuando núcpa jem jama iga Dios ichiiba castigo jem malopic, jesic más mijpic castigo chiitap jem dapic ipictson ich ananquímayooyi que jem ityajwiip jem atebet de Sodoma y Gomorra.

Nımayyajtı jem doce iga tsam malwadaytap

¹⁶ Amatontaami. Mimichtam mancutsatpa juuts tum miborrejo jut tsam it jem pajo. Wı iga agui mijáyayanjichich juuts tum tsañ. Pero naiftaami jem wıbic jıxi juuts tum cuucu dapic malo. ¹⁷ Nawattamtaji cuenta porque jem malopic pixiñ tsam mimatstooba, micijunotpa jem Sanhedrın icijjom. Micótstap jem sinagoga. ¹⁸ Mininictamtap hasta jem más mijpic anjagooyicim hasta jut it jem gobernador y hasta jut it jem reyyaj ich ançuyucmi. Jempigam wiap ininmadáy ich ananmati jem anjagooyiyaj y itumpiy jem tungacpic pixiñtam jem dapic je de Israel. ¹⁹ Pero cuando mininictamtap jem anjagooyicim, odoy jısi jutsap inçutsonja jem anjagooyi o ti iññímáypa porque jeeti rato Dios michiiba jıxi jutsap inçutson jem anjagooyi. ²⁰ Cuando inçutsonpa da mimichtam mijıypa. Jıypa jem Dios iAnama, michiiba jıxi, jesic wiap inçutson jem anjagooyi.

²¹ Núcpa jama iga algunos iwadáypa atracción jem iñuntatiwi iga accaataiñ. Jem jatunpic iwadáypatim atracción jem imanıc. Jem manıcpic iwadáypa atracción jem ijatun o jem iapa iga accaataiñ. ²² Itumpiy jem pixiñtam tsam mijóyixpa ich ançuyucmi. Pero siiga iñyaachiypa cuando miyaachwattap y da iñchacpa ich ananmati hasta jem inanpigam jama, jesic micıacputpa Dios. ²³ Cuando miyaachwattap tum atebet, jesic poytaami, nictaami tungac atebet. Numa mannímáypa iga antes que da yajpa iññasca jem tiganjoj de Israel, núcpa jem Miññewiip Sınyucmi.

²⁴ Tum maestro icuyujciwiñ da wiap iñasca jem imaestro. Tum esclavo da wiap iñasca jem iomi. ²⁵ Itum wı siiga jem maestro icuyujciwiñ tsıy juuts jem imaestro, siiga jem esclavo tsıypa juuts iomi. Siiga nımaytap jem jatunpic iga Beelzebú, jesic malnımaytapim jem ityajwiip itıccim.

I wiap tançıj (Lc. 12:2-7)

²⁶ Odoy cıntaami jem malopic pixiñtam. Dios inquejpa itumpiy jem jıxi jem anyamnewiip. Jodónatap itumpiy jem jıxi jem anécnewiip. ²⁷ Titam manyamnímáypa, mimichtam

añmattaami jém p̄ixiñtámanj̄om. Titam manyamnímáypa, añmattaami jutquej iga imatonjajíñ itumpiy jém p̄ixiñtam. ²⁸ Odoy c̄iñtaami jém p̄ixiñ jém wiapaap miccaáy jém immijtay porque jém íñanama da wiap miccaáy. Más w̄i iga in̄c̄iñtámpa Dios jém wiapaap miccaáy immijtay y jém íñanama icotpa jém juctj̄om jut da nunca p̄ichpa.

²⁹ 'Maytap wisten xuxut jon por tum centavo, pero ni tum de jém jonyaj da cutiñpa naxyucmi siiga jém tanjatun Dios da ijícpa. ³⁰ Dios imayñe itumpiy jém inway jutēn iniit jém in̄cobacyucmi. ³¹ Jeeyucmi mannímáypa, odoy c̄iñtaami. Más mitoypa Dios que jém xuxut jonyaj.

Jém dapic in̄nécpa iga icupicpa Cristo
(Lc. 12:8-9)

³² 'Itumpiy jém inmatyajpáppic jém p̄ixiñtámanj̄om iga acupicpa, jesic ampictsonpa siñyucmi jém anjatun Dios iwiñj̄om. ³³ Pero siiga tum p̄ixiñ in̄nécpa iga acupicpa jém p̄ixiñtámanj̄om, jesic da ampictsonpa siñyucmi jém anjatun Dios iwiñj̄om.

Nawécyajtap jém p̄ixiñtam jém Cristo icuyucmi
(Lc. 12:51-53; 14:26-27)

³⁴ 'Odoy j̄isi iga amiñ ȳip naxyucmi iga ananj̄iyjacpa jém añayajpáppic. Da anamiñ jém paz, anamiñ jém espada. Ich añcuyucmi tsam añayajpa ȳip naxyucmi p̄ic. ³⁵ Ich miñ anactsucum iga añayajíñ tum p̄ixiñ con ijatun, iga añayajpa tum yomo con iapa, iga tun̄gac yomo añayajpa con ixaqui. ³⁶ Jém ityajw̄ip in̄t̄icj̄om tsíyyajpa iga íñenemigoyaj.

³⁷ 'Siiga más in̄toypa in̄jatun o in̄apa que antoypa aich, da wiap in̄ch̄iy juuts ich mamm̄ichi. Siiga más in̄toypa jém in̄jaymanic o in̄yommanic que antoypa aich, da wiap in̄ch̄iy juuts ich mamm̄ichi. ³⁸ Jém dapic ijícpa iga yaachwattap juuts ich ayaachwattap y atún̄j̄ypa, da tsíypa juuts ich amm̄ichi. ³⁹ Siiga tum p̄ixiñ tsam ij̄ispa jém ivida iga odoy togóyíñ, jesic togoypa jém ivida. Pero siiga togoy tum p̄ixiñ ivida ich añcuyucmi, jesic iniitpa jém ivida.

Chiijajtap w̄ibic coñw̄iyooyi jém ipictsonpáppic jém Dios in̄mátc̄iwiñ
(Mr. 9:41)

⁴⁰ 'Jém mipictsonpaap mimichtam, apictsonpatim aich. Jém apictsonpaap aich, ipictsonpatim jém anjatun Dios jém acutsatnew̄ip ȳip naxyucmi. ⁴¹ Jém ipictsonpaap tum jém Dios in̄mátc̄iwiñ porque icutsat Dios tienes que ipictsonpatim jexpictim coñw̄iyooyi juuts ipictsonpa jém Dios in̄mátc̄iwiñ. Jém ipictsonpaap tum w̄ibic p̄ixiñ iga iw̄iwadáypa, je tienes que ipictsonpatim jexpictim coñw̄iyooyi juuts ipictsonpa jém w̄ibic p̄ixiñ. ⁴² Siiga i ichiiba tum taza pagac ni tum jém añcuyujc̄iwiñ ich añcuyucmi, numa mannímáypa iga je ipictsonpa tum w̄ibic coñw̄iyooyi.

11

Jém Xiwan jém acch̄iñoypaap
(Lc. 7:18-35)

¹ Jesic cuando yaj in̄ímáy Jesús jém doce icuyujc̄iwiñ ti wiap iwatyaj, moj niqui Jesús. Nic in̄quejáy jém p̄ixiñtam itumpiy jém atebetyaj jém naxyucmi de Galilea. Inmadáy jém Dios in̄mat̄i.

² Jém Xiwan jém acch̄iñoypaap pajnet̄a cárcel. Cuando imaton̄ ti iwat jém tán̄omi Cristo, jesic icutsat wisten jém icuyujc̄iwiñ iga niguiñ icwácyaj Jesús. ³ Cuando núcyaj jut it Jesús, moj icwácyaj. N̄imyaj:

—¿Que micham jém miCristo jém miñpaap ȳip naxyucmi o ananj̄óctámpa tun̄gac?

⁴ Jesús icutson̄. In̄ímáy:

—Nigi nímaayi jém Xiwan ti íñixñeta y ti immatoneta. ⁵ Anmadaytaami iga ixixóypam jém cáchti, witpam jém cuxujpic idic, pisneum jém cupúgayñewiip idic iñaca, matónóypam jém chajca, pisneum jém caaneyajwiiip idic y jém yaachayajpaap ipictsonyay jém wibic anmafi iga Dios iciacputpa. ⁶ Agui maymay jém pxiñ jém dapic ijicpa iga i ictsacpa ich anmafi.

⁷ Cuando nicyaj jém Xiwan icuyujcwiñ, jesic jém Jesús moj inmadáy jém pxiñtam iga wibic anmatcwiñ jém Xiwan. Nímayyajta:

—¿Ti oy íñámta jém titsinaxyucmi? ¿Que oy íñámta tum pxiñ dapic wiaap juuts tum poc jém aguipic ictsigóypa sawa? Da je. Oy íñámta tum pxiñ wiaapaap. ⁸ ¿Que oy íñámta tum pxiñ agui wicuyajne? Da je. Tanjodonam iga jém wicuyajnewiip ityaj jém rey iticcim. ⁹ ¿Que ti oy íñámta jém titsinaxyucmi? ¿Que oy íñámta tum Dios inmatcwiñ? Numa tum anmatcwiñ más wiaap que itumpiy jém wiñicpic anmatcwiñ. ¹⁰ Nimpa jém Dios inmati ti iwatpa jém Xiwan:

Dios icutsatpa tum anmatcwiñ iga iwitsagáypa jém Cristo ituj.

Jém anmatcwiñ anjagoyñeeba iñic.

Ocmi ituuñiancim miñpa jém Cristo.

¹¹ Numa mannímáypa iga icuwiti yip naxyucmi da i tunjac pxiñ más wiaap que jém Xiwan jém acchíoyapaap. Pero cuando núc jém tiempo iga injacpa Dios, jém más xutupic jém Dios ipxiñtam más wiaap que jém Xiwan.

¹² Dende núc jém Xiwan, jém acchíoyapaap, hasta siip jém pxiñtam tsam tigiyajtooba pimimi jut injacpa Dios. ¹³ Jém Moisés inquímayooyi con itumpiy jém wiñicpic anmatcwiñ inmatyay ti miñpa. Cuando núc jém Xiwan, moj iccupac ti nim jém anmatcwiñ. ¹⁴ Yip Xiwan, jém acchíoyapaap, jeetim jém Elías jém miñpáppic; siiga michtam incupicpa. ¹⁵ Siiga mitatsigiyta, matontaami.

¹⁶ Siip manaquejáypa juuts ti jém pxiñtam jém ityajwiiip siip. Jex juuts jém tsixtam jém michyajpáppic plaza. Iñimayyajpa jém iamigoyaj: ¹⁷ “Mansusáypa jém flauta, pero da mietstampa. Ocmi manwánáypa jém wañi anyácnewiip, pero datim miwejtampa.” ¹⁸ Porque cuando miñ jém Xiwan, da icútpa caxtánañi ni da iucpa vino, pero mimichtam miñimtampa iga iniit tum mal espíritu. ¹⁹ Ocmi ich anyaac amiñ sinyucmi. Awícpa, ánucca jém vino, pero mimichtam miñimtampa iga tsam awícpa, tsam ánucca jém vino y tsam ánamigo jém malopic pxiñtam con jém ichécyajpaap impuesto. Quejpa iga wí jém jixi siiga wiputpa jém yoxacuy.

Jém attebetyaj jém dapic icupicyajpa

(Lc. 10:13-15)

²⁰ Jesic jém Jesús moj iwogáy jém ityajwiiip jém attebetyaj jut oy iwat jáyan jém milagro porque jeeyaj da ichacyaj iga imalwatyajpa. Nimpa Jesús:

²¹ —¡Agui miuuguytim mimichtam miitwiiip jém attebet Corazín! Agui miuuguytim mimichtam miitwiiip jém attebet Betsaida. Jém ityajwiiip jém attebet Tiro y Sidón da iixñeyaj jém milagroyaj juuts siip iñix. Pero meega iixñeyaj, pecam ichacneyaj jém imalajixi, agui anyácneyaj iga táñcaiy. ²² Jeeyucmi mannímáypa, cuando núcpa jém jama iga Dios iciipinpa yip naxyucmic pxiñtam, jesic más pimi michiitap castigo mimichtam que jém ityajwiiip jém attebet Tiro y Sidón. ²³ Mimichtam miitwiiip jém attebet Capernaum tsam micujípyajpa jém pxiñtam, pero tienes que mininictamtap jém piichcim jut it jém caaneyajwiiip. Porque meega anwatne jém milagro jém attebet Sodoma juuts anwatne mimichtamanjom, jesic da idic togoypa jém attebet hasta siip. ²⁴ Numa mannímáypa iga cuando núcpa jém jama iga cipíjóypa Dios, más pimi michiitap castigo mimichtam que jém ityajwiiip jém attebet Sodoma.

*Miñtaami con aich, manacjejpa**(Lc. 10:21-22)*²⁵ Jesic jém tiempo nim Jesús:

—Manjatun Dios, mich ininjacne jém sin y jém nas, tsam mancujíppa. Mich ininéc jém wibic jixi iga jém tsampic icutiyyajpa yíp naxyucmipic jixi da wíap icutiyyíy. Pero ininquejayñe jém wibic jixi jém pixiñtam jém dapic icuyucaneyaj yíp naxyucmipic jixi.

²⁶ Jempigam inwat, manjatun Dios, porque jempigam inwianjam.

²⁷ Jesic Jesús inímáy jém pixiñtam:

—Jém anjatun Dios acijunodáy itumpiy jém wítampic jixi. Da i ijodon jém Dios iManic ijixi, icutum ijodon jém iJatun ti ijispa iManic. Datim i ijodon jém anjatun Dios ijixi, icutum ijodon jém iManic con jém pixiñtam jém iwianjampáppic iManic iga icjodónap jém Dios ijixi. ²⁸ Miñtaami yim inñumpiytam mimichtam jém tsampic miyoxane, jém tsampic michimane, manacjejpa. ²⁹ Pictsonhtaami jém yugo jém ichpic manchiiba iga tawagayoxap. Cuyucataami ich ananquímayooyi porque je da tñca. Ich da malo ánana. Manyoxpátpa. Impátampa jut wíap ijej jém inánama. ³⁰ Ich anyugo da tñca. Ich antsimi xejciy.

12*Jesús icuyucñwiñ itúcyaj trigo jém jejcuy jama**(Mr. 2:23-28; Lc. 6:1-5)*

¹ Jesic tum jejcuy jama widañnaspá Jesús jut ñipnetá jém trigo. Jém icuyucñwiñ como tsam yuaneyaj, moj ijudayyaj jém trigo ipac, icútyaj. ² Pero cuando jém fariseoyaj iixyaj ti iwatyaj jém Jesús icuyucñwiñ, nímayta jém Jesús:

—Ixi jém inucuyucñwiñ. ¿Tiiga iwatyajpa contra jém tanaquímayooyi jém jejcuy jama?

³ Jesic Jesús inímáy jém fariseoyaj:

—¿Que da queman immay ti iwat jém David cuando tsam yuaneyaj con jém icompañeroyaj? ⁴ Tigíyyaj jém Dios iticjom. Icutyay jém caxtánañi jém tsacnetawíp altaryucmi. Tanjodon iga jém tanaquímayooyi da ijícpa iga icútyajpa jém David ni jém iwaganamiññewíp. Nada más jém panij wíap icútyaj. ⁵ ¿Que da immayñe junimpa jém Moisés inquímayooyi iga jém panij da jejaypa cuando yoxayajpa jém mijpic masticjom jém jejcuyjama? Pero da tñcawatpa siiga da jejaypa. ⁶ Numa mannímáypa iga jém itwíp yim con mimichtam más mij que jém mijpic mastic. ⁷ Mimichtam da incutiyyiyta ti nimpá jém anmatí jut jaychacnetá. Nimpá: “Más iwianjam Dios iga inyaachanjamtámiñ jém inñiwitam que iniccaaba jém animat iga inchiiba ofrenda jém altaryucmi.” Meega incutiyyíyapa, jesic da inchiiba castigo jém pixiñtam jém dapic ti iwatne. ⁸ Ich, jém aMiññewíp Sinyucmi, wíap anaquejáy jém pixiñtam ti wíap iwat jém jejcuyjama porque anaít jém autoridad.

*Jém pixiñ jém titsnewíp ici**(Mr. 3:1-6; Lc. 6:6-11)*

⁹ Jesic nic Jesús, tigíy jém sinagoga jut icuyucayajpa jém Moisés inquímayooyi. ¹⁰ Jem it tum pixiñ titsnewíp ici. Jesic jém fariseoyaj icwacyaj jém Jesús. Nímayta:

—¿Que wí iga tanacpíspa tum pixiñ jém jejcuyjama?

Porque tsam imétsyajpa jutsap iquejajwadayyaj jém Jesús. ¹¹ Jesic icutson Jesús. Inímáy:

—Siiga tum de mimichtam iniit tum borrego actiñe josjom tum jejcuyjama, ¿que da inñoppa jeeti rato? ¹² Tum pixiñ más wí que jém borrego. Jesic quejpa iga wí iga tanwíwatpa jém jejcuyjama.

¹³ Jesic iñímáy jém p̄ixiñ jém titsnew̄ip ici:

—T̄imi in̄ci.

Jesic it̄im ici. W̄its̄iyum juuts jém tun̄gac jém ici. ¹⁴ Jesic putyaj jém fariseoyaj. Moj ij̄isyaj jutsap iccaayaj jém Jesús.

Jém wiñ̄icpic profeta nim ti iwat jém Jesús

¹⁵ Cuando ijodón̄a Jesús ti ij̄isyajpa, jesic nic. Jáyan̄ jém p̄ixiñtam itún̄iyajpa. Icp̄is itump̄iy jém mimneyajw̄ip. ¹⁶ Ip̄im̄iy Jesús iga odoȳi in̄madayyajiñ̄ iapaap icp̄isne. ¹⁷ Iwat jemp̄ic iga cupacpa juuts nim jém wiñ̄icpic an̄mat̄c̄iwiñ̄ jém Isaías:

¹⁸ Ȳibam jém acuyoxapaap, jém an̄cup̄in̄new̄ip.

Ts̄am antoypa, ts̄am amaymay con je.

Anchiiba án̄Anama iga inisīiba.

In̄madáypa jém tun̄gac p̄ixiñtam jém dap̄ic je de Israel iga:

Ich an̄w̄itsagáypa jém it̄an̄ca.

¹⁹ Da án̄apa, datim p̄imi j̄iypa.

Da j̄i imaton̄pa iga naj̄iyóypa calle.

²⁰ Jém acuyoxapaap agui w̄iap.

Da iquitpa tum xutu waycuy jém quitp̄app̄ic, pero más iw̄itsacpa.

Datim icp̄ichpa jém mechaj jém yaguiñ̄pic juct̄imatsne.

P̄imi yoxap hasta que icoñw̄iypa jém ienemigoyaj.

²¹ Jém tun̄gac p̄ixiñtam icuw̄iti ȳip naxyucmi ts̄am icup̄icyajpa iga jém acuyoxapaap w̄iap iyoxp̄át̄yaj.

*Nimyajpa iga Jesús iniit jém Woc̄c̄iwiñ̄ ip̄imi
(Mr. 3:20-30; Lc. 11:14-23; 12:10)*

²² Jesic namíñayt̄a Jesús tum p̄ixiñ jém imatsnew̄ip tum mal esp̄iritu. Cácht̄i jém p̄ixiñ, umaane. Icp̄is Jesús. Jesic ixixóypam, w̄iabam ij̄iy. ²³ Itump̄iy jém it̄yajw̄ip jém agui ipooñ̄an̄j̄amyaj cuando iixyay ti iwat Jesús. Nimyaj:

—¿Tán̄an̄jam ȳibam jém rey David ioc̄man̄ic?

²⁴ Pero cuando jém fariseoyaj imaton̄yaj ti iwat jém Jesús, p̄imi jóyñeyaj. Nimyaj:

—Ȳip p̄ixiñ w̄iap itop jém mal esp̄iritu porque iniit jém Beelzebú ip̄imi, jém mal esp̄iritu in̄jagooyi.

²⁵ Pero ijodon̄ Jesús ti s̄ip ij̄isyaj jém p̄ixiñtam. Iñímáy:

—Siiga tum gobierno nawécyajtap y án̄ayajpa entre jeeyaj, jesic tienes que nayajyajtap.

Siiga nawécyajtap tum atebet y ts̄am án̄ayajpa jém p̄ixiñtam, da jáypa cuyajpatim. Siiga nawécyajtap jém it̄yajw̄ip tum tic̄cim, jesic cuyajpatim. ²⁶ Jesanetim siiga jém Woc̄c̄iwiñ̄ natoptap iyaac jém p̄ixiñ̄ ianaman̄jom, jesic nawéctap iyaac jém Woc̄c̄iwiñ̄. Da jáyñe cuyajpa jém ip̄imi. ²⁷ Michtam miñ̄imt̄ampa iga ich antoppa jém mal esp̄iritu con jém Beelzebú ip̄imi. Siiga numa an̄watpa jemp̄ic, ¿jesic j̄i ichiiba ip̄imi mich in̄cuyujc̄iwiñ̄ iga w̄iñ̄ itop jém mal esp̄iritu? Cuando iwatpa jemp̄ic, jém in̄cuyujc̄iwiñ̄ min̄quejáypa iga togoyñe iñ̄j̄ixi. ²⁸ Pero siiga ich antoppa jém mal esp̄iritu con Dios iAnama, jesic quejpa iga numa núcneum jém tiempo iga Dios in̄jacpa ȳip naxyucmi. Mimichtam w̄iap̄tim impict̄son̄ta.

²⁹ Jém númpaap da w̄iap it̄igiy tum p̄imip̄ic p̄ixiñ̄ it̄ic̄jom iga icunúmaypa siiga da wiñ̄ti ichenpa jém tic̄iomi. Pero siiga wiñ̄ti ichenpa, jesic w̄iap̄ iñ̄umáy itump̄iy jém iniitw̄ip̄ it̄ic̄cim.

³⁰ Jém dap̄ic acuyoxap it en contra de aich. Jém dap̄ic ayoxp̄át̄pa iga anan̄tuum̄awatpa jém p̄ixiñtam, je iquep̄quebáypa.

³¹ Jeeyucmi mannímáypa iga Dios iwadáypa perdón jém p̄ixiñtam itump̄iy jém itánca. Wadaytaptim perdón jém p̄ixiñtam siiga icuj̄iypa tanjatun̄ Dios, pero siiga ì icuj̄iypa jém Dios iAnama, da ì wiap iwadáy perdón jém itánca. ³² Dios acutsat ȳip naxyucmi iga an̄cuyoxap Dios. Siiga ì amalnímáypa aich, jesic Dios wiap iwadáy perdón jém itánca. Pero siiga ì imalnímáypa jém Dios iAnama, da ì wiap iwadáy perdón jém itánca ni ȳip naxyucmi ni jém tun̄gac jém miñpaap.

Jém w̄ibic cuy tánixpicpa por itim
(Lc. 6:43-45)

³³ 'Siiga w̄ibic cuy, iwatpa w̄ibic itim. Siiga malopic cuy, iwatpa malopic itim. Tánixpicpa jém cuy por itim. ³⁴ Michtam mijex juuts jém tsañ iga agui mimalo. ¿Jutsap in̄inmat jém w̄itampic cosa siiga tsam mimalotam? Jém an̄mañti jém iñtoppáppic iñj̄ipjom, tsucumpa iñanamanjom. ³⁵ Jém w̄ibic p̄ixiñ in̄matpa jém w̄itampic cosa porque comne ianamanjom con jém w̄ibic j̄ixi. Jém malopic p̄ixiñ in̄matpa jém malopic cosa porque comne ianamanjom con jém malopic j̄ixi. ³⁶ Siip mannímáypa mimichtam, cuando núcpa jém jama iga Dios ic̄ip̄in̄pa itump̄iy jém p̄ixiñtam, jesigam tségaytap itump̄iy jém malopic an̄mañti jém in̄matnew̄ip aunque da juchan̄. ³⁷ Con jém in̄inmañti mic̄ip̄in̄tap, con jeetim in̄inmañti miñquejpa siiga mitáncaiy o da mitáncaiy.

Jém malopic p̄ixiñtam iwágayyajpa tum milagro
(Mr. 8:12; Lc. 11:29-32)

³⁸ Jesic algunos jém fariseoyaj con jém escribaspic maestroyaj iwágayyaj tum milagro. Nímayta Jesús:

—Maestro, ánixtooba tum milagro, awadaytaami.

³⁹ Jesic Jesús iñímáy:

—Jém malopic p̄ixiñtam, jém ityajw̄ip siip jém dapic icup̄icyajpa Dios, tsam awágáypa milagro. Pero no más tum milagro iwadáypa Dios, jém milagro juuts iñasca jém Jonás. ⁴⁰ Juuts jém Jonás oy iyaj tucunajama y tucunatsuu jém mij̄pic t̄ip̄i ipuujom, jesaptim aich, jém aMiññew̄ip Sinyucmi, acumtap, anyajpa tucunajama y tucunatsuu jém nasc̄im. ⁴¹ Núcpa jama iga jém ityajw̄ip jém atebet Nínive tsucumyajpa jém in̄an̄pigam jama iga miquejajwadaytámpa mimichtam, miittan̄w̄ip cuando Dios ic̄ip̄in̄pa itump̄iy jém p̄ixiñtam. Porque jém ityajw̄ip Nínive icucacyaj ij̄ixi cuando jém Jonás in̄madáy jém Dios in̄mañti. Ȳim it con mimichtam tum p̄ixiñ más wiap que jém Jonás. ⁴² Tsucumpatim jém yom̄pic an̄jagooyi jém miññew̄ip an̄tsapsaumi jém in̄an̄pigam jama cuando Dios ic̄ip̄in̄pa itump̄iy jém p̄ixiñtam. Miquejajwadaytámpatim porque juumi miñ jém yomo. Miñ imaton̄ jém Salomón ij̄ixi, pero ȳim it con mimichtam tum más mij̄pic an̄jagooyi que jém Salomón.

Jém da w̄ibic espíritu jém setpáppic
(Lc. 11:24-26)

⁴³ 'Cuando put jém mal espíritu tum p̄ixiñ ianamanjom, jesic siiba icutum jém titsinaxyucmi. Imétspa tum lugar juñ jejpa. Pero da ipátpa. Jesic n̄impa: ⁴⁴ “Eybiçtim asetpa anticçim juñ aput.” Jesic mu ixet, eybic ipát jém p̄ixiñ juuts tum tic da oom̄iy, petnetawum, w̄itsacnetawum. ⁴⁵ Jesic inimiñ siete espíritu más p̄imi malo. Miñ it̄iyaj jém p̄ixiñ ianamanjom. Wiñti jém p̄ixiñ iniit idic nada más tum mal espíritu, pero ocmi más p̄imi malo jém p̄ixiñ. Jemp̄igam iñascaaba jém malopic p̄ixiñtam jém ityajw̄ip siip. Más p̄imi malo jap.

Miñ jém Jesús iapa con it̄iwitam
(Mr. 3:31-35; Lc. 8:19-21)

- ⁴⁶ Iganam síp inmat Jesús, núcyaj iapa con ijáyuctam. Tsíyyaj anšicmi. Ijıypáttooba Jesús.
- ⁴⁷ Tum pıxiñ iñímáy Jesús:
—Miññe jém iñapa con iñtıwıtam, ityaj anšicmi. Mijıypáttooba.
- ⁴⁸ Jesic Jesús iñímáy jém pıxiñ jém inmadayñewıip iga miññe iapa:
—¿Pero i jém ánapa? ¿I jém antıwıtam?
- ⁴⁹ Jesús iquij icımi jém icuyujcıwiñ, iñímáy:
—Mimichtam jém mánapa y mantıwıtam. ⁵⁰ Porque itumpıy jém iwatpaap juuts ixunpa jém anJatun Dios jém itwıip sınyucmi, jeam jém antıwi, jém anyomtıwi y jém ánapa.

13

Jém iñıppáppic jém trigo ipac (Mr. 4:1-9; Lc. 8:4-8)

- ¹ Jesic jeetim jama put Jesús jém ticjom. Nic coñi jem laguna anñaca. ² Tsam jáyan pıxiñtam antuumaneyaj jut it Jesús. Jeeyucmi tigıy tum barcojom, jemum coñ. Itumpıy jém miññeyajwıip tsıyyaj jém laguna anñaca. ³ Jesic Jesús moj inquejáy jáyan jém wıbic jıxi por medio de cuento. Nımpa:
—Tum pıxiñ nic ñipi. Nic iyın jém trigo ipac icamjom. ⁴ Mu iyın jém pac, actın uxan jém tunjom. Miñyay jém jon, icútquet jém pac. ⁵ Actıntım uxan jém pac tsaanjom jut da i jáyan nas. Jesic jıcsıy nay jém pac porque da juchan jém nas. ⁶ Cuando pijpa jém jama, iñoonoca jém xuxut planta. Yaj cutıtsaayıyaj porque da tıchıgıy. ⁷ Actıntım uxan jém pac jém apıdanjom. Jıcsıy yón jém apıt, ixamsamca jém xuxut planta. ⁸ Pero actıntım jém pac jém wıbic naxyucmi. Wıtıma. Algunos chióy cien, algunos chióy sesenta, algunos chióy treinta. ⁹ Siiga mitatsıgıyta, amatonıtaami.

Nımayta icuyujcıwiñ tiiga anquejayıtap cuentujmi (Mr. 4:10-12; Lc. 8:9-10)

- ¹⁰ Jesic icunúcyaj Jesús jém icuyujcıwiñ, icwácyaj. Nımayta:
—¿Tiiga inımadáypa jém pıxiñtam por medio de cuento?
- ¹¹ Jesic Jesús icutson. Iñímáy:
—Dios miyoxpátámpa mimichtam iga wıap incutııyıyta jutsap injac Dios yıp naxyucmi. Mimichtam micjodónata jém jıxi anécnewıip idic, pero los demás da wıap icutııyıyyaj.
- ¹² Jém ipıctsonpaap jém Dios inmati, más ichiiba Dios jáyan wıbic cosa. Pero jém dapıc iwıpıctsonpa jém Dios inmati, da ti ichiiba Dios, más accáyayıtap jém cosa jém ijıspaap iga iniıt. ¹³ Jeeyucmi ananquejáypa jém pıxiñtam por medio de cuento. Iıxyaj, pero tsıyyaj juuts da iıxyaj. Imatonıyaj, pero tsıyyaj juuts da imatonıyaj ni datim icutııyıyyaj.
- ¹⁴ Iñascayajpa juuts nımpa jém wiñıpcıc anmatcıwiñ jém Isaías:
Mimichtam nıma immatonıtámpa, pero da incutııyıytámpa.
Nıma iñıxtámpa, pero da inıcupıctámpa.
- ¹⁵ Porque yıpyaj pıxiñtam tsam malo ianamayaj, da matóıyopa jém itatsıc, inımıchñeyaj jém iıxcuy. Iwatıyajpa jemıpcı porque da ixıxoytooba, da matóıyoytooba, da ijıspa ianamanjom iga tsam jáyan mal iwatneyaj iga ichaguiñ jém malatun iga ich anıwıtsagáyiñ jém itánca.
- ¹⁶ Pero sıip mimichtam agui mimaymaytam porque miıxıxóypa y mimatóıyopa.
- ¹⁷ Nıma mannımaypa iga wıtı jém wiñıpcıc anmatcıwiñ y jém tunıgac wıbic pıxiñtam

tsam iixyajtooba titam ñixtámpa mimichtam, pero da wia. Tsam imatonjajtooba titam immatonjámpa, pero da wia.

Jesús inmadáypa jém cuento de jém iyinpaap jém trigo
(Mr. 4:13-20; Lc. 8:11-15)

¹⁸ Nimpa Jesús:

—Matonjtaami ti nimtooba jém cuento cuando jém p̄ixiñ iyinpa jém pac icamjom. ¹⁹ Jém imatonjpaap jém wibic anmati jutsap injac Dios yip naxyucmi, pero da icutiüyíypa, jex juuts jém pac jém actinewiip tunjom. Miñpa jém Wocciwiñ, iccáyáypa jém wibic jixi jém ñipnetawip jém p̄ixiñ ianamanjom. ²⁰ Jém pac, jém actinewiip jém tsaanjom, jex juuts jém p̄ixiñ cuando imatonjpa jém wibic anmati, agui maymay mu ipictson. ²¹ Pero como da tichigíy, da jáypa. Jesic cuando cutitstap jém p̄ixiñ, tsam malwadaytap jém wibic anmati icuyucmi, ichacpa jém wibic tun. ²² Jém pac, jém actinewiip jém apidanjom, jex juuts jém p̄ixiñ jém imatonjpaap jém wibic anmati, pero tsam ijspa jém cosa jém ityajwip yip naxyucmi. Jém riqueza tsam imigóyáypa jém p̄ixiñ. Ixamcaaba jém wibic anmati. Da tím̄ap. ²³ Pero jém pac, jém actinewiip jém wibic naxyucmi, jex juuts jém p̄ixiñ imatonjpa jém wibic anmati, iwicutiüyíypa ti nimtooba. Jém p̄ixiñ juuts jém wibic nas. Ipictsonpa jém wibic anmati, jáyanap jém wibic jixi ianamanjom. Algunos chióy cien, algunos chióy sesenta, algunos chióy treinta.

Jém malapim waganayñe con jém trigo

²⁴ Jesic Jesús inmat tunjac xutu cuento. Nimpa:

—Jém wibic anmati iga Dios injacpa yip naxyucmi jex juuts tum p̄ixiñ iñip jém wibic trigo icamjom. ²⁵ Pero jesic tsuucim cuando monjajpa jém p̄ixiñtam miñ tum enemigo. Oy iñip jém malopic pim icamjom jut ñipneta jém wibic trigo. ²⁶ Ocmi nay jém trigo, mijap, jesic moypan. Jesigam quej jém malopic pim jém ñipnetawip ocmi. ²⁷ Jesic jém p̄ixiñ iyoxaciwiñ nic iámyaj jém iomi. Iñimayyaj: “Mánomi, siiga wibic pac iñip jém incamjom, ¿jesic jutsa mu iñay jém malapim?” ²⁸ Jesic jém nas iomi iñimáy jém iyoxaciwiñ: “Tum enemigo iwat jempic.” Jesic acwácta, nímayta: “¿Iñxunpa iga nicpa anwixquímta jém malapim?” ²⁹ Pero jém nas iomi iñimáy: “Da tanwixpa sip jém malapim porque químnamotpa jém trigo. ³⁰ Tsactaami jém malapim iga iwaganamijap jém trigo hasta tampiñpa jém cosecha. Jesic annimáypa jém ipiñpaap jém cosecha iga wiñti iwixquímyajiñ jém malapim, ichenyajiñ iga tannooquetpa. Jesic ocmi tanaccáypa jém trigo jém granerojom.”

Jém cuento de jém mostaza ipac
(Mr. 4:30-32; Lc. 13:18-19)

³¹ Jesic Jesús inmat tunjac xutu cuento. Nimpa Jesús:

—Jém wibic anmati iga Dios injacpa yip naxyucmi jex juuts tum mostaza ipac jém iñipnewiip tum p̄ixiñ icamjom. ³² Jém mostaza ipac tsam xutu, pero cuando mijap jém planta más mij que itumpiy jém ñipñibooyi. Mijap juuts tum mijpic cuy hasta jém jon iwatyajpa ipeeñi jém mostaza incisyucmi.

Jém cuento de jém levadura
(Lc. 13:20-21)

³³ Jesic inmatpatim Jesús tunjac xutu cuento. Nimpa:

—Jém wibic anmati iga Dios injacpa yip naxyucmi jex juuts tum yomo inimotpa jém levadura con tucuten jepscuy de harina. Jesic pipa itumpiy jém jaapi.

Tiiga inmatpa Jesús jém xuxut cuentoyaj
(Mr. 4:33-34)

³⁴ Itumpiy yípyaj cosa inquejáypa Jesús jém p̄ixiñtam con jém xuxut cuentoyaj. Da ti inquejáypa sin cuento. ³⁵ Jempigam cupacpa jém aṇmaṭi jém inmatnewiip jém wiñicpic aṇmatc̄iwiñ cuando ijaychacne así:

Anaquejáypa jém p̄ixiñtam con jém xuxut cuentoyaj.

Anamadáypa jém j̄ixi jém aṇécnewiip dende wiñigam cuando moj iwat Dios yíp nas.

Inquejáypa Jesús ti nimtooba tum xutu cuento

³⁶ Jesic Jesús inquím jém p̄ixiñtam. Tigiy eybic jém ticjom. Iacunúcyaj jém icuyujc̄iwiñ. Iñimayyaj:

—Aṇmadaayi ti nimtooba jém xutu cuento cuando jém enemigo iñip jém malapim jém p̄ixiñ icamjom.

³⁷ Jesic Jesús iñimáy:

—Ich, jém aMiññewiip Siñyucmi, ich mismo añippa jém wibic pac. ³⁸ Jém cama nimtooba yíp naxyucmi. Jém wibic pac jex juuts jém iwianjamyajpáppic iga injacpa Dios. Jém malapim jex juuts jém p̄ixiñtam jém Wocciwiñ imiichi. ³⁹ Jém enemigo iñippa jém malapim, je jém Wocciwiñ. Jesic cuando piṇtap jém cosecha, yíp nimtooba cuando cuyajpa yíp nas. Jém ipiñyajpaap jém cosecha jeeyaj jém siñyucmic̄ic p̄ixiñtam. ⁴⁰ Piṇtap jém malapim iga iñooba juctjom, jempigam iñascayajpa jém malopic p̄ixiñtam cuando cuyajpa yíp nas. ⁴¹ Jém Miññewiip Siñyucmi icutsatpa jém siñyucmic̄ic p̄ixiñtam iga itopyajiñ jém Dios ip̄ixiñtamanjom itumpiy jém malopic p̄ixiñtam con itumpiy jém icmalwatneyajw̄iip itiwitam. ⁴² Matsyajtap, cotyajtap jém juctjom juṭ da nunca píchpa, juṭ ipictsonyajpa jém castigo. Jemigam tsam weyjajpa, tsam iñichyajpa itits. ⁴³ Cuando yajpa itopyaj itumpiy jém malopic p̄ixiñtam, jesic itumpiy jém p̄ixiñtam jém iwatyajpaap juuts ixunpa Dios, tsam tsocyjpa juuts jém jama juṭ injacpa tanjatun Dios. Siiga mitatsigiyta, amatonṭaami.

Jém wibic riqueza jém aṇécnewiip

⁴⁴ Jém wibic aṇmaṭi iga Dios injacpa yíp naxyucmi jex juuts tum caja tumiñ nécnetaj juṭ it tum jaça nas. Cuando tum p̄ixiñ ipát jém tumiñ, jesic jemt̄im iñec eybic. Nic icumáyáy titam iniit iga ijuypa jém nas juṭ nécnetaj jém tumiñ.

Jém miipic perla tsampic tsoowiy

⁴⁵ Jém wibic aṇmaṭi iga Dios injacpa yíp naxyucmi jex juuts tum juyjúyoypaap. Ijuypa y imáypa jém w̄itampic xuxut tsa jém perla. ⁴⁶ Cuando ipát tum más wibic jém perla tsampic tsoowiy, jesic icumáyáypa itumpiy jém iniitw̄iip. Ijuypa jém wibic perla jém tsampic tsoowiy.

Jém red imats itumpiy clase jém tiipi

⁴⁷ También jém wibic aṇmaṭi iga injacpa Dios yíp naxyucmi jex juuts tum red, cuando ipatsyajpa lamar jém tiip̄tero, imatspa itumpiy clase de tiipi. ⁴⁸ Jesic cuando comne jém ireḍ, jém tiip̄tero ijicputyajpa lamar aṇṇaca. Coñyajpa, mojpa icupíñayyaj jém tiipi. Icotyajpa iconjom jém w̄itampic tiipi. Jém ḍapic w̄itam ipatsayyajpa. ⁴⁹ Jempigam iñascayajpa jém p̄ixiñtam cuando cuyajpa yíp nas. Miñyajpa jém siñyucmic̄ic p̄ixiñtam iga icupíñáypa jém malopic p̄ixiñtam jém Dios ip̄ixiñtamanjom. ⁵⁰ Cotyajtap jém malopic p̄ixiñtam jém juctjom juṭ ipictsonyajpa jém castigo. Jemigam tsam weyjajpa, tsam iñichyajpa itits.

Jém pecapic y jém jomipic tesoro

⁵¹ Jesic Jesús icwácpa jém icuyujc̄iwiñ. Nímayyajta:

—¿Incutiyyiŷta ti nĩmtooba itũmpiy yĩp xuxut cuento?

Nĩmyajpa jeeyaj:

—Jĩ ancutiyyiŷta.

⁵² Jesic nĩm Jesús:

—Cuando tũm jém escribaspic maestro icutiyyiŷpa jém wĩbĩc anmatĩ iga Dios injacpa yĩp naxyucmi, jesic jém pĩxiñ jex juuts tũm pĩxiñ tsam rico. Iniittim jém pecapic tesoro y jém jomipic tesoro.

Nĩc Jesús Nazaret

(Mr. 6:1-6; Lc. 4:16-30)

⁵³ Jesic cuando yaj inmat itũmpiy jém xuxut cuento, nĩcum Jesús. ⁵⁴ Nĩc iticmi. Moj inquejáy jém pĩxiñtam jém sinagoga jut icuyujcayajpa jém wiñĩcpic anquĩmayooyi. Jeeyaj tsam pĩmi ipooñanjamyajpa. Nĩmyaj:

—¿Yĩp pĩxiñ jut icuyujca yĩp jĩxi? ¿Jutsap iwat yĩp milagroyaj? ⁵⁵ Yĩp pĩxiñ jém carpintero imanĩc. Iapa jém Malía. Tánixpigaytampa jém itiwĩtam jém Jacobo, jém José, jém Ximoj y jém Judas. ⁵⁶ Jém iyomtwĩtam ittim yĩm con taichtam. ¿Jut ipic yĩp pĩxiñ itũmpiy yĩp jĩxi?

⁵⁷ Jeeyucmi tsam ijóyixyajpa Jesús. Jesic Jesús inĩmáy:

—Jutquej wĩpĩctson̄tap jém Dios inmatcĩwiñ. Pero jém ityajwĩp iticmipic lugar con jém ityajwĩp iticcĩm da iwĩanjamyaj.

⁵⁸ Jesic da waŷti wĩbĩc milagro iwat Jesús iticmi, Nazaret, porque da icupicyajpa iga Dios imanĩc.

14

Jutsap iccaata jém Xiwan jém acchĩoypaap

(Mr. 6:14-29; Lc. 9:7-9)

¹ Jesic jeetim tiempo jém gobernador Herodes ijodón̄a ti iwatpa Jesús. ² Jesic jém Herodes inĩmáy jém icuyoxapaap:

—Yĩp pĩxiñ jém Xiwan jém acchĩoypaap. Pĩsneum. Jeeyucmi wĩap iwat jém mĩjpic milagroyaj.

³ Da más pecam jém Herodes icám orde iga matstaiñ jém Xiwan. Tsenta, cotta cárcel. Matsta jém Xiwan porque iwogáy jém Herodes cuando itobáyáy jém itiwĩ Felipe iwĩchomo. Jém yomo inĩyi Herodías. ⁴ Jém Xiwan inĩmáy jém Herodes:

—Da wĩ iga impĩgayñe inĩtwĩ iyomo.

⁵ Jém Herodes tsam iccaatooba jém Xiwan, pero icĩpa jém pĩxiñtam porque nĩmyajpa iga jém Xiwan tũm jém Dios inmatcĩwiñ. ⁶ Cuando núc jém Herodes icumpleaño, iwatpa tũm siñ. Miñ jém Herodías iyommanĩc. Moj echĩ jém pĩxiñtam iwĩñjom. Tsam iwĩanjam jém Herodes. ⁷ Jesic ijĩycámáy iga ichiiba jém woñi titam iwágáypa. ⁸ Jém iapa inĩmáy jém woñi iga iwágáyĩñ jém Xiwan icobac. Jesic jém woñi inĩmáy jém Herodes:

—Ansunpa iga yĩmti achiaayi jém Xiwan icobac, jém acchĩoypaap, tũm mĩjpic chĩmajom.

⁹ Jesic pĩmi anyácne jém rey. Pero como ijĩycámáyne iga ichiiba jém woñi titam iwágáypa y como imatonneyaj itũmpiy jém ityajwĩp jém mesacĩm, jém Herodes ipĩmĩy tũm soldado iga ichiáyĩñ jém Xiwan icobac jém woñi. ¹⁰ Icutsat cárcel iga tĩncujagaytaiñ jém Xiwan iĩsci. ¹¹ Ocmĩ namĩñayta jém icobac tũm mĩjpic chĩmajom. Chiĩta jém woñi. Jesic jém woñi ininĩgáy iapa.

¹² Jesic miñyaj jém Xiwan icuyujcĩwiñ, ipĩñayyaj jém Xiwan imĩjtay, nĩc icumyay. Ocmĩ nĩc inmadayyaj Jesús ti inĩasca jém Xiwan.

*Acwíctajém cinco mil p̄ixiñtam**(Mr. 6:30-44; Lc. 9:10-17; Jn. 6:1-14)*

¹³ Cuando imaton̄ Jesús ti iñasca jém Xiwan, nic icutum tum lugar jut da ti idíyíy. Nic barcojom. Jesic cuando ijodónayaj jém p̄ixiñtam iga nic Jesús, jeeyaj tsucumyay jém attebetayaj. Itún̄iyaypa puymi. ¹⁴ Jesic put Jesús jém barcojom, iix iga tsam jáyan̄ p̄ixiñtam an̄tuumaneyaj. Tsam p̄imi iyaachanjampa. Icpis jém mimneyajw̄ip jém ityajw̄ip jem. ¹⁵ Jesic piichabam̄ iti, miñyay jém Jesús icuyujc̄wiñ. Iñimayyay:

—S̄ip tsam tsuuyim. Yim da ti idíyíy. An̄químyaji jém p̄ixiñtam. Nímaayi iga nicyajññam hasta jut it jém tiganjoj iga ijuyyaypa titam icútyajpa.

¹⁶ Nimpa Jesús:

—¿T̄iiga nicyajpa? Mimichtam acwíctaami.

¹⁷ Jesic nimyay jém Jesús icuyujc̄wiñ:

—Da ictsíypa. Anaitta cinco caxtánañi y wisten̄ t̄ipi.

¹⁸ Nimpa Jesús:

—Anamíñaayi yim.

¹⁹ Jesic iñimáy Jesús jém p̄ixiñtam iga coñyajiñ naxyucmi jém múganjom. Jesic imatspac jém cinco caxtánañi con jém wisten̄ t̄ipi. Amquim̄ sin̄yucmi, moj in̄wejpát Dios. Iwenwenjac jém caxtánañi, ichi jém icuyujc̄wiñ. Jesic jeeyaj ichiiyay jém p̄ixiñtam. ²⁰ Jesic wícyay itump̄iy hasta cusyajum wiqui. Ocmi icucomyay doce nacoñ con jém pedazo jém cutsíyw̄ip. ²¹ Wícyay cinco mil p̄ixiñtam. Jém yomtam y jém tsixtam da i imayñe.

*Witpa Jesús jém n̄wiñpacyucmi**(Mr. 6:45-52; Jn. 6:16-21)*

²² Jesic jeeti rato Jesús ip̄imíy jém icuyujc̄wiñ iga t̄igiyajiñ barcojom. Jacyajpa idic jém laguna an̄wiñtuc wiñti que jém Jesús, iganam je in̄quimpa jém p̄ixiñtam. ²³ Jesic cuando yaj mu in̄quim̄ jém p̄ixiñtam, quim̄ Jesús tum cotsicyucmi jut da ti idíyíy iga in̄wejpátpa Dios. Jesic piichawum̄ iti Jesús icutum it jém cotsicyucmi. ²⁴ Pero juumi nic jém barco. Núc cucmi jém laguna, moj poyi jém sawa, tsam pooba jém ni. Tsam p̄imi ictsíypa jém barco jém n̄ipoa y jém sawa. Tán̄caap̄ iñic. ²⁵ Jesic jeetim tsuu, cuquejtooba, núc Jesús jut it icuyujc̄wiñ. Witpa iñic jém n̄wiñpacyucmi. ²⁶ Cuando iixyay jém icuyujc̄wiñ iga witpa jém n̄wiñpacyucmi, tsam p̄imi ichiganjécyaaj. Como tsam c̄ñneyaj, p̄imi an̄weyjajpa. Nimyay:

—iMiñpa tum poñ!

²⁷ Pero jeeti rato ijíyáy Jesús, iñimáy:

—iCamamwattaami iñanama! ¡Aicham! ¡Oday c̄ñtaami!

²⁸ Jesic jém Peto iñimáy:

—Mán̄omi, siiga numa mimich, ajígaayi iga awitpa jém n̄wiñpacyucmi hasta jut miit.

²⁹ Jesic nimpa Jesús:

—Miñi.

Jesic cuando quet jém Peto jém barcojom, moj w̄iti jém n̄wiñpacyucmi. Nicpa idic hasta jut it Jesús, ³⁰ pero cuando iix iga tsam p̄imi jém sawa, c̄ñpa jém Peto. Moj cumon̄i jém niicim̄, tsam p̄imi an̄wejpa. Nimpa:

—iMán̄omi, aciacputi!

³¹ Jesic jeeti rato jém Jesús imatsáy ici, iñimáy:

—Tsam uxan̄ in̄cupicpa. ¿T̄iiga iñj̄ispa iga da awiap?

³² Jesic cuando t̄igiyay jém barcojom, teñum̄ jém sawa. ³³ Jesic jém ityajw̄ip jém barcojom costeñyay jém Jesús iwiñjom. Nimyay:

—Numa mimich jém Dios miManic.

Jesús icp̄is jém ityajw̄ip Genesaret

(Mr. 6:53-56)

³⁴ Cuando yaj jaquiyaj jém laguna, núcyaj jém naxyucmi de Genesaret. ³⁵ Cuando jém Genesaretp̄ic p̄ixiñtam iixp̄icyaj iga Jesús, icutsat an̄mati icuw̄iti jém naxyucmi iga inimiñyajiñ itump̄iy jém mimneyajw̄ip iga icp̄ispa Jesús. ³⁶ Iacunucsayyajpa Jesús iga ijígyaiñ iga ichigayyajpa jém iyooti in̄aca. Jesic cup̄isayyaj itump̄iy jém ichigayñeyajw̄ip jém iyooti.

15

Jém táŋca tsucumpa jém p̄ixiñ ianamanjom

(Mr. 7:1-23)

¹ Jesic miñ iámyaj Jesús jém escribasp̄ic maestroyaj con jém fariseoyaj. Miñyaj Jerusalén. Icwácyaj jém Jesús. Nímayta:

² —Jém in̄cuyujc̄iwiñ, ¿tiiga da iwatyajpa jém costumbre jém ichacnew̄ip jém wiñicp̄ic tantúmm̄itam? Da icheeyajpa ici juuts n̄impa jém costumbre antes que w̄icpa.

³ Jesic Jesús iñímáy:

—¿Tiiga mimichgacti in̄wattámpa contra jém Dios in̄químayooyi con mich in̄costumbre?

⁴ Porque n̄impa Dios: “W̄ixtaami jém iñjatuj y iñapa.” N̄imtim: “Siiga i imalnímáypa jém ijatuj o iapa, jesic w̄i iga accaataiñ jexp̄ic p̄ixiñ.” ⁵ Pero mimichtam iniit tum da w̄ibic costumbre. Miñimtámpa: “Siiga i iñímáypa ijatuj o iapa iga da w̄iap manyoxpát porque itump̄iy jém anaitw̄ip, jém manchiipápp̄ic id̄ic, an̄jycámayñe Dios iga anchiiba.”

⁶ Jém n̄impaap jemp̄ic da iyoxpátpa jém ijatuj o iapa. Jemp̄igam iñchactámpa jém Dios in̄químayooyi juuts tum cosa da para ti w̄i iga in̄cupictámpa mimichtamp̄ic in̄costumbre.

⁷ Tsam minimigóyayt̄ap iñyaac. Iñjístámpa iga in̄watpa juuts ixunpa Dios, pero más immalwatpa. W̄i n̄im jém wiñicp̄ic an̄matc̄iwiñ jém Isaías cuando in̄matpa de mimichtam. N̄impa:

⁸ Yípyaj p̄ixiñtam tsam acujípyajpa con ijip.

Pero ianamanjom da acup̄icneyaj.

⁹ Xajatim ajisyajpa.

In̄quejpa jém p̄ixiñtam jém ijixquiimi juuts w̄ibic an̄químayooyi.

¹⁰ Jesic Jesús p̄imi j̄yypa. Iñímáy los demás jém miññeyajw̄ip:

—Maton̄taami. Cut̄iyȳiyaami. ¹¹ Jém tiḡyypaap tum p̄ixiñ ijipjom iga icútpa, da icmalwatpa. Pero jém malop̄ic j̄xi y jém malop̄ic an̄mati jém putpaap ijipjom, je ictán̄cawatpa.

¹² Jesic icunúcyaj Jesús jém icuyujc̄iwiñ. N̄imyaj:

—¿Que iñjodon̄ iga tsam p̄imi jóyñe jém fariseoyaj cuando imaton̄yaj ti iññímáy?

¹³ Jesic Jesús iñímáy:

—Itump̄iy jém planta jém dap̄ic je Dios iñipi tienes que wixquím̄t̄ap. ¹⁴ Jesic odoy wadaayi caso jém maestroyaj de jém wiñicp̄ic an̄químayooyi. Cácht̄iyaj. Ijicneyaj tun̄gac cácht̄i. Siiga tum cácht̄i ij̄icpa tun̄gac cácht̄i, jesic tsutpa icuistic jém pacusjom.

¹⁵ Jesic jém Peto iñímáy jém Jesús:

—An̄madaytaami ti n̄imtooba yíp xutu cuento.

¹⁶ Jesic n̄impa Jesús:

—¿Que mimichtam, datim in̄cut̄iyȳiytámpa? ¹⁷ ¿Que da in̄cut̄iyȳiȳȳpa iga itump̄iy cosa jém tiḡyypápp̄ic iñjipjom naspa impuujom y ocmi putpa? ¹⁸ Pero itump̄iy jém malop̄ic an̄mati y jém malaj̄xi jém putpaap iñjipjom tsucumpa jém iñanamanjom. Jexp̄ic cosa mictán̄cawatpa. ¹⁹ Porque jém p̄ixiñ ianamanjom tsucumpa itump̄iy jém malop̄ic j̄xi. Jemum tsucumpa jém j̄xi iga accaóȳpa, pejóȳpa, iwatyajpa jém da w̄itamp̄ic cosa, númpa,

migóypa y cumigóyóypa. ²⁰ Yípyaj malopic cosa ictánꞥawatpa jém p̄ixiñ. Pero siiga wícpa y da icheeba ici juuts nimpa jém wiñicpic costumbre, je da ictánꞥawatpa.

Tum jém juumipic yomo icupic Jesús

(Mr. 7:24-30)

²¹ Jesic Jesús put de jem, nic nocojom de jém atebet Tiro y Sidón. ²² Jemum miñ tum Cananeapic yomo. Jemtim tsucum nocojom de jém Tiro y Sidón. P̄imi j̄iypa jém yomo. Iñímáy Jesús:

—Ayaachanjami, mánomi. Mich jém David miocmanic. Jém anyommanic imatsne tum mal espíritu. Tsam p̄imi s̄ip iyaachwat.

²³ Pero Jesús da icutson. Jesic jém icuyujc̄iwiñ miñ iñímayyaj Jesús:

—Ch̄i ti ixunpa ȳip yomo iga niguiñam porque tsam tamooꞥyipa.

²⁴ Jesic Jesús icutson, iñímáy:

—Dios acutsat iga anyoxpádiñ jém Israelpic borregoyaj jém togoyñew̄ip.

²⁵ Pero miñ jém yomo, icosteeñáy jém Jesús iwiñjom. Nimpa jém yomo:

—Mánomi, ayoxpaati.

²⁶ Nimpa Jesús:

—Da w̄i tantobáyáypa jém tsixtam icaxtánañi iga tanchiiba chimpa.

²⁷ Jesic nimpa jém yomo:

—Numa, mánomi, pero hasta jém chimpa icútyajpa jém ipaccanew̄ip jém iomi ime-sacuc̄im.

²⁸ Jesic Jesús iñímáy jém yomo:

—Miyomo, tsam inꞥupicpa iga Dios w̄iap miyoxpát. S̄ip Dios miwadáypa juuts mich iñxunpa.

Jeeti rato pis jém iyommanic.

Jesús icpis tsam jáyan jém mimneyajw̄ip

²⁹ Jesic Jesús put de jem. Nas jém laguna aññaca de Galilea. Quím Jesús tum cotsicyucmi. Jemum nic coñi. ³⁰ Tsam jáyan p̄ixiñtam núcyaj jut it jém Jesús. Inimíñayyaj jém cuxuj, jém cáchtí, jém uma, jém dapic w̄iane ici o ipuy, con jáyan tunꞥac más mimneyajw̄ip. Oy ichacyaj jém Jesús ipuyc̄im. Jesic Jesús icpis itumpiy. ³¹ Jeeyucmi tsam ipooñanjamyaj jém añtuumaneyajw̄ip cuando iixyay iga j̄iypam jém uma, w̄itsiyñeum jém dapic w̄i ici o ipuy, witpam jém cuxuj, ixixóypam jém cáchtí. Jesic moj icujípyaj jém Dios de Israel.

Jesús icwíc jém cuatro mil p̄ixiñtam

(Mr. 8:1-10)

³² Jesic Jesús inꞥejáy jém icuyujc̄iwiñ. Iñímáy:

—Tsam anyaachanjampa jém miññeyajw̄ip ȳim. Porque tucunajama tanwaganait̄, s̄ip da iniijay titam icútyajpa. Da añcutsattooba iga nicyajiñ it̄icmi sin wiiqui porque w̄iap icupónaquetyaj, cut̄inyajpa tunjom.

³³ Jém icuyujc̄iwiñ iñímayyaj Jesús:

—¿Jut tampicpa tsam jáyan caxtánañi iga tanacwícpa tsam jáyan p̄ixiñtam? Porque ȳim da ti id̄iȳi.

³⁴ Jesic Jesús icwác:

—¿Juten caxtánañi iniitta?

Nimyaj jém icuyujc̄iwiñ:

—Siete, con juten jém xuxut t̄ipi.

³⁵ Jesic Jesús iñímáy jém añtuumaneyajw̄ip iga coñyajiñ naxyucmi. ³⁶ Ipic Jesús jém siete caxtánañi con jém t̄ipi, moj inꞥejpát Dios. Ocmi iwenwenjac jém caxtánañi, ichi

jém icuyujc̄wiñ. Iwégayyaj itump̄iy jém p̄ixiñtam. ³⁷ Cusum wiiquiyaj itump̄iy. Ocm̄i icucomyay siete nacoñ jém caxtánañi con jém t̄ip̄i jém cutsíyñew̄ipp̄igam. ³⁸ Wícyaj cuatro mil p̄ixiñtam, da maycumne jém yomtam y jém tsixtam. ³⁹ Ocm̄i Jesús inq̄uímyaj jém an̄tuumaneyajw̄ip̄, tiḡiy tum barcojom, nic jém laguna an̄ñaca noco jut̄ it̄ jém attebet Magdala.

16

Jém fariseoyaj con jém saduceoyaj iwácaypa tum milagro
(Mr. 8:11-13; Lc. 12:54-56)

¹ Jém fariseoyaj con jém saduceoyaj miñ íamyaj Jesús iga icut̄itsyajpa. Iwágayyajpa Jesús iga inquejáyiñ tum sin̄yucm̄ip̄ic milagro. ² Jesic Jesús in̄ímáy:

—Jesic tsuánam cuando in̄ixtámpa iga agui tsabats jém ucsi, miñimtámpa iga w̄icoom̄ap.

³ Jesic tsuuytim cuando agui tsabats jém ucsi, agui ucsjom, miñimtámpa iga da w̄icoom̄ap. Mimichtam tsam minimigóyayt̄ap in̄yaac porque in̄cut̄iȳiytámpa ti miñpa cuando in̄ixpa jém ucsi, pero da w̄iap in̄cut̄iȳiy jém seña jém s̄ipp̄ic in̄ixñeta iga miñpa jém in̄añp̄igam jama. ⁴ Jém ityajw̄ip̄ s̄ip̄ tsam imalwatyajpa, ichacneyaj jém Dios inq̄uímayooyi, tsam iwágayyajpa tum milagro. Pero tum seña no más iwadáypa Dios, jém milagro juuts in̄asca jém wiñic̄p̄ic an̄matc̄wiñ jém Jonás.

Jesic nic Jesús. Jemum ichac jém miñneyajw̄ip̄.

Jém fariseop̄ic an̄q̄uímayooyi jex juuts jém levadura
(Mr. 8:14-21)

⁵ Jesic núcyaj jém Jesús icuyujc̄wiñ jém laguna an̄wiñtuc. Jeeyaj ijaaman̄notyaj jém caxtánañi. ⁶ Jesic Jesús in̄ímáy:

—Ix̄i, nawattamtaji cuenta iga odoy mimalwadáyiñ jém levadura jém in̄iitw̄ip̄ jém fariseoyaj y jém saduceoyaj.

⁷ Jesic jém icuyujc̄wiñ moj nan̄imayyajtaji entre jeeyaj:

—Tanímáy jemp̄ic porque da tanamiñ jém caxtánañi.

⁸ Pero Jesús ijodon̄ ti s̄ip̄ ijisyajpa, in̄ímáy:

—A que mimichtam, tsam uxan̄ in̄cup̄icpa iga Dios w̄iap miyoxpát. ¿T̄iiga in̄j̄istámpa iga da in̄i jém caxtánañi? ⁹ ¿Que da in̄cut̄iȳiyta, ni da in̄j̄ispa jém cinco caxtánañi cuando tanacw̄icta jém cinco mil p̄ixiñtam? ¿Juten coñ imp̄in̄ jém cutsíyw̄ip̄? ¹⁰ ¿Que datim in̄j̄ispa jém siete caxtánañi cuando tanacw̄icta jém cuatro mil p̄ixiñtam y juten coñ imp̄in̄ jém cutsíyw̄ip̄? ¹¹ ¿T̄iiga michtam da in̄cut̄iȳiyta iga da je caxtánañi s̄ip̄ mannímáy cuando manan̄madáypa de jém levadura jém in̄iitw̄ip̄ jém fariseoyaj y jém saduceoyaj?

¹² Jesic icut̄iȳiyaj iga da nimtooba Jesús iga cuidado con levadura jém in̄iitw̄ip̄ jém caxtánañi, pero nimtooba cuidado con jém fariseoyaj inq̄uímayooyi y con jém saduceoyaj inq̄uímayooyi.

Nim̄pa jém Peto iga Jesús je jém Cristo
(Mr. 8:27-30; Lc. 9:18-21)

¹³ Cuando núc Jesús nocojom jém attebet Cesarea de Filipo, icwácayaj jém icuyujc̄wiñ, in̄ímáy:

—¿Jun̄im̄pa jém p̄ixiñtam iga ājapaap aich, jém aMiññew̄ip̄ Sin̄yucm̄i?

¹⁴ Nim̄yaj jém icuyujc̄wiñ:

—Algunos nim̄yajpa iga mich miXiwan jém micch̄inoypaap. Nim̄yajpatim algunos iga mich miElías. Más tungac nim̄yajpa iga mich miJeremías o tungac jém wiñic̄p̄ic an̄matc̄wiñ.

¹⁵ Eybíc j̄ȳpa Jesús, iñímáy:

—Pero mimichtam, ¿mijunimtámpa, ājapaap aich?

¹⁶ Jesic jém Ximój Peto iñímáy:

—Mich miCristo jém vivopíc Dios miManic.

¹⁷ Jesic Jesús iñímáy jém Peto:

—Dios miw̄iwadáy miXimój jém Jonás mimanic, porque ȳp̄ j̄xi da ī miñmadáy, pero jém anJatun̄ Dios jém itw̄īp̄ s̄nyucmī miñquejáy. ¹⁸ S̄īp̄ ich mannímáȳpa iga mich miPeto. Ich anacteñpa jém ammastic ȳp̄ tsaayucmi. Jém Woccīwiñ ip̄imi da w̄iap̄ icoñw̄iy. ¹⁹ Manchiiba jém llave iga tigiȳyajiñ jém p̄ixiñtam̄ jut̄ injacpa Dios. Titam̄ miñim̄pa iga da w̄iap̄ ȳp̄ naxyucmi, jesic datim̄ w̄iap̄ iwatyaj̄ s̄nyucmi. Titam̄ iñj̄icpa ȳp̄ naxyucmi, jesic w̄iap̄tim̄ iwatyaj̄ s̄nyucmi.

²⁰ Jesic iñímáy jém icuyujc̄wiñ iga: “Odoy ī anmadaayī iga ich aCristo.”

Nim̄pa Jesús iga accaatap

(Mr. 8:31-9:1; Lc. 9:22-27)

²¹ Dende jesigam̄ moj̄ inmadáy Jesús jém icuyujc̄wiñ ti iñascaaba. Nim̄pa:

—Anicpa jém atebet Jerusalén̄ jut̄ p̄imī ayaachwattap̄. Tsam̄ p̄imī amalwadáȳpa jém w̄idaytam̄, jém cobacp̄ic̄ panijyaj̄, y jém escribasp̄ic̄ maestroyaj̄. Ocmī accaatap̄ y jém tucunajamā ap̄ispa. ²² Jesic jém Peto inwejput̄ Jesús, iwogáy. Nim̄pa:

—Mán̄omi, odoy j̄icī iga iñascaaba jemp̄ic.

²³ Pero áms̄et̄ Jesús, ním̄ayt̄a jém Peto:

—MiPeto, mich miwoccīwiñ, acupóyaayī. Mich anactañcawattooba. Da iniī jém Dios ij̄xi. Iniīt̄ jém p̄ixiñtam̄ ij̄xi.

²⁴ Jesic Jesús iñímáy jém icuyujc̄wiñ:

—Siiga ī atún̄iytooba, w̄ī iga ichaguiñ̄ iga iwatpā juuts̄ je ixunpa, w̄itim̄ iga iyaachiyiñ̄ cuando yaachwattap̄ juuts̄ ich anyaachiȳpa, jesic atún̄iyi. ²⁵ Siiga tum̄ p̄ixiñ̄ tsam̄ itoȳpa ivida iga itpā ȳp̄ naxyucmi, jesic togoȳpa jém ivida. Pero siiga accaatap̄ tum̄ p̄ixiñ̄ ich an̄cuyucmi, jesic jém p̄ixiñ̄ da togoȳpa ivida, itpā para siempre. ²⁶ Da ti cuwatcuȳ siiga tum̄ p̄ixiñ̄ iniit̄ itump̄iȳ jém w̄ib̄ic̄ cosa jém itw̄īp̄ ȳp̄ naxyucmi, pero ocmī togoȳpa ianama. Tum̄ p̄ixiñ̄ da w̄iap̄ iyoj̄ con tumiñ̄ iga ip̄ictson̄pa eybíc̄ jém ianama cuando caaneum. ²⁷ Ich, jém aMiñ̄ew̄īp̄ S̄nyucmi, eybíc̄ amiñ̄pa con anJatun̄ Dios ip̄imi. An̄waganamiñ̄pa jém s̄nyucmip̄ic̄ p̄ixiñtam̄. Anyojpā cada tum̄tum̄ jém p̄ixiñ̄ según̄ juuts̄ iwatnē jém iyoxaji. ²⁸ Numa, mannímáȳpa iga algunos de mimichtam̄ miñtan̄w̄īp̄ ȳim̄ da micaaba hasta que iñixtámpa cuando amp̄ictson̄pa jém anJatun̄ ip̄imi iga ananjacpa jém Dios ip̄ixiñtam̄.

17

An̄c̄ac̄ jém Jesús iámooyi

(Mr. 9:2-13; Lc. 9:28-36)

¹ Jesic cuando nasum seis día, Jesús inin̄ic̄ jém Peto, Jacobo y Xiwan, jém Jacobo it̄īwi, tum̄ mijp̄ic̄ cots̄icyucmi. Icutum̄ n̄icyaj̄. ² Jemum̄ iixyaj̄ iga an̄c̄ac̄ jém Jesús iámooyi. Aguī p̄imī tsocpa jém iámooyi juuts̄ jém jama. P̄imī popo jém ipuctucū juuts̄ tum̄ juct̄ī ichoca. ³ Jesic jeetī rato iixyaj̄ wisten̄ jém wiñ̄icp̄ic̄ p̄ixiñ̄, jém Moisés y jém Elías, an̄matyajpa con Jesús. ⁴ Jesic jém Peto iñímáy Jesús:

—Mán̄omi, aguī w̄ī iga tañtámpa ȳim̄. Siiga in̄w̄ian̄jam̄ an̄watpā tucuten̄ nacxtic̄, tum̄ para mimich, tum̄ para jém Moisés, tum̄ para jém Elías.

⁵ Iganam̄ j̄ȳpa jém Peto, act̄iñ̄ tum̄ ucsī aguī tsocpa. In̄mon̄ itump̄iȳ. Jesic imaton̄yaj̄ tum̄ j̄iyī jém ucsan̄jom̄. Nim̄pa:

—Ȳip̄ ich amManic, tsam̄ antoȳpa. Matóñayt̄aamī ti miñímáȳpa.

⁶ Cuando imatonyaj jém jiyi, jém icuyujc̄iwiñ tocsneactiṅyay naxyucmi. Tsam p̄imi c̄iṅyay. ⁷ Ocmi Jesús icunúc jém icuyujc̄iwiñ, ichicyaj, nímayyajt̄ap:

—Tsucumi. Odoy c̄iṅtaami.

⁸ Cuando ámquímyaj jém icuyujc̄iwiñ, dam i iixyay. Tsíy Jesús icutum.

⁹ Iganam quetyajpa jém cotsicyucmi, Jesús inquímpa jém icuyujc̄iwiñ. Iñímáy:

—Odoy i anmadaayi ti íñix jém cotsicyucmi hasta que accaat̄ap y p̄ispa jém Miññew̄iṅp̄ Siṅyucmi.

¹⁰ Jesic jém icuyujc̄iwiñ icwácyajpa Jesús. Nímayt̄ap:

—¿Jesic tiiga n̄impa jém escribasp̄ic maestroyaj iga miñpa wiñti jém Elías?

¹¹ Jesic Jesús icutson, nímayyajt̄a:

—Numa, wiñti miñpa jém Elías iga iw̄itsacpa itump̄iy cosa. ¹² Siṅp̄ mannímáypa iga oyñeum jém Elías, pero jém ityajw̄iṅp̄ siṅp̄ da iixp̄icyaj. Imalwadayyaj juuts jeeyaj ixunyaipa. Jesaptim imalwadayyajpatim jém Miññew̄iṅp̄ Siṅyucmi.

¹³ Jesic jém icuyujc̄iwiñ icutiṅyiyaj iga cuando n̄impa Jesús iga núcneum jém Elías, n̄imtooba iga jém Xiwan jém acch̄iṅoypaap.

*Jesús icp̄is tum jaych̄ixi jém imatsnew̄iṅp̄ tum mal esp̄iritu
(Mr. 9:14-29; Lc. 9:37-43)*

¹⁴ Cuando núc̄gacum Jesús jut̄ an̄tuumaneyaj tsam jáyan p̄ixiñtam, tum p̄ixiñ icunúc Jesús, icosteeñáy iwiñjom. Iñímáy:

¹⁵ —Maestro, yaachanjami jém ammanic. Tsam imatspa jém ataque. P̄imi iyaachwatpa. Watciy actiṅpa juctjom y jém n̄ic̄im. ¹⁶ Anamíñáy jém in̄cuyujc̄iwiñ iga icp̄isyaj, pero jeeyaj da w̄iap icp̄isyaj.

¹⁷ Jesic Jesús iñímáy jém ityajw̄iṅp̄ jem:

—A que mimichtam, hasta siṅp̄ da in̄cupictámpa Dios. Jáyum tawagaiti con mimichtam, pero datim in̄cupicta. Tsam anyaach̄iyum iga manañquejáypa jém Dios in̄mat̄i, pero da in̄cutiṅyiytámpa. Anamíñaayi jém ts̄ixi.

¹⁸ Jesús iwogáy jém mal esp̄iritu, jesic put̄ jém jaych̄ixi ianamanjom. Jeeti rato p̄is.

¹⁹ Más ocmi jém icuyujc̄iwiñ iyamnímáy Jesús. Icwácyaj:

—¿T̄iiga da w̄ia antopta jém mal esp̄iritu?

²⁰ Jesic Jesús iñímáy:

—Da w̄iap iñtopta porque da in̄w̄icupicpa iga Dios miyoxpátpa. Numa mannímáypa siiga in̄cupicpa uxan̄ juuts tum xutu mostaza ipac, w̄iap iñímáy ȳip̄ cotsic: “Caayi de ȳim, n̄ici jeexic.” Jesic cáypa jém cotsic. W̄iap in̄watta itump̄iy cosa siiga numa in̄cupicpa iga Dios miyoxpátpa. ²¹ Pero yicxp̄ic mal esp̄iritu w̄iap iñtopta siiga in̄iṅwejpátpa Dios y siiga in̄watpa ayuno.

*Eybiṅ n̄impa iga accaat̄ap Jesús
(Mr. 9:30-32; Lc. 9:43-45)*

²² Iganam wagas̄iyajpa Jesús con icuyujc̄iwiñ jém naxyucmi de Galilea, moj in̄madáy Jesús ti iñascaaba. N̄impa iga jém Miññew̄iṅp̄ Siṅyucmi c̄iṅjun̄cott̄ap jém malop̄ic p̄ixiñtam ich̄ijom. ²³ Ocmi accaat̄ap, pero jém tucunajama p̄ispa. Jesic cuando imatonyaj jém icuyujc̄iwiñ tsam p̄imi anyácyaj.

Ts̄éct̄ap impuesto para jém mijp̄ic mast̄ic

²⁴ Cuando núcyaj jém at̄tebet Capernaum jém Jesús con icuyujc̄iwiñ, jesic miñ jém ichécyajpaap impuesto para jém mijp̄ic mast̄ic. Miñ iámyaj jém Peto. Icwácyajpa. Nímayt̄ap:

—¿Que da iyojpa impuesto jém immaestro para jém mijp̄ic mast̄ic?

²⁵ Icutson jém Peto, nimpá:

—Jé, iyojpa.

Jesic cuando tigiy jém Peto jém ticjom jut it Jesús, wiñti jiy jém Jesús, nímaytap jém Peto:

—MiPeto, ¿ti iñjisa, jém reyyaj jém ityajwip yíp naxyucmi, ¿ichégáypa jém impuesto? ¿Jém itiwitam o jém tungac pixin jém dapic jempic?

²⁶ Icutson jém Peto:

—Jém tungac pixin jém dapic jempic.

Jesic Jesús iñimáy:

—Jesic jém itiwitam da iyojpa. ²⁷ Pero iga odoy tajóyixiñ jém ichécyajpaap jém impuesto, nice jém laguna, coti jém iñaawi. Topi jém tiipi jém mojpaap iñxuy. Impátpa ijipjom tum tumiñ. Ictsiypa jém tumiñ iga iñyojpa jém impuesto para mimich y para aich. Jesic nigíyoji.

18

I tsíypa jém más mijpic anjagooyi

(Mr. 9:33-37; Lc. 9:46-48)

¹ Jeetim jama icunúcyaj Jesús jém icuyujcwiñ. Iñimayyaj:

—Cuando núcpa jém tiempo iga Dios injacpa yíp naxyucmi, ¿i tsíypa más mijpic anjagooyi de aichtam?

² Jesic Jesús inwejay tum xutu tsixi. Iñimáy:

—Miñi miteñi yim jém ancuyujcwiñ iwiñjom.

³ Jesic Jesús iñimáy jém icuyujcwiñ:

—Numa mannimáypa, siiga da incucacpa jém iñjixi y da michíypa juuts tum xutu tsixi, da wíap iñtigiy jut injacpa Dios. ⁴ Jém tsíypáppic juuts jém más mijpic anjagooyi, je jém nimpáppic iga da ti wíap, tsíypa juuts yíp xutu tsixi. ⁵ Siiga tum pixin iwipictsonpa tum jém ammicchipic jém dapic juchan juuts yíp xutu tsixi, awipictsonpatim aich.

Wí iga tanawattap cuenta iga odoy tammalwadiñ

(Mr. 9:42-48; Lc. 17:1-2)

⁶ Siiga ¿icwatpa táñca tum pixin, jém yaguiñpic acupicpa aich, más wí iga cutsénaytaiñ iisciyucmi tum mijpic molino icha iga jiccaiñ lamar jut tsam jojmi. ⁷ Agui uuguytim jém ityajwip yíp naxyucmi porque siempre it jém malopic pixin jém icwatpáppic táñca jém itiwitam. Tienes que iñascaaba jempic, pero agui uuguytim jém pixin jém icwatpáppic táñca jém itiwí.

⁸ Siiga inçi o impuy micwatpa táñca, jesic jaci, patsaayi. Más wí iga mitigíypa jut it jém vida micitaca o mipuytaca que iga micottap juctjom jut da nunca píchpa con icuistic inçi o icuistic impuy. ⁹ Siiga iñixcuy micwatpa táñca, jesic topi jém iñixcuy, patsaayi. Más wí iga mitigíypa jut it jém vida con tum iñixcuy que iga micottap jém juctjom jut da nunca píchpa con icuistic iñixcuy.

Jém pixin iborrego jém togoyñewip

(Lc. 15:3-7)

¹⁰ Odoy jóyixi jém tsixtam y jém yaguiñpic icupicyajpa ich ananmati. Porque cada tumtum de jeeyaj iwatyajpa cuenta jém sinyucmic pixinítam, jém ityajwip jém tanjatun Dios iwiñjom. ¹¹ Jeeyucmi amiñ sinyucmi iga ancicpudiñ jém togoyñeyajwip.

¹² ¿Ti miñimpa mimichtam? Siiga tum pixin iniit cien borrego y togoypa tum, ¿jesic ti iwatpa jém iomi? Tienes que ipoychacpa jém noventa y nueve. Nicpa iméts jém togoyñewip cotsiganjoj. ¹³ Siiga ipátpa jém togoyñewip, más pimi maymáypa jém pixin

con jém tum jém ipátnewiip que con jém noventa y nueve jém dapic togoyñe. ¹⁴ Jesaptim jém tanJatun Dios, jém itwiip siñyucmi, da ixunpa iga togoypa ni tum jém xutupic.

Jutpic tanwadáy perdón jém tantiwitam
(Lc. 17:3)

¹⁵ Siiga tum iñtiwi mimalwadáy, jesic nigí aami incutum, wogaayi iga mimalwadáy. Siiga mimatóñáypa, jesic da togoypa jém iñtiwi. ¹⁶ Siiga da mimatóñáypa, jesic nanici tunḡac jém iñtiwi o wisten iga con wisten o tucuten testigo wiḡuejiñ ti miñímayñe y ti iññímáytim jém p̄ixiñ jém mimalwadayñewiip. ¹⁷ Siiga datim mimatóñáypa con jém testigo, jesic nigí nimaayi itumpiy jém Dios ipixiñtam jut antuumayajpa. Pero siiga jém p̄ixiñ datim imatóñáypa itumpiy jém Dios ipixiñtam, jesic jém p̄ixiñ tsíy juuts tum malopic p̄ixiñ jém dapic icupicpa Dios, juuts tum jém ichécpáppic impuesto.

¹⁸ Numa mannímáypa jém dapic iñjictámpa iga wattap yíp naxyucmi, jesic datim i ijícpa iga wattaiñ siñyucmi. Jém iñjícáppic iga wattaiñ yíp naxyucmi, jictaptim iga wattap siñyucmi.

¹⁹ Mannímáypatim siiga wisten de mimichtam yíp naxyucmi miitta de acuerdo iga inḡwáḡaytámpa Dios titam iñxunpa, jesic michiitámpa jém anJatun Dios jém itwiip siñyucmi. ²⁰ Porque jut antuumaneyaj wisten o tucuten jém p̄ixiñ ich anniyimi jemtim anwaganaitayaj jém amp̄ixiñtam.

²¹ Jesic miñ jém Peto. Icwácpa jém Jesús. Nimpa:

—Mánomi, ¿juna veces anwadáypa perdón tum jém antiwi siiga amalwadáypa? ¿Hasta siete veces?

²² Jesic Jesús icutson. Nimpa:

—Da mannímáypa iga hasta siete veces, pero mannímáypa hasta setenta veces por siete.

Jém dapic iwadáypa perdón jém itwi

²³ Cuando injacpa Dios yíp naxyucmi, iwatpa juuts tum rey cuando itoppa icuenta con jém icuyoxayajpaap. ²⁴ Moj itop icuenta, inḡwejay tum jém icuyoxapaap jém icnucsnewiip diez mil jém tumiñ de plata iñiyi talento. ²⁵ Pero jém p̄ixiñ da wiap icseedáy jém rey itumiñ. Jesic jém rey ipimíy iga máytaiñ jém p̄ixiñ con iyomo con ichixtam con itumpiy jém iniitwiip iga icsetpa jém tumiñ. ²⁶ Jesic jém p̄ixiñ icosteeñáy jém rey iwiñjom. Icnucsáypa. Nimpa: “Mánomi, apoyyaachiyi. Manacseedáypa jém iñtumiñ. Ich yajpa manyoj.” ²⁷ Jesic jém rey tsam iyaachanjam jém p̄ixiñ. Icutsigáy, iwadáy perdón iga da icseedáy jém itumiñ. ²⁸ Cuando put de jem, ipát tum icompañero, icuyoxaptim jém rey. Icnucsne jém icompañero cien tumiñ de plata. Jesic imats jém p̄ixiñ, inḡpenjagáypa iisci. Nimpa: “Acseedaaayi jém antumiñ jém manacnucsnewiip.” ²⁹ Jesic jém tunḡac jém icuyoxapaap jém rey, icosteeñáy jém p̄ixiñ. Moj iwágáy perdón. Nimpa: “Apoyyaachiyi. Manacseedáypa jém iñtumiñ jém mannucsayñewiip.” ³⁰ Pero jém p̄ixiñ jém wadayñetawwip perdón diez mil jém talento, da iwadáypa perdón jém icompañero. Icot cárcel hasta icsetpa jém tumiñ. ³¹ Jesic cuando iixyay tiawat jém p̄ixiñ, los demás jém icuyoxayajpaap jém rey, tsam toy ianama, nic inmadayyaj jém rey tiawat jém p̄ixiñ. ³² Jesic jém rey eybic inḡwejay jém icuyoxapaap. Iñímáy: “Agui mimalo. Ich manwadáy perdón itumpiy jém tumiñ jém manacnucsnewiip iga da anácseedáypa porque tsam ancunucsáy iga manwadáyñiñ perdón. ³³ ¿Tiiga da iñyaachanjam jém inḡcompañero jém inicnucsnewiip uxan tumiñ juuts ich manyaachanjam?” ³⁴ Jesic tsam p̄imi jóy jém rey. Ichiñuncot jém policía ichijom iga yaachwattaiñ cárcel hasta que icsetpa itumpiy jém tumiñ.

³⁵ Jesic Jesús yaj inmat jém cuento. Nimpa:

—Miwadáypatim jempic jém anJatun Dios jém itwip sinyucmi siiga da inwadáypa perdón inanamajom jém inñiwitam, jém mimalwadayñewip.

19

*Da wi iga ichacpa iyomo tum pixiñ
(Mr. 10:1-12; Lc. 16:18)*

¹ Jesic cuando yaj inmat Jesús, put jém naxyucmi de Galilea, nic jém naxyucmi de Judea. Jac jém ni anwiñtuc, jém río Jordán. ² Tsam jáyan pixiñtam itúnjyyajpa Jesús. Jemum icpis jém mimneyajwip.

³ Jesic miñyaj algunos jém fariseoyaj iga icutitsyajpa jém Jesús. Nímyajpa:

—¿Que wiap ichac iyomo tum pixiñ siiga da imalwatne?

⁴ Icutson Jesús. Inñimáy:

—¿Que da immayne ti nimpá jém Dios inmati cuando moj iti itumpiy cosa: “Dios iwat tum pixiñ y tum yomo”? ⁵ Nímpatim jém Dios inmati: “Jeeyucmi tum pixiñ ichacpa jatun con iapa iga iwaganaitpa jém iyomo. Icuistic tsíypa tumti mityay.” ⁶ Jesic jém pixiñ con iyomo dam wisten. Tsíy tumti mityay. Jeeyucmi da wi iga ichacpa iyomo jém Diospic in tuumawatne.

⁷ Jesic jém fariseoyaj icwacyaj jém Jesús. Nímayta:

—¿Tiiga nim jém Moisés iga tum pixiñ wiap iwadáy jém iyomo tum acta iga natsacyajta con iwídaya?

⁸ Jesús inñimáy:

—Mimichtam, tsam malo inñinama, jeeyucmi jém Moisés ijicpa iga inñactamiñ jém inyomo. Pero cuando moj iti itumpiy cosa, da iwatyajpa jempic. ⁹ Mannimáy-patim siiga j ichobiyhacpa jém iyomo jém dapic pejoyne iga ipicpa tungac yomo, jesic pejóypa jém pixiñ. Jém ipicpáppic jém yomo jém tsacnetawip, pejóypatim.

¹⁰ Jesic jém icuyujcwiñ inñimáy Jesús:

—Siiga tsam tájca iga ichacpa iyomo tum pixiñ, jesic más wi iga odoy yoomíyíñ.

¹¹ Jesús inñimáy jém icuyujcwiñ:

—Da itumpiy pixiñ wiap iit sin yomo, nada más jém icupinewip Dios. ¹² It algunos jém pixiñ da wiap iyoomiy porque jempam nay. Ittim algunos da wiap iyoomiy porque tungac pixiñ icapunne. Ittim algunos jém pixiñ da yoomíypa iga más wíñ iwat jém Dios iyoxacuy. Jém wíapaap iwat jempic wi iga iwadiñ.

*Jesús ichiiba bendición jém tsixtam
(Mr. 10:13-16; Lc. 18:15-17)*

¹³ Jesic ocmi namíñayajta Jesús jém xuxut tsixtam iga ichicunúgáyíñ icobac y iga inwejpádáyíñ Dios para jeeyaj. Pero jém icuyujcwiñ iwogayyaj jém inimiññeyajwip jém tsixtam. ¹⁴ Pero nimpá Jesús:

—Jígaytaami iga míñíñ aámyaj jém xuxut tsixtam, odoy anjijyaci. Porque jém injjacyajpáppic Dios jex juuts yíp xuxut tsixtam.

¹⁵ Jesic Jesús ichicunúgáy jém tsixtam icobac. Ocmi nic.

*Tum ricopic pixiñ anmatpa con Jesús
(Mr. 10:17-31; Lc. 18:18-30)*

¹⁶ Jesic ocmi núc tum pixiñ danam tsami. Miñ iám jém Jesús. Nimpá jém pixiñ:

—Agui wibic miMaestro, ¿ti wiap anwat iga anaitpa jém vida jém dapic cuyajpa?

¹⁷ Jesic Jesús inñimáy:

—¿Tiiiga miñimpa iga ich agui awi? It no más tum jem wibic, je jem tanjatun Dios. Siiga impictson̄tooba jem vida jem dapic cuyajpa, jesic wat̄i juuts nimpa jem Dios in̄químayooyi.

¹⁸ Jesic nimpa jem pixiñ jem dapic tsami:

—¿Jupp̄ic an̄químayooyi?

Nimpa Jesús:

—Odooy accaoooyi, odooy pejooyi, odooy nuumi, odooy cumigóyooyi. ¹⁹ Naidaaȳi respeto jem in̄jatun y jem in̄apa. Toyi jem in̄tiwi juuts minitoytap in̄yaac.

²⁰ Nimpa jem pixiñ:

—Ich jem̄pigam an̄watne dende ats̄ixiñam. ¿Ti más atogóyáy?

²¹ In̄imáy Jesús:

—Siiga caps̄pa in̄wat itump̄iy juuts ixunpa Dios, cumáyaaȳi itump̄iy jem in̄iitw̄ip, chi jem tumiñ jem yaachayajpaap. Jesic in̄iitpa s̄nyucmi jáyan̄ wibic riqueza. Jesic miñi atún̄iyi.

²² Mu imaton̄ ti in̄imáy Jesús, nic jem pixiñ. Tsam̄ p̄imi anyác porque tsam̄ p̄imi rico.

²³ Jesic Jesús in̄imáy jem icuyujc̄iwiñ:

—Numa mann̄imáypa, tsam̄ p̄imi tán̄ca iga tiḡiypa tum ricop̄ic jut̄ in̄jacpa Dios. ²⁴ Eyb̄ic mann̄imáypa. Más da tán̄ca iga naspa tum camello tum n̄uncuypac ij̄osjom̄ que iga tiḡiypa tum rico jut̄ in̄jacpa Dios.

²⁵ Cuando imaton̄yay jem icuyujc̄iwiñ, tsam̄ p̄imi ichigan̄jéc̄yay. Nimyay:

—¿Jesic i wiap̄ ic̄iput?

²⁶ Jesic Jesús iámmats jem icuyujc̄iwiñ. In̄imáy:

—Numa, jem pixiñtam da wiap̄ iwatyay, pero Dios wiap̄ iwat porque Dios wiap̄ iwat itump̄iy cosa.

²⁷ Jesic nim jem Peto:

—Mán̄omi, aichtam̄ antsacnetámum itump̄iy jem anaitw̄ip idic, mantún̄iyñetámum. ¿Jesic ti ampictson̄támpa?

²⁸ Jesic Jesús icutson̄. In̄imáy jem icuyujc̄iwiñ:

—Numa mann̄imáypa iga mimichtam, jem antún̄iytampaap, cuando joom̄asetpa yip̄ nas, ich jem aMiññew̄ip̄ S̄nyucmi acoñ̄pa jem mijp̄ic coñ̄cuyucmi con Dios ip̄imi. Jesic mimichtam micoñ̄támpa jem doce coñ̄cuyucmi iga in̄injactámpa jem doce grupo de jem Israelp̄ic pixiñtam. ²⁹ Itump̄iy jem ichacneyajw̄ip̄ jem itic, o it̄iwitam, ijatun̄, iapa, iyomo, ichixtam, o in̄as ich an̄cuyucmi, Dios icseedáypa yip̄ naxyucmi cien veces más. Ip̄ictson̄yajpatim jem vida jem dapic cuyajpa. ³⁰ Jáyan̄ jem pixiñtam, jem an̄jagoyñeyajw̄ip̄, ts̄iyyajpa tuuñian̄c̄im. Jem tuuñian̄c̄imp̄ic, an̄jagoyajpa.

20

Jutsap̄ iyoj Dios jem iyoxac̄iwiñ

¹ Jem Dios iyoxacuy jex juuts tum pixiñ nasiyw̄ip̄. Tum jama, joccuquej, nic iméts jem yoxac̄iwiñ iga icyoxayajpa jem ifinca de uvas. ² Ipát̄yay, iwat trato con jeeyaj iga iw̄iyojpa jem jama. Ocmi icutsat jem ifinca de uvas. ³ Jesic yucm̄im jama, como las nueve, eyb̄ic nic jem pixiñ jem plaza. Jemum iix algunos da in̄iyay yoxacuy. ⁴ In̄imáy: “Mimichtam̄ nictaam̄ miyoxajitam jem amfinca. Man̄w̄iyojpatim.” Jesic jeeyaj n̄icyajpatim yoxaji. ⁵ Eyb̄ic nic jem finca iomi jem plaza cugap̄jama y a las tres de la tarde. Jem̄p̄ictim iwat. ⁶ Jesic a las cinco de la tarde eyb̄ictim nic jem plaza. Ipát̄ algunos jem pixiñtam da in̄iyay yoxacuy. In̄imáy: “¿Tiiiga miitta yim? ¿Muma jama da s̄ip̄ in̄yoxata?” ⁷ Nimyajpa: “Da i oy amétsta iga niguiñ ayoxajitam.” Jesic nimpa jem finca iomi: “Jesic niḡi miyoxajitam jem amfinca. Man̄w̄iyojpatim.”

⁸ Jesic cuando tigiyñeum jama, jém finca iomi iñímáy jém cabo jém iwatpaap cuenta jém ifinca: “Siip anwejayaj jém anyoxaciwíñ, vojyaji. Wiñti yoji jém ocmipic núcyaj. Jesic ocmi yojitim jém wiñtipic núcyaj.” ⁹ Cuando núcyaj jém miññeyajwíip a las cinco, itumpiy wiyoyajta juutstim yoxane muma jama. ¹⁰ Ocmi cuando núcyaj jém mojnewíip miñi, ijisyajpa iga más jáyan vojyajtap. Pero jesañtim vojyajtap juuts jém tigiyñewíip a las cinco de la tarde. ¹¹ Jesic yaj ipictsonyaj jém icoñwiyooyi, moj icujiyay jém finca iomi. ¹² Jesic iñímayyaj jém finca iomi: “Jém ocmipic núcyaj yoxayaj tum hora no más, pero jesañtim ipictsonyaj juuts aichtam. Tsam pími ayoxata muma jama, anyaachiyta jém jampiji.” ¹³ Jesic jém finca iomi icutson. Iñímáy tum jém píxiñ jém icujiyñewíip: “Amigo, da mammalwaday ni uxan. ¿Que da manawat trato iga manyojpa tum jama icoñwiyooyi?” ¹⁴ Jesic píci jém incoñwiyooyi, nicsim. Ich anyojtooba jém ocmipic núc jutsañtim mich manyoj. ¹⁵ ¿Que da wíap anwat juuts ich ansunpa con antumiñ? Tsam miñajajóypa porque ich anwíwadáypa jém tunjac anyoxaciwíñ.” ¹⁶ Jém tuuñiançimpic anjagóypa. Jém anjagoyñewíip tsíypa tuuñiançim. Jáyan jém píxiñtam anwejayajtap, pero da wati jém cupineyajtawíip.

Tucciy nimpa Jesús iga accaatap

(Mr. 10:32-34; Lc. 18:31-34)

¹⁷ Cuando niquiyaj Jesús tunjom iga nicpa Jerusalén, inwejay aparte jém icuyujciwíñ. Iñímáy:

¹⁸ —Matontaami. Siip tanictámpa Jerusalén. Ich, jém aMiññewíip Siñyucmi, acijunçottap jém panij anjagooyi icijom y jém escribaspic maestroyaj icijom. Jeeyaj acipinpa, achiiba mijpic castigo. Ocmi ijisyajpa iga accaayajpa. ¹⁹ Acijunçottap jém tunjac píxiñ icijom iga axiccayajpa, acótsyajpa y acunúnyajpa cunusyucmi. Accaayajpa, pero jém tucunajama apispa de jut it jém caaneyajwíip.

Jém Jacobo y Xiwan iapa iwác tum favor

(Mr. 10:35-45)

²⁰ Ocmi icunúcyaj Jesús wisten jém icuyujciwíñ jém Jacobo y Xiwan. Iwaganamiñyaj iapa, jém Zebedeo iyomo. Costeñ jém Jesús iwiñjom iga iwágáypa tum favor. ²¹ Jesic Jesús icwácpa jém yomo. Nimayta:

—¿Tí iñxunpa?

Nimpa jém yomo:

—Cuando ininjacpa yíp naxyucmi, ansunpa iga yíp wisten ammanic ipictsoniñ tum mijpic cargo. Tum coñpa mich ininjwimi y tum ininjaymi.

²² Pero Jesús icutson, iñímáy:

—Mimichtam da injodonjam ti inwácpa. ¿Que mimichtam wíap iñyaachiy jém yaachaji jém ichpic ampictsonpa? ¿Wíap iñuc jém copa jém ichpic ánuca?

Nimpa jém wisten:

—Awíatámpa.

²³ Jesic Jesús iñímáy:

—Numa iñucpa jém copa jém ichpic ánuca y wíap impictson jém yaachaji juuts ampictsonpa aich. Ich da wíap manchi jém derecho iga nicpa micoñi ananjwimi y ananjaymi. Ichiiba anjatun Dios jém icupinewíip.

²⁴ Jesic cuando imatonayaj jém diez icuyujciwíñ, tsam ijóyiyaj jém wisten. ²⁵ Pero Jesús inwejay los demás jém icuyujciwíñ iga inmadáypa. Nimpa:

—Michtam injodon iga jém juumipic píxiñtam injagooyiyaj tsam ipimíypa jém ipixiñtam. Jém más mijpic anjagooyi más pími ipimíypa jém ipixiñtam. ²⁶ Pero mimichtam da inwattámpa jempic. Siiga mijpic minjagooyi, jesic inçuyoxap jém

iñt̄iwitam. ²⁷ Jém más mijpic anjagooyi entre mimichtam micuyoxap juuts tum esclavo. ²⁸ Inwattámpatim juuts aich. Ich amiñ sinyucmi iga ancuyoxap jém ityajw̄ip yíp naxyucmi. Da amiñ iga acuyoxatap. Amiñ iga anchiiba amvida iga anyojáypa jáyan p̄ixiñtam itájca.

Jesús icpis wisten cácht̄i
(Mr. 10:46-52; Lc. 18:35-43)

²⁹ Jesic cuando putyaj jém attebet Jericó, tsam jáyan p̄ixiñtam itún̄iyyajpa Jesús. ³⁰ Wisten cácht̄i coñyaj jém tun̄ aññaca. Cuando imaton̄yaj iga naspa Jesús, jesic p̄imi j̄iyyajpa jém cácht̄i. N̄imyaj:

—Mán̄omi, jém rey David mim̄anic, ayaachanj̄ami aichtam.

³¹ Pero jém itún̄iyyajpaap Jesús iwogayyajpa jém cácht̄i. Iñimayyajpa iga odoy j̄iyyajiñ. Pero más p̄imi j̄iypa jém cácht̄i. N̄imyaj:

—Mán̄omi, mich jém rey David mim̄anic, ayaachanj̄ami.

³² Jesic teeñanjac Jesús. Inwejáy jém wisten iga miñyajiñ. Cuando núc, iñímáy Jesús:

—¿T̄i iñxunpa iga man̄wadáypa?

³³ N̄imyaj jém cácht̄iyaj:

—Mán̄omi, ansunpa iga aixixóyiñ.

³⁴ Jesic iyaachanj̄ampa Jesús. Ichigáy iixcuy. Jeeti rato ixixóypam. Mojum itún̄iyyaj jém Jesús.

21

Tiḡiy Jerusalén jém Jesús
(Mr. 11:1-11; Lc. 19:28-40; Jn. 12:12-19)

¹ Cuando núcyajtooba Jerusalén, núcyaj wiñti jém attebet Betfagé nocojom jém Olivos cotsic. Jesic icutsat wisten jém icuyujc̄iwiñ tun̄gac xutu tigan̄joj. ² Iñímáy Jesús:

—Nictaami jém tigan̄joj jexpic it. Cuando miñúctámpa impáttámpa tum burroapa tsenne con im̄anic. W̄iji, anamíñaayi. ³ Siiga i micwácpa iga: “¿T̄iiga in̄wijpa?” jesic nímaayi iga jém tán̄omi ixunpa y da jáypa micutsadáypa eybic.

⁴ Jempigam iwatyaj iga cupacpa jém añmat̄i jém ijaychacnew̄ip jém wiñicpic añmatc̄iwiñ. N̄impa:

⁵ Nímaayi jém ityajw̄ip jém attebet Jerusalén:

“Ixtaami iga miñpa jém iñ̄Rey.

Da malo, da nacujíptap.

Iquím̄cane tum burro.

Miñpa tum mañburroyucmi, tum burroapa im̄anic.”

⁶ Jesic nicyaj jém wisten icuyujc̄iwiñ. Iwatyaj juuts iñímáy Jesús. ⁷ Inimiñyay jém burroapa con im̄anic. Icutócyaj con iyootiyaj. Jesic iquím̄ca Jesús jém mañburro. ⁸ Miñyay tsam jáyan p̄ixiñtam y yomtam. Itócyajpa iyooti tun̄jom juť naspa Jesús. Tun̄gac it̄inyajpa jém cuy in̄cis y jém ay iga itócyajpatim tun̄jom. ⁹ Algunos anjagoyñeyaj iñic y algunos miñyajpa jém Jesús ituuñian̄c̄im. P̄imi añweyajpa. N̄imyaj:

—Tan̄cujíptámpa jém rey David im̄anic. Agui w̄i yíp tan̄anjagooyi jém tacutsadayñew̄ip Dios. Agui w̄i jém tan̄jatun̄ Dios.

¹⁰ Cuando tiḡiy Jesús jém attebet Jerusalén, tsam cujínayyajpa itump̄iy jém p̄ixiñtam. Nacwácayta:

—¿Iapaap yíp p̄ixiñ?

¹¹ Jesic n̄imyajpa jém p̄ixiñtam jém miññeyajw̄ip con Jesús:

—Yíp p̄ixiñ Jesús jém Dios in̄matc̄iwiñ. Nazaretpic p̄ixiñ de jém naxyucmi de Galilea.

Jesús iccuáy jém mijpíc mastíc
(Mr. 11:15-19; Lc. 19:45-48; Jn. 2:13-22)

¹² Ocmi tigiy Jesús jém mijpíc mastícjom. Moj iquebacput itumpiy jém máymáyoyajpaap con itumpiy jém juyjúyoyajpaap. Ichiputseedáy jém imesayaj jém icucacyajpaap tumiñ. Imutsmutsseedáy jém icoñcuuyaj jém imáyyajpaap cuucu. ¹³ Iñímáy Jesús jém ityajwip jém:

—Nimpa jém Dios inmati jém jayñewip: “Antsac antic jut iwatyajpa oración jém pixiñtam.” Pero mimichtam inicsetneta jém Dios imastic juuts tum tic jut it jém númyajpaap.

¹⁴ Jesic miñ iámyaj Jesús jém mijpíc mastícjom jém cáhiti y jém cuxujyaj. Icpis. ¹⁵ Jém cobacpic panijyaj con jém escribaspic maestroyaj agui jóyñeyaj cuando iixyaj jém wibic milagro jém iwatnewip Jesús y cuando imatonyaj iga pimi jiyajpa jém tsixtam mastícjom, nimyajpa: “Tan��ujíptampa jém rey David iManic.” ¹⁶ Jesic jém panijyaj iñímáy jém Jesús:

—¿Que da immaton ti nimpay yip tsixtam?

Jesús icutson. Nimpay:

—Numa, ammaton. ¿Que da immayñe jém Dios inmati? Nimpay así:
Dios ichiiba jixi jém xuxut tsixtam iga icujípyajin Dios juuts je iwianjam.

¹⁷ Jesic moj niqui jém Jesús. Jemum ichac jém panij. Nic moni jém xutu tiganjoj jém Betania.

Jesús imalnímáy jém tsuj
(Mr. 11:12-14, 20-26)

¹⁸ Jesic icuquejama, cuando setgacpa Jerusalén, tsam yuap jém Jesús. ¹⁹ Iix tum tsuj tunanaca. Nic icuámáy jém tsuj itim, pero da ipadáy. Nada más it jém iay. Jesic Jesús iñímáy jém tsuj:

—Da nunca mitimap eybic.

Jeeti rato tits jém tsuj. ²⁰ Cuando iixyaj jém icuyujcwiñ, agui ipooñanjamyaj. Icwácayaj jém Jesús. Nímayta:

—¿Tiiga tsam jicsciy tits jém tsuj?

²¹ Jesús icutson. Nimpay:

—Siiga tsam incupicpa iga Dios wip iwat itumpiy cosa y siiga da iñjspa iñanamanjom iga da wip, jesic da no más wip inwat juuts ich anwadáy jém tsuj, pero wiptim iñímáy yip cotsic iga caayi de yim, nigí miniccamtaji lamar, jesic miwadáypa Dios juuts inwágáypa. ²² Siiga numa incupicpa iga Dios wip miyoxpát, jesic impictsonpa titam inwágáypa Dios.

Acwácta Jesús i icutsat
(Mr. 11:27-33; Lc. 20:1-8)

²³ Jesic tigiy eybic Jesús jém mijpíc mastícjom. Iganam accuyujóypa Jesús, icunúcyaj jém panij anjagooyiyaj con jém Israelpic wídaytam. Icwácayajpa. Nímayta Jesús:

—¿I michi jém pimi iga inwatpa juuts mich síp inwat? ¿I micutsat?

²⁴ Jesús icutson. Iñímáy:

—Ich manacwácpatim, siiga ancutsonpa, jesic mannímáypatim jut ampic jém pimi iga anwatpa juuts síp anwat. ²⁵ Anímaayi: ¿I icutsat jém Xiwan iga acchíjóypa? ¿Que Dios icutsat, o jém pixiñtam?

Jesic jém anjagooyiyaj nacwácayajta entre jeeyaj:

—Siiga tanimpa iga Dios icutsat jém Xiwan, jesic tanímáypa: “¿Tiiiga da inçupicta?”
²⁶ Pero siiga tannímáypa iga da je Dios icutsat jém Xiwan, jesic tsam tañçinpa jém pixiñtam porque icupicyajpa iga Dios icutsat jém Xiwan.

²⁷ Jesic icutsonyajpa. Nímaytap Jesús:

—Aichtam da anjodon j icutsat jém Xiwan.

Jesic Jesús iñímáy:

—Ich datim mannímáypa juť ampic jém autoridad iga anwatpa juuts síp anwat.

Jém cuento de jém pixiñ con wisten imaníc

²⁸ Jesic Jesús inmadáy tum xutu cuento. Nimpa:

—¿Tí iñjispá? Iniit idic tum pixiñ wisten ijaymaníc. Nic iñímáy jém tum: “Maníc, yíp jama nigí miyoxaji jém amfinca de uvas.” ²⁹ Jém imaníc iñímáy ijatun: “Da anicpa.” Pero ocmi icac ijixi, nic yoxaji. ³⁰ Jesic ocmi jém jatunpic nic iñímáy jém tungac imaníc: “Maníc, nigí miyoxaji yíp jama jém amfinca de uvas.” Jesic jém tungac imaníc iñímáy ijatun: “Ich anicpa.” Pero ocmi da nic. ³¹ Jesic anímaayi: ¿Juppíc de jém wisten iwat juuts ixunpa ijatun?

Nimyajpa jém anjagooyiyaj:

—Jém wiñtipic.

Nimpa Jesús:

—Numa mannímáypa iga jém malopic pixiñtam jém ichécyajpaap impuesto y jém malopic yomtam tigiyajpa juť injacpa Dios wiñtitim antes que mimichtam. ³² Porque jém Xiwan jém acchíoypaap miñ iga minquejaytámiñ jutsap inwatta juuts ixunpa Dios, pero da inçupicta. Pero jém ichécyajpaap impuesto y jém malopic yomtam icupicyaj ti iñímáy jém Xiwan. Aunque iñixñeta iga jém malopic ichacyaj jém itánca, mimichtam da inçacta jém iñjixi iga inçupictámpa jém Xiwan inmaťi.

Jém cuento de jém malopic yoxac#wiñ

(Mr. 12:1-12; Lc. 20:9-19)

³³ Nintim Jesús:

—Matonťaami tungac xutu cuento: It idic tum pixiñ nasiywíp. Iñip tum finca de uvas. Icutánne. Iwat tum tsaajos juť itobáypa jém uvas iñi iga iwatpa jém vino. Iwattim tum torre juť iwatpa cuenta jém uvas.

’Cuando cupacneum, icnucs jém finca de uvas tungac pixiñtam iga iyoxacaiñ. Ocmi nic jém nas iomi tungac naxyucmi juť tsam juumi. ³⁴ Cuando núc jém tiempo iga itúcyajpa jém uvas, jém finca iomi icutsat juten jém imozoyaj iga ipictsoniñ jém iomi imichi. ³⁵ Pero jém iñucsneyajwíp jém finca iga iyoxacaaba imatsyaj jém imozoyaj. Tum tsam icótsyaj, tum iccaayaj, tum iñácscayaj tsaami. ³⁶ Jesic eybic jém nas iomi icutsat tungac más jém imozo, pero jém iñucsneyajwíp jém ifinca imalwadayyapatim mex jeeyaj.

³⁷ Jesic ocmi jém nas iomi icutsat imaníc iga ipictsonpa jém ijatun imichi. Nimpa: “Tienes que iwipictsonyajpa jém ammaníc.” ³⁸ Pero cuando jém iñucsneyajwíp jém finca iixyaj iga miñpa jém iomi imaníc, moj nanímayyajtaji: “Yíbam ipictsonpa itumpiy jém ijatun imichi. Tej tanacca, jesic taichtam tamichatámpa titam ichiiba jém ijatun.” ³⁹ Jesic imatsayyaj jém pixiñ imaníc. Itopyaj anšicmi, iccaayaj.

⁴⁰ Jesic Jesús icwác jém panijyaj. Nimpa:

—Síp anímaayi: Cuando miñpa jém nas iomi, ¿tí iniwatpa jém iwatyajpáppic cuenta jém iñas?

⁴¹ Jesic jém panijyaj icutsonyaj, nimyaj:

—Accaayajtap itumpiy jém malopic p̄ixiñtam. Da iyaachanjampa ni uxaj jém finca iomi. Jesic ocmi icnucspa tungac p̄ixiñ, jém iwégaypaap jém cosecha cuando núcpa itiempo.

⁴² Jesic n̄impa Jesús:

—¿Que da immayñeta jém Dios in̄mati jūt jayñe? N̄impa:

Jém ticwatpaap ipatsaytip tum tsa.

Pero ocmi jeetim tsa piñta.

S̄ip jeetim tsa icóppacne jém tic.

Jempam iwat jém tanJatun Dios.

Cuando tánixtámpa, agui tampooñanjamtámpa.

⁴³ Jeeyucmi mannímáypa iga miccáyaytap jém w̄ibic an̄mati iga s̄ip Dios injacpa ȳip naxyucmi. Chiitap jém tungac p̄ixiñtam jém ichiipaap jém w̄ibic cosecha juuts ixunpa Dios. ⁴⁴ Siiga michutpa ȳip tsaayucmi, micusámáypa. Siiga ȳip tsa micuchijquetpa, jesic michíypa iga mipooti.

⁴⁵ Jesic cuando jém panij anjagooyiyaj con jém fariseoyaj imaton̄yay jém xuxut cuento, icutiyyiyaj iga jeeyaj icuyucmi in̄matpa Jesús jém xuxut cuento. ⁴⁶ Tsam imatsyajtooba Jesús, pero da w̄iap imatsyaj. Jém anjagooyiyaj tsam ic̄inyaj jém p̄ixiñtam porque jeeyaj icupicyajpa iga tum Dios in̄matc̄iwiñ jém Jesús.

22

Jém cuento cuando an̄coomíypa jém rey iman̄ic

(Lc. 14:15-24)

¹ Jesic Jesús in̄matpa tungac más cuento. N̄impa:

²—Jém tiempo cuando Dios injacpa jém p̄ixiñtam jex juuts tum rey cuando an̄coomíypa ijayman̄ic. Jém ijatun iwatpa tum miñpic s̄in. ³ Cuando yajum iw̄itsac itumpiy cosa, icutsat jém icuyoxayajpaap iga in̄wejayajpa jém p̄ixiñtam jém it̄ipneyajw̄ip. Pero jeeyaj da miñtooba. ⁴ Jesic eybic icutsat tungac más jém icuyoxayajpaap. In̄ímáy: “N̄imayyaji jém ant̄ipneyajw̄ip iga watneum jém w̄iccuy. Accaanetawum jém xix y jém borregoyaj jém anacp̄inew̄ip. S̄ip itum listo, miñyajiñ jūt it jém an̄coomíyóycuy.”

⁵ ‘Pero jeeyaj da iwadáy caso. Tum nic icamjom, tum nic máymáyooyi. ⁶ Tungac imats jém icutsatneyajw̄ip jém rey, moj imalwadayyaj hasta iccaayaj algunos. ⁷ Jesic cuando imaton̄ jém rey ti iñasca jém icuyoxayajpaap, tsam p̄imi jóy. Icutsat jém soldado iga accaayajtaiñ jém accaoyñeyajw̄ip y iga nooquettaiñtim jém atebet jūt it jém malopic p̄ixiñtam. ⁸ Jesic eybic jém rey in̄ímáy jém icuyoxayajpaap: “Itum listo jém an̄coomíyóycuy, pero jém mojnew̄ip ant̄ip da w̄i iga miñpa. ⁹ Jesic nictaami jūt an̄wácne jém tun jūt nasyajpa jáyan jém p̄ixiñtam. N̄imayyaji itumpiy jém impátpáppic iga miñyajiñ jūt it jém an̄coomíyóycuy.” ¹⁰ Jesic nicyaj jém icuyoxayajpaap jūt nasyajpa jáyan jém p̄ixiñtam. In̄tuumawatyajpa itumpiy jém ipátneyajw̄ip, jém malopic y jém w̄ibic. Jempigam com jém tic jūt it jém an̄coomíyóycuy.

¹¹ ‘Jesic tigiy jém rey iga iámpa jém an̄tuumaneyajw̄ip. Iix tum p̄ixiñ da ipictson̄e jém w̄ibic yooti jém iccámaypáppic jém rey icuyoxapaap para jém sinjom. ¹² Jesic jém rey in̄ímáy jém p̄ixiñ: “Amigo, ¿jutsa mu in̄tigiy yim y da i miccámáy jém w̄ibic yooti para jém an̄coomíyóycuy?” Da jiy jém p̄ixiñ. ¹³ Jesic jém rey in̄ímáy jém icuyoxapaap: “Matstaami ȳip p̄ixiñ, tsénaytaami ici y ipuy. Cottaami jém piichc̄im jém itw̄ip an̄sicmi, jūt tsam wejaypa, jūt in̄ichyajpa itits.” ¹⁴ Porque tsam jáyan an̄wejayajtap, pero da w̄ati cupiñneyajta.

I tanyojáypa jém impuesto
(Mr. 12:13-17; Lc. 20:20-26)

¹⁵ Jesic jém fariseoyaj moj ijisyaj jutsap iquejajwadáy jém Jesús con jeetim inquímayooyi jém inquejayñewiip jém pixiñtam. ¹⁶ Jeeyucmi icutsatyaj algunos jém fariseoyaj icuyujciwiñ con algunos jém Herodes ipixiñtam iga ininmatyajiñ jém Jesús. Nímaytap:

—Maestro, anjodónata iga siempre ininmatpa jém numapic anmati. Ininquejpa parejo jém Dios inmati, da i immigóyáypa. Da inwadap caso ti ninyajpa jém pixiñtam. Da i inçinpa. ¹⁷ Jesic anímaayi ti inñispa: ¿Wi iga tanyojpa impuesto jém Romapic anjagooyi o da wi?

¹⁸ Pero Jesús icutiñyáypa iga tsam iniityaj malopic jixi ianamanjom. Inñimáy:

—Mimichtam miñimanñtaayap iga inwattooba juuts ixunpa Dios. ¿Tiiga ancutítspa?

¹⁹ Anquejaayi tum jém tumiñ jém inñoyócapaap jém impuesto.

Jesic namíñayta Jesús jém tumiñ. ²⁰ Jesic mu iix Jesús, icwácpa. Nímayyajtāp:

—¿I iwiñpac it yip tumiñyucmi? ¿I inñiyi jaycámayñeta?

²¹ Ninyajpa:

—Jém César jém Romapic anjagooyi.

Jesic nimpā Jesús:

—Chiitaami jém César jém Césarpic imñichi. Chiitaami Dios jém Diospic imñichi.

²² Cuando imatonayaj ti inñimáy Jesús, tsam ipooñanjamyajpa jém miññeyajwiip. Ichacyaj Jesús, nicyaj.

Jutsap icpisyajta jém caaneyajwiip
(Mr. 12:18-27; Lc. 20:27-40)

²³ Jesic jeetim jama miñ iamyaj Jesús algunos jém saduceoyaj, jém dapic icupicyajpa iga pispā jém caaneyajwiip. Jeeyucmi miñ icwác Jesús. Ninyaj:

²⁴ —Maestro, nimpā jém Moisés, siiga caaba tum pxiñ y ichacpa iyomo, pero da ichac ni tum imaníc, jesic jém pxiñ itwi ipigáyiñ jém iyomo iga inimanícwatpa. Jesic jém tsixi tsíypa juuts jém caanewiip imaníc. ²⁵ It idic con aichtam siete pxiñ tumti ijatun. Jesic yoomíy jém más achpic. Ocmi ca. Da ichac ni tum imaníc. Jesic jém ipñtsi ipic jém icapay. ²⁶ Inñascatim jempic jém ipñtsi y jém tungac jém ijáyuc hasta que icusiete ipicyaj jém yomo. Caayaj itumpiyyaj. ²⁷ Ocmi caatim mex jém yomo. ²⁸ Jesic cuando Dios icpispā itumpiy jém caaneyajwiip, ¿juppic de jeeyaj tsíypa juuts jém yomo iwídaya? Porque icusiete inincoomiyyaj jém yomo.

²⁹ Jesic Jesús icutson. Nimpā:

—Mimichtam tsam mijixifogoyñeta porque da incutiñiytāmpa jém Dios inmati ni datim incutiñiytāmpa ti wiap iwat Dios con ipimi. ³⁰ Cuando acpisyajtāp jém caaneyajwiip, dam ancoomiyyajpa, dam napicyajtāp jém pixiñtam con jém yomtāp. Tsíyyajpa juuts jém sinyucmipic pixiñtam. ³¹ Siip manañquejáypa iga numa acpisyajtāp jém caaneyajwiip. ¿Que da immayñe jém Dios inmati ti miñimáy Dios? Nimpā: ³² “Ich jém Abraham aDios, jém Isaac aDios y jém Jacob aDios.” Jesic quejpa iga jém tanjatun Dios da je jém caanewiip iDios, je jém vivopic iDios.

³³ Jesic jém miññeyajwiip jem agui ipooñanjamyajpa cuando imatonayaj jém Jesús inquímayooyi.

Jém más mijpic anquímayooyi
(Mr. 12:28-34)

³⁴ Cuando jém fariseoyaj ijodónayaj iga Jesús da icjiyyaj jém saduceoyaj, jesic eybic antuumayaj jut it Jesús. ³⁵ Tum de jeeyaj, jém maestro de jém wiñicpic anquímayooyi, tsam icutitstooba jém Jesús. Jesic inñimáy:

³⁶ —Maestro, ¿juppíc jém más mijpíc anquímayooyi de jém Moisés inquímayooyi?

³⁷ Jesús iñímáy:

—“Toyí jém tanJatun Dios con itumpiy iñanama y con itumpiy iñixi.” ³⁸ Yíbam jém mijpíc anquímayooyi jém wiñtipic. ³⁹ Jém tungac anquímayooyi jextim. Nimpa: “Toyí jém iñtíwi juuts minitoytap iñyaac.” ⁴⁰ Siiga inwatpa juuts nimpa icuistic yíp anquímayooyi, jesic capsum inwat itumpiy jém anquímayooyi jém ichacnewip jém Moisés y itumpiy jém wiñicpic anmatciwiñ.

De i miñpa jém Cristo

(Mr. 12:35-37; Lc. 20:41-44)

⁴¹ Iganam antuumaneyaj jem jém fariseoyaj, Jesús icwác. ⁴² Iñímáy:

—Anímaayi ti iñjístampa, ¿i imanic jém Cristo?

Nimyaj jém fariseoyaj:

—Jém David imanic.

⁴³ Jesús iñímáy:

—Jém Dios iAnama ichi jixi jém David iga wíap inmat, ¿jesic tiiga nimpa jém David iga jém Cristo je jém iQmi? Porque nimpa jém David:

⁴⁴ Jém anJatun Dios iñímáy jém ánQmi Cristo:

“Coñi yim ananjwimi hasta que incoñwíypa jém mijóyixyajpaap.”

⁴⁵ ¿Pero jutsap ichiy jém Cristo juuts jém David imanic, siiga nmtim jém David iga jém Cristo iQmi?

⁴⁶ Jesic da i wíá icutson jém Jesús. Dende jém jama dam i más icwác jém Jesús porque agui cinyajpa.

23

Jesús iwogáy jém fariseoyaj y jém escribaspic maestroyaj

(Mr. 12:38-40; Lc. 11:37-54; 20:45-47)

¹ Jesic moj inmadáy Jesús itumpiy jém antuumaneyajwíip con jém icuyujciwiñ. Nimpa:

² —Jém escribaspic maestroyaj con jém fariseoyaj jexpictim anquímayooyi inmatpa juuts jém Moisés. ³ Jesic cupictaami mimichtam, wattaami itumpiy juuts miñímaytampa cuando minquejaytampa jém Dios inmati. Pero odoy wattaami juuts iwatyajpa jeeyaj. Porque iwianmatyajpa, pero da iwíwatyajpa. ⁴ Tsam jáyan inquímayooyi ijixquímajpa, tsam ictsímajajpa jém itíwítam, pero jeeyaj da iyoxpátpa con tum jém iwayci iga icuyagíyáypa ichimi. ⁵ Iwíwatyajpa iga ixtaiñ iga wibic pxiñ. Agui iwianjamyaj jém wítipic bolsa jut ininicpa jém Dios inmati. Agui wí accuyajne jém iyagats yooti inaca. ⁶ Cuando wattap jém mijpíc sin, agui iwianjamyaj jém coñcuy jut wícyajpa jém mjtampic anjagooyiyaj. Agui icusúnyajpa jém más wibic coñcuy jém sinagoga. ⁷ Iwianjampatim iga tandioschiiñ calle. Ixunpa iga jém pxiñtam iñiyíyíñ iga: “Rabí, Rabí”. Taichtam tanañmatimi nímtooba: “Mammaestro”.

⁸ 'Odoy jici iga i miñiyíyíñ iga miRabí, porque it tum jém imMaestro, je jém Cristo. Mimichtam mitíwítam. ⁹ Odoy nímaayi tum pxiñ iga “Manjatun” iga mipimíypa yíp naxyucmi, porque it tum jém tanJatun jém itwíip sinyucmi. ¹⁰ Da wíap iñchíy juuts minjagooyi porque it tum jém ininjagooyi je jém Cristo. ¹¹ Jém más mijpíc anjagooyi entre mimichtam micuyoxatampa. ¹² Dios da iwíxpa jém pxiñ jém tsampic nacujíptap. Pero wíxtap tum pxiñ siiga da malo ianama.

¹³ 'Agui miuuguytim, mimichtam, miescribaspic y mifariseopic. Tsam minimigóyaytap. Da nunca inwattampa juuts ininquejáypa jém incuyujciwiñ. Mimichtam

ininpajpa jém puerta jüt tigiyaypa jém p̄ixiñtam jüt injacpa Dios. Da mitigiyapa mimichtam, ni datim iñj ígáypa iga tigiyajiñ jeeyaj.

¹⁴ 'Agui miuuguytim mimichtam, miescribasp̄ic mimaestrotam y mifariseop̄ic. Tsam minimigóyayt̄ap. Da nunca inwattámpa juuts ininquejáypa jém p̄ixiñtam. Iñtóbáypa p̄imimi jém cunoya im̄ichi, jesic ocmi tsam yagatsp̄ic oración inwatpa iga immigóyáypa jém p̄ixiñtam. Jeeyucmi tsam mijp̄ic castigo michiitamt̄ap.

¹⁵ 'Agui miuuguytim, mimichtam, miescribasp̄ic mimaestrotam y mifariseop̄ic. Tsam minimigóyayt̄ap. Tsam incuámpa icuw̄iti ȳip naxyucmi hasta jém lamar anwiñtuc iga impátpa tum p̄ixiñ iga ininquejáypa michp̄ic ininquímayooyi. Cuando yaj ininmadáy, jesic jém p̄ixiñ más jáyan ip̄ictson̄pa castigo que mimichtam.

¹⁶ 'Agui miuuguytim, mimichtam, in̄jictámpa jém in̄tiw̄itam juuts cácht̄iyaj, pero micácht̄itim mimichtam. Porque miñimtámpa, siiga i ichacpa jém mijp̄ic mast̄ic juuts tum testigo iga iwatpa juuts ij̄ycámáy, jesic da ti in̄ascaaba siiga da iwatpa. Pero siiga i ichacpa jém oro jém itw̄ip mast̄icjom juuts tum testigo, jesic tienes que iwatpa juuts ij̄ycámayñe. ¹⁷ Mimichtam da mij̄ixīyta. Micácht̄itam. Jém mijp̄ic mast̄ic más w̄iap que jém oro porque jém mast̄ic iw̄itsacpa jém oro jém itw̄ip mast̄icjom.

¹⁸ 'Miñimtámpatim: "Siiga i ichacpa juuts tum testigo jém altar iga iwatpa juuts ij̄ycámayñe, jesic da ti in̄ascaaba siiga da iccupacpa juuts ij̄ycámayñe. Pero siiga ichacpa jém ofrenda jém itw̄ip jém altaryucmi juuts tum testigo, jesic tienes que iwatpa juuts ij̄ycámayñe." ¹⁹ Michtam da mij̄ixīyta. Micácht̄itam. Jém altar más w̄iap que jém ofrenda porque jém altar iw̄itsacpa jém ofrenda jém itw̄ip altaryucmi. ²⁰ Siiga i ichacpa juuts tum testigo jém altar, jesic ichacpatim juuts tum testigo itump̄iy jém itw̄ip jém altaryucmi. ²¹ Siiga i ichacpa juuts tum testigo jém mijp̄ic mast̄ic, jesic ichacpatim juuts tum testigo jém itw̄ip mast̄icjom porque jentim it jém tan̄jatun̄ Dios. ²² Siiga i ichacpa jém sin̄ juuts tum testigo, ichacpatim juuts tum testigo jém tan̄jatun̄ Dios jém itw̄ip sin̄yucmi.

²³ 'Agui miuuguytim, mimichtam, miescribasp̄ic mimaestrotam y mifariseop̄ic. Miñiman̄taayap iga in̄cupicpa Dios. Iñchiiba Dios jém décima parte jém menta, jém anís y jém comino, pero da inwadáypa caso jém más mijp̄ic an̄químayooyi. Más ixunpa Dios iga in̄w̄iwatpa y miyaachanjaamóypa y in̄cupicpa iga Dios w̄iap miyoxpát. Numa w̄i iga inwattámpa juuts n̄impa jém más mijp̄ic an̄químayooyi y da in̄chactámpa iga inwatpatim jém xutupic an̄químayooyi.

²⁴ 'Mimichtam minjagooyítim, pero micácht̄itam. Tsam inwadáypa caso jém xutupic asunto jém dap̄ic juchan̄. Pero jém asunto tsam mijp̄ic da inwadáypa caso. Juuts n̄imyajpa, in̄toppa tum xutu usu jém invasojom iga odoy in̄guigni, pero ocmi imp̄itquetpa tum camello.

²⁵ 'Agui miuuguytim, mimichtam, miescribasp̄ic mimaestrotam y mifariseop̄ic, da inwattámpa juuts ininquejáypa jém p̄ixiñtam. Tsam in̄cujichaytámpa jém taza y jém ch̄ima iyucwiñ, pero joymi da in̄cujichayñeta, tsam it jém nuumi y jém cusúniyooyi. ²⁶ A que mifariseop̄ic, agui micácht̄itam. Wiñti cujichaayi jém taza ijoymi y jém ch̄ima ijoymi, jesic ocmi cujichayt̄aptim jém iyucwiñ.

²⁷ 'Agui miuuguytim miescribasp̄ic mimaestrotam y mifariseop̄ic, tsam minimigóyayt̄ap in̄yaac. Mijextam juuts tum tsúts ij̄os tsam w̄iwatneta, agui popo an̄s̄icmi. Agui w̄i tánix. Pero joymi tsam it jém tsúts ipac. Jáyan it jém da w̄itamp̄ic cosa, tsam puwa. ²⁸ Jesanetim mimichtam, cuando miixyajpa jém p̄ixiñtam, ij̄isyajpa iga w̄ib̄ic mip̄ixiñ, pero in̄anam̄an̄jom tsam it jém m̄igooyi y jém malop̄ic j̄ixi.

²⁹ 'Agui miuuguytim miescribasp̄ic mimaestrotam y jém mifariseop̄ic, da inwattámpa juuts ininquejáypa jém p̄ixiñtam. Inwatta jém mijp̄ic monumento jüt cumyajt̄a jém wiñicp̄ic Dios in̄matc̄iwiñ. Tsam in̄w̄iaccuyajnet̄a jém monumento jüt cumyajt̄a jém

wiñicpic aṇmatc̄iwiñ. ³⁰ Ocmi miñimtámpa mimichtam: “Meega aitta cuando it jém wiñicpic antúmmitam, da idic anyoxpát iga accaata jém Dios inmatc̄iwiñ.” ³¹ Numa juuts mimichtam miñimta iga jém wiñicpic pixiñtam mimichtam injatunwewetam. Iccaayaj jém Dios inmatc̄iwiñ. Mimichtam mijextim juuts jém injatunwewetam. ³² Jesic seguido wati jempic hasta que cupacpa inwat juuts ictsucumyaj jém injatunwewetam.

³³ Tsam malo jém inwewetam. Mimichtam tsam mimalotim juuts tum tsañ. Da wiaṇ inçiputta de jém castigo. Tienes que miñicpa jém juctjom jut da nunca píchpa. ³⁴ Jeeyucmi mañcutsadáypa tunḡac aṇmatc̄iwiñ, y wibic pixiñtam jixiyw̄ip, y jém nunta escribaspic maestroyaj. Pero algunos iniccaatámpa. Algunos inçunúntámpa cunusyucmi. Algunos inçótstámpa jém sinagoga. Algunos inicpoytámpa de tum attebet hasta tunḡac attebet. ³⁵ Michtam impictsonotámpa tum mijpic castigo. Dios michégáypa icobac iga accaayajta itumpiy jém w̄itampic pixiñtam, dende jém wiñtipic accaata jém Abel jém dapic ti iwatne, hasta jém Berequías imanic, jém Zacarías, jém accaataw̄ip masticjom nocojom jut it jém altar. ³⁶ Numa mannímáypa iga itumpiy yip castigo ipictsonyajpa jém ityajw̄ip siip.

Wejpa Jesús jém Jerusalén aṇṇaca
(Lc. 13:34-35)

³⁷ Mimichtam, miittanw̄ip Jerusalén, iniccaata jém wiñicpic aṇmatc̄iwiñ. Inñácscata tsaami jém micutsadayñew̄ip Dios. Watciy anañtuumawattip jém immanictam juuts jém piyuapa in̄tuumawatpa jém imanictam jém ixajcucim, pero da inwianjanta. ³⁸ Ixtaami mimichtam, yip attebet tsíypa juuts tum tic da oomiy. Icutum tsíypa. ³⁹ Siip mannímáypa mimichtam iga da eybic ánixtámpa hasta núcpa jém tiempo cuando miñimtámpa iga: “Agui w̄i jém tananjagooyi jém tacutsadayñew̄ip tanjatun Dios.”

24

Nimpa Jesús iga cujegáypa jém mijpic mastic
(Mr. 13:1-2; Lc. 21:5-6)

¹ Jesic put Jesús masticjom. Iganam nicpa, icunúcyaj jém icuyujc̄iwiñ. Moj inquejayyaj Jesús jém wibic ticyaj jém mijpic mastic aṇṇaca, tsam w̄iwatne. ² Pero Jesús inñimáy:

—Mimichtam, ixtaami yip ticyaj. Numa mannímáypa iga yajpa imiswattā icutero yip mastic, da tatsneeba ichiy ni tum tsa. Itumpiy accujegayyajta.

Jém seña cuando miñpa jém inañpigam jama
(Mr. 13:3-23; Lc. 21:7-24; 17:22-24)

³ Jesic nicyaj jém cotsicyucmi de Olivos. Cuando coñ Jesús, jém icuyujc̄iwiñ iyamnímayyajpa:

—Anímaayi juchā naspā itumpiy yipyaj cosa. ¿Júp seña ánixtámpa cuando mimiñgacpa yip naxyucmi iga iniccuyajpa yip nas?

⁴ Jesic Jesús icutson. Inñimáy:

—Nawattamtaji cuenta iga odoy i mimigóyayiñ. ⁵ Miñyajpa wati jém migoypaap ich anniyimi. Nimyajpa iga: “Ich aCristo.” Imigóyayyajpa tsam jáyan jém pixiñtam. ⁶ Immatonotámpa iga miñpa jém guerra. Wanpa iga tsam añayajpa jém naciónyaj. Pero odoy c̄iñtaami. Tienes que naspā itumpiy yipyaj cosa, pero danam núcne jém inañpigam jama. ⁷ Tum nación añayajpa con tunḡac nación. Tum naxyucmi añayajpa con tunḡac naxyucmi. Miñpa jém mijpic yuu. Miñpa wati jém malopic caacuy. Miñpa jém nasyixi jut quej. ⁸ Cuando miñpa itumpiy yipyaj cosa, yaguiñ tsucumpa jém mijpic yaachaji.

⁹ Jesic micijunçottamtap jem malopic anjagooyi icijom iga mimalwadaytamtap. Miccaatamtap. Icuwiti yip naxyucmi tsam mijoyixyajpa ich ancuyucmi. ¹⁰ Cuando núcpa jem tiempo, tsam jáyan pixiñtam ichacyajpa jem Dios inmati. Algunos iwadáypa atraición jem itiwí iga matstaiñ. Tsam najoyixyajtap. ¹¹ Miñyajpa jáyan jem migoyyajpaap, nimanṭaayap iga Dios inmatciwiñ. Imigoyayyajpa tsam jáyan jem pixiñtam. ¹² Tsam jáyanap jem malopic jixi jeeyucmi jáyan jem pixiñtam ichacyajpa iga itoypa jem itiwitam. ¹³ Pero ciacputtap jem iyaachiyapaap jem yaachaji, jem dapic ichacpa jem Dios inmati hasta jem inṭapigam jama. ¹⁴ Wiñti anmattap yip wibic anmati iga Dios injacpa jem ityajwip yip naxyucmi. Núcpa jutquej iga jodónṭaiñ jem Dios inmati. Ocmi núcpa jem inṭapigam jama.

¹⁵ Jem wiñcipic anmatciwiñ jem Daniel ijaychac jem librojom iga miñpa tum anjagooyi tsam pimi malo, ijoyixpa tanjatun Dios. Miñpa iwat contra jem Dios inquímayooi. Cuando inix iga miñ iti jem anjagooyi jut da iwianjam Dios (el que imaypa yip libro wi iga icutiyyiñ ti annímáypa), ¹⁶ jesic miittanwip jem naxyucmi de Judea, poytaami, nictaami jem cotsiganjoj. ¹⁷ Siiga miquímne inñicyucmi jem tungac piso, jesic odoy queti iga nicpa impic intraste, pero nicsim poyimi. ¹⁸ Siiga miitta camjom cuando immaton iga núcneum jem malopic anjagooyi, jesic odoy settaami inñiccim iga miñpa impic impuctucu. Jemigam tsucumtaami. ¹⁹ Agui uuguytim jem yomtam jem manicomcanewip y jem ictsútpáppic jem xuxut tsixtam. Porque tsam jáyan yaachaji miñpa. ²⁰ Anwejpáttaami Dios iga odoy mictsiytámiñ jem tiempo de succuc ni jem jejcuy jama cuando mipoytampa. ²¹ Cuando núc yip malopic anjagooyi, tsam pimi miyaachátampa. Da nunca oypa tánix jexpic yaachaji dende Dios iwat yip nas. Ni ocmi da eybic tánixpa jexpic yaachaji. ²² Jem tanjatun Dios da ijicpa iga jáypa jem malopic anjagooyi. Siiga jáypa, da i cputpa, cucaayyajpa itumpiy jem icupinneyajwip Dios, jeeyucmi da ijicpa iga jáypa jem mijpic yaachaji.

²³ Siiga i miñímáypa iga: “Miñi aami, yim it jem Cristo”, o tungac miñímáypa: “Nigi aami jeexic it jem Cristo”, jesic odoy cupictaami. ²⁴ Porque miñyajpa tsam jáyan jem migoyyajpaap. Nimanṭaayap iga: “Ich aCristo”, pero migóypa. Nimanṭaayap iga: “Ich awibic jem Dios inmatciwiñ.” Iwatyajpa jem witampic seña y jem milagroyaj iga imigoyayyajpa jem icupinneyajwip Dios meega wip. ²⁵ Mannímayñeum wiñti ti miñpa antes que amiñgacpa. ²⁶ Jeeyucmi siiga i miñímáypa iga: “Nigi aami jem Cristo jem titsinaxyucmi”, odoy nigi aami. Siiga ninyajpa: “Miñi aami, yim it jem Cristo tum cuartojom anñecne”, odoy cupici. ²⁷ Porque cuando ich, jem aMiñnewip Sinyucmi, amiñgacpa yip naxyucmi, jesic i quej aixyajpa. Juuts quénpa jem majiywiñ dende anñisaumi hasta anyomsaumi, jesanetim tsam wiquejpa cuando amiñgacpa. ²⁸ Jut caane tum cawaj jemum antuumayajpa jem nuupu. Jesaptim tsam wiquejpa cuando núctooba jem inṭapigam jama.

Jutsap imiñgac jem Dios iManic

(Mr. 13:24-37; Lc. 21:25-33; 17:26-30, 34-36)

²⁹ Jeeti rato cuando naspá jem yaachaji, pichpa jem jama ichoca y jem poya datim tsocpa. Jem matsa, jem itwip sinyucmi, cutinayajpa. Tsam tsigoyyajpa itumpiy jem ityajwip jem matsaanjom. ³⁰ Quejpa jem seña sinyucmi iga miñpa jem icutsatnewip Dios. Tsam weyajpa itumpiy jem ityajwip icuwiti yip naxyucmi cuando iixyajpa iga miñgacpa jem Miñnewip Sinyucmi jem ucsanjom con jem Dios ipimi juuts tum mijpic anjagooyi. ³¹ Cutsadayyajtap jem sinyucmipic pixiñtam yip naxyucmi. Sustap tum succuy. Agui pimi anjyapa iga intuumawatpa itumpiy jem icupinneyajwip Dios icuwoyo jem mundo dende sinyucmi hasta naxyucmi.

³² 'Cutiiyiytaami yíp ejemplo de jém tsuj. Cuando químpa jém inmaañay, jesic inñodon̄tam iga núctooba jém cutujci. ³³ Jesaptim cuando inñixtámpa iga naspa itumpiy jém mannímayñewiip iga miñpa, jesic inñodon̄tam iga nocojom it jém jama cuando amiñgacpa yíp naxyucmi. ³⁴ Numa mannímáypa, cupacpa itumpiy yípyaj cosa antes que caayajpa itumpiy jém pxiñtam jém ityajwiip jém tiempo. ³⁵ Cuyajpa jém siñ y jém nas, pero ich anañmatí da nunca cuyajpa.

³⁶ 'Da i ijodon̄ júp jama ni juchis hora naspa itumpiy yípyaj cosa. Da ijodon̄yay ni jém siñyucmiipic pxiñtam ni datim ijodon̄ jém Dios iManic. Icutum ijodon̄ jém tanJatun̄ Dios.

³⁷ Juustim jém tiempo cuando it idic jém Noé, jesaptim jém tiempo cuando amiñgacpa yíp naxyucmi. ³⁸ Porque wiñgam cuando it idic jém Noé, cuando danam núcne jém diluvio, jém pxiñtam wícyajpatim y ucyajpatim. An̄coomíyoyajpatim y ichiiyajpatim iyomman̄ictam iga an̄coomíyyajpa hasta que núc jém jama cuando jém Noé tigiy jém miipic barcojom. ³⁹ Da icutiiyiyay hasta que quím jém ni, inicunígayyay itumpiy jém pxiñtam. Jempictim inñascayajpa jém ityajwiip yíp naxyucmi cuando ich, jém aMiññewiip Siñyucmi, amiñgacpa yíp naxyucmi. ⁴⁰ Cuando núctooba jém in̄an̄pigam jama, wagayoxayajpa wisten pxiñ icamjom, tum nanictap, tum tsactap. ⁴¹ Wisten yomo widoyyajpa tum molinoyucmi, tum nanictap, tum tsactap.

⁴² Ittaami al tanto porque da inñodon̄tam juchis hora miñpa jém in̄omi, odoy mon̄taami mimichtam. ⁴³ Cutiiyiytaami, siiga tum pxiñ ijodon̄ juchis hora núcpa tsuucim̄ jém númpaap, jesic da mon̄pa iga odoy ijedáyiñ jém itic jém númpaap. ⁴⁴ Jeeyucmi mannímáypa, ittaami listo porque jém tiempo iga in̄jisa iga ich, jém aMiññewiip Siñyucmi, da amiñgacpa, jesigam amiñpa.

Jém malopic cabo y jém wibic (Lc. 12:41-48)

⁴⁵ Siip manañquejáypa iapaap jém wibic cabo jém icutiiyiyapaap. Jém iomi ichacpa iga in̄jaguñ jém ityajwiip iticcim̄ iga icwícyajiñ. ⁴⁶ Agui maymay jém cabo siiga sip iwat juuts ipimiyñe jém iomi cuando miñgacpa. ⁴⁷ Mannímáypa iga jém iomi iccámpa jém icabo juuts tum an̄jagooyi iga in̄jacpa itumpiy jém in̄as y jém icuyoxayajpaap. ⁴⁸ Pero siiga malo yíp cabo, ijisa in̄anamanjom iga da jobit miñgacpa jém iomi. ⁴⁹ Mojpa imalwadáy tungac jém icuyoxapaap jém iomi. Tsam wícpa, tsam ucpa con jém tungac ucciwiñ. ⁵⁰ Miñgacpa jém cabo iomi tum jama cuando da in̄jócne. Miñpa tum hora cuando da ijodon̄. ⁵¹ Chiitap miipic castigo con jém malopic pxiñtam jut tsam wejyajpa, jut in̄ichyajpa itits.

25

Jém cuento de jém diez woñtam

¹ Jesic jém tiempo cuando in̄jacpa Dios yíp naxyucmi jex juuts diez jém woñtam nicayaj jut an̄coomíyoyñim̄pa. Ipicayaj jém ijucti, nic ichonyaj jém an̄coomíyapaap. ² Cinco jém woñtam da jixiíy y cinco jém woñtam agui jixiíy. ³ Jém dapic jixiíy ipicyaj ijucti, pero da ininicyaj jém aceite iga icucómáypa eybic jém ijucti. ⁴ Pero jém jixiíyw̄ip ininic jém aceite tum xanujom. Ininicipatim jém ijucti. ⁵ Tsam tñcaap in̄uc jém yoomíyapaap. Tsam mon̄tooba jém woñtam. Ocmi mon̄yay. ⁶ Jesic cugaptsu imaton̄yay tum miipic jiyi. Nimpa: “Miñpa jém yoomíyapaap. Nigi tson̄taami.” ⁷ Tsucumyay itumpiy jém woñtam. Moj iwitsacyaj ijucti. ⁸ Jém cinco woñtam, jém dapic jixiíy, in̄imayyajpa jém jixiíyw̄ip: “Achiitaami uxan̄ aceite porque ich an̄jucti píchtoobam.” ⁹ Pero jém jixiíyw̄ip icutson̄yay. Nimyay: “Da manchiiba porque wiip da actsíypa aich siiga manchiiba. Más wi nigi juytaami in̄yaac jut maytap.” ¹⁰ Pero iganam nic ijuyyay aceite jém cinco woñtam, jém

dapic jixiíy, jesigam núc jém yoomiypaap. Y jém cinco jém woñtam jém jixiíywip tigiyayaj jojmi jut it jém aŋcoomíyócy. Anpajta jém puerta. ¹¹ Ocmi setyay jém woñtam jém nicnewip ijuy aceite. Iñimayyajpa jém tic iomi: “Áŋaayi jém puerta.” ¹² Pero jém tic iomi iñimáy: “Numa mimichtam, da mánixpicpa.”

¹³ Jesic Jesús iñimáy:

—Odooy moŋtaami mimichtam, ittaami al tanto porque da iñjodon jup jama ni juchis hora amiñgacpa yip naxyucmi jém aMiñnewip Siŋyucmi.

*Jém esclavoyaj iyoxacaaba jém iomi itumiñ
(Lc. 19:11-27)*

¹⁴ Jém wibic aŋmati iga Dios injacpa yip naxyucmi jex juuts tum pixiñ tsam tumiñíy. Nicpa tungac naxyucmi. Jesic nicpa, inwejay jém iesclavoyaj iga ichi uxan tumiñ iga iyoxacayajiñ.

¹⁵ Tum jém iesclavo ichi cinco talento (tum talento ivale seis mil tumiñ de plata). Tungac ichi wisten talento. Tungac ichi tum talento. Chiita cada quien juuts wip iyoxaca. Jesic ocmi nic jém pixiñ. ¹⁶ Tum jém esclavo, jém chiiñetaawip jém cinco talento, moj iyoxaca jém tumiñ. Icoñwíy tungac cinco talento. ¹⁷ Jempictim iwat jém tungac esclavo, jém chiiñetaawip wisten talento. Icoñwíy con jém tumiñ tungac wisten talento. ¹⁸ Pero jém tungac esclavo, jém chiiñetaawip tum talento, nic iñegáy jém iomi itumiñ. Itaj tum jos, jenum icum nascim.

¹⁹ Jesic pecam nicne jém iomi, set eybic. Moj itop cuenta con jém iesclavo. ²⁰ Wiñíi núc jém chiiñetaawip jém cinco talento. Ichiŋcodáy iomi tungac cinco talento jém icoñwíyñewip. Iñimáy: “Mánomi, anchi cinco talento, pero yim it tungac cinco talento aŋcoñwíyñe.” ²¹ Jém iomi iñimáy: “It wi. Mich tum wibic miesclavo, agui wia inwat cuenta jém ammichi. Como mánix iga wia minwat cuenta jém uxanpic, sip manaccámpa juuts tum anjagooyi iga ininjacpa más jém jáyanpic. Sip tigiyi yim con aich jut it jém maymáyají.”

²² Ocmi núc jém tungac iesclavo jém chiiñetaawip wisten talento. Nimpa: “Mánomi, anchi wisten talento. Yim it tungac wisten aŋcoñwíyñe.” ²³ Jém iomi iñimáy: “Wibic miesclavo, wip inwat cuenta jém ammichi. Como mánix iga wia minwat cuenta jém uxanpic, sip manaccámpa juuts tum minjagooyi iga ininjacpa jém más jáyanpic. Sip tigiyi yim con aich jut it jém maymáyají.”

²⁴ Ocmi núctim jém tungac esclavo jém chiiñetaawip tum talento. Iñimáy: “Mánomi, ich anjodon iga tsam pimi mipimíyóypa. Impictsonpa jém cosecha jut da oy iññip. Impinpa jém cosecha jut da oy iñyin. ²⁵ Jeeyucmi tsam acin. Oy mannegáy jém iñtumiñ nascim. Pero yim it jém iñtumiñ jém immichipic.” ²⁶ Jém iomi iñimáy jém iesclavo: “Tsam mimalopic miesclavo, tsam micutiñ. Siiga iñjodon iga ampictsonpa jém cosecha jut da oy aññip y ampinpa jém cosecha jut da oy anyin, ²⁷ ¿jesic tiiga da incucom antumiñ jém banco? Jesic cuando asetpa, ampictsonpa antumiñ con jém icoñwíyooyi.”

²⁸ Jesic jém esclavo iomi iñimáy jém ityajwip jem: “Accáyaayi jém talento yip pixiñ. Chi jém iniitwip diez talento. ²⁹ Porque jém iniitwip, chiitap más iga odoy ti itogóyayiñ. Pero jém dapic iniij, accáyaytap hasta jém uxanpic iniit. ³⁰ Acnictaami yip da wibic esclavo jém piichcim jém itwip anscim, jut tsam wejyajpa, iñichyajpa itits.”

Cüpiŋyajtap jém naciónyaj

³¹ Cuando miñgacpa jém Miñnewip Siŋyucmi, miñpa juuts tum anjagooyi. Iwaganamiñyajpa itumpiy jém siŋyucmipic pixiñtam. Coñ jém anjagooyi icoñcuyucmi iga injacpa yip nas con jém Dios ipimi. ³² Itumpiy jém pixiñtam, jém ityajwip icuwiti yip naxyucmi, antuumayajpa jém anjagooyi iwiñjom. Jém anjagooyi icupínaypa jém tungac

píxiñtam juuts iwatpa jém borrego iomi. Itoppa jém chivo jém borregoanjom, ichacpa aparte. ³³ Jém borregoyaj tsacyajtap anwimi y jém chivoyaj tsacyajtap anaymi.

³⁴ 'Jesic jém Rey iñímáypa jém ityajwip inwimi: “Miñi mimichtam jém miwíwadayñewip anJatun Dios. Miñi, pictson̄taami jém lugar jém miwítsagayñetawip dende iwat Dios yíp nas. ³⁵ Porque tsam ayuap y mimichtam anacwícta. Tsam aníctitspa y michtam anacnícta. Ich juuts juumipic apíxiñ, pero mimichtam anacnúcsta tic. ³⁶ Da apuctugíy, pero mimichtam anchiíta. Amimne y mimichtam oy anámta. Apajta cárcel, pero mimichtam oy anámta.”

³⁷ 'Jesic jém wibic píxiñtam, jém iwípic̄tson̄neyajwip jém anjagooyi, nímajpa: “Mánomi, ¿juchā mánixta iga miyuap y manacwícta? ¿Juchā mánixta iga miñíctitspa y manacnícta? ³⁸ ¿Juchā mánixta juuts tum juumipic mipíxiñ y manacnúcsta tic, o iga da mipuctugíy y manchiíta? ³⁹ ¿Juchā mánixta mimimne o mipajnetā cárcel y oy mánámta?” ⁴⁰ Jém Rey icutson̄, iñímáy jém iwíwatneyajwip: “Numa, mannímáypa, titam inwadáy yíp antiwítam, jém dapic juchan̄, jesic ich mismo anwíwadáy.”

⁴¹ 'Jesic jém Rey iñímáy jém ityajwip inaymi: “Mimichtam tsam mimalo, impictson̄tampa jém castigo. Nictaami jém juctjom jut da nunca píchpa jém watnetawip para jém Wocciwiñ y jém mal espíritu. ⁴² Ich tsam ayuap y mimichtam da anacwícta. Tsam aníctitspa y mimichtam da anacnícta. ⁴³ Asiiba juuts tum juumipic apíxiñ, pero mimichtam da anacnúcsta tic. Da apuctugíy y mimichtam da ti anchiíta. Amimne y apajta cárcel y mimichtam datim oy anámta.” ⁴⁴ Jesic nímajpa jém malopic píxiñtam: “Mánomi, ¿juchis mánixta cuando miyuap, miñíctitspa, mixiiba juuts tum juumipic píxiñ, da mipuctugíy, mimimne, o mipajnetā cárcel y da oy manyoxpátta?” ⁴⁵ Jesic jém Rey icutson̄pa jém malopic píxiñtam. Nímajpa: “Numa mannímáypa, como da inwíwadayta jém antiwítam dapic juchan̄, jesic ichtim mismo da anwíwadáy.” ⁴⁶ Ocmi nicaypa yíp malopic píxiñtam jut ipictson̄ajpa jém castigo jut da nunca yajpa iyoj. Pero jém wibic píxiñtam, jém iwíwatneyajwip, ipictson̄pa jém vida jém dapic cuyajpa.

26

Ijisyaj jém ienemigoyaj jutsap imatsyaj Jesús (Mr. 14:1-2; Lc. 22:1-2; Jn. 11:45-53)

¹ Cuando yaj inmat Jesús, iñímáy jém icuyujc̄wiñ:

² —Mimichtam iñjodontam iga wisna jama naspa jém pascuasiñ y ich, jém aMiññewip sinyucmi, aciijun̄cottap iga acunúntap cunusyucmi.

³ Jesic antuumayajpa jém cobapic panijyaj con jém escribapic maestroyaj y con jém Israelpic wídaytam. Antuumayajpa jém cobapic panij, jém Caifás, ipalacio. ⁴ Jemum moj ijisyaj jutsap icumigoyaj jém Jesús iga imatsyajpa iga iccaayajpa. ⁵ Pero nímajpa jém anjagooyiyaj:

—Da tammatspa yíp sinjom, jesic da cujínayajpa jém píxiñtam.

Tum yomo iccámáypa jém perfume Jesús icobacyucmi (Mr. 14:3-9; Jn. 12:1-8)

⁶ It Jesús jém atebet Betania, núc jém Ximój iticcim, jém cupúgayñewip idic iñaca.

⁷ Icnúc tum yomo con tum tsaafasco comne jém aceite jém c̄inpáppic jém aguípic tsoowíy. Cuando coñ Jesús jém mesacim, jém yomo icutegáy jém aceite icobacyucmi.

⁸ Cuando iixyaj jém icuyujc̄wiñ agui jóyyaj. Nímaj:

—¿Íiiga itecm̄ichca yíp aceite? ⁹ Meega tammáypa, tampictson̄pa jáyan̄ tumiñ. Wiap tanyoxpátta jém yaachayajpápic.

¹⁰ Jesic Jesús icuyujc̄wiñ ti síp iñimayaj jém icuyujc̄wiñ. Iñímáy:

—Odoy mooḡiyi yíp yomo. Síp awiwadáy. ¹¹ Jém yaachayajpáppic siempre inwaganaitámpa. Pero aich da siempre manwaganaitámpa. ¹² Acutegáy jém yomo jém aceite ammiytayyucmi juuts cuando cumtap tum tsúts. ¹³ Numa mannímáypa iga jutquej anmattap jém wibic anmati icuw̄iti yíp naxyucmi, anmattap tim ti awadáy yíp yomo iga jém p̄ixiñtam ijisyajiñ ti iwat yíp yomo.

Jém Judas ic̄ijun̄cot jém Jesús

(Mr. 14:10-11; Lc. 22:3-6)

¹⁴ Ocmi tum de jém docepic icuyujc̄wiñ iñiyi Judas Iscariote nic ininmat jém panij anjagooyiyaj. ¹⁵ Iñímáy jém panijyaj:

—¿Jutsan anyojpa siiga an̄c̄ijun̄cotpa jém Jesús?

Jesic jeeyaj iyoyaj treinta tumiñ de plata. ¹⁶ Dende jeeti rato moj ijis jém Judas jutsap ic̄ijun̄cot jém Jesús.

Wícmon̄pa jém tán̄omi iwatpa jém Santa Cena

(Mr. 14:12-25; Lc. 22:7-23; Jn. 13:21-30; 1 Co. 11:23-26)

¹⁷ Núc jém siñ cuando cúttap jém caxtánañi sin levadura. Jesic jém wiñtipic jama jém Jesús icuyujc̄wiñ icunúcyaj. Icwácayaj, iñimayyaj Jesús:

—¿Jut iñxunpa iga an̄w̄itsacpa itumpiy cosa iga tawíctámpa jém pascuasñ?

¹⁸ Jesús iñímáy icuyujc̄wiñ:

—Nictaami jém atebet Jerusalén. Cuando miñúctámpa tum ticcim, impátpa tum p̄ixiñ. Nímaayi: “Nimpa jém amMaestro iga siip núcum jém hora iga cupacpa jém anyoxacuy. Anacnaspá jém pascuasñ mich iñticcim con an̄cuyujc̄wiñ.”

¹⁹ Jesús icuyujc̄wiñ iwatyaj itumpiy cosa juuts ip̄imíy. Iwatyajpa jém wícuy iga icnaspá jém pascuasñ.

²⁰ Jesic tsuuyawum̄ it̄i, coñyay Jesús jém mesacim con jém doce icuyujc̄wiñ. ²¹ Iganam wícayajpa, nimpa Jesús:

—Numa mannímáypa, tum de mimichtam an̄c̄ijun̄cotpa jém ánenemigo ic̄ijom.

²² Jesic jém icuyujc̄wiñ tsam anyácayaj. Moj nacwácayajt̄aji entre jeeyaj. Cada tumtum nim:

—Mán̄omi, ¿que aicham?

²³ Icutson̄ Jesús. Nimpa:

—Jém anwaganasonpaap caxtánañi tumti chimajom, jeam jém ac̄ijun̄cotpaap ánenemigo ic̄ijom. ²⁴ Jém Miññew̄ip̄ Siñyucmi tienes que iñascaaba juuts nimpa jém Dios inmati jut̄ jayñeta, pero agui uuguytim jém p̄ixiñtam jém ac̄ijun̄cotpáppic, w̄i idic meega da nay.

²⁵ Ocmi j̄iy jém Judas jém ic̄ijun̄cotpaap. Nimpa:

—MamMaestro, ¿que aicham?

Jesús iñímáy:

—Mimicham.

²⁶ Iganam wícayajpa, Jesús imatspic jém caxtánañi. Cuando yaj inwejpát Dios, iwéc jém caxtánañi, ichi icuyujc̄wiñ. Iñímáy:

—Yíp caxtánañi ich ammiytay, cúttaami.

²⁷ Ocmi ipic tum copa jém uvas iñi, inwejpát Dios. Ichi jeeyaj. Iñímáy:

—Uctaami iñtumpiytam. ²⁸ Yíp ich anniipiñ jém antegaypáppic iga anwatpa jém jomipic trato iga an̄w̄itsagáypa jáyan jém p̄ixiñtam itañca. ²⁹ Mannímáy-támpa mimichtam iga dende siip da ánucca jém uvas iñi hasta que núcca jém jama iga ánucca eybic con mimichtam jut̄ injacpa an̄jatun̄ Dios.

³⁰ Jesic yaj iwanyaj tum wañi, nicayaj jém cotsicyucmi.

Inmatpa Jesús iga innécpa jém Peto
(Mr. 14:26-31; Lc. 22:31-34; Jn. 13:36-38)

³¹ Ocmi Jesús iníimáy icuyujc̄wiñ:

—Mimichtam in̄tumpiytam tsam mic̄ntámpa y ampoychactámpa añcutum yíptim tsuu. Porque nimpa así jém Dios in̄mati jut̄ jayñeta: “Accaatap jém iwatpáppic cuenta jém borregoyaj. Jém borregoyaj cupóyayajpa.” ³² Pero ocmi cuando ap̄ispa, añjagoyñeeba annic jém naxyucmi de Galilea.

³³ Jesic Peto iníimáy jém Jesús:

—Aunque itumpiy tsam c̄nyajpa y michacyajpa in̄cutum, más aich da ac̄iñpa y da mañcupóyáypa.

³⁴ Jesic Jesús iníimáy:

—N̄uma mannímáypa iga yíptim tsuu antes que añwejp̄a jém cayu mich anañnécpa tuc̄ciy.

³⁵ Jém Peto iníimáy:

—Aunque tawagaaccaatañ con mimich, ich da manañnécpa.

Itumpiy jém icuyujc̄wiñ n̄myajtim jemp̄ic.

Jesús in̄wejpát Dios jém lugar Getsemaní
(Mr. 14:32-42; Lc. 22:39-46)

³⁶ Jesic n̄cyaj Jesús con jém icuyujc̄wiñ tum lugar in̄yi Getsemaní. Nimpa Jesús:

—Coñtaami yim iganam ich an̄cpa jem̄ic iga anañwejpátpa Dios.

³⁷ Jesic Jesús in̄nic uxaj más juumi jém Peto y icuistic jém Zebedeo iman̄ctam. Tsam p̄imi anyác Jesús, tsam ij̄ispa ti in̄ascaaba. ³⁸ Jesic Jesús iníimáy jém tucuten icuyujc̄wiñ:

—Ich agui p̄imi anyácne an̄anaman̄jom hasta quénam acaatooba. Tsíytaami yim, odoy mon̄taami, nawattamtaj̄i cuenta.

³⁹ Jesic ocmi Jesús nic uxaj más juumi. Tocsneact̄iñ. Moj in̄wejpát Dios. Nimpa:

—Man̄jatun, siiga in̄wian̄jam odoy j̄ic̄i iga annascaaba yip̄ mij̄pic yaachaj̄i. Pero odoy wat̄i juuts ich ansunpa. Wat̄i juuts mich in̄wian̄jam.

⁴⁰ Jesic set̄ eybic Jesús jut̄ ichac jém tucuten icuyujc̄wiñ. Mon̄yajpa. Iníimáy jém Peto:

—¿Mimon̄pa Peto? ¿Que da w̄iap̄ imvivoj̄a con aich ni tum hora? ⁴¹ Odoy mon̄taami, nawattamtaj̄i cuenta. Añwejpáttaami Dios iga odoy i w̄iañ micut̄tsta iga micmalwattámpa. Numa, jém in̄anama iwattooba juuts ixunpa Dios, pero jém imm̄jtay da iwian̄jam.

⁴² Jesic eybictim nic Jesús in̄wejpát Dios. Nimpa:

—Man̄jatun, siiga da w̄iap̄ añciacput yip̄ mij̄pic yaachaj̄i, jesic wat̄i juuts mich in̄wian̄jam.

⁴³ Ocmi eybic set̄ Jesús jut̄ it̄ icuyujc̄wiñ. Tsam mon̄yajpa. Da tojtooba iixcuy porque tsam mon̄tooba. ⁴⁴ Jemum ichac jém icuyujc̄wiñ. Eybictim nic in̄wejpát Dios tres vecesam. Nimpa jeetim añmati. ⁴⁵ Jesic set̄ eybic jut̄ it̄ jém icuyujc̄wiñ. Iníimáy:

—S̄ip̄ numa mon̄taamim, jejtaamim. S̄ip̄ núcum jém hora iga ich, jém aMiññew̄ip̄ S̄iñyucmi, ac̄iñjuncot̄tap jém malopic p̄ixiñtam ic̄iñjom. ⁴⁶ Tsucumtaamim, tan̄ctámpam porque miñpam jém ac̄iñjuncot̄paap.

Matst̄a Jesús
(Mr. 14:43-50; Lc. 22:47-53; Jn. 18:2-11)

⁴⁷ Iganam s̄ip̄ ij̄y Jesús, núc jém Judas jém itw̄ip̄ idic con jém doce icuyujc̄wiñ. Iwaganamiñyaj tsam jáyan jém p̄ixiñtam. Inimiñyaj espada y jém cuy iga icóts̄pa. Icutsadayyaj jém pan̄ij añjagooyi y jém w̄idaytam. ⁴⁸ Jém Judas, jém ic̄iñjuncot̄paap Jesús, iwadáy jém p̄ixiñtam tum seña. Iníimáy:

—Jém anan̄acatsútspaap, jeam. Matstaami.

⁴⁹ Jesic jém Judas icunúc jém Jesús. Iñímáy:

—MamMaestro, xutsóy.

Jesic in̄acatsúts. ⁵⁰ Jesús iñímáy:

—¿Amigo, ti miñ imméts?

Jesic icunúcyaj jém miññeyajw̄ip. Imatsyay jém Jesús. Nanictawum preso.

⁵¹ Pero tum jém iwaganaitw̄ip Jesús, itop tum espada, itin̄químáy ítatsic jém cobacpic panij imozo. ⁵² Jesic Jesús iñímáy:

—Coti jém espada in̄acjom. Porque itumpiy jém áñayajpáppic con espada, con espadatim accaatap. ⁵³ ¿Que da in̄jodon̄ iga ich wiap an̄wágáy Dios iga acutsadáyiñ doce legiones jém sin̄yucm̄ipic p̄ixiñtam y yipti rato acutsadáypa? ⁵⁴ Pero siiga an̄watpa jem̄pic, ¿jutsap icupac jém an̄mat̄i jut̄ jayñetā iga ayaachwattap?

⁵⁵ Jesic Jesús iñímáy jém miññeyajw̄ip:

—¿Que miñ ammatsta con espada y jém cuy juuts tum anúmpaap? Itumpiy jama accuyujóypa masticjom, da nunca ammatsta.

⁵⁶ Itumpiy yip̄ cosa in̄ascaaba Jesús iga cupacpa juuts ijaychacne jém wiñicpic an̄matc̄iwiñ.

Jesic itumpiy jém icuyujc̄iwiñ yaj cupóyaayiyaj. Icutum tsíy jém Jesús.

Nanicta Jesús jém cobacpic panijc̄im

(Mr. 14:53-65; Lc. 22:54-55, 63-71; Jn. 18:12-14, 19-24)

⁵⁷ Jesic jém imatsneyajw̄ip Jesús inin̄icyaj jém Caifás iwiñjom, jém cobacpic panij anjagooyi. Jemum an̄tuumaneyaj wati jém escribaspic maestroyaj y jém widaytam. ⁵⁸ Jém Peto ijuumactún̄iyñe hasta jém cobacpic panij iañc̄im. Jemum tigiy, cooñan̄jac jém Peto con jém policía. Iixtooba ti nawattap jém Jesús.

⁵⁹ Jém cobacpic panijyaj con itumpiy jém widaytam, jém Sanhedrín, imétsyajpa tum cumigoypaap iga accaataiñ Jesús. ⁶⁰ Pero da ipátyaj jém n̄imyaajpáppic iga imalwatne. Tsam jáyan̄ p̄ixiñ icumigoyyajtooba idic jém Jesús, pero da wiap. Ocm̄i miñ wisten jém p̄ixiñ jém icumigoypaap. ⁶¹ N̄imyaj:

—Yip̄ p̄ixiñ n̄impa iga: “Ich wiap ammiswat jém Dios imast̄ic, jesic tucunajama eyb̄ic anactsucumpa.”

⁶² Jesic teñchucum jém cobacpic panij, iñímáy Jesús:

—¿Que da in̄cutson̄pa? ¿Da immaton̄ ti s̄ip̄ in̄imyaj contra mimich?

⁶³ Pero Jesús da j̄iypa. Jém cobacpic panij anjagooyi iñímáy:

—Odoy amigóyaayi porque jém vivopic Dios taixpa. Anuntan̄imaayi siiga numa mimicham miCristo jém Dios miMan̄ic.

⁶⁴ Jesic Jesús iñímáy:

—Juuts mich miñim. Pero mannímáypa iga dende s̄ip̄ ánixtámpa aich, jém aMiññew̄ip Sin̄yucmi, cuando acoñ jém tan̄jatun̄ Dios in̄w̄imi, jém tsampic iniit ip̄imi. Ánixtámpatim cuando amiñgacpa sin̄yucmi jém ucsanjom.

⁶⁵ Jesic jém cobacpic panij ichicujac iyooti iga quejiñ iga icujiypa Dios. N̄impa:

—Yip̄ p̄ixiñ icujiypa tan̄Dios. ¿Tiiga tammétstámpa tun̄gac testigo? Mimichtam s̄ip̄ immaton̄neta iga tsam icujiypa tan̄Dios. ⁶⁶ ¿T̄i in̄j̄istámpa?

N̄imyajpa jém miññeyajw̄ip:

—Iniit la culpa. W̄i iga tanaccaaba.

⁶⁷ Ocm̄i ichujcaayyaj iwiñpac. Ixon̄yay. Tun̄gac itojáy iwiñpac. ⁶⁸ N̄imyaj:

—Siiga micham miCristo, an̄imaayi i micóts.

*Jém Peto inñéc iga iixpic jém Jesús
(Mr. 14:66-72; Lc. 22:56-62; Jn. 18:15-18, 25-27)*

⁶⁹ Iganam coñ jém Peto ançim, miñ tum yomo jém icuyoxapaap jém panij. Inñimáy jém Peto:

—Mich inwaganasiibatim jém Jesús, jém Galileapic pixiñ.

⁷⁰ Pero jém Peto inñéc iga iwaganasiiba Jesús. Inñimáy jém yomo:

—Da anjodon ti síp inñim.

⁷¹ Cuando nic jém Peto jém corredor, tunjac jém yomo iixpictim, inñimáy jém ityajwip jem:

—Yíp pixiñ iwaganasiiba jém Jesús jém Nazaretpic.

⁷² Eybictim inñéc jém Peto. Nimpa:

—Wijodios, da ánixpicpa.

⁷³ Tum rato más, algunos jém ityajwip jem, icunúcyaj jém Peto, inñimáy:

—Numa mich tum jeepictim mipixiñ, tsam wiqejpa hasta ininmatí iga Nazaretpic mipixiñ.

⁷⁴ Jesic jém Peto moj malnimi. Nimpa:

—Wijodios, ich da ánixpicpa yíp pixiñ.

Jeeti rato anwej jém cayu. ⁷⁵ Jesic jém Peto ijis ti inñimáy Jesús cuando inñimáypa iga: “Mich anañécpa tres veces antes que anwejpa jém cayu.” Jesic put anšicmi jém Peto. Pimi wejpa porque agui anyácne.

27

*Cijunçotta Jesús jém Pilato icijom
(Mr. 15:1; Lc. 23:1-2; Jn. 18:28-32)*

¹ Jesic icuquejama anuumayajpa itumpiy jém panij anjagooyiyaj y jém wídaytam iga iwatyajpa acuerdo jutsap iccaayaj Jesús. ² Tsenneta jém Jesús, nanicta jém gobernadorcim. Cijunçotta jém Poncio Pilato icijom.

Naccaata iyaac jém Judas

³ Jém Judas, jém iwadayñewiip atraición, iix iga accaatap jém Jesús. Jesic icucac ijixi, ichacset jém treinta tumiñ de plata jém panij anjagooyi con jém wídaytam. ⁴ Nimpa jém Judas:

—Ich tsam anwat tájca iga ançijunçot tum pixiñ dapic ti iwatne iga accaataiñ.

Pero jeeyaj ninyaj:

—Ich da anticutiği. Je cuestión de mimich.

⁵ Ocmi jém Judas ipatsquet jém tumiñ masticjom. Nic. Najúpcata iyaac.

⁶ Jém panij anjagooyi ipinj jém tumiñ. Ninyajpa, yíp tumiñ da wiap tañcot jém cajonjom jut accáytaap jém ofrenda porque yíp tumiñ niipiñ ichowa.

⁷ Ocmi iwatyaj acuerdo iga ijuyyajpa tum jaca nas con jém tumiñ. Jém lugar inñiyi jém suunascim. Ijuyyaj iga iniit lugar jut cumyajtap jém juumipic pixiñtam. ⁸ Jeeyucmi hasta sip inñiyi jém nas, jém Niipiñ ichowa. ⁹ Jempam cupacpa juuts nimpa jém wiñicpic anmatciwiñ jém Jeremías: “Jém treinta tumiñ de plata tum pixiñ ichowa. Iccámáy jém precio jém Israelpic pixiñtam. Ipiğayyaj jém pixiñ ichowa. ¹⁰ Con jém tumiñ ijuyyaj jém nas jut wattaap suun juuts anímáy jém tanjatun Dios.”

*Nanicta Jesús jém Pilato iwiñjom
(Mr. 15:2-5; Lc. 23:3-5; Jn. 18:33-38)*

¹¹ Jesic nanicta Jesús jém gobernadorcim. Jém gobernador icwác Jesús. Nímayta:

—¿Micham miRey de jém judíos?

Jesús iñímáy jém gobernador:

—Aicham, juuts mich miñimpa.

¹² Jesic cuando jém panij anjagooyi con jém wídaytam iquejajwadáy Jesús, da ti icutson.

¹³ Jesic jém Pilato iñímáy Jesús:

—¿Que da immaton iga agui jáyan cosa síp iñimyaj en contra de mimich?

¹⁴ Pero Jesús datim icutson. Jesic jém gobernador agui ipooñanjampa.

Chiitq orde iga accaatap jém Jesús

(Mr. 15:6-20; Lc. 23:13-25; Jn. 18:38-19:16)

¹⁵ Cada naspa jém pascuasñ, iniit tum costumbre jém gobernador iga icutsigáypa tum preso para jém pìxiñtam juuts jeeyaj icupinjaypa. ¹⁶ Pajnetq idic tum pìxiñ iñiyi Barrabás. Jodónaneta iga agui malo. ¹⁷ Cuando antuumaneyaj itumpiy jém pìxiñtam, jém Pilato icwácyajpa. Iñímáy:

—¿I iñxuntampa iga ancutsigáypa, jém Barrabás o jém Jesús, iñiyitim Cristo?

¹⁸ Porque ijodon jém Pilato iga jém Israelpic anjagooyiyaj agui ijóyixyajpa Jesús, agui icujóyiyajpa jeeyucmi icijunçotyaj.

¹⁹ Iganam coñ jém Pilato jut cìpínóypa, jém iyomo icutsadáy anmatì. Nímayta jém Pilato: “Odoj tigiycuumi con yíp wibic pìxiñ. Porque tsúmìc agui amalmawíña yíbam pìxiñ icuyucmi.”

²⁰ Pero jém panij anjagooyiyaj con jém wídaytam iñimayyajpa jém pìxiñtam iga iwácyajiñ iga cutsigaytaiñ jém Barrabás y accaataiñ jém Jesús, hasta ijicyaj jém pìxiñtam.

²¹ Jesic eybic jém gobernador iñímáy jeeyaj:

—¿Juppìc de yíp wisten pìxiñ inwianjamta iga ancutsigáypa?

Nimyaj:

—Barrabás.

²² Jesic jém Pilato eybic icwácpa jém pìxiñtam. Nímayyajta:

—¿Íi inwianjamta iga anwadáypa yíp Jesús iñiyitim Cristo?

Itumpiy jém pìxiñtam icutsonyaj. Nimyaj:

—¿Cunúntaami cunusyucmi!

²³ Jesic Pilato iñímáy jém pìxiñtam:

—¿Íiiga? ¿Íi mal iwatne?

Pero más pimi jiyayajpa jeeyaj. Nimyaj:

—¿Cunúntaami cunusyucmi!

²⁴ Cuando iix jém Pilato iga da ti wíap iwat iga síp icujíñayyaj jém pìxiñtam, iwác uxan ni, iche icì jém pìxiñtam iwiñjom. Nìmpa:

—Ich da anaj la culpa iga accaatap yíp wibic pìxiñ. Da ti iwatne. Yíp cuestión de mimichtam.

²⁵ Nimyaj itumpiy jém miññeyajwìp:

—Aichtam con jém ammanictam anaitta la culpa iga accaatap yíp pìxiñ.

²⁶ Jesic ocmì jém Pilato icutsigáy jém Barrabás. Ipimíy jém soldado iga cótstaiñ Jesús. Icijunçodáy jém soldado iga icunúnayajiñ cunusyucmi.

²⁷ Jesic jém gobernador isoldado ininìc Jesús tum mijpic cuarto jut antuumaneyaj tsam jáyan jém soldado. Itumpiy icuteñxetyaj Jesús. ²⁸ Tsodayta jém yagatspic iyooti. Accámayta jém tungac yooti jém tsabatspic. ²⁹ Jém soldado itagayyaj tum apit corona, icámayyaj icobacyucmi. Ichiiyaj tum cuy iga imatspa inwìcìmi juuts tum rey. Icosteeñayyajpa jém Jesús iwiñjom. Ixaayiyajpa. Nimyaj:

—¿Xutsóy miRey de jém judíos!

³⁰ Ichujcayajpa. Itobayyaj jém icuy iga iyígáyáypa icobac. ³¹ Cuando yaj ixaayíyyaj, iccáyáy jém tsabats yooti, icámáy eybic jém iyooti jém imichipic. Ocmi nanicta iga cunúntap cunusyucmi.

Cunúnta cunusyucmi jém Jesús
(Mr. 15:21-32; Lc. 23:26-43; Jn. 19:17-27)

³² Cuando niquiyaj tunjom, ipát tum Cirenepic pixiñ iñiyi Ximój. Jém soldado ipimíy jém Ximój iga ininigáyiñ jém Jesús icunus.

³³ Jesic núcyaj tum lugar iñiyi Gólgota. Nimtooba jém Tsútscoobacpacchim. ³⁴ Jemum ichiiyaj jém vino namotneta con chuxñiwi. Cuando icutís Jesús jém vino, da iuc.

³⁵ Cuando yaj icunúnyaj cunusyucmi jém soldado, iwatyajpa sorteo entre jeeyaj i iconwíypa iga imichap jém Jesús ipuctucu. Jempigam cupac juuts nimpa jém wiñicpic anmatciwiñ: “Iwécyajpa ampuctucu entre jeeyaj. Iwatyajpa sorteo.” ³⁶ Jesic coñyajpa jém soldado iga iwatyajpa cuenta. ³⁷ Jém icobacantcimi accámayta tum letrero jut nimpa tiiga accaata: “Yíbam jém Jesús jém judíos iRey.”

³⁸ Jesic cunúnayajtam wisten númyajpaap jeetim lugar jut cunúnta Jesús. Páñayta tum jém icunus jém Jesús inwimi y tum innaymi. ³⁹ Jém nasyajpáppic jem inwinyoyayajpa con icobac, tsam imalmalnimayajpa. ⁴⁰ Iñimayyaj:

—Mich miñimpa iga immiswatpa jém mijpic mastic y tucunajama inictsucumpa eybic. Siiga Dios miManic, naciaputtaji iñyaac. Nacunúnaytaji jém cunusyucmi, queti.

⁴¹ Agui ixaayíyyajpatim jém panij anjagooyiyaj, jém escribaspic maestroyaj, jém fariseoyaj y jém wídaytam. Nimyajtim jeeyaj:

⁴² —Yíp pixiñ iciacputpa tungac, pero iyaac da wíap iniciacputta. Siiga numa jém Israelpic iRey, nacunúnaytaiñ, jesic tancupictampa. ⁴³ Tsam icupicpa iga Dios wíap iyoxpát, jesic siip wí iga Dios iciacpudiñ siiga numa itoypa; como tanímayñe iga Dios iManic.

⁴⁴ Hasta jém númyajpaap, jém cunúntawíip con Jesús, imalnímáytim.

Ca jém Jesús
(Mr. 15:33-41; Lc. 23:44-49; Jn. 19:28-30)

⁴⁵ Jesic icuwíti jém naxyucmi cupiicha dende cugapjama hasta las tres de la tarde.

⁴⁶ Jesic jeetim hora pími jiy jém Jesús. Nim:

—Elí Elí, ¿lama sabactani?

Yíp nimtooba: ManDios, manDios, ¿tiiga antsac ancutum?

⁴⁷ Algunos jém teññeyajwíip jem cuando imatonjayaj, nimyajpa:

—Yíp pixiñ síp inwejay jém wiñicpic anmatciwiñ jém Elías.

⁴⁸ Jeeti rato nic poyimi tum de jeeyaj. Nic ipic tum esponja juuts tum puqui. Imuj con jém tampic vino. Iccám tum waycuyucmi iga igucpa Jesús. ⁴⁹ Pero tungac nimyajpa:

—Tsaci, tánixpa siiga miñpa iciacput jém Elías.

⁵⁰ Eybictim pími jiy Jesús, jesic caum. ⁵¹ Jeeti rato jém mijpic punctuctaani jém itwíip jém mijpic masticjom teeñajsaj icucmi dende sinwiñ hasta naxwiñ. Tsam yís jém nas, pooyaj jém mijpic tsa. ⁵² Jém tsúts ijós ányayaj. Pisyaj jáyan jém pixiñtam jém icupicneyajwíip Dios, jém wiñicpic caaneyaj. ⁵³ Ocmi cuando acpista jém Jesús, putyaj ijósjom jém tsúts, nicyaj hasta jém atebet Jerusalén. Jemum tsam jáyan pixiñtam iixyaj.

⁵⁴ Jesic jém capitán con jém iwatyajpáppic cuenta jém Jesús, cuando iixyaj iga pími yís jém nas y iixtim ti naspa jem, tsam pími cñyaj. Nimyaj:

—Numa, yíp pixiñ jém Dios iManic.

⁵⁵ Ityajtim jem wati jem yomtam, juumi iixyajpa ti iñasca jem Jesús. Yípyaj yomtam iwaganamiñyaj Jesús jem naxyucmi de Galilea, jem iyoxpátneyajwíp. ⁵⁶ Entre jeeyaj ittim jem Malía Magdalena, jem Malía jem Jacobo y José iapa, ittim jem Zebedeo iyomo.

Cumtap jem Jesús

(Mr. 15:42-47; Lc. 23:50-56; Jn. 19:38-42)

⁵⁷ Jesic tsuuyim miñ tum pixiñ tsam rico iñiyi José. Tsucum jem atebet Arimatea, jem Jesús icuyujcwiñtim. ⁵⁸ Jesic jem José nic íam jem Pilato, iwágáy jem Jesús imijtay. Jesic jem Pilato ipimíy jem soldado iga ichiáyiñ jem imijtay. ⁵⁹ Jesic José ipigáy jem Jesús imijtay, inmónáy con tum wibic puctucu. ⁶⁰ Icot jem tsaajosjom, jem José imichi, jem yaguiñpic iwatne. Ocmi injopnúc jem tsaajos con tum mijpic tsa. Yaj iwat jempic, setum. ⁶¹ Ittim jem jem Malía Magdalena y jem tungac Malía. Coñyaj jem tsaajosañaca.

Jem soldado iwatyajpa cuenta jem tsaajos

⁶² Ocmi cuyaj jem jama iga iwítsacyajpa itumpiy cosa para jem jeycuy jama. Cuando tigiy jama, añtuumayajpa jem panij anjagooyi y jem fariseoyaj, nic íamyaj jem Pilato.

⁶³ Iñimayyaj:

—Mananjagooyi, anjista iga jem migoypaap cuando danam caane, nimpa iga: “Jem tucunajama ich apispa de jut cumneyajta jem caaneyajwíp.” ⁶⁴ Jeeyucmi cutsati jem soldado iga iwatpa cuenta jem jos jut cumta hasta jem tucunajama. Wiap imiñyaj jem icuyujcwiñ tsuucim, ininigayyajpa jem imijtay. Ocmi ninyajpa iga: “Numa pisneum de jut cumneta jem caanewíp.” Siiga iwatyajpa jempic, jesic jem ocmipic migoooyi más pimi malo que jem wiñtipic.

⁶⁵ Jem Pilato iñimáy:

—Yim it jem soldado. Wagananici. Nigi wattaami cuenta jutspiyam miwíap.

⁶⁶ Jesic ocmi nicyaj iga iwatyajpa cuenta jem tsaajos. Icámáy tum sello jem jos innúccuyucmi iga quejiñ siiga i ínyapa. Jemum ichacyaj jem soldado iga iwatyajiñ cuenta.

28

Pis jem Jesús

(Mr. 16:1-8; Lc. 24:1-12; Jn. 20:1-10)

¹ Cuando nasum jem jeycuyjama, tungagam cuqueja, joccuquej, jem wiñtipic jama de jem semana, jem Malía Magdalena con jem tungac Malía nic íamyaj jem jos. ² Jeeti rato miñ tum mijpic nasyixi. Quet tum sinyucmipic pixiñ jem icutsatnewíp tanjatun Dios. Cuando núc jem tsaajoscim, iccáy jem tsa jem josañnúccuy, ocmi icofica. ³ Tsam socpa juuts quénpa majiywiñ. Tsam pimi popo jem ipuctucu juuts nieve. ⁴ Cuando jem soldado iixyaj, tsam pimi cinyaj, cuetsayyajpa. Tsíyyaj juuts caane. ⁵ Jesic jem sinyucmipic pixiñ iñimáy jem yomtam:

—Odoy cñtaami. Ich anjodon iga miñ imméts jem Jesús jem cunúntawíp cunusyucmi. ⁶ Dam i yim. Pisneum, cupac juuts nim. Miñi aami jut tsacneta idic jem tánomi. ⁷ Nici jobit, añmadaayi jem icuyujcwiñ iga pisneum de jut it jem caaneyajwíp. Síp anjagóypa iñic jem naxyucmi de Galilea. Jemigam mictsíytámpa. Jisi iga mannimayñeum.

⁸ Jesic jem yomtam cáyyaj de jem tsaajoscim. Tsam pimi cinyaj, pero agui maymayyaj. Póyanťsucum, nic inmadáy jem icuyujcwiñ iga pisneum jem Jesús. ⁹ Iganam niquiyaj jem yomtam, iwiñquejáy jem Jesús tunjom. Idioschi. Jesic jem yomtam icunúcyaj Jesús, icosteeñayyaj, iñuusayyaj ipuy iga ijisyajpa. ¹⁰ Jesic Jesús iñimáy jem yomtam:

—Odoy cñtaami. Nigi nímaayi jem antiwítam iga nicyajjiñ jem naxyucmi de Galilea, jemigam aixyajpa.

Ti iñimayyaj jém soldado jém anjagooyi

¹¹ Iganam nicyajpa jém yomtam algunos jém soldado jém iwatnewiip cuenta jém tsaajos, nic inmadayyaj jém panij anjagooyi ti iñascayaj. ¹² Jesic jém panij anjagooyiyaj nic iniñmat jém wídaytam iga iwatyajpa acuerdo. Jesic tsam jáyañ tumiñ chiiyajta jém soldado. ¹³ Nímayyajta jém soldado:

—Mimichtam nímtaami iga: “Tsuucim iganam amonítampa, miñ jém Jesús icuyujc#wiñ; iñúmáy jém imíjtay.” ¹⁴ Siiga ijodónap jém gobernador, ich mancupujpa iga odoy michiñ castigo.

¹⁵ Jesic jém soldado ipíctsonyaj jém tumiñ, nic iwatyaj juuts ipimíy jém panij anjagooyi. Jempigam nímajpa jém judíos hasta siip.

Jesús inquímpa jém icuyujc#wiñ

(Mr. 16:14-18; Lc. 24:36-49; Jn. 20:19-23)

¹⁶ Jesic jém once icuyujc#wiñ nicyaj jém naxyucmi de Galilea. Quím jém cotsicyucmi juuts iñimayñe Jesús. ¹⁷ Cuando iixyaj Jesús, icosteeñayyaj. Aunque algunos ijispa iga migooyi, da iwícupicpa. ¹⁸ Jesic Jesús icunúc jém icuyujc#wiñ. Iñímáy:

—Achiiñeta jém pimi iga ananjacpa jém ityajwip siñyucmi y naxyucmi. ¹⁹ Nigi anmadaayi Dios inmati itumpiy jém pixiñtam icuwiñti yíp naxyucmi. Anquejaayi jém wibic anmati iga tsíyyajiñ juuts ich ancuyujc#wiñ. Acchiñtaami jém acupicnewiip jém anjatun iñiyimi, jém Dios iManic iñiyimi y jém Dios iAnama iñiyimi. ²⁰ Anquejajayaji iga icupicyajiñ itumpiy jém ananquímayooyi jém mananmadayñewiip. Jodónataami iga ich manwaganaitpa itumpiy jama hasta cuyajpa yíp nas.

Jemum cuyaj.

Jém wibic aṇmaṭi jém ijayñewiip jém Marcos

*Jém Xiwan jém acchíṇoypaap najíyóyapa jém titsinaxyucmi
(Mt. 3:1-12; Lc. 3:1-9, 15-17; Jn. 1:19-28)*

¹ Yímpic tsucum jém wibic aṇmaṭi iga taciaputtámiñ jém tánṠmi Jesucristo.

² Jém wiñicpic profeta jém Isaías ijaychacne ti iñímáy jém tanJaṭuṇ Dios:
Wiñti aṇcutsatpa tum profeta, jém p̄ixiñ anjagoyñeeba iñic.
Miwitsagáyapa jém iñtuṇ.

³ Nicyajpa jém p̄ixiñtam jém titsinaxyucmi juṭ da ti idíyíy
iga imatonyajpa jém najíyoypaap.
P̄imi najíyóyapa jém p̄ixiñ.

Nimpa: “Áṇáyaayi jém tánṠmi ituṇ.

Tsaci iga immalwattámpa porque miñpa jém tánṠmi.”

⁴ Jesic tum jama núc jém Xiwan jém titsinaxyucmi juṭ da ti idíyíy iga inmatpa jém Dios
inmaṭi y icchinpa jém p̄ixiñtam, iñímáyapa:

–Tsaci iga immalwatpa y Dios miwadáyapa perdón jém iñtáṇca. Miñtaami, manac-
chintámpa iga quejiñ iga inçucacneum jém iñjixi.

⁵ Jesic itumpiy jém Judeapic p̄ixiñtam con jém Jerusalépic p̄ixiñtam nicpa imatonyaj
jém Xiwan jém acchíṇoypáppic. Cuando jém p̄ixiñtam inmadayajpa Dios jém itáṇca, jém
Xiwan icchinpa jém río de Jordán.

⁶ Da wicuyajne jém Xiwan. Jém iyooti tacne con jém camello ipic, agui jutsóyapa. Jém
imijpactsencuy tum tsococuero. Icutpa jém awu, iucpa jém jimñi chiñu. ⁷ Jesic jém Xiwan
inmadáyapa jém p̄ixiñtam jém Dios inmaṭi. Nimpa:

–Miñpa antuuñiaṇciim tum p̄ixiñ más wiap que aich. Da wiap annasca, da wiap
aṇcuwijáyáy jém iciac. ⁸ Ich manacchintámpa con ni, pero jém miñpáppic micchintámpa
con Dios iAnama.

Acchintap jém Jesús

(Mt. 3:13-17; Lc. 3:21-22)

⁹ Jesic jeetim tiempo put iticmi jém Jesús jém atebet Nazaret jém naxyucmi de Galilea.
Jesic jém Xiwan icchin Jesús jém río de Jordán. ¹⁰ Iganam putpa niicim jém Jesús, iix iga
áṇáy jém siṇ. Quet jém Dios iAnama juuts tum cuucu, nummiñ, núc hasta Jesúsucmi.

¹¹ Jém ityajwiip imatonyaj tum jiyi siṇyucmi. Nímayṭa jém Jesús:

–Mich mammanic, tsam mantoypa. Siip agui amaymay con mimich.

Cutitstap jém Jesús

(Mt. 4:1-11; Lc. 4:1-13)

¹² Jesic jeeti rato jém Dios iAnama ininic jém Jesús jém titsinaxyucmi juṭ da ti idíyíy.

¹³ Nic iti cuarenta jama jém titsinaxyucmi juṭ ityaj jém jimñi animatyaj. Jesic jém
Wocciwiñ miñ icutits jém Jesús iga icmalwatpa idic. Jesic ocmi miñyaj jém siṇyucmic
p̄ixiñtam, icuyoxayajpa jém Jesús.

Jesús moypa iwat jém Dios iyoxacuy jém naxyucmi de Galilea

(Mt. 4:12-17; Lc. 4:14-15)

¹⁴ Ocni matsta jém Xiwan, pajta cárcel. Iganam pajnetá jém Xiwan, nic Jesús jém
naxyucmi de Galilea iga inmatpa jém wibic aṇmaṭi iga núctooba jém jama iga Dios injacpa
yíp naxyucmi. ¹⁵ Nimpa Jesús:

—S̄ip núcneum jém tiempo jém ininjócnetan̄w̄ip. Dam jáyñe Dios injacpa jém ityajw̄ip ȳip naxyucmi. Jesic tsaci iga immalwatpa, cucaci in̄jixi, cupictaami jém w̄ibic an̄mati iga miciacputtamtaiñ.

Jesús in̄wejáy cuatro jém t̄iptero
(Mt. 4:18-22; Lc. 5:1-11)

¹⁶ Cuando naspa Jesús jém laguna an̄naca in̄iyi Galilea, iix jém Ximoy con it̄iw̄i Anti. S̄ip ipatsyaj jém ired jém laguna porque t̄ipteroyaj. ¹⁷ Jesic Jesús in̄imáy jeeyaj:

—Atún̄iytaami. S̄ip nicpa tamméts jém p̄ixiñtam juuts t̄ipi.

¹⁸ Jesic jeeti rato ichacyaj ired, nic itún̄iyayaj jém Jesús.

¹⁹ Jesic nic Jesús uxan̄ más juumi, ipát jém Jacobo, jém Zebedeo im̄anic, con it̄iw̄i jém Xiwan. Ityaj jém barcojom, s̄ip in̄tótস্যaj ired. ²⁰ Jesic jeeti rato in̄wejáȳtim jeeyaj.

Jesic Jacobo y Xiwan ichacyaj ijatun̄ jém Zebedeo jém barcojom con jém imozoyaj. Nic itún̄iyayaj jém Jesús.

Tum p̄ixiñ imatsne idic tum mal espíritu
(Lc. 4:31-37)

²¹ Jesic nicyaj jém attebet Capernaum. Jeetim jejcuyjama, tigiy Jesús jém sinagoga. Moj in̄quejáy jém Dios in̄mati jém p̄ixiñtam. ²² Jesic jeeyaj tsam t̄ineanjacyaj cuando imaton̄yay ti nimpa jém Jesús. Porque naj̄yóypa juuts tum an̄jagooyi da juuts jém escribaspic maestroyaj. ²³ Jém sinagoga it idic tum p̄ixiñ imatsne tum mal espíritu. P̄imi an̄wejpa, n̄imayta Jesús:

²⁴ —Mi Jesús mi Nazaretpic, ¿tiiga ammooḡiypa aichtam? ¿Que miñpa anactogoyta? Mánixpicpa, mich jém Yucm̄ipic Dios mi M̄ichi.

²⁵ Jesic Jesús iwogáy jém mal espíritu, in̄imáy:

—Odoy j̄iyi. Puti ȳip p̄ixiñ ianaman̄jom.

²⁶ Jém mal espíritu iccutin̄ jém p̄ixiñ naxyucmi. P̄imi an̄wejpa jém mal espíritu, ocmi put.

²⁷ P̄imi an̄jécneyaj jém p̄ixiñtam. Moj nacwácayajtaji entre jeeyaj:

—¿Tiapaap? ¿Que tum jomipic an̄químayooyi inimiññe ȳip p̄ixiñ? Wiap ip̄imáy jém mal espíritu juuts tum an̄jagooyi y icupicyajpa.

²⁸ Jicscīy wan̄pa icuw̄iti jém naxyucmi de Galilea ti iwatpa jém Jesús.

Jesús icp̄is jém Ximoy im̄idapa
(Mt. 8:14-15; Lc. 4:38-39)

²⁹ Jesic cuando putyaj jém sinagoga jém Jesús con icuyujc̄iw̄iñ, nicyaj jém Ximoy y Anti iticc̄im, iwaganan̄cyajt̄im jém Jacobo y jém Xiwan. ³⁰ Mimne jém Ximoy im̄idapa. Tsam p̄imi jawan̄iy. Wone icheesmi. Cuando núc jém Jesús, an̄madayta iga mimne jém yomo.

³¹ Jesic Jesús icunúc jém yomo, imatsáy ici, ij̄ictsucum. Jeeti rato ichac jém jawan̄, mojum iwat jém w̄iccuy iga acw̄ictap Jesús con jém icuyujc̄iw̄iñ.

Jesús icp̄is jáyan̄ jém mimneyajw̄ip
(Mt. 8:16-17; Lc. 4:40-41)

³² Jesic tsuuyim cuando tigiyñeum jama, jém p̄ixiñtam inimiñayaj Jesús itump̄iy jém mimneyajw̄ip y jém imatsneyajw̄ip jém mal espíritu. ³³ Itump̄iy jém ityajw̄ip jém attebet an̄tuumayaj jém Ximoy itigan̄naca. ³⁴ Jesic Jesús icp̄is jáyan̄ jém mimneyajw̄ip, jém in̄ityajw̄ip w̄ati jém caacuy. Itoptim jáyan̄ jém mal espíritu. Pero Jesús da ij̄igáy iga j̄iypa jém mal espíritu porque jeeyaj iixpicpa iapaap jém Jesús.

Naj̄yóypa Jesús jém naxyucmi de Galilea
(Lc. 4:42-44)

³⁵ Jesic tsam tsuuytim, piichcimnam, yus jém Jesús. Put jém tiganjom, nic icutum tum lugar jut da i idiyíy. Nic inwejpát Dios. ³⁶ Jesic jém Ximoy con jém icompañeroyaj nic icuámyaj jém Jesús. ³⁷ Jesic ipátyaj, iñímáyaj:

—Síp mimétsyaj wati jém pixiñtam.

³⁸ Jesic Jesús iñímáy:

—Tanictámpa jém tungac tiganjojay jém ityajwiip nocojom iga ananmatpatim jém wibic anmati. Jeeyucmi ich amiññe yíp naxyucmi.

³⁹ Jesic nic Jesús itumpiy jém attebetyaj icuwiti jém naxyucmi de Galilea. Cada attebet najíyóypa Jesús jém sinagoga. Itoptim jáyan jém mal espíritu.

Jesús icpis tum pixiñ jém cupúgayñewiip iñaca
(Mt. 8:1-4; Lc. 5:12-16)

⁴⁰ Jesic miñ tum pixiñ cupúgayñe iñaca, icunúc Jesús. Icosteeñáy jém Jesús ipuycim. Iacunúsáypa jém Jesús iga iyoxpádiñ, nimpa:

—Siiga inwianjam, wiap anacpis.

⁴¹ Jesic Jesús tsam iyaachanjam, ichicunúc jém pixiñ, iñímáy:

—Anwianjam. Micuáyñeum.

⁴² Jesic cuando yaj nimi Jesús, jeeti rato ichacum jém lepra caacuy, witsíyum jém iñaca.

⁴³ Jesic Jesús inquímpa jém pixiñ, duro ipimíy, ⁴⁴ iñímáy:

—Odoy i anmadaayi iga ich manacpis, nigí anquejaayi jém panij iga michacneum jém caacuy. Nanigaayi jém ofrenda juuts nimpa jém Moisés inquímayooyi iga müxtaiñ iga numa mipisneum.

⁴⁵ Pero jém pixiñ da iwat jempic. Nic inmat jutquej ti iwadáy jém Jesús. Jeeyucmi da wiap itigiy Jesús ni tum attebet jut ixtap porque jém pixiñtam tsam in tuumacayajpa. Jesic siiba ansicmi jut da ti idiyíy. Pero miñyajpa jém pixiñtam jutquej iga iixyajpa jém Jesús.

2

Jém Jesús icpis tum pixiñ tusacanewiip
(Mt. 9:1-8; Lc. 5:17-26)

¹ Cuando nas juna jama, set eybic Jesús jém Capernaum. Cuando ijodónayaj jém pixiñtam iga setneum iticcim, ² jeeti rato antuumayajpa tsam jáyan pixiñtam hasta da cutigiyyajpa jém tiganaca. Jesús inquejáypa jém Dios inmati. ³ Jesic cuatro pixiñ inimíñayaj Jesús tum cuxuj tusacane icumij. Cópnetá inimiñta. ⁴ Pero como tsam itñim, da wiap ininas jém mimnewiip iga icunúcpa Jesús. Jesic iniquímyaj tigançobac, ijetyaj jém tic itecho. Yaj ijetyaj, ijímquetyaj típsyucmi jém cuxuj con ichees hasta jut it Jesús. ⁵ Jesic mu iix Jesús iga tsam icupicyaj iga wiap icpisóy, iñímáy jém cuxuj:

—Manic, miwadayñeta perdón jém iñtánca.

⁶ Jemum coñyaj jém escribaspic maestroyaj. Moj ijisyaj ijixianjom: ⁷ “¿Yíp pixiñ tiiga nimpa yimpic? Síp icujy tanDios. Jém tanJatun Dios iyaac wiap iccáyáy tum pixiñ itánca.” ⁸ Pero Jesús ijodon ti síp ijisyaj, jesic iñímáy:

—¿Tiiga iñjístampa jempic? ⁹ ¿Ti más da tánca iga annímáypa yíp cuxuj iga “Miwadayñeta perdón jém iñtánca” o iga annímáypa iga: “Tsucumim, piñim iñchees, witim?”

¹⁰ Pero iga iñjodónatamiñ iga jém Miññewiip Sinyucmi iniit ipimi iga wiap iccáyáy jém pixiñtam itánca yíp naxyucmi (jesic Jesús iñímáy jém cuxuj): ¹¹ Mannímáypa, tsucumim, piñim jém iñchees, nicsim iñticmi.

¹² Iganam iámyajpa jém pixiñtam, tsucum jém cuxuj, jeeti rato ipin jém ichees, put jém ticjom. Jeeyaj agui ipooñanjamyaj, moj icujípyaj Dios. Nimyaj:

—Da queman tánix yicxpíic milagro.

Jesús inwejay jém Leví
(Mt. 9:9-13; Lc. 5:27-32)

¹³ Jesic eybíc nic Jesús jém laguna aññaca. Jesic añtuumayajpa tsam jáyan jém pixiñtam jut it Jesús. Moj inquejayajta jém Dios inmatí. ¹⁴ Jesic moj niqúi Jesús, naspa jut ichécyaajpa jém impuesto. Iix iga jemum coñ jém Leví, jém Alfeo imaníc. Jesic Jesús inímáy jém Leví:
—Atúniiyi.

Jesic tsucum jém Leví, nic itúniiy jém Jesús.

¹⁵ Ocmi nic wiiquí Jesús con icuyujcñwiñ jém Leví iticcim. Iwaganacoñyay jáyan jém ichécyaajpaap impuesto y jém tunçac jém táñcaiyaywñip. Tsam jáyan de jeeyaj itúniiyyajpa jém Jesús. ¹⁶ Pero cuando jém fariseoyaj con jém escribaspíc maestroyaj iixyay iga jém Jesús iwaganawícyajpa jém ichécyaajpáppic impuesto y jém tunçac táñcaiywñip, jesic inímayyajpa jém Jesús icuyujcñwiñ:

—¿Tiiiga wagawícyajpa jém immaestro con jém táñcaiywñip?

¹⁷ Cuando imaton jém Jesús ti nímuyajpa, jesic inímáy jeeyaj:

—Jém ñapíc mimne da ixunpa jém tsóyíoyopaap, pero jém mimneyajwñip ixunpa jém tsóyíoyopaap. Ich da amiñ iga anañwejaypa jém ñapíc táñcaiy, pero miñ anañwejay jém táñcaiywñip iga ichacyajiñ jém itañca.

Inmatpa Jesús de jém ayuno
(Mt. 9:14-17; Lc. 5:33-39)

¹⁸ Tum jama jém Xiwan icuyujcñwiñ y jém fariseoyaj iwatyajpa ayuno. Jesic tunçac miñ icwácyaj jém Jesús, nímayta:

—¿Tiiiga iwatyajpa ayuno jém Xiwan icuyujcñwiñ y jém fariseoyaj, pero mich inçuyujcñwiñ da iwatyajpa ayuno?

¹⁹ Jesic Jesús inímáy jém miññeyajwñip:

—Cuando yoomíyapa tum pixiñ, inisiñap jém iamigoyaj. Jesic iganam it jém yoomíyapaap, da wíap iwatyaj ayuno. ²⁰ Pero núcpa jém jama cuando nanicnetawum jém yoomíyapaap, tsíyyajpa iamigoyaj icutum. Jesic numa iwatyajpa ayuno.

²¹ Da i inótotspa tum pecapíc yooti con tum jaca jém jomipíc puctucu. Siiga i inótotspa jém pecapíc yooti con jompuctucu, jesic nianxichpa jém jomipíc y ocmim jacpa jém pecapíc yooti jut núnmatzne jém intoochi. ²² Da i icucompa jém jomvino jém pecapíc cuerobolsajom. Porque siiga jempic inwatpa, jesic pipa jém jomvino, tojanşajpa jém pecapíc cuerobolsa, cutegáypa jém vino, togoypatim jém cuerobolsa. Más wí iga cucomtap jém jomvino jém jomipíc cuerobolsajom.

Jém Jesús icuyujcñwiñ itúcyajpa trigo jém jejcuy jama
(Mt. 12:1-8; Lc. 6:1-5)

²³ Tum jejcuy jama widañnaspa Jesús jut ñipnetá jém trigo. Cuando widañnasyajpa jém icuyujcñwiñ, moj itúcyaj jém trigo ipac. ²⁴ Jesic jém fariseoyaj inímayyaj jém Jesús:

—Ixi jém inçuyujcñwiñ, ¿tiiiga iwatyajpa jempic jém jejcuyjama contra jém tanañquímayooyi?

²⁵ Jesic Jesús inímáy jém fariseoyaj:

—¿Que da immayñe ti iwatyaj jém David con icompañeroyaj cuando tsam yaachayajpa, tsam yuayajpa? ²⁶ Jém David con icompañeroyaj tigíyyaj jém Dios iticjom cuando it jém cobacpíc panij jém Abiatar. Jém David icút jém caxtánañi jém tsacnetawñip altaryucmi. Ichiitim jém icompañeroyaj. Tanjodon iga jém tanañquímayooyi da ijcpa iga i icútpa jém masticjompíc caxtánañi, nada más jém panijyaj.

²⁷ Jesic Jesús iníimáytim jém fariseoyaj:

—Dios ichac jém jejcuy jama iga iwíwadayyajiñ jém pìxiñtam. Da iwat jém pìxiñtam iga ixutsyajpa jém jejcuy jama. ²⁸ Ich, jém aMiññewiip Sinyucmi, achiita jém pìmi iga wiap annímáy jém pìxiñtam ti wiap iwatyaj jém jejcuyjama.

3

Jém pìxiñ jém titsnewiip ici
(Mt. 12:9-14; Lc. 6:6-11)

¹ Jesic eybictim tigiy Jesús tum sinagoga. Jemum it tum pìxiñ titsne ici. ² Jesic jém Jesús ienemigoyaj tsam icuixyajpa siiga icpìspa jém pìxiñ jém jejcuyjama iga iquejajwadayya-jtooba jém anjagooyicim. ³ Jesic Jesús iníimáy jém pìxiñ jém titsnewiip ici:

—Teñchucumi. Miñi miteñi yíp pìxiñtam ançucmi.

⁴ Jesic icwácpa Jesús jém ityajwiip jem. Nímayyajta:

—¿Tí wiap tanwat jém jejcuyjama? ¿Wí iga tanwíwatpa o iga tammalwatpa? ¿Wí iga tançiacpudáypa tum pìxiñ ivida o tannaccáyáypa?

Pero jeeyaj da jyyaj. ⁵ Jesic Jesús icuámset jém pìxiñtam, tsam jóyñe y anyácne iga agui maloyaj jém ianama. Jesic iníimáy jém pìxiñ, jém titsnewiip ici:

—Tími inçi.

Jesic jém pìxiñ itim jém ici, wítsíyñeum. ⁶ Jesic putyaj jém fariseoyaj. Anatumayaj con jém Herodes ipìxiñtam, moj ijisyaj jutsap iccaayaj jém Jesús.

Núcyaj tsam jáyan jém pìxiñtam jém laguna aññaca

⁷ Nicyaj jém Jesús con icuyujcwiñ jém laguna aññaca. Tsam jáyan jém Galileapic pìxiñtam itúnjyyajpa Jesús. ⁸ Jut quej ijodónayaj jém pìxiñtam iga Jesús tsam iwíwatpa. Jesic nic íamyaj jém Jesús. Nicyaj jém Judeapic, jém Jerusalénpic y jém Idumeapic pìxiñtam. Nicyajpatim jém ityajwiip ni añwiñtuc jém río de Jordán y jém ityajwiip no-cojom de Tiro y Sidón. ⁹ Jeeyucmi Jesús iníimáy jém icuyujcwiñ iga inimíñiñ tum barco jut químpa iga jém pìxiñtam odoy icpìtsíyyajiñ. ¹⁰ Jesús icpìs jáyan jém mimneyajwiip. Jeeyucmi itumpiy jém mimneyajwiip icunúcyajtooba Jesús. Tsam ichicyajtooba iga pìsyajiñ. ¹¹ Cuando jém imatsneyajwiip jém mal espíritu iixyaj Jesús, jesic icosteeñayaj jém Jesús ipuycim, pìmi añweyjajpa. Nímyajpa:

—¡Micham Dios miManic!

¹² Jesic Jesús iwogáypa jém imatsneyajwiip jém mal espíritu. Iníimáy iga odoy nímiñ iapaap jém Jesús.

Jesús icupin jém doce icuyujcwiñ
(Mt. 10:1-4; Lc. 6:12-16)

¹³ Jesic ocmi quím Jesús tum cotsicyucmi. Inwejay jém icupinpaap juuts je iwianjam. Jesic jeeyaj miñ íamyaj jém Jesús. ¹⁴ Jesic Jesús icupin doce jém icuyujcwiñ iga iwa-ganasiba. Icutsattooba iga niguiñ inmat jém Dios inmati. ¹⁵ Chiitaptim jém Dios ipìmi iga icpìsyajiñ jém mimneyajwiip y iga itopyajiñ jém mal espíritu jém pìxiñtam ianamanjom. ¹⁶ Icupin doce jém icuyujcwiñ: jém Ximój, iccámáytim inñyi iga Peto; ¹⁷ Jacobo, con itíwi jém Xiwan, icuistic Zebedeo imanictam, accámayta inñyi jém wisten iga Boanerges, yíp añmati nimtooba iga tiñpa juuts majjywiñ. ¹⁸ Cupinyajtatim Anti; Felipe; Bartolo; Mateo; Tomax; Jacobo, jém Alfeo imaníc; Tadeo; Ximój, jém itwiip con jém partido cananista; ¹⁹ y Judas Iscariote, jém ichijunçotwiip jém Jesús.

Nímyajpa iga Jesús iniit tum mal espíritu
(Mt. 12:22-32; Lc. 11:14-23; 12:10)

Ocmi Jesús nic tum ticciim con jém icuyujciwiñ. ²⁰ Eybictim an̄tuumayaj tsam jáyan jém pixiñtam. Da i lugar ni para wícyajpa jém Jesús con icuyujciwiñ. ²¹ Jesic cuando ijodónayaj jém itiwitam ti iwat jém Jesús, nic imatsyaj porque nimyajpa iga locojane Jesús.

²² Jém escribaspic maestroyaj miñyaj de Jerusalén. Nimyajpa:

—Yíp pixiñ iniit jém mal espíritu injagooyi, jém Beelzebú, ianamanjom. Jeam ichi ipimi, jeeyucmi wiap itop jém mal espíritu jém pixiñtam ianamanjom.

²³ Jesic Jesús in̄wejay jém maestroyaj. In̄quejay con tum cuento. Nímayyaja:

—¿Jutsap initopta iyaac jém Wocciwiñ? ²⁴ Siiga nawéctap tum gobierno y tsíypa wisten partido, y siiga añayajpa, jesic nayajyaptap jém gobierno. ²⁵ Siiga najóyixyaptap tum pixiñ imanictam y añayajpa con itiwí, jesic nayajyaptap. ²⁶ Siiga nawécyaptap jém Wocciwiñ idemonio y añayajpa, jesic da jáypa cuyajpa jém Wocciwiñ.

²⁷ Jém númpaap da wiap itigiy tum pimipic pixiñ iticjom iga icunúmaypa siiga da wiñti ichenpa jém tic iomi. Pero siiga wiñti ichenpa, jesic wiap in̄umáy itumpiy jém iniitwip iticciim.

²⁸ Numa mannímáypa iga wadaytap perdón jém pixiñtam itañca. Wadaytaptim perdón siiga icujyapa jém tanjatun̄ Dios, ²⁹ pero siiga tum pixiñ icujyapa jém Dios iAnama, da nunca i iwadáypa perdón jém itañca. Chiitap castigo jém dapic nunca cuyajpa.

³⁰ Nimpa yimpic jém Jesús porque nimyajpa jém pixiñtam iga Jesús iniit tum mal espíritu ianamanjom.

*Miñyaj jém Jesús iapa con ijáyuctam
(Mt. 12:46-50; Lc. 8:19-21)*

³¹ Jesic ocmi núcyaj jém Jesús ijáyuctam con iapa. Tsíyyaj jém tic añnaca. An̄wejayta Jesús iga míñiñ iám iapa. ³² Coñyaj jáyan pixiñtam jém ticjom. Cucmi tsíy jém Jesús. Jesic jém pixiñtam in̄imayyaj jém Jesús:

—Jém in̄apa con in̄itwítam con in̄yomtíwítam núcneyaj jém tigan̄naca. Síp mimétsyaj.

³³ Jesic nimpa Jesús:

—¿Pero i jém ánapa, i jém antíwítam?

³⁴ Jesic Jesús iámmats jém coñyajwip jem, jém icuwoyxetneyajwip. In̄ímáy:

—Mimichtam jém mánapa y mantíwítam. ³⁵ Porque itumpiy jém iwatpaap juuts ixunpa Dios, jeam jém antíwí, anyomtíwí y ánapa.

4

*Jém cuento de jém iyin̄páppic jém trigo ipac
(Mt. 13:1-9; Lc. 8:4-8)*

¹ Jesic eybictim moj in̄quejay Jesús jém pixiñtam jém laguna añnaca. An̄tuumaneyaj jut it Jesús tsam jáyan pixiñtam. Jeeyucmi tigiy tum barcojom, nic coñi Jesús iga in̄quejáypa jeeyaj jém tsíyñeyajwip nian̄naca. ² Jesic Jesús in̄quejáypa jém pixiñtam tsam jáyan wítampic jixi cuentujmi. In̄quejáypa yimpic:

³ —Síp maton̄taami ti mannímáytaampa. Tum pixiñ nic ñipi, nic iyin̄ jém trigo ipac icamjom. ⁴ Mu iyin̄ jém pac, actin̄ uxan̄ jém tunjom. Miñyaj jém jon, icútquet. ⁵ Actin̄tim uxan̄ jém pac tsaanjom jut da i jáyan nas. Jesic jicsciy nay jém pac porque da juchan̄ jém nas. ⁶ Cuando pijpa jama, in̄oonoca jém xuxut planta. Yaj cutitsaayi porque da tichigíy. ⁷ Actin̄tim uxan̄ jém pac jém apidanjom. Jicsciy yón jém apit, ixamsamca jém xuxut planta. ⁸ Pero actin̄tim jém pac jém wibic naxyucmi. Wítimap. Algunos chióy treinta, algunos chióy sesenta, algunos chióy cien.

⁹ Jesic nimpa Jesús:

—Siiga mitatsigiyta amaton̄taami.

Tiiga in̄matpa Jesús cuentujmi
(Mt. 13:10-17; Lc. 8:9-10)

¹⁰ Ocmi cunigayyaj jém p̄ixiñtam. Cuando icutum tsíy jém Jesús, jém ityajw̄ip noco con jém doce icuyujc̄iwiñ icwácyajpa jém Jesús ti n̄imtooba jém xutu cuento. ¹¹ Jesic Jesús in̄imáy jém icuyujc̄iwiñ:

—Mimichtam, Dios michiiba jém j̄ixi iga in̄cutīiyiytámpa jém j̄ixi jém añécnew̄ip id̄ic. S̄ip in̄cutīiyiytámpa jutsap in̄jac Dios jém ityajw̄ip ȳip naxyucmi. Pero jém tungac p̄ixiñtam, jém dap̄ic icup̄icneyaj Dios, jeeyaj anañmadáypa cuentujmi. ¹² Dios iwat jemp̄ic para jém p̄ixiñtam jém dap̄ic ichactooba jém it̄añca, jesic cuando iixyajpa, da icutīiyiyyajpa. Cuando imaton̄yajpa, datim ijodón̄ayajpa iga odoy ichacyajiñ iga imalwatpa y odoy i iwadáyiñ perdón jém it̄añca.

Jesús in̄madáypa ti n̄imtooba jém cuento
(Mt. 13:18-23; Lc. 8:11-15)

¹³ Jesic Jesús in̄imáypa jém icuyujc̄iwiñ:

—Siiga mimichtam da in̄cutīiyiytámpa ȳip xutu cuento, ¿jesic jutsap in̄cutīiyiyta jém tungac cuento siiga manañmadáypa? ¹⁴ Jém p̄ixiñ jém in̄ippaap jém pac jex juuts jém p̄ixiñ jém in̄matpaap jém Dios in̄mat̄i. ¹⁵ Jesic cuando ñiptap jém Dios in̄mat̄i algunos jém p̄ixiñtam jex juuts jém pac jém actiñnew̄ip tun̄jom. Imaton̄yajpa jém añmat̄i, pero jém Woc̄c̄iwiñ miñpa iccáyáy jém añmat̄i jém ñipnetaw̄ip jém p̄ixiñ ianaman̄jom. ¹⁶ Algunos jém p̄ixiñtam jex juuts jém pac jém actiñw̄ip tsaan̄jom. Imaton̄yajpa jém añmat̄i. Agui maymayyaj mu ip̄ictson̄yaj jém Dios in̄mat̄i. ¹⁷ Jeeyaj como da t̄ichigiy, da jáypa. Cuando cutit̄stap, malwadaytap jém Dios in̄mat̄i icuyucmi, jesic jóypa jém p̄ixiñ, ichacpa jém Dios in̄mat̄i. ¹⁸ Algunos jém p̄ixiñtam jex juuts jém pac jém actiñnew̄ip jém apidan̄jom. Imaton̄yajpa jém añmat̄i. ¹⁹ Pero jesic tsam ij̄ispa jém iyoxacuy, tsam iw̄ian̄jam jém tumiñ, tsam icusúnyapatim jém dap̄ic w̄i ȳip naxyucmi. Jesic jexp̄ic j̄ixi ixamsamcaaba jém w̄ib̄ic añmat̄i. Jém p̄ixiñ ichacpa jém Dios in̄mat̄i, da w̄iputpa, da t̄imap. ²⁰ Pero algunos jém p̄ixiñtam jex juuts jém pac jém actiñnew̄ip jém w̄ib̄ic naxyucmi. Imaton̄yajpa jém Dios in̄mat̄i, icup̄icyajpa, w̄it̄imap. Algunos chióy treinta, algunos chióy sesenta, algunos chióy cien.

Jém cuento de jém jucti
(Lc. 8:16-18)

²¹ Jesic n̄imtim Jesús:

—Tannooba jucti iga tayicquejpa. Da tan̄cujappa coñcuc̄im ni da tantsacpa tseescuc̄im. Tantunpa yucmi jém jucti iga tayicquejpa. ²² Porque quejpa itump̄iy jém añécnew̄ip id̄ic. Itump̄iy jém yam̄imnew̄ip, ocmi jodón̄atap. ²³ Siiga mitatsigiyta, maton̄taami ti mann̄imáypa.

²⁴ Jesic Jesús in̄imáytim jém icuyujc̄iwiñ:

—Wadaayi caso iga in̄watpa ti mann̄imáypa. Siiga tsam imp̄ictson̄tooba jém Dios in̄mat̄i, jesic Dios michiiba jáyan̄ jém w̄itamp̄ic j̄ixi. Pero jém p̄ixiñ jém dap̄ic ip̄ictson̄tooba, da ti ichiiba Dios. ²⁵ Siiga imp̄ictson̄ne jém w̄ib̄ic j̄ixi, jesic miyoxpátpa Dios iga más in̄cutīiyiyiñ. Pero jém p̄ixiñ jém dap̄ic iw̄ian̄jam jém w̄ib̄ic j̄ixi, jesic Dios iccáyáypa eyb̄ic jém ij̄ixi jém uxañp̄ic iniit.

Jutsap in̄pic jém w̄ib̄ic añmat̄i iga tan̄jacpa Dios

²⁶ Jesic n̄imtim Jesús:

—Jém wibic aṇmaṭi jutsap injac Dios yíp naxyucmi jex juuts tum p̄ixiñ iñiptsac tum pac icamjōm. ²⁷ Jesic jém p̄ixiñ moṇpa y yuspa, tsuucim y siṇñi. Jém pac naypa, mijap. Pero jém p̄ixiñ da ijodon jutsap iñay ni jutsap imija. ²⁸ Jém nas wiap icmija jém ñipñibooyi, da tanyoxpátpa. Naypa jém pac, yónpa, mijap, ocmi tsampa. ²⁹ Jesic cuando tsamum jém itim, nicpa ipin jém iomi porque tsamneum.

³⁰ Jesic n̄imtim Jesús:

—Siṇ manañquejáypa juṭpic aṇpicpa jém wibic aṇmaṭi iga Dios injacpa yíp naxyucmi. Manañquejáypa cuentujmi. ³¹ Jém wibic aṇmaṭi jex juuts tum mostaza ipac ñiptap naxyucmi. Je jém más xutupic pac que itumpiy jém pacyaj. ³² Jesic ñipneum jém pac, yónpa, más mijap que itumpiy jém ñipñibooyiyaj. Iccámpa jém mijpic incis y jém jonyaj nicpa itiyaj jém cuy incisyucmi, jejyajpa jém icumuncom.

Tiiga accuyujóypa Jesús cuentujmi
(Mt. 13:34-35)

³³ Con waṭi jém cuento inquejáy Jesús jém p̄ixiñtam jém Dios inmaṭi hasta juṭpic wiñiñ icutuyiyaj. ³⁴ Jesús inmadáy cuentujmi itumpiy jém p̄ixiñtam. Pero cuando icutum it con jém icuyujc̄iwiñ, jesic inmadáy jeeyaj ti n̄imtooba itumpiy jém cuentoyaj.

Jesús icteñ jém sawa y jém n̄ipoa
(Mt. 8:23-27; Lc. 8:22-25)

³⁵ Jesic jeetim jama, tsuáṇam, Jesús iñimáy jém icuyujc̄iwiñ:

—Tanictámpa jém laguna aṇwiñtuc.

³⁶ Jesic Jesús inquímyaj jém aṇtuumaneyajw̄ip. Jém icuyujc̄iwiñ tigiyaj barcojōm con Jesús. Ininicyajpa Jesús jém laguna aṇwiñtuc. Iwagananicajpatim tungac jém barcoyaj. ³⁷ Iganam n̄iquiyaj barcojōm, moj poyi tum sawa tsam p̄imi. Jesic p̄imi pooba jém ni, tsam p̄imi tigiyaj ni jém barcojōm hasta comtooba. ³⁸ Moṇpa Jesús jém barco itutscim tum colchonyucmi. Jém icuyujc̄iwiñ ichicyusyaj, iñimayyaj:

—Mammaestro, ¿que da iñix iga tacumon̄toobam?

³⁹ Jesic yusum jém Jesús, iñimáy jém sawa iga teeñiñ. Iñimáytim jém lamar:

—¡T̄inei, odom t̄igooyi!

Jesic teñum jém sawa y t̄ineum jém n̄ipoa. Dam ti tsigóypa. ⁴⁰ Jesic Jesús iñimáy jém icuyujc̄iwiñ:

—¿Tiiga tsam mic̄iñtámpa? ¿Que da incupictámpa iga Dios tawatpa cuenta?

⁴¹ Tsam p̄imi c̄inyaj jém Jesús icuyujc̄iwiñ. Nanímayyajtap:

—¿Iapaap yíp p̄ixiñ iga jém sawa y jém n̄ipoa icupicpa?

5

Jém Gadarapic p̄ixiñ imatsne idic jáyaṇ jém mal espíritu
(Mt. 8:28-34; Lc. 8:26-39)

¹ Jesic ocmi Jesús con icuyujc̄iwiñ núcyaj jém laguna aṇwiñtuc jém naxyucmi de Gadara. ² Jesic mu iput jém Jesús jém barcojōm, ipát tum Gadarapic p̄ixiñ. Miñ jém p̄ixiñ jém camposanto. Imatsne jém mal espíritu. ³ Jém p̄ixiñ da ipa tiganjōm, nicpa it̄i jém camposanto. Da i wiap ichen jém p̄ixiñ ni con cadena. ⁴ W̄atciy tsénayta jém p̄ixiñ ici y ipuy con cadena, pero siempre ijacpa jém cadena. Iccujagáypa jém t̄incuy jém iñuusmatsayñew̄ip ipuy. Tsam p̄imi malo, da i wiap imanxuwat jém p̄ixiñ. ⁵ Tsuucim y siṇñi siiba jém p̄ixiñ jém camposanto y jém cotsicjōm. P̄imi aṇwejpa. Tsam naccoowaneta iyaac tsaami. ⁶ Jesic cuando jém p̄ixiñ juuminam iix jém Jesús, póyaṇtsucum, miñ icosteeñáy jém Jesús iwiñjōm. ⁷ Jesic p̄imi j̄yapa jém p̄ixiñ. N̄impa:

—Mi Jesús, ¿tiiga miñpa ammoogíy? Mich jém Yucmipic Dios miManic. Mançunucsáypa por Dios iga odoy ayaachwatí.

⁸ Jempigam nimpa jém pixiñ porque Jesús inímáy jém mal espíritu:

—Mimalespíritu, puti jém pixiñ ianamanjom.

⁹ Jesic Jesús icwác jém pixiñ, nimpa:

—¿Mich, mijapaap?

Jém pixiñ icutson. Nímayta Jesús:

—Ich aLegión porque tsam ajáyanjam.

Taich tanañmati jém legión nimtooba iga agui jáyan.

¹⁰ Jém mal espíritu icunucsáy Jesús iga odoy icutsadiñ tungac lugar. ¹¹ It idic jem jáyan jém yoya. Wícyajpa nocojom de jém cotsicciim. ¹² Jesic jém mal espíritu icunucsáypa jém Jesús. Nímayta:

—Acutsattaami jut it jém yoya. Ajígaayi iga atigiytámpa jém yoya ianamanjom.

¹³ Jesic Jesús ijigáy iga tigiyay jém yoya ianamanjom. Cuando putyajum jém mal espíritu jém pixiñ ianamanjom, nic tigiyiyaj jém yoya ianamanjom. Ityaj jem como dos mil yoya. Mu itigiyay jém mal espíritu, póyanjsucumyay jém yoya. Poyimi quetyaj jém tejajyucmi. Tigiyay jém niicim. Yaj jicjicaiyay jém yoya.

¹⁴ Jesic poyyay jém pixiñtam jém iwatyajpáppic cuenta jém yoya. Tsam pimi cinyaj. Nic inmadayyay jém pixiñtam ti inascayaj jém yoya. Nanicta jém añmati icuwiti jém atebet Gadara y hasta jut nicne yoxajiyaj. Jesic jém pixiñtam miñ iámyaj ti inascayaj jém yoya.

¹⁵ Núcyaj jut it jém Jesús. Iixyay jém pixiñ jém imatsnewip idic jém mal espíritu tsam jáyan. Jemum coñ, puctugíyum, jixíyum. Cuando iixyay jém pixiñtam, tsam pimi cinyaj. ¹⁶ Jesic jém pixiñtam, jém iixñeyajwip ti iwat Jesús, moj inmadayyay jém miññeyajwip ti inasca jém pixiñ jém imatsnewip idic jém mal espíritu y ti inasca jém yoya. ¹⁷ Jesic jém Gadarapic pixiñtam moj inímayyay jém Jesús iga niguiñam de jem.

¹⁸ Eybictim tigiy Jesús jém barcojom. Jém pixiñ, jém iniitwip idic jém mal espíritu, inímáy jém Jesús:

—Ich anictoobatim. Ajígaayi iga awaganicpa con mimich.

¹⁹ Pero Jesús da ijigáy iga nicpa itúnjy jém pixiñ. Nimpa Jesús:

—Nicsim inícticmi. Nigi añmadaayi jém iníwítam ti miwadáy Dios iga tsam miyaachanjam.

²⁰ Jesic jém pixiñ nic jém naxyucmi Decápolis. Moj inmadáy jém pixiñtam ti iwadáy Jesús cuando itobáy jém mal espíritu. Tsam ipooñanjamyaj itumpiy de jeeyaj.

*Jém Jairo iyommanic y jém yomo jém ichiccunúcwip Jesús
(Mt. 9:18-26; Lc. 8:40-56)*

²¹ Jesic set eybic Jesús jém laguna añwiñtuc jém barcojom. Cuando núc Jesús jém ni añnaca, jesic in tuumacayaj tsam jáyan jém pixiñtam. ²² Jesic miñ iám Jesús tum pixiñ iníyí Jairo, tum sinagoga injagooyi. Cuando núc jut it Jesús, icosteeñáy ipuycim. ²³ Jesic jém Jairo pimi icunucsáypa jém Jesús. Nímayta:

—Tsam pimi mimne jém anyommanic. Caatoobam. Nigi accámaayi inçi jém anyommanic icobacyucmi iga pixiñ iga odoy caiñ.

²⁴ Jesic jém Jairo iwagananic jém Jesús. Tsam jáyan pixiñtam nicyajtim, itúnjyay jém Jesús. Tsam icpitsiyay. ²⁵ Jém pixiñtámanjom ittim tum yomo mimne. Doce amtíy iniit jém caacuy iga quetpa inípiñ. ²⁶ Watí jém tsóyíyoypaap ichóyítip, pero tsam iyaachwatne jém yomo. Yajneum iwadáy gasto jém itumiñ, pero da pispá. Mástim pimi mimne. ²⁷ Jém yomo imatorne iga tsam wíap icpisóy jém Jesús. Jesic iganam

tsam icpitsiyyajpa Jesús jém p̄ixiñtam, jém yomo icunúc jém Jesús ituuñiañciim, ichigáy jém Jesús iyooti. ²⁸ N̄impa jém yomo ij̄ixianj̄om: “Siiga antsigáypa iyooti con añci, jesic ap̄ispa.” ²⁹ Jesic jeeti rato teñ iga quetpa jém iñ̄ipiñ. Ijam jém yomo iga pisneum. ³⁰ Jesic Jesús icut̄iȳy iga icp̄is tum mimnew̄ip con ip̄imi, áms̄et jém p̄ixiñtamanj̄om, n̄impa:

—¿I atsigáy jém anyooti?

³¹ Jesic jém icuyujc̄iwiñ iñ̄imáy:

—Íñix iga jém p̄ixiñtam tsam p̄imi micp̄itsiyyajpa. ¿T̄iiga micwágóypa iga i michic?

³² Pero Jesús icuámsetpa iga iixiñ i ichic. ³³ Jesic agui c̄iñe jém yomo, agui cuetsáypa porque ijodon̄ jutsa mu ip̄is. Miñ icosteeñáy jém Jesús iwiñj̄om, iñuuman̄madáy Jesús ti iñasca. ³⁴ Jesic Jesús iñ̄imáy:

—Miyomo, mip̄isneum porque tsam in̄cup̄icpa iga Dios wiap micp̄is. Siip michacneum jém caacuy. Chogoyñicsim.

³⁵ Iganam Jesús in̄imatpa jém yomo, núcyaj algunos jém p̄ixiñtam, miññeyaj jém Jairo iticciim. Iñ̄imayyaj jém añjagooyi:

—Caaneum jém iñyomman̄ic. Odom más wadaayi molestia ȳip tammaestro.

³⁶ Pero Jesús da iwadáy caso ti iñ̄imáy jém miññeyajw̄ip. Iñ̄imáy jém Jairo:

—Odoy c̄iñi. Cup̄ici iga Dios wiap miyoxpát.

³⁷ Jesic da ij̄icpa Jesús iga nicpa it̄un̄iȳyaj jém p̄ixiñtam. Ininic no más Peto, Jacobo, y Xiwan jém Jacobo it̄iwi. ³⁸ Cuando núcyaj jém sinagoga in̄jagooyi iticciim, iix Jesús iga tsam it bulla, tsam weyjajpa, tsam anyácneyaj. ³⁹ Tigiy ticj̄om jém Jesús, iñ̄imáy jém p̄ixiñtam jém weyjajp̄ap̄ic:

—¿T̄iiga tsam miwejtámpa? ¿T̄iiga tsam in̄wattámpa bulla? Da caane jém woñi, monpa.

⁴⁰ Pero jeeyaj agui ixiccayajpa jém Jesús. Jesic Jesús iquebacputyaj itump̄iy jém ityajw̄ip jém ticj̄om. Jesic iwagananicpa Jesús jém woñi ij̄atun̄ con iapa y jém icuyujc̄iwiñ. Tigiyay jém cuarto jut̄ it jém woñi. ⁴¹ Jesic Jesús imatsáy jém woñi ici, iñ̄imáy jém woñi:

—Talita cumi.

Taichtam tanañmat̄imi n̄imtooba: Miwoñi, mann̄imáypa, tsucumi.

⁴² Jeeti rato tsucum jém woñi. Mojum w̄iti. Doce iam̄t̄iy iniit. Jém ityajw̄ip tsam p̄imi ipooñanj̄amyaj mu iixyaj ti iwat Jesús. ⁴³ Jesic Jesús tsam iwianquím jeeyaj iga odoy i in̄madáyñ iga icp̄is jém woñi. Iñ̄imáȳtim Jesús iga acwíct̄añ jém woñi.

6

Nicgacpa Jesús jém Nazaret

(Mt. 13:53-58; Lc. 4:16-30)

¹ Jesic put de jem jém Jesús, nic iticmi. Iwagananicp̄ajpatim jém icuyujc̄iwiñ. ² Jesic cuando núc jém jejcuyjama, moj accuyujooyi Jesús jém sinagoga. Ityaj jáyan̄ p̄ixiñtam. Mu imaton̄yaj ti in̄imatpa jém Jesús, jesic tsam ipooñanj̄amyajpa. N̄imyaajpa:

—¿Jut̄ cuyuj ȳip p̄ixiñ? ¿Jut̄ ipic ȳip w̄ibic̄ j̄ixi? ¿Jutsap̄ iwat con ici jém w̄itampic milagro?

³ ¿Da ȳip p̄ixiñ jém carpintero? Iapa jém Malía. Tánixpigáypatim jém it̄iw̄itam jém Jacobo, jém José, jém Judas y jém Ximój. Ityajt̄im ȳim jém iyom̄t̄iw̄itam con taichtam.

Jeeyucmi jém p̄ixiñtam ij̄óyixyajpa jém Jesús. ⁴ Jesic Jesús iñ̄imáy jeeyaj:

—Jut̄quej w̄ipict̄son̄tap̄ tum jém profeta, pero cuando nicpa naj̄iyooyi iticmi, jesic jém iticm̄ipic p̄ixiñtam con jém it̄iw̄itam da iw̄ixyajpa.

⁵ Jesic jém Jesús da wiap iwat jém milagro iticmi. Ichic con ici nada más jut̄en jém mimneyajw̄ip iga icp̄isyajpa. ⁶ Agui ipooñanj̄ampa Jesús iga jém p̄ixiñtam da icup̄icyajpa iga Dios wiap iwat jém milagroyaj. Jesic ocmi Jesús icuwit̄x̄etpa itump̄iy jém xuxut̄ tigan̄joj jém ityajw̄ip nocoj̄om iga in̄imatpa jém Dios in̄mat̄i.

*Jesús icutsat icuyujc#wiñ iga nicyajiñ najiyooyi
(Mt. 10:5-15; Lc. 9:1-6)*

⁷ Jesic Jesús inwejáy jém doce icuyujc#wiñ. Icutsat wiswis iga nicyajiñ inmat jém Dios inmati jutquej. Chiiyajta jém Dios ipimi iga waiñ itopyaj jém mal espíritu jém pixiñtam inamanjom. ⁸ Jesic Jesús inímáy jém icuyujc#wiñ iga odoy ti ininicyajiñ tunjom. Nímayyajtap:

—Nanictaami no más jém imbastun. Odoy nanictaami ni tumiñ, ni immorral ni titam inçútpa. ⁹ Accaami jém inçiac y tum jém inyooti. Odoy nanictaami tungac inyooti. ¹⁰ Cuando miñúctampa tum ticciim, jemum poychíytaaami hasta miñictampa tungac tiganjoj. ¹¹ Siiga miñúcpa tum tiganjoj, y da i miwipictsonpa, ni da i imatontooba jém Dios inmati, jesic puttaami ançicmi, cunebaytaami jém impuy iga cáyiñ jém pótpót. Jempigam ininquejáypa jém pixiñtam iga núctip jém Dios inmati. Numa mannímáypa iga cuando núcpa jém jama iga Dios ic#piñpa itumpiy jém malopic pixiñtam, jesic yípyaj pixiñtam jém dapic iwianjamyaj jém Dios inmati, más chiitap castigo que jém malopic pixiñtam jém ityajwip jém atebet de Sodoma y Gomorra.

¹² Jesic nic najiyooiyaj jém Jesús icuyujc#wiñ. Inquímajpa jém pixiñtam iga ichacyajiñ iga imalwatpa y iga iwatyajiñ juuts ixunpa Dios. ¹³ Jém Jesús icuyujc#wiñ itopyajpatim jáyan jém mal espíritu jém pixiñtam inamanjom. Iccámajyaj aceite icobacyucmi jáyan jém mimneyajwip. Acpisyajta.

*Accaata jém Xiwan jém acchínoyapaap
(Mt. 14:1-12; Lc. 9:7-9)*

¹⁴ Jém rey Herodes imaton ti iwatpa jém Jesús porque wanpa jutquej ti iwat. Ijisyajpa iga pisneum jém Xiwan jém acchínoyapaap, jeeyucmi wíap iwat jém wítampic milagro.

¹⁵ Pero tungac nimpa:

—Pisneum jém wiñicpic profeta jém Elías.

Tungagam nimpa:

—Yíp pixiñ tum jém profeta jex juuts jém wiñicpic.

¹⁶ Mu imaton ti iwat jém Jesús, jesic nimpa jém Herodes:

—Yíp jém Xiwan jém ampimiyñewip iga tinçujagaytaiñ iisci. Siip pisneum.

¹⁷ Porque yíptim Herodes ipimiy iga matstaiñ jém Xiwan. Pajta cárcel, tsentá con cadena porque iwogáy jém anjagooyi cuando ifobáyay jém itíwi Felipe iwichomo. Jém yomo iníyi Herodías. ¹⁸ Jém Xiwan inímáy jém Herodes:

—Mich da inwat juuts nimpa jém Dios inquímayooyi. Da wí iga impigayñe iníwi iyomo.

¹⁹ Jeeyucmi jém yomo Herodías tsam ijóyixpa jém Xiwan hasta iccaatooba, pero da wíap. ²⁰ Porque jém Herodes tsam icñpa jém Xiwan. Ijodon iga wíbic pixiñ y siempre iwatpa juuts ixunpa Dios. Jeeyucmi jém anjagooyi da ijícpa iga i imalwadáypa jém Xiwan. Tsam anyácpa jém anjagooyi cuando imaton jém Xiwan inmadayooyi, pero siempre imatontooba. Pero da icupicpa. ²¹ Jesic núc jém jama iga jém yomo Herodías ipát jutsap icca jém Xiwan. Núc jém anjagooyi Herodes icumpleaño. Iwatpa tum siñ jém Herodes. Iwadáy invitación itumpiy jém anjagooyiyaj con jém soldado injagooyiyaj y con jém pixiñtam jém iniityajwip jém miltampic cargo jém naxyucmi de Galilea. ²² Tigiy jém yomo Herodías iyommanic jut iwatyajpa jém siñ. Jém woñi etspa jém pixiñtamanjom. Jesic jém Herodes con jém ityajwip jém tsam iwianjamyaj jém woñi iga etspa. Jém rey inímáy jém woñi:

—Awágaayi titam inxunpa y ich manchiiba.

²³ Jesic jém Herodes ijycámáy jém woñi iga ichiiba titam ixunpa hasta cucmi jém naxyucmi jut injacpa. ²⁴ Jesic jém woñi put jém cuarto jut sñayajpa. Nic icwác jém iapa. Nimpa jém woñi:

—¿Ti anwágáypa jém Herodes?

Nimpa jém woñi iapa:

—Wágaayi jém Xiwan icobac jém acchínoypaap.

²⁵ Jesic jicsciy tigiy eybic jém woñi jut it jém rey. Nimpa jém woñi:

—Ansunpa iga sñipti achiaayi jém Xiwan icobac jém acchínoypaap tum mijpic chimajom.

²⁶ Jesic pimi anyác jém rey, pero como ijycámáyneum iga ichiiba titam ixunpa jém woñi y como itumpiy jém inwejayñewiip imatonjaj, jesic da ti wíap iwat más que ichiiba juuts ijycámáyne. ²⁷ Jesic jeeti rato jém rey icutsat tum soldado, jém accaoypaap, iga inimíñáyñi jém Xiwan icobac. ²⁸ Jesic jém soldado nic jém cárcel, itñcujagáy jém Xiwan isci. Jesic inimíñáy jém icobac tum mijpic chimajom. Chiita jém woñi. Jesic jém woñi ipictson, ichi iapa.

²⁹ Cuando jém Xiwan icuyujcñwiñ imatonj ti iñasca jém Xiwan, jesic oy ipñayaj jém imajtay, nic icúmayaj tum tsajosjom.

Jesús icwíc jém cinco mil pixiñtam
(Mt. 14:13-21; Lc. 9:10-17; Jn. 6:1-14)

³⁰ Jesic ocmi antuumayaj jém apóstolyaj jut it Jesús. Inmadayaj Jesús titam iwatyaj y titam inquejayaj jém pixiñtam cuando oy najíyooyi. ³¹ Jesic Jesús iñímáy jém icuyujcñwiñ:

—Miñtaami mimichtam, tanictámpa tum lugar jut da iñim. Tapoyjejtámpa.

Porque tsam antuumayajpa jém pixiñtam, miñpa y nicpa hasta da i lugar para wícyajpa jém Jesús icuyujcñwiñ. ³² Jesic Jesús con jém icuyujcñwiñ nicyaj tum barcojom. Nicyaj naps jeeyaj jut da i idíyiy. ³³ Pero tsam jáyan jém pixiñtam iixyaj iga nicyajpa Jesús con icuyujcñwiñ. Iixpicyaj Jesús iga niqui barcojom. Jesic póyan tsucumyaj jáyan jém pixiñtam, miñyaj wati jém tiganjoj. Icuwitxetyajpa jém laguna. Anjagóy miñúcyaj antes que núcpa Jesús. ³⁴ Cuando núc Jesús, put jém barcojom, iix iga antuumaneyaj tsam jáyan pixiñtam. Tsam iyaachanjampa porque jeeyaj jex juuts jém borregoyaj jém dapic oomíy. Da i iwatpa cuenta. Jesic Jesús moj inquejáy jáyan wítampic jixi. ³⁵ Jesic tsuuyim, miñyaj jém Jesús icuyujcñwiñ, icunúcyaj jém Jesús. Nímayta:

—Yim da i tiganjoj, sñip tsam tsuuyim. ³⁶ Nímaayi jém pixiñtam iga niguiñ ijuyyay titam icútyajpa. Nicyajñi yim jeexic jut it jém tiganjoj porque yim da i ti tanjútpa.

³⁷ Pero Jesús iñímáy jém icuyujcñwiñ:

—Mimichtam acwíctaami.

Jesic nímajpa jém Jesús icuyujcñwiñ:

—¿Que aichtam nicpa anjúyayta doscientos tumiñ de plata jém caxtánañi iga anacwícpa jém pixiñtam?

³⁸ Jesic Jesús icwác jém icuyujcñwiñ. Nímayta:

—¿Juten caxtánañi iniitta? Nigi aami.

Cuando ijodónayaj, iñímayyaj:

—Anaitta cinco caxtánañi y wisten típi.

³⁹ Jesic Jesús iñímáy itumpiy jém pixiñtam iga antsaycoñyajiñ naxyucmi jém múganjom.

⁴⁰ Antsaycoñyaj itumpiy jém pixiñtam algunos cincuenta algunos cien. ⁴¹ Jesic Jesús ipic jém cinco caxtánañi y jém wisten típi. Amquím sñyucmi, moj inwejpát Dios. Jesic iwenwenjac jém caxtánañi. Ichi icuyujcñwiñ iga icwícyajiñ jém pixiñtam. Iwécim jém wisten típi iga ichiijaypa itumpiy jém pixiñtam. ⁴² Itumpiy wícyaj hasta cusyaj. ⁴³ Ocmi

jém Jesús icuyujc̄iwiñ ipiñyay doce nacooy jém caxtánañi y jém t̄ipi jém cutsíyw̄ippic.
⁴⁴ Jém icútneyajw̄ip jém caxtánañi cinco mil jém p̄ixiñtam.

Witpa Jesús jém n̄iwiñpacyucmi
(Mt. 14:22-27; Jn. 6:16-21)

⁴⁵ Jesic yajum wiiquiyaj, jeeti rato Jesús iñímáy icuyujc̄iwiñ:

—Siip tigiytaami barcojom, nicstaami jém Betsaida jém laguna añwiñtuc. Jemigam manactsíypa. Siip apoychíypa ȳim iga anañquímpa jém p̄ixiñtam.

⁴⁶ Jesic yajum inquímyaj jém p̄ixiñtam, nic Jesús tum cotsicyucmi iga inwejpátpa Dios. ⁴⁷ Jesic piichawum, jém barco cucm̄im niqui jém laguna. Icutum tsíy Jesús jém naxyucmi jut̄ tsucumyay. ⁴⁸ Jesús iix iga sopsneyajum jém icuyujc̄iwiñ iga icwityajpa jém barco con jém remos. Porque poypa jém sawa, tsam ictsíypa jém barco, táñcaap iñic. Jesic cuquejac̄im núc Jesús jut̄ niquiyaj jeeyaj. Witpa iñic Jesús jém n̄iwiñpacyucmi, iñascatooba idic jém barco. ⁴⁹ Pero cuando jém icuyujc̄iwiñ iixyajpa iga witpa n̄iwiñpacyucmi, ijisyajpa iga iixyay tum poñ. Tsam añweyajpa porque c̄iñneyaj. ⁵⁰ Itump̄iy jém icuyujc̄iwiñ iixyay. Tsam p̄imi c̄iñyay. Pero jeeti rato ijíyáypa Jesús, iñímáy:

—¡Camamwattaami iñanama! ¡Aicham! ¡Odoy c̄iñtaami!

⁵¹ Jesic tigiy barcojom jém Jesús con jeeyaj. Teeñanjac jém sawa. Mu iixyay jém icuyujc̄iwiñ, tsam p̄imi t̄ineanjacyaj, agui ipooñanjamyajpa. ⁵² Porque danam icut̄iyiñeyaj jém milagro iga icjáyañá jém caxtánañi. Tsam camam ianama, danam icupicneyaj.

Jesús icp̄is jém mimneyajw̄ip jém naxyucmi de Genesaret
(Mt. 14:34-36)

⁵³ Mu ijacyaj jém laguna añwiñtuc, núcyaj jém naxyucmi Genesaret. Ichenyaj ibarco jém playa aññaca. ⁵⁴ Jesic putyay jém barcojom Jesús con icuyujc̄iwiñ, jém Genesaretp̄ic p̄ixiñtam iixp̄icyajpa jém Jesús. ⁵⁵ Jesic jém p̄ixiñtam nicyay poyimi ȳim jeexic. Moj inimiñyay tseesyucmi jém mimneyajw̄ip hasta jut̄ it Jesús. ⁵⁶ Jut̄quej nicpa Jesús jém xutupic tiganjoj o jém mījp̄ic atebetyaj, jém p̄ixiñtam inimiñyajpa jém mimneyajw̄ip. Ichacyajpa jém calle aññaca jut̄ naspá Jesús. Cuando núc Jesús, jesic jém p̄ixiñtam icunucsáypa iga icp̄isyajiñ jém mimneyajw̄ip. N̄imyajpa:

—Jígaayi nada más iga michigayyajpa jém iñyooti jém mimneyajw̄ip.

Porque siiga ichigáypa iyooti inñaca, p̄isyajpa itump̄iy jém mimneyajw̄ip.

7

Jém táñca tsucumpa jém p̄ixiñtam ianamanjom
(Mt. 15:1-20)

¹ Ocm̄i añtuumayaj jut̄ it Jesús algunos jém fariseoyaj con algunos jém escribasp̄ic maestroyaj. Miñyay Jerusalén. ² Iixyay iga jém Jesús icuyujc̄iwiñ da icheeyajpa ici juuts jém Israelp̄ic p̄ixiñtam icostumbre antes que wícpa. Ijisyaj siiga da iwatyajpa jém costumbre jém Jesús icuyujc̄iwiñ, ictañcawatpa. ³ Porque jém fariseoyaj y itump̄iy jém Israelp̄ic p̄ixiñtam da wícyaajpa siiga da watc̄iy icheeba ici juuts n̄im jém wiñicp̄ic costumbre, jém ichacnew̄ip jém wiñicp̄ic w̄idaytam. ⁴ Cuando set de jém mercado, da ti ic̄ispa hasta que icheeba ici juuts n̄impa jém wiñicp̄ic costumbre. Iniityaj jáyan costumbre jut̄p̄ic icheeyajpa itaza, jém majcuy y jém t̄iñcuyxuuy y jut̄p̄ic icheeba jém ichees. ⁵ Jesic jém fariseoyaj con jém escribasp̄ic maestroyaj icwácyajpa jém Jesús. N̄imayta:

—¿T̄iiga jém in̄cuyujc̄iwiñ da iwatyajpa juuts n̄impa jém costumbre jém ichacnew̄ip jém wiñicp̄ic p̄ixiñtam? Da icheeyajpa ici antes que wícyaajpa juuts n̄impa jém costumbre.

⁶ Jesic Jesús iñímáy jeeyaj:

—Da migóypa jém wiñicpic Dios inmatcwiñ jém Isaías cuando minmadayta. Quejpa iga minimigóyaytap iñyaac juuts nim jém Isaías. Ijaychacne yimpic:

Nimpa Dios:

Yipyaj pixiñtam acujípyajpa con ijp.

Pero ianamanjom da acupicneyaj.

⁷ Xajatim ajisyajpa.

Inquejayyajpa jém pixiñtam ijixquiimi juuts wibic anquímayooyi.

⁸ Jesic Jesús iñímáytim jém pixiñtam:

—Michtam iñchacneta jém Dios inquímayooyi. Inwattámpa siip juuts jém pixiñtam icostumbre iga iñcheeba immajcuy, jém imvaso, y tungac más jáyan jexpic cosa. ⁹ Jeeyucmi mimichtam tsam iñchactámpa jém Dios inmati. Inwanjamta iga inwattámpa jém wiñicpic costumbre. ¹⁰ Nimpa jém Moisés inquímayooyi: “Wixtaami jém injatun y iñapa. Siiga i imalnímáypa jém ijatun o iapa, jesic wi iga accataiñ jexpic pixiñ.” ¹¹ Pero mimichtam iniitta tum da wibic costumbre. Miñimtámpa siiga i iñímáypa ijatun o iapa iga: “Da wiap manyoxpát porque itumpiy jém anaitwip, jém manchiipáppic idic, tsíy juuts Corbán.” (Taichtam tanañmatimi nimtooba iga ijycámáypa Dios iga ichiiba.) ¹² Siiga iwatpa así tum pixiñ, jesic miñimtámpa iga da malo jém pixiñ iga da iyoxpátpa jém ijatun o iapa. ¹³ Jempigam inictogoytámpa jém Dios inquímayooyi porque mich inwattámpa jexpic costumbre, jém ichacnewip jém pixiñtam dende wiñgam. Tsam jáyan jexpictim cosa inwattámpa.

¹⁴ Jesic eybic inwejay Jesús itumpiy jém pixiñtam. Iñímáypa:

—Amatonjtaami iñtumpiytam. Cutiyiytaami titam mannímáyta. ¹⁵ Titam incutpa, jém tigiyapaap iñijpjom, da mictáncaíypa. Pero jém malopic jixi, jém putpáppic iñanamanjom, je numa mictáncaíypa. ¹⁶ Siiga mitatsigiyta, amatonjtaami.

¹⁷ Jesic cuando yaj inquímáy jém pixiñtam, tigiy Jesús jém ticjom. Jém icuyujcwiñ moj icwácayaj ti nimtooba jém anmati. ¹⁸ Jesic Jesús iñímáy jém icuyujcwiñ:

—¿Que mimichtam datim incutiyiytámpa? Que da injodon iga jém tigiyppáppic tum pixiñ ijipjom da ictáncaíypa. ¹⁹ Jém icutpáppic tum pixiñ da tigiyapa ianamanjom porque itumpiy naspa ipuujom y ocmi putpa.

Cuando nimpa yimpic, nimtooba Jesús iga itumpiy wíccuy wi tançút, da tactáncaíypa.

²⁰ Nintim Jesús:

—Jém malopic jixi jém tsucumpáppic jém pixiñ ianamanjom je numa ictáncaíypa.

²¹ Porque jém pixiñ ianamanjom tsucumpa itumpiy jém malopic jixi. Jemum tsucumpa jém jixi iga ichicpa jém yomtam, iga pejóypa, iga accaóypa, ²² iga númpa, iga icusúníyáypa tungac pixiñ imichi, iga imalwadáypa tungac pixiñ, iga icumigóypa itiwitam, iga tsam icusúníyapa jáyan malopic cosa, iga kujóyíyóypa, iga icujíyapa itiwitam, iga da jixíy, iga agui nacujíptap iyaac jém pixiñ. ²³ Itumpiy yipyaj malopic jixi tsucum jém pixiñ ianamanjom. Yip malopic jixi ictáncaíypa jém pixiñ.

*Tum jém juumipic yomo icupic Jesús
(Mt. 15:21-28)*

²⁴ Jesic nic Jesús jém naxyucmi nocojom de jém Tiro y Sidón. Jemigam tigiy Jesús tum ticjom iga odoy i iixiñ. Pero da wia miyam porque ixta. ²⁵ Tum yomo mu imaton iga núc jém Jesús, jicsciy miñ, icosteeñáy jém Jesús ipuycim. Miñ iam porque jém iyommanic imatsne tum mal espíritu. ²⁶ Tum griegopic yomo, da je de Israel. Tsucum jém naxyucmi

Sirofenicia. Jesic jém yomo icunucsáy Jesús iga itobáyíñ jém mal espíritu jém iyommanic ianamanjom. ²⁷ Pero Jesús inímáy jém yomo:

—Wí iga wiñti cuspa wiiquiyaj jém tsixtam. Da wí iga tantobáyáypa jém tsixtam icaxtánañi iga tanchiiba chimpa.

²⁸ Jesic jém yomo icutson, inímáy jém Jesús:

—Numa, mánomi, pero jém chimpa icútyajpa jém ipaccanewip jém tsixtam mesacucim.

²⁹ Jesic Jesús inímáy jém yomo:

—Numa miwinim. Sip nicsim iníccim. Jém inyommanic ichacum jém mal espíritu.

³⁰ Jesic cuando setum iticcim jém yomo, ipát iyommanic wone icheesmi. Ichacneum jém mal espíritu.

Jesús icpis tum chajca

³¹ Jesic jém Jesús mojpgacum seti, put jém naxyucmi de Tiro, nas jém Sidón, nastim jém naxyucmi iniyi Decápolis, eybic núc jém laguna de Galilea. ³² Jesic namíñayta Jesús tum chajca iga icpixiñ. Datim jaya wíap ijy. Cunucsayta iga iccámiñ ici jém chajca icobacyucmi. ³³ Jesic Jesús ininic jém pixiñ tum áñeymi. Icodáy iwayci jém pixiñ itatsicjom. Ocmi ichujca Jesús iwayci, ichigáy jém pixiñ itots. ³⁴ Jesic ámquím Jesús sinyucmi, jejquet, inímáy jém chajca:

—Efata.

Yíp anmati nimtooba: Áñaayi. ³⁵ Jesic áñáyum jém chajca itatsic. Matónóypam. Wítsiyñeum jém itots. Wíabam ijy parejo. ³⁶ Jesic inquím Jesús jém pixiñtam iga odoy anmadiñ iga icpis jém chajca. Pero aunque tsam pimi inquím pa Jesús, mástim anmatyajpa jém pixiñtam iga Jesús icpis jém chajca. ³⁷ Tsam pimi ipooñanjamyajpa. Nímyaj:

—Yíp pixiñ tsam iwíwatpa. Icmatónóypa jém chajca, icjyipa jém uma.

8

Jesús icwícpa cuatro mil pixiñtam

(Mt. 15:32-39)

¹ Jesic jeetim tiempo antuumayaj tsam jáyan jém pixiñtam. Da iniyyaj jém iwíccuy. Jesic Jesús inwejay jém icuyujcwiñ. Inímáy:

² —Tsam anyaachanjampa jém pixiñtam jém antuumaneyajwip yim. Tanwaganait tucunajama y sip da ti iniyyaj iga icútpa. ³ Siiga ancutsatpa iticmíyay sin wiiqui, jesic cupónaquetyajpa tunjom porque algunos miññeyaj tsam juumi.

⁴ Jesic jém Jesús icuyujcwiñ icutson, nímyaj:

—Yim jut tait da ti idíyíy. ¿Jutsap tampát wíccuy iga tanacwícpa itumpiy yípyaj pixiñtam?

⁵ Jesic Jesús icwác jém icuyujcwiñ. Nímayta:

—¿Juten caxtánañi iniitta?

Nímyajpa jém icuyujcwiñ:

—Siete.

⁶ Jesic Jesús inímáy jém antuumaneyajwip iga coñyajiñ naxyucmi. Jesic ipic jém siete caxtánañi, inwejpát Dios, moj iwenwenjac jém caxtánañi. Jesic ichi jém icuyujcwiñ iga icwícyajiñ jém pixiñtam. Jempigam iwatyaj. ⁷ Iniityajtim juten xuxut tíipi. Jesic Jesús eybictim inwejpát Dios. Ipimíy jém icuyujcwiñ iga ichiyyajiñtim jém tíipi jém pixiñtam.

⁸ Jesic wícyaj hasta cusyaj. Ocmi jém Jesús icuyujcwiñ ipinyaj jém wíccuy jém cutsíywip. Icuomyaj siete nacooy. ⁹ Ityaj jem como cuatro mil pixiñtam. Cuando yajum wiiquiyaj, jesic Jesús inquím jeeyaj.

¹⁰ Jeeti rato tigiy Jesús tum barcojom con icuyujc#wiñ. Nicyaj jém naxyucmi Dalmanuta.

Jém fariseoyaj iwácyajpa tum milagro

(Mt. 16:1-4; Lc. 12:54-56)

¹¹ Miñyaj jém maestroyaj de jém fariseopíc anquímayooyi. Moj icwácyaj Jesús. Miñ icutítsyay. Nimyajpa iga: “Anquejaayi tum siñyucmipíc seña.” ¹² Jesic agui anyácne Jesús. Pimi jejquet. Nimpa:

—¿Tiiga yípyaj pxiñtam awágáypa tum seña? Numa mannímáypa iga Dios da ichiiba ni tum seña.

¹³ Jesic Jesús ichac jém pxiñtam, eybic quím tum barcojom. Nic jém laguna anwiñtuc.

Jém fariseopíc anquímayooyi jex juuts jém levadura

(Mt. 16:5-12)

¹⁴ Jesic jém Jesús icuyujc#wiñ ijaamanotyaj iga ininicyajpa jém caxtánañi. No más tum caxtánañi iniityaj barcojom. ¹⁵ Jesic Jesús ipimíy jém icuyujc#wiñ:

—Cuidado. Nawattamtaji cuenta iga odoy impiguiñ jém fariseoyaj ilevadura o jém Herodes ilevadura.

¹⁶ Jesic moj nanímayyajtaji entre jeeyaj:

—Tanímáy jempic porque da tanamiñ jém caxtánañi.

¹⁷ Jesic Jesús icutiyyíy ti síp ijisyaj, iñímáy:

—¿Tiiga miñimtámpa iga da iniita jém caxtánañi? ¿Que da incutiyyiyta? ¿Que da mijixiyta? ¿Que tsam malotim iñanama? ¹⁸ Miixcuyiyta, ¿que da miixixoytámpa? Mitatsigiyta, ¿que da mimatónoyotámpa? ¿Que da iñjístámpa cuando ¹⁹ mu anwéc jém cinco caxtánañi con jém cinco mil pxiñtam? ¿Juna coon impineta jém cutsíywíppic?

Jesic jém icuyujc#wiñ icutsonyay. Nimyaj:

—Doce.

²⁰ Jesic nimitim Jesús:

—Cuando mu anwéc jém siete caxtánañi con jém cuatro mil pxiñtam, ¿jesic juna coon impineta jém cutsíywíppic?

Jesic nimyaj icuyujc#wiñ:

—Siete.

²¹ Jesic Jesús iñímáy jém icuyujc#wiñ:

—¿Que mimichtam danam incutiyyiyñeta?

Jesús icpis tum cáchtí jém attebet Betsaida

²² Ocmi nicyaj Jesús con icuyujc#wiñ jém attebet Betsaida. Mu iñúcyaj jem, algunos inimíñayyaj jém Jesús tum cáchtí. Iacunucsayyaj jém Jesús iga ichiguiñ jém cáchtí. ²³ Jesic Jesús imatsáy jém cáchtí ici, ijicteñ anšicmi de jém tiganjoj. Jesic Jesús iccámáy uxan ichuyñi jém pxiñ iixcuyyucmi. Iccámáy ici jém pxiñ icobacyucmi. Jesic icwác jém cáchtí. Nímayta:

—¿Sip miixixóypam?

²⁴ Jesic jém cáchtí ámquím. Iñímáy jém Jesús:

—Ánixpa jém pxiñtam quénam cuyyaj, pero wityajpa.

²⁵ Jesic Jesús eybictim iccámáypa ici jém pxiñ iixcuyyucmi, ipimíy iga ichídiñ iixcuy. Jesic wítsiyum jém iixcuy, wí iixóypam. ²⁶ Jesic Jesús iñímáy jém cáchtípíc idic:

—Sip nicsim iñticmi. Odoy nasi yíp tiganjoj. Odoy i anmadaayi iga manacpis.

Nimpa jém Peto iga Jesús je jém Cristo

(Mt. 16:13-20; Lc. 9:18-21)

²⁷ Jesic nicyaj Jesús con icuyujc̄iwiñ jém tiganjjojyaj jém ityajw̄ip nocojom jém atebet Cesarea de Filipo. Iganam nicyajpa tunjom, jém Jesús icwácpa jém icuyujc̄iwiñ. Nimpa:

—Anímaayi junimyajpa jém p̄ixiñtam iga ajapaap aich.

²⁸ Jesic icutsonyaj jém icuyujc̄iwiñ. Nimyajpa:

—Algunos nimpa iga mich miXiwán jém acch̄inoypaap. Tunjac nimpa iga mich miElías. Tunjac nimpa iga mich tum wiñc̄pic miprofeta.

²⁹ Jesic Jesús icwác jém icuyujc̄iwiñ. Nímayyajt̄ap:

—¿Mimich̄tam, mijunimt̄ampa iga ajapaap?

Jesic jém Peto icutson. Iñímáy:

—Mich miCristo.

³⁰ Jesic Jesús ip̄imíy jém icuyujc̄iwiñ iga odoy i inmadayyajiñ iga je jém Cristo.

Jesús inmatpa iga accaatap

(Mt. 16:21-28; Lc. 9:22-27)

³¹ Jesic moj inquejáy Jesús jém icuyujc̄iwiñ iga jém Miññew̄ip Sinyucmi tsam p̄imi yaachwattap. Tsam ijóyixyajpa jém w̄idaytam, jém cobac̄pic panijyaj y jém escribap̄ic maestroyaj. Ocmi accaatap, pero jém tucunajama Dios icp̄ispa.

³² Inuntawianmadáy Jesús jém icuyujc̄iwiñ. Pero jém Peto da iwianjam, inwejput Jesús, moj iwogáy. ³³ Jesic jém Jesús íamseedáy jém icuyujc̄iwiñ, iwogáy jém Peto. Nimpa:

—MiPeto, acupóyaayi miWoc̄c̄iwiñ. Mich da iniñ jém Dios ij̄ixi in̄j̄ixianjom. Iniit jém p̄ixiñtam ij̄ixi.

³⁴ Jesic Jesús inwejáy jém icuyujc̄iwiñ con itump̄iy jém antuum̄aneyajw̄ip jem. Moj inquejáy. Nímayyajt̄a:

—Siiga i atún̄iytooba, ts̄aci iga inwatpa juuts in̄xunpa in̄yaac, yaach̄iyi cuando miyaachwattap ich an̄cuyucmi, jesic atún̄iyi. ³⁵ Siiga tum p̄ixiñ tsam itoypa ivida iga itpa ȳip naxyucmi, jesic togoypa jém ivida. Pero siiga accaatap tum p̄ixiñ ich an̄cuyucmi iga iwatpa juuts nimpa ich anan̄mati, jesic jém p̄ixiñ da togoypa ivida, itpa para siempre.

³⁶ Da ti cuwatcuy tum p̄ixiñ siiga iniit itump̄iy jém w̄ib̄ic cosa jém itw̄ip ȳip naxyucmi y togoypa ianama. ³⁷ ¿Con jutsan tumiñ w̄iap iyoj tum p̄ixiñ iga ip̄ictsonpa eyb̄ic jém ianama cuando caaneum? ³⁸ Siiga michaap iga ininmatpa ich anan̄mati y siiga mich antsaaxpa, jesic ichgacti, jém aMiññew̄ip Sinyucmi, mantsaaxpatim cuando amiñgacpa ȳip naxyucmi con an̄jatun̄ Dios ip̄imi y con jém sinyucm̄ipic p̄ixiñtam.

9

¹ Jesic n̄imtim Jesús:

—Numa mannímáypa iga algunos de mimichtam miittan̄w̄ip ȳim, da micaaba hasta que in̄ixt̄ampa iga núcpa jém tiempo cuando Dios injacpa jém p̄ixiñtam con ip̄imi.

An̄c̄ac jém Jesús íamooyi

(Mt. 17:1-13; Lc. 9:28-36)

² Jesic cuando nasum seis día, Jesús inin̄ic jém Peto, Jacobo, y Xiwán tum mij̄pic cotsicyucmi. Icutum nicyaj. Jemum iixyaj iga an̄cac jém Jesús íamooyi. ³ Agui tsoipa ipuct̄ucu. Tsam p̄imi popo juuts nieve. Icuw̄iti ȳip naxyucmi da i w̄iap iche jém puct̄ucu jutsp̄iy ipopo jém Jesús ipuct̄ucu. ⁴ Jesic jém Jesús icuyujc̄iwiñ iixyaj iga wiñquej wisten jém wiñc̄pic Dios inmatc̄iwiñ jém Elías y jém Moisés. S̄ip inmatyaj con Jesús. ⁵ Jesic jém Peto in̄ímáy jém Jesús:

—Mammaestro, agui w̄i iga taift̄ampa ȳim. S̄ip man̄wadayt̄ampa tucuten̄ nacxt̄ic. Tum para mimich, tum para Moisés y tum para Elías.

⁶ Jempic nimpa jém Peto porque da icutiŷiŷyipa ti nimpa porque tsam pimi ciŷneyaj jém Jesús icuyujcŷiwiñ. ⁷ Jesic actiŷ tum ucsi. Inmontogoyyay jém ucsi. Jesic imatoŷyay tum jŷiŷi jém ucsanjom. Nímayyajtá:

—Yíbam ich ammanic, tsam antoypa. Matonŷtaami ti miñímáypa.

⁸ Jesic jeeti rato ámámóypa jutquej jém icuyujcŷiwiñ. Da iixyay ni tum pxiñ. Icutum it jém Jesús con jeeyaj.

⁹ Iganam quetyajpa jém cotsicyucmi, Jesús inŷuimpa jém icuyujcŷiwiñ iga odoy i inmadáŷiñ ti iixyay jém cotsicyucmi hasta que jém Miññewŷip Siŷyucmi piŷpa de jut it jém caaneyajwŷip. ¹⁰ Jesic da inmatyajpa jém Jesús icuyujcŷiwiñ ti iixyay, pero nacwácyajtá entre jeeyaj ti nimtooba Jesús cuando nimpa iga piŷpa de jut it jém caaneyajwŷip. ¹¹ Jesic acwáctá jém Jesús, nímaytá:

—¿Tiiga nŷmyajpa jém escribaspic maestroyaj iga wiñti miñpa jém Elías?

¹² Jesic Jesús icutson, iñímáy:

—Numa, wiñti miñpa jém Elías iga iwŷtsacpa itumpiy cosa. Nímtim jém Dios inmati, jém jayñewŷip, iga tsam yaachwattá, tsam jóyixtá jém Miññewŷip Siŷyucmi. ¹³ Siŷp mannímáypa iga núcneum jém Elías y jém pxiñtam tsam imalwadayyay juuts ixunyajpa jeeyaj. Iñasca jém Elías juuts nimpa jém Dios inmati jém jayñewŷip.

*Acpista tum jaychixi jém imatsnewŷip jém mal espíritu
(Mt. 17:14-21; Lc. 9:37-43)*

¹⁴ Jesic setyay jut it los de más jém Jesús icuyujcŷiwiñ. Iixyay iga tsam jáyan pxiñtam inŷtuumaçayajpa jeeyaj. Jém escribaspic maestroyaj aŷayajpa con icuyujcŷiwiñ. ¹⁵ Jesic jém pxiñtam, mu iixyay iga miñpa Jesús, tsam ipooñanjamyajpa. Jeeti rato itumpiy de jeeyaj póyanŷucumyay, nic ichoŷyay. ¹⁶ Jesic Jesús icwácpa jém icuyujcŷiwiñ. Nímayyajtá:

—¿Ti síp inŷacata con jém escribaspic maestroyaj?

¹⁷ Jesic tum pxiñ, jém itwŷip jem, iñímáy jém Jesús:

—Maestro, mannámíñáy jém anjaymanic. Iniit tum mal espíritu. Iumawatne.

¹⁸ Cuando pimi imatspa jém mal espíritu iccutiŷpa naxyucmi. Anxacamoypa ijip, iñichpa itits. Jeeyucmi tsam flaco jém ammanic. Annímáy jém inŷcuyujcŷiwiñ iga itobáŷiñ jém mal espíritu, pero jeeyaj da wiá mitobayyay.

¹⁹ Jesic Jesús iñímáy jém pxiñtam:

—A que mimichtam hasta siŷp da inŷcupictámpa Dios. Jáyum tawagaŷti con mimichtam, pero datim inŷcupictámpa. Tsam anyaachiyum iga mananquejáypa jém Dios inmati, pero datim inŷcutiŷiytámpa. Anamíñaayi jém tsixi.

²⁰ Jesic inimíñayyay Jesús jém tsixi. Cuando jém mal espíritu iix jém Jesús, jeeti rato eybictim imats jém jaychixi. Actiŷ naxyucmi, tsam cujoppa, anxacamoypa ijip. ²¹ Jesic Jesús iñímáy jém tsixi iŷatun:

—¿Juchixam moj imats yíp caacuy?

Nimpa jém tsixi iŷatun:

—Moj imats dende xutunam. ²² Watciy iccutiŷpa juctjom o niŷcim iga iccaaba. Siiga wiá inŷcipis, ayaachanjami aichtam, ayoxpaati.

²³ Jesic Jesús iñímáy jém pxiñ:

—Siiga mich wiá inŷcupic iga Dios miyoxpátpa, jesic ich awiá. Porque Dios wiá iwat itumpiy cosa para jém icupicneyajwŷip.

²⁴ Mu imatoŷ jém pxiñ ti iñímáy Jesús, jesic pimi jŷyapa. Nimpa:

—Anŷcupicpa iga Dios wiá iwat. Ayoxpaati iga más parejo anŷcupicpa.

²⁵ Jesic Jesús iix iga tsam anjuumayajpa jem pixiñtam. Miñyajpa poyimi. Jesic Jesús iwogáypa jem mal espíritu. Nímayta:

—Mich mimal espíritu, iñchajcawatne yíp tsixi, iñumawatne, siip mannímáypa, puti yíp tsixi ianamanjom. Odoy tigiyi eybic.

²⁶ Jesic pimi anweja jem mal espíritu, eybic iccutiñpa naxyucmi jem tsixi. Jesic jeeti rato put jem mal espíritu. Tsíy jem tsixi juuts caane. Hasta nímajpa wati jem pixiñtam iga caaneum. ²⁷ Pero Jesús imatsáy ici, ijictsum. Jesic teñum jem tsixi. ²⁸ Ocmi tigiy Jesús tum ticjom. Jem icuyujciwiñ iyamacwácyajpa:

—¿Tiiga aichtam da wiap antopta jem mal espíritu?

²⁹ Jesic Jesús iñímáy jeeyaj:

—Da wiap iñtopta yicxpíc mal espíritu siiga da iniñwejpáttámpa Dios y siiga da inwattámpa ayuno.

Eybictim iñmatpa Jesús iga accaatap

(Mt. 17:22-23; Lc. 9:43-45)

³⁰ Jesic Jesús con icuyujciwiñ putyaj jem tiganjoj. Moj niquiyaj. Widañnasyajpa jem naxyucmi de Galilea. Da iwianjam Jesús iga ijodónayajiñ jem pixiñtam jut nicpa.

³¹ Porque inmadáy jem icuyujciwiñ ti iñascaaba. Nimpa Jesús:

—Ich, jem aMiññewiip Siñyucmi, acijunçottap jem malopic pixiñtam icijom. Accaayajpa jem pixiñtam, pero ocmi jem tucunajama acpístap.

³² Pero jem icuyujciwiñ da icutiyyiyajpa ti nimpá Jesús. Tsam cinyajpa iga icwácyajpa.

I jem más mijpic anjagooyi

(Mt. 18:1-5; Lc. 9:46-48)

³³ Ocmi núcyajum jem atebet Capernaum. Cuando tigiyaj jem ticjom, Jesús icwác jem icuyujciwiñ. Nímayyajta:

—¿Tí síp iniñacata tunjom?

³⁴ Jesic dam jiyaj porque tsam áñaneyaj tunjom iga i tsíypa juuts jem más mijpic anjagooyi. ³⁵ Jesic coñ jem Jesús, inwejay jem doce icuyujciwiñ, moj iñímáy:

—Siiga i tsíytooba juuts jem más mijpic anjagooyi, jesic tsíypa juuts jem íñanpic pixiñ, icuyoxap jem itiwitam juuts tum mozo.

³⁶ Ocmi Jesús inwejay tum xutu tsixi jem icuyujciwiñ iwiñjom. Iñuuspac Jesús jem xutu tsixi. Iñímáy jem icuyujciwiñ:

³⁷ —Siiga tum pixiñ iwipictsonpa tum xutu tsixi ich anniyimi, jesic jem pixiñ awipictsonpatim aich. Y siiga awipictsonpa aich, jesic wipictsonpaptim jem anjatun Dios jem acutsatnewiip yíp naxyucmi.

Jém dapic it en contra de taichtam, je tayoxpátpa

(Mt. 10:42; Lc. 9:49-50)

³⁸ Jesic Xiwan iñímáy jem Jesús:

—Mammaestro, ánixñeta tum pixiñ iga itoppa jem mal espíritu mich iñiyimi. Jesic aichtam ananjyacta porque jem pixiñ da siiba con taichtam.

³⁹ Jesic Jesús iñímáy jem icuyujciwiñ:

—Odoy anjyactaami porque siiga tum pixiñ iwatpa tum mijpic milagro ich anniyimi, jesic da jobit wiap amalímáy. ⁴⁰ Jém dapic it en contra de taichtam, tayoxpátpa. ⁴¹ Siiga i michiiba tum taza ni ich anniyimi porque mich jem Cristo mimichi, numa mannímáypa iga wiyojtap jem pixiñ.

Jém táñca wiap tactsac jem Dios inmatí

(Mt. 18:6-9; Lc. 17:1-2)

⁴² Siiga i icwatpa táŋca tum p̄ixiñ jém yaguiñpic acupicpa aich, jesic chiitap mijpic castigo jém p̄ixiñ. Más w̄i iga cutsénaytaiñ tum mijpic molino icha iisciyucmi y acpatsiytaiñ lamar. ⁴³ Jesic siiga in̄ci micwatpa táŋca y mictsacpa jém Dios in̄mati, jesic jaci jém in̄ci. Más w̄i iga mitigiypa jut it Dios con tum in̄ci que iga con icuistic in̄ci mininictap jém juctjom jut da nunca p̄ichpa, jut ipictsonyajpa jém castigo. ⁴⁴ Jut da nunca caayajpa jém tsuuquiñ, jut da nunca p̄ichpa jém jucti. ⁴⁵ Siiga impuy micwatpa táŋca hasta mictsacpa jém Dios in̄mati, jesic jaci jém impuy. Más w̄i iga mitigiypa jut it Dios con tum impuy que iga con icuistic impuy mininictap jém juctjom jut da nunca p̄ichpa, jut ipictsonyajpa jém castigo, ⁴⁶ jut da caayajpa jém tsuuquiñ, jut da nunca p̄ichpa jém jucti. ⁴⁷ Siiga tum in̄xcuy micwatpa táŋca hasta mictsacpa jém Dios in̄mati, jesic topi jém in̄xcuy, patsaayi. Más w̄i iga mitigiypa con tum in̄xcuy jut injacpa Dios que iga con icuistic in̄xcuy micnictap jém juctjom jut ipictsonyajpa jém castigo. ⁴⁸ Jut da nunca caayajpa jém tsuuquiñ, jut da nunca p̄ichpa jém jucti.

⁴⁹ Porque itumpiy canaiytap con jucti. Itumpiy jém sacrificio codaytap jém cana.

⁵⁰ W̄i jém cana, tsam tayoxpátpa. Pero siiga jém cana misap, togoypa ipaac, jesic dam para ti w̄i. Jém w̄ibic j̄ixi jex juuts jém cana. Naittaami jém w̄ibic j̄ixi in̄anamanjom. Odoy añataami con jém in̄tiw̄itam, naw̄inanigaytamtaji.

10

Da w̄i iga ichacpa iyomo tum p̄ixiñ (Mt. 19:1-12; Lc. 16:18)

¹ Jesic put Jesús jém atebet Capernaum. Nic jém naxyucmi Judea. Jac hasta jém ni an̄wiñtuc jém río de Jordán. Eybictim an̄tuumayajpa tsam jáyan jém p̄ixiñtam. Miñ iámyaj jém Jesús. Jesic eybic in̄quejay jém p̄ixiñtam jém Dios in̄mati juuts iwatpa siempre. ² Jesic miñyaj algunos jém fariseoyaj, icunúcyajpa Jesús. Icutitsyajtooba. Jeeyucmi icwácpa, nímaytap:

—¿Que w̄i iga tum p̄ixiñ ichacpa iyomo?

³ Icutson Jesús. N̄impa:

—¿Junimpa jém an̄químayooyi jém michiiñew̄ip jém Moisés?

⁴ N̄imyajpa jém p̄ixiñtam:

—Jém Moisés in̄químayooyi ij̄icpa iga tum p̄ixiñ w̄iap ictsucum tum acta iga ichacpa iyomo.

⁵ Jesic Jesús in̄ímáy jém fariseoyaj:

—Yípyaj Israelpic p̄ixiñtam tsam maloyaj ianama jeeyucmi ijaychac yíp an̄químayooyi jém Moisés. ⁶ Pero wiñigam cuando Dios iwat itumpiy cosa, iwat tum p̄ixiñ y tum iyomo.

⁷ Jeeyucmi jém p̄ixiñ ichacpa ijatun̄ y iapa iga nicpa iwaganait iyomo. ⁸ Icuistic tsíypa tumti mijtay. Jeeyucmi da tsíypa iga wisten. Tumti imijtay. ⁹ Jesic siiga Dios iwat iga tum p̄ixiñ wagaityajpa con iyomo, w̄i iga seguido wagaityajiñ. Da w̄i iga tum p̄ixiñ ichacpa iyomo.

¹⁰ Jesic cuando tigiyaj jém ticjom jém Jesús icuyujc̄iwiñ, eybictim icwácayajpa ti nimtooba jém an̄químayooyi. ¹¹ Jesic Jesús in̄ímáy:

—Siiga tum p̄ixiñ ichacpa jém iyomo y ipicpa tun̄gac yomo, jesic pejóypa jém p̄ixiñ. Ipejpa jém iyomo jém wiñtipic. ¹² Siiga tum yomo ichacpa jém iw̄idaya y ipicpa tun̄gac p̄ixiñ, jesic pejóypatim jém yomo.

Jesús ichiiba bendición jém tsixtam (Mt. 19:13-15; Lc. 18:15-17)

13 Jesic namíñayta Jesús xuxut tsixtam iga ichiñ bendición. Pero jém icuyujc#wiñ iwogayyaj jém inimiññeyajw#p jém tsixtam. 14 Jesic p#mi jóy jém Jesús cuando iix ti iwat jém icuyujc#wiñ. Iñímáy:

—Jígaytaami iga míñiñ aámyaj y#p tsixtam. Odoy anj#yjac#i porque jém tigiyyajpaap jut injacpa Dios jex juuts jém tsixtam. 15 Numa mannímáypa siiga da iñ#j#cpa iga minjacpa Dios juuts tum xutu tsixi, jesic da w#ap iñ#igiy jut injacpa Dios.

16 Jesic Jesús iñuuspacpa jém tsixtam. Iccámáy ici icobacyucmi, ichi bendición.

*Tum p#xiñ tsam rico in#matpa Jesús
(Mt. 19:16-30; Lc. 18:18-30)*

17 Jesic tum jama moygacum niqui Jesús. Jeeti rato miñ poyimi tum p#xiñ, icosteeñáy jém Jesús iwiñjom. Acwágóypa jém p#xiñ. Nímayta Jesús:

—Agui w#bic miMaestro, ¿ti w#ap anwat iga ampictsonpa jém vida jém dapic cuyajpa?

18 Jesic Jesús iñímáy jém p#xiñ:

—¿Tiiga miñ#mpa iga ich aw#i? It tum jém w#bic, je jém tanjatun Dios. 19 Mich iñjodon jém Dios inquímayooyi. N#mpa: “Odoy accaooyi, odoy pejooyi, odoy nuumi, odoy cumigooyi iñ#witam, odoy migóyaayi tum jém iñ#wi iga iñ#úmáypa titam iniit, naidaayi respeto jém iñjatun y jém iñapa.”

20 Jesic jém p#xiñ iñímáy jém Jesús:

—Maestro, ich jempigam anwatne itumpiy dende atsixiñam.

21 Jesic Jesús iámmats jém p#xiñ, tsam p#mi itoypa. Iñímáy:

—No más tum cosa mitogóyáy. Cumáyaayi itumpiy jém iniitw#p, chi jém tumiñ jém yaachayajpáppic, jesic iniit jáyan jém w#bic riqueza s#nyucmi. J#ici iga miyaachwattap, atún#iyi.

22 Mu imaton ti iñímáy jém Jesús, nic jém p#xiñ. P#mi anyác porque tsam p#mi rico.

23 Jesic Jesús iámanpoy jém ityajw#p, iñímáy jém icuyujc#wiñ:

—Tsam tánca iga tum ricopic p#xiñ núcpa jut injacpa Dios.

24 Jém icuyujc#wiñ agui ipooñanjamyajpa ti n#mpa jém Jesús. Jesic eybictim n#mpa jém Jesús:

—Mammanictam, tsam p#mi tánca iga núcyajpa jut injacpa Dios jém tsampic itoypa itumiñ. 25 Más da tánca iga naspá tum camello tum núncuypac ijosjom que iga tigiypa tum rico jut injacpa Dios.

26 Jesic p#mi ichiganj#cyaj jém Jesús icuyujc#wiñ. Moj nacwácyajtaji entre jeeyaj. N#myaj:

—¿Jesic i w#ap ic#put?

27 Jesic Jesús iámmats jém icuyujc#wiñ, iñímáy:

—Numa, jém p#xiñtam da w#ap iwat, pero Dios w#ap porque je w#ap iwat itumpiy cosa.

28 Jesic jém Peto moj in#mat Jesús. Nímayta:

—Mán#mi, aichtam antsacnetámum itumpiy jém anaitw#p idic iga nicpa mantún#iy.

29 Jesic Jesús iñímáy jém icuyujc#wiñ:

—Numa mannímáypa, siiga i ichacpa itic, it#witam, iapa, ijatun, iyomo, ichixtam, o iñas ich ancyucmi iga in#matpa jém w#bic an#ati, jesic Dios iw#yojpa. 30 Jesic y#ptim naxyucmi Dios icseedáypa más jáyan cosa que jém ichacneyajw#p jém itic, it#witam, iapa, ichixtam, o iñas. Pero tsam yaachwattaptim y#p naxyucmi. Jesic ocmi cuando núcpa jut it Dios, iniitum jém vida jém dapic cuyajpa. 31 Wati jém anjagoypáppic ts#yypa tuuñianc#m, jém tuuñianc#mpic, anjagóypa iñic.

Tucciy inmatpa Jesús iga accaatap
(Mt. 20:17-19; Lc. 18:31-34)

³² Nicyajpa Jerusalén Jesús con icuyujc̄wiñ. Jém Jesús anjagoyñe iñic, jém icuyujc̄wiñ miñyajpa ituuñianc̄im. Tsam c̄ñneyaj. Tsam ipooñanjamyajpa iga nicpa Jesús Jerusalén. Jesic eybic inwejput jém doce icuyujc̄wiñ, moj inmadáy titam iñascaaba Jerusalén.

³³ Nimpa Jesús:

—Maton̄taami. Siip tanictámpa Jerusalén. Ich jém aMiññewiip Siñyucmi ac̄ijun̄cottap jém cobacpic panij ic̄ijom y jém escribaspic maestroyaj ic̄ijom. Jeeyaj achiiba mijpic castigo. Ocmi ijisyajpa jutsap accaayaj. Ac̄ijun̄cottap jém tungac pixiñtam ic̄ijom jém dapic je de Israel. ³⁴ Jeeyaj axiccayajpa, atsujcayajpa, p̄imi acótsyajpa. Accaayajpa. Pero jém tucunajama ap̄ispa de jut it jém caaneyajw̄ip.

Jém Jacobo y Xiwan iwácyajpa tum favor
(Mt. 20:20-28)

³⁵ Jesic ocmi jém Jacobo y jém Xiwan, jém Zebedeo iman̄ictam, icunúcyaj Jesús. Iñimayyajpa:

—Miccuyujoypaap, awadaytaami tum favor.

³⁶ Jesic Jesús iñimáy jém wisten:

—¿Ti iñxunpa iga man̄wadaytámpa?

³⁷ Jeeyaj n̄imyaj:

—Cuando núcpa jém tiempo iga ininjacpa ȳip naxyucmi con Dios ip̄imi, achiitaami derecho iga nicpa acoñi tum ininjw̄imi y tum ininj̄aymi.

³⁸ Pero Jesús iñimáy jém wisten:

—Michtam da in̄jodon̄tam ti an̄wágaytámpa. ¿Que mich iñyaachíypa iga miyaachwattap juuts aich ayaachwattap? ¿Que wiap iñuc jém copa jém ichpic ánucca? ¿Que wiaptim micch̄intamt̄a juuts ich acch̄intap?

³⁹ Jesic jém wisten iñimáy jém Jesús:

—Awiatámpa.

Jesic Jesús iñimáy:

—N̄uma, mimichtam miyaachwattamt̄aptim juuts aich. Iñuctámpa jém copa jém ichpic ánucca. Micch̄intamt̄aptim juuts aich acch̄intap. ⁴⁰ Pero ich da wiap manchi derecho iga nicpa micoñi tum anan̄w̄imi y tum anan̄̄aymi. Jém an̄jatun̄ Dios ichiiba derecho jém icup̄in̄neyajw̄ip.

⁴¹ Jesic cuando imaton̄yaj los de más jém Jesús icuyujc̄wiñ, jém diezpic, tsam ijóyixyajpa jém Jacobo y Xiwan. ⁴² Jesic Jesús inwejáy itump̄iy jém icuyujc̄wiñ. Iñimáy:

—Michtam in̄w̄ijodon̄ iga jém juum̄ipic pixiñtam in̄jagooyiyaj tsam ip̄imíypa jém ip̄ixiñtam. Jém más mijpic an̄jagooyi más p̄imi ip̄imíypa jém ip̄ixiñtam. ⁴³ Pero mimichtam da in̄wattámpa jem̄pic. Siiga mijpic min̄jagooyi, in̄cuyoxap jém iñt̄iw̄itam.

⁴⁴ Jém más mijpic in̄injagooyi micuyoxap juuts tum esclavo. ⁴⁵ Wattaam̄itim juuts aich. Amiñ siñyucmi iga an̄cuyoxap jém ityajw̄ip ȳip naxyucmi. Ich da amiñ iga acuyoxayajiñ jeeyaj. Ich amiñ iga anchiiba amvida iga anyojáypa jáyan̄ jém pixiñtam it̄añca.

Jesús ictojoy jém Bartimeo iixcuy
(Mt. 20:29-34; Lc. 18:35-43)

⁴⁶ Ocmi núcyaj jém attebet Jericó. Jesic cuando putyajpa jém Jericó jém Jesús con icuyujc̄wiñ iwagananicyajpa jáyan̄ jém pixiñtam. Jemum coñ tun̄añnaca tum cácht̄i iñ̄yi Bartimeo jém Timeo iman̄ic. Iwácpa tumiñ. ⁴⁷ Jesic cuando jém cácht̄i imaton̄ iga naspa Jesús jém Nazaretpic, jesic p̄imi j̄yypa jém cácht̄i. Nimpa:

—Jesús, jém rey David mim̄anic, ayaachanjami.

⁴⁸ Jém itúnjyayjpaap Jesús iwogayyajpa jém cáchtí iga odoy jíyíñ. Pero más pimi jiyapa jém cáchtí. Nimpa:

—Jém rey David mimanic, ayaachanjami.

⁴⁹ Jesic teeñanjac Jesús. Iñímáy jém ityajwip:

—Anwejaayi jém pixiñ.

Jesic jeeyaj inwejayyaj jém cáchtí. Nímayta:

—Maymáya. Tsucumi, porque síp minwejay jém tamMaestro.

⁵⁰ Jesic jém cáchtí ipatsquet naxyucmi jém icapa de lana, jicsciy tsucum, nic íám jém Jesús. ⁵¹ Jesic Jesús iñímáy jém cáchtí:

—¿Tí iñxunpa iga manwadáya?

Jesic jém cáchtí icutson. Nimpa:

—MamMaestro, ansunpa iga actojaayi ánixcuy.

⁵² Jesic Jesús iñímáy jém cáchtí:

—Síp nicsim. Tsam incupicne iga Dios wiap miyoxpát, jeeyucmi mipisneum.

Jesic jeeti rato toj iixcuy jém cáchtí, mojum itúnjy jém Jesús jut nicpa.

11

*Tigiy Jesús Jerusalén juuts tum anjagooyi
(Mt. 21:1-11; Lc. 19:28-40; Jn. 12:12-19)*

¹ Jesic núcyajpa nocojom jém Jerusalén tomi jut it jém wisten tiganjoj jém Betfagé y jém Betania, cotsic anñaca, jém cotsic iñiyi Olivos. Jesic Jesús icutsat wisten jém icuyujcwiñ tum tiganjoj nocojom. ² Iñímáy jeeyaj:

—Nictaami jém tiganjoj jeexpic it. Cuando miñúctampa jem, impáttampa tum mañburro tsenne. Da i queman iquímca jém burro. Wiji, anamíñaayi. ³ Siiga i miñímáya iga tiiga inwijpa jém burro, jesic nímaayi: “Jém tánomi ixunpa. Da jáya micseedáy.”

⁴ Jesic nicyaj jém wisten. Ipátyaj tum mañburro tsenne calle tum puerta anñaca. Iwijyaj.

⁵ Jesic jém ityajwip jem iñímáy jém Jesús icuyujcwiñ:

—¿Tí inwatpa? ¿Tiiga inwijpa jém burro?

⁶ Jesic jém icuyujcwiñ icutsonyaj jém ityajwip juuts iñímáy jém Jesús. Jesic ichi lado iga ininigiñ jém burro. ⁷ Jesic ininigayyaj Jesús jém burro, icutógayyaj jém burro con iyooti. Jesús iquímca. ⁸ Wati jém pixiñtam itócyaj iyooti tunjom jut witpa jém burro. Tunjac itúcyaj jém cuy incis y jém ay iga itócyajpatim tunjom.

⁹ Algunos jém pixiñtam anjagoyñeyaj iñic y algunos nicyajpa tuuñiancim. Pimi anweyjajpa. Ninyajpa:

—¡Hosanna! Agui wí jém tanjatun Dios. Tanjajpátim yíp tanaanjagooyi jém tacutsadayñewip Dios. ¹⁰ Agui wí yíp tanaanjagooyi. Miñpa injac tannación juuts jém wiñicpic rey jém David. ¡Hosanna! Agui wí jém tanjatun Dios jém itwip sinyucmi.

¹¹ Jesic núc Jerusalén jém Jesús. Tigiy jém mijpic masticjom, íám itumpiy cosa jém ityajwip jem. Ocmi nic tsiiyiyaj Betania jém Jesús con jém doce icuyujcwiñ porque tsuuyim.

*Jesús imalnimáy jém tsuj iga da tímāne
(Mt. 21:18-19)*

¹² Jesic icuquejama cuando put Jesús jém Betania, tsam yuap. ¹³ Jesic juumi iix Jesús tum tsuj tsam áyiy. Jesic nic icuámáy jém tsuj itim. Pero da ipadáy jém itim no más it jém iay porque da it tiempo iga tímāp. ¹⁴ Jesic Jesús iñímáy jém tsuj:

—Ich mannímáya iga da nunca i micudáya jém iñim.

Jém icuyujc#wiñ imatonɣaj ti nɪmpa Jesús.

Jesús iquebacputpa jém máymáyoyyáppic jém mijpic masticjom
(Mt. 21:12-17; Lc. 19:45-48; Jn. 2:13-22)

¹⁵ Jesic ocmi nicɣaj Jerusalén. Eybic tigiy Jesús jém mijpic masticjom. Moj iquepquebacput jém máymáyoyyajpaap y jém juyjúyoyyajpaap jém mijpic masticjom. Jesús ichiputseedáy jém imesayaj jém icucacyajpaap tumiñ. Imutsmutsseedáy jém icõñcuyyaj jém imáyyajpaap cuucu. ¹⁶ Datim ijícpa Jesús iga i ininícpa algun carga jém mijpic masticjom.

¹⁷ Jesic Jesús moj inquejáy jém pixiñtam. Nímayyajta:

—Jaychacnetawum jém Dios inɣati: “Ich antic jut iwatyajpa oración. Je para itumpiy jém pixiñtam.” Pero michtam impicneta yíp antic juuts tum mercado, tsam it jém númyajpaap.

¹⁸ Jém cobacpic panijyaj con jém escribaspic maestroyaj imatonɣaj ti nɪmpa jém Jesús. Moj ijisyaj jutsap iccaayaj. Jém anjagooyiyaj icinɣajpa jém Jesús porque itumpiy jém pixiñtam tsam ipooñanjamyajpa cuando imatonɣaj jém wibic inquímayooyi. ¹⁹ Jesic tsuáñam putyaj Jerusalén jém Jesús con icuyujc#wiñ.

Titsneum jém tsuj
(Mt. 21:20-22)

²⁰ Jesic icuquejama cuando nicgacpa Jesús Jerusalén, nasyajpa jut it jém tsuj. Iixyaj iga titsneum jém tsuj hasta itichicyucmi. ²¹ Jém Peto ijis iga imalnímáy Jesús jém tsuj, jesic iñímáy:

—MamMaestro, aami jém tsuj jém immalnímáyñewiip. Siip titsneum.

²² Jesic Jesús iñímáy jém icuyujc#wiñ:

—Cupictaami iga tsam wiap jém tanɣatun Dios. ²³ Numa mannímáypa, siiga i iñímáypa yíp cotsic iga: “Caayi de yim, nigí miniccámataji lamar”, jesic tienes que miwadáypa Dios juuts inwágáypa siiga da iniɣi duda y incupicpa iñanamanjom iga Dios wiap miyoxpát.

²⁴ Jeeyucmi mannímáypa iga cuando inwattámpa oración iga inwágáypa Dios algun ti, siiga incupicpa iga impictsonpa, jesic Dios michiiba. ²⁵ Cuando ininwejpátámpa Dios, wiñti wadaytaami perdón siiga i mimalwadáy. Jesic jém tanɣatun Dios, jém itwip sinyucmi, miwadaytámpatim perdón mimichtam itumpiy jém iñtáñca. ²⁶ Siiga da inwadáypa perdón jém mimalwadayñewiip, jesic jém tanɣatun Dios jém itwip sinyucmi datim miwadáypa perdón mimichtam iñtáñca.

Acwáctaj Jesús jut ipic jém autoridad
(Mt. 21:23-27; Lc. 20:1-8)

²⁷ Jesic eybictim nic Jesús Jerusalén con icuyujc#wiñ. Cuando siiba Jesús jém mijpic masticjom, miñyaj jém cobacpic panijyaj con jém escribaspic maestroyaj y jém widaytam. Iacunúcyaj jém Jesús. ²⁸ Jesic jeeyaj icwácyaj jém Jesús. Nímayta:

—¿I micutsat iga inwatpa juuts mich síp inwat? ¿I michi jém impimi?

²⁹ Jesic Jesús iñímáy jeeyaj:

—Siip manacwácpatim tum cosa. Siiga wiap ancutsonpa, jesic ichgam mannímáypa i achi jém pimi iga anwatpa juuts síp anwat. ³⁰ Anímaytaami, ¿i ichi ipimi jém Xiwan iga acchínóyapa? ¿Que Dios ichi jém ipimi o pixiñ ichi?

³¹ Jesic jém anjagooyiyaj moj nacwácyajtaji entre jeeyaj. Nanímayyajta:

—Siiga tannímáypa iga Dios icutsat jém Xiwan, jesic tannímáypa iga: “¿Tiiga da incupictámpa?” ³² Pero siiga tannímáypa iga da je Dios icutsat jém Xiwan, jesic da ti wiap tanwat.

Jém anjagooyiyaj icin̄yajpa jém p̄ixiñtam porque itump̄iy de jeeyaj ijodon̄yaj iga jém Xiwan tum nunta profeta. ³³ Jesic jém anjagooyiyaj icutson̄yaj. In̄imayyaj Jesús:

—Da anjodon̄tam.

Jesic Jesús in̄imáytim jém anjagooyiyaj:

—Ich datim mannímáypa i achi jém p̄imi iga an̄watpa juuts síp an̄wat.

12

Jém cuento de jém malopic mozo

(Mt. 21:33-46; Lc. 20:9-19)

¹ Jesic Jesús moj in̄quejáy jém p̄ixiñtam cuentujmi. Nímayyajtá:

—It idic tum p̄ixiñ in̄ip tum finca de uvas. Icutánne. Iwat tum tsaajos jut itobáypa jém uvas in̄i iga iwatpa jém vino. Iwattim tum torre jut iwatpa cuenta jém finca.

’Jesic ocmi icnucs jém ifinca tun̄gac p̄ixiñtam iga itúcyajpa jém uvas y iwatpa jém vino. Jesic jém nas iomi nic joyi tun̄gac naxyucmi tsam juumi. ² Jesic cuando núc jém tiempo iga tiim̄ap jém uvas, jém finca iomi icutsat tum imozo iga niguiñ iám jém icnucsneyajw̄ip jém ifinca iga iwégáyiñ jém cosecha. ³ Pero cuando núc jém imozo, matstá, tsam cótstá. Acsetta eybic jut miñ. Da ti ichiiyaj. ⁴ Jesic jém finca iomi icutsat tun̄gac jém imozo. Pero in̄nacsjedayyaj jém icobac. Tsam p̄imi imalmalnímayyaj. Acsetta eybic jut miñ. ⁵ Jesic icutsat tun̄gac jém imozo, pero accaaytá jém imozo. Asíam in̄ascayaj w̄ati jém imozoyaj. Algunos p̄imi cótstá y algunos accaata.

⁶ ’Ocmi núc tum jama iga tsíy no más jém p̄ixiñ imanic jém tsampic itoypa. Jesic ocmi icutsattim jém imanic. Ijispa: “Tienes que iniidayyajpa respeto ammanic.” ⁷ Pero cuando núc jém p̄ixiñ imanic, jesic jém p̄ixiñtam moj nanímayyajtaji: “Yíbam jém imanic jém ipictson̄páppic itump̄iy jém ijatun̄pic im̄ichi. S̄ip tanaccaaba, jesic taichtam tamm̄ichatámpa jém herencia.” ⁸ Jesic matsaytá jém p̄ixiñ imanic, accaata, patsaytá an̄sicmi de jém finca.

⁹ Jesic Jesús in̄imáy jém p̄ixiñtam:

—S̄ip anímaayi: ¿Tí iwatpa jém finca iomi? Miñpa iccucaáy jém iwatyajpáppic cuenta jém uvas. Jesic ocmi ichiiba jém finca tun̄gac p̄ixiñtam.

¹⁰ ’¿Que da immayñe jém Dios in̄mat̄i jut jayñeta? Nimpa:

Jém ticwatpaap ipatsaytip jém tsa.

Pero ocmi jeetim tsa piñtá.

S̄ip jeetim tsa icóppacne jém tic.

¹¹ Yíbam jém tan̄jatun̄ Dios iwati.

Cuando tánixtámpa, agui tampooñan̄jamtámpa.

¹² Jesic jém anjagooyiyaj tsam imatsyajtooba jém Jesús porque icutīiyiyay iga jeam icuyucmi in̄mat Jesús jém xutu cuento. Pero tsam icin̄yajpa jém p̄ixiñtam. Jesic ichacyajpa iga imoogíypa jém Jesús. Nicyajum.

Acwáctá Jesús siiga w̄i tanyoj jém impuesto

(Mt. 22:15-22; Lc. 20:20-26)

¹³ Jesic ocmi cutsadaytá Jesús algunos jém fariseoyaj y jém anjagooyi Herodes ip̄ixiñtam. Nic icutitstá Jesús iga iccutin̄pa con jém in̄mat̄i iga w̄iaiñ iquejajwadayyaj.

¹⁴ Jesic núcyaj in̄imayyaj jém Jesús:

—Maestro, an̄jodon̄ata iga siempre in̄in̄matpa jém numapic an̄mat̄i y da in̄wadáypa caso ti n̄imayjpa jém p̄ixiñtam. Mich da i in̄c̄in̄pa. Siempre in̄in̄matpa parejo jém Dios in̄mat̄i. Jesic anímaayi, ¿w̄i iga tanyojpa jém impuesto jém César o da w̄i? ¿Tanyojtámpa o da tanyojtámpa?

—Numa, miMaestro, agui inwianmat. Numa juuts miñim iga tum Dios it, da i tunjac.
³³ Wi iga tantóyñ Dios con itumpiy tánanama, con itumpiy tanjixi y con itumpiy tampimi.
 Wi iga tantóyñ tantiwi juuts tanatoytap tanyaac. Siiga tanwatpa yimpic, más iwianjam
 Dios que itumpiy jém ofrenda y jém sacrificio jém noonetawip altaryucmi.

³⁴ Jesic Jesús iix iga agui jixiíy jém maestro. Tsam iwicutson. Jeeyucmi nimpa así jém Jesús:

—Da juchan mitogóyáy iga miñúcpa jut injacpa Dios.

Jesic cinyajpa jém pixiñtam iga eybic icwácyajpa jém Jesús.

Jém Cristo jém Dios iManic

(Mt. 22:41-46; Lc. 20:41-44)

³⁵ Jesic ocmi iganam accuyujóypa Jesús jém masticjom, nimpa así:

—¿Tiiga ninyajpa jém escribaspic maestroyaj iga jém Cristo je jém David imaníc?

³⁶ Jeetim David ijaychacne así porque jém Dios iAnama ichi jém jixi. Nimpa:

Jém tanjatun Dios iñímáy jém tánomi Cristo iga:

“Coñi yim anawimi hasta que incoñwíypa jém mijóyixyajpaap.”

³⁷ ¿Pero jutsap ichiy jém Cristo juuts jém David imaníc siiga nintim jém David iga jém Cristo je jém iQmi?

Jemum antuumaneyaj tsam jáyan jém pixiñtam. Agui maymayyaj cuando imatonyaj ti nimpa jém Jesús.

Jém maestroyaj jém iccámneyajwip jém yagatsyooti

(Mt. 23:1-36; Lc. 11:37-54; 20:45-47)

³⁸ Jesic inmadápatim Jesús jém pixiñtam. Nímayyajtap:

—Cuidado iga incupicpa jém jixi jém dapic wi jém iniitwip jém escribaspic maestroyaj.
 Je iwianjamyaj iga iccámnyajpa jém yagatsyooti. Iwianjamyajtim iga jém pixiñtam id-
 ioschiyajñ cuando siyajpa calle. ³⁹ Iwianjamyajtim jém más wibic coñcuy jém sinagoga.
 Cuando nicpa sñajiyaj, icusúniyyajpa jém coñcuy jut wícpa jém más mijpic anjagooyi.
⁴⁰ Iccáyáypa jém cunoya itic. Jesic ocmi tsam jáypa hora iwatyajpa jém oración iga
 tamigóyáypa. Ipicsonyajpa tsam mijpic castigo cuando nicpa iyoj itañca.

Tum cunoya tsam pobre ichi Dios ofrenda

(Lc. 21:1-4)

⁴¹ Tum jama coñ Jesús jém mijpic masticjom noco jut it jém cajon jut cottap jém ofrenda.
 Iix Jesús jém pixiñtam cuando icotyajpa jém ofrenda cajonjom. Iix iga wati jém ricoyaj,
 icotyaj jáyan tumiñ. ⁴² Ocmi núctim tum yomo tsam pobre. Cunoyam. Icot cajonjom
 wisten xuxut tumiñ. ⁴³ Jesic Jesús inwejáy icuyujciwiñ iga míññ íamyaj. Iñímáy:

—Numa mannímáypa, yíp cunoya tsam pobre más chióy que itumpiy jém pixiñtam
 jém icotneyajwip itumiñ jém cajonjom. ⁴⁴ Porque los de más, jém tumiñiywip, ichiiyaj
 no más uxan jém itumiñ jém iniitwip idic. Yíp cunoya tsam pobre, pero icuchiáy Dios
 itumpiy jém iniitwip. Dam ti initsiy iga wícpa jém yomo.

13

Nimpa Jesús iga miswattap jém mijpic mastic

(Mt. 24:1-2; Lc. 21:5-6)

¹ Jesic iganam putyaj Jesús jém mijpic masticjom con icuyujciwiñ, tum jém
 icuyujciwiñ iñímáy:

—Mammaestro, aami yíp tammastic. Agui wíwatne con jém wítampic tsa.

² Jesic Jesús iñímáy jém icuyujciwiñ:

—N_uma, siip íñixtámpa yíp m_ijtampic m_astic, pero núcpa jama iga miswattap. Da cutatsquetneeba ichiy ni tum tsa. Itumpiy accujegayyajtap.

Ti tánixpa antes que núcpa jém íñanpigam jama
(Mt. 24:3-28; Lc. 21:7-24; 17:22-24)

³ Nicyaj Jesús con icuyujcwiñ jém cotsicyucmi de Olivos. Jemum coñyay jém mijpic m_astic íñuma, jém pacus anwiñtuc. Jesic jém Peto, jém Jacobo, jém Xiwan y jém Anti icunúcyaj jém Jesús. Iyámacwácyajpa:

⁴—¿Anímaytaami juchis naspa yípyaj cosa? ¿Jup seña tánixtámpa cuando naspa itumpiy yípyaj cosa?

⁵ Jesic Jesús moj íñímáy jeeyaj:

—Nawattamtaji cuenta iga odoy i mimigóyaytámiñ. ⁶ Miñyajpa wati jém migoyyajpaap ich anniyimi. Nimyajpa iga: “Ich aCristo.” Imigóyayyajpa tsam jáyan jém pixiñtam.

⁷ Jesic cuando immatonjtámpa iga it jém guerra y wanpa iga tsam áñayajpa jém naciónyaj, odoy cñtaami; tienes que naspa itumpiy yípyaj cosa, pero danam núcne jém íñanpigam jama. ⁸ Tum nación áñayajpa con tungac nación. Tum naxyucmi áñayajpa con tungac naxyucmi. Miñpa jém nasyixi jutquej. Miñpatim jém m_ijtampic yuu. Tsam cujñayyajpa jém pixiñtam. Cuando íñixtámpa itumpiy yípyaj cosa, íñjodonjam iga tsucumneum jém mijpic yaachaji.

⁹ ‘Cuando moypa íñixta itumpiy yípyaj cosa, nawattamtaji cuenta. Mimatstamtap, minictamtap jut an_tuumayajpa jém Sanhedrín iga micipintap. Minictamtap jém sinagoga iga micótstamtap. Ich an_cuyucmi minictamtap jém gobernador iwiñjom y hasta jém rey iwiñjom. Jesic jempigam inicjodónap jeeyaj ich anañmati. ¹⁰ Antes que núcpa jém íñanpigam jama, tienes que an_mattap jém wibic an_mati icuwiti yíp naxyucmi. ¹¹ Cuando minictamtap jém anjagooyicim, antes que miñúctámpa, odoy jisi jutsap in_cutson jém anjagooyiyaj. An_madaayi juuts miñímáy Dios jeeti rato porque da mich íñixquiimi. Dios iAnama michiiba jém an_mati. ¹² Algunos jém pixiñtam icijun_cotpa jém íñuntatiwi jém anjagooyicim iga accaatañ. Tum pixiñ icijun_cotpa jém iman_cic jém anjagooyicim iga accaatañ. Algunos jém tsixtam ijóyixyajpa jém i_jatun o iapa hasta icijun_cotyajpa jém anjagooyicim iga accaayajtñ. ¹³ Itumpiy jém pixiñtam tsam mijóyixtámpa ich an_cuyucmi. Pero siiga da íñchactámpa jém Dios in_mati y siiga íñyaachíypa cuando mimalwadaytamtap, jesic Dios micia_cputtámpa.

¹⁴ ‘Jém wiñc_pic profeta, jém Daniel, ijaychac jém librojom iga miñpa tum anjagooyi tsam pimi malo, tsam ijóyixpa tan_jatun Dios. Miñpa iwat contra jém Dios in_químayooyi. Cuando íñixpa iga miñpa iti jém anjagooyi jut da iwianjam Dios (el que imaypa yíp libro w_i iga icuti_yíyíñ ti annímáypa), jesic miñtanwip jém naxyucmi de Judea, poytaami, nictaami cotsiganjom. ¹⁵ Siiga miquímne íñticyucmi jém tungac piso, jesic odoy queti iga nicpa impic íñtraste, pero nicsim poyimi. ¹⁶ Siiga miñta camjom cuando immatonj iga núcneum jém malopic anjagooyi, jesic odoy settaami íñticim iga miñpa impic impuctucu. Jemigam tsucumtaami. ¹⁷ Agui uuguytim jém yomtam jém manicomcaneyajwip y jém ictsúsyajpaap jém xuxut tsixtam. Porque tsam jáyan yaachaji miñpa. ¹⁸ An_wejpátaami Dios iga odoy mictsíytámiñ jém tiempo de succuc cuando mipoytámpa. ¹⁹ Cuando núcpa jém malopic anjagooyi, tsam pimi miyaachátámpa. Da nunca oypa tánix jexpic yaachaji dende Dios iwat yíp mundo. Ni ocmi da eybic tánixpa jexpic yaachaji. ²⁰ Jém tan_jatun Dios da ijicpa iga jáypa jém malopic anjagooyi. Siiga jáypa, da i c_iputpa, cucaayyajpa itumpiy jém icupin_neyajwip Dios. Jeeyucmi da ijicpa iga jáypa jém malopic anjagooyi.

²¹ Siiga i miñímáypa iga: “Miñi aami, yim it jém Cristo”, o tungac miñímáypa iga: “Nigi aami, jeexic it jém Cristo”, jesic odoy cupictaami. ²² Porque miñyajpa tsam jáyan jém migoypaap. Niman̄taayap iga je jém Cristo, pero migóypa. Niman̄taayap iga je jém wibic profeta. Iwatyajpa jém wítampic seña y jém milagroyaj iga meega wiap imigóyayajpa jém icupiñneyajwip Dios. ²³ Jesic mimichtam nawattamtaji cuenta porque mannímayñe ti miñpa antes que núcpa jém jama.

Ti naspá yíp naxyucmi cuando miñgacpa jém Cristo
(Mt. 24:29-35,42,44; Lc. 21:25-36)

²⁴ Jesic jém tiempo cuando nasum jém yaachaji, píchpa jém jama ichoca. Jém poya datim tsoepa. ²⁵ Jém matsa jém itwip siñyucmi, cutiñyajpa. Tsam tsigóypa itumpiy jém ityajwip jém matsaanjom. ²⁶ Cuando nasum itumpiy yípyaj cosa, jesic itumpiy jém pixiñtam iixyajpa jém Miññewip Siñyucmi cuando miñgacpa yíp naxyucmi. Miñpa uc-sanjom. Miñpa juuts tum mijpic anjagooyi con Dios ipimi. ²⁷ Cutsadaytap jém siñyucmic pic pixiñtam icuwoyo yíp naxyucmi iga in̄tuumawatyajiñ itumpiy jém icupiñneyajwip Dios. Nicyajpa hasta jém más juumipic tiganjoj iga in̄tuumawatyajpa itumpiy jém ampixiñtam dende siñyucmi hasta naxyucmi.

²⁸ Cutiñyitaami yíp ejemplo de jém tsuj. Cuando químpa jém in̄maañay, jesic tanjodon iga nocojom miñpa jém cutujci. ²⁹ Jesaptim cuando in̄ixtámpa iga naspá jém mannímayñewip, jesic in̄jodontam iga nocojom it jém in̄anpic jama cuando amiñgacpa yíp naxyucmi. ³⁰ Numa, mannímáypa, itumpiy yípyaj cosa naspá antes que caayajpa jém pixiñtam jém ityajwip yíp naxyucmi cuando mojpá miñi itumpiy yípyaj seña. ³¹ Cuyajpa jém siñ y jém nas, pero ich anan̄mati da nunca cuyajpa.

³² Da i ijodon jup jama ni juchis hora núcpa itumpiy yípyaj cosa. Da ijodonjaj ni jém siñyucmic pic pixiñtam ni datim ijodon jém Dios iManic. Icutum ijodon jém tanjatun Dios.

³³ Nawattamtaji cuenta, ittaami al tanto, seguido an̄wejpátaami Dios porque da in̄jodontam juchis núcpa jém in̄anpic jama. ³⁴ Cuando núcpa jém jama jextim juuts tum pixiñ cuando nicne joyi juumi. Ichacpa itic con algunos jém imozoyaj iga iwadáyiñ cuenta. In̄químstacpa jém imozoyaj. Cada tumtum ichi iyoxacuy. Ichac tum iga iwatpa cuenta jém puerta. In̄ímáy iga idiñ al tanto. ³⁵ Mannímaytámpatim mimichtam, ittaami al tanto porque da in̄jodontam juchis hora amiñpa, siiga amiñpa cuando jocpiichabam, o cugaptsu, o cuando an̄wejpa jém cayu, o hasta cuquejacim. ³⁶ Jesic an̄jótaami iga odoy man̄cupiichcñytámiñ cuando amiñgacpa. ³⁷ Siip anan̄madáypa itumpiy pixiñtam juuts mannímayñeta mimichtam iga ityajjiñ al tanto.

14

Jém anjagooyiyaj iwatyajpa trato iga matstap jém Jesús
(Mt. 26:1-5; Lc. 22:1-2; Jn. 11:45-53)

¹ Togoy wisna jama iga naspá jém pascuasñ cuando cúttap jém caxtánañi sin levadura. Jesic jém cobapic panijyaj entre jém escribapic maestroyaj imétsyajpa jutsap iyammats jém Jesús iga iccaaba. ² Pero algunos jém anjagooyiyaj nimyajpa:

—Da tammatstámpa siñjom iga odoy cujiñayyajjiñ jém pixiñtam.

Tum yomo icutecquet Jesús con wibic perfume
(Mt. 26:6-13; Jn. 12:1-8)

³ It idic Jesús jém attebet Betania jém Ximój iticim, jém cupúgayñewip idic iñaca. Iganam coñ Jesús jém mesacim jut wícyajpa, tum yomo inimiñ tum tsaafresco comne de jém wibic aceite. Naps nardo jém aceite jém tsampic tsoowíy. Jesic jém yomo ipo jém

frasco, icutecquet jém aceite Jesús icobacyucmi. ⁴ Pero algunos pimi jóy iga iwat jempic jém yomo. Nanímayyajtá entre jeeyaj:

—¿Tiiga itecmichca yíp wibic aceite? ⁵ Meega tammáypa yíp aceite, ivale más de trescientos tumiñ de plata. Jesic wiap tanyoxpát jém yaachayajpaap.

Jesic moj iwogayyaj jém yomo.

⁶ Pero Jesús inímáy:

—Tsaci yíp yomo. ¿Tiiga immoogíypa? Tsam awiwadáy. ⁷ Jém yaachayajpaap siempre inwaganaittámpa. Wiap inyoxpátta juchis mich inxunpa. Pero aich da siempre manwaganaittámpa. ⁸ Yíp yomo awiwadáy con jém iniitwíp. Danam acaane, pero miñ acutegáy jém wibic aceite ammitayyucmi juuts cuando cumtap tum tsúts. ⁹ Numa mannímáypa, jutquej anmattap jém wibic anmati icuwiti yíp naxyucmi, anmattaptim ti awadáy yíp yomo iga jém pxiñtam ijisyajiñ yíp yomo.

Jém Judas icijuncot jém Jesús

(Mt. 26:14-16; Lc. 22:3-6)

¹⁰ Jesic jém Judas Iscariote, tum de jém Jesús icuyujcwiñ, jém docepíc, nic iniñmat jém panij anjagooyi. Nic iwat trato jutsap icijuncot Jesús jém anjagooyi icijom. ¹¹ Jesic agui maymayyaj jém panij anjagooyiyaj cuando ijodóna tiiga miñ jém Judas. Inímayyaj iga ichiyajpa tumiñ jém Judas iga icijuncotpa jém Jesús. Jesic jém Judas moj iméts jutsap iwat.

Jém wiñtipic Santa Cena

(Mt. 26:17-29; Lc. 22:7-23; Jn. 13:21-30; 1 Co. 11:23-26)

¹² Jesic tsucúmum jém sin iga jém Israelpic pxiñtam icútyajpa jém caxtánañi jém dapic iniñ levadura. Jesic jém wiñtipic jama cuando accaayajtap jém xuxuf borregoyaj para jém pascuasij, jém Jesús icuyujcwiñ icwácyaj, inímayyaj:

—¿Jut inxunpa iga nicpa anwitsacta itumpiy cosa iga tawictámpa jém pascuasij?

¹³ Jesic Jesús icutsat Jerusalén wisten jém icuyujcwiñ. Inímáy:

—Nictaami jém atebet Jerusalén. Jemic impáttámpa tum pxiñ jém ininicpaap tum majcuy ni. Jesic túñytaami, ¹⁴ hasta tigíypa tum ticjom. Nímaytaami jém tic iomi iga: “Nimpa jém ammaestro: ¿Jut it jém cuarto jut anacnasma jém pascuasij con ancuyujcwiñ?” ¹⁵ Jesic jém tic iomi minquejáypa tum mijpic cuarto jém yucmipic piso. Witsacneum jém cuarto. Iniitum titam tansunpa. Jemigam wíwattaami jém tanwíccuy iga tasíñatámpa.

¹⁶ Jesic jém wisten icuyujcwiñ nicyaj jém atebet Jerusalén. Cuando núcyaj jemic, ipát jém tic juuts inímayñe jém Jesús. Jesic jém cuarto iwatyaj jém wíccuy iga icnasyajpa jém pascuasij.

¹⁷ Jesic tsuuyawum iti, núcyaj Jesús con jém doce icuyujcwiñ. ¹⁸ Jesic iganam síp iwícyaj, nimpá jém Jesús:

—Numa mannímáypa, tum de mimichtam, jém anwaganawícpaap, ancijuncotpa jém anenemigo icijom.

¹⁹ Jesic tsam anyácyaj jém Jesús icuyujcwiñ. Cada tumtum moj icwácyaj jém Jesús. Nímyajpa:

—¿Aicham?

²⁰ Jesic Jesús inímáy:

—Numa, tum de mimichtam, jém midocepíc mancuyujcwiñ, jém anwaganasonpaap jém caxtánañi tumti chimajom, jeam acijuncotpa. ²¹ Ich jém aMiñnewíp Sinyucmi, tienes que accaatap juuts nimpá jém Dios inmati. Pero agui uuguytim jém pxiñ jém acijuncotpaap. Más wí meega da idic nay jém pxiñ.

²² Jesic iganam wícyajpa, jém Jesús imatspic t̄um caxtánañi. Cuando yaj in̄wejpát Dios, iwéc jém caxtánañi, ichi jém icuyujc̄iwiñ, iñímáy:

—Yíp caxtánañi ich am̄m̄jtay. Cúttaami.

²³ Ocmi ipic t̄um copa jém uvas iñi. Cuando yaj in̄wejpát Dios, ichi jeeyaj. Iucyay it̄ump̄iyaj. ²⁴ Jesic Jesús iñímáy jém icuyujc̄iwiñ:

—Yíp ich ann̄ipiñ, con jeam aṅwatpa jém j̄om̄ipic trato. Antegáypa ann̄ipiñ por jáyaṅ p̄ixiñtam. ²⁵ Numa mannímáypa, da eybic ánuropa jém uvas iñi hasta que núcpa jém jama iga ánuropa jém j̄om̄ipic vino juṫ in̄jacpa Dios.

Nimpa Jesús iga Peto in̄nécpa
(Mt. 26:30-35; Lc. 22:31-34; Jn. 13:36-38)

²⁶ Jesic yaj iwanyaj t̄um wañi, nicyay jém c̄ots̄icyucmi iñ̄iyi Olivos. ²⁷ Jesic iñímáy Jesús jém icuyujc̄iwiñ:

—Mimichtam iñ̄t̄ump̄iytam tsam mic̄iñt̄ampa, ampoychact̄ampa aṅcuṫum yíptim tsuu. Porque nimpa así jém Dios in̄maṫi juṫ jayñeta: “Accaatap jém pastor. Cupóyayajpa jém iborregoyaj.” ²⁸ Pero ocmi cuando ap̄ispa, jesic an̄jagoyñeeba annic jém naxyucmi de Galilea.

²⁹ Jesic jém Peto iñímáy jém Jesús:

—Aunque it̄ump̄iy tsam c̄iṅyajpa y michacpa in̄cuṫum, más aich da ac̄iṅpa y da maṅcupóyáypa.

³⁰ Jesic Jesús iñímáy jém Peto:

—Numa mannímáypa iga yíptim tsuu antes que wisc̄iy aṅwejp̄a jém cayu, mimich anañnécpa tres veces.

³¹ Pero jém Peto duro iñímáy:

—Aunque tawagacaiñ con mimich, ich da manañnécpa.

It̄ump̄iy jém icuyujc̄iwiñ j̄emp̄ictim n̄im̄yaj.

Jesús iwatpa oración Getsemaní
(Mt. 26:36-46; Lc. 22:39-46)

³² Jesic núcyaj t̄um lugar iñ̄iyi Getsemaní. Jesús iñímáy jém icuyujc̄iwiñ:

—Coñtaami ȳim iganam ich nicpa anañwejpát Dios.

³³ Jesic Jesús in̄inic jém Peto, Jacobo, y Xiwan uxaj más juumi. Tsam p̄imi anyácne jém Jesús, tsam ij̄ispa iṅn̄aman̄jom̄ ti iñ̄ascaaba. ³⁴ Jesic Jesús iñímáy jém tucuten̄ icuyujc̄iwiñ:

—Ich agui p̄imi anyácne áṅn̄aman̄jom̄ hasta quénam acaatooba. Tsíytaami ȳim. Odoy moṅtaami. Nawattamtaj̄i cuenta.

³⁵ Jesic nic icutum Jesús uxaj más juumi. Tocsne act̄iṅ naxyucmi. Moj in̄wejpát Dios. Iwágay siiga wiap, iga odoy ij̄iguiñ iga iñ̄ascaaba jém mījpic yaachaj̄i, jém sīppic icts̄iy.

³⁶ Nimpa Jesús:

—Man̄jat̄uṅ Dios, mich wiap in̄wat it̄ump̄iy cosa. Ayoxpaati iga odoy annascain̄ yíp mījpic yaachaj̄i. Pero odoy waṫi juuts ich ansunpa. Waṫi juuts mich in̄w̄ian̄jam.

³⁷ Ocmi set eybic Jesús juṫ ichac jém tucuten̄ icuyujc̄iwiñ. Moṅyajpa. Iñímáy jém Peto:

—¿Mimon̄pa Peto? ¿Que da wiap imvivoj̄a ni t̄um hora? ³⁸ Odoy moṅtaami, nawattamtaj̄i cuenta. Añwejpáttaami Dios iga odoy i wiain̄ micut̄it̄sta iga micmalwatt̄ampa. Numa jém iñ̄anama iwattooba juuts ixunpa Dios, pero jém imm̄jtay da iw̄ian̄jam.

³⁹ Jesic eybictim nic in̄wejpát Dios con jeetim aṅmaṫi. ⁴⁰ Jesic cuando set Jesús juṫ it̄ jém icuyujc̄iwiñ, eybictim moṅyajpa porque tsam p̄imi moṅtooba. Da tojtooba jém iixcuy. Da icut̄īȳȳpa juṫpic icutson̄pa jém Jesús. ⁴¹ Jesic tres vecesam setpa Jesús juṫ it̄ jém icuyujc̄iwiñ. Ipát̄im juṫ moṅyajpa. Nimpa Jesús:

—S̄ip mon̄taamim, jējtaamim. Yajum ānwat jém oración. Núcneum jém hora iga ich, jém aMiññew̄ip S̄inyucmi, ac̄ijun̄cottap jém malop̄ic p̄ixiñtam ic̄ijom. ⁴² Tsucumtaami, tan̄ictámpam. S̄ip miñpa jém ac̄ijun̄cotpaap.

Matsta Jesús

(Mt. 26:47-56; Lc. 22:47-53; Jn. 18:2-11)

⁴³ Jesic jeeti rato iganam j̄iypa ix̄i jém Jesús, núc jém Judas jém itw̄ip id̄ic con jém doce icuyujc̄iwiñ. Iwaganamiñyajpa tsam jáyan̄ p̄ixiñtam. Inimiñyajpa espada y jém cuy para cótsóypa. Icuntsatyaj jém cobac̄pic pan̄ijyaj con jém escribasp̄ic maestroyaj y jém w̄idaytam. ⁴⁴ Jém Judas, jém ic̄ijun̄cotpaap Jesús, iwadáy jém p̄ixiñtam tum seña. Iñímáy:

—Jém anān̄acatsútsapaap jeam jém p̄ixiñ. Matstaami, nan̄ictaami, da iñch̄icpoytámpa.

⁴⁵ Jesic cuando núc jém Judas jut̄ it Jesús, icunúc, iñímáy:

—MamMaestro.

Jesic in̄nacatsútsáy iac̄pac. ⁴⁶ Jesic matsta Jesús, nan̄icta preso.

⁴⁷ Pero tum p̄ixiñ, jém iwaganaitw̄ip Jesús, itop jém espada, it̄inquímáy it̄atsic jém cobac̄pic pan̄ij imozo. ⁴⁸ Jesic Jesús iñímáy jém p̄ixiñtam:

—¿T̄iiga miñ ammatsta con espada y con cuy juuts tum anúmpaap? ⁴⁹ Cada jama jáy accuyujooyi mast̄icjom y da nunca ammatsta. Pero s̄ip michtam jem̄pigam in̄watta iga cupaguiñ jém Dios in̄mati jut̄ jayñeta.

⁵⁰ Jesic itump̄iy jém icuyujc̄iwiñ ichacyaj icutum, cupóyayyaj.

⁵¹ Pero tum woñ̄jaych̄ixi itúñ̄iypa jém Jesús. Nan̄monnet̄a con tum manta. Matstātim jém woñ̄jaych̄ixi. ⁵² Pero ichac jém in̄mónóycuy, icus̄ici poy.

Nanicta Jesús jut̄ āntuumayajpa jém Israelp̄ic an̄jagooyiyaj

(Mt. 26:57-68; Lc. 22:54-55, 63-71; Jn. 18:12-14, 19-24)

⁵³ Jesic nan̄icta Jesús jut̄ it jém cobac̄pic pan̄ij an̄jagooyi. Jemum āntuumayaj jém cobac̄pic pan̄ijyaj, con jém w̄idaytam y con jém escribasp̄ic maestroyaj. ⁵⁴ Jém Peto ijuumacpoyñe jém Jesús. Jesic núctim mex je jém cobac̄pic pan̄ij it̄icc̄im. Iwaganacoñ jém policía ānc̄im. Sampa jém Peto con jeeyaj jém juctic̄im.

⁵⁵ Jesic jém cobac̄pic pan̄ijyaj con jém más m̄ijpic an̄jagooyiyaj, jém Sanhedrín, imétsyajpa tum icum̄igoypaap Jesús iga accaatañ. Pero da ipádáy jém it̄anca. ⁵⁶ Tsam w̄ati jém testigo icum̄igóypa jém Jesús, pero jeeyaj da tumt̄ia jém in̄matiyaj. ⁵⁷ Algunos jém p̄ixiñtam teñchucum iga icum̄igóypa jém Jesús. N̄imyaj:

⁵⁸ —Ammatonta ȳip p̄ixiñ iga n̄impa: “Ich ammiswatpa ȳip m̄ijpic mast̄ic jém watnetaw̄ip c̄imi, jesic tucunajama ich ānwatpa tun̄gac mast̄ic jém dap̄ic watne c̄imi.”

⁵⁹ Pero jém p̄ixiñtam datim tumt̄ia jém in̄mati.

⁶⁰ Jesic teñchucum jém cobac̄pic pan̄ij jém p̄ixiñtam āncucmi. Icwácpa jém Jesús. Iñímáypa:

—¿Que da in̄cutson̄pa ti s̄ip iñimyaj contra mimich?

⁶¹ Pero jém Jesús da j̄iypa. Da ti icutson̄pa. Jesic eyb̄ic jém pan̄ij an̄jagooyi icwác jém Jesús. Iñímáy:

—¿Que mich miCristo? ¿Que micham jém Yucm̄ipic Dios miMan̄ic?

⁶² Jesic Jesús icutson̄. Iñímáy:

—Aicham. Michtam ánixtámpa aich, jém aMiññew̄ip S̄inyucmi, cuando acóñpa jém tan̄Jatun̄ Dios in̄w̄imi. Ánixtámpatim cuando amiñgacpa s̄inyucmi jém ucsanjom.

⁶³ Jesic jém cobac̄pic pan̄ij ichobiych̄icujac iyooti iga agui jóyñe. N̄impa:

—¿T̄iiga tamméts̄pa tun̄gac testigo? ⁶⁴ Mimichtam immatont̄neta iga tsam icuj̄iypa tan̄Dios. ¿Jesic ti iñj̄istámpa? ¿Jup castigo tanchiiba?

Jesic itump̄iy jém an̄jagooyiyaj n̄imyaj iga accaatañ jém Jesús.

⁶⁵ Jesic algunos moj ichujcayaj jém Jesús. Inmónayaj iixcuy. Moj ixonɣaj. Nímayta Jesús:

—Siiga numa mixabio, anímaayi i mixonɣ.

Ciijunɣotta Jesús jém mastic ipolicía iciñjom. Jeeyaj itojayajpa iwiñpac.

Jém Peto inécpa iga iixpicpa Jesús

(Mt. 26:69-75; Lc. 22:56-62; Jn. 18:15-18, 25-29)

⁶⁶ Jém Peto tsíy naxwiñ, tsíy anɣim. Miñ tum yomo, jém panij anjagooyi imozo. ⁶⁷ Mu iix iga sampa jém Peto, jesic jém yomo iámmats, iñímáy:

—Mich mixibatim con jém Jesús jém Nazaretpic pxiñ.

⁶⁸ Jesic jém Peto inécpa. Nimpa:

—Da ánixpicpa jém pxiñ. Ni da anjodon ti síp iñim.

Jesic nic jém Peto jém puerta anɣaca. Jesigam anwejpá tum cayu. ⁶⁹ Jém yomo eybictim agui iámpa jém Peto, moj iñímáy jém ityajwip jem:

—Yíp pxiñ tum de jeeyaj.

⁷⁰ Pero eybictim inéc jém Peto iga da iixpicpa jém Jesús. Jesic ocmi tunɣagam pxiñ nimpa:

—Numa mimich tum de jeeyajpic. Quejpa iga Galileapic mipxiñ. Jempictim minmatpa juuts jeeyaj.

⁷¹ Jesic jém Peto pimi jóyñe. Moj malmaljyi. Nimpa:

—Wijodios iga da ánixpicpa jém pxiñ, jém miñimpaap.

⁷² Jesic jeeti rato eybic anwej jém cayu. Jém Peto ijis ti iñímáy jém Jesús iga: “Antes que wisciy anwejpá jém cayu, mimich anañécpa túcciy iga da ánixpicpa.” Cuando ijis jém Peto ti iñímáy jém Jesús, moj weji.

15

Nanicta Jesús jém Pilato iwiñjom

(Mt. 27:1-2, 11-14; Lc. 23:1-5; Jn. 18:28-38)

¹ Jesic icuquejama anɣuumayajpa jém cobapic panijay, con jém wídaytam, con jém escribapic maestroyaj y itumpiy jém más mijpic anjagooyiyaj, jém Sanhedrín. Moj ijisyaj ti wíap iwatyaj con jém Jesús. Jesic ocmi ipimiyaj jém ipolicía iga ichenyajiñ jém Jesús y iga niguiñ icijunɣotyaj jém Pilato iciñjom. ² Jesic jém Pilato icwácpa jém Jesús. Nímayta:

—¿Que micham jém judíos miRey?

Jesic Jesús icutson, iñímáy:

—Mich miñimpa.

³ Jesic jém cobapic panijay iñimayaj jém Pilato iga Jesús tsam pimi imalwatne. ⁴ Jesic jém Pilato eybictim icwác jém Jesús. Iñímáy:

—¿Que da inɣutsonpa? Ixi jutsan quejaj ampictson acontra de mimich.

⁵ Pero jém Jesús da ti más icutson. Jesic jém Pilato tñeanjac porque da jiy jém Jesús.

Jém anjagooyi ipimíypa iga accaatañ jém Jesús

(Mt. 27:15-31; Lc. 23:13-25; Jn. 18:38-19:16)

⁶ Jém Pilato iniit tum costumbre iga icutsigáypa tum preso jém pascuasij. Icutsigáypa jém preso jém icupinneyajwip jém pxiñtam. ⁷ Jesic it idic cárcel tum pxiñ iñiyi Barrabás. Wagapajneyajta con jém rebeldeyaj jém accaoyñeyajwip cuando ictsucumyajtíp tum bulla. ⁸ Jesic anɣuumayajpa tsam jáyan pxiñtam jut it jém Pilato, mojpá iwágayaj iga icutsigáyiñ tum preso juuts siempre iwatpa. ⁹ Jesic jém Pilato iñímáy jém pxiñtam:

—¿Inwianjamta iga anɣcutsigáypa jém judíos iRey?

10 Jém Pilato icutiíyíy iga jém panij anjagooyiyaj icíjjuñcotyay Jesús porque agui icujóyiyajpa. 11 Jesic jém panij anjagooyiyaj moj iccujíñayyay jém pìxiñtam. Iñimayyay iga iwágáyiñ jém Pilato iga icutsigáyiñ jém Barrabás. 12 Jesic jém Pilato eybictim iñímáy jém pìxiñtam:

—¿Jesic ti inwianjamta iga anwadiñ con yimpic inicniyaneta jém judíos iRey?

13 Jesic eybictim icutsonyajpa. Pimi jiyaypa. Nimyajpa:

—¡Cunuuntaami cunusyucmi!

14 Jesic jém Pilato iñímáy jém pìxiñtam:

—¿Tiiga? ¿Ti mal iwatne?

Jesic mástim pimi jiyaypa. Nimyajpa:

—¡Cunuuntaami cunusyucmi!

15 Jesic jém Pilato ijispa iga iwatpa juuts iwianjamyay jém pìxiñtam, icutsigáy jém Barrabás. Ipimíy iga cóstaiñ jém Jesús, icíjjuñcot jém soldado icíjjom iga cunúntaiñ cunusyucmi.

16 Jesic nanicta Jesús jém palacio iançim jut antuumaneyay itumpiy jém soldado.

17 Iccámayyay Jesús tum moradopic puctucu. Itagayyay tum apitcorona, iccámayyay icobacyucmi. 18 Jesic jém soldado moj idioschiyay jém Jesús juuts tum rey. Nimyajpa:

—Xutsóy miRey de jém judíos.

19 Jesic icótsayyajpa Jesús icobac con tum cuy. Ichujcayajpa. Icosteeñayyajpa Jesús juuts ijisyajpa tum dios. 20 Jesic cuando yaj ixaayiyay jém Jesús, accáyayta jém moradopic puctucu, eybictim accámayta jém iyooti jém imichipic. Ocmi ininicyajum jém Jesús iga cunúntaiñ cunusyucmi.

Cunúnta cunusyucmi jém Jesús

(Mt. 27:32-44; Lc. 23:26-43; Jn. 19:17-27)

21 Jemum naxi idic tum Cirenepic pìxiñ iñiyi Ximoj. Jém imanictam Alejandro y Rufo. Seti idic icamjom. Imatsyay jém soldado, ipimiyay iga ininigáyiñ jém Jesús icunus.

22 Nanicta Jesús tum lugar iñiyi Gólgota. Nimtooba jém tanañmatimi, jém Tsútsçobaccim. 23 Jesic chiita Jesús jém vino namotnetawip con jém tsoy iñiyi mirra. Pero da iuc. 24 Jesic jém soldado icunúnyay cunusyucmi jém Jesús. Iwégayyay jém Jesús ipuctucu. Iwatyay tum sorteo iga iixyajiñ titam ictsíypa cada tumtum jém soldado iga ininicyajpa.

25 A las nueve de la mañana micunúnta Jesús cunusyucmi. 26 Accámayta tum letrero icunusyucmi iga quejiñ tiiga accaata jém Jesús. Jayñeta yimpic: “Jém judíos iRey.”

27 Jeetim lugar cunúnyajtam cunusyucmi tungac wisten pìxiñ, númyajpaap. Pánayta tum jém icunus jém Jesús inwimi y tum inaymi. 28 Jempigam cupac jém Dios inmati jém jayñetawip juuts nimpa: “Chiitap castigo jém wibic pìxiñ juuts tum criminal.”

29 Jesic jém pìxiñtam nasyajpa jem, imalmalnimayyajpa jém Jesús. Ixiccayajpa. Inwíñóyayyajpa con icobac. Nimyajpa:

—Ja, ¿da mich miñimpa iga wiap immiswat jém mijpic mastic y ocmi iniccupacpa eybic en tucunajama? 30 Sip nacupujtaji iñyaac. Queti in��unusyucmi.

31 Jesic jém cobapic panijyay con jém escribapic maestroyaj tsam ixaayiyajpatim jém Jesús. Moj nanimayyajtaji entre jeeyaj:

—Yip pìxiñ iciacputpa tungac, pero iyaac da wiap iniciacputta. 32 Siiga yíbam jém Cristo jém Rey de Israel, quetpa yipti rato jém icunusyucmi, jesic numa tançupictámpa.

Jesic jém cunúnetawip con Jesús imalnimayyajpatim.

*Accaata jém Jesús**(Mt. 27:45-56; Lc. 23:44-49; Jn. 19:28-30)*

³³ Núc cugapjama. Cupiicha icuwiti jém naxyucmi. Pimi piichi hasta las tres de la tarde. ³⁴ Jesic jeetim hora pimi jiyja jém Jesús. Nimpa:

—Eloi, Eloi, ¿lama sabactani?

Taichtam tanañmatimi nimtooba: ManDios, manDios, ¿tiiga antsac añcutum?

³⁵ Jesic algunos jém ityajwip jem, cuando imatonyaj, nimyaj:

—¿Immatoñta? Siip inwejay jém wiñicpic profeta jém Elías.

³⁶ Jesic tum de jeeyaj poyimi nic ipic tum esponja juuts tum puqui, imuj con jém tampic vino, iccám tum waycuyucmi iga igucpa jém Jesús. Nimpa jém pixiñ:

—Joocinam, tañcuixpa siiga da miñpa jém Elías iga icquetpa jém cunusyucmi.

³⁷ Jesic pimi añwej jém Jesús, caum. ³⁸ Jesic jém punctuctaañi jém itwip jém mijpic masticjom teeñañsaj dende siñwiñ hasta naxyucmi. ³⁹ Jesic jém soldado icapitán jemum teñ jut cunúnnetā cunusyucmi jém Jesús. Mu imatoñ iga añweypa jém Jesús y iix jutsa mu icca, nimpa jém capitán:

—Numa, yip pixiñ jém Dios iManic.

⁴⁰ Miñajtim algunos jém yomtā, tsíyyaj juumi, pero iixyaj ti iñasca jém Jesús. It jém Malía Magdalena. Ittim jém tungac Malía jém segundo Jacobo y José iapa. Ittim jém yomo jém Salomé. ⁴¹ Yípyaj yomtā itúñyyaj Jesús cuando oy iti jém naxyucmi de Galilea. Jemum tsām iyoxpátaypa, icwícyajpa jém Jesús. Ityajtim jem jáyan jém Galileapic yomtā jém iwaganamiññewip Jesús Jerusalén.

*Cumta jém Jesús**(Mt. 27:57-61; Lc. 23:50-56; Jn. 19:38-42)*

⁴² Jeetim jama jém Israelpic pixiñtam iwitsacyajpa itumpiy cosa para jém jejucyjama. Jesic tsuuyim ⁴³ tum pixiñ iñiyi José moj ijs iga icquedáypa cunusyucmi jém Jesús imijtāy. Arimateapic pixiñ, tsíy juuts tum mijpic añjagooyi de Israel. Tsām injócpatim jém tiempo cuando Dios injacpa itumpiy jém pixiñtam. Jesic jém José icamamwat ianama, nic iām jém Pilato, iwágáypa permiso iga icquedáypa jém Jesús imijtāy. ⁴⁴ Jém Pilato injisjac siiga numa caaneum jém Jesús o da caane. Jesic inwejay jém capitán, icwác siiga numa caaneum. ⁴⁵ Cuando jém capitán nimpa iga numa caaneum, jesic jém Pilato ichi permiso jém José iga ininigáyiñ jém Jesús imijtāy. ⁴⁶ Jesic José ijuy tum jomipic punctucu, jém lino. Nic icquedáy jém Jesús imijtāy, inmon con jém jompunctucu, nic icot tum tsaajosjom. Watnetā jém tsaajos. Jesic ocmi jém José injopnúc jém tsaajos con tum mijpic tsa. ⁴⁷ Jém Malía Magdalena con jém tungac Malía, jém José iapa, iixyaj jut cumta jém Jesús.

16*Acpista jém Jesús**(Mt. 28:1-10; Lc. 24:1-12; Jn. 20:1-10)*

¹ Jesic jém tungac jama cuando nasum jém jejucyjama, jém yomtā nic ijuy jém especia jém cñpáppic iga icamáypa jém Jesús imijtāy. Ityaj jém Malía Magdalena, jém Salomé y jém Jacobo iapa jém Malía. ² Jesic icuquejama, jém wiñtipic jama de jém semana, joccuquej, nicyaj jém tsaajoscñm jém yomtā. ³ Iganam niquiyaj tunjom jém yomtā moj ijsyaj, nanímayyajtāp:

—¿Pero i wiap injoobáy jém mijpic tsa, jém jos añnúccuy?

⁴ Pero cuando núcyaj jém tsaajoscñm iixyaj iga jém mijpic tsa, jém jos añnúccuy, añjoobayñetawum. ⁵ Jesic tigiyyaj jém yomtā jém tsaajosjom. Jemum iixyaj iga coñ tum woñjaychixi jém josjom jém añwimipic lado. Iccámne tum yagats yooti agui popo. Jém yomtā tsām añjécyaj. ⁶ Pero jém pixiñ iñimáy jém yomtā:

—Odoy c̄iŋtaami. Michtam s̄ip immétsta jém Jesús, jém Nazaretp̄ic p̄ixiñ, jém cunúntaw̄iip cunusyucmi. Pero s̄iip acp̄isnetawum. Dam̄ ī ȳim. Ámtaami jūt tsagayñetā id̄ic jém im̄ijtay. ⁷ Sīip nīgi nímaayi jém icuyujc̄iwiñ y jém Peto iga: “An̄jagóypa iñic jém Jesús jém naxyucmi de Galilea. Jem̄igam iñixtámpa juuts miñimayñeta.”

⁸ Jesic putyaj jém tsaajosjom̄ jém yomtam. Nic̄ poyimi. Tsam̄ an̄jécneyaj. Agui cuetsayyajpa. Dā ī in̄madayyaj ti iñascayaj porque tsam̄ c̄iŋneyaj.

Jesús iwiñquejáy jém Malía Magdalena
(Jn. 20:11-18)

⁹ Jesic cuando acp̄istawum jém Jesús, icuquejama, tsuuytim, jém wiñtip̄ic jama de la semana, iwiñquejáy jém Malía Magdalena, jém itobayñew̄iip Jesús jém siete mal espíritu. Jém yomo jém moiw̄iip iwiñquejáy Jesús. ¹⁰ Jesic jém Malía Magdalena nic̄ iám jém icuyujc̄iwiñ. Jeeyaj agui anyácneyaj, agui wejyajpa. Jém Malía in̄madayyaj iga iwiñquejayñe jém Jesús. ¹¹ Cuando imaton̄yaj iga p̄isneum jém Jesús y iga jém Malía iixñeum, jesic jém Jesús icuyujc̄iwiñ dā icup̄icyajpa.

Jesús iwiñquejáy w̄isten̄ jém icuyujc̄iwiñ
(Lc. 24:13-35)

¹² Jesic oc̄mi Jesús iwiñquejáy w̄isten̄ jém icuyujc̄iwiñ cuando nic̄yajpa tunjom̄. An̄cacne iámooyi. Dā iixp̄icyaj. ¹³ Jesic jém w̄isten̄ nic̄ in̄madayyaj los de más iga p̄isneum jém Jesús, pero datim̄ icup̄icyajpa.

Jesús icutsat jém icuyujc̄iwiñ iga nīguiñ naj̄yooyi
(Mt. 28:16-20; Lc. 24:36-49; Jn. 20:19-23)

¹⁴ Jesic oc̄mi iwiñquejáy Jesús jém once icuyujc̄iwiñ iganam̄ w̄icpa ix̄iyaj. Iwogáy Jesús jém icuyujc̄iwiñ porque tsam̄ maloyaj ianama y dā icup̄icyajpa iga acp̄isnetawum jém Jesús juuts nim̄yajpa jém iixñeyajw̄iip. ¹⁵ Iñimáy jeeyaj:

—Nic̄taami icuwīti ȳip naxyucmi. An̄madayyaj̄i jém w̄ibic̄ an̄mat̄i itump̄iy jém p̄ixiñtam̄ iga Dios iciacputtooba. ¹⁶ Sīiga ī icup̄icpa jém w̄ibic̄ an̄mat̄i y acch̄iŋtap, jesic Dios iciacputpa. Jém dap̄ic̄ icup̄icyajpa jém w̄ibic̄ an̄mat̄i, ip̄ictson̄pa jém mījp̄ic̄ castigo. ¹⁷ Como tum̄ seña anchiiba jém amp̄imi jém acup̄icneyajw̄iip iga w̄iañ̄ itopyaj jém mal espíritu ich̄ ann̄iyimi. Wiaptim̄ in̄mat̄yaj tun̄gac̄ an̄mat̄imi. ¹⁸ Sīiga imatspa tum̄ tsañ̄ o sīiga iucpā algun veneno, dā ti iwadáypa. Sīiga ich̄igáypa icobac̄ jém mim̄neyajw̄iip, jesic p̄ispa.

Jesús químpa eybic̄ sīnyucmi
(Lc. 24:50-53)

¹⁹ Jesic jém tán̄omi Jesús cuando yaj in̄madáy jém icuyujc̄iwiñ, nan̄ict̄a sīnyucmi, nic̄ coñi jém tan̄jatun̄ Dios in̄w̄imi. ²⁰ Jesic jém Jesús icuyujc̄iwiñ nic̄yajpa naj̄yooyi jūtquej. Jém tán̄omi tsam̄ iyoxpát iga w̄iañ̄ iwatyaj jém milagro. Jesic quejpa iga Dios icutsat jém w̄ibic̄ an̄mat̄i. Jemum̄ cuyaj.

Jém wibic anmati jém ijayñewiip jém Lucas

Jém Lucas ijáyáy jém iamigo Teófilo

¹ Wati jém p̄ixiñ ijs iga ijaypa titam nasne aichtámanjōm juuts tum historia w̄itsacnetaw̄iip, ² juuts tanquejáy jém tant̄iwitam jém iixñeyajw̄iip iixcuymi dende wiñti. Jeeyaj iwaganasiiba jém inimiññewiip jém wibic anmati. ³ Ich anj̄ispatim iga w̄i iga manjáyáypa tum historia, numtsacneum. An̄wic̄iipin̄ itump̄iy cosa jém nasnewiip dende wiñti. Jeeyucmi s̄iip manjáyáypa, wibic miTeófilo, ⁴ iga iñj̄odón̄aiñ iga da je m̄igooyi jém min̄quejayñetaw̄iip.

Jut̄pic naypa jém Xiwan jém acchiñoypaap

⁵ Jesic jém tiempo cuando jém rey Herodes injacpa Judea, it idic tum Israelpic panij iñ̄iyi Zacarías. Yoxap idic jém m̄iipic masticjōm. Wagayoxayajpa con jém grupo de jém Abíaspic panijyay. Jém iyomo iñ̄iyi Elisabet. Jém yomo itúmmiyaj con jém wiñ̄icpic panij Aarón. ⁶ Icuistic iw̄i watyajpa tan̄jatun̄ Dios iwiñjōm. Icup̄icyajpatim Dios in̄químayooyi y jém in̄madayooyi. Da i w̄iap ipadáy jém it̄an̄ca. ⁷ Pero jém Zacarías con iyomo da man̄iḡiyyaj. Da w̄iap in̄pic jém yomo. S̄iip ts̄amiyajam icuistic̄iyaj.

⁸ Jesic tum jama icts̄iy iturno jém Zacarías ipixiñtam iga yoxayajpa jém m̄iipic masticjōm. Cup̄in̄ta jém Zacarías iga iwatpa jém panij iyoxacuy jém Dios iwiñjōm. ⁹ Metsta por sorteo juuts jém panij icostumbre iga iñooba jém poma jém tan̄jatun̄ Dios imasticjōm jém m̄iipic. ¹⁰ Iganam s̄ip iño jém poma, itump̄iy jém p̄ixiñtam jém it̄yajw̄iip jém mastic an̄naca in̄wejp̄atyajpa Dios. ¹¹ Jesic Dios icutsat tum s̄in̄yucm̄ipic p̄ixiñ iga iwiñquejáy jém Zacarías. Iix iga jemum teñ jém s̄in̄yucm̄ipic p̄ixiñ jém altar an̄w̄imi jut̄ iñooba jém poma. ¹² Agui ichigan̄jéc jém Zacarías cuando iix. Ts̄am p̄imi c̄in̄. ¹³ Jesic jém s̄in̄yucm̄ipic p̄ixiñ iñ̄imáy:

—MiZacarías, odoy c̄in̄i. S̄iip mann̄imáypa iga Dios mimatón̄ayñeum cuando in̄wágáy Dios iga miman̄iḡiyt̄amiñ. Jeeyucmi man̄iḡiypa jém iñ̄yomo Elisabet. Icnaypa tum jaych̄ixi, accámaayi iñ̄iyi iga Xiwan. ¹⁴ Mich agui mimaym̄ayap iga naypa jém imman̄ic. Ts̄am in̄wian̄jamta. Jáyan̄ p̄ixiñtam maym̄ayajpatim iga naypa ȳip ts̄ixi. ¹⁵ W̄ixtap jém imman̄ic tan̄jatun̄ Dios iwiñjōm. Da iucpa vino ni ojo. Chiitap jém Dios iAnama cuando it̄iapa ipuujōm. ¹⁶ Jém imman̄ic icucagáyáypa ij̄ixiyaj jáyan̄ jém Israelpic p̄ixiñtam iga eyb̄ic ij̄isyajpa Dios. ¹⁷ Dios icutsatpa jém imman̄ic iga icj̄odón̄aiñ jém p̄ixiñtam iga miñpa jém tán̄omi. Jextim ij̄ixi y jextim ip̄imi jém imman̄ic juuts jém wiñ̄icpic an̄mat̄c̄iwiñ jém Elías. Jém imman̄ic in̄j̄iyjacpa jém an̄ayajp̄appic iga odoy an̄ayajiñ jém jatun̄pic con iman̄ic. In̄quejáypa jém dap̄ic icup̄icpa Dios iga icup̄icyajiñ. In̄quejáypa jém p̄ixiñtam iga ip̄ictson̄yajiñ jém tán̄omi cuando miñpa.

¹⁸ Jesic jém Zacarías icwác jém s̄in̄yucm̄ipic p̄ixiñ. Iñ̄imáy:

—¿Jutsap an̄cut̄iyȳiy iga numa ȳimpic ann̄imáy? Ich ts̄am aw̄idayam, ts̄amim mex jém anyōmo.

¹⁹ Jesic jém s̄in̄yucm̄ipic p̄ixiñ iñ̄imáy jém Zacarías:

—Ich aGabriel. An̄cuyoxap Dios. Acutsat ȳim iga manan̄madáypa ȳip wibic anmati.

²⁰ Pero iga da in̄cupic ti mann̄imáy, s̄iip michajcaap, miumaap. Da w̄iap in̄j̄iy hasta que naypa jém imman̄ic. Iñ̄nascaaba así porque da in̄cupic ti mann̄imáy. Cuando núcpa jém jama tienes que cupacpa juuts mann̄imayñe.

²¹ Jesic jém p̄ixiñtam jém it̄yajw̄iip jém mastic an̄naca in̄jócyajpa jém Zacarías. Da icut̄iyȳiyaj tiiga ts̄am jáyñeum jém m̄iipic masticjōm. ²² Jesic cuando putum jém Zacarías

da wíap ijíyáy jém pìxiñtam. Jesic icutiyyaj iga iix tum poñ masticjom. Iwatpa seña icimi, pero da wíap ijíy, umaane.

²³ Ocmi cuando cupacneum jém tiempo iga iwat jém iyoxacuy masticjom, set jém Zacarías iticim. ²⁴ Ocmi manigiyum jém iyomo Elisabet. Jesic tsíy jém yomo iticim cinco meses juuts icostumbre. Pero agui maymay jém yomo. Nimpa: ²⁵ “Tsam awiwadáy jém tanjatun Dios porque ijodon iga da awixyajpa jém pìxiñtam iga da amanigíypa.”

Acjodónatap iga naypa jém Jesús

²⁶ Cuando núcum seis meses iga manicomcane jém Elisabet, jesic Dios icutsat tum sinyucmipic pìxiñ, jém Gabriel, hasta tum Galileapic atebet iníyi Nazaret. ²⁷ Cutsatta jém sinyucmipic pìxiñ iga ininigáyin anmati tum woñi iníyi Malía. Jém woñi da queman ijíypát pìxiñ. Initum tum trato iga napicyajtap con tum pìxiñ iníyi José, jém rey David iocmanic manic. ²⁸ Jesic cuando núc jém sinyucmipic pìxiñ jém Malía iticim, inímáy:

—¡Xutsóy, miwixpáppic jém tanjatun Dios! Tsam miwíwadáypa más que itumpiy jém yomtám.

²⁹ Jesic tineanjac jém Malía cuando imaton ti inímáy. Ijísipa ijixianjom iga: “¿Tíiga jempic adioschi?” ³⁰ Jesic jém sinyucmipic pìxiñ inímáy:

—Malía, odoy çiní. Dios tsam miwixpa. ³¹ Da jáypa mimanigíypa. Initpa tum jaychixi. Accámaayi iníyi iga JESÚS. ³² Tsam initpa ipimi. Accámáytap iníyi iga jém Yucmipic Dios iManic. Jém tanjatun Dios iccampa juuts Rey jex juuts jém wíñicpic ijatunwewe jém David. ³³ Accámátpa iga Rey iga itumpiy tiempo injaguíñ jém nación de Israel. Da nunca cuyajpa ipimi iga anjagooyi.

³⁴ Jesic jém Malía icwác jém sinyucmipic pìxiñ. Inímáy:

—¿Jutsap ammanigíy? Danam ajaayíy. Da queman ajíypát pìxiñ.

³⁵ Jesic jém sinyucmipic pìxiñ inímáy jém Malía:

—Jém Dios iAnama miñpa iti con mimich. Impictsonpa jém Dios ipimi. Jeeyucmi da tanchaíy jém immanic jém inicnappáppic y accámáytap iníyi iga Dios iManic. ³⁶ Síp manigíypatim mex jém inchitsi jém Elisabet jém dapic idic manigíypa. Tsamim jém yomo, pero núcneum seis meses iga manicomcane. ³⁷ Porque Dios wíap iwat itumpiy cosa.

³⁸ Jesic nimpa jém Malía:

—Síp ich atsíypa juuts jém tanjatun Dios imichi. Síp jempigam iwadiñ juuts mich annímayñe.

Cuando yaj inmat jém Malía, jesic nic jém sinyucmipic pìxiñ.

Nicpa joyi Malía jém Elisabet iticim

³⁹ Jesic jeetim tiempo jém Malía anjeega nicpa tum atebet jém naxyucmi de Judea jém cotsic anaca. ⁴⁰ Tíy jém Zacarías iticjom. Idioschiiba jém ichitsi Elisabet. ⁴¹ Cuando imaton jém Elisabet iga idioschi jém Malía, jesic tsigóypa jém tsixi jém Elisabet ipuujom. Jém yomo ipictson jém Dios iAnama. ⁴² Jesic pimi jiy jém yomo. Inímáy jém ijáyuc:

—Mich más miwíwadáypa Dios que itumpiy jém yomtám. Dios tsam pimi iwíwadáypatim jém immanic jém inicnappáppic. ⁴³ ¿Ich ajapaap iga miñpa ajóyáy jém tánomi iapa? ⁴⁴ Cuando mich andioschi, jeeti rato tsigóypa jém ammanic ampuujom, agui maymay iga mimiññe. ⁴⁵ Agui miwíwadáyñe Dios porque incupicne iga je wíap iccupac ti miñímayñe.

⁴⁶ Jesic nimpa jém Malía:

Ich ancujíppa jém tanjatun Dios.

⁴⁷ Tsam amaymay ananamajom cuando anjísipa Dios jém taciaputpáppic.

⁴⁸ Ich da ajutsan, pero Dios acupin iga ancuyoxap,

jesic dende s̄ip para siempre jém p̄ixiñtam jém ityajw̄ip icuw̄iti ȳip mundo n̄imyajpa iga Dios tsam aw̄iwadayñe.

49 Porque aw̄iwadayñe jém Tsampic iniit ip̄imi.

Agui w̄i cuáyñe jém iñ̄iyi.

50 Siempre iyaachanjampa itump̄iy jém p̄ixiñtam jém s̄ippic it con jém miñpáppic ocmi, jém ic̄inyajpáppic Dios.

51 Tsam iniit ip̄imi.

Wiap imiswadáy jém p̄ixiñtam ij̄ixi jém nacujíptapáppic.

52 Iccáypa jém m̄ijtampic anjagooyi jém tsampic iniit ip̄imi.

Iccámpa tungac jém dapic nacujíptap.

53 Jém tsampic yuap icw̄ícpa hasta cuspa.

Pero jém ricoyaj jém ij̄ispáppic iga da ti itogóyáy, da ti ichiiba Dios.

54 Iyoxpátpa jém imozo Israel.

Da ijaaman̄notpa iga iyaachanjampa jém ip̄ixiñtam jém icuyoxayajpáppic,

55 juuts ij̄ycámáy jém tanjatun̄wewe ijatun̄ jém Abraham iga iyaachanjamyajpa jém im̄anictam para siempre.

56 Jesic yaj in̄mat jém Malía. Jemum ts̄iy tres meses con jém ich̄itsi Elisabet. Ocmi set it̄icmi jém Malía.

Naypa jém Xiwan jem acch̄in̄oypáppic

57 Jesic núc jém jama iga nay jém Elisabet im̄anic. Icnay tum̄ jaych̄ixi. 58 Jesic cuando jém it̄iwitam con jém ivecinoyaj imaton̄yay iga nay jém im̄anic, icujípyajpa Dios con jém yomo iga tsam iyaachanjampa. Agui maymáayajpa con jém Elisabet. 59 Cuando núc ocho día nayñe jém ts̄ixi, wadayta jém marca de circuncisión juuts jém Israelpic icostumbre. Iccámayyajtooba id̄ic iñ̄iyi iga Zacarías juuts ijatun̄. 60 Pero n̄impa iapa:

—Da tanaccámáypa iñ̄iyi iga Zacarías. Tanaccámáypa iñ̄iyi iga Xiwan.

61 Jesic n̄imyajpa jém p̄ixiñtam:

—¿T̄iiga iniccámáypa iñ̄iyi iga Xiwan porque ni tum̄ jém iñ̄t̄iwitam da inī jexpic iñ̄iyi?

62 Jesic jém ityajw̄ip jem icw̄áyajpa jém ts̄ixi ijatun̄ con seña. Acwácta jém Zacarías jup n̄iyi iccámáypa jém im̄anic. 63 Jesic jém Zacarías iwác tum̄ jaca toto. Ijaycámáy jém im̄anic iñ̄iyi totyucmi. N̄impa: “Iñ̄iyi Xiwan.” Jesic itump̄iy jém p̄ixiñtam agui ipooñanjamyajpa.

64 Jeeti rato wiawum̄ ij̄iy jém Zacarías. Mojum icujíp Dios. 65 Jesic mu iixyaj jém ityajw̄ip jem, p̄imi c̄inyaj. Acjodónayajtap ti iñasca jém Zacarías itump̄iy jém ityajw̄ip jém naxyucmi de Judea jém cotsigan̄jom. 66 Itump̄iy jém p̄ixiñtam jém imaton̄neyajw̄ip, tsam ij̄isyajpa ti iñasca jém Zacarías. Nacw̄áyajtap entre jeeyaj. Nanímayyajtap:

—¿T̄i iwatpa ȳip ts̄ixi, jesic m̄ijap?

Porque tsam w̄iquejpa iga iniit jém Dios ip̄imi.

Jém an̄mat̄i ch̄iñeta jém Zacarías

67 Jém ts̄ixi ijatun̄, jém Zacarías, ipictson̄ jém Dios iAnama. Moj in̄mat jém an̄mat̄i jém ichiñew̄ip Dios. N̄impa jém Zacarías:

68 W̄i iga tan̄cujíptamiñ̄ jém tanjatun̄ Dios, jém Israel iOmi, porque miñ̄ tacutsigayta taichtam.

69 Tacutsadayta tum̄ wiapaap taciapputta, jém wiñ̄icpic itúmmi jém David jém icuyoxapáppic tanjatun̄ Dios.

70 S̄ip tawadayta juuts taj̄ycámáyñe tsam wiñ̄igam cuando in̄matyaj jém w̄ibic profeta.

71 N̄impa iga taciaputtámpa jém tánenemigoyaj ic̄ijom, itump̄iy jém taj̄oyixyajpáppic.

72 Tsam tayaachanjampa juuts iwadayñeyaj jém wiñ̄icpic tantúmmitam.

Jempam ij̄ispa jém w̄ibic trato jém iwatnew̄ip wiñ̄igam,

73 cuando ij̄ycámáy jém Abraham, jém wiñ̄icpic tanjatun̄,

⁷⁴ iga taciacputtámpa jém tánenemigoyaj iciijom iga tançuyoxatámpa Dios y da ti tançinpa,
⁷⁵ iga tanwíwattámpa tanJatun Dios iwiñjom y tantsactámpa iga tammalwattámpa itumpiy jama iga taítpa vivo.

⁷⁶ Jesic jém Zacarías moj inmadáy jém xutu tsixi. Inímáy:

Mich mammanic, michíypa juuts jém yucmipic Dios iprofeta.

Cuando miñpa jém tánQmi, minjagoyñeeba inñic iga inwitsagáypa jém itun.

⁷⁷ Inicjodónayajpa jém Dios ipixiñtam iga siip Dios iwadaytooba perdón jém itánca iga iciacputyajpa.

⁷⁸ Porque wibic tóyooyi iniit jém tanJatun Dios, tsam tayaachanjampa.

Jém jixi miñpa juuts químpa jém jama

⁷⁹ sinyucmi iga iyicquejpa jém ityajwip piichcim, jém caanewip icumucom.

Miñpa tanquejay jém tun jém nicpáppic jut tawixpa Dios.

⁸⁰ Jesic yaj inmat jém Zacarías. Ocmi mijap jém imanic. Tsam iniit Dios iAnama, iwicutiyiy ti ixunpa Dios. Jáy iti jém titsinaxyucmi jut da ti idiyiy hasta núc jém jama iga Xiwan anquejaytap jém Israelpic pixiñtam.

2

Naypa Jesús

(Mt. 1:18-25)

¹ Jeetim tiempo jém Romapic anjagooyi jém César Augusto icutsat tum orde iga wattaiñ censo itumpiy jém naxyucmiyaj jém injacpáppic jém Romapic anjagooyi. ² Watta jém wiñtipic censo cuando jém gobernador Cirenio injacpa jém naxyucmi de Siria. ³ Jesic cada pixiñ nicpa nacámyajtaji jut tsucum jém wiñicpic itúmmiyaj. ⁴ Jeeyucmi set Belén jém José. Porque nicne iti tum attebet inñiyi Nazaret jém naxyucmi de Galilea. Pero iticmi jém Belén jém naxyucmi de Judea. Porque jemum it idic jém ijatunwewe ijatun jém wiñicpic anjagooyi jém David. ⁵ Jesic nic nacámyajtaji jém José con Malía jém iwatnewip trato iga ancoomyajpa. Danam napicneyajta con jém José, pero jém woñi manicomcaneum. ⁶ Iganam ityaj jém Belén, núc jém tiempo iga naypa jém tsixi. ⁷ Jesic icnay Malía jém icoponmanic, tum jaychixi. Inmon con puctucu, icmonpa tum cawajticjom. Como tsam itñim, da j icnucs tic.

Jém iwatyajpáppic cuenta jém borregoyaj iixyaj jém sinyucmipic pixiñtam

⁸ Da más juumi de jém Belén ityaj idic jém iwatyajpáppic cuenta jém borrego. Inmonyajpa jém iborregoyaj copjom iga iwatpa cuenta. ⁹ Jesic jemum iwiñquejay tum sinyucmipic pixiñ jém icutsatnewip jém tanJatun Dios. Icunooquejpa jém tanJatun Dios ichoca jut ityaj jém iwatyajpáppic cuenta jém borrego. Jesic tsam pimi cinjay jém pixiñtam. ¹⁰ Pero jém sinyucmipic pixiñ inímáy:

—¡Odoy cinntami! Ich miñ manañmadáy tum wibic anmatí. Tsam maymáayajpa itumpiy jém pixiñtam cuando imatonayajpa. ¹¹ Mannímáypa iga yípti jama nay jém Ciacpudoypáppic. Je jém tánQmi CRISTO. Nay jém tsixi jém David iattebet jém Belén. ¹² Siip juuts tum seña manañmadáypa jut impáttámpa jém tsixi; anmonnetá con puctucu, wone tum cawajticjom.

¹³ Iganam inmatpa jém sinyucmipic pixiñ, jeeti rato miñyaj tsam jáyan jém sinyucmipic pixiñtam. Wanyajpa, icujípyajpa Dios. Nimyajpa:

¹⁴ Siip tançujíptámpa jém tanJatun Dios jém más yucmipic it.

Siip iwínanigáypa jém pixiñtam jém Diospic iwixyajpa.

¹⁵ Jesic cuando nicgacum sinyucmi jém sinyucmipic pixiñtam, nanímayyajta jém iwatyajpáppic cuenta jém borregoyaj:

—Siip tanicpa jém Belén. Nicpa tánám ti naspá jem juuts tacjodónata jém tanJatun Dios.

¹⁶ Jesic anjeega nicyaj. Cuando núcyaj, ipátyaj jém Malía con jém José, ipátyajtim jém tsixi wone jém cawajticjom. ¹⁷ Cuando iixyaj jém tsixi, jesic moj inmadayyaj jém ityajwip jem ti inímáy jém sinyucmipic pixiñ de jém tsixi.

¹⁸ Itumpiy jém pixiñtam ipooñanjamyajpa cuando imatonyaj ti inmatyajpa jém iwatyajpáppic cuenta jém borregoyaj. ¹⁹ Pero jém Malía da ijaamañnotpa ti inímayyaj jém pixiñtam. Tsam ijispa ianamajom. ²⁰ Ocmi setgacum jém iwatyajpáppic cuenta jém borregoyaj. Agui maymayyaj. Inwejpátyajpa Dios, icujípyajpa iga wiap imatonyaj y iixyaj itumpiy cosa juuts inímáy jém sinyucmipic pixiñ.

Acwiñquejta jém tsixi Jesús jém mijpic masticjom

²¹ Jesic núc ocho día iga nayñe jém tsixi. Jém José y Malía iwadáy jém marca de circuncisión juuts jém Israelpic pixiñtam icostumbre. Accámayta iníyí iga JESÚS juuts iccámáy jém sinyucmipic pixiñ cuando danam manigiy jém Malía.

²² Ocmi cuando capsum jém jama iga accuáyta jém yomo, juuts nimpa jém Moisés inquímayooyi, jesic ininicyajpa Jerusalén jém xutu tsixi iga icwiñquejpa Dios iwiñjom. ²³ Iwatyajpa jempic porque jayñetawum jém tanjatun Dios inquímayooyi iga: “Chi tanjatun Dios jém incoaponmanic, jém jaypic, iga tsíyíñ juuts jém tanjatun Dios imichi.” ²⁴ Jesic ininicyajtim tum sacrificio iga ichiiba Dios juuts jayñetawum jém Dios inquímayooyi. Nimpa jém anquímayooyi: “Chi tanjatun Dios wisten cuucu o wisten mañpichona.”

²⁵ Jesic jeetim tiempo it idic Jerusalén tum pixiñ iníyí Ximój. Tum wibic pixiñ. Tsam ijispa Dios. Tsam injócpa jém jama iga Dios iciacputpa jém nación de Israel. Jém Ximój tsam iníit jém Dios iAnama. ²⁶ Jém Dios iAnama icjodóna jém Ximój iga antes que caaba jém widaya, iixpanam jém Cristo jém icutsatpáppic Dios. ²⁷ Jém Dios iAnama ichi jixi jém Ximój iga tigíyíñ jém mijpic masticjom. Jesic jeeti rato núc jém José y Malía. Inimiñ masticjom jém xutu tsixi iga iwadáyíñ juuts nimpa jém wiñicpic anquímayooyi. ²⁸ Jesic jém Ximój iníuspac jém tsixi, moj icují Dios. Nimpa jém Ximój:

²⁹ Manjatun Dios, sip cupacneum juuts anjycámayñe wiñic.

Da anwadap caso siiga sip acaabam.

³⁰ Sip ich ánixcuymi ánixñe jém Ciacpudoypáppic.

³¹ Sip moj inwat itumpiy jém pixiñtam iwiñjom icuwiti yip naxyucmi.

³² Tsíy juuts tum jucti iga iyicquejpa jém tunjac pixiñtam jém dapic je de Israel.

Chiitaptim jém wibic juctiantsoca jém Israelpic pixiñtam jém michpic immichi, manjatun Dios.

³³ Jesic jém iapa con jém José agui ipooñanjamyajpa iga inímáy jempic jém Ximój.

³⁴ Jesic jém Ximój ichi ibendición. Inímáytim jém Malía:

—Dios tacutsadáy yip tsixi. Tsam wityajpa jém icupicyajpáppic. Pero jém dapic icupicyajpa tsam yaachwattap. Dios icutsat yip tsixi juuts tum señal iga icjodónap jém Israelpic pixiñtam iga Dios taciacputtooba. Pero wati jém tantiwitam da icupicyajpa. Tsam imalmalnimayyajpa. ³⁵ Jesic quejpa jém malopic jixi jém anécnewip jém pixiñtam ijixianjom. Mich, miMalía, tum mijpic anyaaqui injampa juuts tum espada icutsenaspaspa jém inánama.

³⁶ Jesic ittim jem tum chomo. Dios inmatciwiñ jém yomo. Iníyí Ana. Jém ijatun iníyí Fanuel. Jém wiñicpic itummiyaj jém tribu de Aser. Tsam chomom. Jém yomo it idic con iwidaya siete amtiy dende ancoomyñe. Ocmi ca jém iwidaya. ³⁷ Pecam cunoyane, núcneum ochenta y cuatro amtiy. Sip da putpa de jém mijpic masticjom. Iwatpa ayuno y oración. Icuyoaxap Dios tsuucim y siñi. ³⁸ Jeeti rato núc jém chomo jut it jém tsixi.

Moj icujíp Dios iga wia miix jém tsixi. Ocmi inmadayyaj itumpiy jém pixiñtam iga nay jém tsixi jém Ciacpudoypaap. Porque jáyan jém pixiñtam injócyajpa iga ciacputtap jém atebet Jerusalén.

Setgacpa Nazaret jém José y Malía

³⁹ Cuando jém Malía y jém José yajum iwatyaj juuts nimpa jém Dios inquímayooyi, jesic setyaj iticmi jém atebet Nazaret jém naxyucmi de Galilea. ⁴⁰ Jesic mijap jém tsixi. Tsam iniit ipimi, wíap iwat jém iyoxacuy. Tsam jixíiy. Iniittim Dios itóyooyi.

Jém jaychixi it con jém maestroyaj jém mijpic masticjom

⁴¹ Cada amtíy nicyajpa jém Malía y José Jerusalén. Nicpa iwatyaj jém pascuasín. ⁴² Jesic cuando iniit doce iamtiy jém Jesús, nicpa síñajiyaj Jerusalén juuts icostumbreyaj. ⁴³ Cuando cuyajum jém síñ, setyajpam iticmi. Jém jaychixi Jesús tsíy Jerusalén. Jém iapa con jém José da ijodon iga jemigam tsíy jém imaníc. ⁴⁴ Jeeyaj injampa iga iwaganamiñpa jém iamigoyaj. Jesic moj seti. Witñeyajum tum jama. Jesic moj imétsyaj jém jaychixi jut it jém itiwitam con jém iamigoyaj. ⁴⁵ Pero da ipát, jesic eybic set Jerusalén iga icuámyajpa.

⁴⁶ Cuando nasum tucunajama, jesigam ipát jém Jesús jém mijpic masticjom. Jemum wagacoñyaj con jém maestroyaj de jém Israelpic anquímayooyi. Jém jaychixi imatonpa jém maestroyaj, icwácpatim jeeyaj. ⁴⁷ Itumpiy jém imatonneyajwíip agui ipooñanjamyajpa iga tsam jixíiy jém jaychixi iga tsam wíap icutson jém maestroyaj, acwágóypatim mex je. ⁴⁸ Jesic jém José con jém Malía tineanjac cuando iixyaj ti iwatpa jém jaychixi. Jém iapa inímáy jém Jesús:

—¿Mammaníc, tiiga anwadayta jempic? Jém injatun con aich agui manjís pa porque da mii. Tsam síp mancuámta.

⁴⁹ Jesic Jesús inímáy iapa:

—¿Tiiga ancuámta? ¿Que da injodon iga tienes que anwatpa juuts ixunpa anjatun Dios?

⁵⁰ Pero jém Malía con jém José da icutiyyiyaj ti inímáy jém Jesús.

⁵¹ Jesic setum iticmi Nazaret jém Jesús con jeeyaj. Seguido iwatpa juuts ipimiyajpa. Jém iapa tsam ijspa ianamanjom titam iwatpa jém Jesús. ⁵² Ocmi mijap jém Jesús, más jixíiyum. Dios tsam iwixpa. Iwixyajpatim itumpiy jém pixiñtam.

3

Najíyópa titsinaxyucmi jém Xiwan jém acchinoypáppic (Mt. 3:1-12; Mr. 1:1-8; Jn. 1:19-28)

¹ Jesic capsum quince amtíy iga injacpa jém Romapic anjagooyi jém Tiberio César. Jesic jém Poncio Pilato injacpa jém naxyucmi de Judea como gobernador. Jém Herodes injacpa jém naxyucmi de Galilea. Jém Herodes itiwí jém Felipe injacpa jém Iturea y jém Traconite. Jém anjagooyi jém Lisnias injacpa jém naxyucmi Abilinia. ² It idic wisten jém cobacpic panij anjagooyi jém más mijpic. Tum jém Anás y tum jém Caifás.

Jesic jeetim tiempo it idic jém titsinaxyucmi jém Xiwan, jém Zacarías imaníc. Jemum chiita jém Xiwan tanjatun Dios inmadayooyi. ³ Jesic nicpa najíyooyi icuwíti jém naxyucmi nocojom jém ni iníyi Jordán. Inímáy jém pixiñtam:

—Tsaci iga immalwatpa. Miñi manacchintampa, jesic Dios miccáyáya jém inñánca.

⁴ Iwatpa jém Xiwan juuts ijaychacne librojom jém Isaías jém wiñicpic profeta. Nimpa: Tammatonpa tum najíyoypáppic jém titsinaxyucmi:

“Áñáyaayi jém tánomi itun,
numtsagaytaami.”

⁵ Anꝑujnúctaami jém pacusyaj, tajquettaami jém cotsic y jém lumu iga nóñaiñ.

Númtsactaami jém tuñ jém wotnewiip,
anꝑujtaamítim jém tuñ icuaja.

⁶ Jesic cuando miñpa jém taCiacputpáppic,
itumpiy jém pìxiñtam iixyajpa jém icutsatnewiip Dios.

⁷ Jesic tsam jáyañ pìxiñtam nic íamyaj jém Xiwan iga acchiniyajtaiñ. Pero jém Xiwan iñímáy:

—¿Michañtam, ì micjodóna iga impóyaytámiñ jém tsam mijpic castigo jém icmiñpáppic jém tanJatun Dios? ⁸ Siiga numa iñchacneum jém immalajixi, jesic wati juuts ixunpa Dios. Jesic quejpa iga cacneum iñjixi. Odoy nímtaami iga: “Ich da amalo porque jém Abraham tsíy juuts ich anjatunwewe ijatun.” Odoy nímtaami jempic porque Dios wíap icset yíp tsa juuts jém Abraham imanictam. ⁹ Siip Dios itinquímtooba jém cuyyaj jém dapic tímá. Itinquímpa jém cuy, ocmi iñoquetpa.

¹⁰ Jesic jém pìxiñtam icwácyajpa jém Xiwan. Nímajpa:

—¿Tí wíap anwatta iga anwattámpa juuts ixunpa Dios?

¹¹ Jém Xiwan iñímáy jeeyaj:

—Siiga iniit wisten iñyoofí, jesic chi tum jém dapic yoodíy. Siiga iniit inwíccuy, jesic chi jém dapic ini i wíccuy.

¹² Jesic jém ichécyajpáppic impuesto miñyajtim iga acchiniyajtaiñ. Icwácpátim jém Xiwan, iñímáy:

—Maestro, ¿tí wíap anwatta?

¹³ Jém Xiwan iñímáy:

—Tseeci jém impuesto juuts nímpa jém anquímayooyi. Odoy tseeci más jáyañ.

¹⁴ Miñyajtim algunos jém soldado iga icwácyajpa jém Xiwan. Nímaj:

—¿Tí wíap anwatta aichtam?

Jém Xiwan iñímáy:

—Odoy tobaayi tum pìxiñ imíchi pímimi. Odoy cumigooyi jém pìxiñtam iga iñtobáypa itumiñ. Maymáyañ con jém incoñwiyooyi jutsañ miyojpa jém gobierno.

¹⁵ Tsam wiñigam injócyajpa jém pìxiñtam iga miñpa jém Cristo jém icutsatnewiip Dios. Jesic moj ijsyay ijixianjom, ¿tananjam iga yíp Xiwan yíbam jém Cristo jém tacut-sadayñewiip Dios? ¹⁶ Pero jém Xiwan iñímáy jém pìxiñtam:

—Ich manacchintámpa con ni. Pero miñpa tungac, je más pími wíap que aich, da wíap annasca. Da wíap anꝑuwijáyáy jém iciac. Jém miñpáppic micchintámpa con Dios iAnama y con jucti. ¹⁷ Icipinpa jém pìxiñtam juuts tum pìxiñ icutippa jém trigo. Iccáypa jém trigo granerojom. Nooquettap jém trigo ipuchi juctjom jut da nunca píchpa.

¹⁸ Jesic jém Xiwan tsam wí najíyóypa. Seguido inquímpa jém pìxiñtam iga ichacyajiñ jém malopic jixi iga ipictsonyajiñ jém wíbic anmatí. ¹⁹ Jém Xiwan iwogáytim jém gobernador Herodes porque ipigáy jém ijáyuc jém Felipe iwíchomo. Ininic iticcim. Iñiyi jém yomo Herodías. Wogayta jém Herodes porque tsam jáyañ táñca iwat. ²⁰ Jesic tungac más malopic cosa iwat. Ipímíy iga matstaiñ jém Xiwan, cottap cárcel.

Acchintá Jesús

(Mt. 3:13-17; Mr. 1:9-11)

²¹ Cuando acchiniyajta itumpiy jém pìxiñtam, acchintatim mex jém Jesús. Jeeti rato iganam inwejpátpa Dios, áñáy jém sin. ²² Quet Dios iAnama sinyucmi. Jém pìxiñtam iixyaj iga quet juuts tum cuucu, nummiñ, núc hasta jém Jesúsuyucmi. Imatonyaj tum jiyi sinyucmi. Nímayta Jesús:

—Mich mamManic, mantoypápic. Agui amaymay con mimich.

Jém Jesús jém wiñicpic itúmmiyaj
(Mt. 1:1-17)

²³ Jém Jesús iniit treinta iamtíy cuando moj iwat jém iyoxacuy. Ijisyajpa idic jém p̄ixiñtam iga Jesús ijatun jém José. Jém ijatunwewe jém Helí. ²⁴ Jém Helí ijatun jém Matat. Jém Matat ijatun jém Leví. Jém Leví ijatun jém Melqui. Jém Melqui ijatun jém Jana. Jém Jana ijatun jém José. ²⁵ Jém José ijatun jém Matatías. Jém Matatías ijatun jém Amós. Jém Amós ijatun jém Nahum. Jém Nahum ijatun jém Esli. Jém Esli ijatun jém Nagai. ²⁶ Jém Nagai ijatun jém Maat. Jém Maat ijatun jém Matatías. Jém Matatías ijatun jém Semei. Jém Semei ijatun jém José. Jém José ijatun jém Judá. ²⁷ Jém Judá ijatun jém Joana. Jém Joana ijatun jém Resa. Jém Resa ijatun jém Zorobabel. Jém Zorobabel ijatun jém Salatiel. Jém Salatiel ijatun jém Neri. ²⁸ Jém Neri ijatun jém Melqui. Jém Melqui ijatun jém Adi. Jém Adi ijatun jém Cosam. Jém Cosam ijatun jém Elmodam. Jém Elmodam ijatun jém Er. ²⁹ Jém Er ijatun jém Josué. Jém Josué ijatun jém Eliezer. Jém Eliezer ijatun jém Jorim. Jém Jorim ijatun jém Matat. ³⁰ Jém Matat ijatun jém Leví. Jém Leví ijatun jém Simeón. Jém Simeón ijatun jém Judá. Jém Judá ijatun jém José. Jém José ijatun jém Jonán. Jém Jonán ijatun jém Eliaquim. ³¹ Jém Eliaquim ijatun jém Melea. Jém Melea ijatun jém Mainán. Jém Mainán ijatun jém Matata. Jém Matata ijatun jém Natán. ³² Jém Natán ijatun jém David. Jém David ijatun jém Isaí. Jém Isaí ijatun jém Obed. Jém Obed ijatun jém Booz. Jém Booz ijatun jém Salmón. Jém Salmón ijatun jém Naasón. ³³ Jém Naasón ijatun jém Aminadab. Jém Aminadab ijatun jém Aram. Jém Aram ijatun jém Esrom. Jém Esrom ijatun jém Fares. Jém Fares ijatun jém Judá. ³⁴ Jém Judá ijatun jém Jacob. Jém Jacob ijatun jém Isaac. Jém Isaac ijatun jém Abraham. Jém Abraham ijatun jém Taré. Jém Taré ijatun jém Nacor. ³⁵ Jém Nacor ijatun jém Serug. Jém Serug ijatun jém Ragau. Jém Ragau ijatun jém Peleg. Jém Peleg ijatun jém Heber. Jém Heber ijatun jém Sala. ³⁶ Jém Sala ijatun jém Cainán. Jém Cainán ijatun jém Arfaxad. Jém Arfaxad ijatun jém Sem. Jém Sem ijatun jém Noé. Jém Noé ijatun jém Lamec. ³⁷ Jém Lamec ijatun jém Matusalén. Jém Matusalén ijatun jém Enoc. Jém Enoc ijatun jém Jared. Jém Jared ijatun jém Mahalaleel. Jém Mahalaleel ijatun jém Cainán. ³⁸ Jém Cainán ijatun jém Enós. Jém Enós ijatun jém Set. Jém Set ijatun jém Adán. Jém Adán ijatun jém Dios.

4

Cutitsta jém Jesús
(Mt. 4:1-11; Mr. 1:12-13)

¹ Jesic Jesús tsam iniit jém Dios iAnama iganam setpa de jém río Jordán. Dios iAnama ininic Jesús jém titsinaxyucmi. ² Jemum nic ití cuarenta jama. Jém Wocciwiñ miñ icutits iga icmalwatpa idic. Cuarenta jama da wíc Jesús, jesic núc jém cuarenta jama, p̄imi yua.

³ Jesic jém Wocciwiñ iñímáy Jesús:

—Siiga numa Dios mimanic, acseti yíp tsa iga caxtánañi.

⁴ Jesic jém Jesús iñímáy jém Wocciwiñ:

—Nimpa jém Dios inmati, jém jayñetawip: “Da no más iga inçútpa caxtánañi miitpa. Tamatspacpatim itumpiy jém Dios inmati.”

⁵ Ocmi jém Wocciwiñ ininic jém Jesús tum mijpic cotsicyucmi. Tumti rato inquejáy itumpiy jém naxyucmiyaj icuwiti de jém mundo juť injacyajpa jém anjagooyiyaj. ⁶ Jesic jém Wocciwiñ iñímáy jém Jesús:

—Itumpiy yípyaj naxyucmiyaj ich ammichi. Siip manchiiba mich porque ich acijunçodayñeta. I ansunpa iga anchiiba, wiap anchi. Jesic itumpiy jém p̄ixiñtam

micujípyajpa iga más mijpic minjagooyi. ⁷ Siiga mich ançosteeñáypa y anjísipa juuts ich adios, jesic immiichi itumpiy jém manañquejayñewiip.

⁸ Pero Jesús iñímáy:

—Nicsim, miWocciwiñ. Jayñetaum jém Dios inmati: “Wi iga tanjísipa tanjatun Dios, je icutum tançuyoxap.”

⁹ Ocmi jém Wocciwiñ ininic jém Jesús Jerusalén. Iniquim jém mijpic mastic inçobac. Jém Wocciwiñ iñímáy Jesús:

—Siiga Dios mimanic, yóyanqueti hasta naxyucmi. ¹⁰ Porque jayñetaum jém Dios inmati iga:

Dios icutsatpa jém sinyucmipic pixiñtam iga miwadiñ cuenta

¹¹ iga mimatstonpa ichijom iga odoy coowaiñ impuy tsaayucmi.

¹² Pero Jesús iñímáy jém Wocciwiñ:

—Nimpatim jém Dios inmati: “Odoy cutitsi jém tanjatun Dios siiga numa wiap.”

¹³ Jesic jém Wocciwiñ yaj icutits jém Jesús iga icmalwatpa idic. Ipoychac hasta tunçac jama.

Mojpa iwat Jesús jém Dios iyoxacuy

(Mt. 4:12-17; Mr. 1:14-15)

¹⁴ Jesic set eybic Galilea jém Jesús. Tsam iniit jém Dios iAnama iga wiap iwat juuts ixunpa Dios. Wanpa icuwiñi jém naxyucmi de Galilea iga setne jém Jesús. ¹⁵ Jesic cada tiganjoj jém Jesús nicpa accuyujooyi jém sinagoga, jém judíos imastic. Jeeyaj tsam icujípyajpa.

Nicpa Jesús Nazaret

(Mt. 13:53-58; Mr. 6:1-6)

¹⁶ Jesic tum jama núc Jesús jém atebet Nazaret jut mija. Jesic jém jejçuyjama, tigiy jém sinagoga juuts icostumbre. Teñchucum jém Jesús iga imaypa jém Dios inmati jém jayñewiip. ¹⁷ Chiita Jesús jém libro, jém ijaychacnewiip jém profeta Isaías, iga imaypa. Jesic Jesús ináy jém libro, ipát jut jayñeta:

¹⁸ Tsam anaít jém Dios iAnama, achiiñeta iga anañmadáyiñ jém wibic anmati jém yaachaneyajwiip.

Acutsatta iga anacpocsáyiñ ianama jém anyácneyajwiip.

Acutsatta iga anañmadáyiñ jém presoyaj iga cutsigayyajtap y jém cáchtiyaj iga acpisyajtap.

Acutsatta iga anaccutsigáypa jém pixiñtam jém tsampic malwadayñeyajta.

¹⁹ Acutsatta iga anañmatpa jém anmati iga núcneum jém amtij iga Dios iwíwadáypa jém pixiñtam.

²⁰ Jesic Jesús innúc jém libro, ichi jém maestro imozo. Jesic coññeactin jém Jesús. Itumpiy jém ityajwiip jém sinagoga agui íamyajpa. ²¹ Jesic Jesús moj inmadáy jém pixiñtam. Nimpa:

—Yíbam jama ínixtampa iga cupacneum yíp anmati jém jayñewiip.

²² Jesic itumpiy jém pixiñtam agui iwianjamyaj jém Jesús. Agui ipooñanjamyaj cuando imatonjaj jém wibic anmati jém inmatnewiip Jesús. Jesic moj nanímayyajtaji:

—¿Que da yíbam jém José imanic?

²³ Jesic Jesús iñímáy jém pixiñtam:

—Ich anjodon iga mimichtam síp annímáypa tum refran: “¿Michóyíyoypáppic tiiga da minitsóyiytap inyaac?” Annímáytaimpatim iga: “Watí yim inñicmi jém wítampic cosa juutstim inwatne jém Capernaum.”

²⁴ Iñímáytim jeeyaj:

—Wipictson̄tap tum profeta tungac attebet, pero cuando nicpa najíyooyi iticmi, jesic jém itiwitam da iwipictson̄yajpa. ²⁵ Numa, mannímáypa iga wiñigam it idic jém naxyucmi de Israel tsam jáyan jém yomtam jém cunoytam cuando najíyóypa jém Dios inmatciwiñ jém Elías. Jeetim tiempo cuando da chijóy tuj tres año y seis meses. Jesic tigiy tum mijpic yuu itumpiy jém attebetay icuwiti jém naxyucmi. ²⁶ Pero Dios da icutsat jém Elías iga iyoxpádiñ jém Israelpic yomtam jém cunoytam. Dios icutsat jém Elías iga iyoxpádiñ jém tungac cunoya jém dapic je taich yomo. Jém yomo Saretapic yomo de jém naxyucmi de Sidón. ²⁷ Ittim idic jém naxyucmi de Israel tsam jáyan pixiñtam jém cupúgayñewip iñaca cuando inmatpa jém wiñicpic anmatciwiñ jém Eliseo. Pero jém Eliseo da icpis ni tum de jeeyaj. Nada más icpis jém Naamán tum Siriapic pixiñ, da je taich pixiñ.

²⁸ Jesic tsam pimi jóyyaj itumpiy jém ityajwip jém sinagoga cuando imaton̄yay ti nimpa jém Jesús. ²⁹ Tsucumyay jém pixiñtam, iquebacputyaj jém Jesús an̄sicmi de jém attebet, nanicta tum tejayucmi jut watneta jém attebet. Jemum icyágiyyajtooba idic jém Jesús. ³⁰ Pero widañnaspá Jesús jém pixiñtam an̄cucmi. Da i wiã miimats. Nic jém Jesús.

Tum mal espíritu imats tum pixiñ
(Mr. 1:21-28)

³¹ Jesic nic Jesús jém attebet Capernaum, jém naxyucmi de Galilea. Jemum cada jejcuyjama nicpa inquejáy jém Dios inmati jém pixiñtam. ³² Tsam ipooñanjamyajpa cuando imaton̄yajpa ti inquejáypa jém Jesús. Porque anmatpa juuts tum anjagooyi.

³³ Jesic jém sinagoga it tum pixiñ imatsne tum mal espíritu. Pimi anwejpa, nímayta Jesús:

³⁴ —Atsaci, miJesús miNazaretpic, ¿tiiga ammoogíypa? ¿Que miñpa anactogoyta? Mánixpicpa, anjodon̄ iga mich jém Yucmipic Dios miM̄ichi.

³⁵ Jesic Jesús iwogáy jém mal espíritu. Iñímáy:

—Odoy jiyi. Puti yip pixiñ ianamanjom.

Jesic jém mal espíritu iccutin̄ jém pixiñ naxyucmi jeeyaj iwiñjom. Put jém mal espíritu, da ti iwadáy. ³⁶ Itumpiy jém ityajwip agui anjécyaaj. Nanímayyajt̄ap entre jeeyaj:

—¿Tiapaap yip anmadayooyi? Yip pixiñ inmatpa juuts tum anjagooyi. Con ipimi wiap itop jém mal espíritu.

³⁷ Jesic wan̄pa jut quej icuwiti jém naxyucmi ti iwat jém Jesús.

Jesús icpis jém Peto im̄dapa
(Mt. 8:14-15; Mr. 1:29-31)

³⁸ Jesic put Jesús jém sinagoga. Nic jém Peto iticcim. Mimne actin̄ jém Peto im̄dapa. Tsam pimi jawañiy. Iacun̄csayyaj jém Jesús iga icpixiñ jém yomo. ³⁹ Jesic nocojom teñ jém Jesús jut wone jém yomo. Injijac jém jawañ. Jém yomo ichac jém jawañ, jeeti rato tsucum, moj icwíc jém miññeyajwip.

Jesús icpis jáyan jém mimneyajwip
(Mt. 8:16-17; Mr. 1:32-34)

⁴⁰ Jesic cuando tigíyum jama, jém pixiñtam inimíñayyaj Jesús itumpiy jém mimneyajwip. Jesic Jesús ichiccunúgáy icobac cada tumtum. Jempigam icpisyaaj itumpiy. ⁴¹ Tobayyajt̄apim jém mal espíritu wati jém pixiñtam ianamanjom. Agui anwejpa cuando putyay. Nímayta jém Jesús:

—Mich jém Dios miManic.

Pero Jesús iwogáy jém mal espíritu. Da ijicpa iga jiyipa porque jém mal espíritu ijodón̄yay iga je jém Cristo.

*Najíyóypa Jesús jém naxyucmi de Galilea
(Mr. 1:35-39)*

⁴² Jesic cuquejtooba, put Jesús jém attebet. Nic tum lugar jut da ti idíyíy. Pero jém p̄ixiñtam, jém ityajw̄ip jém attebet, tsam imétsyaj, icunúcyaj. Iacunucsayyaj iga tsíyíñ con jeeyaj.

⁴³ Pero Jesús iñímáy:

—Tienes que anañmadáypa jém tungac attebetyaj jém w̄ibic añmāti jutp̄ic injacpa Dios jém ityajw̄ip ȳip naxyucmi. Jeeyucmi acutsat Dios.

⁴⁴ Jesic Jesús nicpa najíyooyi itump̄iy jém sinagoga icuw̄iti jém naxyucmi de Galilea.

5

*Jém milagro cuando matsta jáyan jem t̄ipi
(Mt. 4:18-22; Mr. 1:16-20)*

¹ Jesic tum jama oy inmat Jesús jém Dios inmāti tum laguna añnaca. Jém laguna iñiyi Genesaret. Tsam jáyan p̄ixiñtam y yomtam miñ imaton̄yaj hasta nacpitsiyyajtap. ² Jesic Jesús iix w̄isten barco playa añnaca. Putneyaj iomi. Icheeyajpa jém ired nian̄naca. ³ Jesic núc Jesús jut it jém barco, quim barcoyucmi. Im̄ichi jém Peto. Jesic Jesús iñímáy iga icn̄iguiñ uxaj jojm̄i jém ibarco. Jesic coñ Jesús jém barcoyucmi. Moj inquejáy jém p̄ixiñtam jém Dios inmāti. ⁴ Cuando yajum najíyooyi, iñímáy jém Peto:

—Nan̄ici imbarco jut jojm̄i jém ni. Patscuumi jém iñred n̄ic̄im. Tammatspa t̄ipi.

⁵ Jém Peto iñímáy:

—MamMaestro, muma tsuu ayoxata, da ammatsta ni tum t̄ipi. Pero siiga mich miñimpa, añcotpa eyb̄ic jém anred.

⁶ Jesic mu icotum jém ired, imatsyaj tsam jáyan t̄ipi hasta jactip jém ired. ⁷ Jesic jém Peto iwadáy seña jém it̄iw̄itam jém ityajw̄ip jém tungac barcojom iga míñiñ iyoxpát. Jesic miñyaj, icucomyaj icuistic jém barco hasta cumon̄tooba. ⁸ Mu iix, jém Peto icosteeñáy jém Jesús ipuyc̄im, iñímáy:

—Mán̄omi, acupóyaayi porque tsam atán̄caiy.

⁹ Jém Peto con jém ityajw̄ip ibarcojom agui áman̄jacyaj iga imatsyaj tsam jáyan jém t̄ipi.

¹⁰ Agui áman̄jacyaj̄tim jém ityajw̄ip jém tungac barcojom, jém Jacobo con jém Xiwan, jém Zebedeo iman̄ictam. Jeeyaj iwaganayoxayajpa jém Peto. Jesic Jesús iñímáy jém Peto:

—Odoy c̄iñi, tsac̄im iga immatspa t̄ipi. Nicpa tamméts p̄ixiñ juuts t̄ipi iga icupicyajiñ jém Dios inmāti.

¹¹ Jesic ininicyaj ibarco nian̄naca. Ichacyaj itump̄iy jém iniitw̄ip. Nic itún̄iyyaj jém Jesús.

*Jesús icp̄is tum p̄ixiñ jém cupúgayñew̄ip iñaca
(Mt. 8:1-4; Mr. 1:40-45)*

¹² Cuando it Jesús jém tungac attebet, ictsíy tum p̄ixiñ tsam cupúgayñe iñaca. Mu iix Jesús, jém p̄ixiñ icosteeñáy ipuyc̄im. Iacunucsaypa iga icp̄ixiñ. Nímayta:

—Mán̄omi, siiga in̄w̄ian̄jam, acp̄isi.

¹³ Jesic Jesús ichiccunúc jém p̄ixiñ, iñímáy:

—Añw̄ian̄jam. Micuáyñeum.

Jesic jeeti rato ichacum jém p̄ixiñ ipuuca, w̄itsíyum. ¹⁴ Jesic Jesús iñímáy jém p̄ixiñ:

—Odoy i añmadaayi iga ich manacp̄is, pero n̄igi w̄iñquejaayi jém panij iga inquejáiñ iga numa mip̄isneum. Jesic oc̄mi ch̄īi Dios tum ofrenda juuts n̄impa jém Moisés inquím̄ayooyi iga miixtap iga numa mip̄isneum.

¹⁵ Pero jutquej wanpa iga acpisóypa jém Jesús. An̄tuumayajpa tsam jáyan̄ p̄ixiñtam iga imaton̄yajpa jém Jesús in̄madayooyi. Miñyay jém mimneyajw̄ip iga acpisyajt̄añ. ¹⁶ Pero put Jesús jém attebet, nic icutum jut da ti id̄iȳy iga in̄wejpát̄pa Dios.

Jesús icpis tum p̄ixiñ tusacane icumuma

(Mt. 9:1-8; Mr. 2:1-12)

¹⁷ Jesic tum jama cuando accuyujóypa Jesús, coñyajt̄im jem jém fariseoyaj con jém maestroyaj de jém wiñ̄cpic an̄químayooyi. Jeeyaj miñyay de itump̄iy jém tiganjojay de jém naxyucmi de Galilea y Judea. Miñyajt̄im de jém attebet Jerusalén. Jém Jesús tsam iniit jém Dios ip̄imi. Wiap icpis jém mimneyajw̄ip. ¹⁸ Jesic núcyaj jut̄en jém p̄ixiñ, icópneyaj tseesyucmi tum p̄ixiñ tsam mimne. Tusacane icumuma, da tsigóypa. Tigiytooba id̄ic jém ticjom iga iámpa jém Jesús. ¹⁹ Pero da ipát̄yay jut̄ wiap it̄igiy porque tsam it̄ñim. Jesic químyaj jém t̄icyucmi, ijetyaj jém tic iñ̄ecxi. Ij̄imquetyaj tseesyucmi jém mimnew̄ip jém Jesús iwiñ̄jom jém p̄ixiñtam an̄cucmi. ²⁰ Jesic cuando iix Jesús iga tsam icupicyajpa jeeyaj, iñ̄ímáy jém mimnew̄ip:

—Mip̄ixiñ, miwadayñ̄et̄a perdón jém iñ̄t̄añca.

²¹ Jesic jém escribaspic maestroyaj con jém fariseoyaj ij̄isyajpa ij̄ixianjom iga: “¿Que iapaap ȳip p̄ixiñ? S̄ip icuj̄iy tanDios. Porque Dios icutum wiap taccáyáy tant̄añca.”

²² Pero Jesús ij̄odon̄ ti s̄ip ij̄isyaj ij̄ixianjom, jesic iñ̄ímáy jeeyaj:

—¿T̄iiga iñ̄j̄ist̄ampa jem̄pic? ²³ ¿Jup más da t̄añca iga annímáypa ȳip p̄ixiñ iga: “Miwadayñ̄et̄a perdón jém iñ̄t̄añca”, o iga annímáypa: “Tsucumi, w̄it̄im”? ²⁴ S̄ip manañquejáypa iga jém Miñ̄new̄ip S̄inyucmi numa iniit jém p̄imi iga wiap iccáyáy jém p̄ixiñtam it̄añca ȳip naxyucmi.

Jesic Jesús iñ̄ímáy jém p̄ixiñ jém tusacanew̄ip:

—Mannímáypa, tsucumim, p̄in̄im jém iñ̄chees, nicsim iñ̄t̄ic̄im.

²⁵ Jesic iganam iámyajpa jém it̄yajw̄ip, jeeti rato tsucum jém p̄ixiñ. Ipin̄um jém ichees jut̄ w̄one id̄ic. Nic it̄icmi. Tsam icuj̄ippa Dios. ²⁶ Itump̄iy jém p̄ixiñtam ipooñ̄anj̄amyaj. Icuip̄yajt̄im Dios. Tsam c̄inyaj. Nanímayyajt̄ap:

—Ȳip jama tánix̄ta tum cosa dap̄ic queman oypa tánix.

Jesús in̄wejáy jém Leví

(Mt. 9:9-13; Mr. 2:13-17)

²⁷ Cuando cuyaj jém asunto, moj n̄iqui jém Jesús. Iix tum p̄ixiñ jém ichécpáppic impuesto, iñ̄iyi Leví. Coñ jut̄ ichécpa jém impuesto. Jesús iñ̄ímáy jém p̄ixiñ:

—Atún̄iyi.

²⁸ Jesic tsucum jém p̄ixiñ, ichac jém iyoxacuy, nic it̄ún̄iȳy jém Jesús.

²⁹ Jesic ocmi jém Leví inis̄in̄ap jém Jesús it̄ic̄im. Tum mij̄pic sin̄ iwat. An̄wejayyajt̄a tsam jáyan̄ jém ichécyajpáppic impuesto con tunḡac más jém p̄ixiñtam. Iwaganaw̄icyajpa jém Jesús mesac̄im. ³⁰ Jesic jém fariseoyaj con jém maestroyaj de jém fariseo in̄químayooyi moj in̄wejcayaj jém Jesús icuyujc̄iwiñ. Nímayyajt̄ap:

—¿T̄iiga miwagaw̄ict̄ampa y miwagan̄ict̄ampa con jém ichécyajpáppic impuesto y con jém tunḡac t̄añcaiyw̄ip?

³¹ Jesic Jesús iñ̄ímáy jém fariseoyaj:

—Jém dap̄ic mimne da ixunpa jém tsóȳyoypaap. Pero jém mimneyajw̄ip ixunpa jém tsóȳyoypaap. ³² Ich da amiñ iga anañwejáypa jém dap̄ic t̄añcaiȳy. Amiñ iga anañwejáypa jém t̄añcaiyw̄ip iga ichacyajiñ jém it̄añca.

*Acwácta Jesús tiiga da iwatyajpa ayuno jém icuyujc#wiñ
(Mt. 9:14-17; Mr. 2:18-22)*

³³ Jesic jém miññeyajw#ip icwácyaj jém Jesús. Nímayta:

—¿Tiiga jém Xiwan icuyujc#wiñ con jém fariseoyaj siempre iwatyajpa ayuno, iwatyajpa jém oración? Pero mich jém inçuyujc#wiñ siempre wícyajpa, nícyajpa, da iwatyajpa ayuno.

³⁴ Jesic Jesús iñímáy jeeyaj:

—Siempre wícyajpa jut a#coomíyoyñ#mpa. Da i iwatpa ayuno cuando it jém yoomiypaap. ³⁵ Pero núcpa jama cuando da i jém yoomiypaap. Jesic numa iwatyajpa ayuno.

³⁶ Jesic Jesús inmadayaj jém p#ixiñtam tum xutu cuento. Inquejáypa jém p#ixiñtam iga jém jomipic jixi jém inimiññew#ip Jesús da iw#inanigáypa jém wiñ#cpic jixi. Nimpa Jesús:

—Da i ijacpa tum jomyooti iga intótspa tum pecapic yooti. Siiga iwatpa jempic, misap jém jomyooti. Jém jomipic puctucu datim iw#inacuti#pa jém pecapic. ³⁷ Da i icotpa jomvino jém pecapic cuerobolsajom. Porque siiga iwatpa jempic, jesic p#ipa jém jomvino, tojansajpa jém pecapic cuerobolsa. Tegáypa jém vino. Togoypa jém cuerobolsa.

³⁸ Jeeyucmi cottap jém jomvino jém jomipic cuerobolsajom. ³⁹ Numa, jém iucpápic jém pecapic vino da iuctooba jém jomvino porque nimpa iga: “W#i jém pecapic.”

6

*Jesús icuyujc#wiñ itúcyaj trigo jém jejcuyjama
(Mt. 12:1-8; Mr. 2:23-28)*

¹ Tum jejcuyjama wida#naspa Jesús jut #ipneta jém trigo. Jém icuyujc#wiñ ij#udayyajpa jém trigo ipac, icútyajpa. ² Jesic algunos jém fariseoyaj iwogayyaj jém Jesús icuyujc#wiñ. Nímayta:

—¿Tiiga in#wattámpa contra jém tana#químayooyi jém jejcuyjama?

³ Jesic Jesús iñímáy jém fariseoyaj:

—¿Que da queman immay ti iwat jém David cuando tsam yuayajpa con jém icompañeroyaj? ⁴ Tigiy David jém Dios it#icjom. Ip#ic jém caxtána#ñi jém tsacnetaw#ip altaryucmi. Icut jém David, ichiitim jém icompañeroyaj. Tanjodon iga jém tana#químayooyi nimpa iga nada más jém panij w#iap icút jém caxtána#ñi jém tsacnetaw#ip altaryucmi.

⁵ Jesic ocmi jém Jesús iñímáy jém fariseoyaj:

—Jém Miññew#ip S#nyucmi im#ichitim jém jejcuyjama, w#iap iñímáy jém p#ixiñtam ti w#iap iwatyaj jém jejcuyjama.

*Pis jém p#ixiñ jém titsnew#ip ici
(Mt. 12:9-14; Mr. 3:1-6)*

⁶ Jesic tungagam jejcuyjama nic Jesús jém sinagoga. Moj inquejáy jém p#ixiñtam. Ittim jem tum p#ixiñ mimne. Titsne jém in#w#ici. ⁷ Jesic jém escribasp#ic maestroyaj con jém fariseoyaj icuixyajpa jém Jesús siiga numa acp#isóypa jém jejcuyjama. Imétsyajpa jut#pic iquejajwadayyajpa jém Jesús. ⁸ Pero Jesús ijodon ti s#ip ij#isyaj. Iñímáy jém p#ixiñ jém titsnew#ip ici:

—Teñchucumi, miñi miteñi y#ip p#ixiñtam a#ncucmi.

Jesic tsucum, nic teñi. ⁹ Jesic Jesús iñímáy jém p#ixiñtam jém ityajw#ip jem:

—S#ip manacwáctámpa: ¿T#i w#iap tan#wat jém jejcuyjama? ¿Tan#w#iwatpa o tammalwatpa? ¿W#i iga tan#ciacpudáypa tum p#ixiñ ivida o tanaccáyaypa?

¹⁰ Jesic Jesús icuáms#et jém p#ixiñtam icuwoyo, iñímáy jém p#ixiñ jém titsnew#ip ici:

—i#imi in#ci!

Jempam iwat jém p̄ixiñ, w̄itsiyum ici. ¹¹ Jesic tsam p̄imi jóyyaj jém fariseoyaj. Moj nacwácyajtaji entre jeeyaj ti w̄iap iwadayyaj jém Jesús.

Jesús icupin jém doce icuyujc̄wiñ
(Mt. 10:1-4; Mr. 3:13-19)

¹² Jesic tum jama nic Jesús tum cotsicyucmi. Nic inwejpát Dios muma tsuu. ¹³ Icuquejama inwejáy jém icuyujc̄wiñ. Icupin doce de jeeyaj, iccám juuts “apóstolyaj”. Taich tanañmat̄imi nimtooba jém cutsatnetaw̄ip. ¹⁴ Icupin jém Ximój, Jesús icagáy in̄iyi, icámáy iga Peto; jém Anti, je jém Ximój it̄iw̄i; jém Jacobo; jém Xiwan; jém Felipe; jém Bartolo; ¹⁵ jém Mateo; jém Tomax; jém Jacobo, je jém Alfeo iman̄ic; jém tungac Ximój, jém in̄iyit̄im jém Zelote; ¹⁶ jém Judas, je jém Jacobo it̄iw̄i; y jém Judas Iscariote jém ic̄ijun̄cotw̄ip jém Jesús.

Accuyujóypa Jesús jém w̄it̄ipic nonjom
(Mt. 4:23-25)

¹⁷ Jesic quet Jesús jém cotsicyucmi con icuyujc̄wiñ. Nic accuyujooyi tum w̄it̄ipic nonjom. An̄tuumayaj tsam jáyan jém p̄ixiñtam. Miñyay icuw̄iti jém naxyucmi de Judea, jém Jerusalén y jém lamar an̄naca jut it̄ jém atebet Tiro y Sidón. Miññeyaj jem iga imaton̄yajpa jém Jesús in̄químayooyi, iga acp̄isyajt̄añ jém mimneyajw̄ip. ¹⁸ P̄isyajtim jém tsampic iyaachwat̄yaj jém mal espíritu. ¹⁹ Jém p̄ixiñtam tsam icunúcyajpa Jesús iga ich̄icpa porque tsam putpa jém ip̄imi iga icp̄ispa it̄ump̄iy.

Maymáyaataami porque mich̄iy juuts Dios miman̄ictam
(Mt. 5:1-12)

²⁰ Jesic jém Jesús iámmats jém icuyujc̄wiñ. In̄ímáy:
—Maymáyaataami siiga s̄ip tsam miyaachap porque mit̄igiyñeta con Dios, s̄ip minjactámpa mimichtam.

²¹ 'Maymáyaataami siiga s̄ip miyuatámpa porque ocm̄im custámpa miwiiquitam.

'Maymáyaataami siiga s̄ip miwejtámpa porque ocm̄i mixictámpa.

²² 'Maymáyaataami siiga s̄ip mijóyixtamtap, miquebacputtamtap, mimaln̄imaytamtap y da i miw̄ixtamta. P̄imi mimalwadaytamtap porque mimichtam an̄cupictámpa aich jém aMiññew̄ip S̄inyucmi. ²³ Maymáyaataami cuando núcpa jém jama, miyóypa juuts tum ts̄ixi, porque in̄jodon̄ iga Dios michiiba jáyan jém w̄itampic cosa s̄inyucmi. J̄isi iga jém wiñ̄icp̄ic p̄ixiñtam imalwadáȳtim jém wiñ̄icp̄ic Dios in̄matc̄wiñ.

²⁴ 'Agui miuuguytim jém ricopic mip̄ixiñtam porque s̄ip mimaymáyatámpa, pero ocm̄i da ti michiiba Dios.

²⁵ 'Agui miuuguytim siiga s̄ip cuspa miwiiqui. Ocm̄i miyuatámpa.

'Agui miuuguytim siiga tsam mixictámpa s̄ip porque ocm̄i minyáctámpa, miwejtámpa.

²⁶ 'Agui miuuguytim siiga it̄ump̄iy jém p̄ixiñtam micujíptámpa s̄ip, porque jém wiñ̄icp̄ic p̄ixiñtam icujípyajtim jém malopic an̄matc̄wiñ jém migoyyajp̄appic.

W̄i iga tantóȳiñ jém tánenemigoyaj
(Mt. 5:38-48; 7:12)

²⁷ Jesic Jesús in̄ímáȳtim jém p̄ixiñtam:

—Pero s̄ip man̄imaytamta mimichtam iga toȳi jém in̄enemigoyaj. W̄iwadaayi jém mijóyixyajp̄appic. ²⁸ An̄wejpaati Dios iga iw̄iwadáȳiñ jém mimaln̄imayp̄appic y jém mimalwadayp̄appic. ²⁹ Siiga i micótsáypa tum in̄acpac, j̄igaayi iga micótsáȳiñ̄tim tungac lado, odoy cian̄seedaayi. Siiga i mitobáyáypa jém in̄chamarra, j̄igaayi iga mitobáyáȳiñ̄tim mex jém in̄yooti. ³⁰ Siiga i miwágáypa tum cosa, ch̄i. Siiga i mitobáyáypa tum cosa jém imm̄ichipic, odom wágaayi iga micseedáȳiñ. ³¹ W̄iwadaayi jém tungac juutstim mich in̄xunpa iga miw̄iwadayt̄añ.

³² 'Siiga no más iñtoypa jém mitoypáppic, odoy jisi iga micujíptap. Porque jém malopic pxiñtam itoypatim jém iamigoyaj. ³³ Siiga inwawadáypa no más jém miwawadaypáppic da micujíptap porque jém malopic pxiñtam iwawadáypatim jém iwawadaypáppic. ³⁴ Siiga inicnucspa tumiñ no más jém pxiñ jém wapaap micseedáy jém iñtumiñ, jesic da micujíptap. Porque jém malopic pxiñtam icnucspatim tumiñ jém iamigoyaj jém wapaap icseedayyaj. ³⁵ Pero mannímaytampa: Toytaami jém mijóyixpáppic. Wawadaytaami jém mimalwadaypáppic. Siiga miñucsáypa tumiñ, chítim. Odoy wadaayi caso siiga da wap micseedáy jém iñtumiñ. Siiga inwatpa jempic, Dios miwiyojpa. Quejpa iga Dios mimanictam. Porque Dios iyaachanjampatim jém malopic y jém tanchaywip. ³⁶ Yaachanjamtaami itumpiy jém pxiñtam juutstim tanjatun Dios miyaachanjamtampa mimichtam.

Odoy tanjixiñ tum tantíwi iga tancháy
(Mt. 7:1-5)

³⁷ 'Odoy jisi tum iñtíwi iga tancháy, jesic Dios datim mijisáypa mich iñtánca. Siiga tum pxiñ mimalwadáypa, odoy tseeci, jesic Dios da michégáypa mich iñtánca. ³⁸ Siiga j miwágáy alguna cosa, siiga wí iñanama, chí jém dapic ini, jesic Dios jeetim quípsi mipigáypa iga micseedáypa mimich.

³⁹ Jesic Jesús inmadáypa jém pxiñtam yíp xutu cuento:

—Tum cáchtipic pxiñ da wap iniwit tunjac cáhti porque tsutyajpa icuisticayaj jém pacusjom. ⁴⁰ Tum cuyujciwiñ da wap iñasca jém imaestro, cuando yajum cuyuji da ictsiypa jém imaestro.

⁴¹ 'Tiiga iñnímaypa jém iñtíwi iga tancháy siiga da jutsan jém itánca juuts tum xutu puchi iniit iixcom. Pero mich tsam jáyan tánca iniit jex juuts tum mijpic cuy iniit iñixcom. ⁴² Siiga da iñjampa jém cuy jém iniitwip iñixcom, tiiga iñjisa iga wap iñtóbáy jém puchi jém iñtíwi iixcom. Minimigóyaytap iñyaac. Wiñti topi jém cuy jém michpic iniit iñixcom, jesic ocmi wap iñtóbáy jém puchi jém iñtíwi iixcom.

Cuando tímup tum cuy, jesic tánixpicpa
(Mt. 7:17-20; 12:34-35)

⁴³ 'Jém wibic cuy da wap iwat jém malopic itim. Jém malopic cuy da wap iwat jém wibic itim. ⁴⁴ Cada cuy tánixpicpa con itim. Da tantúcpa tum tsuj jém apífcuyucmi. Da tantúcpa uvas jém chicxchayucmi. ⁴⁵ Tum wibic pxiñ iwatpa wibic cosa porque iniit jém wibic jixi ianamanjom. Jém malopic pxiñ iwatpa jém cosa dapic wítam porque iniit jém malopic jixi ianamanjom. Jém anmati jém putpáppic tanjpjom tsucum jém tánanamanjom. Siiga tum pxiñ inmatpa wibic cosa, jesic quejpa iga da malo. Pero siiga inmatpa tum cosa dapic wí, jesic quejpa iga malo.

Jém wisten jém ticwatpáppic
(Mt. 7:24-27)

⁴⁶ Jesic Jesús iñímáytim jém pxiñtam:

—¿Tiiga miñimtampa iga, “Mánomi, mánomi”, pero da inwattampa juuts mannímaypa? ⁴⁷ Wí iga miñpa immaton ich ananmati y iga inwadiñ juuts mannímaypa. Sip manaquejáypa juutspic mipixiñ siiga inwatpa juuts mannímaypa. ⁴⁸ Mijex juuts tum pxiñ wapaap iticwat. Wiñti iwítajcúmpa jojmi iga icpimup jém tic tsaayucmi. Jesic ocmi cuando compa jém ni, pimi ictsiy jém nūcoma jém tic. Pero da wap ictsigóy ni imiswatpa porque acpimaneta tsaayucmi. ⁴⁹ Siiga tum pxiñ imatonpa ich ananmati, pero da icupicpa, jesic jém pxiñ jex juuts tum pxiñ jém dapic wap iticwat. Jém pxiñ da

iwitajcúm jojmí iga icpimáap jém tic jém tsaayucmi. Naxyucmi no más icpimáne. Jesic ocmi com jém ni, pími ictsíy jém niccoma jém tic, jeeti rato cutiñ, da ti tsíy.

7

Jesús icpís jém Romapic capitán imozo (Mt. 8:5-13)

¹ Jesic yaj inmadáy Jesús jém píxiñtam, nic Capernaum. ² It idic jem tum jém Romapic capitán. Iniit idic tum imozo jém tsampic itoypa. Pero ocmi mimneactiñ jém imozo. Tsam pími mimne. Caatoobam. ³ Jesic cuando jém capitán ijodóna iga jém Jesús wíap icpísóy, icutsadáy jutén jém Israelpic wídaytam iga icunucsáypa jém Jesús iga míñiñ icpís jém imozo.

⁴ Jesic jém wídaytam nic iám jém Jesús. Iacunucsáy, iñímáy:

—Awadaayi tum favor, jém capitán tum wíbic píxiñ, yoxpaati. ⁵ Porque tsam itoypa jém tannación. Tawadáytim tum jém tammastic jém sinagoga.

⁶ Jesic jém wídaytam iwagananicaypa jém Jesús. Iganam núcyajpa nocojom jém capitán iticcim, jém capitán icutsadáy anmati jém Jesús con tungac iamigoyaj. Iñimayyaj:

—Jém capitán miñímáy iga: “Mánomi, da más mancobacpijpa. Da wí iga miñúcpa anticcim porque mich wíbic mipíxiñ, ich tsam atañcaíy.” ⁷ Jeeyucmi ich da nic mamméts anyaac. Siip no más nímaayi jém caacuy iga ichaguiñ jém ammozo, tienes que píspa. ⁸ Porque ich anaittim tum ananjagooyi iga apimíyapa. Ich anaittim soldado jém ampimíyapaap. Siiga annímáypa jém ansoldado iga niguiñ, jesic tienes que nicpa. Siiga annímáypa jém ansoldado iga míñiñ, jesic tienes que miñpa. Siiga annímáypa jém ammozo iga iwadiñ tum cosa, jesic tienes que iwatpa.

⁹ Jesic miimaton jém Jesús junimpa jém capitán, ipooñanjampa. Iámseedáy jém píxiñtam jém miñyajpáppic ituuñiancim. Iñímáy:

—Numa, mannímáypa, da ampátne ni tum píxiñ icuwiti yíp Israel iga icupicpa Dios juuts yíp capitán.

¹⁰ Jesic jém capitán iamigoyaj setyajum iticcim. Iixyajum iga pisneum jém capitán imozo.

Jesús icpís tum caanewip, jém cunoya imaníc

¹¹ Jesic jém tungac jama nic Jesús tum attebet iñiyi Naín. Waganicyajpa con wati jém icuyujcwiñ. Nicyajpatim jáyan jém píxiñtam. ¹² Iganam núcyajpa jém attebet anñaca, iix iga nanictap tum tsúts. Jém caanewip tum cunoya ijaymaníc. Jém yomo da iniñ tungac imaníc. Icutum tsíy. Jáyan jém píxiñtam iwagananicaypa jém cunoya. ¹³ Mu iix jém tánomi, iyaachanjampa jém yomo. Iñímáy:

—Odoy weji.

¹⁴ Jesic Jesús icunuc nocojom jém tsúts, ichigáy icaja. Jém icópneyajwip teeñanjacyaj. Jesic Jesús iñímáy jém caanewip:

—¡Miwoñjaychixi, mannímáypa, tsucumi!

¹⁵ Jesic jém caanewip idic coñchucum. Mojum jiyi. Jesic Jesús icijunodáy iapa. ¹⁶ Mu iixyaj, pími cinyaj itumpiy jém ityajwip jem. Moj icujipyaj Dios. Nimyajpa:

—Tawiñquejayñe tum mijpic profeta.

Nimyajpatim:

—Dios tsam tayaachanjampa, jeeyucmi tacutsadayñe yíp píxiñ iga tayoxpátamiñ.

¹⁷ Jesic ocmi jodónata ti wat jém Jesús icuwiti jém naxyucmi de Judea con jém tungac naxyucmi jém nocojompic.

*Jém Xiwan icutsat icuyujc̣iwiñ iga icwácyajíñ jém Jesús
(Mt. 11:2-19)*

¹⁸ Ocmi acjodónaṭatim jém Xiwan jém acchíñoypaap ti iwat jém Jesús. Jém Xiwan icuyujc̣iwiñ inmadáy. Jesic ocmi inwejay wisten de jeeyaj. ¹⁹ Icutsat iga niguiñ icwácyaj jém Jesús. Nímayta jém icuyujc̣iwiñ:

—Nigi acwaaci jém Jesús iga: “¿Que micham miCristo jém micutsatneẉip Dios o ananjóctampa tungac?”

²⁰ Jesic ocmi jém Xiwan icuyujc̣iwiñ ipát jém Jesús. Inímayyaj:

—Jém Xiwan, jém acchíñoypáppic, acutsatta iga manacwáguiñ siiga micham miCristo jém micutsatneẉip Dios o ananjóctampa tungac.

²¹ Jesic jeetim hora cuando núcyaj jém Xiwan icuyujc̣iwiñ, jém Jesús icp̣ispa jáyan jém p̣ixiñtam jém iniitẉip caacuy, jém mimneyajẉip y jém imatsneẉip jém mal espíritu. Icp̣istim jáyan jém cáchṭiyaj. ²² Jesic Jesús inímay jém Xiwan icuyujc̣iwiñ:

—Nigi nímaayi jém Xiwan ti iníxñeta y ti immatoṇeta. Anmadaytaami iga ixixóypam jém cáchṭi, witpam jém cuxujpic idic, pisneum jém cupúgayñeẉip idic in̄aca, matónóypam jém chajca, pisneum jém caaneyajẉip idic y jém yaachayajpaap ip̣ictsoṇyaj jém wibic an̄maṭi iga Dios iciacputpa. ²³ Agui maymay jém p̣ixiñtam jém dap̣ic ij̄icpa iga i ictsacpa ich an̄maṭi.

²⁴ Jesic n̄icyajum jém Xiwan icuyujc̣iwiñ. Moj inmadáy Jesús jém p̣ixiñtam iga jém Xiwan tum Dios in̄maṭc̣iwiñ. N̄impa:

—¿T̄i oy in̄ám̄ta jém t̄itsinaxyuc̣mi? ¿Que oy in̄ám̄ta tum p̣ixiñtam dap̣ic w̄iap juuts tum poc jém aguip̣ic ictsigóypa sawa? Da je. Oy in̄ám̄ta tum p̣ixiñtam w̄iapaap. ²⁵ ¿Que oy in̄ám̄ta jém p̣ixiñtam agui w̄icuyajne? Da je. Tanjoḍon̄ iga jém w̄icuyajneẉip it̄yaj jém rey it̄icc̄im. ²⁶ ¿Que ti oy in̄ám̄ta jém t̄itsinaxyuc̣mi? ¿Que oy in̄ám̄ta tum nunta profeta? Numa tum profeta más w̄iap que itump̄iy jém w̄iñicp̣ic Dios in̄maṭc̣iwiñ. ²⁷ N̄impa jém Dios in̄maṭi ti iwatpa jém Xiwan:

Dios icutsatpa tum an̄maṭc̣iwiñ iga iw̄itsagáypa jém Cristo itun̄.

Jém an̄maṭc̣iwiñ an̄jagoyñeeba in̄ic.

Ocmi ituuñian̄c̄im miñpa jém Cristo.

²⁸ Jesic Jesús inímayt̄im jém p̣ixiñtam:

—Numa mannímáypa iga icuw̄iti ȳip naxyuc̣mi da i tungac más wibic profeta que jém Xiwan jém acchíñoypaap. Pero cuando núcpa jém tiempo iga in̄jacpa Dios, jém más xutupic más w̄iap que jém Xiwan.

²⁹ Mu imaton̄yaj ti n̄impa jém Jesús, jesic itump̄iy jém p̣ixiñtam agui maymáypaj. Agui maymáypajpatim jém ichécyajpáppic jém impuesto. N̄imyajpa:

—Agui w̄i tanDios iga tanquejáypa ȳip numap̣ic an̄maṭi.

Porque casi itump̄iy jém p̣ixiñtam oy icchin̄yajta jūt acchíñoypa jém Xiwan. ³⁰ Pero jém fariseoyaj con jém maestroyaj de jém Israelp̣ic an̄químayooyi da icup̣icyajpa jém Dios in̄maṭi jém inimiññeẉip jém Xiwan. Dios iw̄iwadaytooba idic, pero jeeyaj da iw̄ian̄jamyaj. Jeeyuc̣mi jém fariseoyaj da ij̄icpa iga icchin̄yajpa jém Xiwan. ³¹ Jesic tán̄omi Jesús inímay jém an̄tuumaneyajẉip:

—Jém p̣ixiñtam jém it̄yajẉip siip̣ ³² jex juuts jém tsixtam jém m̄ichyajpáppic plaza. Inímayyajpa jém iamigoyaj iga: “Mansusáypa jém flauta, pero da mietstampa. Ocmi man̄wánáypa jém wañi jém an̄yácn̄eẉip, pero datim miwejtampa.” ³³ Porque cuando miñtam jém Xiwan jém acchíñoypáppic, da icútpa caxtánañi, da iucpa vino; miñtam̄tampa iga jém Xiwan iniit tum mal espíritu. ³⁴ Ocmi ich anyaac amiñ sin̄yuc̣mi. Aw̄icpa y an̄icpa, pero michtam miñtam̄tampa iga tsam aw̄icpa y tsam ánucpa vino. Miñtam̄tampatim iga ich

aṇcompañero jém ichécyajpáppic jém impuesto y jém táŋcaiywɨp. ³⁵ Quejpa iga wɨ jém jixi siiga wɨputpa jém yoxacuy.

Oy joyi Jesús tum fariseopic pɨxiñ iticcim

³⁶ Tum fariseo inwejay Jesús iga niguiñ wiiqui. Jesic nic jém Jesús, tigiy iticjom, coñ jém mesacim. ³⁷ Ittim jém attebet tum yomo witwidoypáppic idic. Jesic jém yomo ijodon iga nic wiiqui jém Jesús jém fariseopic iticcim. Nictim mex jém yomo. Ininic tum wibic tsaafiasco comne de pomada cɨnpáppic. ³⁸ Jesic jém yomo icunúc jém Jesús. Icɨsteeñáy ipuycim. Wejpa jém yomo. Icheáya jém Jesús ipuy con iixcañi. Ocmi jém yomo icujicháyáya jém ipuy con jém iway. Innacatsútsáya ipuy. Ocmi icámáy jém pomada jém Jesús ipuyyucmi. ³⁹ Jesic jém fariseo, jém inwejayñewɨp Jesús, iix ti iwatpa jém yomo. Jém pɨxiñ ijispa ijixianjom. Nimpa iga: “Siiga numa yíp pɨxiñ tum profeta, ¿tiiga da icutiyyípa iga yíp yomo tsam táŋcaiy? Porque yíp yomo tum witwidoypáppic.” ⁴⁰ Jesic Jesús iñímáy jém fariseopic pɨxiñ:

—MiXimoy, mannímaytooba tum aṇmaṭi:

Jesic jém pɨxiñ iñímáy jém Jesús:

—Maestro, anímaayi.

⁴¹ Jesic nimpa Jesús:

—It idic wisten pɨxiñ. Oy icacyaj tumiñ. Tum icac quinientos tumiñ de plata, tum icac cincuenta tumiñ de plata. ⁴² Ocmi icuistic da wiap icsetyay jém tumiñ. Jesic jém ichiiñewɨp jém tumiñ iwadáya perdón icuistic. Dam ichécpa jém pɨxiñ. Sɨp, miXimoy, ¿anímaayi juppíc más itoypa jém ichiiñewɨp jém tumiñ?

⁴³ Jesic jém Ximoy icutson. Nímayta Jesús:

—Jém más jáyaṇpic icacne jém tumiñ.

Jesús iñímáy jém Ximoy:

—Numa, aṇwicutson.

⁴⁴ Jesic Jesús iámseedáy jém yomo jut sɨp icheáy jém ipuy, iñímáy jém Ximoy:

—Aami yíp yomo ti sɨp iwat. Cuando atigiy iñticjom mich da anchi ni iga antseeba ampuy. Pero yíp yomo atseáya ampuy con iixcañi. Acujicháyáya ampuy con iway.

⁴⁵ Mich da anañnacatsútsa, pero yíp yomo tsam aṇnacatsútsáya ampuy. ⁴⁶ Mich da anaccámáy aceite aṇcobacyucmi, pero yíp yomo acámáy tum frasco jém pomada jém cɨnpáppic ampuyyucmi. ⁴⁷ Jesic mannímáya iga Dios iccáyáy yíp yomo itáŋca tsam jáyaṇ. Jeeyucmi tsam pimi itoypa Dios. Pero siiga Dios iccáyáya tum pɨxiñ itáŋca dapic jutsaṇ, jesic jém pɨxiñ uxantim itoypa Dios.

⁴⁸ Jesic Jesús iñímáy jém yomo:

—Miccáyayta jém iñtáŋca.

⁴⁹ Jesic jém ityajwɨp jém mesacim con Jesús moj nanímayyajtaji entre jeeyaj:

—¿Iapaap yíp pɨxiñ iga wiap iccáyáy jém yomo itáŋca?

⁵⁰ Pero jém Jesús iñímáy jém yomo:

—Incupicne Dios jeeyucmi micɨputneum. Chogoyñicsim.

8

Jém yomtam jém iyoxpáyaajpáppic Jesús

¹ Ocmi Jesús oy joyi waṭi jém attebet y jém tiganjoj. Oy najíyooyi. Inmatpa jém wibic aṇmaṭi jutpic Dios injacpa yíp naxyucmi. Itúñiyay jém doce icuyujcɨwiñ.

² Iwagananicyajpatim jém yomtam jém mimneyajwɨp idic con jém iniitwɨp idic jém mal espíritu. Jesús icpis jém yomtam. Tum de jeeyaj jém Malía, iñiyitim Magdalena, tobayta

siete jém mal espíritu. ³ Ittim jém Xiwana, jém iwídaya iñiyi Chuzo. Jém p̄ixiñ icuyoxap jém gobernador Herodes. Ittim jém Susana. Yípyaj con w̄ati más jém yomtam icwícyajpa jém Jesús con icuyujc̄wiñ, ichiiyajpa titam iniityaj.

Dios in̄mati jex juuts jém pac jém tanyin̄páppic
(Mt. 13:1-9; Mr. 4:1-9)

⁴ Tum jama an̄tuumayajpa tsam jáyan̄ p̄ixiñtam. Putyaj de w̄ati jém attebetyaj. Miñ íamyaj jém Jesús. Jesic Jesús in̄madáy tum xutu cuento iga in̄quejáypa jém an̄tuumaneyajw̄ip. Iñímáy:

⁵ –It idic tum p̄ixiñ. Nic ñipi. Nic iyin̄ jém pac icam̄jom. Jesic mu iyin̄ jém pac, actin̄ uxan̄ tun̄jom jém cam̄naca. Jém nasyajpaap icunepnepquetyaj. Jém jon icútquetyaj.

⁶ Actin̄tim uxan̄ jém pac jém tsaan̄jom. Mu iñay, jobittim tits porque da mujajom.

⁷ Actin̄tim uxan̄ jém pac apidan̄jom. Jém apit iwagananay jém pac, ocmi ixamca.

⁸ Actin̄tim jém pac jém w̄ibic naxyucmi. Nay, w̄it̄map. Cada tumtum jém pac chióy cien.

Jesic yaj in̄mat jém cuento. P̄imi j̄iy Jesús. Iñímáy jém p̄ixiñtam:

–Siiga mitatsiḡiyta, amaton̄taami.

Tiiga in̄quejáypa jém icuyujc̄wiñ con jém xutu cuento
(Mt. 13:10-17; Mr. 4:10-12)

⁹ Jesic jém icuyujc̄wiñ icwácyaj jém Jesús ti nimtooba jém xutu cuento.

¹⁰ Jesús iñímáy:

–Dios michiñe jém j̄ixi iga w̄iap in̄jodón̄ata jém cosa anyamnetaw̄ip idic. Siip w̄iap in̄cutiñȳy j̄up̄tic in̄jacpa Dios jém ityajw̄ip ȳip naxyucmi. Pero ich anan̄quejáypa jém tungac̄pic p̄ixiñtam con ȳip xutu cuento. Jesic cuando iixyajpa, da ijodón̄ayajpa ti iixyaj. Cuando imaton̄yajpa, da icutiñȳyayajpa ti imaton̄yaj.

Jém Jesús in̄matpa ti nimtooba jém xutu cuento
(Mt. 13:18-23; Mr. 4:13-20)

¹¹ Siip manan̄madáypa ti nimtooba ȳip xutu cuento. Jém pac jém Dios in̄mati. ¹² Jém actin̄new̄ip tun̄jom jex juuts jém p̄ixiñtam jém imaton̄neyajw̄ip jém Dios in̄mati. Pero ocmi jém Woc̄c̄wiñ miñ iccáyáy in̄anam̄jom iga odoy icup̄icyajiñ, iga odoy c̄iputyajiñ.

¹³ Jém pac, jém actin̄new̄ip tsaan̄jom, jex juuts jém p̄ixiñtam cuando imaton̄ jém Dios in̄mati, agui maymay, iw̄ipictson̄yaj. Pero da p̄imi t̄ichiḡiy, da jáypa icup̄icyaj, pero cuando cutit̄stap, ichacyajpa jém an̄mati. ¹⁴ Jém pac, jém actin̄new̄ip apidan̄jom, jex juuts jém imaton̄neyajw̄ip Dios in̄mati, mojp̄a iw̄at juuts ixunpa Dios, pero da iyaach̄yipa.

Icup̄ictooba idic, pero tsam ij̄ispa iyoxacuy. Ij̄ispatim jém itumiñ con jém maymáyaj̄i. Jém j̄ixi dap̄ic w̄i ixamcaaba jém w̄ibic j̄ixi. Da w̄i t̄im̄ap. ¹⁵ Pero jém pac, jém actin̄new̄ip jém w̄ibic naxyucmi, jex juuts tum p̄ixiñ w̄i in̄ama, imaton̄pa jém Dios in̄mati, iwadáypa caso. Icup̄icpa jém an̄mati, da nunca ichacpa. W̄it̄map jém p̄ixiñ. Siempre iw̄atpa juuts ixunpa Dios.

Jesús in̄mat jém jucti icuento
(Mr. 4:21-25)

¹⁶ Jesic n̄impatim Jesús:

–Da i iñooba tum jucti iga icujappa coon̄cuc̄im o iga ichacpa tseescuc̄im. Tannooba jucti iga tantunpa yucmi iga iixixóypa jém tiḡiyppáppic. ¹⁷ Jesanetim quejpa itump̄iy cosa an̄nécne idic. Quejpatim jém dap̄ic quejne idic.

¹⁸ Wadaayi caso mimichtam, aw̄imaton̄taami. Siiga in̄w̄ipictson̄pa jém Dios in̄mati, jesic Dios michiiba jáyan̄ w̄it̄amp̄ic cosa. Pero siiga da in̄w̄ipictson̄pa jém Dios in̄mati, jesic da ti w̄iap michi Dios, más miccáyáypa jém cosa jém in̄j̄ispáppic idic iga iniit.

Miñyaj jém Jesús itiwitam con iapa
(Mt. 12:46-50; Mr. 3:31-35)

¹⁹ Jesic jém Jesús itiwitam con iapa miñyaj. Pero da wíap itigíyyaj juť it jém Jesús porque tsam itñim. ²⁰ Anmadayta Jesús:

—Miññeum jém iñapa con iñtiwítam. Jemum it anšicmi. Miixtooba. Mijíypáttooba.

²¹ Pero Jesús iñímáy jeeyaj:

—Jém icupicneyajwíip jém Dios inmati, jeam ánapa, jeam antiwítam.

Jesús icteeñajac jém sawa con jém niipoa
(Mt. 8:23-27; Mr. 4:35-41)

²² Tum jama tigiy Jesús barcojom con icuyujcwiñ. Iñímáy:

—Tanictámpa jém laguna anwiñtuc.

Jesic nicyajum barcojom. ²³ Iganam jacyajpa jém laguna, moñpa Jesús jém barcojom. Miñúcyaj cucmi jém laguna, mojum poyi jém sawa tsam pimi. Agui poobatim jém ni. Moj tigiyi ni jém barcojom hasta cumon̄toobam jém barco. ²⁴ Jesic nic ichicyusyaj jém Jesús. Nímayta:

—¡Maestro! ¡Maestro! ¡Tatogoytámpa!

Jesic yus Jesús, tsucum. Iwogáy jém sawa con jém niipoa. Iñímáy iga teeñiñ. Jesic teeñajac jém sawa con jém niipoa. Dam ti tsigóypa. ²⁵ Jesic iñímáy jém icuyujcwiñ:

—¿Tiiga da incupictámpa iga Dios wíap?

Pero agui anjécneyaj jém icuyujcwiñ. Ipoñanjamyajpa. Nacwácyajtap entre jeeyaj:

—Que iapaap yíp pxiñ iga iñímáy jém sawa iga teeñiñ y icupicpa.

Jém Gadarapic pxiñ jém iniitwíip jém mal espíritu
(Mt. 8:28-34; Mr. 5:1-20)

²⁶ Ocmi núcyaj jém naxyucmi de Gadara jém nianwiñtuc de jém Galilea. ²⁷ Jesic miquet jém Jesús jém barcojom, miñ tum Gadarapic pxiñ, icunúc Jesús. Jáyan tiempo iniit jém mal espíritu. Icusici siiba. Da puctugíy, da tigíy. Nicne iti juť cumtap tsúts. ²⁸ Mu iix jém Jesús, jém pxiñ costeññeactiñ ipuycim. Pimi anwejpá. Nimpa:

—¿Tiiga mitigíycúmpa con aichtam? Mich miJesús jém Yucmipic Dios miManic. Man̄cunucsáypa, odoy ayaachwati.

²⁹ Iñímáy jem̄pic porque Jesús iquebacputpa jém mal espíritu jém pxiñ ianamanjom. Waciy jém mal espíritu imats jém pxiñ. Jém ityajwíip jém attebet ichénayñeyaj idic ici y ipuy con cadena. Pero ijacpa jém cadena y jém tñcuy jém iñuusmatsayñewíip ipuy. Jém mal espíritu ichicpoypa jém pxiñ hasta jém t̄tsinaxyucmi. ³⁰ Jesic Jesús icwác jém pxiñ, iñímáy:

—¿Mich, i iññiyi?

Icutson. Nimpa:

—Ich aLegión.

Taich tanañmatimi nimtooba jém jáyanpic. Icn̄iya jem̄pic porque tsam jáyan iniit jém mal espíritu. ³¹ Jém mal espíritu icunucsáy Jesús iga odoy icn̄iguiñ jém m̄jpic josjom juť pajtap jém mal espíritu. ³² Jesic it idic jem̄ tsam jáyan yoya. Wícyajpa jém lumuyucmi. Jém mal espíritu iñímáy Jesús:

—Ajígaytaami iga atigíytámpa jém yoya ianamanjom.

Jesic Jesús ijígay. ³³ Jém mal espíritu ichacum jém pxiñ. Putum ianamanjom. Tigiy jém mal espíritu jém yoya ianamanjom. Jesic jém yoya póyan̄sucumyay, joobañnasyaj jém tejajyucmi. Actiñyaj jém n̄icim. Jic̄jiccayaj jém yoya.

³⁴ Jesic jém iwatyajpaap cuenta jém yoya, iixyay ti iñasca jém yoya. Tsam cɨneyaj jeeyaj. Póyan̄sucumyay. Nicpa in̄matyay jém attebet Gadara y jém ityajwɨp nocojom ti iñasca jém yoya. ³⁵ Jesic miñ iámyaj itumpiy jém pɨxiñtam ti iñasca jém yoya. Miñúcyaj jūt it jém Jesús, jūt jicjicca jém yoya, ipátyaj jém pɨxiñ jém iniitwɨp idic jém mal espíritu. Jemum coñ jém Jesús ipuycim, puctugíyum, jixíyum. Jesic tsam cɨneyaj jém pɨxiñtam. ³⁶ Jém iixyajwɨp ti iwat Jesús, in̄madayyajpa jém pɨxiñtam jém miññeyajwɨp jutsa micpista jém iniitwɨp idic jém mal espíritu. ³⁷ Jesic itumpiy jém Gadarapic pɨxiñtam tsam icɨnyajpa jém Jesús. Nímayta jém Jesús iga cáyiñ de jem. Jeeyucmi tigiy Jesús jém barcojom, eybic set jūt tsucum. ³⁸ Pero jém pɨxiñ jém iniitwɨp idic jém mal espíritu icunucsáy Jesús iga nicpa itúñiy.

Pero Jesús da ijigáy. Ipimíy iga tsíyiñ. Iñímáy:

³⁹ —Nicsim iñticcim. An̄madaayi jém iñtɨwɨtam ti miwadáy Dios.

Jesic nic jém pɨxiñ. Nic in̄mat icuwɨti jém attebet ti iwadáy jém Jesús.

Acpisyajta jém yomo jém ichigaywɨp jém Jesús iyooti
(Mt. 9:18-26; Mr. 5:21-43)

⁴⁰ Jesic setgacum Jesús jém laguna an̄wiñtuc. Jém pɨxiñtam, jém ityajwɨp jem, iwɨpictsonyay. Agui maymayyay porque itumpiy injócneyaj idic. ⁴¹ Jesic núc tum pɨxiñ iñiyi Jairo. Sinagoga an̄jagooyi jém pɨxiñ. Costeññeactɨj jém Jesús ipuycim. Iacunucsáy iga niguiñ iticcim. ⁴² Jém Jairo iniit tum iyommanic, doce iamtiy. Tsam pimi mimne jém woñi hasta caatoobam.

Iganam nicpa Jesús, tsam jáyan jém pɨxiñtam icpɨtsiyyajpa. ⁴³ It con jeeyaj tum yomo mimne doce amtɨy con jém caacuy iga quetpa iñipiñ. Jém yomo yaj miwadáy gasto itumpiy itumiñ iga iyoj jém tsóyíyoypaap. Pero da i wia micpis. ⁴⁴ Jesic jém yomo icunúc Jesús ituuñian̄cim. Ichigáy jém Jesús iyooti in̄naca. Jeeti rato teñ jém iñipiñ.

⁴⁵ Jesic acwágóypa Jesús. Nimpa:

—¿I atsic?

Nimayajpa itumpiy iga da i michic.

Jesic jém Peto con jém tun̄gac icuyujcɨwiñ iñímayyay Jesús:

—MamMaestro, tsam jáyan pɨxiñtam micpɨtsiyyajpa, micyágíypa. ¿Tiiga micwágóypa iga i michic?

⁴⁶ Pero Jesús nimpa:

—Atsicta. An̄cutiyyíy iga anacpis tum mimnewɨp con ampimi.

⁴⁷ Jém yomo iix iga cutiyyiyta. Agui cɨne, agui cuetsáypa imiñ. Costeññeactɨj jém Jesús ipuycim. Nimpa jém yomo jém pɨxiñtam iwiñjom:

—Ich mantsigáy iñyooti iga apixiñ. Jeeti rato apis.

⁴⁸ Jesic Jesús iñímáy:

—Miyomo, mipisneum porque in̄cupicne Dios. Siip chogoyñicsim.

⁴⁹ Iganam in̄químpa Jesús jém yomo, jesigam núc tum de jém Jairo iticcim. Miñ in̄madáy jém Jairo. Nímaytap:

—Caaneum jém iñyommanic. Odom más cobacpiji yíp tamMaestro.

⁵⁰ Pero cuando Jesús imaton, iñímáy jém Jairo:

—Odoy cɨji. Cupici Dios. Pispá iñyommanic.

⁵¹ Jesic núc Jesús jém Jairo iticcim, da ijic iga i tigiy. Icutum tigiy Jesús con jém Peto, Jacobo, Xiwan y jém woñi ijatun̄ con iapa. ⁵² Agui weyjajpa jém ityajwɨp jem. Pimi anyácneyaj iga caaneum jém woñi. Pero Jesús iñímáy:

—Odoy wejtaami. Da caane yíp woñi, monpa.

⁵³ Pero jém p̄ixiñtam ixiccayajpa jém Jesús porque iñuntawijodon̄ iga caaneum jém woñi. ⁵⁴ Pero jesic Jesús imatsáy jém woñi ici. P̄imi ijíyáy. Iñímáy jém woñi:

—Miwoñi, tsucumi.

⁵⁵ Jesic eybictim miñ ianama, jeeti rato tsucum jém woñi. Jesic jém Jesús iñímáy iapa iga icwíguiñ. ⁵⁶ Ipoónanjamyajpa ijatun̄ con iapa. Jesús iñímáy iga odoy i inmadáyíñ ti iñasca jém woñi.

9

Jesús icutsatpa jém doce icuyujc̄wiñ
(Mt. 10:5-15; Mr. 6:7-13)

¹ Jesic tum̄ jama jém Jesús in̄tuumawat jém doce icuyujc̄wiñ. Ichi ip̄imi iga w̄iañ̄ itop jém mal espíritu y iga w̄iañ̄ icp̄isyaj jém mimneyajw̄ip. ² Icutsat iga niguiñ̄ in̄matyaj jém an̄mat̄i jut̄pic̄ in̄jacpa Dios ȳip naxyucmi. Icutsat iga icp̄isyajiñ̄ jém mimneyajw̄ip. ³ Jesic Jesús iñímáy jém icuyujc̄wiñ:

—Odoy nan̄ictaami ni ti tun̄jom, ni imbastun, ni imbolsa, ni añi, ni tumiñ. Nan̄ictaami no más tum̄ iñyoóti. ⁴ Cuando miñúctampa tum̄ ticciim, jemum michíypa hasta miñ̄icpa tun̄gac tigan̄joj. ⁵ Siiga da i miw̄ipictson̄tampa, puttaami jém attebet. Cunebaytaami impuy iga cáyíñ̄ jém pótpót. Wattaami jemp̄ic iga in̄inquejáypa iga tsam̄ maloyaj jém ityajw̄ip jem.

⁶ Jesic moj̄ niquiyaj jém icuyujc̄wiñ, nasyajpa itump̄iy jém tigan̄joj. In̄matyajpa jém w̄ibic̄ an̄mat̄i iga taciacputtampa Dios. Jut̄quej icp̄isyajpatim̄ jém mimneyajw̄ip.

Jém Herodes da icut̄iȳȳpa iapaap jém Jesús
(Mt. 14:1-12; Mr. 6:14-29)

⁷ Jém gobernador Herodes ijodón̄a ti iwatpa Jesús. Pero da icut̄iȳȳpa iapaap jém Jesús porque n̄imyajpa algunos iga pisneum̄ jém Xiwan̄ jém it̄in̄cujagayñew̄ip̄ iisci. ⁸ Pero tun̄gac n̄imyajpa iga wiñquejne jém Elías, tun̄gac n̄imyajpa iga pisnegacum̄ tum̄ jém wiñ̄icpic̄ profeta. ⁹ Pero jém Herodes n̄impa:

—Aich̄ anyaac amp̄im̄iȳ iga t̄in̄cujagayt̄aíñ̄ iisci jém Xiwan̄. ¿Jesic iapaap ȳip̄ p̄ixiñ̄ jém ammaton̄ew̄ip̄ iga w̄iap̄ iwat̄ jáyan̄ jém w̄itamp̄ic̄ cosa?

Jesic jém Herodes agūi iixtooba jém Jesús.

Jesús icw̄icpa jém cinco mil̄ p̄ixiñtam̄
(Mt. 14:13-21; Mr. 6:30-44; Jn. 6:1-14)

¹⁰ Jesic mixetyaj jém apóstolyaj, in̄madayyaj jém Jesús ti iñascayaj. Jesic iwaganan̄icyaj jém doce icuyujc̄wiñ tun̄gac lugar jut̄ da ti id̄iȳȳ, nocojom̄ jém attebet Betsaida.

¹¹ Pero ijodón̄ayaj jém p̄ixiñtam̄ jut̄ nic̄ Jesús, jesic nic̄ icpoyyaj. Jesic Jesús ipictson̄ jém p̄ixiñtam̄. Moj̄ in̄quejáy jut̄pic̄ in̄jacpa Dios jém ityajw̄ip̄ ȳip̄ naxyucmi. Icp̄ispatim̄ jém mimneyajw̄ip̄.

¹² Jesic tsuuyim̄. Tigiytoobam̄ jama. Jém doce icuyujc̄wiñ icunúcyaj jém Jesús. Iñímayyaj:

—An̄químyaji jém p̄ixiñtam̄ iga niguiñam̄ mon̄iyaj iga niguiñ̄ imétsyaj jém w̄iccuy jém tigan̄joj y jém ranchoyaj jém ityajw̄ip̄ nocojom̄. Porque ȳim̄ da ti id̄iȳȳ.

¹³ Pero Jesús iñímáy icuyujc̄wiñ:

—Acw̄ictaami mimichtam̄.

N̄imyajpa jeeyaj:

—Da ti anaitta más que cinco caxtánañi y wisten̄ t̄ipi. ¿T̄i iñxunpa, iga nic̄pa tanjuy w̄iccuy iga tanacw̄icpa itump̄iy jém ityajw̄ip̄ ȳim̄?

¹⁴ Porque ityaj como cinco mil̄ jém p̄ixiñtam̄. Pero Jesús iñímáy jém icuyujc̄wiñ:

—Siip accoñyajì como cincuenta cada grupo.

¹⁵ Jesic jempam iwatyaj jém icuyujcìwiñ. Accoñyajtà naxyucmi itumpiy jém pìxiñtam.

¹⁶ Jesic Jesús ipic jém cinco caxtánañi y jém wisten tìipi. Ámquím sinyucmi, inwejpát Dios. Jesic mojum iwenwenjac jém caxtánañi y jém tìipi. Ichi icuyujcìwiñ, ipimíy iga ichiiyajiñ jém pìxiñtam. ¹⁷ Jesic itumpiy wícyaj, cusyajum. Ocmi ipinyaj doce nacoon jém caxtánañi y jém tìipi jém cutsíywìp.

Jém Peto inmatpa iga Jesús je jém Cristo

(Mt. 16:13-19; Mr. 8:27-29)

¹⁸ Jesic tum jama icutum tsíy Jesús con icuyujcìwiñ iga inwejpátpa Dios. Jesic acwágóypa Jesús, inímáy jeeyaj:

—¿Junimyajpa iga aìapaap aich?

¹⁹ Jesic icutsonyaj jém icuyujcìwiñ:

—Nimyajpa iga mich miXiwán jém acchíñoypaap. Tungac nimyajpa iga mich miElías. Tungac nimyajpa iga mich jém wiñicpic profeta jém písnewìp.

²⁰ Jesic Jesús eybictim icwác jém icuyujcìwiñ. Nìmpa:

—¿Mimichtam, mijunìmtámpa iga aìapaap aich?

Jém Peto inímáy jém Jesús:

—Mich miCristo jém micutsatnewìp Dios.

²¹ Pero Jesús inquím icuyujcìwiñ:

—Odoy ì anmadaayi iga icham aCristo.

Nìmpa Jesús iga accaatap

(Mt. 16:20-28; Mr. 8:30-9:1)

²² Jesic nìmtim Jesús:

—Ich, jém aMiññewìp Sinyucmi, tsam pìmi ayaachwattap. Tsam pìmi ajóyixyajpa jém wídaytam, jém panij anjagooyiyaj y jém escribaspic maestroyaj. Da awìpictsonyajpa. Ocmi accaatap, pero jém tucunajama acpìstap.

²³ Jesic Jesús inímáy itumpiy de jeeyaj:

—Siiga michtam antúnìytamtooba, jesic odoy natoytajì inyaac. Yaachìyì cuando miyaachwattap, atúnìyì. ²⁴ Pero siiga tum pìxiñ tsam itoypa ivida iga itpa yíp naxyucmi, jesic togoypa ivida. Siiga miccaatap ich ançuyucmi, jesic da togoypa imvida, micìacputtap. ²⁵ Da ti cuwatcuy siiga tum pìxiñ iniit itumpiy cosa jém itwìp yíp naxyucmi, pero ocmi caaba y togoypa ìanama. ²⁶ Siiga michaap iga ininmatpa ich ananmatì o siiga mich antsaaixpa, jesic ichgacti jém aMiññewìp Sinyucmi mantsaaixpatim cuando amiñgacpa yíp naxyucmi con jém sinyucmìpic pìxiñtam y con jém tanjatun Dios ipìmi. ²⁷ Numa mannímáypa iga algunos de mimichtam da micaaba hasta que inìxpa jutpic injacpa Dios yíp naxyucmi.

Ançacpa Jesús íamooyi

(Mt. 17:1-8; Mr. 9:2-8)

²⁸ Ocmi cuando yaj inmat Jesús, tungac ocho día, quím tum cotsicyucmi. Iwaganasiiba jém Peto, Jacobo y Xiwán. Nic inwejpát Dios. ²⁹ Jesic iganam inwejpátpa Dios, ançac jém Jesús íamooyi. Pìmi popo ipuctucu, tsam pìmi tsocpa. ³⁰ Jeeti rato núc wisten jém wiñicpic pìxiñ, jém Moisés y jém Elías, miñ inmatmatneyaj con jém Jesús. ³¹ Agui tsocpatim mex jeeyaj. Anmatyajpa con Jesús jutsap iccupac jém Dios iyoxacuy cuando accaatap Jerusalén. ³² Tsam montooba idic jém Peto con jém icompañeroyaj. Ocmi cáy jém imonji, mu iixyaj iga agui tsocpa jém Jesús íamooyi con ipuctucu y tsocyajpatim jém wisten pìxiñ jém miññewìp. ³³ Jesic iganam nìctooba jém Moisés y Elías, jém Peto inímáy jém Jesús:

—MamMaestro, agui wí iga taitpa yíim. Siip manwadaytámpa tucuten nacxtic. Tum para mimich, tum para Moisés y tum para Elías.

Jém Peto cumon ijixi. Da icutiíyíypa ti nimpá. ³⁴ Iganam jíypa jém Peto, actin tum ucsi. Inmonyaj. Jesic tsam pími cinyaj jém Peto con jém icompañeroyaj iga tsíy jém ucsucíim. ³⁵ Jesigam imatonayajpa tum jíyi jém ucsanjom. Nimpá:

—Yíbam ich amManic, jém tsampic antoypa. Matonataami ti miñímáypa.

³⁶ Cuando cuyajum jém jíyi, jesic jém icuyujcíwiñ iixyaj iga icutumtim tsíy jém Jesús. Jesic jém icuyujcíwiñ da ti ijíyyaj. Jém tiempo da i inmadayyajpa ti iixñeyaj.

Jesús icpis tum jaychixi imatsne idic jém coñxus caacuy
(Mt. 17:14-21; Mr. 9:14-29)

³⁷ Jesic tungagam jama quetyaj jém cotsicyucmi jém Jesús con icuyujcíwiñ. Tsam jáyan píxiñtam miñ imétsyaj Jesús. ³⁸ Jesic tum píxiñ pími ijíyáy jém Jesús jém píxiñtam anjucmi. Nimpá:

—Maestro, awadaayi tum favor. Aámaayi yíp ammanic porque nada más tum anait.

³⁹ Imatsne tum mal espíritu. Agui imalwadáypa. Tsam pími anwejpa. Imatspa jém coñxus caacuy. Anmoypacpa ijip. Da ichacpa, pími iyaachwatpa. ⁴⁰ Anjucnucsaytip jém inycuyujcíwiñ iga itobáyíñ jém mal espíritu, pero jeeyaj da wia mitobáy.

⁴¹ Jesic Jesús inímáy jém píxiñtam:

—A que mimichtam, ¿tiiga da inycupictámpa iga Dios wíap? ¿tiiga da incutiíyítámpa? Jáyum tawagajti con mimichtam, tsam manyaachíyum, pero hasta siip datim anjucpictámpa.

Jesic Jesús inímáy jém tsíxi ijatun:

—Namiñi yíim jém immanic.

⁴² Iganam núcpa jém jaychixi, imats jém mal espíritu. Icutin naxyucmi. Eybictim imats jém coñxus caacuy. Jesic Jesús iwogáy jém mal espíritu, itobáy. Icpis jém jaychixi. Icijunodáy ijatun. ⁴³ Agui ipooñanjamyajpa itumpiy jém ityajwíip jem, cuando iixyaj iga tsam pími wíap jém tanjatun Dios.

Jesús inmatpa eybic iga accaatap
(Mt. 17:22-23; Mr. 9:30-32)

Jesigam agui amanjacyaj jém iixñeyajwíip ti wat jém Jesús. Nimyajpa jeeyaj iga da queman tánix yicxpí cosa. Pero Jesús inímáy icuyujcíwiñ:

⁴⁴ —Wímatonataami iga odoy injaamanodiñ. Ich, jém aMiññewíip Sinyucmi, acijuncottap jém malopí píxiñtam icijom.

⁴⁵ Pero jém icuyujcíwiñ da icutiíyíyajpa ti nimpá Jesús. Dios da ijícpa iga icutiíyíyajiñ. Cinyajpa iga icwácyajpa ti nimtooba.

I tsíypa jém más mijpic anjagooyi
(Mt. 18:1-5; Mr. 9:33-37)

⁴⁶ Jesic Jesús icuyujcíwiñ moj nacwácyajtaji entre jeeyaj iga i tsíypa jém más mijpic anjagooyi. ⁴⁷ Pero Jesús icutiíyíyí ti síp ijísyaj jém icuyujcíwiñ, jesic inwejay tum xutu tsíxi. Inimiñ jut coñ Jesús. ⁴⁸ Inímáy jém icuyujcíwiñ:

—Siiga tum píxiñ iwípicsonpa tum xutu tsíxi juuts yíp tsíxi iga inquejáypa ananmatí, jesic jém píxiñ awípicsonpatim mex aich. Siiga awípicsonpa aich, jesic iwípicsonpatim jém anjatun Dios jém acutsatnewíip yíp naxyucmi. Jém píxiñ, jém dapí nacujíptap, tsíypa juuts jém mijpic anjagooyi.

*Jém dapic nicpa acontra con taich, tayoxpátpa
(Mr. 9:38-40)*

⁴⁹ Jesic jém Xiwan iñímáy Jesús:

—MamMaestro, ánixñeta tum p̄ixiñ itoppa jém mal espíritu mich iññiyimi. Jesic ananjyacta porque jém p̄ixiñ da s̄iba con taichtam.

⁵⁰ Pero Jesús iñímáy:

—Odoy anjyactaami porque jém dapic nicpa en contra de taichtam, tayoxpátpa.

Jesús iwogáy jém Jacobo y jém Xiwan

⁵¹ Jesic núcpa jém tiempo iga químgacpa s̄inyucmi jém Jesús. Duro ij̄ispa iga nicpa iccupac jém Dios iyoxacuy jemigam Jerusalén. ⁵² Jesic Jesús icutsat wisten icuyujc̄iwiñ iga niguiñ tum Samariapic attebet iga iw̄itsacpa tum tic j̄ut núcpa.

⁵³ Pero jém Samariapic p̄ixiñtam da ipictson, da ichiiba lugar porque iixyay iga nicpa Jesús Jerusalén. ⁵⁴ Jesic cuando jém icuyujc̄iwiñ jém Xiwan y jém Jacobo iix iga jém Samariapic p̄ixiñtam da ipictsonpa Jesús, n̄impa jém icuyujc̄iwiñ:

—MánQ̄mi, siiga iñxunpa, anacquettámpa jém s̄inyucm̄ipic jucti iga anactogoypa ȳip attebet. Wiaptim anwatta juuts iwat jém wiñ̄icp̄ic an̄matc̄iwiñ jém Elías.

⁵⁵ Jesic Jesús iámmats jém Xiwan y Jacobo. Iwogáy. Nímayyajt̄ap:

—Mimichtam, da in̄cut̄īȳitámpa jupp̄ic j̄ixi tanait. ⁵⁶ Ich jém aMiññew̄ip S̄inyucmi da amiñ iga anactogoypa jém ityajw̄ip ȳip naxyucmi, miñ an̄ciacput.

Ocmi nicyaj tun̄gac tigan̄joj.

*Tucuten p̄ixiñ itúñ̄ytooba idic jém Jesús
(Mt. 8:19-22)*

⁵⁷ Iganam n̄iquiyaj tun̄jom, tum p̄ixiñ iñímáy jém Jesús:

—MánQ̄mi, ich nicpa mantúñ̄ȳ. Siempre j̄ut miñ̄icpa ich an̄cpatim.

⁵⁸ Jesic Jesús iñímáy jém p̄ixiñ:

—Jém zorra iniit ij̄os j̄ut mon̄pa. Jém jon iniit ipeeñi. Pero ich, jém aMiññew̄ip S̄inyucmi, da anai j̄ut w̄iap anac̄ej an̄cobac.

⁵⁹ Jesic Jesús iñímáy tun̄gagam p̄ixiñ:

—Atúñ̄iyi.

Pero jém p̄ixiñ n̄impa:

—MánQ̄mi, ach̄īi lado iga nicpa an̄cum jém an̄jatun, jesic nicpa mantúñ̄ȳ.

⁶⁰ Jesús iñímáy jém p̄ixiñ:

—Tsaci jém caaneyajw̄ip iga nacumyajt̄ap jeeyaj. Pero mich niḡi an̄madaayi jém p̄ixiñtam jutsap in̄jac Dios.

⁶¹ Jesic tun̄gagam p̄ixiñ iñímáy:

—MánQ̄mi, ich n̄ictooba mantúñ̄ȳ, pero wiñ̄ti aj̄igaayi iga nicpa anan̄quím jém ityajw̄ip ant̄icc̄im. Jesic nicpa mantúñ̄ȳ.

⁶² Pero Jesús iñímáy:

—Siiga tum p̄ixiñ imatscunúcpa jém arado y ám̄setpa ituuñ̄ian̄c̄im, da w̄iap icuyoxa Dios.

10

ICUTSATPA Jesús jém setenta icuyujc̄iwiñ

¹ Ocmi tánQ̄mi icupin̄ setenta más icuyujc̄iwiñ. Icutsat wiswis cada attebet j̄ut jém Jesús n̄ictooba in̄mat jém Dios in̄mat̄i. Wiñ̄ti nicyajpa jém icuyujc̄iwiñ, ocmi nicpa Jesús.

² Jesic Jesús iñímáy jém icuyujc̄iwiñ:

—Como tum mijpic cosecha tsam jáyan pixiñtam icupicyajtooba jem Dios inmati. Pero da i wati jem yoxaciwiñ jem inmatyajpáppic jem Dios inmati. Siip cunucsaayi Dios iga icutsadiñ jem yoxaciwiñ iga ipinpa jem cosecha. ³ Siip nicsim. Mimichtam mijextam juuts tum mimañborrego. Siip mancutsattámpa jut it jem loboyaj. ⁴ Odoy nanictaami immoral, ni iñtumiñ accáycuy, ni tungac inciac. Odoy teeñanjaci tunjom iga algun i iñdioschiiba. ⁵ Jesic mitigiytámpa tum ticjom, wiñti dioschioytaami. Nimtaami iga: “Dios miwíwadáyíñ, miitwíip yíp ticciim.” ⁶ Siiga jemum it jem itoypáppic Dios, jesic miwíantsonpa. Pero siiga it jem ijóyixpáppic Dios, jesic da miwíantsonpa. ⁷ Jesic tsíytaami jeetim ticciim jut miwípictontamta. Siiga micwíctamtap, jesic wíctami, níctami. Wi iga yojtap jem yoxaciwiñ, wiap ipictson icoñwiyooyi. Pero odoy wíctami yim jeexic tic por tic. ⁸ Jesic miñúctámpa tum attebet jut miwípictontap, cúttaami titam michiitamtap. ⁹ Acpiistaami jem mimneyajwíip jem ityajwíip jem. Nímaytaami iga núctooba jem tiempo iga Dios injacpa jem ityajwíip yíp naxyucmi. ¹⁰ Pero cuando miñúcpa tum attebet jut da i miwípictonpa, jesic níctami calle, anmadaayi jem ityajwíip. Nímaayi: ¹¹ “Siip ancunebáypa ampuy iga antsacpa yim jem pótpót jem anaitwíip ampuyyucmi. Anwatpa jempic iga manañquejáypa iga da i awípictonta. Pero jodónataami iga manañquejaytooba idic jutsap injac Dios jem ityajwíip yíp naxyucmi.” ¹² Pero mannímaytámpa, mancuyujciwiñ, iga cuando núcpa jem jama iga Dios icipinpa jem ityajwíip yíp naxyucmi, jesic más pimi chiitap castigo jem attebet, jem dapic miwípictonta, que jem malopic attebet jem Sodoma.

*Jém attebetyaj jem dapic icupicyajpa jem Dios inmati
(Mt. 11:20-24)*

¹³ ¡Agui miuuguytim mimichtam, miitwíip jem attebet Corazín! ¡Agui miuuguytim mimichtam miitwíip jem attebet Betsaida! Jém ityajwíip jem attebet Tiro y jem Sidón da iixñeyaj jem milagro juuts siip iñixpa. Pero meega iixñeyaj, pecam ichacneyaj jem imalajixi, agui anyácneyaj iga táncáiy. ¹⁴ Pero núcpa jem jama iga Dios icipinpa jem ityajwíip yíp naxyucmi. Cuando micipintámpa, jesic michiitamtap más pimi castigo que jem wisten malopic attebet jem Tiro y jem Sidón. ¹⁵ Mimichtam, Capernaumpic mipixiñtam, tsam minicujíptamtap, iñjspa iga mininictamtap sinyucmi, pero micquetamtap hasta jem infierno.

¹⁶ Jesic Jesús iñímáy icuyujciwiñ:

—Siiga tum pixiñ mimatonpa mimichtam, jex juuts ich amatonpa. Pero siiga tum pixiñ mijóyixpa mimichtam, ajóyixpatim aich. Siiga tum pixiñ ajóyixpa aich, ijóyixpatim jem anjatun Dios jem acutsatnewíip.

Setyaj jem setenta

¹⁷ Jesic ocmi setyaj jem setenta jem icuyujciwiñ. Agui maymayyaj. Nímayjpa:

—Mánomi, wiaptim antop jem mal espíritu mich iññiyimi.

¹⁸ Jesic Jesús iñímáy:

—Ich ánix iga coñwíyta jem Wocciwiñ. Actin dende sinyucmi juuts tum majiywiñ.

¹⁹ Siip matonpaami. Manchiiba jem pimi iga wiap incunepquet jem tsañ y jem cacwi. Manchiibatim jem pimi iga incoñwíyíñ itumpiy jem Wocciwiñ ipimi iga odoy wíaiñ mimalwadáy. ²⁰ Pero odoy maymáyaataami iga wiap iñtop jem mal espíritu. Maymáyaataami iga mijaycámayñeta iññiyi sinyucmi.

*Maymay jem Jesús
(Mt. 11:25-27; 13:16-17)*

²¹ Jesic jeeti rato agui maymay Jesús porque jém Dios iAnama icmaymáya. Moj inwejpát Dios. Nimpa:

—ManJatun, itumpiy jém ityajwiip sinyucmi y naxyucmi mich immichi. Mancejíppa iga da injígáypa jém sabioyay iga icutiyyíypa jém wibic jixi. Pero agui miwí iga inchiiba jixi jém pixiñtam jém dapic nacujítpa iyaac iga wiañ icutiyyíy jém wibic jixi. Numa quejpa siip iga jempigam inwianjam.

²² Jesic Jesús inímáy jém icuyujcwiñ:

—AnJatun Dios acijunodáy itumpiy cosa. Da i ijodon japaap jém Dios iManic, jém anJatun icutum ijodon. Da i ijodon japaap jém anJatun Dios, ich, Dios aManic, anjodon. Ijodonjim jém pixiñtam, jém anquejayñewip japaap Dios.

²³ Jesic Jesús icuámsét jém icuyujcwiñ. Inímáy naps jeeyaj:

—Agui miwíttámpa porque siip inixta titam iwatpa Dios. ²⁴ Mannímáyttámpa iga jáyan jém wiñcipic profeta y jém reyyaj iixyajtooba idic titam síp inixta. Pero da wia miixyaj. Imatonyajtooba idic titam síp immatonja, pero da wia mimatonyaj.

Jém cuento de jém wibic Samariapic pixiñ

²⁵ Jesic teñchucum tum maestro de jém Israelpic anquímayooyi iga icutitpa Jesús. Inímáy:

—Maestro, ¿ti wia anwat iga ampictsonpa jém vida jém dapic cuyajpa?

²⁶ Jesic Jesús inímáy jém pixiñ:

—¿Junimpa jém Dios inmati jém jayñewip? ¿Ti immay jem?

²⁷ Jesic jém maestro de jém anquímayooyi icutson jém Jesús. Nimpa:

—Tantóyñ jém tanJatun Dios con itumpiy tánanama, con itumpiy tampimi y con itumpiy tanjixi. Tantóyñ tantíwi como taich mismo.

²⁸ Jesic Jesús inímáy jém pixiñ:

—Numa, mich anwicutson. Siiga inwatpa jempic, jesic impátpa jém vida jém dapic cuyajpa.

²⁹ Pero jém pixiñ nanquejtatooba iyaac iga da malo. Jesic eybictim icwác Jesús. Nimpa:

—¿Japaap jém antíwi?

³⁰ Jesic Jesús inmadáy yíp xutu cuento iga inquejáypa japaap jém itíwi. Inímáy:

—Tum Jerusalépic pixiñ nicpa idic naxwiñ jém atebet Jericó. Pero jém númyajpaap iteeñanjacyaj tunjom. Cunúmayayta itumpiy jém iniitwip, pimi cótsta, tsacta tunjom. Por uxa caaba. Jesic nic jém númyajpáppic. ³¹ Ocmi miñpa jeetim tunjom tum Israelpic panij. Cuando iix jém coowanewip, icuwidáy, da icunúc, nic jém panij. ³² Jesic naspatim tum Levitapic pixiñ. Iacunúc, iám jém coowanewip, icuwidáytim. ³³ Ocmi miñpa jeetim tunjom tum Samariapic pixiñ, tungac pixiñ. Mu iix jém coowanewip, iyaachanjam.

³⁴ Iacunúc jém pixiñ. Ichóyíyáy icoowaji con aceite y vino. Inmónáy puctucmi. Icuím icawajyucmi. Ininic tum ticcim jut wattap cuenta. ³⁵ Jesic tungagam jama moj niqui jém Samariapic pixiñ. Itop wisten tumiñ de plata, ichi jém tic iomi. Inímáy: “Watí cuenta yíp pixiñ. Siiga más jáyan gasto inwatpa, miñpa manyojáy cuando anaspa eybic.”

³⁶ Jesic yaj inmat jém cuento. Jesús icwác jém maestro de jém anquímayooyi, inímáy:

—¿I itíwi jém coowanewip? ¿Jupic de jém tucuten, jém nasnewip jém tunjom?

³⁷ Jém maestro inímáy Jesús:

—Jém iyaachanjamnewip, jeam itíwi.

Jesic Jesús inímáy jém pixiñ:

—Siip nicsim. Watí jempic mex mich.

Oy joyi Jesús jém Malía y Marta iticcim

³⁸ Jesic moĵgacum niq̄ui Jesús. Núc tuṅgac at̄tebet. Jemum ipát t̄um ȳomo iñ̄iyi Marta. Jém ȳomo iñ̄imáy Jesús:

—Miñ̄i miwiiq̄ui ant̄ic̄c̄im.

³⁹ Jém Marta iĵáyuc iñ̄iyi Malía. Jém jáyuc̄pic coñ̄ jém tán̄omi ipuyc̄im iga imatoṅpa jém iṅmaṭi. ⁴⁰ Pero jém Marta tsam jáyaṅ mandajo iniit. Iacunúc Jesús, iñ̄imáy:

—¿Mán̄omi, que da iṅwadáypa caso iga da ayox̄pátpa jém anjáyuc? Atsacne aṅcut̄um con jáyaṅ mandajo. Cutsaṭi jém anjáyuc iga ayox̄pádiñ̄.

⁴¹ Jesic Jesús iñ̄imáy jém ȳomo:

—Marta, Marta, mich tsam iṅwadáypa caso. Agui iniit s̄ip̄ jém cobac̄p̄iji. ⁴² W̄i iga taṅwadáypa caso de t̄um cosa no más. Jém Malía ipátne jém w̄ib̄ic cosa iga imatoṅpa ich anaṅmaṭi. Da i w̄iap̄ iccáyáy.

11

*Jesús iṅquej̄ jut̄pic tanaṅwejpáttámpa Dios
(Mt. 6:9-15; 7:7-11)*

¹ Jesic t̄um jama it̄id̄ic Jesús con icuyujc̄iwiñ̄, iṅwejpátpa Dios. Cuando yaj̄ iwat oración jém Jesús, t̄um jém icuyujc̄iwiñ̄ iñ̄imáy:

—Mán̄omi, aṅquejaytaami iga w̄iañ̄ anaṅwejpátpa Dios juuts jém Xiwan, jém ac̄h̄iṅoypaap, iṅquej̄áy jém icuyujc̄iwiñ̄.

² Jesic Jesús iñ̄imáy jém icuyujc̄iwiñ̄:

—Cuando in̄iṅwejpáttámpa Dios, niṁtaami ȳiimp̄ic:

Man̄Jat̄uṅ Dios, miit̄w̄ip̄ siṅyucmi.

Agui cuáyñe mich iñ̄iyi.

W̄i iga míñiñ̄ jém jama iga in̄iṅjacpa ȳip̄ naxyucmi.

Waṭi ȳip̄ naxyucmi juuts mich iṅw̄ian̄jam, juutstim iṅwatpa siṅyucmi.

³ Achiitaami cada jama titam aṅcut̄támpa.

⁴ Awadaytaami perdón jém ant̄añca juutstim aichtam aṅwadayñeta perdón jém amalwadayñew̄ip̄.

Awattaami cuenta iga odoy i w̄iañ̄ acut̄it̄sta iga acmalwattámpa.

⁵ Jesic Jesús iñ̄imáȳtim icuyujc̄iwiñ̄:

—Siiga t̄um de mimichtamp̄ic iniit t̄um amigo, nicpa iñ̄ám tsuuc̄im, iñ̄imáȳpa:

⁶ “Amigo, acc̄aci tucuten̄ caxtánañi. Yaguiñ̄ núc ant̄ic̄c̄im t̄um ánamigo. Da ti anañ̄ iga anacw̄icpa.” ⁷ Pero jém it̄w̄ip̄ tic̄jom micutson̄pa, niṁpa: “Odoy awadaaȳi molestia. S̄ip̄ aṅpajneum ant̄ic. Awagam̄oṅtámpa con amman̄ictam. Da w̄iap̄ antsucum iga manchiiba

algun ti.” ⁸ Mannimáȳpa, jesic teguet tsucumpa jém iñ̄amigo iga michiiba jém caxtánañi. Pero da porque tsam mitoypa. Michiiba porque da iñ̄chacpa iga iṅwadáypa molestia.

Duro iṅwágáypa hasta que michiiba it̄ump̄iȳ juuts iñ̄xunpa. ⁹ Jeeyuc̄m̄im annimaytámpa iga wágaytaami Dios, jesic michiiba titam mitogóyáy. Métstaami jém w̄itamp̄ic cosa, impáttámpa. Ticstaami jém puerta, míñáyaȳtap.

¹⁰ Porque jém iwágaypápp̄ic, chiit̄ap. Jém iméts̄pápp̄ic, ipát̄pa. Jém it̄ics̄paap̄ jém puerta, aṅáyaȳtap.

¹¹ Mimichtam, siiga imman̄ic miwágáypa t̄um caxtánañi, ¿que iñ̄chiiba t̄um tsa? Siiga miwágáypa t̄um tiip̄i, ¿que iñ̄chiiba t̄um tsañ̄? ¹² Siiga miwágáypa t̄um cánpu, ¿que iñ̄chiiba t̄um cacw̄i? ¹³ Michtam, tsam mimalo, pero iñ̄jodoṅ jutsap̄ iñ̄chi imman̄ictam t̄um w̄ib̄ic xaja. Pero tan̄Jat̄uṅ Dios, jém it̄w̄ip̄ siṅyucmi, da malo; ichiiba jém Dios iñ̄ama jém iwágaypápp̄ic.

*Nim̄yajpa iga Jesús iniit acuerdo con jém malop̄ic espíritu in̄jagooyi
(Mt. 12:22-30; Mr. 3:20-27)*

¹⁴ Tum jama Jesús itop tum mal espíritu. Jém mal espíritu iumawatne idic tum p̄ixiñ. Da w̄iap ij̄iy. Pero cuando topta, mojum j̄iyi jém uma. Itump̄iy jém p̄ixiñtam, jém it̄yajw̄iip jem, agui ipooñanj̄amyaj. ¹⁵ Pero algunos jém it̄yajw̄iip n̄im̄yaj:

—Ȳip p̄ixiñ w̄iap itop jém mal espíritu porque iniidáy jém Beelzebú ip̄imi, jém malopic espíritu in̄jagooyi.

¹⁶ Tun̄gac jém it̄yajw̄iip icutitsyajpa jém Jesús. N̄im̄ayt̄ap:

—An̄quejaayi tum milagro. An̄quejaayi tum seña iga quej̄iñ iga Dios micutsatne.

¹⁷ Pero Jesús ijodon̄ ti s̄ip ij̄isyaj. In̄im̄áy:

—Siiga tum gobierno nawécyajt̄ap, an̄ayajpa entre jeeyaj, jesic nayajyajt̄ap. Siiga nawécyajt̄ap jém it̄yajw̄iip tum ticc̄im, an̄ayajpa, jesic nayajyajt̄ap. ¹⁸ Jemp̄ictim in̄ascaaba jém Woc̄c̄iwiñ siiga nawécyajt̄ap entre jeeyaj, an̄ayajpa, jesic da jáȳpa cuyajpa. Mann̄im̄áypa jemp̄ic porque miñ̄mtámpa iga w̄iap antop jém mal espíritu porque ich anait̄ jém Beelzebú ip̄imi. ¹⁹ Siiga ich antoppa jém mal espíritu con jém Beelzebú ip̄imi, ¿jesic mich in̄cuyujc̄iwiñ, ī ichiiba jém ip̄imi iga itoppatim jém mal espíritu? Jeeyaj iyaac min̄quejáȳpa iga mij̄ixitogoyñeta. ²⁰ Siiga antoppa jém mal espíritu con jém Dios ip̄imi, jesic tsam̄ w̄iquejpa iga núcneum jém tiempo iga Dios in̄jacpa ȳip naxyucmi.

²¹ Siiga tum p̄ixiñ tsam̄ p̄imi iwatpa cuenta jém itic con jém espada y jém lejon, da ī w̄iap in̄umáy jém iniitw̄iip iticc̄im. ²² Pero siiga miñ̄pa tun̄gac p̄ixiñ más p̄imi iga an̄ayajpa con jém tic iomi y icoñw̄iypa, jesic iccáyáypa jém iespada y jém ilejon, jém ij̄ispáppic idic jém tic iomi iga nacupujt̄ap. W̄iap itobáyáy itump̄iy jém iniitw̄iip. Nicpa iwéc con jém it̄iw̄itam.

²³ Jesic n̄im̄tim Jesús:

—Jém dapic awaganayox̄a aich, iwatpa en contra. Jém dapic ayoxpátpa iga anan̄tuum̄awatyajpa jém p̄ixiñtam, je más aquepquebáyáypa.

Miñ̄gacum eyb̄ic tum mal espíritu

(Mt. 12:43-45)

²⁴ Put tum mal espíritu tum p̄ixiñ in̄anaman̄jom. Siiba jém titsinaxyucmi. Iméts̄pa jut̄ jeypa. Pero da ipát. N̄im̄pa iga: “Eyb̄ic asetpa jém ticc̄im jut̄ aput.” ²⁵ Jesic mu ixetum, ipát jém p̄ixiñ juuts tum tic petneum y w̄itsacneum. ²⁶ Jesic inimiñ siete espíritu más p̄imi malo. Nic̄ itiyaj jém p̄ixiñ in̄anaman̄jom. S̄ip más p̄imi malo que wiñ̄ti.

W̄iit̄pa jém icup̄icneyajw̄iip jém Dios in̄m̄ati

²⁷ Cuando naj̄yóypa Jesús, p̄imi j̄iypa tum yomo jém p̄ixiñtam an̄cucmi. Jém yomo in̄im̄áy jém Jesús:

—Agui w̄iit̄pa jém yomo jém micnayw̄iip, jém mic̄tsútsw̄iip iga mic̄tsam.

²⁸ Pero Jesús in̄im̄áy jém yomo:

—Más w̄iit̄pa jém imaton̄páppic jém Dios in̄madayooyi y iwatpa juuts in̄im̄áypa.

Wágaȳta Jesús iga iwadiñ tum milagro

(Mt. 12:38-42; Mr. 8:12)

²⁹ Jesic jém p̄ixiñtam tsam̄ icutuum̄acayaj jém Jesús. Moj j̄iyi Jesús. N̄im̄pa:

—Tsam̄ malo jém it̄yajw̄iip s̄ip porque awágáypa tum milagro iga anan̄quejáȳiñ iga Dios acutsatne. Pero Dios iwatpa no más tum señal juuts jém iwadayñew̄iip jém profeta Jonás.

³⁰ Dios iwadáy jém Jonás tum señal iga jém N̄inivepic p̄ixiñtam w̄iain̄ iixyaj. Jesaptim aich jém aMiñ̄new̄iip S̄inyucmi ats̄iy juuts tum señal para jém it̄yajw̄iip s̄ip. ³¹ Jesic cuando núcpa jém jama iga Dios ic̄iip̄iñpa itump̄iy jém p̄ixiñtam, miñ̄pa jém an̄tsaps̄aum̄ipic reina. Tsucumpa iga iquejajwadáypa jém p̄ixiñtam jém it̄yajw̄iip s̄ip. Porque juumi miñ̄ jém yomo iga imaton̄pa jém an̄jagooyi jém Salomón̄ ij̄ixi. Pero ȳim̄ it con mimichtam tum

más mijpic anjagooyi que jém Salomón, pero michtam da inçupictámpa. ³² Cuando núcpa jém jama iga ciiþínóypa Dios, tsucumyajpa jém Nínivepic pxiñtam. Iquejajwadayajpa jém ityajwip sip. Porque jeeyaj ichacyaj iga imalwatpa cuando najíyóypa jém Jonás. Sip yim it con mimichtam tum profeta más wíapaap que jém Jonás, pero michtam da inçhactámpa jém malajixi.

Jém wibic jucti
(Mt. 5:15; 6:22-23)

³³ 'Da i iñooba tum nooquejucuy iga ichacpa jut da i iixpa ni tum cajoncucim. Pero accámtaþ yucmi iga ixixóyiñ jém tigiyápápic. ³⁴ Jém tánixcuy juuts tum wibic jucti antsoca. Siiga wi jém tánixcuy, jesic itumpiy jém tammijtay it jém wibic jucti antsocajom. Pero siiga da wi jém tánixcuy, itumpiy jém tammijtay cupiichane. ³⁵ Wati cuenta jém jucti jém iniitwip iga odoy tsiiyiñ juuts piichi. ³⁶ Siiga itumpiy jém immijtay it jém wibic jucti antsocajom, da i ni uxaj piichi, tsam wiquejpa cuando tum nooquejucuy yicquejóypa con jém ichoça.

Jesús iwogáy jém fariseoyaj y jém escribaspic maestroyaj
(Mt. 23:1-36; Mr. 12:38-40; Lc. 20:45-47)

³⁷ Ocmi cuando yaj anmatí Jesús, tum fariseopic pxiñ inwejay iga nicpa wiiqui iticim. Jesic tigiy Jesús, coñ jém mesacim. ³⁸ Pero agui ámanjac jém fariseo porque iix iga Jesús da iche ici antes que wícpa juuts nimpa jém fariseoyaj icostumbre. ³⁹ Pero tánomi Jesús inímáy jém fariseo:

—Mimichtam mifariseopic, inçujicháypa jém imvaso y jém inçhima iyucwiñ, pero inçanamanjom tsam it nuumi con jáyan malopic jixi. ⁴⁰ Mimichtam, tsam micuixitam. Siiga inçodon iga Dios miwadáy jém inçi, çtiiga da inçispa iga Dios miwadáytim jém inçanama? Dios iwianjam iga cuáyñeiñ inçi, pero más iwianjam iga cuáyñeiñ inçanama. ⁴¹ Siiga inçhiiba tum limosna jém yaachayajpaap porque wibic jixi iniit inçanamanjom, jesic quejpa iga micuáyñeum inçcutero.

⁴² 'Agui miuuguytim mifariseopic mipixiñtam. Inçhiitámpa Dios jém inçdiezmo de jém yerba buena, de jém ruda y itumpiy jém inçnipñibooyi. Pero da inçjistámpa iga inçyoxpáttámpa jém inçtiwitam jém yaachayajpápic. Datim inçjistámpa iga inçtoytámpa Dios. Wi iga inçyoxpátpa jém inçtiwitam y inçtoypa Dios y odoy inçhaguiñ iga inçhiiba Dios jém inçdiezmo.

⁴³ 'Agui miuuguytim, mifariseopic mipixiñtam, porque inçcusúnyypa jém más wibic coñcuy jém sinagoga. Tsam inçwianjamtim iga itumpiy jém pxiñtam midioschiiyajpa calle.

⁴⁴ 'Agui miuuguytim miescribaspic mimaestrotam y mifariseopic mipixiñtam. Inçyaac minimigóyaytap. Inçiwatpa tanca jém tantiwitam porque ijisyajpa iga wibic mipixiñtam, pero tsam malo inçanama. Mimichtam mijex juuts tum tsútsijos. Da iixyajpa jém pxiñtam, wityajpa jém tsútsucumiyucmi, pero da ijodonjay.

⁴⁵ Jesic tum maestro de jém Israelpic ançquímayooyi inímáy Jesús:

—Maestro, cuando miñimpa jempic, jesic mich anançímaycúmpa aichtam.

⁴⁶ Pero Jesús inímáy jém pxiñ:

—Agui miuuguytim mimichtam. Tsam inçinçodíypa jém inçinçquímayooyi, je puro inçjixquiimi. Sip inçictsimatámpa jém tantiwitam con jém inçinçquímayooyi. Da iciyyajpa. Pero mimichtam da inçcuyagíyáypa jém inçimi con tum inçwayci iga inçyoxpátpa.

⁴⁷ 'Agui miuuguytim mimichtam, inçwattámpa jém mijpic monumento jut cumyajta jém wiñcpic profeta. Pero jém wiñcpic inçtúmmitam iccaayaj jeetim profeta. ⁴⁸ Jesic quejpa iga inçwianjam ti iwatyaj jém wiñcpic inçtúmmitam. Jeeyaj iccaayaj jém wiñcpic profeta,

mimichtam inwattámpa jém monumento juť cumyajta. Quejpa iga iniit de acuerdo con jém wiñicpic iñtúmmítam.

⁴⁹ Jeeyucmi nimpá Dios, jém tsampic jixiíy: “Ancutsat jém profetayaj y jém apóstolyaj, pero jém malopic pixiñtam iccaayaj algunos, tungac icpóyiyajpa.” ⁵⁰ Pero mimichtam, miitwip sip, Dios michiitámpa tsam mijpic castigo. Michégaytámpa iñipiñ iga accaayajta itumpiy jém Dios iprofetayaj dende watnetá yíp mundo. ⁵¹ Mimichtam, miittanwip, michégaypa iñipiñ itumpiy jém anmatciwiñ dende jém mojawip iccaata, jém Abel, hasta jém Zacarías, jém accaanetawip jém altar incucmi con jém santuario jém mijpic masticjom.

⁵² Agui miuuguytim miccuyujoyapaap de jém Israelpic anquímayooi. Ininéc támpa jém Dios inmati iga jém Israelpic pixiñtam odoy wiañ icutiyyaj. Mimichtampic da incutiyyatámpa jém Dios inmati, da iñjigaytámpa jém Israelpic pixiñtam iga wiañ icutiyyaj.

⁵³ Jesic yaj anmati Jesús. Put jém ticjom. Jém escribaspic maestroyaj con jém fariseoyaj tsam ijóiyajpa Jesús. Jesic icwacyajpa Jesús jáyan cosa iga icutitsyajpa. ⁵⁴ Tsam icunumyajpa. Inmattopyajpa jém Jesús iga wiañ iquejajwadayyaj.

12

Jém malopic anquímayooi jex juuts jém levadura

¹ Ocmi anuumayajpa tsam jáyan pixiñtam hasta napitsyajta. Jesic moj inmadáy Jesús jém icuyujciwiñ. Nimayyajta:

—Cuidado. Odoy cupici jém fariseopic inquímayooi. Porque mimigóyáypa hasta namigóyayta iyaac. Jáyanap jém malopic anquímayooi jex juuts jém levadura icpípa jém jaapi. ² Porque Dios inquejpa itumpiy jém jixi jém inyamneyajwip. Jodonatap itumpiy jém jixi jém anécnetawip. ³ Itumpiy jém anmati jém ininmatnewip piichcim, matontap juctiantsoajom. Jém anmati jém miyamnimnewip ticjom, juť wianpajne, anmattap tigançobac jém yucmipic piso.

Tañcñiñ Dios porque je wíap tachi castigo (Mt. 10:26-31)

⁴ Manamigotam, mannímáypa iga odoy cñtaami jém pixiñtam jém miccaatampáppic. Porque ocmi da ti wíap miwadáy. ⁵ Pero mannímáypa i wíap inçñ, cñtaami Dios porque despues de que micaaneum, wíap micnic jém juctjom juť da nunca píchpa, juť impictsonpa incastigo. Numa mannímáypa, cñtaami Dios.

⁶ Máytap cinco xuxut jon por wisten tumiñ. Pero Dios ijspa jém xutu jon iga iwatpa cuenta. ⁷ Dios ijodon juten inway iniit incobacyucmi. Jeeyucmi mannímaytámpa: Odoy cñtaami. Porque Dios tsam miwíwattámpa cuenta. Mítoytámpa más que jém xuxut jonyaj.

Jém Cristo ipictsonpa jém ipixiñtam (Mt. 10:32-33; 12:32; 10:19-20)

⁸ Nimpatim Jesús:

—Siiga ininmadáypa jém iñtíwítam iga mich incupic iga Dios acutsat yíp naxyucmi, jesic cuando miñúcpa sinyucmi, mampictsonpatim jém sinyucmipic pixiñtam iwiñjom. ⁹ Pero siiga tum pixiñ inécpa iga acupicne, jesic ich anañécpatim jém sinyucmipic pixiñtam iwiñjom.

¹⁰ Siiga tum pixiñ amalnimáypa aich, jém aMiñnewip sinyucmi, wadayta perdón. Pero siiga tum pixiñ imalnimáypa jém Dios iAnama, da nunca i iwadáyapa perdón.

11 'Cuando mininictamtap iga miquejajwadaytamtap jem juezcim, jem anjagooyicim, o jem sinagoga, jesic odoy jistaami jutpic incutsonampa o jutpic minicupujtamtap. 12 Porque cuando nucpa jem rato iga incutsonpa, jesic Dios iAnama michiiba jixi jutpic incutsonpa.

Siiga pimi iñtoypa iñtumiñ, da wiap iññuc jut it Dios

13 Tum pixiñ iñimáy Jesús:

—Maestro, nimaayi jem anachi iga awégayin jem anjatun imichi jem atsagayñetawip.

14 Pero Jesús iñimáy jem pixiñ:

—Mipixiñ, ¿i accámne como ajuez o awégoypaap para mimichtam?

15 Nintim Jesús:

—Wadaayi caso mich iñyaac iga odoy incusuniyiñ jáyan cosa. Da tanaitpa tamvida iga jáyan cosa tanaitpa.

16 Jesic Jesús inmadáypa tum xutu cuento iga inquejáypa jem pixiñtam. Iñimáy:

—It idic tum ricopic pixiñ. Agui jáyan cosecha chióy jem iñas. 17 Jesic moypa ijis jem rico. Nimpa: “¿Ti wiap anwat? Da anai jut anaccáypa jem an cosecha.” 18 Jesic ijis ti wiap iwat. Nimpa: “Anjodon ti anwatpa sip. Ammiswatpa jem antic jut anaccáypa jem an cosecha. Anwatpa tungac más mijpic. Jemum wiap anaccáy itumpiy jem an cosecha con itumpiy jem anaitwip. 19 Jesic anjista ananamanjom: Sip anait wiccuy y titam ansunpa para jáyan amtay. Sip ajeypa, awicpa, aucpa, amaymáypa.” 20 Pero Dios iñimáy jem rico: “Agui micuxi, ¿que da injodon iga yibam tsuu micaaba? ¿Jesic jem iniccáyñewip, i iñchagáypa?”

21 Jesic yaj inmat jem xutu cuento, Jesús iñimáy jem icuyujcwiñ:

—Jempigam iñascaaba jem pixiñ jem in tuumawatpáppic itumiñ para je iyaac. Tsam pimi yaachap cuando caaneum porque da wiap ininic jem itumiñ, datim nucpa jut it Dios.

Dios iwatpa cuenta jem icupicneyajwip

(Mt. 6:25-34)

22 Ocmi Jesús iñimáy icuyujcwiñ:

—Mannimáytaampa iga odoy wadaayi caso iga miwittamiñ. Odoy wadaayi caso iga iniittamiñ jáyan inwiccuy o impuctucu. 23 Jem invida más vale que jem inwiccuy. Jem immijtay vale más que jem impuctucu. 24 Jistaami jem jonyaj. Da ñippa, da ichicpa, da inii jut iccáypa jem cosecha, pero Dios icwicpatim. Numa, mimichtam más mivale que jem jonyaj. 25 Siiga pimi iñjista, da wiap iñyon ni tum quipsi más. 26 Siiga da wiap inwat tum cosa dapic jutsan iga pimi iñjista, ¿tiiga inwadáypa caso iga jut impicpa jem inwiccuy con jem impuctucu?

27 Jistaami jutpic mijap jem wibic moya jem lirio. Da yoxap ni da pitpa. Pero mannimáyta ni jem rey Salomón cuando tsam wicuyajne, da ictsíypa jem wibic moya. 28 Dios iwiaaccuyajpa jem moya, pero da jáypa xichpa, nooquettap. Jeeyucmi mannimáyta: Cupici iga Dios wiap miwatta cuenta. Michiiba titam mitogóyay. 29 Odoy wadaayi caso jut impicpa titam incútpa y titam iñucpa. Odoy jisi titam mitogóyay. 30 Itumpiy jem pixiñtam icuwiñti yip naxyucmi imétsyajpa titam icútyajpa. Pero mimichtam injatun ijodon titam mitogóyay. 31 Meetsi wiñti jut injacpa Dios, jesic ocmi Dios michiiba titam mitogóyay.

Jutsap tanaccáy tantumiñ sinyucmi

(Mt. 6:19-21)

32 'Odoy cñtaami. Mimichtam mamborregotam. Da miwatitam, pero tanjatun Dios iwianjam iga mimichap iga minjacpa. 33 Maytaami titam iniitta iga wiañ iñchiita jem tumiñ jem yaachayajpáppic. Watí jem Dios iyoxacuy con jem iñtumiñ. Jempam iniccáypa

jém iñtumiñ siñyucmi jut da nunca yajpa. Jém númpaap da wíap itigiy. Jém wechi da wíap ictogoy. ³⁴ Porque jut it jém iñriqueza, jemum ittim jém iñanama.

Ittaami listo porque miñgacpa jém Jesucristo

³⁵ 'Ittaami listo mimichtam juuts tum pxiñ iyoxaciwiñ. ³⁶ Injócaypa iomi. Oy siñaji jut añcoomíyoyñiñmpa. Setpa tsuucim. Jesic da moñpa jém iyoxaciwiñ. Jicsciy íñáypa jém puerta cuando iticspa jém iomi. ³⁷ Agui maymay jém yoxaciwiñ siiga da moñpa cuando setpa jém iomi. Numa mannímáypa iga jém iomi tsam itoypa jém iyoxaciwiñ. Mojpa iwat wíccuy jém iomi, icwícpa jém iyoxaciwiñ. ³⁸ Siiga núcpa cugaptsu o hasta cuquejacim y da moñpa jém iyoxaciwiñ, jesic agui maymayyaj jeeyaj porque jém iomi pimi iwíixpa.

³⁹ Jesic nimitim Jesús:

—Cutíyiytaami, siiga tum pxiñ ijodon juchis hora núcpa jém númpaap, jesic da moñpa jém pxiñ. Da ichacpa jém itic iga cunúmaytaiñ. Jesaptim mimichtam. ⁴⁰ Ittaami listo cuando ich, jém aMiññewiip Siñyucmi, amiñgacpa yíp naxyucmi. Porque cuando ninyajpa iga da amiñpa, jesigam amiñpa.

Jém malopíc mayordomo y jém wibic (Mt. 24:45-51)

⁴¹ Jesic Peto icwác Jesús. Iñímáy:

—Mánomi, ¿tiiga iniñmat yíp xutu cuento, para aichtam o para itumpiy jém pxiñtam?

⁴² Jesic tánomi iñímáy:

—Siip manañquejáypa iapaap jém wibic mayordomo jém icutíyypáppic. It idic tum pxiñ iccám iga mayordomo tum jém iesclavo iga injacpa itumpiy jém imozoyaj. Iwécpatim jém wíccuy. ⁴³ Agui maymay jém mayordomo siiga iwatpa juuts ipimíy jém iomi cuando miñgacpa. ⁴⁴ Numa mannímáytañpa iga jém iomi iccampa jém pxiñ juuts tum anjagooyi iga injacpa jém iñas y itumpiy jém iniitwíip. ⁴⁵ Pero siiga jém mayordomo ijispa iga da jobit setpa jém iomi, jesic mojpa imalwadáy jém imozoyaj jém pxiñtam y jém yomtám. Moj wíiqui jém mayordomo. Moj uqui hasta uquiap. ⁴⁶ Ocmi núc jém jama iga set jém iomi. Pero jém mayordomo da injócne. Ni da ijodon juchis núcpa jém iomi. Jesic mu iñúc jém iomi, itoppa jém pxiñ. Ichiiba miñpíc castigo con itumpiy jém dapic injócneyaj.

⁴⁷ 'Siiga tum esclavo iwíjodon ti ixunpa jém iomi pero da iwatpa ni da icupícpa, jesic jém iomi pimi ichiiba castigo. ⁴⁸ Pero jém pxiñ jém dapic icutíyíypa ni da ijodon ti ixunpa jém iomi, siiga imalwatpa jém pxiñ, jém iomi ichibatim castigo, pero da más pimi. Siiga tum pxiñ iwícutíyíypa itumpiy jém Dios inmatí, jesic Dios iwíañjam iga iwadiñ itumpiy juuts je ixunpa. Siiga jáyan jixi michiiba Dios, jesic je ixunpa iga más injcuyoxaiñ.

Nawecyajtáp jém pxiñtam jém Jesús icuyucmi (Mt. 10:34-36)

⁴⁹ Nimitim Jesús:

—Ich anamiñ yíp naxyucmi tum wibic jixi. Pero da ipictsonyajpa itumpiy jém pxiñtam. Jém malopíc pxiñtam tsam ijóyixyajpa jém iwípictsonyeyajwíip jém wibic jixi. Tsam nawécyajtáp jém pxiñtam. Siip agui ansunpa iga núguiñ jém tiempo cuando mojpa nawécyajtaji. ⁵⁰ Ich amiñ iga ampictsonpa jém yaachaji. Tsam pimi anyácne hasta que cupacpa ti ixunpa Dios. ⁵¹ Odoy jisí iga ich amiñ iga anañiyjacpa jém áñayajpáppic. Porque ich añcuyucmi nawécyajtáp jém ityajwíip yíp naxyucmi. ⁵² Dende siip tsucumpa iga nawécyajtáp. Siiga ityaj cinco pxiñ tum ticcim, jesic jém tucutenpíc áñayajpa con wisten. ⁵³ Jém pxiñ áñayajpa con ijaymanic. Jém yomo áñayajpa con iyommanic. Tunyac yomo áñayajpa con ixaqui.

Jém seña tanquejáypa ti miñpa
(Mt. 16:1-4; Mr. 8:11-13)

⁵⁴ Jesús iníimáypatim jém p̄ixiñtam:

—Mu iníix iga químpa jém ucsi an̄ñisaumi, miñimtámpa iga miñtooba tuj. Numa miñpa.

⁵⁵ Cuando poypa jém tsapsawa, miñimtámpa iga miñpa p̄iji. Numa miñpa. ⁵⁶ Odoy namigóyaytaji. In̄jodon̄ ti miñpa cuando in̄ixtámpa jém ucsi y in̄jampa jém sawa. Jesic cuando in̄ixpa jém milagro jém sīppic an̄watpa, ¿tiiga da in̄cutīyíypa iga núcum jém tiempo iga Dios in̄jacpa yíp naxyucmi?

W̄inanigaayi jém mijóyixpáppic
(Mt. 5:25-26)

⁵⁷ ¿Mimichtam, tiiga da w̄iap in̄cip̄inta jup jém malopic y jup jém w̄ibic? ⁵⁸ Jesic siiga mijóyixpa tum p̄ixiñ y miñwejáypa jém an̄jagooyicim iga miquejajwadáypa, jesic w̄itsaci jém asunto antes que miñúctámpa jém an̄jagooyicim. Jesic da miñúctámpa jém juezcim. Porque siiga miñúctámpa jém juezcim, jesic jém juez mic̄ijun̄cotpa jém policía ic̄ijom. Jém policía micotpa cárcel. ⁵⁹ Mannímáypa iga da miputpa hasta que yajpa in̄yoj.

13

W̄i iga tantsacpa jém malajixi

¹ Jesic jeetim tiempo núcyaj algunos jém p̄ixiñtam iga in̄madayyajpa Jesús tum asunto. N̄myajpa:

—Jém an̄jagooyi Pilato icca jut̄en jém Galileapic p̄ixiñ. Accaayajta jem̄tim jut̄ iwat sacrificio, mot jém in̄ipiñ con jém an̄imat in̄ipiñ.

² Jesic Jesús iníimáy:

—¿Tiiga in̄j̄spa iga yípyaj más p̄imi táncaíy que itumpiy jém Galileapic p̄ixiñtam?

³ Siiga mimichtam da in̄chactámpa jém malajixi, jesic mitogoytámpatim in̄tumpiytam.

⁴ Danam más pecam caayaj dieciocho p̄ixiñ cuando act̄ij jém torre jém atebet Siloé, icuchijquetyaj. Odoy j̄staami iga jém caaneyajw̄ip más táncaíy que itumpiy jém ityajw̄ip Jerusalén. ⁵ Mannímáypa siiga mimichtam da in̄chactámpa jém malajixi, jesic mitogoytámpatim in̄tumpiytam.

Jém tsuj jém dapic tím̄ap

⁶ Jesic Jesús in̄mat̄im yíp xutu cuento iga in̄quejáypa jém p̄ixiñtam. Iníimáy:

—It idic tum p̄ixiñ iniit tum finca de uvas. Jém uvasan̄jom ñiptatim tum tsuj. Cuando núc ititempo, n̄cpa iám siiga tím̄aneum jém tsuj, pero da tím̄ap. ⁷ Jesic jém nas iomi iníimáy jém iwatpáppic cuenta jém uvas: “Cada āmtiy miñpa ammésáy jém tsuj itim, pero da ampadáypa. Sīp iniitum tres āmtiy, da queman tíma jém tsuj. Sīp w̄iti jém tsuj. Anxajañpne.” ⁸ Jém iwatpáppic cuenta jém nas iníimáy jém iomi: “Mánomi, tsacinam yíp āmtiy. Ampuusáypa jém nas, an̄codáypa abono. ⁹ Siiga tím̄ap, it w̄i. Siiga datim tím̄ap, jesic tan̄witquímpam.”

Acp̄ist̄a tum yomo cómne ituuñi

¹⁰ Tum jejcuyjama accuyujóypa Jesús jém sinagoga jut̄ icuyujcayajpa jém Dios in̄mat̄i.

¹¹ Jemum it tum yomo. Mimne dieciocho āmtiy. Tum mal espíritu iccómáy ituuñi. Da w̄iap in̄umteñ. ¹² Cuando iix Jesús, in̄wejáy jém yomo. Iníimáy:

—Miyomo, sīp Dios mic̄ispa. Mictsacpa jém caacuy.

¹³ Jesic Jesús ichiccunúc jém yomo. Jeeti rato numtsíy jém ituuñi. Jém yomo moj icujíp Dios. ¹⁴ Pero agui jóy jém sinagoga injagooyi iga acpisóypa jém Jesús jém jejcuyjama. Iñímáy jém ityajw#p jem:

—Tanait seis día iga tayoxap. Miñi minicpistaji jém yoxacuyjama. Odoy miñi jém jejcuyjama.

¹⁵ Jesic tánQmi iñímáy jém anjagooyi:

—Tsam minimigóyaytap. Siiga níctitspa jém imbuey o imburro jém jejcuyjama, jesic tienes que injwipja, nicpa inicníc. ¹⁶ Yíp yomo taich yomo, jém Abraham iocmanic. Jém Wocciwiñ icmatsne idic yíp caacuy dieciocho amtíy. ¿Tiiga da wiap tanaccutsigáy yíp yomo de jém caacuy jém jejcuyjama?

¹⁷ Jesic cuando imatonyaj ti nim Jesús, pimi tsaayaj jém dapic iwixyajpa Jesús. Pero los de más jém pixiñtam agui maymayyaj mu iixyaj ti iwat Jesús. Iwanjamyaj jém wibic milagro.

Jesús inquejáy iga jáyanap jém Dios ipixiñtam
(Mt. 13:31-32; Mr. 4:30-32)

¹⁸ Jesic Jesús iñímáy jém pixiñtam:

—Sip manaquejáypa jutsap inpic jém Dios inquímayooyi. ¹⁹ Jém Dios inquímayooyi jex juuts tum mostaza ipac. Tum pixiñ iñip jém pac icamjom. Nay jém pac, mijap juuts tum mijpic cuy hasta jém jon iwatpa ipeeñi jém mostaza inçisyucmi.

²⁰ Nímtim Jesús:

—Sip manaquejáypa jutpic jáyanap jém Dios inquímayooyi. ²¹ Jém Dios inquímayooyi jex juuts levadura. Tum yomo inimot uxaj jém levadura con tucuna jepe de harina. Jesic pipa itumpiy jém jaapi.

Jém xutupic puerta
(Mt. 7:13-14, 21-23)

²² Mojcacum níqui jém Jesús Jerusalén. Oy najíyooyi jém mijpic atebet y jém xutupic tiganjoj. ²³ Jesic tum pixiñ icwác jém Jesús. Nímpa:

—MánQmi, ¿que da wati jém iciacputyajpápic Dios?

Jesic Jesús iñímáy:

²⁴ —Wattaami empeño iga mitigiytámpa jém xutupic puerta. Mannímaytámpa iga tsam jáyan pixiñtam tigiyajtooba, pero da wiayajpa.

²⁵ 'Porque cuando núcum jém hora, jesic jém tic iomi injajpa jém itic. Cuando anpajneum jém itic, dam wiap iñtigiyta. Michíytámpa ançicmi. Iñicstámpa jém puerta. Miñimtámpa: “¡Áñaayi jém puerta!” Pero miñímáypa jém tic iomi: “Da mánixpicpa. Da anjodon jutpic mipixiñ.” ²⁶ Jesic michtam mojpa iñímayta: “Tawagawícne y tawaganícne con mimich. Mich oyñe miccuyujooyi jém ánattebet.” ²⁷ Pero eybictim nímpa jém tic iomi: “Mimichtam da mánixpicpa, da anjodon jutpic mipixiñtam. Tsam mimalotam, acupóyaytaami.” ²⁸ Núcpa jama iga tsam pimi miwejtámpa y iññichpa iññits. Pimi minyáctámpa cuando iñixtámpa iga iwaganaityajum Dios jém Abraham, jém Isaac, jém Jacob y itumpiy jém wiñicpic profeta; pero mimichtam michactamta ançicmi. ²⁹ Nicpa itiyaj jém anñisaumipic pixiñtam, jém anyomsaumipic, jém anwixaumipic y jém antsapsaumipic pixiñtam. Nicpa wiiquiyaj jemum jut injacpa Dios. ³⁰ Jém ocmipic jém pixiñtam tsíypa iga wiñti y jém wiñtipic tsíypa iga ocmi.

Tsam anyácne Jesús cuando iix Jerusalén
(Mt. 23:37-39)

³¹ Jesic jeetim jama núcyaj juten jém fariseoyaj. Nímayta Jesús:

—Nicsim, puti de yim porque jem Herodes miccaatooba.

³² Pero Jesús inimáy jeeyaj:

—Agui jáyayanjichich jem Herodes juuts tum zorra, nigí nímaayi, iga antoppa jem mal espíritu, anacpispa jem mimnewip yip jama y joymi. Jesic wisticmi cuyajpa jem anyoxacuy. ³³ Seguido anwatpa jem anyoxacuy hasta cupacpa. Da jáypa anaccupacpa. Ich da ançinpa jem Herodes porque da i wiap icca tum profeta ançicmi de jem Jerusalén.

³⁴ Mimichtam, miittanwip Jerusalén, tsam iniccaata jem Dios iprofeta. Inñáscata tsaami jem icutsatneyajwip Dios. Ich tsam mançiacputtamtooba idic, pero da inwianjamta. Watciy manantuumawattamtip juuts jem piyuapa inuumawatpa jem imaníc ixajcucim. Pero mimichtam da inwianjamta. ³⁵ Como da inwianjamta iga manyoxpátámpa, jesic Dios michacum. Sip da michíypa juuts jem Dios mipixiñtam. Mannímáypa iga da eybic ánixtámpa hasta que núcpa jem tiempo iga ançujíptámpa aich, jem acutsatnewip jem tanjatun Dios.

14

Jesús icpis tum pixiñ cuxinayñewip

¹ Jesic tum jejcuyjama nic wiiqui Jesús tum fariseopic anjagooyi iticcim. Algunos jem fariseo iyamcuixyajpa jem Jesús siiga imalwatpa. ² Jesic tum pixiñ miñ iám jem Jesús. Imatsne jem caacuy iga cuxinayñe. ³ Jesic Jesús icwác jem maestro de jem Israelpic anquímayooyi y jem fariseoyaj, inimáy:

—¿Junimpa jem anquímayooyi? ¿Wiap tanacpis yip pixiñ jem jejcuyjama o da wiap?

⁴ Pero jeeyaj da jiyaj. Jesic Jesús ichicunuc jem mimnewip. Icpis. Jesic inimáy:

—Chogoyñicsim.

⁵ Jesic Jesús inimáy jem fariseoyaj:

—Siiga joppa tum pacusjom jem imburro o imbuey, jesic inñtoppa jeeti rato. Da inwadap caso siiga jejcuyjama.

⁶ Jeeyaj da wiá miicutsonyaj jem Jesús.

Da i iwixpa jem nacujíptapáppic

⁷ Jesic Jesús iix iga jem anwejayñetawip tsam imétsyajpa jem más wibic coñcuy mesacim. Jesic Jesús inmat tum ejemplo iga ichi jixi. Nimpa:

⁸ —Siiga minwejayñeta iga niguiñ mixinaji jut ancoomíoyñimpa, odoy meetsi jem coñcuy más wibic. Odoy coñi jut it noco jem anjagooyi porque wiap imiñ tum pixiñ más wiapaap que mich. ⁹ Jesic jem minwejayñewip miñímáypa: “iTsucumi! Chi yip tungac pixiñ jem incoñcuy.” Jesic mich pimi michaap, nicpa micoñi jem inanpigam coñcuyucmi.

¹⁰ Pero jesic cuando minwejaytap jut wattap jem sin, nicsim micoñi jem lugar más juumi. Jesic cuando miñpa jem minwejayñewip, miñímáypa: “Amigo, yim it más wibic coñcuy.” Jesic jem tungac pixiñtam jem coñyajwip jem mesacim miwixyajpa. ¹¹ Da i iwixpa jem nacujíptapáppic. Pero jem dapic nacujíptap, iwianigayyajpa jem itiwitam, icujípyajpa jem pixiñ.

¹² Jesic Jesús inimáytim jem pixiñ jem iwatpáppic jem sin. Nimpa Jesús:

—Cuando mixinap, da wi iga seguido ininwejáypa jem inamigoyaj, jem inñiwitam y jem ricopic imvecino. Porque ocmi jeegagam minwejáypa. Jempictim micseedáypa. ¹³ Pero cuando mixinap, anwejaayi jem yaachayajpáppic, jem cñtaca, jem cuxuj y jem cáchtí. ¹⁴ Jesic maymáyají porque jeeyaj da wiap micseedáy iga nicpa micwíc. Pero Dios miyojpa jem jama cuando acpisyajtap jem icupicneyajwip Dios jem caaneyajwíppic.

Jém ejemplo de jém mijpic sɨŋ
(Mt. 22:1-10)

¹⁵ Jesic tum pɨxiñ, jém iwaganaitwɨp jém mesacim, imaton junimpa jém Jesús. Jesic jém pɨxiñ iñímáy:

—Agui maymayyaj jém nicpaap sɨŋaji juɨ injacpa Dios.

¹⁶ Jesic moj inmadáy Jesús yíp ejemplo. Nimpa:

—It idic tum pɨxiñ. Iwatpa tum mijpic sɨŋ. Inwejáypa tsam jáyan pɨxiñtam. ¹⁷ Jesic cuando yajum iwat jém wícuy, icutsat tum icuyoxapaap iga niguiñ inwejáy jém iñímáynewɨp idic. Nimpa: “Nici miwiiquitam. Siip watneum jém wícuy.” ¹⁸ Pero nimyajpa itumpiy iga da wiap iñic. Tum jém pɨxiñ nimpa: “Yaguiñ anjuy tum jaça nas. Siip nicpa ánám. Nímaayi jém iñomi iga da wiap iga nicpa asɨŋaji.” ¹⁹ Jesic nimpa jém tunɟac pɨxiñ: “Yaguiñ anjuy cinco par de jém buey. Siip nicpa ancutits siiga yoxap. Nímaayi jém iñomi iga da wiap annic.” ²⁰ Nimpa jém tunɟac pɨxiñ: “Yaguiñ ancoomyñe. Jeeyucmi da wiap annic.” ²¹ Cuando set jém icuyoxapaap, inmadáy iomi junimpa itumpiy jém iñímáynewɨp idic. Jesic agui jóy jém iomi. Iñímáy jém icuyoxapaap: “Nigi anwejaayi jém ityajwɨp calle. Nici hasta jém xutupic calle icuwiti yíp atebet. Namíni yim jém yaachayajpappic, jém cuxujyaj, jém cáchtijyaj, jém cɨtaça y jém puytaça.” ²² Ocmi jém icuyoxapaap iñímáy jém iomi: “Mánomi, anwatum juuts annímáyne, pero itñam lugar iga tanacwicyajpa.” ²³ Jesic jém iomi eybictim iñímáy jém icuyoxapaap: “Nigi meetsi más pɨxiñtam jém tunjom y jém taañi annaça juɨ coñyajpa jém yaachayajpaap. Nímaayi iga míniñ wiiqui anticim. Ansunpa iga cómiñ yíp antic.” ²⁴ Mannímáypa, da anwianjam iga miñyajpa wiiqui jeeyaj jém mojnnewɨp annímayyaj.”

Ti wiap tanwat iga tatsíypa juuts jém Jesús icuyujcɨwiñ
(Mt. 10:37-38)

²⁵ Jesic itúnijyajpa Jesús tsam jáyan pɨxiñtam. Ámsɨt Jesús. Iñímáy:

²⁶ —Siiga más iñtoypa iñjatun, iñapa, iñyomo, iñchixtam, iñachi, iñjáyuc o iñchitsi que iñtoypa Dios, da wiap iñchíy juuts ich mancuyujcɨwiñ. Siiga más minitoypa iñyaac que iñtoypa Dios, da wiap iñchíy juuts ich ancuyujcɨwiñ. ²⁷ Siiga da iñyaachíypa iga miyaachwattap, jesic da wiap iñchíy juuts ich ancuyujcɨwiñ. ²⁸ Siiga tum pɨxiñ iwattooba tum torre, wiñti ijispa jutsan gasto ininicpa. Ijispa siiga ictsíypa itumiñ. ²⁹ Siiga ictsucum jém torre y da wiap iccupac, jesic agui ixiccayajpa jém iixyajpappic. ³⁰ Nimyajpa: “Yíp pɨxiñ ictsucum iga iwatpa jém torre, pero da wiap miiccupac.” ³¹ Siiga tum rey anatooba con tunɟac rey, wiñti ijixiñ siiga wiap icoñwíy. Nimpa jém rey: “¿Que wiap ancoñwíy con jém diez mil soldado siiga jém ánenemigo iniit veinte mil soldado?” ³² Jesic jém rey ijispa iga da wiap icoñwíy. Jesic cuando itñam juumi jém ienemigo, icutsadáypa tum representante iga icunucsáypa iga odoy anayajiñ. ³³ Jesaptim mimichtam, siiga da iñchactámpa itumpiy jém iniitwɨp, da wiap iñchíy juuts ich ancuyujcɨwiñ.

Jém çana jém dapic paac
(Mt. 5:13; Mr. 9:50)

³⁴ Jesic Jesús iñímáytim:

—Wi jém çana. Pero siiga da paac, jesic da wiap tanwɨtsac. ³⁵ Da wi ni para jém nas, ni datim wi iga tançodáypa juɨ cumnetá jém abono. Jesic tampatsáypa. Siiga mitatsigiyta, amatonjaami.

15

*Togoy tum p̄ixiñ iborrego
(Mt. 18:10-14)*

¹ Jesic tum jama miñyay jáyan jém p̄ixiñtam jém ichécyajpáppic jém impuesto y jém táñcaiyw̄ip. Miñ imaton̄yay jém Jesús in̄químayooyi. ² Jeeyucmi agui jóyñeyaj jém fariseoyaj y jém escribaspic maestroyaj. Icujiyyajpa jém Jesús. Nimyajpa:

—Yíp Jesús ip̄ictson̄pa jém malopic p̄ixiñtam, iwaganawícyajpa.

³ Jesic Jesús in̄madáy yíp xutu cuento iga in̄quejáypa jeeyaj, iñímáy:

⁴ —Siiga tum de mimichtam iniit cien borrego y siiga togoypa tum jém iborrego, ¿que da ichacpa jém noventa y nueve jém itw̄ip copjom y nicpa iméts jém togoyñew̄ip? Ich animpa iga seguido icuámpa hasta que ipátpa. ⁵ Jesic cuando ipátum, icónneebea inimiñ iqueeweyucmi. Agui maymay. ⁶ Cuando núcpa it̄icc̄im, in̄tuumaawatpa iamigoyaj con jém ityajw̄ip nocojom. Iñímáypa: “Maymáyaataami con aich, porque ampátum jém amborrego jém togoyñew̄ip idic.” ⁷ Jesap̄tim mannímáytaampa iga tsam it maymáyaj̄i siñyucmi cuando tum p̄ixiñ táñcaiyw̄ip ichacpa it̄añca iga icupicpa Dios. Jém ityajw̄ip siñyucmi más maymáyaajpa con tum p̄ixiñ cuando ichacpa it̄añca que con jém noventa y nueve jém wibic p̄ixiñtam jém dapic táñcaiy.

Togoy tum yomo itumiñ

⁸ Jesanetim siiga tum yomo iniit diez tumiñ de plata y togoypa tum, ¿que da ictsocpa jucti, ipetpa itic y iw̄icuámpa hasta ipátpa? ⁹ Jesic cuando ipátum jém itumiñ, in̄tuumaawatpa jém iamigoyaj y jém ivecino. Nimpa jém yomo: “Maymáyaataami con aich porque ampátum jém antumiñ jém togoyñew̄ip idic.”

¹⁰ J̄emp̄ictim mannímáypa iga maymáyaajpa jém siñyucmipic p̄ixiñtam jém ityajw̄ip con Dios cuando tum p̄ixiñ táñcaiyw̄ip icucacpa ij̄ixi.

Togoy tum p̄ixiñ ijaymanic

¹¹ Nimpatim Jesús:

—It idic tum p̄ixiñ. Iniit w̄isten ijaymanic. ¹² Jém jáyucpic iñímáy ijatun̄: “Manjatun̄, awégaayi jém annímáyñew̄ip iga anchiiba.” Jesic jém ijatun̄ iwégáy jém itumiñ y itump̄iy jém iniitw̄ip. ¹³ Jesic da wat̄ña jama jém jáyucpic icumáyáy jém im̄ichipic jém ichiww̄ip ijatun̄. Ipic jém itumiñ, nic juumi. Jém tungac attebet im̄ichca jém itumiñ con jém yomtam y jém ojo. ¹⁴ Yaj im̄ichca itump̄iy jém itumiñ. Ocmi núc tum mijpic yuu jém naxyucmi. Yajneum jém itumiñ, agui yuap jém p̄ixiñ. ¹⁵ Jesic nic iám tum p̄ixiñ jém itw̄ip jém attebet. Nic iméts yoxacuy. Jém p̄ixiñ ichi tum yoxacuy. Icutsat irancho iga iwadáyñ cuenta jém iyoya. ¹⁶ Jesic jém p̄ixiñ tsam icúttooba jém algarrobas, jém yoya iwíccuy. Pero ni ti da i ichiiba. ¹⁷ Jesigam jém p̄ixiñ moj ij̄is iga tsam cuixi. Nimpa ij̄ixianjom: “Jém anjatun̄ iniit jáyan iyoxac̄wiñ it̄icc̄im. Jeeyaj tsam jáyan wíccuy iniityaj hasta cuspa wiiquiyaj. Pero ich yim ayuucatoobam. ¹⁸ Siip asetpa jut it anjatun̄, annímáypa: Manjatun̄, tsam jáyan táñca anwat contra Dios y contra mimich. ¹⁹ Como tsam ammalwatum, da w̄i iga atsíypa juuts tum immanic. Atsíttooba juuts tum iñyoxac̄wiñ.” ²⁰ Jesic mojum seti ijatun̄c̄im.

Jesic cuando danam núcne, juuminam miñi, ámp̄ut jém ijatun̄, iix iga setpam jém iman̄ic. Agui iyaachanj̄am. Póyan̄sucum, nic in̄nuusáy. In̄nacatsúts. ²¹ Jesic nimpa jém iman̄ic: “Manjatun̄, tsam jáyan táñca anwat contra Dios y contra mimich. Como tsam ammalwatum dam w̄i iga atsíypa juuts tum immanic.” ²² Pero ijatun̄ iñímáy tum jém icuyoxapaap: “Imp̄imi namiñi jém más wibic yooti, accámaayi yíp ammanic. Accámaayit̄im tum cucuma ic̄iyucmi y jém wibic ciac ipuyyucmi. ²³ Namiñi jém mañixix jém tanacp̄inew̄ip. Accaataami. Jesic tawíctámpa, tas̄in̄atámpa. ²⁴ Anj̄isne idic iga

caaneum yíp ammanic, pero siip vivojam. Togoyñe idic, pero siip quejum.” Jesic mojum sínajiyaj.

²⁵ Pero jém iachi nicne idic camjom. Jesic settim. Cuando nuuquim tomi iticcim, imaton iga anjiypa música, etsnimpa. ²⁶ Jesic inwejay tum jém icuyoxapaap. Moj icwác. Iñímáy: “¿Íiiga ticsoyyajpa? ¿Íiiga etsyajpa?” ²⁷ Jesic jém icuyoxapaap nimpa: “Setum jém injayuc. Jém injatun ipimiy iga accatain jém mañixix jém tanacpnewip porque setum jém injayuc. Da ti ñasca.” ²⁸ Jesic tsam pimi jóy jém achpic. Da tigiytooba jém iticjom. Jesic put jém ijatun. Nic icunucsáy iga tigiyiñ. ²⁹ Pero jém achpic imaníc inímáy ijatun: “Mich injodon iga tsam jáyan amtiy mancuyoxane. Siempre anwat juuts annímáypa. Pero da nunca anchiñe ni tum xutu chivo iga anasñap jém ánamigoyaj. ³⁰ Siip núc yíp immanic jém imalmichcanewip jém inñumiñ con jém yomtam jém witwidoyáppic. Mich iniccaáy jém mañixix jém tanacpnewip.” ³¹ Jesic ijatun inímáy: “Mammanic, mich siempre miit con aich. Itumpiy jém ammichipic, immichitim mich. ³² Pero siip agui wi iga tasñatampa, tamaymáyatampa porque caane idic jém injayuc, pero siip vivojam. Togoyñe idic, pero siip quejneum.”

16

Agui jáyayanjichich jém rico imayordomo

¹ Jesic jém Jesús inímáytim icuyujcwiñ:

—It idic tum ricopic pixiñ. Iniiit tum mayordomo icuyoxap. Iwadáypa cuenta jém rico imichi. Pero ocmi jém rico ijodóna iga síp imichcaáy jém itumiñ. ² Jesic jém rico inwejay jém pixiñ. Iñímáy: “¿Íi yimpic ammatonpa iga síp inwat? Siip witsaci inuenta, acijun codaayi titam inwatne con jém anyoxacuy. Porque siip mantoppam. Dam je mammayordomo.” ³ Jesic jém icuyoxapáppic jém rico moj ijis: “¿Siip, ti wiap anwat siiga accáyaytap yíp yoxacuy? Da wiap anwat tungac yoxacuy. Atsaaptim iga anwácpa tumiñ. ⁴ Siip anjodon ti wiap anwat iga anaidiñ i apictsonpa iticcim cuando dam anai anyoxacuy. Anañécpa icuenta jém ijatsneyajwip jém ánomi. Jesic jeeyaj apictsonpa iticcim cuando atopawum jut ayoxap.” ⁵ Jesic jém pixiñ moj inwejayaj jém ijatsneyajwip jém iomi. Icwác jém mojawip miñi. Iñímáy: “¿Jutsañ injatsne jém ánomi?” ⁶ Nimpa: “Anjatsne cien barril de aceite.” Jesic jém icuyoxapaap jém rico inímáy jém ijatsnewip: “Yim it jém invale. Miñi micoñi yim, watí tungac vale. Accaami no más cincuenta barril.” ⁷ Ocmi icwác jém tungac pixiñ, inímáy: “¿Mich, jutsañ injatsne jém ánomi?” Jesic nimpa jém pixiñ: “Ich anjatsne cien carga de trigo.” Jesic jém icuyoxapaap jém rico inímáy: “Yim it jém invale, watí tungac vale. Accaami no más ochenta carga.” ⁸ Ocmi cuando imaton jém rico, nimpa: “Tsam jáyayanjichich jém acuyoxapaap idic.”

Jesic Jesús inímáy jém icuyujcwiñ:

—Jém ityajwip yíp naxyucmi, jém dapic icupicyajpa Dios, jeeyaj más jáyayanjichich que jém icupicneyajwip Dios. ⁹ Jeeyucmi mannímáypa iga wíwadaayi jém yaachayajpáppic con jém inñumiñ jém iniitwip yíp naxyucmi. Jesic iniit amigo iga mipictsonpa sinyucmi cuando micaaba.

¹⁰ Siiga tum pixiñ iwíwatpa cuenta tum cosa dapic jutsañ, jesic wiaptim iwat cuenta tum cosa jáyanpic. Pero siiga tum pixiñ da iwíwatpa cuenta tum cosa dapic jutsañ, jesic datim wiap iwat cuenta tum cosa jáyanpic. ¹¹ Siiga mimichtam da wiap inwatta cuenta jém riqueza jém itwip yíp naxyucmi, jesic Dios datim michiiba jém sinyucmipic riqueza. ¹² Siiga da inwíwadap cuenta jém tungac pixiñ imichi, jesic da i michiiba jém cosa iga wiap immichá porque da inwatpa cuenta.

13 'Tum esclavo, tum p̄ixiñ juyñew̄ip, da wiap icuyoxa wisten iomi. Porque tum itoypa y tum ijóyixpa. Tum iw̄inanigáypa y jém tunḡac da iw̄ixpa. Da wiap in̄cuyoxata Dios siiga tsam in̄toypa in̄tumiñ.

14 Jém fariseoyaj como tsam itoypa itumiñ, ixiccayajpa jém Jesús cuando imaton̄ ti n̄im.

15 Pero Jesús in̄imáy jém fariseoyaj:

—Mimichtam in̄yaac min̄in̄quejt̄ap iga w̄ib̄ic mip̄ixiñ. Miñ̄iman̄taayap iga w̄ib̄ic mip̄ixiñ. Wiap immigóyayaj jém in̄t̄iw̄itam, pero Dios miixp̄igáypa in̄anama, tsam p̄imi ijóyixpa jém m̄igooyi.

Da i wiap iccuyaj jém Dios in̄mat̄i

16 'Wiñ̄ti it idic jém an̄químayooyi jém tachiiñew̄ip jém Moisés y jém wiñ̄cp̄ic profeta. Ocmi miñ̄ jém Xiwan jém acch̄iḡoyp̄app̄ic. Moj in̄mat̄ jém w̄ib̄ic an̄mat̄i juḡp̄ic in̄jacpa Dios ȳip naxyucmi. Siip tsam p̄imi t̄iḡiyajtooba jém p̄ixiñtam juḡ in̄jacpa Dios.

17 'Da i wiap iccuyaj jém Dios in̄mat̄i. Meega cuyajpa jém siḡ y jém nas, jém Dios in̄mat̄i tienes que iccupacpa, da togoypa ni tum t̄imi ni tum j̄iti.

Odoy tsaci in̄yomo iga imp̄icpa tunḡac yomo

(Mt. 19:1-12; Mr. 10:1-12)

18 'Siiga tum p̄ixiñ ichacpa iyomo y ip̄icpa tunḡac yomo, jesic pejóyapa. Siiga tunḡac p̄ixiñ ip̄icpa jém yomo, jém tsacnet̄aw̄ip, jesic pejóypatim.

Jém ricop̄ic p̄ixiñ y jém Lázaro

19 'It idic tum p̄ixiñ tsam rico. Siempre w̄icuyajpa con jém w̄ib̄ic puctucu jém tsoowiyw̄ip. Cada jama s̄iḡap, maymáyp. Tsam w̄i it. 20 Ittim idic tum p̄ixiñ agui yaachap, in̄iyi Lázaro. Agui iquím̄cane puuci in̄acyucmi. Nicpa coñi jém Lázaro jém rico itic an̄naca. 21 Tsam yuap jém Lázaro. Icuttooba idic jém ipaccapaap jém rico imesac̄im. Jém chimpa icunúcyajpa jém Lázaro, in̄émáypa ipuuci. 22 Ocmi ca jém Lázaro. Jém siḡyucmip̄ic p̄ixiñtam in̄inic siḡyucmi jém w̄icom juḡ it jém Abraham. Jesic ocmi caatim mex jém rico. Cumta. 23 Jém ianama nic it̄i juḡ tsam yaachayajpa jém caaneyajw̄ip. P̄imi yaachap jém rico. Cuando ámn̄ic, juumi iix jém Lázaro wagaityaj con jém Abraham. 24 Jesic p̄imi an̄wejp̄a jém rico. Nimpa: “Man̄jatun̄ Abraham, ayaachan̄jami. Acutsadaayi jém Lázaro iga imujiñ ician̄quiñi con ni iga m̄iñ̄iñ amujáy antots iga cupagagaiñ porque siip p̄imi ayaachap juctjom.” 25 Jesic Abraham in̄imáy: “Man̄ic, j̄is̄i iga tsam miw̄it̄ idic cuando danam micaane. Pero jém Lázaro tsam yaachap idic. Pero siip w̄i itum jém Lázaro, maymay. Mich tsam miyaachap. 26 Mannímáypatim iga it tum mijp̄ic pacus entre aichtam y mimichtam. Da i wiap ijac. Siiga ȳimp̄ic nic̄tooba jem̄ic, da wiap in̄as. Siiga jem̄icp̄ic miñ̄tooba ȳim datim wiap in̄as.” 27 Jesic nimpa jém rico: “Man̄jatun̄ Abraham, man̄cunucsáypa, cutsat̄i jém Lázaro an̄jatun̄ itic̄im. 28 Anait cinco ant̄iw̄i. Accutsadaayi jém Lázaro iga in̄imáyiñ jém ant̄iw̄itam iga odoy m̄iñ̄iñ ȳim juḡ tsam ayaachap ansi.” 29 Pero Abraham in̄imáy jém rico: “Jeeyaj iniit̄ jém Dios in̄mat̄i jém ijayñew̄ip jém Moisés y jém wiñ̄cp̄ic profeta. Wiap icup̄icyaj.” 30 Pero nimpa jém rico: “Da icup̄icyajpa, man̄jatun̄ Abraham, pero siiga nicpa tum jém caanew̄ip, jesic icucacpa ij̄ixi jém ant̄iw̄itam.” 31 Pero jém Abraham in̄imáy: “Siiga da icup̄icyajpa jém Dios in̄mat̄i jém ijayñew̄ip jém Moisés y jém wiñ̄cp̄ic profeta, jesic datim icup̄icyajpa siiga miñ̄ in̄madáy tum caanew̄ip idic.”

17

Odoy acmalwat̄i tum in̄t̄iw̄i
(Mt. 18:6-7, 21-22; Mr. 9:42)

¹ Jesic Jesús iñímáy icuyujc#wiñ:

—Jutquej it jém malopic cosa iga micmalwatpa. Pero agui uuguytim jém p̄ixiñ jém ictán̄cawatpaap it̄iwitam. ² Tsam jáyan castigo ichiiba Dios jém icmalwatpáppic jém Dios ip̄ixiñtam. Más w̄i iga cutsénaytaiñ iisciyucmi tum molino icha y acpatsiytaiñ lamar jém malopic p̄ixiñ iga jiccaiñ que iga icmalwatpa tum jém yaguiñpic icupicne Dios. ³ Jesic cuidado iga immalwatpa.

Siiga tán̄caíy tum iñ̄t̄iw̄i, an̄j̄iyjaci iga ichaguiñ jém it̄an̄ca. Siiga icacpa ij̄ixi, wadaaȳi perdón. ⁴ Siiga iñ̄t̄iw̄i mimalwadáypa siete veces tum jama, pero siete veces miñpa miñímáy iga: “Awadaaȳi perdón, an̄cucacum an̄j̄ixi”, jesic wadaaȳi perdón siete veces.

Tañcupiguiñ iga Dios w̄iap iwat juuts taj̄ycámayñe

⁵ Jesic jém doce apóstolyaj miñ iñímayyaj jém Jesús:

—Mán̄omi, ayoxpátaami iga más an̄cupictámiñ iga Dios w̄iap iwat juuts aj̄ycámayñe.

⁶ Jesic tán̄omi iñímáy icuyujc#wiñ:

—Siiga uxan̄ in̄cupicpa iga Dios w̄iap iwat juuts mij̄ycámayñe, jesic ocmi más in̄cupicpa. Jex juuts tum mostaza ipac. Da jutsan̄ jém pac, pero ocmi naypa, mij̄ap. Numa meega in̄cupicpa uxan̄, jesic w̄iap iñ̄ímáy jém sicómoro cuy: “Nawixquím̄taji, niḡi miñ̄ayi lamar.” Jesic jém cuy mimaton̄pa. Iwatpa juuts iñ̄ímáypa.

Jém esclavo iwatpa juuts ip̄im̄íypa iomi

⁷ Siiga iniit mich tum esclavo oy ij̄it nas o oy iwat cuenta jém imborrego, jesic cuando setum iñ̄t̄icc̄im, da iñ̄ímáypa jém iñ̄esclavo iga miñ̄i miwiiqui. ⁸ Pero mich imp̄im̄íypa jém iñ̄esclavo. Iñ̄ímáypa iga: “Awadaaȳi jém an̄w̄iccuy. Accaami jém indelantal. Nam̄iñ̄i jém w̄iccuy, tun̄i mesayucmi. Wiñ̄ti acwiici ich, acniici, jesic ocmi miw̄icpa y miñ̄icpatim mex mich.” ⁹ Datim in̄cuj̄ippa jém iñ̄esclavo porque no más iwat juuts ip̄im̄íy iomi. ¹⁰ Jesap̄tim mimichtam cuando yaj in̄wat juuts mip̄im̄iyñe Dios, jesic más w̄i iga iñ̄ímáypa Dios ȳim̄pic: “Aich mich ánesclavo. Da w̄i iga mich an̄cuj̄ippa porque no más an̄wat juuts mich amp̄im̄iyñe.”

Jesús icp̄is diez jém p̄ixiñ jém iniitw̄ip jém lepra

¹¹ Jesic iganam nicpa Jesús Jerusalén, naspa jém naxyucmi Samaria y Galilea. ¹² Núc tum xutu tigan̄joj an̄na. Iganam tiḡiy, ipát diez p̄ixiñ cupúgayñeyaj iñ̄aca. Juumi ts̄íyyaj iga odoy i icmachiñ jém caacuy. ¹³ Jesic p̄imi an̄weyaypa jém mimneyajw̄ip, nimyajpa:

—MiJesús, mamMaestro, ayaachanj̄amtaami.

¹⁴ Jesic Jesús iámmats, iñímáy:

—Niḡi wiñ̄quejaaȳi jém pan̄ijyaj.

Jesic mojum niq̄uiyaj. Iganam nicyajpa, jeeti rato w̄its̄iyum jém iñ̄aca, cuáyñeum. ¹⁵ Jesic tum de jeeyaj cuando iix iga pisneum, set eybic jut it Jesús. P̄imi j̄iypa, agui icuj̄ippa Dios. ¹⁶ Jesic jém p̄ixiñ costeñ̄neact̄in̄ jém Jesús ip̄uyc̄im. Ním̄ayt̄a Jesús: “Iyuc̄ip̄dios iga anacp̄is.” Jém p̄ixiñ Samariap̄ic. ¹⁷ Jesic nimpa Jesús:

—¿Que da midieztam mip̄ista? ¿Jut it jém nueve? ¹⁸ ¿Set no más ȳip Samariap̄ic p̄ixiñ iga icuj̄ippa Dios? Ȳip tun̄gac p̄ixiñ, da je de Israel.

¹⁹ Jesic Jesús iñímáy jém p̄ixiñ:

—Tsucum̄i, nics̄im. Mich in̄cupicum iga Dios w̄iap micp̄is jeeyucmi micuáyñeum.

Juch̄is núcpa jém tiempo iga Dios in̄jacpa ȳip naxyucmi (Mt. 24:23-28, 36-41)

²⁰ Jém fariseoyaj icwácayaj jém Jesús: Iñímayyaj:

—¿Jup jama tsucumpa Dios iga in̄jacpa ȳip naxyucmi?

Jesic Jesús iñímáy:

—Cuando núcpa jém jama iga Dios injacpa yíp naxyucmi da ti iñixtámpa ni da ti quejpa.

²¹ Da i miñímáypa iga yim injacpa Dios o jeexic injacpa Dios porque siip núcneum iga injacpa Dios jém pixiñtam ianamanjom.

²² Ocmi Jesús inmadáy icuyujcïwiñ:

—Ich amiñ siñyucmi iga aņwatpa jém Dios iyoxacuy. Núcpa jém tiempo iga michtam tsam iñixtamtooba jém jama iga amiñgacpa yíp naxyucmi. Pero da iñixtámpa. ²³ Núcpa jém migoyyajpaap, miñímáypa iga yim it o jeexic it. Odoy cupici. Odoy nigí aami. ²⁴ Jex juuts quénpa jém majiywiñ, quejpa jutinquej. Jesabam aich, jém aMiññewïp Siñyucmi, cuando amiñgacpa yíp naxyucmi, itumpiy jém ityajwïp wïap aixyaj. ²⁵ Pero wiñti tsam pimi ayaachwattap. Jém pixiñtam, jém ityajwïp siip, tsam ajóyixyajpa; da awixxyajpa. ²⁶ Juustim jém tiempo cuando it idic jém Noé, jesaptim jém tiempo cuando amiñgacpa yíp naxyucmi. ²⁷ Cuando it idic jém Noé, wicyajpatim, ucyajpatim. Aņcoomiyyajpatim, ichiyajpatim iyommanictam iga aņcoomiyyajpa hasta que tigiy jém Noé ibarcojom. Jesic quím jém ni, cumon icutero yíp naxyucmi. Actogoyyajta itumpiy. ²⁸ Jesanetim jém tiempo cuando it idic jém Lot. Jém pixiñtam wicyajpa y ucyajpatim, juyjúyoyajpatim y máymáyoyajpatim, ñipyajpatim y tigayajpatim. ²⁹ Pero cuando put jém Lot de jém atebet de Sodoma, actiñ siñyucmi jucti y azufre juuts chijóypa tuj. Actogoyyajta itumpiy jém Sodomapic pixiñtam. ³⁰ Jesanetim aich jém aMiññewïp Siñyucmi cuando eybic awiñquejpa yíp naxyucmi, da i ijodon jucha amiñpa.

³¹ Jesic cuando núcum jém jama, siiga químne algunos jém tigançobac, jesic odoy quediñ iga itoppa itraste jém itwïp iticjom. Jém nicnewïp icamjom odoy sediñ iga miñpa ipic itraste. ³² Jistaami ti iñasca jém Lot iwichomo. ³³ Jém pixiñ jém tsampic itoypa ivida yíp naxyucmi tienes que togoypa jém ivida. Pero jém dapic ijispa ivida yíp naxyucmi, je da togoypa ivida.

³⁴ Mannímáypa iga jeetim tsuu, wisten wagamonayajpa tseesmi. Tum nanictap, tum tsactap. ³⁵ Wagawayyajpa wisten yomo. Tum nanictap, tum tsactap. ³⁶ Wagayoxayajpa wisten pixiñ icamjom. Tum nanictap, tum tsactap.

³⁷ Mu imatonayaj icuyujcïwiñ icwacyaj jém Jesús. Iñímayyaj:

—¿Mánomi, jut iñascayajpa jempic?

Jesic Jesús iñímáypa:

—Tsam wiquejpa jut caane tum animat, jemum aņtuumaneyaj jém nuupuyaj. Jesaptim cuando núcpa jém jama, itumpiy pixiñtam wïap iixyaj.

18

Jém cunoya iwágáypa justicia jém juez

¹ Jesic Jesús inmat tum xutu cuento iga inquejáypa jém icuyujcïwiñ iga inwejpátyajiñ Dios cada jama y odoy cutiñaiñ. ² Nimpa Jesús:

—It idic tum atebet tum juez. Da icinpa Dios, datim iwixpa ni tum pixiñ. ³ Ittim jém atebet tum cunoya. Tsam nicpa iám jém juez iga iwitsaguiñ jém ipleito. Nimpa: “Aņjijjací jém amalwadaypáppic iga odom más amoogíyiñ.” ⁴ Jém cunoya watciy oy iám jém juez, pero jém juez da imatónáypa. Pero ocmi ijispa icobacjom jém juez: “Ich da aņcinpa Dios ni datim aņwixpa ni tum pixiñ, ⁵ pero como yíp cunoya tsam miñpa acobacpij, siip anyoxpátpa. Da wïap anyachiy siiga seguido miñpa quejajwati.”

⁶ Nimpatim tánomi:

—Jistaami ti iwat jém malopic juez. ⁷ Pero da jex jém tanjatun Dios. Tsam iyoxpátpa jém icupinneyajwïp. Da jáypa iyoxpát jém inwejpátápappic tsuucim y siñni. ⁸ Mannímáypa iga

Dios da jáyñe iyoxpátpa ipixiñtam. Pero cuando ich, jém aMiññewiip Siñyucmi, amiñgacpa yíp naxyucmi, da ampátpa wati jém icupicneyajwip Dios.

Wisten pixiñ inwejpátyajpa Dios

⁹ It algunos ijisyajpa iga da tãñcaíy. Jeeyaj tsam ijóyixyajpa los de más. Jesic Jesús moj inmat tum xutu cuento iga inquejáypa jeeyaj iga tãñcaíy itumpiy jém pixiñtam. Inímáy:

¹⁰ —Nicyaj wisten pixiñ jém mijpic masticjom iga iwatyajpa oración. Tum jém fariseopic pixiñ. Tungac jém ichécpáppic impuesto. ¹¹ Jém fariseopic teñchucum, iyaac iwat oración. Nimpa: “ManDios, iyucuipdios iga ich da ajex juuts jém tungac pixiñtam jém tãñcaiyçiwiñ, jém númpáppic y jém pejoypáppic. Ich da ajex juuts yíp ichécpáppic impuesto. ¹² Cada ocho día ich anwatpa ayuno wisciy. ManDios, manchiiba jém décima parte de itumpiy ancoñwiyoooyi.” ¹³ Jesic jém ichécpaap impuesto tigiyñetím masticjom, pero da núcpa jut inwejpátyajpa Dios. Da wiap iámquím siñyucmi. Tsam ixonpa ipecho porque pimi anyácne iga imalwatne contra jém Dios inquímayooyi. Nimpa jém ichécpáppic impuesto: “ManDios, ayaachanjami, tsam atãñcaíy.”

¹⁴ Jesic nímTIM Jesús:

—Mannímáypa iga Dios iccáyáy yíp pixiñ itãñca. Jesic setum iticciim, dam tãñcaíy. Pero Dios da iccáyáy jém fariseopic itãñca. Porque jém innécpáppic jém itãñca, Dios da ipictsonpa. Pero jém dapic innécpa jém itãñca, Dios ipictsonpa.

Jesús ichi bendición jém xuxut tsixtam

(Mt. 19:13-15; Mr. 10:13-16)

¹⁵ Jesic tum jama namiñyajta jém xuxut tsixtam jut it Jesús iga ichigáyiñ icobac iga ichiñ bendición. Pero cuando iixyaj jém icuyujcwiñ, iwogayyaj jém inimiññeyajwip jém tsixtam. ¹⁶ Pero Jesús inwejáypa jém tsixtam. Inímáy icuyujcwiñ:

—Ich anwanjam iga míñiñ aamyaj jém xuxut tsixtam. Odoy anjyjací. Porque jém tigiyajpaap jut injacpa Dios jex juuts yípyaj xuxut tsixtam. ¹⁷ Numa mannímáypa siiga tum pixiñ da ijícpa iga injacpa Dios juuts tum xutu tsixi, jesic da wiap iñúc jut injacpa Dios.

Tum ricopic anjagooyi icwácpa Jesús

(Mt. 19:16-30; Mr. 10:17-31)

¹⁸ Jesic miñ tum Israelpic anjagooyi iga icwácpa Jesús. Inímáy:

—Wibic Maestro, ¿ti wiap anwat iga ampictsonpa jém vida jém dapic cuyajpa?

¹⁹ Jesic Jesús inímáy jém pixiñ:

—¿Tiiga miñimpa iga ich awí? It tum jém wibic, je jém tanjatun Dios. ²⁰ Inwijodon jém Dios inquímayooyi: “Odoy pejooyi; odoy accaooyi; odoy nuumi; odoy cumigooyi tungac pixiñ; toyi jém injatun con jém iñapa.”

²¹ Jesic jém pixiñ inímáy Jesús:

—Ich jempigam anwatne dende atsixiñam.

²² Mu imaton, Jesús inímáy:

—No más tum cosa mitogóyáy. Cumáyaayi itumpiy jém iniitwip, chi jém tumiñ jém yaachayajpáppic. Jesic iniitpa jáyan wibic riqueza siñyucmi. Jesic miñi atunjiyi.

²³ Cuando imaton jém pixiñ, tsam pimi anyác porque tsam tumiñiy. ²⁴ Cuando Jesús iix iga tsam anyác jém pixiñ, jesic inímáy los de más:

—Tsam tãñca iga jém ricopic núcyajpa jut injacpa Dios. ²⁵ Más dá tãñca iñas tum camello jém núncuypac ijosjom que iga tigiyapa tum ricopic jut injacpa Dios.

²⁶ Jesic jém imatonneyajwip inímayyajpa Jesús:

—¿Jesic i wiap iciput?

²⁷ Jesús inímáy:

—Jém dapic wíap iwat jém p̄ixiñtam, wíap iwat Dios.

²⁸ Jesic jém Peto iñímáy Jesús:

—MánQmi, aichtam antsacneum itumpiy jém anaitw̄ip iga mantún̄j̄ȳpa.

²⁹ Jesic Jesús iñímáy jém icuyujc̄wiñ:

—Numa mannímáȳpa, siiga iñchacpa iñtic o iñjatun̄ o iñapa o iñt̄iwitam o iñyomo o imman̄ictam iga nicpa inwat juuts mip̄imáȳpa Dios, ³⁰ jesic Dios miw̄iyoȳpa ȳip naxyucmi, ocmi nicpa miñti con Dios para siempre.

Eybic inmatpa Jesús iga accaatap

(Mt. 20:17-19; Mr. 10:32-34)

³¹ Jesic Jesús inwejput jém doce icuyujc̄wiñ, iñímáy:

—Maton̄taami, sīp tan̄icpa Jerusalén. Jém wiñicpic profeta ijaychacne ti annascaaba aich jém aMiñnew̄ip Siñyucmi. Jemic Jerusalén cupacpa itumpiy juuts ijaychacne.

³² Ac̄ijun̄cottap jém tun̄gac p̄ixiñtam ic̄ijom̄ jém dapic je de Israel. Jeeyaj asaaȳyyaj̄pa, amalnimayyaj̄pa y atsujcayaj̄pa. ³³ P̄imi acótsaȳpa, ocmi accaayaj̄pa jém malopic p̄ixiñtam. Pero jém tucunajama acp̄istap̄ de jut̄ it̄ jém caaneyajw̄ip.

³⁴ Jém icuyujc̄wiñ da wíap icut̄iȳȳȳaj̄ ti iñímáy jém Jesús. Porque Dios da ij̄icpa iga w̄iñ̄ icut̄iȳȳȳ. An̄écne jém j̄ixi para jeeyaj.

Jesús icp̄is tum cácht̄i de Jericó

(Mt. 20:29-34; Mr. 10:46-52)

³⁵ Jesic cuando núc noco Jesús jém atebet Jericó, jemum coñ tum cácht̄i tun̄an̄aca iga iwácpa tumiñ. ³⁶ Mu imaton̄ iga naspa tsam̄ j̄ayañ p̄ixiñtam, jém cácht̄i icwácpa ti naspa.

³⁷ Jesic jém ityajw̄ip iñimayyaj jém cácht̄i:

—Naxi jém Jesús jém Nazaretpic p̄ixiñ.

³⁸ Jesic p̄imi an̄wejpa jém cácht̄i. Nimpa:

—¡MiJesús, jém rey David miMan̄ic, ayaachanjami!

³⁹ Jesic jém an̄jagoyñeyajw̄ip iñicyaj iwogayyaj̄pa jém cácht̄i. Ip̄im̄iȳȳaj̄ iga odoy j̄iyiñ. Pero jesic más p̄imi j̄ȳpa jém cácht̄i. Nimpa:

—Jém rey David miMan̄ic, ayaachanjami.

⁴⁰ Jesigam teeñanjac Jesús. Ip̄im̄iȳ jém ityajw̄ip iga inimíñáyiñ jém cácht̄i.

Cuando nanúct̄a jut̄ it̄ Jesús, jesic iñímáy:

⁴¹ —¿T̄i iñxunpa iga man̄wadáȳpa?

Nimpa jém cácht̄i:

—MánQmi, ansunpa iga actojaaȳi ánixcuy.

⁴² Jesic Jesús iñímáy:

—Manactojáȳpa iñixcuy. Iga tsam̄ in̄cupicne, Dios micp̄is.

⁴³ Jeeti rato toj jém cácht̄i iixcuy. Ixixóypam. Mojum itún̄j̄ȳ jém Jesús. Icujíppa Dios. Jesic cuando itumpiy jém p̄ixiñtam iixyaj̄ ti iñasca, icujípyajpatim Dios.

19

Jesús y Zaqueo

¹ Jesic tiḡiȳ Jesús Jericó, naxi idic jém atebet. ² Jemum it̄ idic tum̄ p̄ixiñ iñiyi Zaqueo. An̄jagooyi idic de jém impuesto. Tsam̄ p̄imi rico. ³ Agui iixtooba jém Jesús, pero da wíap porque tsam̄ itñim̄. Agui chapa jém Zaqueo. ⁴ Jesic póyan̄tsucum̄ jém Zaqueo, an̄jagóy miñic, quim̄ tum̄ sicómoro cuyyucmi iga w̄iñ̄ iix Jesús porque jemigam naspa. ⁵ Cuando naspa Jesús, iámquímáȳpa cuyyucmi jut̄ it̄ jém Zaqueo. Iñímáy:

—MiZaqueo, impimi queti. Yíp jama nicpa manjójáy iñticiim.

⁶ Jesic jicsciy quet jém Zaqueo. Nic ichon jém Jesús, iwagananicpa iticciim. Tsam maymay jém Zaqueo. ⁷ Pero jém pixiñtam da iwianjamyaj iga nicpa Jesús con jém Zaqueo. Moj icujyyaj jém Jesús. Nimyaj:

—Da wi iga nicpa tanjójáy tum táncaywiip iticciim.

⁸ Ocmi teñchucum jém Zaqueo iticciim, iñímáy Jesús:

—Mánomi, siip anwécpa itumpiy jém anaitwiip. Cuccumi anchiiba jém yaachayajpápic. Siiga i ammigóyayñe iga annúmáy itumiñ, jesic anáseedáypa cuatro veces.

⁹ Jesic nimpa Jesús:

—Yíp jama ciacputtap jém ityajwiip yíp ticciim. Táncay idic, pero taich pixiñ, imanictim jém Abraham. ¹⁰ Ich, jém aMiñnewiip Siñyucmi, miñ amméts jém togoyñeyajwiip iga anciacputpa.

*Jesús inmat jém cuento de jém diez esclavo
(Mt. 25:14-30)*

¹¹ Iganam imatonyajpa, Jesús inmadáypatim jeeyaj tum xutu cuento. Porque da juumi jém Jerusalén y jém pixiñtam ijisyajpa iga dam jáyñe núcpa jém tiempo iga Dios injacpa yíp naxyucmi. ¹² Jesic Jesús iñímáy:

—It idic tum wibic pixiñ. Anwejaytap iga niguiñ iccámta juuts tum mijpic anjagooyi. Juumi nicpa ipic jém icargo. ¹³ Pero antes que nicpa, inwejay diez jém icuyoxapaap. Ichi cada tumtum cien tumiñ de plata. Iñímáy jeeyaj: “Nigi mimáymáyooyi iga iñyoxacaiñ yíp tumiñ hasta amiñgacpa.” Ocmi nic jém pixiñ. ¹⁴ Pero jém ityajwiip jém iñaxyucmi tsam ijóyxyajpa jém wibic pixiñ. Jesic jeeyaj icutsatyaj anmati hasta jut nicpa ipic jém icargo. Nimyajpa iga: “Da ansuntampa iga accámta yíp pixiñ juuts ananjagooyi.” ¹⁵ Pero jém wibic pixiñ oy ipic jém icargo. Eybic set iticmi. Mu iñúc, inwejayyaj jém icuyoxayajpaap, jém ichiñewiip jém tumiñ. Ijodónatooba jutsan icoñwiñe jém itumiñ. Icwác cada tumtum de jeeyaj. ¹⁶ Núc jém wiñtipic. Nimpa: “Mánomi, jém cien tumiñ de plata icoñwíy mil tumiñ de plata.” ¹⁷ Jém anjagooyi iñímáy: “Agui wibic miyoxaciwiñ. Iga inwiyoaxaca jém tumiñ, jesic manaccámpa como tum minjagooyi de diez attebet.” ¹⁸ Ocmi núc jém tungac icuyoxapaap. Iñímáy: “Mánomi, jém cien tumiñ de plata icoñwíy quinientos tumiñ de plata.” ¹⁹ Jém anjagooyi iñímáy: “Jesic manaccámpa como minjagooyi iga ininjacpa cinco attebet.” ²⁰ Jesic núcpa tungac jém icuyoxapaap. Nimpa: “Mánomi, yim it jém cien tumiñ de plata. Manaccáyayñe idic tum pañuelojom ²¹ porque agui acinpa. Ich anjodon iga tsam impimíypa jém iñyoxaciwiñ. Mich iñtobáyáy jém tungac pixiñ imichi pimimi. Tungac iñippa jém cama, pero mich impinpa jém cosecha.” ²² Jesic nimpa jém anjagooyi: “Mich tsam mimalo. Siip mancipinpa con micham iniñmati. Siiga iñjodon iga tsam ampimíypa jém anyoxaciwiñ y antobáypa jém tungac pixiñ imichi pimimi y iga ampinpa jém cosecha jém dapic anñipne, ²³ ¿jesic tiiga da incucom antumiñ jém banco iga ich ampictsonpa antumiñ con icoñwiyooyi cuando asetum?” ²⁴ Jesic jém anjagooyi iñímáy jém ityajwiip: “Accáyaayi yíp pixiñ itumiñ. Chi jém iniitwiip jém mil tumiñ de plata.” ²⁵ Jesic nimyajpa jeeyaj: “Mánomi, iniitum mil tumiñ de plata.” ²⁶ Pero jém anjagooyi iñímáy: “Jém iniitwiip, anchiiba más. Jém dapic jutsan iniit, más anaccáyáypa jém uxanpic iniit. ²⁷ Siip namíñi yim jém dapic ixunyajpa iga ich accámta juuts anjagooyi iga ananjacpa. Accaayaji yim anwiñjom jém malopic pixiñtam.”

*Tigy Jesús jém Jerusalén
(Mt. 21:1-11; Mr. 11:1-11; Jn. 12:12-19)*

28 Jesic cuando yaj an̄māti Jesús, moĵgacum nīqui Jerusalén, anĵagóypa iñic. 29 Jesic núcyajtoobam jém wisten attebet jém Betfagé y Betania. Cotsic an̄nāca, jém cotsic iñiyi Olivos. Jesic Jesús icutsat wisten jém icuyujc̄iwiñ iga iwatpa tum mandado.

30 Nímayyajta:

—Nictaami jém tigan̄joj jém tánámmocnewīp. Cuando miñúctámpa, impáttámpa tum burro tsenne. Jém burro da i queman iquímca. Wiji, anamíñaayi. 31 Siiga i micwácpa iga tiiga in̄wijpa, jesic nímaayi iga jém iñomi ixunpa.

32 Jesic nicyaj jém icutsatneyajw̄īp, ipátyaj juuts iñímáy Jesús. 33 Cuando iwijyajpa jém burro, jém iomi acwágóypa, iñímáy:

—¿Tiiga in̄wijpa amburro?

34 Jesic jém Jesús icuyujc̄iwiñ icutson̄yaj. Iñímayyaj:

—Porque jém tánomi ixunpa.

35 Nanigaytap Jesús jém burro. Jesic jém icuyujc̄iwiñ icutócyajpa jém burro con iyooti. Acquímta Jesús burroyucmi. 36 Iganam nicpa jém Jesús, jém ityajw̄īp itógayyajpa iyooti tunjom jūt witpa jém burro. 37 Jesic núcyajpa nocojom Jerusalén. Nasyajpa jém cotsican̄nāca iñiyi Olivos. Itúñiyyajpa itump̄iy jém icupicneyajw̄īp Jesús. Agui maymayyaj. Pimi jiyyajpa. Icujípyajpa Dios iga agui jáyan wib̄ic milagro iixyaj. 38 Nímyajpa jém Jesús icuyujc̄iwiñ:

—Tanĵatun̄ Dios tacutsadáy tum Rey, w̄i iga iw̄iwadáyíñ Dios. Maymáayyajpa jém ityajw̄īp s̄nyucmi. S̄ip agui cujíptap tanĵatun̄ Dios jém yucm̄ic it.

39 Jesic algunos jém fariseoyaj jém ityajw̄īp jém pixiñtámanjom, iñímayyaj jém Jesús:

—Maestro, an̄j̄iyjaci jém in̄cuyujc̄iwiñ porque icujiyyajpa Dios.

40 Pero Jesús iñímáy jém fariseoyaj:

—Mannímaytámpa siiga jeeyaj da icujípyajpa Dios, jesic jiyyajpa jém tsa jém itw̄īp tun̄ an̄nāca.

41 Cuando núc nocojom jém Jerusalén, mu iix jém attebet, agui wejpa Jesús. 42 Nímpa:

—Agui miuuguytim mimichtam miittan̄w̄īp ȳip Jerusalén. Núctip jém wib̄ic an̄māti iga miciācputpa Dios, pero mimichtam da in̄wian̄jamta. S̄ip nasum jém jama iga impictson̄támpa jém wib̄ic an̄māti. 43 Núcpa jém jama iga miyaachwattamtap. Jém iñenemigoyaj micuteñ̄x̄etpa icuwoyo ȳip attebet. Micunúcyajpa cada lado hasta da jūt w̄iap imput. 44 Miccutin̄tamtap naxyucmi. Miswattaptim itump̄iy jém t̄icyaj, cujegáypatim jém tsaataañi. Da ts̄iypa ni tum jém tsa jūt cutatsquetne. Yajpa miccucaaytamta iñtump̄iytam. Miñt̄ip Dios iga miciācputtámpa, pero michtam da in̄wian̄jamta.

Jesús iw̄itsac jém mijpic mastic

(Mt. 21:12-17; Mr. 11:15-19; Jn. 2:13-22)

45 Jesic t̄igiy Jesús jém mijpic masticjom. Iquebacput an̄s̄icmi itump̄iy jém máymáyoypáppic y jém juyjúyoypáppic.

46 Jesús iñímáy:

—Jempam jaychacnet̄a jém Dios in̄māti, nímpa Dios iga: “Ich antic jūt jém ampixiñtam in̄wejpátyajpa Dios. Pero s̄ip jém númyajpaap yamyajpa jém Dios it̄icjom.”

47 Jesic ocmi accuyujóypa jém Jesús cada jama jém mijpic masticjom. Pero jém panij an̄jagooyiyaj con jém escribasp̄ic maestroyaj con jém Israelp̄ic an̄jagooyiyaj ts̄am imétsyajpa jutsap iccaayaj jém Jesús. 48 Pero da ipátyajpa jutsap icca. Porque itump̄iy jém pixiñtam p̄imi iw̄ian̄jamayaj iga imaton̄yajpa jém Jesús in̄māti.

20

*Acwácta Jesús i icutsat**(Mt. 21:23-27; Mr. 11:27-33)*

¹ Tum jama accuyujóypa Jesús jém mijpic masticjom. Inmadáypa jém pixiñtam jém wibic anmati iga Dios taciaputpa. Jesic núcyaj jém panij anjagooyiyaj con jém escribaspic maestroyaj. Wagamiñyaj con jém wídaytam. ² Nímayta Jesús:

—Anímaayi: ¿I miñímáy iga inwatpa yimpic? ¿I mipimíy?

³ Jesic Jesús icutson. Inímáy:

—Ichgacti manacwácpa. Anímaayi: ⁴ ¿I ipimíy jém Xiwan jém acchínoyapaap? ¿Dios ipimíy o jém pixiñtam?

⁵ Jesic jém anjagooyiyaj moj nanímayyajtaji entre jeeyaj:

—Siiga tannímáypa iga Dios ichi ipimi jém Xiwan iga acchínoyapa, jesic wíap tanímáy iga: “¿Jesic tiiga da incupicta?” ⁶ Pero siiga tannímáypa iga Dios da ichi ipimi jém Xiwan, jesic itumpiy jém pixiñtam tanácscaaba tsaami porque jeeyaj icupicyajpa iga nunta profeta jém Xiwan.

⁷ Jesic jém anjagooyiyaj icutsonyaj iga da ijodon j ichi ipimi jém Xiwan.

⁸ Jesic Jesús inímáy:

—Ich datim mannímáypa jut ampic jém ampimi iga anwatpa juuts síp anwat.

*Jém malopic yoxacwiñ**(Mt. 21:33-44; Mr. 12:1-11)*

⁹ Jesic Jesús moypa inmat tum xutu cuento iga inquejáypa jém pixiñtam. Inímáy:

—It idic tum pixiñ. Iníit tum jaca nas. Iníp tum finca de uvas. Ocmi icnucs jém iñas tungac jutén yoxacwiñ. Jesic jém nas iomi nic iti tungac naxyucmi. ¹⁰ Ocmi núc jém tiempo iga itúcyajpa jém uvas. Jém nas iomi icutsat tum jém icuyoxapaap iga iwéguiñ jém uvas con jém acnucsnetawip jém nas. Pero pimi cótsta, acsetta, da ti ichiiyaj. ¹¹ Jesic jém nas iomi icutsat tungac jém icuyoxapaap. Pero cótstatim, malnámaytatim. Datim j ichi jém uvas. ¹² Jesic jém nas iomi tuciy icutsat tungagam jém icuyoxapaap, pero accoowata, quebacputtatim.

¹³ ‘Ocmi ijis jém nas iomi: “¿Ti wíap anwat? Ancutsatpa jém ammanic jém tsampic antoypa. Ich animpa iga wixtap jém ammanic.” ¹⁴ Jesic jém pixiñ imaníc nic ipic jém uvas. Pero mu iixyaj jém icnucsneyajwip jém nas, nanímayyajtaj: “Yíbam ipictsonpa jém ijatun imíchi. Síp tanaccaaba. Jesic taichtam tammichap yíp nas.” ¹⁵ Jesic matsta jém pixiñ imaníc, quebacputta, accaata anscimi.

Jesic Jesús icwác jém pixiñtam:

—Síp anímaayi: ¿Ti iwatpa jém nas iomi con jém malopic pixiñtam? ¹⁶ Ich animpa iga miñpa iccucaáy itumpiy jém icnucsnewip jém iñas. Imétspa tungac iga iyoxacaiñ jém finca de uvas.

Cuando imatonyajpa junimpa Jesús, jesic nímuyaj jém anjagooyiyaj:

—¡Ni Dios da ixunpa iga tannascaaba jempic!

¹⁷ Jesic Jesús pimi iámmats jeeyaj. Inímáy:

—¿Jesic ti nimtooba jém Dios inmati jém jayñewip?

Jém ticwatpaap ipatsáy jém tsa.

Ocmi eybictim pin̄ta,

accámta jut tsucumpa jém tigan̄taana.

Síp jeetim tsa icóppacne jém tic.

¹⁸ Nímtim Jesús:

—Siiga michutpa yíp tsaayucmi, micusámáypa juuts tum majcuy. Siiga micuchijquetpa yíp tsa, michíypa juuts pooti.

I tanyojáypa jém impuesto
(Mt. 22:15-22; Mr. 12:13-17)

¹⁹ Jém panij anjagooyiyaj con jém escribaspic maestroyaj imatsyajtooba idic jém Jesús jeeti rato. Porque icutiyyiyaj iga jeeyaj icuyucmi inmatpa jém xutu cuento. Pero da wiap imatsyaj. Icinjaypa jém pixiñtam. ²⁰ Jesic agui icuixyajpa jém Jesús. Icutsatyajpa jém icusutsyajpáppic. Jeeyaj nímanṭaayayajpa iga icuyujcayajpa jém Jesús inquímayooyi. Pero migóypa. Imétsyajpa jutpic wiap iquejajwadayyaj, icijunṭotyajtooba Jesús jém gobernador icijom. ²¹ Jeeyucmi icwácyajpa Jesús, nímayṭa:

—Maestro, anjodónṭata iga ininmatpa jém wibic jixi. Tsam wi jém inṭanama. Mich da ammigóyáypa, siempre ininquejpa jém numapic anquímayooyi jém tachiiñewip Dios.

²² Jesic anímaayi: ¿Wi iga tanyojáypa impuesto jém Romapic anjagooyi o da wi?

²³ Pero Jesús icutiyyiyaj iga agui jáyayanjichich jém icusutsyajpaap. Inímay:

—¿Tiiga ancutitstámpa? ²⁴ Anquejaayi tum jém tumiñ. ¿I iwíñpac, i iníyi accámayñeta yíp tumiñyucmi?

Jesic nímyaj jém pixiñtam:

—Jém César, jém Romapic anjagooyi.

²⁵ Jesús inímay:

—Jesic jém Césarpic imichi, chiitaami jém César. Jém Diospic imichi, chiitaami Dios.

²⁶ Pero Jesús da ti inmat jém pixiñtamanjom iga jém ienemigoyaj da wiap iquejajwadayyaj. Ipoñanjamyajpa iga agui wiap icutson Jesús. Jém icutitsyajpáppic dam más jiy.

Jutsap icpisyajta jém caaneyajwip
(Mt. 22:23-33; Mr. 12:18-27)

²⁷ Ocmi miñ iámyaj Jesús algunos jém saduceoyaj. Jeeyaj da icupicyajpa iga Dios icpíspa jém caaneyajwip. Icwácyajpa jém Jesús, nímyajpa:

²⁸ —Maestro, jém Moisés tajaychagayñe iga siiga caaba tum pixiñ y ichacpa iyomo da manigíy, jesic jém pixiñ itiwí ipigáypa jém iyomo iga inimanicwatpa. Tsíypa jém imaníc juuts jém caanewip imaníc. ²⁹ Jesic it idic tum pixiñ con siete ijaymaníc. Ancoomíypa jém más achpic. Ocmim ca. Da ichac ni tum imaníc. ³⁰ Jesic jém ipiṭsi ipic jém icapay, jém cunoya. Ocmi jém pixiñ caatim mex je. Datim inimanicwat jém yomo. ³¹ Jesic jém tunṭac ijáyuc ipictim jeetim yomo. Jempigam iwatyaj icusiete. Ca itumpiy. Ni tum da inimanicwat jém yomo. ³² Ocmi caatim mex jém cunoya.

³³ Jesic acwácta Jesús:

—Anímaayi cuando acpisyajtap jém caaneyajwip, ¿jup de jeeyaj tsíypa iga jém yomo iwídaya? Icusiete inincoomiyñeyaj jém yomo.

³⁴ Jesic Jesús icutson. Nimpa:

—Jém ityajwip yíp naxyucmi jém pixiñtam y jém yomtam ancoomíyyajpa, napicyajtap.

³⁵ Pero jém wiapaap inicyaj sinyucmi, jém icpisyajpáppic Dios de jém caaneyajwip, dam ancoomíyyajpa, dam napicyajtap jém pixiñtam con jém yomtam. ³⁶ Jém nícyajpáppic sinyucmi da eybic caayajpa. Tsíyyajpa juuts jém sinyucmic pixiñtam. Jeeyaj Dios imanictam porque Dios ichiiyaj jém jomipic mjtay. ³⁷ Jém Dios inmati, jém ijaychacnewip jém Moisés, tanquejaytámpa iga acpístap jém caaneyajwip. Nimpa iga cuando jípsa jém xutu cuy, Dios inímay jém Moisés iga: “Ich jém Abraham aDios, jém Isaac aDios y jém Jacob aDios.” ³⁸ Quejpa iga tanjatun Dios da je jém caanewíppic iDios, je jém vivopic iDios.

³⁹ Jesic jém escribaspic maestroyaj inímayyaj jém Jesús:

—Maestro, miw_inim.

⁴⁰ Da eyb_ic icwácyajpa. Iciñyaj.

I imanic jém Cristo

(Mt. 22:41-46; Mr. 12:35-37)

⁴¹ Jesic jém Jesús iníimáy jém p_ix_iñtam:

—¿Jutsap inímyaj iga jém Cristo jém rey David imanic? ⁴² Pero jém David ijaychacne jém Salmojom:

Jém tanJatun Dios iníimáy jém tánQmi Cristo:

“Coñi y_im anañw_imi

⁴³ hasta que incoñw_iy jém mijóyixyajpaap.”

⁴⁴ ¿Pero jutsap ichíy jém Cristo juuts jém David imanic siiga n_imtim jém David iga jém Cristo je jém iQmi?

Wogayta jém maestro de jém Israelpic añquímayooyi

(Mt. 23:1-36; Mr. 12:38-40; Lc. 11:37-54)

⁴⁵ Iganam imatonjajpa itumpiy jém p_ix_iñtam, Jesús inquejáypa jém icuyujc_iwiñ. Iníimáy:

⁴⁶ —iNawattaji cuenta! Odoy w_ati juuts iwatyajpa jém escribaspic maestroyaj. Agui iw_ianjamyaj iga iccámyajpa jém yagatsyooti. Agui iw_ianjamyaj iga tandioschiiñ calle. Imétsyajpa jém más yucm_ipic coñcuy jém sinagoga. Cuando nicpa sínaji icusúniyyajpa jém más w_ib_ic coñcuy jut w_icyajpa. ⁴⁷ Agui jáypa inwejpát Dios iga tamigóyáypa. Pero ocmi iccáyáypa jém cunoya itic. Yíp malopic p_ix_iñtam ipictsonjajpa tsam mijp_ic castigo cuando nicpa iyoj itañca.

21

Jém pobrepic cunoya inimiñáy Dios tum ofrenda

(Mr. 12:41-44)

¹ Jém mijp_ic masticjom ámquím Jesús, iix jém ricopic icotyajpa tumiñ jém cajonjom jut cottap ofrenda. ² Iixtim tum pobrepic cunoya. Icot cajonjom w_isten xuxut tumiñ. ³ Nimpa Jesús:

—N_uma, mannímáypa iga yíp pobrepic cunoya más chióy que itumpiy jém miññeyajw_ip. ⁴ Yípyaj rico icotyajpa cajonjom no más jém cutsíyñew_ip. Pero yíp yomo aunque tsam yaachap, icuchiáy Dios itumpiy jém iniitw_ip. Dam ti initsíy iga ijuypa iwíccuy.

Nimpa Jesús iga miswattap jém mijp_ic mastic

(Mt. 24:1-2; Mr. 13:1-2)

⁵ Nimyajpa jém icuyujc_iwiñ:

—Agui w_iwatneta yíp mijp_ic tammastic. Agui w_itampic tsa accamayñeta. Agui w_itampic xaja jém inimiññew_ip jém p_ix_iñtam iga ichiiba Dios.

Jesic nimpa Jesús:

⁶ —Núcpa jém jama iga miswattap yíp mijp_ic mastic. Da cutatsquetneebe ichíy ni tum tsa. Itumpiy accujegayyajt_ap.

Jém seña iga tánixpa antes que cuyajpa yíp nas

(Mt. 24:3-28; Mr. 13:3-23)

⁷ Jesic jém icuyujc_iwiñ icwácyaj jém Jesús. Nímayta:

—¿MamMaestro, juchis naspa yípyaj cosa? ¿Jup seña tánixtampa cuando núctooba itumpiy yípyaj cosa?

⁸ Nimpa Jesús:

—Nawattamtaji cuenta iga odoy i mimigóyáyiñ. Porque miñyajpa wati jém migoyyajpaap ich anniyimi. Nimyajpa iga: “Ich aCristo”; y “Siip núcum jém tiempo.” Pero odoy cupici. Odoy túnyiyi. ⁹ Cuando immatontámpa iga miñpa jém guerra y miñpa jém bulla, odoy cñi. Porque wiñti naspa itumpiy jexpic cosa. Pero danam jobit togoypa yíp nas.

¹⁰ Iñimáytim Jesús:

—Tum nación añayajpa con tungac nación. Tum naxyucmi iwatyajpa guerra con tungac naxyucmi. ¹¹ Miñpa jém mijpic nasyixi. Miñpa mijpic yuu, miñpa tsam jáyan caacuy jutiquej. Miñpa jém cosa agui michiganjécpa. Queyajpa jém mijpic seña sinyucmi.

¹² Pero wiñti mimatstamtap mimichtam. Mimalwadaytamtap. Mininictamtap jém sinagoga iga miquejajwadaytamtap. MicUcomtamtap cárcel. Mininictamtap jém rey iwiñjom y jém gobernador iwiñjom. Mijóyixtamtap ich aņcuyucmi. ¹³ Jesic cuando miñúctámpa jém anjagooyicim wiap ininmadayta jém wibic aņmati. ¹⁴ Odoy wadaayi caso jutsap inicupujta iñyaac, ¹⁵ porque manchiiba aņmati jutpic inçutsonpa. Manchiiba jém wibic jixi. Jém mijóyixpaap da wiap micoñwiy. Da wiap micseedáy jém ininmati. ¹⁶ Algunos de michtam mijóyixtámpa jém injatun o iñapa o iñtiwi o iñamigo. Mimatstamtap iga micijunçottap jém anjagooyicim. Miccaatamtap algunos de mimichtam. ¹⁷ Itumpiy jém pixiñtam jém ityajwip yíp naxyucmi mijóyixtámpa ich aņcuyucmi. ¹⁸ Pero da togoypa ni tum inway jém iniitwip inçobacyucmi. ¹⁹ Siiga iñyaachíypa cuando pimi mimalwadaytap, jesic inçoñwiy jém invida.

²⁰ Pero cuando iñixtámpa iga cutánsetneum Jerusalén con soldado, jesic injodonam iga jobit togoypa jém attebet. ²¹ Siiga miit jém naxyucmi de Judea, jesic poytaami, nictaami jém çotsiganjom. Siiga miit jém attebet de Jerusalén, jesic puttaami, poytaami. Siiga miit aņsicmi, jesic odoy tigiyi jém attebet. ²² Porque núcum jém jama iga Dios ichiiba castigo jém Jerusalépic pixiñtam. Cupacpa jém aņmati jém ijaychacnewip jém wiñicpic aņmatciwiñ. ²³ Agui uuguytim jém yomtam jém manicomcanewip y jém ictsútspáppic jém xuxut tsixtam. Porque miñpa tsam jáyan aņyaaqui yíp naxyucmi. Jém Israelpic pixiñtam ipictsonyajpa tsam mijpic castigo. ²⁴ Cuando miñpa jém guerra tsam jáyan accaayajtap, matsyajtap, nanicyajtap juumi hasta icuwiti yíp naxyucmi. Jém juumipic pixiñtam miñpa iti yíp Jerusalén, imichap hasta cupacpa jém tiempo iga Dios ijigáypa iga tsíyyajpa jem.

Jutpic miñgacpa jém tánomi Jesús

(Mt. 24:29-35, 42-44; Mr. 13:24-37)

²⁵ Jesic quejpa jém seña jém jamyucmi, jém poyayucmi y jém matsaanjom. Itumpiy jém pixiñtam icuwiti yíp mundo tsam pimi cñyajpa cuando imatonyajpa iga pimi jupa y tsigóypa jém lamar. Da icutiyyayajpa ti wiap iwatyaj. ²⁶ Iga agui cñyajpa, jém pixiñtam cupónaquetyajpa cuando iixyajpa ti naspa yíp naxyucmi. Tsigoyyajpa jém matsa jém ityajwip sinyucmi. ²⁷ Cuando amiñgacpa, aich jém aMiñnewip Sinyucmi, jesic itumpiy jém pixiñtam jutquej yíp naxyucmi wiap aixyaj. Amiñgacpa ucsiyucmi juuts tum mijpic aņjagooyi, anamiñpa jém Dios ipimi. ²⁸ Cuando mojpa naxi yípyaj cosa, maymáyaj, agámquiimi inçobac, porque dam jáyñe miciaçputtámpa Dios.

²⁹ Inmattim Jesús yíp xutu cuento:

—Ámtaami jém tsuj y jém tungac cuyyaj. ³⁰ Siiga iñixtámpa iga químpa jém mañipic iay, jesic injodon iga da jáypa naspa jém cujamsin, miñtooba jém cutujci. ³¹ Jesanetim cuando

ĩnixtámpa iga naspa yíp cosa, iñjodoñtam iga núctoobam jém jama iga Dios iñjacpa yíp naxyucmi.

³² 'Numa mannímaytámpa iga da yajpa cucaaayiyaj jém ityajwip jém tiempo hasta cupacpa itumpiy juuts mannímayñe. ³³ Cuyajpa jém siñ y jém nas, pero ich anañmatí cupacpa, da nunca cuyajpa.

³⁴ 'Cuidado iga mancupiichciyapa cuando amiñgacpa. Da wí siiga tsam it jém malopic jixi iñanamanjom, tsam miucpa, tsam iñjísapa jém iniitwip yíp naxyucmi. ³⁵ Jém jama miñpa juuts wimpa tum trampa, ichiganjécaypa jém pixiñtam icuwiti yíp naxyucmi, jém dapic anjócneyaj. ³⁶ Nawitsacnetamtaji, odoy tsaci iga iniñwejpáttámpa Dios iga Dios miyoxpádiñ iga odoy immalnascañ cuando miñpa jém jama. Jesic wiap iññúc ich añwiñjom jém aMiññewip Siñyucmi.

³⁷ Jesic siññi Jesús inquejáypa jém ityajwip jém mijpic masticjom. Tsucim nicpa iti jém cotsicyucmi, jém cotsic iñyi Olivos. ³⁸ Cada cuqueja nicaypa jáyan jém pixiñtam jém mijpic masticjom iga imatoñyajpa jém Jesús.

22

*Jém ienemigoyaj iñisyajpa jutsap imatsyaj jém Jesús
(Mt. 26:1-5, 14-16; Mr. 14:1-2, 10-11; Jn. 11:45-53)*

¹ Jesic núctooba jém siñ iga icútyajpa jém caxtánañi sin levadura, iñyi jém pascuasñ. ² Jém panij anjagooyiyaj con jém escribaspic maestroyaj imétsyajpa jutsap iccaayaj jém Jesús. Pero da wiap imatsyaj porque icñyajpa jém pixiñtam.

³ Jesic ocmi jém Wocciwiñ tigi y jém Judas Iscariote iñanamanjom. Je tum de jém docepí icuyucwiñ. ⁴ Jesic jém Judas nic inmadáy jém panij anjagooyi y jém comandante de jém masticjompic policia jutsap icñjunçot jém Jesús. ⁵ Jesic agui maymayyaj jeeyaj. Iñimayyaj iga ichiiba tumiñ jém Judas cuando icñjunçotpa jém Jesús. ⁶ Jesic jém Judas iwat trato con jeeyaj. Moj iméts jutpic icñjunçotpa jém Jesús cuando da iyaj jém pixiñtam.

*Jém tánomi ictsucum jém Santa Cena
(Mt. 26:17-29; Mr. 14:12-25; Jn. 13:21-30; 1 Co. 11:23-26)*

⁷ Jesic núcum jém jama iga iwatyajpa jém siñ iga icútyajpa jém caxtánañi sin levadura, jém pascuasñ cuando accaayajtap jém mañborrego. ⁸ Jesús icutsat jém Peto con jém Xiwan iga iwitsacpa jém wíccuy. Nímayyajta:

—Nigi wattaami jém wíccuy iga tanacnaspa jém pascuasñ.

⁹ Icwacyajpa jeeyaj, nímayta Jesús:

—¿Jut iñxunpa iga tasíñatámpa?

¹⁰ Icutsonpa Jesús, nímaytap jém Peto y jém Xiwan:

—Cuando mitigiytámpa jém atebet, impáttámpa tum pixiñ ininicpa tum majcuy ni. Túnjyaami hasta núcpa jém ticim jut tigiypa. ¹¹ Nímaayi jém tic iomi iga jém imMaestro iñimáypa iga: “¿Jut it jém cuarto jut asíñatámpa con jém añcuyucwiñ?” ¹² Jesic jém tic iomi minquejáypa tum mijpic cuarto jém yucmipic piso, witsacneum, jut it itumpiy cosa iga tawícmonjámpa. Jemum wattaami jém wíccuy.

¹³ Jesic nicyaj, ipátyaj jém tic juuts iñimáy Jesús. Jemum iwatyaj jém wíccuy iga wícmonyajpa jém pascuasñ.

¹⁴ Jesic núcum jém hora iga wícyajpa. Coñyajum Jesús jém mesacim con jém doce apóstolyaj. ¹⁵ Jesic iñimáy jeeyaj:

—Tsam ansunpa iga anwatpa yíp sin con mimichtam antes que ayaachwattap. ¹⁶ Mannímaytámpa iga da eybíc tawagawícpa jém pascuasín hasta que núcpa jém jama iga Dios injacpa yíp naxyucmi.

¹⁷ Jesic Jesús ipíc tum copa icijom. Inwejpát Dios.

Jesigam inímáy jém icuyujcwiñ:

—Pictaami yíp copa. Wéctaami entre mimichtam. ¹⁸ Mannímaytámpatim iga da eybíc ánuropa yíp uvas iní hasta que miñpa jém jama iga Dios injacpa yíp naxyucmi.

¹⁹ Jesic imatspic tum caxtánañi. Cuando yaj inwejpát Dios, iwéc jém caxtánañi, ichi jém icuyujcwiñ. Inímáy:

—Yíp caxtánañi ich ammitay. Anchiiba ammitay iga accatañi para mimichtam. Wattaami yimpic iga anjístámpa mimichtam.

²⁰ Ocmi jempictim iwat con jém copa. Cuando yajum wiiqui, inímáy icuyujcwiñ:

—Yíp copa jém jomipic trato jém anwatpáppic con mimichtam iga manwitsagáypa inñanca cuando antegáypa annipiñ.

²¹ Síp yim it con taichtam jém acijuncotpáppic. It ici yíp mesayucmi. ²² Numa ich accaatap, jeeyucmi jém anjatun Dios acutsat yíp naxyucmi. Pero agui uuguytim jém pixiñ jém acijuncotpaap jém malopic pixiñtam icijom.

²³ Jesic moj nacwácyajtaji entre jeeyaj iga i icijuncotpa jém iMaestro.

I tsíypa juuts jém más mijpic anjagooyi

²⁴ Ocmi moj añajiyaj jém icuyujcwiñ. Nacwácyajta entre jeeyaj iga i tsíypa juuts jém más mijpic anjagooyi de jeeyaj.

²⁵ Pero Jesús inímáy:

—Yíp naxyucmic rey tsam pimi iccámpa orde. Tsam ipimíypa jém ipixiñtam. Pero jeeyaj icujípyajpa jém irey aunque agui ipimíy. ²⁶ Pero mimichtam odoy watí jempic. Da wí iga tsam impimíypa jém inñiwitam. Entre mimichtam jém más mijpic anjagooyi tienes que tsíypa juuts jém más mañipic. Jém más mijpic tienes que micuyoxatámpa inñumpiytam. ²⁷ ¿I más iniit ipimi, jém coñnewip mesacim o jém icuyoxapaap, jém inimiñpáppic jém wíccuy? Mannímáypa iga ich amiñ iga mancuyoxap.

²⁸ Nimitim Jesús:

—Mimichtam siempre miitta con aich cuando tsam acutítsta. ²⁹ Jeeyucmi manchiiba jém pimi iga michíytamiñ juuts minjagooyítam cuando ich miñpa ananjac jém ityajwip yíp naxyucmi. Síp manchiiba jém ampimi porque ich achiiñe jém anjatun Dios. ³⁰ Tawagaittámpa cuando miñpa ananjac jém pixiñtam yíp naxyucmi. Miwíctámpa y miñíctámpa ammesacim. Miwagacoñtámpa jém anjagooyi icocuyucmi iga inçipinjtamiñ jém doce tribu de jém Israelpic pixiñtam.

Nimpa Jesús iga Peto inécpa (Mt. 26:31-35; Mr. 14:27-31; Jn. 13:36-38)

³¹ Jesic Jesús inímáy jém Peto:

—MiPeto, ixí iga jém Wocciwiñ miwácneta inñumpiytam. Tsam micutítspa siiga numa inçupicneta Dios. Micuxicstámpa juuts trigo. ³² Pero ananjewjpátpa Dios para mimich iga odoy inçaguiñ iga inçupicpa Dios. Pero ocmi cuando eybíc inçupicsetpa Dios, jesic yoxpaati jém inñiwitam iga iwícupicyajiñ.

³³ Jém Peto inímáy Jesús:

—Mánomi, aít listo iga tawaganicpa cárcel con mimich. Wiaptim tanwagaca.

³⁴ Pero jém Jesús iñímáy:

—MiPeto, mannímáypa iga yíptim jama antes que añwejpá jém cayu anañécpa túcciy, miñimpa iga da ánixpicpa.

Núcum jém jama iga yaachwattap jém Jesús

³⁵ Jesic Jesús iñímáy jém icuyujcñwiñ:

—Cuando mañcutsatta sin morral, ni jém iñtumiñ accáycuy, ni tungac inçiac; ¿jesic ti mitogóyáy?

Nimyaj jém icuyujcñwiñ:

—Da ti.

³⁶ Jesic Jesús iñímáy jeeyaj:

—Siiga sñp inimiññe jém immorral o jém iñtumiñ accáycuy, jesic wiap ininíc. Siiga da iniñ tum espada, maayí jém iñchamarra iga iñjuypa. ³⁷ Mannímáypa iga numa anaccupacpa jém Dios inmatí jém jaychacnetawñp. Nimpa así: “Matstap jém Cristo, chiitap castigo juuts tum accaoyñewñp.” Cupacpa itumpiy juuts jaychacnetá jém Dios inmatí.

³⁸ Jesic nimyaj jém icuyujcñwiñ:

—MánQmi, yim it wisten espada.

Nim Jesús:

—Itum wí.

Jesús inwejpát Dios jém lugar Getsemaní

(Mt. 26:36-46; Mr. 14:32-42)

³⁹ Jesic put Jesús, nic juuts icostumbre jém Olivos cotsic. Itúñyyaj jém icuyujcñwiñ.

⁴⁰ Cuando núcyaj jém cotsicyucmi, Jesús iñímáy jém icuyujcñwiñ:

—Añwejpáttaami Dios iga odoy i wiañ micutítsta.

⁴¹ Jesic Jesús ichac icuyujcñwiñ, nic uxañ más juumi, jutspiy tañwípnica tum tsa. Jemum costeññeactiñ, moj inwejpát Dios. ⁴² Nimpa Jesús:

—Manjatun, siiga mich inwianjam, odoy jñici iga annascaaba yíp mijpic yaachaji. Pero odoy wati juuts ich ansunpa, wati juuts mich inwianjam.

⁴³ Jesic miñ iwiñquejay tum siñyucmipic pixiñ iga iccamamwadáypa jém Jesús ianama.

⁴⁴ Pero tsam pimi iñispa iga accaatap, jesic más pimi inwejpátpa Dios. Agui pimi cupijpa hasta witspa naxyucmi juuts niñpiñ.

⁴⁵ Jesic yaj inwejpát Dios. Tsucum, nic jut it jém icuyujcñwiñ. Ipát iga monyajpa jeeyaj porque tsam pimi anyácnayaj. ⁴⁶ Jesic Jesús iñímáy jém icuyujcñwiñ:

—¿Tiiiga mimontámpa? Tsucumtaami. Añwejpáttaami Dios iga odoy i wiañ micmalwat.

Matstá jém Jesús

(Mt. 26:47-56; Mr. 14:43-50; Jn. 18:2-11)

⁴⁷ Iganam jypa ixí jém Jesús, jesigam núcyaj tsam jáyan pixiñtam. Jém Judas, jém itwñp idic con jém docepic icuyujcñwiñ, inimiñ jém pixiñtam iga icñjuncotpa jém Jesús, icunúc, ichútsáy iacpac. ⁴⁸ Jesic Jesús iñímáy:

—Mijudas, ¿que mich añwadáypa atraición aich, jém aMiññewñp Siñyucmi, con tum aññacatsuuchi?

⁴⁹ Jesic cuando icuyujcñwiñ iixyaj iga matstá jém Jesús, iñímayyaj:

—MánQmi, ¿mañcupujpa con jém espada?

⁵⁰ Tum de jeeyaj itñ jém cobacpic panij imozo. Itñquímáy itatsic jém añwimipic. ⁵¹ Pero nimpa Jesús:

—Odoy wati jempic.

Jesic Jesús itóbáy eybic jém pixiñ itatsic. ⁵² Siibatim mex jém panij añjagooyiyaj con jém mijpic mastic injagooyi y jém wídaytam. Miñpa imatsyaj Jesús. Pero Jesús iñímáy:

—¿Tiiga miñ ammatsta con jém espada y con jém cuy? ¿Que ich anúmpaap? ⁵³ Jáyum tawagai ti jém mijpic masticjom, pero da i ammats. Pero sñp Dios ijícpa iga wiap ammatsta. Núc jém hora, wiap inwatta juuts ixunpa jém piichcñmpic ipimi.

Jém Peto inécpa jém Jesús

(Mt. 26:57-58, 69-75; Mr. 14:53-54, 66-72; Jn. 18:12-18, 25-27)

⁵⁴ Jesic matsta jém Jesús, nanicta jém panij anjagooyi iticcim. Jém Peto ijuumactúnij.
⁵⁵ Jesic jém ityajwñp jém tiganñaca icnúcyaj jucti, coñyay iga samyajpa. Jém Peto iwanacoñtim. ⁵⁶ Jesic tum yomo, jém panij imozo, iix jém Peto iga coñ jut acnúcnetaj jucti. Tsam iámpa jém Peto, iixpic. Nim jém yomo:

—Yíp pñxiñ sñba idic con je.

⁵⁷ Pero jém Peto inéc. Iñímáy jém yomo:

—Miyomo, ich da ánixpicpa jém pñxiñ.

⁵⁸ Ocmi tunçagam pñxiñ iix jém Peto. Nímayta:

—iMich, tum de mijeeetim!

Pero jém Peto iñímáypa jém pñxiñ:

—iMipñxiñ, da ánixpicpa!

⁵⁹ Ocmi como tum hora, tunçagam pñxiñ nimpatim:

—Numa, yíp pñxiñ it idic con je, quejpa iga Galileapic.

⁶⁰ Jesic Peto iñímáy:

—Mipñxiñ, da anjodon ti sñp iññimta.

Jesic jeeti rato iganam jiyra jém Peto, jesigam anwej jém çayu. ⁶¹ TánQmi iámseedáy, iix jém Peto. Jesic Peto ijs ti iñímáyne jém tánQmi cuando miñímáyta jém Peto iga: “Antes que anwejpá jém çayu, mich anañécpa tucçiy.” ⁶² Jesic put jém Peto. Tsam pñmi wejpa. Agui anyácne.

Jém imatsneyajwñp Jesús ixaayiyajpa

(Mt. 26:67-68; Mr. 14:65)

⁶³ Jesic jém imatsneyajwñp Jesús ixaayiyajpa. Ixonajpa. ⁶⁴ Anmónayta jém Jesús iixcuy con tum puctucu. Jesic icwácay Jesús, nímayta:

—Siiga mixabio, anímaayi i mixon.

⁶⁵ Jesic pñmi imalmalnímayyajpa jém Jesús.

Nanicta Jesús jut antuumaneyaj jém cobacpic panij anjagooyiyaj

(Mt. 26:59-66; Mr. 14:55-64; Jn. 18:19-24)

⁶⁶ Jesic cuquejum, antuumayajpa jém wídaytam jém Israelpic anjagooyiyaj. Ityajtim jém panij anjagooyiyaj con jém escribaspic maestroyaj. Nanicta Jesús jut antuumaneyaj jém wídaytam, jém Sanhedrín. Jesic jém anjagooyiyaj icwácay jém Jesús. Nímayta:

⁶⁷ —Siiga miCristo, jém micutsatnewñp Dios, jesic anmatí.

Jesic Jesús iñímáy:

—Siiga mannímáypa iga ich aCristo, datim inçupictámpa. ⁶⁸ Siiga mannímáypa iga tiiga micwágoytampa, jesic mich datim ançutsonçtámpa ni datim ançutsigaytámpa. ⁶⁹ Pero ich, jém aMiññewñp Sñyucmi, sñp nicpa acoñi jém Dios inwñmi, jém iniitwñp itumpiy ipimi.

⁷⁰ Jesic itumpiy jém ityajwñp icwácaypa Jesús. Nímyajpa:

—¿Que mich Dios miManic?

Jesic jém Jesús icutson. Nímpa:

—Mich miñimpa iga aicham.

⁷¹ Jesic nímyajpa jém pñxiñtam:

—Dam tammétstampa tunçac testigo, iyaagam nanmatcata.

23

Nanicta jém Jesús iga icüpiñpa jém Pilato
(Mt. 27:1-2, 11-14; Mr. 15:1-5; Jn. 18:28-38)

¹ Jesic tsucumyaj itumpiy jém Israelpic anjagooyiyaj. Nanicta jém Jesús jém anjagooyi Pilato iwiñjom. ² Jemum moj iquejajwadayyaj. Nímayta jém Pilato:

—Yíp pxiñ tsam iccujíñayñe jém pxiñtam jém ityajwip yíp naxyucmi. Nimpa iga da wí tanyojpa jém impuesto para jém Romapic anjagooyi. Nímtim iga je jém Cristo, tum Rey.

³ Jesic jém Pilato icwác jém Jesús. Nímayta:

—¿Que mich miRey de jém judíos?

Jesús icutson, iñímáy:

—Numa juuts mich miñim.

⁴ Jesic Pilato iñímáy jém panij anjagooyiyaj con jém antuumaneyajwip jem:

—Da ampádáy ni tum itañca yíp pxiñ.

⁵ Pero jém pxiñtam más pimi jyyajpa. Nímyajpa:

—Yíbam tsam icujíñayñe itumpiy jém ityajwip yíp naxyucmi de Judea con jém inquímayooyi. Moj inmat jém inquímayooyi jém naxyucmi de Galilea. Sip núcneum hasta yim.

Nanicta jém Jesús iga icüpiñpa jém anjagooyi Herodes

⁶ Jesic cuando Pilato imaton, acwágóypa. Nimpa:

—¿Pero que yíp tum Galileapic pxiñ?

⁷ Cuando icutiyyíy iga Galileapic pxiñ, jesic jém Pilato ipimiy iga nanictaiñ Jesús jut it jém Herodes, jém Galileapic gobernador, porque noco it jém Herodes. Miññe joyi Jerusalén. ⁸ Jesic cuando jém Herodes iix Jesús, agui maymay. Dende pecam iixtooba porque imatonne iga wíap wat jém milagro. Sip ixunpa jém Herodes iga iwadiñ Jesús tum milagro. ⁹ Tsam pimi icwácpa jém Herodes, pero Jesús da icutsonpa. ¹⁰ Ittim idic jém panij anjagooyiyaj con jém escribapic maestroyaj. Pimi iquejajwadayyajpa Jesús. ¹¹ Jesic jém Herodes con jém isoldado da iwixiyajpa jém Jesús. Ixaayyyajpa, iccámayyajpa wibic punctucu juuts tum rey. Jesic eybictim nanicta Jesús jém Pilatocim. ¹² Jesic jeetim jama tsíyyaj juuts amigo jém Herodes con jém Pilato, porque wiñti pimi najóyixyajtáp idic.

Pimiyta iga accaatañ jém Jesús

(Mt. 27:15-26; Mr. 15:6-15; Jn. 18:39-19:16)

¹³ Jesic jém Pilato intuumawatpa jém cobapic panij con jém anjagooyiyaj y jém pxiñtam jém ityajwip jem. ¹⁴ Nimpa jém Pilato:

—Mimichtam anamíñayta yíp pxiñ. Miñimtámpa iga tsam iccujíñayñe itumpiy jém pxiñtam jém ityajwip yíp attebet. Ich anwicüpiñ. Sip iñixñeta iga da ampádáy itañca tiiga inquejajwadayñeta. ¹⁵ Icüpiñtim jém Herodes. Datim ipádáy itañca porque eybictim acutsadáy yim. Tsam wiquejpa iga da ti mal watne, da wíap anacca. ¹⁶ Sip anchiiba castigo, jesic ancutsigáypa.

¹⁷ Jém Pilato siempre icutsigáypa tum preso cuando naspa jém sin. Jém pxiñtam wíap icupin jup preso icutsigáypa. ¹⁸ Pero itumpiy jém pxiñtam, jém ityajwip jem, pimi jyyajpa. Nímyaj:

—¡Accai yíp pxiñ! ¡Cutsigaayi jém Barrabás!

¹⁹ Yíptim Barrabás cotta cárcel porque ictsucum tum rebelión jém attebet Jerusalén y porque accaoyñe. ²⁰ Jém Pilato icutsigaytooba idic jém Jesús. Eybictim iñímáy jém pxiñtam iga icutsigaytooba. ²¹ Pero jeeyaj más pimi jyyajpa. Nímyajpa:

—¡Cunuuntaami cunusyucmi! ¡Cunuuntaami cunusyucmi!

²² Jesic eybictim jém Pilato iñímáy jém pìxiñtam:

—¿Tiiga? ¿Ti mal iwatne? Ich da ampádáy itánca iga accaataiñ. Síp anchiiba castigo, jesic añcutsigáypa.

²³ Pero más pìmi jìyyajpa jém pìxiñtam. Nìmyajpa iga cunúntaiñ cunusyucmi. Jesic jém Pilato imatónáy jeeyaj. ²⁴ Iwat juuts iwianjamyaj. ²⁵ Icutsigáy jém Barrabás jém cotnetawìp idic cárcel porque tum rebelde, tsam accaóypa. Cutsigayta juuts ixunyajpa jém pìxiñtam. Jém Pilato icijñcodáy Jesús jém malopic pìxiñtam icijñom iga imalwadayyajiñ juuts iwianjamyaj.

Cunúnta Jesús cunusyucmi

(Mt. 27:32-44; Mr. 15:21-32; Jn. 19:17-27)

²⁶ Jesic nanicta Jesús iga cunúntap cunusyucmi. Iganam niquiyaj, jém soldado ipátayaj tum pìxiñ iñiyi Ximój. Cirenepic pìxiñ, seti idic icamjñom. Matsta jém Ximój, accónteñta jém cunus. Itutsapacpa jém Jesús.

²⁷ Itúnjyyajpatim tsam jáyan jém pìxiñtam. Nìcyajpatim jáyan jém yomtam. Pìmi weyjajpa jém yomtam, añyácneyaj iga yaachwattap jém Jesús. ²⁸ Iámseedáy jém Jesús. Iñímáy:

—MiJerusalénpic miyomtam, odoy anawejaami ich iga ayaachwattap. Wejtaami iga miyaachwattamtap mimichtam con jém immanictam. ²⁹ Porque miñpa jém jama iga nìmyajpa: “Tsam maymay jém yomo jém dapic manigíy, jém dapic manicomcane y jém dapic ictsútspa tum tsixi.” ³⁰ Jesic jeetim jama jém ityajwìp iñímayyajpa jém cotsic: “Acujécqueti.” Iñímayyajpatim jém lumu: “Accucumqueti.”

³¹ Nìmtim Jesús:

—Siiga jempigam iñasca jém tsococuy, ¿jesic ti naspá con jém titsnewìp?

³² Nanictaptim wisten malopic pìxiñ iga accaayajtap tumti lugar con jém Jesús. ³³ Jesic núcyaj tum lumuyucmi, iñiyi jém Tsútsco bacpacçim. Jemum cunúnta jém Jesús cunusyucmi. Cada lado cunúnayajpatim jém wisten malopic pìxiñ, tum jém inwimi, tum jém inñaymi. ³⁴ Iganam cunúntap jém Jesús, inwejpát Dios. Iñímáy:

—Manjatun, wadaayi perdón yìpyaj pìxiñtam porque da ijodon ti síp iwatyaj.

Jém soldado iwécyaj jém Jesús ipuctucu. Iwatyaj tum sorteo i icoñwíypa jém iyagatsyooti. ³⁵ Jém pìxiñtam jém ityajwìp jem, iámayajpa jém Jesús. Jém Israelpic anjagooyiyaj pìmi ixaayyyajpatim. Nìmyaj:

—Yíp pìxiñ nìmpa iga wìap iciacput tungac pìxiñ. Jesic siiga numa je jém Cristo, jém icutsatnewìp Dios, wì iga naciacputtaiñ iyaac.

³⁶ Ixaayyyajpatim jém soldado. Iacunúc, ichi jém catsupic vino iga iuguiñ, pero Jesús da iuc. ³⁷ Jesic jém soldado iñímayyaj jém Jesús:

—Siiga mimicham jém judíospic miRey, naciacputtaji iñyaac.

³⁸ Accámayta tum letrero icobacantcimi. Jayñe jém letrero tucuten añmatimi, jém griego, jém latín y jém hebreo. Yìmpic nìmpa: “Yìbam jém judíos iRey.”

³⁹ Jesic tum de jém wisten malopic pìxiñ, jém cunúnnetawìp, pìmi imalnímáy jém Jesús. Iñímáy:

—Siiga mich miCristo, naciacputtaji iñyaac. Aciacputtaamitim aichtam.

⁴⁰ Pero jém tungac iwogáy itìwi. Iñímáy:

—¿Que mich da inçinpa Dios? Síp tampictsonnetim jexpictim castigo. ⁴¹ Taichtam tanait razon iga tayaachwattap porque síp tanyojpa jém tantánca. Pero yíp pìxiñ da ti mal iwatne.

⁴² Nìmtim jém pìxiñ:

—Mi Jesús, ajisi cuando núcpa jém jama iga michíypa juuts anjagooyi.

⁴³ Jesic Jesús iñímáy:

—Numa mannímáypa iga yíptim jama nicpa tawagai ti paraíso.

Accaata jém Jesús

(Mt. 27:45-56; Mr. 15:33-41; Jn. 19:28-30)

⁴⁴ Núc cugapjama. Cupiicha icuwiti yíp naxyucmi. Pimi piicha hasta las tres de la tarde. ⁴⁵ Jém jama cupiichane. Jém mijpic masticjom teeñajsajtim jém puctuctaani icuyagats. ⁴⁶ Jesic Jesús pimi jiy. Nim:

—Manjatun, mancijuncodáypa ánanama.

Jesic yaj nimi, caum jém Jesús.

⁴⁷ Cuando jém Romapic capitán iix ti iñasca, moj icujíp Dios. Nimpa:

—Numa, yíp tum wibic pixiñ. Da ti mal iwatne.

⁴⁸ Itumpiy jém pixiñtam, jém antuumaneyajwip, cuando iixyay ti acnascata jém Jesús, ixonjajpa ipecho porque pimi anjácneyaj. Ocmi setyajum iticciim. ⁴⁹ Pero itumpiy jém Jesús iamigoyaj con jém Galileapic yomtam jém miññeyajwip con Jesús, tsíyyaj juumi iganam iámyajpa ti acnascata jém Jesús.

Cumta Jesús tum tsaajosjom

(Mt. 27:57-61; Mr. 15:42-47; Jn. 19:38-42)

⁵⁰ Jesic ittim jem tum wibic pixiñ iñiyi José, Israelpic anjagooyitim. Siempre iwatpa juuts ixunpa Dios. ⁵¹ Sip injóc jém jama iga Dios injacpa yíp naxyucmi. Jém pixiñ tsucum jém atebet Arimatea, jém naxyucmi de Judea. Je da tigiyúcum con jém tungac anjagooyiyaj cuando ijisyaj iga accaataj jém Jesús. ⁵² Jesic jém José nic íám jém Pilato. Iwágáy jém Jesús imijtay. ⁵³ Oy icquedáy jém imijtay jém cunusyucmi. Inmon con wibic puctucu de lino. Icum tum tsaajosjom, watnetawip, jut da i queman icum tum tsúts. ⁵⁴ Yíptim jama jém Israelpic pixiñtam iwatyajpa jém iwíccuy iga wíap ijejjay jém jejcuyjama. Jesic cuando cumta jém Jesús, tsucumtooba jém jejcuy jama.

⁵⁵ Jém yomtam, jém miññeyajwip de Galilea con Jesús, itúñiyaj jém José iga iámyajpa jém tsaajos y juuts cotnetaj jém Jesús imijtay. ⁵⁶ Jesic jém yomtam setyaj iticciim, iwítsacyajpa jém pooti jém cínpáppic y jém wibic pomada. Ocmi jejjajpa jém jejcuyjama juuts nimpa jém anquímayooyi.

24

Acpisnetawum jém Jesús

(Mt. 28:1-10; Mr. 16:1-8; Jn. 20:1-10)

¹ Jesic jém wiñtipic jama de jém semana, tsam tsúytim, nicgac jém yomtam jém tsaajoscim. Ininicyaj jém pooti cínpaap jém iwatnewip. Iwagananicyajtim jém tungac yomtam. ² Cuando núcyaj jém tsaajoscim, iixyaj iga áháyñeum jém tsaajos. Anjoobayñetawum jém jos annúccuy. ³ Tigiyaj jém yomtam jém tsaajosjom. Dam ipádáy jém tánomi Jesús imijtay. ⁴ Agui cínjaj, da icutiyyíy ti nasne jem. Jesic iixyaj iga jemum teñ wisten pixiñ, agui tsocha jém ipuctucu. ⁵ Tsam pimi ichiganjécyaaj jém yomtam, ámquetneyaj naxyucmi. Jesic jém sinjucmipic pixiñ iñímáy jém yomtam:

—¿Tiiga miñ immétsta jém vivopic yim jut cumnetaj jém caaneyajwip? ⁶ Je dam i yim. Acpisnetawum. Jistaami juuts miñímáyta cuando it idic jém Galilea. ⁷ Miñímáy iga jém Miññewip sinjucmi cijuncottap jém malopic pixiñtam ichijom, cunúntap cunusyucmi, jesic jém tucunajama acpístap.

⁸ Jesic jém yomtam ijisyajpa jém anmati juuts inímayñe jém Jesús. ⁹ Jesic setyaj jém yomtam de jém tsaajos hasta jut antuumaneyaj jém once con jém tungac jém Jesús icuyujcwiñ. Inmadayyaj ti iixyaj. ¹⁰ Siiba jém Malía Magdalena, jém Xiwana y jém Malía jém Jacobo iapa. Jeeyaj con jém tungac más yomtam inmadayyaj jém apóstolyaj ti iixyaj jém tsaajosjom. ¹¹ Pero jém Jesús icuyujcwiñ ijisyaj iga migooyi. Da icupicyaj ti inmadáy jém yomtam.

¹² Jesic póyan̄tsucum jém Peto, nic jém tsaajoscim. Ámcúm jém tsaajosjom, iix no más jém inmónocyuy, tsacneta tum añeymi. Ocmi set jém Peto. Agui tineanjac, ijispa ijixianjom ti nasne.

Jém Emaús cutuñ
(Mr. 16:12-13)

¹³ Jesic jeetim jama nicyajpa jém tiganjoj Emaús wisten jém Jesús icuyujcwiñ. Jém Emaús como once kilómetro ijuumi de jém Jerusalén. ¹⁴ Iganam niquiyaj jém wisten icuyujcwiñ, sip inmatyaj ti inasca jém Jesús. ¹⁵ Iganam anmatyajpa jém wisten, jesigam núc Jesús jut niquiyaj; mojum iwagananicyaj. ¹⁶ Dios da ijicpa iga iixpiguiñ jém icuyujcwiñ. ¹⁷ Jesic Jesús moj icwác jém wisten, inímáy:

—¿Ti sip ininmatta iganam miñiquitam tunjom? ¿Tiiga minyácneta?

¹⁸ Tum de jeeyaj, iníyi Cleofas, icutson. Inímáy:

—¿Mioy Jerusalén y da injodon ti nasne jemíc? ¿Que juumipic mipixiñ?

¹⁹ Jesic Jesús inímáy jém pxiñ:

—¿Ti nasne jemíc?

Nimpa jém Cleofas:

—Tsam jáyan cosa inasca jém Jesús jém Nazaretpic pxiñ. Je tum profeta tsam wiap, agui wiaptim inmat jém Dios iwiñjom. Itumpiy jém pxiñtam tsam iwixyapatim. ²⁰ Pero jém cobacpic panijyaj con jém aichtampic ananjagooyiyaj icijun̄cotyaj jém Jesús jém Romapic anjagooyi icijjom iga accaatañ. Jenum cunúnta cunusyucmi. ²¹ Ichtam anjístampa idic iga jém Jesús wiap taciaputta taichtam jém taIsraelpic tapixiñtam. Sip nasneum tucunajama iga accaata. ²² Juten de jém aichtampic yomtam oy iámyaj jém tsaajos tsúytim. Agui atsiganjécta, ²³ porque anmadayyaj iga dam i jém tsúts jém tsaajosjom. Anímayta iga iixyaj wisten sinyucmipic pxiñ. Nimpatim jém yomtam iga anmadaytatim iga pisneum jém Jesús. ²⁴ Algunos de aichtam oy iámyaj jém tsaajos. Numa iixyaj jém cosa juuts nim jém yomtam. Pero da iixyaj jém Jesús.

²⁵ Jesic Jesús inímáy jém wisten icuyujcwiñ:

—Odoy cuixataami. Agui mijixicumon̄neta iga da incupictámpa itumpiy juuts ijaychacneyaj jém wiñicpic profeta. ²⁶ ¿Que da injjspa iga yaachwattap jém Cristo y ocmi químpa sinyucmi?

²⁷ Jesic jém Jesús moj inquejáy jém Dios inmati jém ijaychacnewip jém Moisés y jém wiñicpic profetayaj. Inquejáypa itumpiy jut jaychacneta de jém Cristo.

²⁸ Jesic núcyajum jém wisten icuyujcwiñ jém tiganjoj jut nicyajpa. Injamyajpa iga jém Jesús nicpanam más juumi. ²⁹ Jesic jém icuyujcwiñ inímayyaj Jesús iga tsíyiñ con jeeyaj. Nímayta:

—Tsíyim yim con aichtam porque tsuuyim, piichabam iti.

Jesic jenum tsíy jém Jesús con jeeyaj. ³⁰ Wagacoñyajum mesacim. Ipic Jesús tum caxtánañi, moj inwejpát Dios. Ocmi iwéc jém caxtánañi con jém wisten icuyujcwiñ. ³¹ Jesic Dios ijigáy jém wisten iga iixpiguiñ jém Jesús. Pero jeeti rato coñtogoy, da iixyaj jut inj. ³² Jesic nacwácyajtap jeeyaj. Nimpa:

—¿Que da iñj̄ispa iga agui imatspa tánanama cuando tanmadáypa tunjom y cuando tanquejáypa jém Dios inmat̄i?

³³ Jesic jeeti rato setyaj jém wisten Jerusalén. Tigiy jém ticjom jut antuumaneyaj jém once con jém tunjac jém Jesús icuyujc̄iwiñ. ³⁴ Nímayyajta jém oyñew̄ip jém Emaús.

—Numa, pisneum jém tánomi. Dios icpis. Jém Peto iixñe.

³⁵ Jesic jém wisten inmatyajt̄im ti iñascayaj tunjom y jutsa miixpic̄iyaj jém Jesús cuando iwécpa jém caxtánañi.

Jesús iwiñquejáy jém icuyujc̄iwiñ
(Mt. 28:16-20; Mr. 16:14-18; Jn. 20:19-23)

³⁶ Iganam síp inmatyaj jém icuyujc̄iwiñ, jesigam núc jém Jesús, iwiñquejáy jut antuumaneyaj. Idioschi jeeyaj, iñímáy:

—Xutsóytam.

³⁷ Pero jeeyaj agui anjéc̄iyaj, c̄inyaj. Ij̄isyaj iga iixyay tum anama. ³⁸ Jesic Jesús iñímáy:

—¿Íiiga minjéc̄neta? ¿Íiiga iniitta jexpic̄ j̄ixi iñanamanjom? ³⁹ Aámaayi jém anci y ampuy. Icham aJesús. Atsictaami iga incut̄iyyit̄amiñ iga da je aanama. Porque tum anama da maayiy ni da pagiy juuts ich anait.

⁴⁰ Iganam inmadáy jém icuyujc̄iwiñ, inquejáy ici y ipuy. ⁴¹ Agui maymayyaj jém icuyujc̄iwiñ. Como danam iw̄icupic̄ne, agui t̄ineanjacyaj. Jesic Jesús iñímáy jém icuyujc̄iwiñ:

—¿Iniitta uxan wíccuy iga anciispa?

⁴² Jesic chiita tum jaca t̄ipi jaasnew̄ip. Chiit̄atim tum jaca chiñu con iñayi. ⁴³ Ipic̄tson jém Jesús. Moj ic̄is.

⁴⁴ Ocmi iñímáy:

—S̄ip accupacnetawum jém anmat̄i jém mannímayñew̄ip cuando ait idic con mimichtam. Mannímayñe iga tienes que anaccupacpa itumpiy juuts ajaychagayñe jém Moisés, jém wiñicpic̄ profetayaj y jém Salmojom.

⁴⁵ Jesic jém Jesús ichi j̄ixi jém icuyujc̄iwiñ iga w̄iañ icut̄iyyiyaj jém Dios inmat̄i jém jayñew̄ip. ⁴⁶ Jesús iñímáy jém icuyujc̄iwiñ:

—Jém wiñicpic̄ anmat̄c̄iwiñ ijaychacne iga tienes que accaatap jém Cristo jém icutsatnew̄ip Dios. Ocmi acp̄istap jém tucunajama de jut it jém caaneyajw̄ip. ⁴⁷ Jesic yiptim Cristo icutsatpa jém icuyujc̄iwiñ iga inmadayyajiñ jém p̄ixiñtam jém w̄ibic̄ anquímayooi. Moypa inmatyaj jém attebet Jerusalén. Ocmi núcpa ȳip anmat̄i itumpiy jém naciónyaj icuw̄iti jém naxyucmi. Anmadayyajtap jém malopic̄ p̄ixiñtam iga icucaguiñ jém ij̄ixi dapic̄ w̄i. Cuando cucacum ij̄ixi, jesic Dios iccáyáypa jém it̄ajca. ⁴⁸ Mimichtam w̄iap ininmadayta jém p̄ixiñtam porque iñixñeta ti annascane. ⁴⁹ ¡Maton̄taami! Mancutsadáypa jém Dios ip̄imi juuts mij̄yc̄amayñe anjatun̄ Dios. Jesic ts̄iytaami ȳip attebet Jerusalén hasta imp̄ictson̄tampa jém siñyucm̄ipic̄ p̄imi.

Químpa Jesús siñyucmi
(Mr. 16:19-20)

⁵⁰ Jesic Jesús ininic jém icuyujc̄iwiñ hasta jém tiganjoj Betania. Icuím ici, inwejpátpa Dios iga iw̄iwadáyñiñ jém icuyujc̄iwiñ. ⁵¹ Jesic yajum inwejpát Dios, nic Jesús. Nanicta siñyucmi. ⁵² Costeñyaj jém icuyujc̄iwiñ iga ij̄isyajpa Jesús. Ocmi setyajum Jerusalén. Agui p̄imi maymayyaj. ⁵³ Seguido wagaityaj jém mij̄pic̄ mast̄icjom. Icujípyajpa Dios.

Jemum cuyaj.

Jém wibic an̄mat̄i jém ijayñewiip jém Xiwan

*Jém Dios iManic oy iti yíp naxyucmi juuts tum p̄xiñ
(1 Jn. 1:1; Ap. 19:13)*

¹ Wiñigam cuando moj iti itumpiy cosa, jesic ittim idic jém Dios iManic, iñiyitim jém An̄mat̄i. Jém Dios iManic iwaganait tan̄jatun̄ Dios. Jém Dios iManic jeetim jém Dios. ² Cuando moj iti itumpiy cosa, jesic jém Dios iManic iwaganait jém tan̄jatun̄ Dios. ³ Wagayoxayaj iga iwatyajpa itumpiy cosa. Da i ni tum cosa dapic je iwati. ⁴ Je iniit jém vida iga tachiiba. Jém vida je jém jucti jém tsocpáppic jém p̄xiñtam ianamanjom. ⁵ Tsocpa jém jucti piichcim y jém piichi da wiap icpich jém jucti.

⁶ It idic tum p̄xiñ jém icutsatnewiip Dios, iñiyi Xiwan. ⁷ Cutsatta jém Xiwan iga inmadáyñ jém p̄xiñtam iga miñpa jém Dios iManic juuts tum jucti. Oy inmadáy jém p̄xiñtam iapaap jém miñpáppic iga icupicyajiñ cuando miñpa. ⁸ Jém Xiwan da je jém jucti, pero oy inmadáy jém p̄xiñtam iapaap jém jucti jém miñpáppic. ⁹ Je jém numapic jucti. Miñ yíp naxyucmi iga iyicquejyajpa itumpiy jém p̄xiñtam.

¹⁰ Oy iti yíp naxyucmi. Iwaganayoxa jém tan̄jatun̄ Dios iga iwatyaj yíp nas con itumpiy jém itwiip yim, pero jém p̄xiñtam, yíp naxyucmic, da iixpicyaj jém Dios iManic. ¹¹ Oy iti iticmi, jém naxyucmi de Israel, pero jeeyaj da ipictsonyaj. ¹² Pero jém ipictsonyeyajwiip, jém icupicneyajwiip, chiiyajta derecho iga tsíyyajiñ juuts jém Dios imanictam. ¹³ Da jex juuts tum p̄xiñ imanic jém iwatnewiip yomyucmi, juuts iwianjam jém jatun̄pic, pero Dios imanigayajpa. Tsíyyaj juuts Dios imanictam.

¹⁴ Oy iti yíp naxyucmi jém Dios iManic juuts tum p̄xiñ. Maayíyitim juuts taichtam. Oy iti yíp naxyucmi con aichtam. Ánixayñeta iga inimiñ jém ipimi jém iJatun̄pic ichiñe jém tumpic iManic. Jém Dios iManic tsam tóyóypa, siempre nuumanmatpa, da migóypa. ¹⁵ Jém Xiwan oy inmadáy jém p̄xiñtam iapaap jém miññewiip. Nim jém Xiwan:

—Yibam jém mannímayñewiip iga ocmim miñpa tum p̄xiñ más wiap que aich porque ittim idic dende wiñigam cuando danam anayñe aich.

¹⁶ Jém Dios iManic tsam tawiwadayñeta tantumpiytam. Tsam tawíitta porque inimiñ jém wibic tóyooyi iga tayaachanjamtámiñ Dios. ¹⁷ Chiita jém Moisés jém wiñicpic anquímayooyi iga anmadayajtañ jém p̄xiñtam. Jesic ocmi jém Jesucristo oy yíp naxyucmi iga tanquejay jutsap tayaachanjamta Dios y iga tanquejáypa jém numapic anquímayooyi. ¹⁸ Da i queman oypa iix jém tan̄jatun̄ Dios; pero jém Dios iManic, jém tumpic, jém iwaganaitwiip Dios, tanquejayta juutspic Dios jém tan̄jatun̄ Dios.

*Jém Xiwan jém acchíoyopaap inmatpa de Jesucristo
(Mt. 3:11-12; Mr. 1:7-8; Lc. 3:15-17)*

¹⁹ Algunos jém judíos, jém ityajwiip jém Jerusalén, icutsatyaj jém panijyaj con jém levitapic p̄xiñtam iga icwácyajiñ jém Xiwan. Nímayta:

—Nigi acwaaci jém Xiwan: “¿Mich, miapaap?”

²⁰ Jesic cuando núcyaj jut it jém Xiwan, je da inyam. Iñímáy jeeyaj:

—Ich da je aCristo jém acutsatnewiip Dios.

²¹ Jesic nímyaj jém panijyaj:

—¿Jesic miapaap? ¿Que mich jém miElías jém wiñicpic miprofeta?

Pero jém Xiwan icutson. Iñímáy:

—Ich da aje.

Nímyaj jém panijyaj:

—¿Que mich jém miprofeta jém mananjóctampaap?

Jém Xiwan iñímáy:

—Ich datim aje.

²² Jesic jém panijyaj iñímayyaj jém Xiwan:

—¿Mich, mijapaap? Anímaayi iga wiáñ anañmadayta jém acutsatnewiip. ¿Mich iñyaac, ti wiap anañmadáy?

²³ Jesic jém Xiwan iñímáy jém panijyaj:

—Icham oy anajíyooyi jém titsinaxyucmi. Oy anañmadáy jém pixiñtam iga: “Áñaayi jém tun, numtsaci, porque miñpa jém tánQmi”, juuts nimpa jém profeta jém Isaías.

²⁴ Jém fariseoyaj icutsatyajtim jém icwácyajpáppic jém Xiwan. ²⁵ Acwáctatim jém Xiwan, nímayta:

—¿Jesic tiiga micchíjóypa siiga mich da je miCristo, ni da je miElías ni da je miprofeta jém miñpáppic?

²⁶ Jém Xiwan iñímáy jeeyaj:

—Ich acchíjóypa con ni. Pero yim it mimichtámanjom tum pixiñ jém dapic iñixpicneta.

²⁷ Ocmim miñ jém pixiñ, pero más wiap que aich. Ich da wiap antsíy ni juuts tum imozo iga ancuwijáyaypa jém iciac.

²⁸ Jempigam iñasca jém Xiwan jém attebet Betábara, anwiñtuc de jém río Jordán jut acchíjóypa.

Jém Jesús je jém Dios iCordero

²⁹ Jém tunḡac jama jém Xiwan iix iga miñpa Jesús, iñímáy jém pixiñtam:

—Ixi, jém pixiñ jeexic miñpa, je jém Dios iCordero. Accaatap iga iccáyaypa itumpiy jém pixiñtam itánca. ³⁰ Yíbam jém pixiñ jém mannímayñewiip iga: “Ocmim miñpa tum pixiñ, pero más wiap que aich, porque ittim dende wiñigam cuando danam anayñe aich.” ³¹ Ich da idic anjodon japaap jém pixiñ, pero ich miñ acchíjóoyi con ni iga jém ityajwiiip Israel wiáñ ijodónayaj japaap jém Cristo.

³² Nímtim jém Xiwan:

—Ich ánix jém Dios iAnama juuts tum cuucu cuando quet dende siñyucmi. Miñ iti con je. ³³ Jesic ich da idic anjodon japaap jém pixiñ jém miñpáppic, pero cuando Dios acutsat iga acchíjóypa con ni, anímáy iga: “Cuando iñixpa iga jém Dios iAnama quetpa siñyucmi y miñ iti con tum pixiñ, jesic iñjodon iga jeam jém ininjócpáppic. Acchíjóypatim mex je con jém Dios iAnama, da je con ni.” ³⁴ Ich ánix iga jempigam iñasca yíp pixiñ, jeeyucmi wiap mannímáy iga yíbam pixiñ jém Dios iManic.

Jesús icupin jém wiñtipic icuyujcwiñ

³⁵ Jesic tunḡagam jama jemt看 ityaj jém Xiwan con wisten jém icuyujcwiñ. ³⁶ Iix jém Xiwan iga widaḡnaspá jém Jesús. Jesic iñímáy jém icuyujcwiñ:

—Ixtaami jém pixiñ. Yíbam jém Dios iCordero.

³⁷ Jesic jém wisten icuyujcwiñ imaton ti iñímáy, moj itúnjy jém Jesús. ³⁸ Jesic Jesús iámseedáy, iix iga itúnjyypa jém wisten, iñímáy:

—¿Tí miñ immétsta?

Nimyaj jém wisten:

—¿Rabí, (taichtam tanaḡmatimi nimtooba, Maestro), jut miit?

³⁹ Jesic Jesús iñímáy jeeyaj:

—Míñi aami.

Jesic nic iámyaj jut it Jesús. Jemum iyaj jém jama, núcyaj a las cuatro.

⁴⁰ Tum de jém wisten jém imatonneyajwip junimpa jém Xiwan, jém itúnjywwip jém Jesús, iñiyi Anti. Itiwí jém Ximój Peto. ⁴¹ Jesíc jém Anti wiñti nic iméts itiwí jém Ximój, iñímáy:
—Ampátneum jém Mesías. (Taichtam tanaḡmatimi nimtooba jém Cristo.)

⁴² Ocmi jém Anti ininic jém Ximój jut it Jesús. Jesíc Jesús iwíámpa jém Ximój, iñímáy:
—Mich miXimój, jém Jonás mimanic, pero sip manacnuyap iga miCefas. (Taichtam tanaḡmatimi nimtooba iga Peto.)

Jesús inwejáypa jém Felipe y jém Natanael

⁴³ Jesíc tungagam jama nictooba idic Jesús jém naxyucmi de Galilea. Ipát jém Felipe. Nímayta:

—Miñi atúnjyí.

⁴⁴ Yip Felipe jém Betsaidapic pixiñ, jeetim atebet jut tsucum jém Anti y Peto. ⁴⁵ Jesíc jém Felipe nic iméts jém Natanael, iñímáy:

—Ampátmeta jém pixiñ jém tanímayñewip iga miñpa jém Moisés y jém tungac jém wiñcpic profeta jém ijayñewip Dios inḡati. Je jém Jesús, jém Nazaretpic, jém José imaníc.

⁴⁶ Nimpa jém Natanael:

—¿Que wíap iput tum wibic pixiñ de jém atebet de Nazaret?

Nimpa Felipe:

—Miñi aami.

⁴⁷ Cuando Jesús iix iga icunúcpa jém Natanael, iñímáy:

—Yim miñpa tum nunta Israelpic pixiñ, jém dapic inii migooyi.

⁴⁸ Jesíc jém Natanael icwác jém Jesús, iñímáy:

—¿Jutsa mánixpic?

Nimpa Jesús:

—Antes que danam miñwejayñe jém Felipe, mánix jut miit jém tsujcucim.

⁴⁹ Jesíc jém Natanael iñímáy jém Jesús:

—Rabí, micham jém Dios miManíc. Micham miRey de Israel.

⁵⁰ Jesíc Jesús icutson, iñímáy:

—Sip mich ancupicpa porque mannímáy iga mánixñe jém tsujcucim. Núcpa jama iga iñixpa jém más mijpic milagro. ⁵¹ Numa mannímáypa iga iñixtámpa iga áñáypa jém sin y químpa y quetpa jém sinyucmipic pixiñtam aichyucmi, jém aMiññewip Sinyucmi.

2

Jém ancoomíyóycuy jém atebet de Caná

¹ Ocmi nas tucunajama, it tum ancoomíyóycuy jém atebet de Caná jém naxyucmi de Galilea, ittim jém Jesús iapa. ² Anwejayyajtātīm jém Jesús con icuyujcwiñ iga niguiñ jut it jém ancoomíyóycuy. ³ Yaj jém vino, jesíc Jesús iapa iñímáy:

—Sip yajneum jém vino.

⁴ Jesíc jém Jesús iñímáy:

—Yomo, ¿iiga annímáy iga yajneum jém vino? Danam núcne jém hora iga anwatpa jém milagro.

⁵ Jesíc jém Jesús iapa iñímáy jém icuyoxayajpaap jém tic iomi:

—Wattaami itumpiy juuts miñímáypa.

⁶ Jemum it seis jém tsaamajcuy. Cucómayñeta ni iga icheeyajpa ici juuts jém judíos icostumbre. Cada jém majcuy iyajpa ochenta o cien litro de ni. ⁷ Jesíc Jesús iñímáy jém mozo:

—Comtaami yípyaj majcuy con ni.

Jesic moj icomyaj jém seis majcuy hasta wí com. ⁸ Jesic Jesús iñímáy jém mozo:

—Siip topi uxaj, niigi chií jém mayordomo de jém siñ.

Jempigam iwatyaj. ⁹ Jesic jém mayordomo iuc uxaj jém ni jém acsetnetawip iga vino, pero da ijodon juf ipicyaj jém vino. Pero jém mozo, jém itopneyajwip jém ni, ijodon juf ipic jém vino. Jesic jém mayordomo inwejay jém pixiñ jém yoomiypaap. ¹⁰ Iñímáy:

—Jesic nawattap siñ, itumpiy ichiiba wiñti jém más wibic vino iga iuguiñ jém iamigoyaj. Jesic ocmi cuando iucneyajum jáyan jém wibic vino, jesic chiijaytap jém vino dapic jáya wí. Pero mich iniccáyne jém más wibic vino hasta siip.

¹¹ Jempam moj iwat Jesús jém milagro jém atebet de Caná, jém naxyucmi de Galilea. Anquejayyaja jém pixiñtam iga iniit jém Dios ipimi. Jém icuyujciwiñ tsam icupicyaj jém Jesús.

¹² Jesic ocmim, nic Jesús jém atebet Capernaum. Iwagananicayaj iapa, itiwitam y jém icuyujciwiñ. Pero jemum da watña jama tsíyyaj.

Jesús iquebacputpa jém númyajpaap jém mijpic masticjom
(Mt. 21:12-13; Mr. 11:15-18; Lc. 19:45-46)

¹³ Jesic jeetim tiempo núctooba jém pascuasíñ jém iwatyajpáppic jém judíos. Nic Jesús Jerusalén juf iwatyajpa jém siñ. ¹⁴ Y jém mijpic masticjom ipát jém imáyyajpáppic jém xix, jém borrego y jém cuucuyaj. Jemum coñajtim imesacim jém icucacyajpáppic tumiñ.

¹⁵ Jesic Jesús ipic tum tixi, iwat tum cótsóycuy. Iquebacput itumpiy jém pixiñtam jém itwip masticjom con jém xixyaj y jém borregoyaj. Ipatspatsquedáy itumiñ naxyucmi jém icucacyajpáppic tumiñ. Ichiputseedáy jém imesayaj. ¹⁶ Iñímáy jém pixiñtam jém imáyyajpaap jém cuucuyaj:

—Toptaami jém cuucuyaj anxicmi. Odoy acsettaami anjatun itic juuts tum mercado.

¹⁷ Jesic jém Jesús icuyujciwiñ ijsyajpa juuts jayñeta jém Dios inmati. Nimpa: “Ich tsam pimi anwatpa cuenta mich iñtic, manjatun Dios.”

¹⁸ Jesic jém judíos icwacyajpa. Nímayta Jesús:

—¿I mipimíy iga inquebacput jém pixiñtam? Siiga Dios mipimíy, jesic anquejaayí aichtam tum milagro.

¹⁹ Jesús iñímáy jeeyaj:

—Miswattaami yíp mastic, jesic jém tucunajama anactsucumpa eybic.

²⁰ Nimyaj jém judíos:

—Cuarenta y seis amtiy yoxayaj iga iwatyaj yíp mastic. ¿Que wíap inictsucum en tucunajama?

²¹ Pero cuando nimpa Jesús iga iwatpa eybic jém mastic, je inmatpa de jém imijtay.

²² Cuando accaatap jém Jesús y ocmi pispá, jesic jém icuyujciwiñ ijsyajpa ti iñímáy jém Jesús. Jesic icupicyaj jém Dios inmati jém jayñetawip y jém inmati jém iñimayñewip jém Jesús.

Jesús ijodon ti iniityaj ianamanjom jém pixiñtam

²³ Jesic iganam it Jesús jém Jerusalén, cuando iwatyajpa jém pascuasíñ, jáyan jém pixiñtam moj icupicyaj porque iixyaj jém wibic milagro jém iwatnewip. ²⁴ Pero jém Jesús da iniayyay confianza jém pixiñtam, porque ijodon ti iniityaj ianamanjom itumpiy jém pixiñtam. ²⁵ Da ixunpa Jesús iga i inmadáypa iga tsam malo jém pixiñtam, porque ijodon iga tsam it mal ianamanjom.

3

Jém Nicodemo oy íam jém Jesús

¹ It idic tum fariseopic p̄ixiñ iñiyi Nicodemo, anjagooyi de jém judíos. ² Jém Nicodemo oy iám jém Jesús tsuucim. Mu iñúc, iñímáy:

—MamMaestro, anjodóñata iga Dios micutsat iga anañquejaytámiñ aichtam. Da i wiap iwat jém wibic milagro juutspic mich inwatpa siiga da inwaganait Dios.

³ Jesic Jesús iñímáy jém Nicodemo:

—Numa mannímáypa siiga tum p̄ixiñ da nayxetpa eybic, jesic da tsíypa juuts Dios im̄ichi ni da nicpa iti con Dios.

⁴ Jém Nicodemo icwác jém Jesús. Iñímáy:

—¿Pero jutsap iñayxet tum p̄ixiñ tsamipic? ¿Que wiap itigiy eybic jém iapa ipuujom iga nayxetpa?

⁵ Jesús icutson jém Nicodemo. Iñímáy:

—Numa mannímáypa siiga tum p̄ixiñ da naypa con ni y da naypatim con Dios iAnama, da tsíypa juuts Dios im̄ichi ni da wiap itigiy jut it Dios. ⁶ Jém nayñewip jém yomyucmi iniit no más jém vida yip naxyucmi. Pero jém nayñewip con Dios iAnama iniit jém siñyucmic vida. ⁷ Odoy ámanjaci iga mannímáy iga siiga da miñayxetpa eybic da miñúcpa jut it Dios. ⁸ Poypa jém sawa jut quej. Tammatonpa iga poypa jém sawa, pero da tanjodon jut miñpa ni jut nicpa. Jesaptim quejpa iga nayñe jém p̄ixiñ con Dios iAnama. Pero da tánixpa jutsa miñay.

⁹ Jesic jém Nicodemo iñímáy jém Jesús:

—¿Pero que jutsap tannasca jempic?

¹⁰ Nimpa Jesús:

—¿Que mich miIsraelpic mimaestro y da incutiñiyi ti mannímáypa? ¹¹ Numa mannímáypa aichtam anwijodon tam ti sip mannímáy. Manañmadaytampa jém cosa jém ánixñewip. Pero michtam da ancupigaytampa. ¹² Siiga manañmadáypa jém cosa jém itwip yip naxyucmi y da incupicpa, ¿jesic jutsap incupic siiga manañmadáypa jém cosa jém itwip siñyucmi?

¹³ 'Da i wiap iquím siñyucmi, no más ich wiap anquím. Ich jém aMiññewip Siñyucmi, ait idic siñyucmi, pero aquet yip naxyucmi iga anwatpa jém Dios iyoxacuy. ¹⁴ Wiñic jém Moisés ipañpa tum cuy, icquím tum tsañwatnas jém cuyucmi cuando oyyaj jém Dios ipixiñtam jém titsinaxyucmi. Jesaptim aich, jém aMiññewip Siñyucmi, acquimtap tum cuyucmi ¹⁵ iga itumpiy jém p̄ixiñtam, jém acupicneyajwip aich, da togoypa, mas ipictsonyajpa jém vida jém dapic cuyajpa.

¹⁶ 'Dios tsam itoypa itumpiy jém p̄ixiñtam jém ityajwip yip naxyucmi. Jeeyucmi ijic iga accaata jém tumpic iManic iga itumpiy jém icupicneyajwip jém Dios iManic da togoypa, mas ipictsonpa jém vida jém dapic cuyajpa. ¹⁷ Porque Dios da icutsat iManic yip naxyucmi iga ichiiba castigo jém p̄ixiñtam. Icutsat iManic iga iciacputyajiñ itumpiy jém ityajwip icuwiti yip naxyucmi.

¹⁸ 'Siiga tum p̄ixiñ icupic jém Dios iManic, jesic da i ichiiba castigo. Pero jém dapic icupicpa, jesic Dios ijycámayñe iga ichiiba castigo porque da icupicpa jém Dios iManic jém tumpic. ¹⁹ Chiitap castigo jém p̄ixiñtam porque cuando miñ yip naxyucmi jém wibic juctian̄tsoca, jesic jeeyaj da iwianjamyaj. Tsam itoyyajpa jém piichi porque tsam iwianjam iga imalwatyajpa. ²⁰ Itumpiy jém imalwatyajpáppic ijóyixyajpa jém wibic juctian̄tsoca. Da icunúcyajpa jém juctian̄tsoca iga odoy quejiñ iga imalwatyajpa. ²¹ Pero jém iwatneyajwip juuts nimpa jém numapic anquímayooyi, icunúcyaj jém wibic juctian̄tsoca iga quejiñ iga iwıwatyajpa juuts ixunpa Dios.

Jém Xiwan jém acchíñoypaap eybic inmatpa de Cristo

²² Jesic ocmi jém Jesús con icuyujc̄iwiñ nicyaj jém naxyucmi de Judea. Jemigam nic itiyaj. Acchínoyyajpa. ²³ Acchínoypatim jém Xiwan jém attebet Enón nocojom de jém attebet Salim porque jemíc tsam it ni. Nicyaj jém p̄ixiñtam iga acchiniyajt̄añ. ²⁴ Porque danam pajneta cárcel jém Xiwan.

²⁵ Jesic algunos de jém Xiwan icuyujc̄iwiñ moj añajiyaj con jém judíos iga ti ixunpa jém Moisés inquímayooyi iga tsíy tum p̄ixiñ cuáyñe. ²⁶ Jesic jém Xiwan icuyujc̄iwiñ nic inmadayyaj jém Xiwan. Inímayyaj:

—Mammaestro, jém p̄ixiñ jém tanj̄ypátnew̄ip jém Jordán inwiñtuc, jém annímayñew̄ip mimich iga jeam jém Dios iManic, siip acchínoypatim mex je. Nicyajpa itumpiy jém p̄ixiñtam iga itúnyyajpa.

²⁷ Jesic jém Xiwan inímay jém icuyujc̄iwiñ:

—Siiga da ti tachiiba Dios, jesic da ti tanaít. ²⁸ Michtam añw̄imaton̄neta cuando manañmadayta iga ich da je aCristo. Pero Dios acutsat iga añjagoyñeñ ammiñ iga añw̄itsagáypa jém Cristo ituj. ²⁹ Cuando it jém añcoomíyóycuy, jesic jém representante wiñti iw̄itsacpa itumpiy jém cosa. Jesic ocmi miñpa jém yoomiypaap iga ipictson̄pa jém iyomo. Jesic maymay jém representante. Jesaptim aich. Agui amaymay iga núcneum jém Cristo. ³⁰ Siip más jáyan̄ap jém Cristo ip̄ixiñtam. Dam atúnnyyajpa jém p̄ixiñtam porque cuyajum jém anyoxacuy.

Jém Miññew̄ip Siñyucmi tsam wiap

³¹ Jém yucmipic miññe, je más wiap que itumpiy jém p̄ixiñtam. Pero jém tsucumnew̄ip yíp naxyucmi iniit yíp naxyucmipic j̄ixi. Inmatpa yíp naxyucmipic añquímayooyi. Pero jém yucmipic miññe inimiñ jém más w̄ibic j̄ixi. ³² Inmatpa jém w̄ibic añquímayooyi jém iixñew̄ip y jém imaton̄new̄ip siñyucmi. Pero jém p̄ixiñtam da icupicyajpa jém inmadayooyi, itumpiy ij̄isyajpa iga migooyi. ³³ Pero ich aXiwan añcupic jém inquímayooyi y mannímáypa iga je jém numapic, da migóypa tanjatuj Dios. ³⁴ Porque jém icutsatnew̄ip Dios, inmatpa jém Dios inmat̄i. Quejpa iga tsam p̄imi chiiñeta jém Dios iAnama. ³⁵ Tanjatuj Dios tsam itoypa jém iManic. Ichiñcodáy itumpiy cosa icijom iga w̄iañ iw̄at juuts je iw̄ianjam. ³⁶ Siiga i icupicpa jém Dios iManic, jesic ipictson̄pa jém vida jém dapic cuyajpa. Pero siiga tum p̄ixiñ da icupicpa jém Dios iManic, jesic da ipictson̄pa jém vida jém dapic cuyajpa. Dios ichiiba jém p̄ixiñ jém mijpic castigo jém dapic cuyajpa.

4

Jesús añmatyajpa con tum Samariapic yomo jém mutc̄im

¹ Jesic imaton̄yaj jém fariseoyaj iga más jáyan̄ jém p̄ixiñtam itúnnyyajpa jém Jesús que jém Xiwan, icchinipatim más jáyan̄ p̄ixiñtam. ² Pero jém Jesús iyaac da acchínoypa, nada más acchínoyyajpa jém icuyujc̄iwiñ. ³ Mu ijodóna jém Jesús ti ij̄isyajpa jém fariseoyaj, jesic put de jém naxyucmi de Judea. Set eybic jém naxyucmi de Galilea.

⁴ Iganam nicpa Galilea jém Jesús, tienes que naspa jém naxyucmi de Samaria. ⁵ Jesic núc jém Jesús tum Samariapic attebet in̄iyi Sicar. Da juumi jém nas jém ichiñew̄ip wiñigam jém Jacob jém iman̄ic José. ⁶ Jemtim it jém mut̄i jém iw̄atnew̄ip jém Jacob. Cugapjama núc jém Jesús. Agui sopsne. Juumi miñ. Jesic coñ Jesús jém mutc̄im. ⁷ Jesic jeeti rato núc tum Samariapic yomo. Miñ ipic ni. Jesús inímay jém yomo:

—Acwaaci uxaj ni.

⁸ Da i jém icuyujc̄iwiñ. Nic ijuyyaj titam icútyajpa jém attebet Sicar. ⁹ Jesic jém Samariapic yomo inímay jém Jesús:

—¿Tiiiga añwágáypa ni aich? Mich mijudío y ich aSamariapic ayomo.

Jempam nim jém yomo porque jém judíos tsam ijóyixajpa jém Samariapic pixiñtam.
 10 Jesic Jesús icutson jém yomo. Iñímáy:

—Meega mich iñjodon i miwágáypa jém ni y meega iñjodon tim iga Dios michiitooba jém wibic ni, jesic mich anwágáypa jém ni y ich manchiiba jém wibic ni jém michiipáppic jém vida.

11 Jesic jém yomo iñímáy jém Jesús:

—Pero mich da ini i timi iñtoppa jém ni. Tsam jojmi jém muti. ¿Jutsap iñtop jém ni jém tachiipáppic vida? 12 Jém anjatunwewe ijatun jém Jacob ichac yíp muti para aichtam. Jém Jacob con jém imanictam nícyajpa yim. Icnícyajpatim jém ianimatyaj. ¿Que mich más miwiap que jém Jacob?

13 Jesic Jesús iñímáy jém yomo:

—Itumpiy jém iucyajpáppic yíp ni, yimpic it mutjom, níctitsyajpa eybic. 14 Pero jém iucpáppic jém ni, jém ichpic anchiiba, dam eybic níctitspa. Jém ni tsíypa juuts tum ni ixcu y ianamanjom. Iyaacquimpa jém ni iga ichiiba jém vida jém dapic cuyajpa.

15 Jém yomo iñímáy jém Jesús:

—Mimich, achii jém ni, jesic dam eybic aníctitspa. Da amiñgacpa yim iga ampicpa ni.

16 Jesús iñímáy jém yomo:

—Nigi anwejaayi jém inwidaya. Miñtaami yim.

17 Nim jém yomo:

—Da ajaayiy.

Jesic Jesús iñímáy:

—Da mimigóypa iga miñimpa iga da mijaayiy. 18 Porque iniit idic cinco inwidaya y jém pixiñ jém siippic iniit da je inwidaya. Da mimigóypa iga da mijaayiy.

19 Cuando imaton junimpa Jesús, jesic jém yomo iñímáy:

—Quejpa iga mich miprofeta. 20 Aichtam jém aSamariapic anwewetam dende wiñigam ijisyajpa Dios yíp cotsicyucmi. Pero mimichtam miñimtámpa iga solamente Jerusalén wiap tanjista Dios.

21 Jesús iñímáy jém yomo:

—Cupici siip ti mannímáypa. Núcpa jém jama iga wiap iñjista tanjatun Dios jutquej. Da miñicpa Jerusalén ni datim miquimpa yíp cotsicyucmi iga ininwejpáttámpa Dios.

22 Mimichtam miitwip Samaria da iñjodon i iñjístámpa. Pero aichtam jém ajudíospic apixiñtam ánixpicneta jém nunta Dios porque Dios ichac iga tsucum jém naxyucmi de Israel jém ciacpudoypaap. 23 Siip núctooba jém jama cuando jém numapic icupicneyajwip Dios ijisyajpa Dios ianamanjom, ijisyajpa juuts nimpa jém numapic anquímayooyi. Jém tanjatun Dios imétsa jém ijisyajpáppic jempic. 24 Tanjatun Dios je tum Anama juuts jém sawa. Jém numapic icupicneyajwip Dios jeeyaj numa ijisyajpa Dios ianamanjom juuts nimpa jém numapic anquímayooyi.

25 Jém yomo iñímáy Jesús:

—Anjodon iga miñpa jém Mesías jém icutsatpaap Dios, iñiyitim Cristo. Cuando núcneum jém Mesías, jesic tanquejáypa itumpiy jém witampic anmatí.

26 Jesic Jesús iñímáy jém yomo:

—Icham aje, jém siippic manamat.

27 Jeeti rato núcyaj jém Jesús icuyujcwiñ. Tsam amanjacyaj iga anmatpa Jesús con jém yomo. Pero da i icwác jém yomo iga: “¿Tí miñ imméts?” Ni datim i icwác jém Jesús iga: “¿Tíiga inimatpa jém yomo?” 28 Jesic jém yomo ichac imajcuy, nic jém atebet. Nic inmadáy jém pixiñtam:

²⁹ —Nigi aami tum p̄ixiñ. Anmadáy aich itump̄iy titam anwatne dende wiñic. ¿Que da ȳibam jém Cristo?

³⁰ Jesic jeeyaj putyaj jém attebet, nic iámyaj jém Jesús. ³¹ Iganam nicne jém yomo, jém Jesús icuyujc̄iwiñ iñímáyaj:

—MamMaestro, miñi miwiiqui.

³² Pero Jesús iñímáy jém icuyujc̄iwiñ:

—Ich anait wícuy jém dapic iñixpictámpa mimichtam.

³³ Jesic jém icuyujc̄iwiñ moypa nacwácyajtaji entre jeeyaj. Nimyajpa:

—¿Tananjam iga algunos inimíñáy jém wícuy?

³⁴ Pero Jesús iñímáy icuyujc̄iwiñ:

—Cuando anwatpa juuts ixunpa Dios y anaccupacpa jém Dios iyoxacuy jex juuts ich anwícuy. ³⁵ Michtam miñimtámpa iga: “Togoyñam cuatro meses iga itpa jém cosecha.” Pero ich mannímáypa, ixtaami iga c̄iñneum jém cosecha. Jáyan jém p̄ixiñtam icup̄icyajtooba jém Dios in̄mati. ³⁶ Jém ip̄inyajpáppic jém cosecha yoyajtap. Ip̄inyajpa jém p̄ixiñtam iga chiitap jém vida jém dapic cuyajpa. Itump̄iy jém iñipneyajw̄ip y jém ip̄inyajpáppic jém cosecha wagamaymáayajpa. ³⁷ Numa juuts nimpa jém an̄mati iga tum p̄ixiñ iñippa jém cama, pero tungac ip̄inpa jém cosecha. ³⁸ Man̄cutsat iga niguiñ imp̄in jém yoxaji jut mich da iñ̄ip. Tungac yoxayajpa jém cam̄jom, pero michtam imp̄ináypa jém iyoxaji.

³⁹ Jáyan jém Samariapic p̄ixiñtam jém ityajw̄ip jém attebet Sicar icup̄icyaj jém Jesús porque jém yomo iñímáy iga: “Jém p̄ixiñ anmadáy itump̄iy juuts ich anwatne.” ⁴⁰ Jesic cuando jém p̄ixiñtam núcyaj jut it jém Jesús, icunucsayajpa. Iñímáyaj iga: “Ts̄iyi ȳim con aichtam.” Jesic jemum ts̄iy jém Jesús wisna jama. ⁴¹ Jesic iganam accuyujóypa Jesús jém attebet Sicar, mástim jáyanam jém p̄ixiñtam icup̄icyaj jém Jesús. ⁴² Jesic jeeyaj iñímáyaj jém yomo:

—S̄ip anjodontam iga ȳip p̄ixiñ je jém Cristo jém iciacputpáppic itump̄iy jém ityajw̄ip icuw̄iti ȳip naxyucmi. Anjodón̄ata porque anyaac ammaton̄eta ti nimpa, da no más iga mich ananmadáy.

Jesús ic̄pis tum m̄jpic anjagooyi ijaymanic

⁴³ Jemum poych̄iy wisnajama. Ocmi moygacum n̄iqui jém Jesús jém naxyucmi de Galilea. ⁴⁴ Porque iyaac nim jém Jesús iga: “W̄ipictson̄tap jém profeta jutquej, pero cuando nicpa naj̄yooyi iticm̄ipic attebet, jém it̄iw̄itam da iw̄ipictson̄yajpa.”

⁴⁵ Cuando núc Jesús Galilea, jesic jém Galileapic p̄ixiñtam iw̄ipictson̄yaj. Porque oy sin̄ajiyaj jém pascuas̄in jém Jerusalén. Iixyajt̄im titam iwatne Jesús jém Jerusalén. ⁴⁶ Nicgac Jesús jém attebet Caná, jém naxyucmi de Galilea, jut icset jém ni iga vino. Jesic jemum it idic tum m̄jpic anjagooyi, icuyoxap jém rey. Mimne jém anjagooyi ijaymanic jém attebet Capernaum. ⁴⁷ Cuando ijodón̄ap jém anjagooyi iga putneum Jesús jém naxyucmi de Judea y núcneum jém naxyucmi de Galilea, jesic nic iam jém Jesús. Jém anjagooyi icunucsáypa jém Jesús iga niguiñ iticc̄im iga ic̄pisáyiñ jém ijaymanic porque caatoobam.

⁴⁸ Jesic Jesús iñímáy jém p̄ixiñ:

—Mimichtam, siiga da iñixtámpa jém w̄ibic seña y jém w̄itampic milagroyaj, da in̄cupictámpa iga Dios acutsat ȳip naxyucmi.

⁴⁹ Pero jém anjagooyi iñímáy Jesús:

—Mán̄omi, s̄ipti tan̄icpa antes que caaba jém ammanic.

⁵⁰ Jesic Jesús iñímáy jém anjagooyi:

—S̄ip nics̄im iñ̄icmi. Pisneum jém immanic.

Jém p̄ixiñ icupic ti iñímáy Jesús. Mojum seti iticmi. ⁵¹ Iganam seti idic iticmi jém anjagooyi, jesic tunjom ipát algunos de jém icuyoxayajpaap. Miñ imétsyaj jém iomi. Nímayta:

—Pisneum jém immanic.

⁵² Jesic jém anjagooyi icwác jeeyaj iga juchis hora moj uxánaji iga pistooba jém imaníc. Nímaj:

—Matic a la una de la tarde ichac jém jawan.

⁵³ Jesic jém tsixi ijatun ijis iga jeetim hora Jesús iñímáy iga: “Pisum jém immanic.” Jesic jém p̄ixiñ icupic Jesús con itumpiy jém ityajw̄ip iticcim.

⁵⁴ Wisten milagro iwat Jesús cuando set jém naxyucmi de Galilea de jém naxyucmi de Judea. Yip jém ocmipic.

5

Jesús icpis tum p̄ixiñ jém meycim iñiyi Betesda

¹ Jesic yaj iwat jempic, núc jém jama iga jém judíos iwatyajpa tum sin Jerusalén. Nictim mex jém Jesús. ² Jemum Jerusalén it tum meyi watneta, taañianñaca. Jém ni iñiyi Betesda jém hebreopic anmatimi. Nocojom it jém taañi ipuerta iñiyi jém Borrego iPuerta. Jém meyanñaca it cinco corredor. ³ Woneyaj jém corredor jáyan jém mimneyajw̄ip. Ittim jém cáchti, jém cuxuj y jém tusacanew̄ip icumij. Injócyajpa iga tsigóypa jém ni. ⁴ Porque aveces miñpa tum sinyucmipic p̄ixiñ iga ictsigóypa jém ni. Jesic jém wiñtipic tigiyapa jém meyjom cuando tsigóypa jém ni, p̄ispa de cualquier jém caacuy. ⁵ Jemum it tum p̄ixiñ tsam pecam mimne. Inii tum jém caacuy treinta y ocho amt̄iy. ⁶ Jesic Jesús iix jém p̄ixiñ jut wone. Ijodon̄a Jesús iga tsam pecam mimne, iñímáy jém p̄ixiñ:

—¿Inwianjam iga mipispa?

⁷ Jesic jém mimnew̄ip iñímáy Jesús:

—Mánomi, da anaj i acucompa jém meyjom cuando tsigóypa jém ni. Iganam atigiytooba aich, wiñti tigiyapa tungac.

⁸ Jesús iñímáy jém p̄ixiñ:

—Sip tsucumim, pinim jém iñchees, w̄itim.

⁹ Jeeti rato pisum jém p̄ixiñ, ipin jém ichees, mojum w̄iti.

Watta yip milagro jém jejcuyjama. ¹⁰ Jém judíos p̄imi jóyñeyaj. Iñimayyaj jém p̄ixiñ jém pisnew̄ip:

—Yip jama jém jejcuyjama. Jém tananquímayooyi da ijicpa iga iñchimteñpa iñchees yip jama.

¹¹ Jesic jém mimnew̄ip idic iñímáy jém anjagooyiyaj:

—Jém p̄ixiñ, jém acpisnew̄ip, anímáy iga: “Pinim iñchees. W̄itim.”

¹² Jesic jeeyaj icwácayaj, iñímáy:

—¿I miñímáy iga: “Pinim jém iñchees, w̄itim”?

¹³ Pero jém acpisnetaw̄ip da ijodon̄i icpis porque tsam itñim jém lugar y nicneum jém Jesús. ¹⁴ Jesic ocmi Jesús ictsiy jém p̄ixiñ jém mijpic masticjom. Iñímáy:

—Sip mipisneum. Odom malw̄ati eybic iga odoy iññascain̄ tum cosa más p̄imi malo.

¹⁵ Jesic jém p̄ixiñ nic inmaday jém judíos iga Jesús jém icpisnew̄ip. ¹⁶ Jém judíos ijóyixyajpa Jesús iga acpisóypa jém jejcuyjama. Jeeyucmi tsam icpóyiyaj jém Jesús. Imétsyaj jutpic iccaayajpa. ¹⁷ Pero Jesús iñímáy jeeyaj:

—Jém anjatun Dios yoxap hasta sip. Ich ayoxaptim.

¹⁸ Jeeyucmi jém judíos más pimi iccaayajtooba jém Jesús. Porque da solamente iga yoxap jém jejcuyjama, pero nimpatim Jesús iga: “Ich jém Dios anJatun.” Jesic tsíy jex juuts tanJatun Dios.

Jém Dios iManic jextim ipimi juuts jém iJatun

¹⁹ Jesic Jesús inímáy jém pixiñtam:

—Numa mannímáypa iga jém Dios iManic da iwatpa juuts ijispa iyaac, iwatpa juuts iix iga iwatpa jém iJatun. Jém Dios iManic iwatpa jextim juuts iwatne iJatun. ²⁰ Jém anJatun Dios itoypa jém iManic y inquejáypa itumpiy juuts je iwatpa. Ocmi Dios inquejáypatim iManic jém más mijpic milagro y mimichtam tsam miámanjactámpa cuando íñixtámpa. ²¹ Porque jém anJatun Dios icpíspa jém caaneyajwip, ichiiba vida. Jesapitim iwat jém Dios iManic, ichiibatim vida jém pixiñtam jém iwianjamyajpáppic. ²² Jém anJatun Dios da i icipinpa. Iccám iManic juuts tum anjagooyi iga icipíñiñ itumpiy jém pixiñtam, ²³ iga itumpiy de jeeyaj icujípyajiñ jém Dios iManic. Jém dapic icujíppa jém Dios iManic, jesic datim icujíppa jém anJatun Dios jém icutsatnewip.

²⁴ Nímtim Jesús:

—Numa mannímáypa mimichtam, siiga immatonpa ich anajmati y incupicpa Dios jém acutsatnewip, jesic iniitum jém vida jém dapic cuyajpa. Jesic da impictsonpa jém castigo. Michíyñe idic juuts caane jém íñanama, pero sip vivojam jém íñanama. ²⁵ Numa mannímáypa iga núcpa jém jama y sip núcneum iga jém pixiñtam, jém caaneyajwip, imatónayyajpa jém Dios iManic ijíyi. Jém icupicneyajwip ti inímáy, ipictsonyajpa jém vida. ²⁶ Jém anJatun Dios iniit jém vida y wíap ichi i quej. Ichíñetim jém iManic jexpictim pimi iga jeegacti wíap michi jém vida juutstim anJatun Dios. ²⁷ Jém Miñnewip Sinyucmi chiita jém pimi iga icipin jém pixiñtam. Jeeyucmi miñ yíp naxyucmi. ²⁸ Odoy ámanjaci cuando mannímáypa iga pisyajpa jém caaneyajwip. Porque núcpa jém jama cuando itumpiy jém pixiñtam, jém caaneyajwip, imatónayyajpa jém ijíyi. ²⁹ Itumpiy jém caaneyajwip putyajpa de jut cumneyajta. Jém iwatneyajwip juuts iwianjam Dios, pisyajpa iga ipictsonyajpa jém vida iga dam eybic caaba. Pero jém malopic pixiñtam, pisyajpatim iga ipictsonyajpa jém castigo jut da nunca putpa.

Wiquejpa iga Jesús iniit Dios ipimi

³⁰ Jesic nímtim Jesús:

—Ich da ti wíap anwat anyaac. Ançipinpa jém pixiñtam juuts anímáy Dios. Jeeyucmi ich anwicipinpa porque da anwatpa juuts ich anwianjam, pero anwatpa juuts iwianjam jém anJatun Dios jém acutsatnewip. ³¹ Siiga ich anyaac manajmadáypa iga Dios acutsat, jesic da i acupigáypa jém anajmadayooyi. ³² It tungac testigo jém minjadaypáppic iga Dios acutsat. Ich anjodon iga nuumanmatpa cuando miñímáypa jut amiñ. ³³ Michtam incutsat jém pixiñtam iga niguiñ icwácyaj jém Xiwan jém acchínoypaap. Jém Xiwan miñuumanjadáy, da mimigóyáy. ³⁴ Ich da ansunpa jém testigo iga ayoxpátpa aich, pero ammétspa jém testigo iga miyoxpátámiñ iga micíacputtámiñ mimichtam. ³⁵ Jém Xiwan jex juuts tum jucti iga miyíquejpa, agui wítsocpa. Cuando it jém Xiwan, mimichtam agui mimaymaytam iga impictsonpa jém Xiwan inquímayooyi. ³⁶ Pero it tum testigo más wí que jém Xiwan. Jém milagroyaj, jém anwatnewip, tsíy juuts tum testigo para ich. Cuando anwatpa jém milagro juuts anímáy Dios, jesic quejpa iga Dios acutsat yíp naxyucmi. ³⁷ Jém anJatun, jém acutsatnewip yíp naxyucmi, tsíy tim juuts tum testigo iga ich amiñ sinyucmi, pero mimichtam da queman immatonpa jém Dios ijíyi ni da queman íñixta jém icuwiñ. ³⁸ Mimichtam, da iniita jém Dios inmati íñanamanjom porque da ancupicta aich jém acutsatnewip Dios. ³⁹ Mimichtam tsam incuyujcatámpa

jém Dios in̄mati jém jayñew̄ip porque in̄jistámpa iga jemum impátpa jém vida jém dapic cuyajpa. Pero jém Dios in̄mati jém jayñew̄ip, miñmadáypa de aich. ⁴⁰ Mimichtam da michiytamtooba juuts ich man̄cuyujc̄iwiñ iga w̄iañ impictson̄ta jém vida jém dapic cuyajpa.

⁴¹ Nintim Jesús:

—Ich da ammétspa jém pixiñtam yíp naxyucmi iga acujípyajiñ. ⁴² Man̄w̄ixpicpa mimichtam, an̄jodon̄ iga da in̄toytámpa Dios. ⁴³ Ich amiñ jém an̄Jatun̄ Dios in̄iyimi, pero mimichtam da ampictson̄ta. Siiga miñpa tungac pixiñ jém dapic je Dios im̄chi, jesic impictson̄támpa. ⁴⁴ ¿Pero jutsap in̄cupicta Dios porque tsam minicujíptamtap in̄yaac? Da in̄wattamtooba jém w̄itampic cosa iga Dios icutum micujíptamiñ. ⁴⁵ Odoy j̄isi iga ich anaquímpa jém quejaj contra mimichtam jém an̄Jatun̄ Dios iwiñjom. Pero jém Moisés numa iniquímpa jém quejaj contra mimichtam porque miñimtámpa iga in̄cupicta jém Moisés in̄químayooyi.

⁴⁶ Siiga numa in̄cupicta jém Moisés in̄químayooyi, jesic in̄cupictámpa tim iga Dios acutsat porque jém Moisés ijay iga ich amiñpa. ⁴⁷ Pero siiga da in̄cupictámpa ti ijay jém Moisés, ¿jesic jutsap in̄cupic ti mannímáy?

6

Jesús icwíc cinco mil pixiñtam

(Mt. 14:13-21; Mr. 6:30-44; Lc. 9:10-17)

¹ Ocmi, cuando yaj in̄asca jem̄pic, nic Jesús jém laguna an̄wiñtuc, in̄iyi jém laguna Galilea, in̄iyitim Tiberias. ² Tsam jáyan̄ pixiñtam itún̄iyaypa Jesús porque iixyay jém milagroyaj cuando ic̄pis jém mimneyajw̄ip. ³ Quím Jesús tum̄ cotsicyucmi, iwaganacoñyay jém icuyujc̄iwiñ. ⁴ Núctooba jém pascuas̄in̄ jém iwatyajpáppic jém judíos. ⁵ Cuando ámquím Jesús, iix iga miñyajpa tsam jáyan̄ jém pixiñtam. Jesic in̄ímáy jém Felipe:

—¿Jut w̄iap tan̄juy caxtánañi iga tanacwíctámpa itump̄iy yípyaj pixiñtam?

⁶ Ichobiyñímáy jém Felipe jem̄pic iga icutítspa, porque ijodon̄ Jesús jutsap icwíc jém pixiñtam. ⁷ Jesic jém Felipe in̄ímáy:

—Meega tanait doscientos tumiñ de plata iga tan̄juy caxtánañi, da ictsíypa iga cada tum̄tum̄ ipictson̄pa uxan̄.

⁸ Jesic jém Anti, tungac jém icuyujc̄iwiñ, jém Ximoj Peto it̄iwi, in̄ímáy Jesús:

⁹ —Yim̄ it tum̄ jaych̄ixi. In̄it cinco caxtánañi de cebada y w̄isten̄ t̄ipi. Pero como tsam jáyan̄ ityay, da ictsíypa ni uxan̄.

¹⁰ Jesic Jesús in̄ímáy jém icuyujc̄iwiñ:

—Accoñyaji itump̄iy jém pixiñtam.

Jesic coñyay múganjom, ityay como cinco mil jém pixiñtam. ¹¹ Jesic Jesús ipic jém caxtánañi. Cuando yaj in̄wejpát Dios, ichi jém caxtánañi jém icuyujc̄iwiñ. Jeeyaj iwécyaj, ichiyyaj itump̄iy jém pixiñtam jém coñyajw̄ip. Jem̄pictim iwat con jém t̄ipi. Chiiyajta juuts ixunyajpa jém pixiñtam. ¹² Jesic cuando cusum wiiquiyaj, in̄ímáy Jesús jém icuyujc̄iwiñ:

—S̄ip pin̄taami itump̄iy jém cutsíyñew̄ip iga odoy togóyiñ ni uxan̄.

¹³ Jesic ipinyaj itump̄iy jém cutsíyñew̄ip, jém dapic yaj icútyaj jém pixiñtam. Icucomyay doce nacoon̄ con jém cutsíyñew̄ip de jém cinco caxtánañi de cebada. ¹⁴ Jesic jém pixiñtam cuando iixyay jém milagro jém iwatnew̄ip Jesús, n̄im̄yay:

—Numa yíp pixiñ jém Profeta jém tanan̄jótampáppic iga miñpa yíp naxyucmi.

15 Pero Jesús icutiyyíy iga miñpa imats jém pìxiñtam iga iccámpa pìmimi juuts tum rey, jeeyucmi nic icutum tum cotsicyucmi.

Witpa Jesús jém nìwiñpacyucmi
(Mt. 14:22-27; Mr. 6:45-52)

16 Jesic jocpiichabam ìti. Quetyaj jém Jesús icuyujcìwiñ jém laguna añnaca. 17 Tigíyyaj tum barcojom, moj niquiyaj jém laguna añwiñtuc jém atebet Capernaum. Cupiichawum, pero danam quet jém Jesús. 18 Jesic moj poyi jém sawa tsam pìmi. Agui mij jém nìpoa. 19 Juumi nic jém barco como cinco o seis kilómetro. Icwiyaipa jém barco con remos. Jesic jeeti rato iixyaj iga miñpa jém Jesús, witpa imiñ jém nìwiñpacyucmi. Núc nocojom jut it jém barco. Tsam pìmi cìnyaj jém icuyujcìwiñ. 20 Jesic Jesús iñímáy jeeyaj: —Aicham, odoy cìntaami.

21 Jesic iwìpictsonyaj jém icuyujcìwiñ, icquímyaj Jesús jém barcojom. Jesic tumti rato núcyaj jém laguna añnaca jut nicyajpa.

Jém pìxiñtam imétsyajpa jém Jesús

22 Jesic icuquejama jém pìxiñtam, jém tsíyñeyajwìp jém laguna añnaca, jut tsucumyaj jém Jesús icuyujcìwiñ, ijodónayaj iga it idic jem no más tum barco. Ijodónayajtim iga jém Jesús da iwagananicyaj jém icuyujcìwiñ barcojom. 23 Iganam sìp ijisyaj jém pìxiñtam, núcyaj wati jém barco, tsucumyaj jém atebet de Tiberias. Núcyaj jém laguna añnaca nocojom jém lugar jut icútyajpa jém caxtánañi jut inwejpát Dios jém tánomi. 24 Jesic cuando jém pìxiñtam iixyaj iga da i jém Jesús ni jém icuyujcìwiñ, tigíyyaj jém tungac barcojom, jém yaguiñpic miñyaj, nicyajtim jém atebet Capernaum iga imétsyajpa Jesús.

Jesús jém caxtánañi jém tachiipáppic vida

25 Jesic cuando ipátyaj jém Jesús jém laguna añwiñtuc nìmyajpa:

—MamMaestro, ¿juchis miñúc yim?

26 Jesic Jesús iñímáy jeeyaj:

—Numa mannímáypa, mimichtam ammétstámpa porque micusta mu inçútta jém caxtánañi. Da ammétstámpa porque inçutiyyíyta ti manañquejayta con jém wibic milagro jém añwatnewìp. 27 Odoy yoxataami no más para jém wíccuy, jém itwìp yíp naxyucmi, porque je yajpa. Más wì iga miyoxatamiñ para jém tungac wíccuy jém dapic cuyajpa, jém michiipáppic jém vida jém dapic cuyajpa. Ich, jém aMiññewìp Sinyucmi, amiñ iga manchiiba jém wíccuy jém dapic cuyajpa. Quejpa iga acutsat jém anJatun Dios porque achi jém pìmi iga wiañ añwat jém milagroyaj.

28 Jesic jém pìxiñtam iñímáy jém Jesús:

—¿Tì wìap añwatta iga añwattámpa jém Dios iyoxacuy?

29 Jesús iñímáy jém pìxiñtam:

—It tum yoxacuy iwianjam Dios iga inwattamiñ, acupictaami aich jém acutsatnewìp Dios yíp naxyucmi.

30 Jesic jém pìxiñtam iñímáy jém Jesús:

—¿Que jup seña anañquejáypa mimich iga mancupictamiñ? ¿Jup milagro wìap inwat?

31 Jém tanjatunwewetam wiñgam icútyaj jém maná jém titsinaxyucmi. Jayñeta jém Dios inmati iga: “Chiiyajta jém pìxiñtam jém sinyucmìpic caxtánañi.”

32 Jesic Jesús iñímáy jém pìxiñtam:

—Numa mannímáypa, da je sinyucmìpic caxtánañi jém ichiñewìp jém Moisés jém wiñicpic pìxiñtam. Pero anJatun Dios michiiba jém nunta sinyucmìpic caxtánañi. 33 Porque jém caxtánañi, jém michiipáppic Dios, quetpa sinyucmi y ichiiba vida jém pìxiñtam jém ityajwìp yíp naxyucmi.

³⁴ Jesic nimyaj jeeyaj:

—Mánomi, achiitaami siempre jexpic caxtánañi.

³⁵ Jesic Jesús iníimáy:

—Ich jem acaxtánañi jem michiipáppic jem vida. Siiga i miñpa atúnjy, jesic da nunca yuap; siiga i acupicpa aich, jesic da nunca níctitspa. ³⁶ Mannímayta iga mex ánixñeta mimichtam, da ancupictámpa iga michíyíñ juuts ich manꝑuyujcwiñ. ³⁷ Itumpiy jem pxiñtam, jem achiipáppic jem anJatun Dios, miñpa atúnjyyaj. Siiga miñpa atúnjy tum pxiñ, ampictsonpa, da anquebacputpa. ³⁸ Porque ich amiñ sinꝑucmi iga anwatpa juuts iwianjam Dios jem acutsatnewiip. Da amiñ iga anwatpa juuts aich anwianjam. ³⁹ Jem anJatun, jem acutsatnewiip yíp naxyucmi, da ixunpa iga togoypa ni tum jem pxiñ jem achiiñewiip aich. Achiita jem pimi iga waiñ anacpisyaj jem ampixiñtam jem caaneyajwiip jem inꝑigam jama. ⁴⁰ Porque jem anJatun Dios, jem acutsatnewiip, iwianjam iga itumpiy jem pxiñtam, siiga iixyaj jem iManic, icupicyajpa, ipictsonyajpa jem vida jem dapic cuyajpa. Anacpisyajpa itumpiy jem ampixiñtam jem inꝑigam jama.

⁴¹ Jesic agui jóyñeyaj jem judíos. Icujiyyaj jem Jesús porque nimpa iga: “Ich jem acaxtánañi jem aquetnewiip sinꝑucmi.” ⁴² Nimyaj jeeyaj:

—¿Que da yíbam jem José imaníc? Tánixpígáy jem ijatun y iapa. ¿Tiiga tanímáypa iga quetne sinꝑucmi?

⁴³ Jesic jem Jesús iníimáy jem pxiñtam:

—Tsaci iga anꝑuytámpa mimichtam. ⁴⁴ Da i wíap imiñ iga acupicpa siiga jem anJatun Dios da inimiñpa. Ich anacpispá jem ampixiñtam jem caaneyajwiip jem inꝑigam jama. ⁴⁵ Jem wiñicpic profeta ijaychacne jem librojom iga: “Dios icꝑuyyajpa itumpiy jem ipixiñtam.” Siip mannímáypa iga itumpiy jem pxiñtam jem icꝑuyneyajwiip jem anJatun Dios, jem imatonꝑeyajwiip, miñpa atúnjyyaj aich.

⁴⁶ Nimpatim Jesús:

—Ich anjodon iga da i oypa iix jem anJatun Dios, ich anꝑutum ánixñe. Porque ich amiñ jut it jem anJatun. ⁴⁷ Numa mannímáypa, jem acupicpaap aich, ipictsonpa jem vida jem dapic cuyajpa. ⁴⁸ Ich jem acaxtánañi, jem manchiipáppic vida jem dapic cuyajpa. ⁴⁹ Mimichtam inꝑatunwewetam, jem wiñicpic, icútyaj jem maná jem titsinaxyucmi. Pero ocmi caayajtim jeeyaj. ⁵⁰ Pero siip mananmadáypa iga it tungac caxtánañi jem quetnewiip sinꝑucmi. Siiga i icútpa yíp caxtánañi da eybic caaba. ⁵¹ Ichtim mismo jem acaxtánañi jem aquetnewiip sinꝑucmi. Siiga i icútpa yíp caxtánañi, itpa para siempre. Jem caxtánañi, jem manchiipáppic, ich ammiytay. Ich anyaac anjicpa iga accaatap iga anyojáypa jem pxiñtam itánca iga ipictsonyajpa jem vida jem dapic cuyajpa.

⁵² Jesic jem judíos nacwácyajtap entre jeeyaj. Moj ánjajiyaj. Nanímayyajtap:

—¿Jutsap tachi jem imiytay iga tanꝑudáypa?

⁵³ Jesic Jesús iníimáy jeeyaj:

—Ich jem aMiññewiip sinꝑucmi, numa mannímáypa siiga mimichtam da inꝑutpa ich ammiytay y siiga da inꝑucpa jem annꝑiñ, jesic da iniij jem vida iga nicpa miiti con Dios. ⁵⁴ Siiga i icútpa jem ammiytay y iucpa annꝑiñ, iniitum jem vida jem dapic cuyajpa; anacpispá jem inꝑigam jama. ⁵⁵ Jem ammiytay nunta wíccuy y jem annꝑiñ nunta uccuy, mimatspagáypa inꝑinama. ⁵⁶ Siiga i icútpa ammiytay y iucpa annꝑiñ, awaganaitpa aich y ich anwaganaitpa je. ⁵⁷ Jem anJatun Dios jem acutsatnewiip iniit jem vida. Ich anaittim jem vida porque achiiñe jem anJatun. Jesanetim jem ampixiñtam jem icútnewiip jem ammiytay, iniityajtim jem vida jem dapic cuyajpa, porque ich anchiiñe. ⁵⁸ Mananmadáypa de jem caxtánañi jem quetnewiip sinꝑucmi. Yíp caxtánañi da jex juuts

jém wíccuy jém maná jém icútneyajwíip jém iñjatunwewetam wiñigam. Jeeyaj caayajtim itumpiy. Pero siiga ì icútpa yíp caxtánañi, iniitpa jém vida jém dapic cuyajpa para itumpiy tiempo.

⁵⁹ Jesús inquejáypa jempic jém ityajwíip jém sinagoga jém attebet Capernaum.

Tachiitá jém vida jém dapic cuyajpa

⁶⁰ Jáyan jém icuyujcwiñ cuando imatonajpa ti nimpá jém Jesús, jesic nimyaj:

—Tsam táncá yíp anquímayooyi. ¿Ì wíap icupic?

⁶¹ Jém icuyujcwiñ mojpá icuyiyaj jém Jesús. Pero je ijodon ti síp iñimayaj, jesic iñimáy:

—¿Que da inwianjamta yíp anquímayooyi? ⁶² ¿Jesic ti iñjistámpa siiga mimichtam ánixtámpa, jém aMiññewíip Sinyucmi, cuando aquíngacpa sinyucmi jut ait idic wiñigam?

⁶³ Tum píxiñ íanama iniit jém ivida. Pero siiga putpa jém íanama, jesic jém imíjtay da ti cuwatcuy. Ich anañmatí, jém manañmadayñewíip, numa iniit jém vida, iniit jém anama.

⁶⁴ Pero todavía it algunos de mimichtam da incupictámpa ich anañmatí.

Mu icupin Jesús jém icuyujcwiñ ijodon íapaap da icupicpa y íapaap iwadáypa jém atraición. ⁶⁵ Jesic Jesús iñimáy itumpiy jém itúñiyajpaap:

—Jeeyucmi mannímáypa iga da ì wíap imiñ iga atúñíypa siiga jém anjatun Dios da ijícpa, siiga da anamíñáypa.

⁶⁶ Dende jesigam tsam jáyan jém Jesús icuyujcwiñ ichaganputyaj iga iwaganasíba, da más itúñiyaj. ⁶⁷ Jesic Jesús icwácpa jém doce icuyujcwiñ. Nímayta:

—¿Que mimichtam antsaganputpatim?

⁶⁸ Icutson jém Ximój Peto, iñimáy:

—Mánomi, ¿jesic ì antúñíypa? Mimich iniit jém wíbic anmatí jém tachíipáppic jém vida jém dapic cuyajpa. ⁶⁹ Aichtam mancupicnetámum y anjodónanetámum iga mich miCristo jém Vivopic Dios miManic.

⁷⁰ Jesic Jesús iñimáy jém icuyujcwiñ:

—Ich mancupineta mimichtam jém doce mancuyujcwiñ. Pero tum de mimichtam miwocciwiñ.

⁷¹ Inmatpa Jesús de jém Judas Iscariote, jém Ximój Iscariote imaníc. Je tum de jém docepíc icuyujcwiñ, pero iwadáypa atraición jém Jesús.

7

Jém Jesús itiwitam da icupicyajpa

¹ Jesic ocmi cuando yaj inquejáy jempic, síba Jesús jém naxyucmi de Galilea. Da nictooba jém naxyucmi de Judea porque jém judíos iccaayajtooba. ² Da jáypa núc jém sin iga iwatyajpa jém nacxtic jém judíos. ³ Jesic jém Jesús itiwitam iñimayaj:

—¿Tíiga michíy yim? Níci jém naxyucmi de Judea iga itumpiy jém incuyujcwiñ jém ityajwíip jém naxyucmi de Judea wíap iixyaj ti inwatpa. ⁴ Siiga ì ixunpa iga xpictañ, jesic da iyamwatpa tum cosa jut da ì iixpa. Siiga mich inwatpa jexpic cosa, odoy yamwatí. Watí jém píxiñtam ancucmi iga miixtáñ.

⁵ Porque jém itiwitam datim icupicyajpa jém Jesús. ⁶ Jesic Jesús iñimáy jeeyaj:

—Danam núcne jém hora iga anwatpa juuts ixunpa Dios jém naxyucmi de Judea. Pero mimichtam juchis quej wíap iññic. ⁷ Jém píxiñtam, jém ityajwíip yíp naxyucmi, da mijóyixtámpa mimichtam. Pero tsam ajóyixyajpa aich porque ich atsíy juuts tum testigo iga tsam imalwatyajpa jeeyaj. ⁸ Mimichtam, nicstaamim mixínajitam. Ich da anicpa porque danam núcne jém hora iga anicpa.

⁹ Ocni yaj nimi jém Jesús, jemum tsíy jém naxyucmi de Galilea.

Yamnic Jesús jém mijpic sinjom

¹⁰ Cuando nicyajum sinajiyaj jém itiwitam, jesic nictim mex jém Jesús. Da nic cucwiñjom, pero yamnic. ¹¹ Jém judíos imétsyajpa jém Jesús sinjom. Nimyajpa:

—¿Jut it jém pxiñ?

¹² Jesic jém pxiñtam jém ityajwiip jém sinjom nacwacyajtap entre jeeyaj iapaap jém Jesús. Nimyajpa algunos iga agui wibic pxiñ jém Jesús. Pero tungac nimyajpa iga tsam imigóyáypa jém pxiñtam.

¹³ Pero da i inmatpa jut wiap imatonjaj jém judíos porque tsam cinjajpa. ¹⁴ Cuando núcne cucmi iga sinajajpa jém pxiñtam, jesic tigiy Jesús jém mijpic masticjom. Moj accuyujoooyi. ¹⁵ Jesic jém judíos tsam ipooñanjamyaj cuando imatonjaj jém Jesús. Nimyaj:

—Da oy cuyuji yíp pxiñ, pero tsam jixiíy.

¹⁶ Jesic Jesús inímáy jeeyaj:

—Yíp anquímayooyi da ich ammichi. Imichi jém acutsatnewip. ¹⁷ Siiga tum pxiñ iwianjam iga iwatpa juuts ixunpa Dios, jesic icutiíyipa iga Dios imichi yíp anquímayooyi, da ich anjixquimi. ¹⁸ Siiga tum pxiñ ijixquimpa tum anquímayooyi, iwatpa iga cujíptaiñ. Pero siiga tum pxiñ ixunpa iga cujíptaiñ jém icutsatnewip, jesic quejpa iga nu-
umanmatpa jém pxiñ, da migóypa, da táncaiy ni uxan.

¹⁹ ¿Que da numa michiñeta jém Moisés jém wiñicpic anquímayooyi? Pero mimichtam, ni tum, da incupictámpa jém anquímayooyi. Mimichtam, ¿tiiga anaccaatamtooba aich?

²⁰ Nimyajpa jeeyaj:

—Mich iniit tum mal espíritu. ¿I miccaatooba?

²¹ Jesic Jesús inímáy:

—Mimichtam agui impooñanjamtámpa iga ich anwat jém milagro jém jejcuy jama. ²² Jém Moisés ichac jém costumbre iga inwattamiñ jém marca de circuncisión. Datim Moisés ictsucum yíp costumbre, pero jém wiñicpic pxiñtam iwattim jempic. Jeeyucmi mimichtam inwadaytámpatim jém marca tum jaychixi y da inwadaytámpa caso siiga jejcuy jama. ²³ Jesic siiga mimichtam inwadaytámpa jém marca de circuncisión tum jaychixi iga inwatpa juuts nimpá jém Moisés inquímayooyi, ¿jesic tiiga anjóiypa aich siiga anacpíspa tum pxiñ mimnewip jém jejcuy jama? ²⁴ Odoy nimi iga imalwatpa tum pxiñ siiga da inwijodon. Wicipiñi con wibic jixi.

Nimpa Jesús iga Dios icutsat yíp naxyucmi

²⁵ Jesic algunos jém ityajwiip jém Jerusalén moj nanímayyajtaji entre jeeyaj:

—¿Da yíbam jém pxiñ jém imétsyajpáppic jém anjagooyiyaj iga accataiñ? ²⁶ Yim it. Síp inmat jém pxiñtam icucwiñjom. Pero da i ijíyáypa. ¿Tananjam iga jém anjagooyiyaj inuntawijodon iga yíp pxiñ jém Cristo jém icutsatnewip Dios? ²⁷ Pero taichtam tanjodon jut miñ yíp pxiñ. Pero cuando miñpa jém Cristo da i ijodon jut tsucumpa.

²⁸ Jeeyucmi pimi jiypa Jesús jut accuyujóypa jém mijpic masticjom, nim mu ijíy:

—Numa michtam ánixpicpa y injodontam jut amiñne, pero ich da amiñ anyaac. Jém acutsatnewip je jém numapic Dios, michtam da inixpictámpa. ²⁹ Pero ich ánixpicpa porque ich amiñne Dioscim, jeam acutsatne.

³⁰ Jeeyucmi jém anjagooyiyaj tsam imatsyajtooba jém Jesús. Pero da i wiap imats porque danam núcne jém hora iga matstap. ³¹ Y tsam jáyan jém pxiñtam icupicyaj jém Jesús. Nimyajpa:

—Cuando miñpa jém Cristo, ¿que wiap iwat tungac más wibic milagro que jém iwatnewip yíp pxiñ? Da wiap.

Jém fariseoyaj icutsat jém policía iga imachiñ jém Jesús

³² Jesic jém fariseopic anjagooyiyaj imatonyaj ti nımyajpa jém pıxiñtam de jém Jesús. Jesic jeeyaj con jém panij anjagooyiyaj icutsat jém masticjompic policia iga niguiñ imatsyaj jém Jesús. ³³ Jeeyucmi Jesús inímáy jém pıxiñtam:

—Apoyitpa con mimichtam tum rato. Da jáypa nicpa aiti jut it jém acutsatnewiip.

³⁴ Michtam ammétstampa, pero da ampáttampa porque nicpa aiti jut mimichtam da wiap inñicta.

³⁵ Jesic jém judíos moj nacwácyajtajı entre jeeyaj:

—¿Jut nicpa yıp pıxiñ iga da wiap tampátta? ¿Tananjam nicpa jém tungac naxyucmi jut it jém Israelpic pıxiñtam jém inmatyajpáppic griego iga iccuyujpa jém griegoyaj? ³⁶ ¿Ti nımtooba yıp pıxiñ cuando nımpa iga: “Michtam ammétstampa, pero da wiap ampátta y jut nicpa aiti, da wiap inñúcta”?

Jém ni jém tachiipáppic vida

³⁷ Jesic núc jém jama iga cuyajpa jém sıñ, jém más mijpic jama. Teñchucum jém Jesús jém pıxiñtam ançucmi. Pımi ijıyáypa jém pıxiñtam, nımayyajtap:

—Siiga miñictitstampa, miñi manacnicpa. ³⁸ Siiga tum pıxiñ acupicpa aich, jesic iniit juuts nımpa jém Dios inmatı: “Tum mijpic nıxcuy ianamanjom.”

³⁹ Cuando inmatpa jempic, nımtooba Jesús iga jém icupicneyajwiip, ipictsonyajpa jém Dios iAnama. Porque danam núcne jém Dios iAnama hasta nicgacpa Jesús sınyucmi.

Naweecyajtap jém pıxiñtam

⁴⁰ Jesic cuando jém pıxiñtam imatonyajpa ti nımpa jém Jesús, nımyajpa algunos iga: “Yıp pıxiñ numa jém profeta jém tananjócnewiip.”

⁴¹ Pero tungac de jeeyaj nımyajpa:

—Yıp pıxiñ numa jém Cristo jém icutsatnewiip Dios.

Pero jém tungac más de jeeyaj nımyajpa:

—¿Que wiap imiñ jém Cristo de Galilea? ⁴² Tanjodon iga nımpa jém Dios inmatı iga jém Cristo jém David iocmanic imanıc. Naypa jém Belén, jeetim attebet jut it idic jém David.

⁴³ Jempigam nawécyajta jém pıxiñtam. ⁴⁴ Algunos de jeeyaj imatsyajtooba jém Jesús, pero da i wiá mimats.

Jém anjagooyiyaj da icupicyaj jém Jesús

⁴⁵ Jesic jém mastic ipolicia setyajum jut ityaj jém panij anjagooyiyaj con jém fariseoyaj. Jesic acwácyajta jém policia:

—¿Tiiga da inimiñta jém preso?

⁴⁶ Nımyaj jém policia:

—Da i nunca wiap inmat juuts jém pıxiñ.

⁴⁷ Jém fariseoyaj inımayyaj jém policia:

—¿Que mich incupictámpatım jém migooyi? ⁴⁸ Injodontam iga jém tananjagooyiyaj ni jém fariseoyaj da icupicyajpa yıp pıxiñ. ⁴⁹ Pero yıpyaj pıxiñtam da icutiıyıyyajpa jém tananquımayooyi, jeeyaj da wiap inñıcyaj jut it Dios.

⁵⁰ Jesic jém Nicodemo, jém oyñewiip iam jém Jesús tsuucım, tum fariseopic anjagooyi, inímáy:

⁵¹ —Jém tananquımayooyi da ijıcpa iga chiitap castigo tum pıxiñ siiga da wiñti cıpıntap iga quejiñ siiga imalwatne.

⁵² Jém tungac anjagooyiyaj inımayyaj jém Nicodemo:

—¿Que mich miGalileapictım mipıxiñ? Cuyujcaı jém Dios inmatı iga injodónaiñ iga ni tum jém profeta da miñpa de jém naxyucmi de Galilea.

⁵³ Jesic cada tumtum nicyaj itıccım.

8

Matsta tum yomo jem pejoypáppic

¹ Pero nic Jesús jem cotsicyucmi iñiyi Olivos. ² Jesic jem tungac jama, icuquejama, nicgacpa Jesús jem mijpic masticjom. Antuumayaj jem pixiñtam iga imatonjajpa. Jesic coñ jem Jesús, moj inquejay jem antuumaneyajwip. ³ Jesic algunos jem escribapic maestroyaj con algunos jem fariseoyaj inimiñyay tum yomo jut it Jesús. Matsta jem yomo porque páttaj jut pejóypa ixí. Namiñta jem yomo hasta jem pixiñtam anjucmi iga icwácayajpa jem Jesús. ⁴ Nímaytap:

—Maestro, matsta yip yomo porque páttaj jut pejóypa ixí. ⁵ Nimpa jem Moisés inquímayooyi iga tannáscatámiñ tsaami jem pejoypaap. Jesic mich anímaayi jup castigo tanchiiba yip yomo.

⁶ Nimyajpa jempic jem fariseoyaj iga icutitspa jem Jesús. Imétsyajpa jutpic iquejaywadayajpa jem Jesús. Jesic cómneactin jem Jesús, moj jayi naxyucmi con ici. ⁷ Pero jeeyaj da ichacpa iga icwácayajpa. Jesic teñchucum jem Jesús, iñímáy jem inimiññewip jem yomo:

—Siiga tum de mimichtam da mitañcaiy, wí iga iñyígáypa con jem wiñtipic tsa.

⁸ Jesic eybictim cómneactin jem Jesús, mojjacum jayi naxyucmi con ici. ⁹ Jesic cuando jem pixiñtam imatonjaj ti iñímáy jem Jesús, agui ijsyajpa ianamanjom iga táñcaiytim. Tumtumti moj niquiyaj. Wiñti nicyaj jem más tsamipic hasta cunigayyaj itumpiyaj. Jesic icutumtim tsíy jem Jesús con jem yomo, jemum teñ jem cuarto icucmi. ¹⁰ Jesic teñchucum jem Jesús. Da i iix, tsíy no más jem yomo. Jesic Jesús iñímáy:

—Miyomo, ¿jut it jem miquejajwadaypáppic? ¿Que da i wia michi castigo?

¹¹ Jem yomo icutson. Iñímáy:

—Da i, mánomi.

Jesic Jesús iñímáy jem yomo:

—Ich datim manchiiba castigo. Sñip nicsim. Odom malwatí eybic.

Jesús jem wibic juctianjsoca

¹² Ocmi eybictim accuyujóypa Jesús, iñímáy:

—Icham jem ajuctianjsoca, amiñ iga anyicquejpa jem ityajwip yip naxyucmi. Jem atúnjyapaap da siiba jem piichcim, pero iniit jem jucti anjsoca ianamanjom, jem ichipáppic vida jem dapic cuyajpa.

¹³ Jesic jem fariseoyaj iñímayyaj jem Jesús:

—Mich iñyaac miñmatpa iga miñapaap, jeeyucmi da quejpa iga miñuumanmatpa.

¹⁴ Jesic Jesús iñímáy jeeyaj:

—Siiga ich anyaac ananmatpa iga aipapaap, jesic numa jem ananmati porque anjodon jut amiñ y anjodonjim jut anicpa. Pero mimichtam da injodonjam jut amiñ ni datim injodon jut anicpa. ¹⁵ Michtam micñipinoytampa juuts nimpa yip naxyucmic anquímayooyi. Ich da i anñipinpa. ¹⁶ Pero siiga acñipinóypa juuts tum juez, jesic awicñipinóypa porque da anyaac acñipinóypa. Anwaganacñipinóypa jem anjatun Dios jem acutsatnewip yip naxyucmi. ¹⁷ Jayñetañwum michtampic iniquímayooyi: “Siiga wisten testigo nimpatim jempic, wí iga tancupicpa.” ¹⁸ Jesic itum wí porque anyaac atsíy juuts tum testigo iga mananmadáypa aipapaap. Tsíyitim juuts testigo jem anjatun Dios, jem acutsatnewip yip naxyucmi.

¹⁹ Jesic icwácayajpa jeeyaj. Nímaytap jem Jesús:

—¿Jut it jem injatun?

Jesús icutson, iñímáy jeeyaj:

—Mimichtam da ánixpic̄ta aich ni datim íñixpic̄ta jém anJatun̄ Dios. Siiga ánixpic̄ta aich, jesic íñixpic̄támpatim jém anJatun̄ Dios.

²⁰ Jempigam in̄matpa Jesús jém mijpic̄ mastic̄jom iganam accuyujóypa jém cuarto jut̄ p̄ntap̄ jém ofrenda. Pero da i w̄iap̄ imats porque danam núcne jém ihora.

Jém dapic̄ icupic̄pa Jesús da w̄iap̄ íñicyaj jut̄ nic̄pa je

²¹ Jesic̄ eybictim̄ íñímáy jeeyaj:

—Ich anic̄pa. Mimichtam ammétstampa, pero da w̄iap̄ ampátta. Jesic̄ cuando micaanetámum, nic̄pa iñyojta jém iñtánca jut̄ da nunca miputpa. Jut̄ ich anic̄pa, mimichtam da w̄iap̄ íññicta.

²² Jesic̄ n̄myajpa jém judíos:

—¿Jut̄ nic̄pa yíp̄ p̄ixiñ? ¿Que nacaat̄ap̄ iyaac? Porque n̄mpa: “Jut̄ ich anic̄pa, michtam da w̄iap̄ íññicta.”

²³ Jesic̄ Jesús íñímáy jeeyaj:

—Mimichtam miñaxwiñpic̄, ich asin̄wiñpic̄, ich amiñ̄ sin̄yucmi. Mimichtam yíp̄ naxyucm̄pic̄ mip̄ixiñtam, ich da yíp̄ naxyucm̄pic̄ ap̄ixiñ. ²⁴ Jeeyucmi mannímáypa iga cuando micaanetámum, nic̄pa iñyojta jém iñtánca. Porque siiga da in̄cupictámpa iga ich amiñ̄ sin̄yucmi, jesic̄ cuando micaanetámum, nic̄pa iñyojta jém iñtánca.

²⁵ Jesic̄ icwácyajpa jeeyaj, n̄mayta jém Jesús:

—¿Que mich̄ mijapaap?

Jesic̄ Jesús íñímáy:

—Ich ajeam juuts mannímáyne wiñti. ²⁶ W̄ia manan̄quejayta iga mimichtam tsam̄ mitáncaiyta y w̄iap̄tim meega man̄cip̄in̄pa mimichtam. Pero da an̄watpa, porque nada más anan̄matpa yíp̄ naxyucmi jém an̄químayooyi jém an̄imayñew̄ip̄ jém acutsatnew̄ip̄. Je da migóypa, siempre nuuman̄matpa.

²⁷ Pero da icut̄iyiyaj iga n̄mtooba Jesús iga jém tanJatun̄ Dios ichiñe jém in̄químayooyi. ²⁸ Jeeyucmi Jesús íñímáy jém p̄ixiñtam:

—Ich jém aMiññew̄ip̄ sin̄yucmi y cuando acq̄im̄t̄ap̄ aich jém cunusyucmi, jesic̄ in̄cut̄iyiytámpa āiapaap. Manan̄madaytámpa jém an̄químayooyi jém an̄quejayñew̄ip̄ jém anJatun̄ Dios. Da anyaac an̄ixquím̄pa. ²⁹ Jém anJatun̄ Dios jém acutsatnew̄ip̄ yíp̄ naxyucmi, an̄waganait̄ aich. Da atsacne an̄cut̄um porque siempre an̄watpa juuts je iw̄ian̄jam.

³⁰ Iganam in̄matpa jempic̄ jém Jesús, jesic̄ jáyan̄ jém p̄ixiñtam moj icupic̄yaj.

Jém Dios iman̄ictam y jém icuyoxayajp̄appic̄ jém Woc̄c̄wiñ

³¹ Jesic̄ Jesús íñímáy jém judíos jém sīppic̄ icupic̄neyaj:

—Siiga mimichtam da iñchactámpa iga in̄wattámpa juuts mannímáypa, jesic̄ numa mich̄íypa iga man̄cuyuc̄wiñ. ³² W̄iap̄ in̄cut̄iyiyta jém numapic̄ an̄químayooyi, jesic̄ jém numapic̄ an̄químayooyi miccutsigaytámpa iga odoy mich̄íytamiñ̄ juuts t̄um esclavo.

³³ Jesic̄ los de más jém judíos, jém dapic̄ icupic̄neyaj Jesús, íñimayyaj:

—Aichtam jém Abraham aman̄ictam. Da nunca atsíyta juuts t̄um esclavo. ¿T̄iiga ann̄imaytámpa iga acutsigaytam̄t̄añ?

³⁴ Jesic̄ Jesús íñímáy jeeyaj:

—Numa mannímáypa, it̄ump̄iy jém imalwatyajp̄appic̄ tsíy juuts esclavo porque iwatpa juuts ip̄imíypa jém malopic̄ j̄ixi ianaman̄jom. ³⁵ Mannímáypatim̄ iga t̄um esclavo da w̄iap̄ iwaganait̄ jém iomi it̄ump̄iy tiempo. Pero t̄um p̄ixiñ iman̄ic̄ w̄iap̄ iwaganait̄ jém ījatun̄ it̄ump̄iy tiempo. ³⁶ Siiga Dios iman̄ic̄ miccutsigáypa, jesic̄ da mich̄íypa juuts esclavo iga

—Mich da iniĭ ni cincuenta iñamtiy ¿y miñimpa iga iñixñe jém Abraham?

⁵⁸ Jesic Jesús iñímáy:

—Numa manímáypa cuando danam nayñe jém Abraham, ich aittim.

⁵⁹ Jesic jém p̄ixiñtam ipiñyaj tsa iga iñácscayajpa idic tsaami. Pero yam jém Jesús, put jém masticjom, nas jém p̄ixiñtam añcucmi. Nic.

9

Jesús icp̄is tum p̄ixiñ cachti mu iñay

¹ Cuando nasp̄a Jesús tum lugar, iix tum p̄ixiñ, cácht̄i mu iñay. ² Jesic jém Jesús icuyujc̄iwiñ icwácyajpa. Nímayta:

—MamMaestro, ¿tiiga cácht̄i ȳip p̄ixiñ mu iñay? ¿Que ȳip p̄ixiñ iyaac iwat táñca, o jém ijaṭuñ con iapa iwat táñca iga cácht̄ia mu iñay?

³ Jesic Jesús iñímáy jém icuyujc̄iwiñ:

—Da cácht̄i ȳip p̄ixiñ iga táñcaíy iyaac o iga táñcaíy jém ijaṭuñ o iapa. Cácht̄ia ȳip p̄ixiñ iga ixtaiñ iga Dios wiap iwat jém w̄ibic milagro. ⁴ Iganam siññi w̄i iga tañwatpa jém Dios iyoxacuy jém acutsatnew̄ip, porque miñpa jém piichi cuando da j̄ wiap iwat jém yoxacuy. ⁵ Iganam ait ȳip naxyucmi, jesic ich jém w̄ibic juctiañtsoca, anyicquejpa jém ityajw̄ip ȳip naxyucmi.

⁶ Jesic yaj iñímáy jempic, Jesús tsujpa naxyucmi, iwat uxañ tuuti con ichuyñi, iccámáy jém tuuti jém cácht̄i iixcuyucmi. ⁷ Jesic iñímáy jém cácht̄i:

—Nigi cutseaayi jém iñixcuy jém meyjom jém lugar Siloé.

Taichtam tanañmatimi jém Siloé nimtooba jém cutsatnetaw̄ip.

Jesic jém cácht̄i nicpa icutseáy jém iixcuy. Cuando setpa, ixixóypam. ⁸ Jesic jém ivecinoyaj con jém iixñeyajw̄ip idic cuando iwácpa tumiñ, moj nanímayyajtaji entre jeeyaj:

—¿Que da ȳibam jém coññepaap idic yim iga iwácpa tumiñ?

⁹ Nímayajpa algunos:

—Numa, ȳibam jém p̄ixiñ.

Tuñgac nímayajpa:

—Quénam jeam, pero da je.

Pero jém cácht̄ipic idic nimp̄a:

—Aicham.

¹⁰ Jesic jém añtuumaneyajw̄ip iñímayyaj jém cácht̄ipic idic:

—¿Jutsa mitoj jém iñixcuy?

¹¹ Nimp̄a jém cácht̄ipic idic:

—Jém p̄ixiñ iñiyi Jesús iwat uxañ tuuti, accámáy ánixcuyucmi y anímáy iga: “Nigi cutseaayi jém iñixcuy jém meyjom jém lugar Siloé.” Jesic oy añcutseáy ánixcuy, mojum aixixooyi.

¹² Jesic nímayaj jeeyaj:

—¿Siñ j̄ut it jém p̄ixiñ?

Jém cácht̄ipic idic icutson:

—Da anjodon j̄ut iñ.

Jém fariseoyaj icwácyajpa jém cachtipic idic

¹³ Jesic ocmim nanicta jém cácht̄ipic idic jém anjagooyicim j̄ut it jém fariseoyaj. ¹⁴ Jecuyjama idic cuando jém Jesús iwat uxañ jém tuuti iga ictojáy jém cácht̄i iixcuy.

¹⁵ Jesic jém fariseoyaj eybic icwácyaj jém cácht̄ipic idic. Nímayta:

—¿Jutsa miixixóy?

Jesic jém cáchtipic idic nimpá:

—Jém p̄ixiñ accámáy uxan̄ jém tuuti ánixcuyucmi. Oy an̄cutseáy jém ánixcuy jém meyjom. Siip aixixóypam.

¹⁶ Jesic algunos jém fariseoyaj n̄imyaj:

—Jém p̄ixiñ, jém iwatnewiip jempic, da je de Dios porque yoxap jém jejcuyjama contra jém tanañquímayooyi.

Pero jém tun̄gac jém fariseoyaj n̄imyajpa:

—¿Pero jutsap iwat jém wibic milagro siiga tán̄caíȳtim jém p̄ixiñ?

Jesic nawécyajta jém fariseoyaj. Agui áñayajpa. ¹⁷ Eybictim acwácta jém cáchtipic idic. N̄imayta:

—¿Mich ti miñimpa, iapaap jém mictojayñewiip iñixcuy?

N̄impa jém cáchtipic idic:

—Je tum̄ profeta.

¹⁸ Pero jém judíos da icupicyajpa iga cáchtí idic jém p̄ixiñ. Datim icupicyajpa iga actojayta iixcuy hasta que in̄wejáyayaj jém p̄ixiñ ijatun̄ con iapa. ¹⁹ Jém fariseoyaj icwácayajpa jém p̄ixiñ ijatun̄. N̄imayta:

—¿Que ȳip p̄ixiñ mich immanic, jém miñimpaap iga cáchtí mu iñay? ¿Jutsap miixixóy siip?

²⁰ Jesic n̄imyaj ijatun̄ con iapa:

—Anjodon̄ iga numa ȳibam jém ammanic, cáchtí miñay. ²¹ Pero da anjodon̄ jutsa miixixóy y ni datim anjodon̄ i ictojáy jém iixcuy. Acwaaci jém ammanic porque siip mijam, w̄iap miñmadáy iyaac i ictojáy iixcuy.

²² Jempigam n̄impa jém cáchtipic idic ijatun̄ con iapa porque icin̄yajpa jém judíos. Porque jeeyaj iccám tum̄ orde siiga n̄impa tum̄ p̄ixiñ iga jém Jesús je jém Cristo, jesic quebacputtap jém sinagoga. ²³ Jeeyucmi n̄imyaj jém p̄ixiñ ijatun̄ con iapa iga: “Acwaaci jém ammanic porque siip mijam jém ammanic.”

²⁴ Jesic jém judíos eybictim in̄wejáypa jém cáchtipic idic. N̄imayta:

—Anuntawian̄madaayi. Jīsi iga Dios taixpa. Odoy amigóyaayi. Ich̄tam anjodon̄ iga tán̄caíy jém p̄ixiñ jém miñimpaap iga micpis.

²⁵ Jesic jém cáchtipic idic iñimáy jém anjagooyi:

—Ich̄ da anjodon̄ siiga tán̄caíy jém p̄ixiñ. Pero annuntawijodon̄ iga acáchtí idic y siip aixixóypam.

²⁶ Jesic eybictim acwácta. N̄imayta jém cáchtipic idic:

—¿T̄i miwadáy jém p̄ixiñ? ¿Jutsa mictojáy jém iñixcuy?

²⁷ Jém cáchtipic idic iñimáy jém anjagooyi:

—Mann̄imayñeum ti awadáy jém p̄ixiñ, pero mimichtam da in̄cupictámpa ti mann̄imayñe. ¿T̄iiga anacwáctámpa eybic? ¿Que mich̄ytooba juuts icuyujc̄wiñ?

²⁸ Jesic agui jóyyaj jém anjagooyiyaj. Moj imalmaln̄imayyaj jém p̄ixiñ. N̄imayta jém cáchtipic idic:

—Mimich micuyujc̄wiñ jém p̄ixiñ. Aichtam jém Moisés acuyujc̄wiñ. ²⁹ Ich̄tam anjodon̄ iga wiñgam Dios iñiyáy jém Moisés, pero ȳip Jesús ni da anjodon̄ jutpic p̄ixiñ.

³⁰ Jesic jém cáchtipic idic iñimáy jém anjagooyi:

—Ȳip cosa da oypa tánix. Mimichtam miñimtámpa iga in̄cupicne Dios, pero da in̄jodontam jutpic p̄ixiñ actojáy ánixcuy. ³¹ Tan̄wijodon̄ iga Dios da imatón̄áypa tum̄ malopic p̄ixiñ. Pero siiga tum̄ p̄ixiñ iñispa Dios y iwatpa juuts ixunpa Dios, jesic numa

Dios imatónáypa. ³² Nunca oypa tammatoŋ iga tum p̄ixiñ w̄iap ictojáy tum cácht̄i iixcuy jém cácht̄ip̄ic miñay. ³³ Siiga ȳip p̄ixiñ da je de Dios, jesic da ti w̄iap iw̄at.

³⁴ Jesic jeeyaj iñímayyaj jém p̄ixiñ:

—Mich tsam p̄imi mitáŋcaíy miiññay. ¿Que mich s̄ip anaccuyujtoobam aich? Jesic quebacputta jém sinagoga jém cácht̄ip̄ic idic.

Ts̄y juuts cácht̄i jém dap̄ic icut̄iȳȳi jém Dios in̄mat̄i

³⁵ Jesic Jesús ijodóna iga quebacputta jém sinagoga jém cácht̄ip̄ic idic. Cuando mipát jém p̄ixiñ, jesic Jesús iñímáy:

—¿Que mich in̄cup̄icpa jém Dios iM̄anic?

³⁶ Jém p̄ixiñ iñímáy jém Jesús:

—Mán̄omi, anímaaȳi: ¿Iapaap jém Dios iM̄anic iga w̄iañ̄ an̄cup̄ic?

³⁷ Jesic Jesús iñímáy:

—Mich iñixñe. Aicham jém Dios aM̄anic jém s̄ipp̄ic miniŋmat.

³⁸ Jesic jém cácht̄ip̄ic idic cost̄eññeact̄iŋ jém Jesús iwiñjom. Iñímáy:

—Mán̄omi, maŋcup̄icpa.

³⁹ Jesic Jesús iñímáy jém ityajw̄ip jem:

—Ich amiñ ȳip naxyucmi iga an̄c̄ip̄in̄yajpa jém p̄ixiñtam. Amiñ iga ixixóyiñ jém cácht̄ip̄ic, amiñ iga cácht̄iayajiñ jém ixixoyáp̄p̄ic.

⁴⁰ Jesic algunos jém fariseoyaj jém iwaganaityajw̄ip Jesús, cuando imatonyaj ti in̄madáy, n̄imyaj:

—¿Que mijun̄impa iga aicham acách̄it̄am?

⁴¹ Jesic Jesús icut̄soŋ. N̄imayyajta:

—Meega micách̄ti, jesic da i michégáypa jém iñt̄añca, pero como miñimt̄ampa iga miixixóypa, jesic michīyt̄ampa con jém iñt̄añca.

10

Jém iwatpápp̄ic cuenta jém borrego

¹ Numa mannímáypa, siiga tum p̄ixiñ da tiḡiypa jém borrego itaañi ij̄ipjom, pero tiḡiypa tum aŋeȳmi, jesic quejpa iga tum númpaap, p̄im̄imi ininigáypa tun̄gac im̄ichi.

² Pero siiga tum p̄ixiñ tiḡiypa jém taañi ij̄ipjom, jesic quejpa iga jém borrego iomi.

³ Cuando núc jém borrego iomi, jesic jém iwatpápp̄ic cuenta jém puerta, in̄áypa jém puerta iga tiḡiyiñ jém borrego iomi. Jém borregoyaj, jém im̄ichip̄ic, iixp̄icyajpa jém iomi. Imatónact̄iyáypa jém iomi ij̄iyi. Jesic jém p̄ixiñ in̄wejáypa jém iborregoyaj jém im̄ichip̄ic con iñiyi. Itoppa jém taañijom. ⁴ Jesic cuando yajum itop itump̄iy jém iborregoyaj, mojum n̄iquiyaj. Jém iomi an̄jagoyñeeba iñic, jém iborregoyaj itún̄iyayajpa porque imatónact̄iyáypa ij̄iyi. ⁵ Jém borregoyaj da itún̄iyayajpa jém tun̄gac p̄ixiñ jém dap̄ic iixp̄icpa. Ic̄in̄yajpa, cupóyayajpa porque imatónact̄iyáypa iga da je iomi ij̄iyi.

⁶ Jesús in̄quejáypa jém p̄ixiñtam con ȳip cuento, pero jeeyaj da icut̄iȳȳyajpa ti in̄madaytooba jém Jesús.

Jesús jém w̄ib̄ic pastor iwatpápp̄ic cuenta jém iborregoyaj

⁷ Jesic Jesús eybictim in̄madáypa jém p̄ixiñtam. N̄impa:

—Numa mannímáypa iga icham jém apuerta jut̄ tiḡiyayajpa jém borregoyaj. ⁸ Jém tun̄gac maestroyaj, jém wiñtip̄ic miñay cuando danam anúcne, je jém númyajpaap, pero jém borregoyaj da iwadayajpa caso. ⁹ Icham jém apuerta. Siiga i tiḡiypa con aich, jesic

ciacputtap. Jex juuts tum borrego tigiyta y putpa jem itaanijom y ipatpa jem witampic muc.

¹⁰ Jem numpaap miñ iga numpa, accaoyta, icujiñayta jem pixiñtam. Pero ich amiñ iga anchiiba jem pixiñtam jem vida iga iniidiñ jayan. ¹¹ Ich jem wibic apastor tsam anwidap jem amborregoyaj. Jem wibic pastor nachiiñtap iga accaatap iga jempigam icupujpa jem iborregoyaj. ¹² Pero jem coñwiyoytaap jempic yoxap iga yojtap, da je pastor, da imichi jem borrego. Jesic cuando iixpa iga miñpa jem lobo, cñpa jem pixiñ, ichacpa jem borregoyaj, poypa. Jesic jem lobo imatspa jem borregoyaj, iccupoyayajpa. ¹³ Poypa jem yoxapaap porque nada más coñwiyoyta, da ijspa jem borregoyaj, porque da je imichi.

¹⁴ Ich jem wibic apastor. Anixpicpa jem ampixiñtam y jeeyaj aixpicaypatim aich. ¹⁵ Jextim juuts jem anjatun Dios aixpicpa aich y ich anixpicpatim jem anjatun. Ich anyaac anachiitap iga accaatap iga jempigam ancupujpa jem amborregoyaj. ¹⁶ Anañtim tunyac jem amborregoyaj, da yimpic, ich anamiñpatim. Amatónayaypatim ich anjñyi, acupicpatim mex jeeyaj. Jesic anantuumawatpa itumpiyay iga wagaityajiñ tumti lugar y tumti pastor injacyajpa.

¹⁷ Jem anjatun Dios tsam atoyta porque anyaac anachiitap iga accaatap. Jesic ocmi anyaac tim ampictsonpa eybic jem amvida. ¹⁸ Jem anenemigoyaj da wñap acca, pero ich anyaac anjñpa iga accaatap. Ich anait jem pimi iga anyaac anachiitap iga accaatap. Anañtim jem pimi iga anyaac ampictsonpa eybic jem amvida. Jempigam anwatpa porque apimiy jem anjatun Dios.

¹⁹ Jesic cuando jem judíos imatonyajpa ti nimpa jem Jesús, moypa añajiyaj. Nawécyajtap eybic. ²⁰ Wati de jeeyaj nmyaj:

—¿Tiiga inwadaytampa caso? Yip pixiñ iniit tum mal espíritu, tsam locoanmatpa.

²¹ Pero tunyac de jeeyaj nmyaj:

—Jem iniitwñip tum mal espíritu da wñap inmat jem wibic anmatñi juuts inmatpa yip pixiñ. Jem mal espíritu da wñap ictojoy tum cáchtñi iixcuy.

Jem judíos iñacscayajtooba tsaami jem Jesús

²² Jesic núc jem tiempo de succuc cuando jem Jerusalénpic pixiñtam icusñacayajpa jem mijpic mastic. Wattap jem siñ cada amtñi. ²³ Jesic nic Jesús jem mijpic masticjom, widañnaspas jem corredor iññyi Salomón. ²⁴ Jesic antuumaneyaj tsam jayan jem judíos, icuteñxetyaj jem Jesús. Nmyaj jeeyaj:

—¿Mijapaap? Tsam anjodónatooba. Siiga micham miCristo, sibam nunta anmatñi.

²⁵ Jesic Jesús iñimay jeeyaj:

—Mannimayñeum iga ich aCristo, pero da incupicta ti mannimay. Anwat jem milagroyaj con jem anjatun Dios ipimi iga wñquejiñ iga icham aCristo. ²⁶ Pero mimichtam da incupictampa porque da je mamborregotam juuts mannimayñe pecam. ²⁷ Ich amborregoyaj amatónactñiyayta jem anjñyi y ich anixpicpatim jem amborregoyaj. Jeeyaj atunñiyajpa. ²⁸ Anchiiba jem amborregoyaj jem vida jem dapic cuyajpa. Jesic da nunca togoypa. Da i wñap atobáyay ich anñijom. ²⁹ Jem anjatun Dios achi jem amborregoyaj y da i wñap atobáyay jem amborregoyaj jem anjatun Dios icñijom, porque jem anjatun Dios tsam wñap. Je iniit itumpiy ipimi. ³⁰ Ich con jem anjatun Dios atumtitam.

³¹ Jesic jem judíos eybictim ipinyajpa tsa iga iñacscayajpa tsaami Jesús. ³² Jesic Jesús iñimayta jeeyaj:

—Jayan witampic milagro anwat mimichtamanjom jem anjatun Dios ipimimi. ¿Jup milagro anañnucpa iga annacscatampa tsaami?

³³ Jesic jem judíos iñimayay Jesús:

—Da mannáscatámpa tsaami iga inwatne jém wítampic milagro. Mannáscatámpa tsaami iga inçujyypa tanDios. Mich mipixiñ, pero miñimpa iga mich miDios.

³⁴ Jesic Jesús inímáy jeeyaj:

—¿Que da jayñetawum jém Moisés inquímayooyi iga nimpa Dios: “Mimichtam mid-iostam”? ³⁵ Siiga icniya jeeyaj iga diosyaj jém ipictoneyajwip jém Dios inmati, y da i wíap ictogoy jém Dios inmati jém jaychacnetawip, ³⁶ ¿jesic tiiga miñimtámpa iga ich ançujyypa Dios cuando animpa iga: “Ich jém Dios aManic”? Porque Dios acupin y acutsat yíp naxyucmi iga anwadiñ juuts je iwianjam. ³⁷ Siiga ich da anwatpa jém wibic milagro juuts iwatpa jém anJatun Dios, jesic odoy acupictaami. ³⁸ Pero siiga ich anwatpa jém wítampic milagro juuts iwatpa Dios y mimichtam da inçupictámpa ti mannímáypa, jesic cupici iga da je migooyi jém milagroyaj iga wiañ inçutiyyihta iga jém anJatun Dios it con aich y ich aít con anJatun Dios.

³⁹ Jesic jeeyaj eybictim imatsyajtooba jém Jesús, pero cüput, da wia mimatsyaj.

⁴⁰ Eybictim nic Jesús jém ni anwiñtuc iniyi Jordán. Jemum tsíy Jesús jut moj acchínooyi jém Xiwan. ⁴¹ Jesic tsam jáyan pixiñtam nic iamyaj jém Jesús. Nimyajpa jeeyaj:

—Jém Xiwan, jém acchínoypáppic, da iwat ni tum milagro. Pero jém Xiwan da tamigóyay cuando tanmadáy ti iwatpa yíp pixiñ.

⁴² Jemum tsam jáyan jém pixiñtam icupicyaj jém Jesús.

11

Ca jém Lázaró

¹ Jesic mimne tum pixiñ iniyi Lázaró jém attebet Betania. Yíp jém attebet jut it jém Malía con itiwí jém Marta. ² Yiptim Malía jém iccámayñewip jém pomada jém cínpaap jém tánomi Jesús ipuyyucmi y icujicháyay ipuy con iway. Jém mimnewip, jém Lázaró, itiwítim jém Malía. ³ Jesic jém Malía y Marta icutsadáy anmati jém Jesús. Inímáy:

—Mánomi, mimneactin jém pixiñ, jém inñoypáppic.

⁴ Mu imaton jém Jesús iga mimne jém iamigo, nimpa:

—Yíp caacuy da iccaaba. Imats yíp caacuy iga ixtaiñ jém Dios ipimi y iga ixtaiñtim jém Dios iManic ipimi.

⁵ Jesús tsam itoypa jém Marta, jém Malía y jém Lázaró. ⁶ Mu imaton Jesús iga mimne jém Lázaró, jesic da jobit nic iam, jemum tsíy tunçac wisnajama. ⁷ Jesic cuando nasneum wisnajama, Jesús inímáy jém icuyujcwiñ:

—Tanictámpa eybic jém naxyucmi de Judea.

⁸ Jém Jesús icuyujcwiñ inímayyaj:

—MamMaestro, jém Judeapic pixiñtam da más pecam miñáscatooba idic tsaami. ¿Que miñicgacpa eybic?

⁹ Jesús inímáy jém icuyujcwiñ:

—Tum jama iniit doce hora. Siiga tum pixiñ witpa sinñi, jesic da inñepa ipuy iga tsutpa porque iguixixóypa jém jama jém icuyicquejpaap yíp naxyucmi. ¹⁰ Pero siiga tum pixiñ witpa tsuucim, jesic tsutpa porque da i jém jama iga iyicquejpa.

¹¹ Jesic ocmi eybictim nimpa Jesús:

—Monpa siip jém tánamigo Lázaró, pero nicpa antsicyus.

¹² Jesic Jesús icuyujcwiñ inímayyaj:

—Mánomi, siiga monpa jém Lázaró, jesic tanjodon iga pispa.

¹³ Nimtooba Jesús iga caaneum jém Lázaró, pero jém icuyujcwiñ injampa iga nunta monpa. ¹⁴ Jesic Jesús inuumanmadáy jém icuyujcwiñ. Nímayyajta:

—Caaneum jém Lázaro. ¹⁵ Ich amaymay iga da aḷ cuando ca jém Lázaro porque siḷp más wḷ para mimichtam. Más inḷcupictámpa Dios. Jesic nicpa tánám jém Lázaro.

¹⁶ Jesic jém Tomax, iñiyitim Mechi, iñímáy los de más jém Jesús icuyujcḷwiñ:

—Tanictámpatim iga tanwaganacaaba jém tánQmi.

Jesús wiap icpis jém caaneyajwḷp

¹⁷ Jesic cuando núc Jesús jém Betania, ijodóna iga cuatro jama cumnetawum jém Lázaro imijtay tum tsaajosjom. ¹⁸ Jém Betania noco it jém attebet Jerusalén, ijuumi como dos kilómetro y medio. ¹⁹ Jesic tsam jáyan jém judíos nic iámyaj jém Marta y Malía iga icpócsayyajpa ianama iga odoy anyáguiñ porque caane jém itḷwi. ²⁰ Cuando imaton jém Marta iga miñpa jém Jesús, jesic nic iméts tunjom. Tsíy jém Malía iticcḷm. ²¹ Mu iñúc jut it Jesús, nimpá jém Marta:

—MánQmi, meega miit yḷm cuando mimneactḷj jém antḷwi, jesic da idic ca. ²² Pero ich anjodon iga Dios michiiba siḷp titam inwágáypa.

²³ Jesic Jesús iñímáy jém Marta:

—Pispa jém iñtḷwi.

²⁴ Jesic Marta iñímáy jém Jesús:

—Anjodon iga pispa jém antḷwi cuando pisyajpa jém caaneyajwḷp jém íjanpigam jama.

²⁵ Jesús iñímáy jém Marta:

—Ich wiap anacpis jém caaneyajwḷp. Wiap anchi ḷ quej jém vida jém dapic cuyajpa. Siiga tum pḷxiñ acupicpa aich, aunque caaneum, pispa. ²⁶ Siiga vivonam tum pḷxiñ jém íjanpigam jama y acupicpa aich, jesic da nunca caaba. ¿Que da inḷcupicpa yḷp anḷati?

²⁷ Jesic jém Marta iñímáy jém Jesús:

—Núma, mánQmi, ich anḷcupicpa iga micham miCristo jém Dios miManic. Mich jém mimiññewḷp naxyucmi, jém ananjócnetanwḷp.

²⁸ Cuando yaj inmat jempic jém Marta, nic inwejáy itḷwi jém Malía. Iyamnímáy:

—Núcneum jém tamMaestro, siḷp minwejáypa.

²⁹ Jesic mu imaton jém Malía, jicsciy tsucum, nic iám jém Jesús. ³⁰ Danam núcne Jesús jém tiganjoj. Tsíyñe jemtim jut oy ictsíy jém Marta. ³¹ Jesic jém judíos, jém ityajwḷp jém Marta iticcḷm iga icpócsayyajpa ianama, iixyay iga agui jicsciy nic jém Malía. Jesic jeeyaj itúnnyajpa. Injamyaj iga nic weji jém Malía jém tsaajoscḷm.

³² Jesic jém Malía, mu iñúc jut it jém Jesús, icosteeñáy ipuycḷm. Nimpá jém Malía:

—MánQmi, meega miit cuando mimneactḷj jém antḷwi, da idic ca.

³³ Cuando iix Jesús iga tsam wejpa jém Malía y weyajpatim mex jém judíos, pḷmi anyác jém Jesús, tsam ijampa jém anyaaqui ianamanjom. ³⁴ Jesic Jesús icwác, iñímáy:

—¿Jut iñchac jém imijtay?

Nimyaj jeeyaj:

—MánQmi, miñi aami jut it.

³⁵ Wej jém Jesús. ³⁶ Jesic nimyaj jém judíos:

—Ixi. Tsam pḷmi itoypa jém iamigo.

³⁷ Pero jém tunjac nimyaj:

—Yḷp pḷxiñ ictojáy jém cáchtḷ iixcuy, ḷtiiga da icpispa jém Lázaro iga odoy caiñ?

Acpista jém Lázaro

³⁸ Jesic eybictim pḷmi anyácne jém Jesús, tsam pḷmi ijampa jém anyaaqui ianamanjom. Núc jém tsaajoscḷm jut cumnetá jém Lázaro. Annúcnetá jém tsaajos con tum mḷpic tsa.

³⁹ Jesic Jesús iñímáy jém pḷxiñtam:

—Accáyaayi yḷp tsa.

Jém Marta, jém caanewḷp itḷwi, iñímáy jém Jesús:

—Pero mánomi, siip iniitum cuatro jama caane, tsam anjeppam.

⁴⁰ Jesús inímáy jém Marta:

—¿Que da mannímáy siiga incupicpa iga ich wíap manyoxpát, jesic inixáypa jém tanjatun Dios ipimi?

⁴¹ Jesús jém ityajwíip iccáyayyaj jém tsa. Amquím Jesús sinyucmi, moj inwejpát Dios. Nimpa:

—Manjatun Dios, iyucupdios iga mich ammatónayñe ti mannímáy. ⁴² Anjodon iga siempre mich ammatonpa, pero mannímáypa yimpic iga jém pixiñtam wíaiñ icutiyyay iga mich ancutsatne yíp naxyucmi.

⁴³ Jesús cuando yaj inwejpát Dios, pimi jíypa jém Jesús. Nimpa:

—MiLázaro, puti.

⁴⁴ Jesús putum jém Lázaro, jém caanewíppic idic. Anmónayñeta ici y ipuy con punctu. Anmónayñetatin icobac con tum punctu. Jesús Jesús inímáy jém pixiñtam:

—¿Cuwíyayaayi jém inmónóycuy, cutsigaayi!

Jém anjagooyiyaj ijisyajpa jutsap imatsyaj jém Jesús

(Mt. 26:1-5; Mr. 14:1-2; Lc. 22:1-2)

⁴⁵ Cuando iixyaj ti iwat jém Jesús, jesic moj icupicyaj jáyan jém judíos jém miññeyajwíip iám jém Malía. ⁴⁶ Pero algunos nic iámyaj jém fariseoyaj iga inmadáypa ti iwat jém Jesús.

⁴⁷ Jesús jém cobacpic panijyaj, con jém fariseoyaj, intuumawatyaj jém Sanhedrín, jém wídaytam. Nimyaj:

—¿Ti wíap tanwatta con yíp pixiñ? Tsam jáyan milagro iwat. ⁴⁸ Siiga seguido tanjícpa iga iwatpa jém milagroyaj, jesic núcpa jém jama iga itumpiy jém pixiñtam icupicyajpa yíp Jesús. Jesús jém Romapic anjagooyi icutsadáypa jém soldado iga imiswadayyajpa jém mijpic mastic y imichap jém tannas.

⁴⁹ Jesús tum de jeeyaj, jém Caifás, cobacpic panij jém amtíy, moj anmati con jém anjagooyiyaj jém antuumaneyajwíip. Nimpa jém Caifás:

—Mimichtam da ti injodon tam. ⁵⁰ Datim incutiyyiyta iga más wí iga accaatap tum pixiñ para itumpiy jém pixiñtam iga odoy togóyñ jém tannaxyucmi.

⁵¹ Jesús Caifás da ijixquím iyaac, pero Dios ichi jém jixi porque je jém cobacpic panij. Jeeyucmi jém Caifás wíap inmadáy jém pixiñtam iga accaatap jém Jesús iga iyoxpátpa itumpiy jém ityajwíip jém naxyucmi Israel. ⁵² Da solamente iga iyoxpátpa jém ityajwíip Israel, pero accaatap jém Jesús iga intuumawatyajpa itumpiy jém icupicneyajwíip Dios jutquej icutero yíp mundo. ⁵³ Jesús jeetim jama jém anjagooyiyaj moj ijisyaj jutpic iccaayajpa jém Jesús.

⁵⁴ Jeeyucmi jém Jesús da siiba jut iixpa jém judíos. Put jém naxyucmi de Judea. Nic iti tungac lugar nocojom jém titsinaxyucmi. Jém atebet iníyi Efraín. Jenum nic itiyaj Jesús con icuyujcwiñ.

⁵⁵ Núctooba jém pascuasíj jém iwatyajpáppic jém judíos. Icuwíti jém naxyucmi de Israel tsucumyaj jáyan jém pixiñtam iga nicyajpa jém atebet Jerusalén iga iwatyajpa jém costumbre iga cuáyñeñ íanama antes que núcpa jém pascuasíj. ⁵⁶ Jesús cuando núcyaj Jerusalén jém pixiñtam, imétsyajpa jém Jesús. Tigíyyaj jém masticjom, moj nanímayyajtaji entre jeeyaj:

—¿Que tananjam iga miñpa síjaji jém Jesús o da miñpa?

⁵⁷ Jesús jém cobacpic panijyaj con jém fariseoyaj tsam imatsyajtooba jém Jesús. Ipimíyyaj jém pixiñtam, nímayyajta:

—Siiga i ijodon jut it jém Jesús, jesic acjodónaji jém tananjagooyi iga matstaiñ.

12

*Tum yomo iccámáy jém wibic perfume jém Jesús ipuyyucmi
(Mt. 26:6-13; Mr. 14:3-9)*

¹ Jesic seis día antes que naspa jém pascuas_{ij}, nic joyi Jesús jém atebet Betania jut it jém Lázaró, jém icp_{is}new_{ij} jém Jesús de jut it jém caaneyajw_{ij}. ² Jém iamigoyaj inis_{ij}ap jém Jesús. Jém Marta icw_{ic}pa jém miññeyajw_{ij}. Ittim jém Lázaró. Iwaganaw_{ic}yajpa jém Jesús mesac_{im}. ³ Jém Malía inimiñ tum libra jém wibic perfume, naps nardo, jém c_{in}páppic, jém aguip_{ic} tsoow_{iy}. Iccámáy jém perfume jém Jesús ipuyyucmi. Ocmi jém Malía icujicháyáypa jém Jesús ipuy con iway. Agui c_{in}pa jém perfume, comne jém tic de c_{ij}ñi. ⁴ Ittim tum de jém Jesús icuyujc_{ij}wiñ, jém Judas Iscariote, jém Ximoj Iscariote im_{an}ic, jém iwadaypáppic atracción jém Jesús. Nim jém Judas:

⁵ —¿Tiiga da tammáypa y_{ij} wibic perfume? Ivale tres cientos tumiñ de plata. Jesic w_{ij}ap tanyoxpát jém yaachayajpáppic.

⁶ Jém Judas da iyaachanjampa jém yaachayajpáppic, pero n_{im}pa jempic porque númpa jém p_{ixi}ñ. Iwatpa cuenta jém tumiñ ibolsa y siempre iñúmpa jém tumiñ. ⁷ N_{im}pa Jesús:

—Odoy moog_{ij}y_{ij} y_{ij} yomo. Iccáyñe idic jém perfume iga accámáypa cuando acumtap.

⁸ Siempre ityaj con mimichtam jém yaachayajpáppic, pero ich da seguido aitpa con mimichtam.

Jém anjagooyiyaj ijisyajpa jutsap iccaayaj jém Lázaró

⁹ Jesic jáyan jém Jerusalénpic p_{ixi}ñtam ijodónayaj iga jemum it jém Jesús. Jesic nic iámyaj. Da no más nic iámyaj jém Jesús, pero iixyajtoobatim jém Lázaró jém acp_{is}netaw_{ij}. ¹⁰ Jesic jém panij anjagooyiyaj iwatyajpa acuerdo iga iccaayajpatim jém Lázaró. ¹¹ Porque cuando jém judíos iixyaj iga numa acp_{is}netá jém Lázaró, jesic jáyan ichacyajpa jém Israelpic anquímayooyi, moypa icupicyaj jém Jesús.

*Tigiy Jesús Jerusalén juuts tum anjagooyi
(Mt. 21:1-11; Mr. 11:1-11; Lc. 19:28-40)*

¹² Jém tungac jama jáyan p_{ixi}ñtam nicne s_{ij}najiyaj jém atebet Jerusalén. Iwatyajpa jém pascuas_{ij}. Cuando ijodónayaj iga núcpa Jerusalén jém Jesús, ¹³ jesic itúcyaj jáyan jém suyat iay. Nic imétsyaj jém Jesús tunjom. Mu ipátyaj, tsam icujípyajpa. P_{im}i j_{ij}yajpa jém p_{ixi}ñtam. N_{im}yajpa:

—¡Hosanna! ¡Agui w_{ij} jém tanJatun Dios! ¡Tan_{ij}cujíptámpa jém Rey de Israel jém miññew_{ij} jém tanJatun Dios iñiy_{im}!

¹⁴ Jesic jém Jesús ipát tum mañburro. Iquímca. Iwat juuts jayñeta:

¹⁵ Odoy c_{ij}ntaami miñtanw_{ij} jém atebet Sión.

Ixtaami iga s_{ij}p miñpa jém iñRey.

Iquímcaane tum mañburro.

¹⁶ Wiñti jém Jesús icuyujc_{ij}wiñ da icut_{ij}y_{ij}yajpa, pero ocmi cuando pisneum y químgac s_{ij}nyucmi jém Jesús, ijisyajpa iga jempigam n_{im}pa jém Dios in_{ma}ti y jempigam iñascaaba jém Jesús cuando núcpa Jerusalén.

¹⁷ Jodónatap jutquej ti iwat jém Jesús mu in_{we}jáy jém Lázaró jém tsaajosjom jut cumne. Jém ityajw_{ij} con Jesús cuando pis jém Lázaró, in_{ma}dayyaj i quej ti iixyaj. ¹⁸ Jeeyucmi miñ iámyaj Jesús tsam jáyan jém p_{ixi}ñtam porque imaton_{ij}yaj iga iwat jém milagro. ¹⁹ Jesic jém fariseoyaj nan_{im}mayajtap:

—S_{ij}p quejpa iga da ti w_{ij}ap tanwatta. Ixi, itump_{ij}y jém p_{ixi}ñtam icuw_{ij}ti y_{ij} naxyucmi itúnyajpa.

Algunos jém griegopic p_{ixi}ñtam tsam iixtooba jém Jesús

²⁰ Miñyajtım sɨnɨjɨyɨj algunos jém pɨxiñtam jém aɨmatyɨjpaap jém aɨmaɨti griego. Miñyaj Jerusalén iga iɨsɨyɨjpa Dios. ²¹ Jeeyaj nic íamyaj jém Felipe, jém miññewɨp jém atebet Betsaida jém naxyucmi de Galilea. Jém griegopɨc pɨxiñtam icunucsayyaj jém Felipe. Nímayta:

—Awadaayi tum favor. Nigi nímaayi jém Jesús iga tsam anɨyypáttooba.

²² Jesic jém Felipe nic inmadáy jém Anti ti ixunpa jém griegopɨc pɨxiñtam. Jesic iwagananicyaj jém Anti y jém Felipe iga inmadayyaj Jesús ti ixunpa jém pɨxiñtam. ²³ Jesic jém Jesús inímáy jém icuyucɨwiñ:

—Núcneum jém tiempo iga ich, jém aMiññewɨp Sɨnyucmi, ampɨctsoɨpa eybɨc jém ampɨmi jém anaitwɨp idɨc sɨnyucmi. ²⁴ Numa mannímáypa siiga tum pac da ñiptap nascɨm juɨ caaba imayi, jesic tsíyapa icutum. Pero siiga caaba imayi, jesic jáyanap. ²⁵ Siiga tum pɨxiñ tsam itoypa ivida yíp naxyucmi, jesic togoypa ivida. Pero siiga tum pɨxiñ da itoypa ivida yíp naxyucmi, jesic da togoypa ivida, iniítpa para itumpɨy tiempo. ²⁶ Siiga tum pɨxiñ acuyoxatooba, jesic ansunpa iga atúníyíñ, jesic jemtim juɨ aítpa aich itpatım jém acuyoxapáppɨc. Siiga tum pɨxiñ acuyoxap aich, jesic jém anɨatunɨ Dios iwɨixpa jém pɨxiñ.

Nimpa Jesús iga accaatap

²⁷ Sɨp tsam anyácne. ¿Que ti wɨap annímáy jém anɨatunɨ? Ich da annímáypa jém anɨatunɨ Dios iga: “Manɨatunɨ, ayoxpaati iga odoy ayaachwattaiñ”. Da aɨwatpa jemɨpɨc porque ich amiñ yíp naxyucmi iga ayaachwattaiñ. Jesic annímáypa iga: ²⁸ “Manɨatunɨ Dios, wati juuts mich inxunpa iga jém pɨxiñtam micujípyajiñ”.

Jesic jɨyapa Dios sɨnyucmi. Nimpa:

—Sɨp aɨwatneum y aɨwatpatım eybɨc iga acujípyajiñ jém pɨxiñtam.

²⁹ Jesic jém pɨxiñtam, jém aɨtuumaneyajwɨp, imatonɨyaj jém jɨyi. Nimyajpa iga tiñpa jém majiywiñ. Pero tungac nimpa:

—Ijáyay tum sɨnyucmɨpɨc pɨxiñ.

³⁰ Jesic Jesús inímáy jém pɨxiñtam:

—Tammatoɨneta yíp jɨyi mimichtam inɨcuyucmi, da para ich, iga inɨcutɨyɨytámiñ ti iwatpa Dios. ³¹ Sɨp núcpa jém hora iga cɨpɨntap jém ityajwɨp yíp naxyucmi. Sɨp accáyaytap ipɨmi jém Wocɨwiñ, jém inɨjacnewɨp yíp naxyucmi. ³² Pero ich cuando acquímtap cunusyucmi, jesic anchiiba jɨxi jém pɨxiñtam iga acupɨguiñ.

³³ Cuando inmatpa jemɨpɨc jém Jesús, inquejáyapa jém pɨxiñtam iga accaatap cunusyucmi.

³⁴ Jesic jém pɨxiñtam inímayyaj jém Jesús:

—Tammatoɨne iga nimpa jém Dios inmaɨti iga itpa jém Cristo para itumpɨy tiempo. ¿Jesic tiiga miñimpa iga accaatap cunusyucmi jém Miññewɨp Sɨnyucmi? Anímaayi: ¿Iapaap jém Miññewɨp Sɨnyucmi?

³⁵ Jesic Jesús inímáypa jeeyaj:

—Jém juctianɨtsoca poy it tum rato con mimichtam. Wittaami iganam it jém juctianɨtsoca iga odoy mictsiyíñ jém piichi. Porque jém witpáppɨc jém piichcɨm da ijodon juɨ nicpa.

³⁶ Iganam itpa jém juctianɨtsoca, jesic acupɨctaami aich iga iniíttámiñtim jém juctianɨtsoca jém inñanamanjom.

Jesic cuando yaj nɨmi jém Jesús, nic iyámáy jém pɨxiñtam.

Wati jém judíos da idɨc icupɨcyajpa

³⁷ Tsam jáyan milagro y seña iwat Jesús jém pɨxiñtámanjom, pero jeeyaj da icupɨcyajpa iga je jém Cristo. ³⁸ Iwatyajpa jemɨpɨc iga cupaguiñ jém aɨmaɨti jém ijaychacnewɨp jém wiñɨcɨpɨc profeta jém Isaías. Nimpa:

ManJatun Dios, mich ininquejáy jém p̄ixiñtam jém imp̄imi,
pero da i icup̄icpa mich ininm̄ati jém anamiññew̄ip.

³⁹ Jeeyucm̄i jém Israelp̄ic p̄ixiñtam da icup̄icyajpa jém Cristo, porque n̄imtim jém Isaías:

⁴⁰ Dios icáchtiwatpa jém p̄ixiñtam,

ic̄amamwadáy icobac iga mást̄im da w̄iap icutīiȳiyaj jém Dios inm̄ati.

Jempam iwat Dios iga jém p̄ixiñtam da ti iixyajpa iixcuym̄i ni da w̄iap icutīiȳiyaj
ianamanjom iga Dios iw̄iwadaytooba id̄ic.

Datim w̄iap ichacyaj jém malop̄ic ij̄ixi iga Dios iccáyáyiñ it̄anca.

⁴¹ W̄ia inmat jemp̄ic jém Isaías porque wiñigam iix jém Cristo ip̄imi. Ijaychacne ti
iñascaaba jém Cristo cuando miñpa ȳip naxyucm̄i.

⁴² Pero da itump̄iy jém Israelp̄ic p̄ixiñtam cuixayaj. Jáyan icup̄icyaj, hasta algunos
jém anjagooyiyaj icup̄icyajtim jém Jesús. Pero iga tsam ic̄inyajpa jém fariseoyaj jesic
inyampa iga icup̄icne. Ic̄inyajpa iga quebacputyajtap jém sinagoga. ⁴³ Más iw̄ianjam̄yaj
iga cuj̄ipyajtañ ȳip naxyucm̄i que iga Dios icuj̄ippa.

Jém Jesús inm̄ati ic̄ip̄inpa jém p̄ixiñtam

⁴⁴ Jesic ocm̄i p̄imi j̄iypa jém Jesús. N̄impa:

—Siiga i acup̄icpa aich, jesic icup̄icpatim mex jém anJatun Dios jém acutsatnew̄ip ȳip
naxyucm̄i. ⁴⁵ Jém aixp̄app̄ic aich, iixpatim mex jém anJatun Dios jém acutsatnew̄ip.

⁴⁶ Ich, jém ajuctian̄tsoca, amiñ ȳip naxyucm̄i iga itump̄iy jém acup̄icyajp̄app̄ic aich, da
ts̄iyyajpa piichc̄im. ⁴⁷ Siiga i imaton̄pa ich anan̄m̄ati, pero da icup̄icpa, jesic ich anyaac
da anchiiba jém icastigo. Ich da amiñ iga ac̄ip̄in̄óypa. Amiñ iga an̄ciacputpa jém ityajw̄ip
ȳip naxyucm̄i. ⁴⁸ Siiga tum̄ p̄ixiñ ajóyixpa y da iwatpa juuts n̄impa ich anan̄m̄ati, jesic
jém in̄an̄pigam jama ich anan̄m̄ati ts̄iypa juuts tum̄ juez. Jeetim anan̄m̄ati ic̄ip̄in̄pa y
ichiiba castigo jém dap̄ic ip̄ictson̄pa ich anan̄m̄ati. ⁴⁹ Ich anyaac da an̄jixqūimpa jém
anan̄m̄ati, pero jém anJatun Dios jém acutsatnew̄ip an̄ímáy jutsap anan̄mat jém an̄m̄ati y
ti anan̄quejáypa jém p̄ixiñtam. ⁵⁰ Ich an̄jodon̄ iga jém anJatun Dios in̄qūimayooyi ichiiba
jém p̄ixiñtam jém vida jém dap̄ic cuyajpa. Jeeyucm̄i anan̄matpa jém anan̄m̄ati juuts
an̄ímáyñe jém anJatun Dios.

13

Jesús icheáypa jém icuyujc̄iwiñ ipuy

¹ Jesic núctooba jém jama iga jém Israelp̄ic p̄ixiñtam iwatyajpa jém pascuas̄in̄. Ijodon̄
Jesús iga núcneum jém hora iga nicgacpa sinyucm̄i jut̄ it̄ J̄atun Dios. Jém Jesús tsam p̄imi
itoȳpa jém it̄un̄iyajw̄ip, jém im̄chip̄ic, da nunca ichacpa iga itoȳpa.

² Jesic iganam w̄icmon̄yajpa Jesús con jém icuyujc̄iwiñ, jém Woc̄c̄iwiñ iccám jém
malop̄ic j̄ixi jém Judas Iscariote ianamanjom iga iwadáypa atraición jém Jesús. Ȳip Judas
jém Ximoj im̄anic. ³ Ijodon̄ Jesús iga jém J̄atun Dios ic̄ijun̄codáy itump̄iy cosa ic̄ijom.
Ijodon̄tim iga miñ de Dios y eyb̄ic nicpa jut̄ it̄ Dios. ⁴ Cuando yajtoobam w̄iquiyaj,
teñchucum jém Jesús, ichac iyooti, ip̄ic tum̄ toalla, iwoycunúc jém im̄jpac̄yucm̄i. ⁵ Itec
ni tum̄ palanganajom, moj icheáy ipuy jém icuyujc̄iwiñ. Ocm̄i icuj̄icháyáypa ipuy con
jém toalla jém iwoycunúcnew̄ip jém im̄jpac̄yucm̄i.

⁶ Cuando núc Jesús jut̄ it̄ jém Peto, jesic Peto iñímáy:

—Mán̄omi, ¿que mich antseáypatim ampuy?

⁷ N̄impa Jesús:

—S̄ip da in̄cutīiȳiypa tiiga mantseayt̄ampa jém impuy, pero ocm̄i in̄cutīiȳiyt̄ampa.

⁸ Jesic jém Peto iñímáypa jém Jesús:

—Mich da nunca manjígáypa iga antseáypa ampuy.

Jesic nimpá Jesús:

—Siiga da mantseáypa impuy, jesic da je mammíichi.

⁹ Jesic Peto iñímáy jém Jesús:

—MánQmi, atseaayi ampuy. Atseaayitim jém ançi y ançobac.

¹⁰ Jesic iñímáy Jesús:

—Siiga yaguiñ chinne tum pxiñ, jesic da ixunpa iga chinpa eybic. No más ixunpa iga icheeba ipuy porque cuáyñeum icutero. Mimichtam micuáyñeum, pero tum de mimichtam, jém mançuyucíwiñ, da micuáyñe.

¹¹ Porque jém Jesús ijodon iapaap iwadáypa atraición. Jeeyucmi nimpá Jesús iga: “Da iñtumpiytam micuáyñeta.”

¹² Cuando yaj icheáy jém icuyucíwiñ ipuy, jesic jém Jesús icot iyooti, eybictim coñ jém mesacim. Iñímáy jém icuyucíwiñ:

—¿Incutíyiy ti siip manwadayta? ¹³ Mimichtam annímáyta iga: mamMaestro y mánQmi. Wi iga miñimtámpa jempic porque mimichtam numa manaccuyjpa y numa mimichtam mammíichane. ¹⁴ Aunque michtam amMaestro y ánQmi, mantseáypa impuy, jesic wítim iga minitseytamtañ impuy mimichtam. ¹⁵ Mantseáy jém impuy iga manaquejáypa iga wi iga inwattámiñ juuts ich manwadayta. ¹⁶ Numa mannímáypa, tum pxiñ iesclavo da wiap iñasca jém iomi. Tum mensajero da más mij que jém icutsatpáppic. ¹⁷ Siiga incutíyiytámpa ti mannímáypa y siiga inwattámpa jempic, jesic agui mimaymáyatámpa.

¹⁸ Eybic jiyta Jesús. Nimpá:

—Da animtooba iga iñtumpiytam wiap incutíyiyta porque anwixpicpa jém ancupinneyajwip. Anjodon iapaap amalwadáypa. Nimpá jém Dios inmati, jém jayñetawip, iga: “Tum pxiñ anwaganawícpa aich, ocmi awadáypa atraición.” Siip cupactooaba jém anmati. ¹⁹ Mannímáypa siip ti annascaaba aich, jesic cuando iñixtámpa iga cupacum jém ananmati, wiap incupicta iga ich jém aCristo jém acupinnewip Dios. ²⁰ Numa, mannímáypa siiga i ipictsonpa jém ancutsatnewip, jesic apictsonpatim aich. Siiga i apictsonpa aich, ipictsonpatim jém anjatun Dios.

Nimpá Jesús iga jém Judas iwadáypa atraición

(Mt. 26:20-25; Mr. 14:17-21; Lc. 22:21-23)

²¹ Jesic cuando yaj inmat jempic jém Jesús, tsam pimi anyácne ianamanjom. Nimpá Jesús:

—Numa siip mannímáypa, tum de mimichtam acijuncotpa jém ánenemigo icijom.

²² Jesic jém Jesús icuyucíwiñ tsam naámyajtap. Nimyajpa ianamanjom iga: “¿Iapaap iwadáypa atraición jém tánQmi?” ²³ Tum jém Jesús icuyucíwiñ, jém tsampic itoypa, iwaganacoñ jém Jesús. ²⁴ Jesic jém Peto iwadáy seña con icobac iga jém pxiñ icwáguiñ Jesús iapaap jém iwadaypaap atraición. ²⁵ Jesic jém pxiñ icunúc noco iga iyamacwácpa. Nímáyta jém Jesús:

—MánQmi, ¿i miwadáypa atraición?

²⁶ Jesic Jesús icutson. Nimpá:

—Siip ansonpa tum jaca caxtánañi jém anchimajom, anchiiba jém pxiñ jém awadaypáppic atraición iga quejiñ iapaap.

Jesic cuando ixon jém caxtánañi, ichi jém Judas Iscariote, jém Ximoj imaníc. ²⁷ Jesic yaj ipictson jém Judas jém caxtánañi, tigiy jém Wocciwiñ jém Judas ianamanjom. Jesic Jesús iñímáy jém Judas:

—Jém siippic inwatpa, nigí wati jicsciy.

²⁸ Jém tunḡac icuyujc̄iwiñ, jém ityajw̄ip mesac̄im, da icut̄iyyaj tiiga iñímáy jempic jém Judas. ²⁹ Ij̄isyajpa algunos iga cutsattap jém Judas iga niḡuiñ ijuy titam ixunyajpa iga siḡayajpa. Tunḡac ij̄isyajpa iga cutsattap jém Judas iga ichiñ tumiñ jém yaachayajpáppic. Porque iwatpa cuenta jém tumiñ ibolsa. ³⁰ Jesic yajum icút jém caxtánañi, nic jém Judas. Piichc̄im.

Jém jomipic anquímayooyi

³¹ Jesic cuando nicneum jém Judas, moj anḡaṡi jém Jesús. Iñímáy jém icuyujc̄iwiñ:
 –S̄ip cujíptap jém Miññew̄ip Siḡyucmi. Cujíptap̄tim tanJatun̄ Dios je icuyucmi. ³² Siiga cujíptap Dios ich an̄cuyucmi, jesic acujíptap̄tim aich jém anJatun̄ Dios icuyucmi. S̄ip iwatpa Dios jém w̄itampic cosa iga acujíptaiñ y da jáyñe iccupacpa. ³³ Mamman̄ictam, mantoytampáppic, s̄ip tum̄ ratotim tawagaiṡta. Pero ocmi mimichtam tsam an̄cuámtámpa, da ampáttámpa. S̄ip mannímáypa juuts annímáyñe jém judíos, mimichtam da w̄iap iññicta juṡ ich an̄icpa. ³⁴ S̄ip manchiiba tum̄ jomipic anquímayooyi, natoytam̄taji con jém iññiw̄itam. Juuts mantoytámpa mimichtam, jesic jempictim natoytam̄taji con jém iññiw̄itam. ³⁵ Siiga minitoytam̄tap con jém iññiw̄itam, jesic itumpiy jém ityajw̄ip ȳip naxyucmi ijodónayajpa iga ich man̄cuyujc̄iwiñ.

Nimpa Jesús iga jém Peto iñnécpa

(Mt. 26:31-35; Mr. 14:27-31; Lc. 22:31-34)

³⁶ Jesic jém Peto icwác jém Jesús, iñímáy:

–Mán̄omi, ¿juṡ miñicpa?

Nimpa Jesús:

–Jemum juṡ ich an̄icpa, mimichtam da w̄iap iññicta s̄ip, pero ocmi miñictámpaṡim mex mimichtam.

³⁷ Jesic jém Peto iñímáy:

–Mán̄omi, ¿tiiga da w̄iap annicta s̄ip? Ich anyaac anchiiba amvida iga accaatap para mimich.

³⁸ Jesic nimpa Jesús:

–¿Que mich michióypa imvida iga miccaatap para aich? Numa mannímáypa iga antes que an̄wejp̄a jém cayu, anañnécpa tres veces iga ich man̄cuyujc̄iwiñ.

14

Jesús je jém tun̄ jém nicpáppic juṡ it tanJatun̄ Dios

¹ Mimichtam, odoy anyáctaami iññaman̄jom iga ich an̄icpa. Cupictaami Dios, acupictaam̄tim mex aich. ² Jém anJatun̄ Dios it̄ic̄im tsam it jém w̄itampic lugar juṡ nicpa miñit̄im. Meega da id̄ic i, da id̄ic mannímáy. Nicpa man̄w̄itsagáy tum̄ lugar para mimichtam. ³ Siiga nicpa man̄w̄itsagáy tum̄ lugar para mimichtam, jesic amiñgacpa eybic iga mananictámpa, iga juṡ aṡpa aich jem̄tim miñttámpa mimichtam. ⁴ Mimichtam iñ̄jod̄ntam juṡ an̄icpa, iñ̄jod̄ntim jém tun̄.

⁵ Jém Tomax iñímáy:

–Mán̄omi, da an̄jod̄ntam juṡ miñicpa. ¿Jutsap an̄jod̄nta jém tun̄?

⁶ Jesic Jesús iñímáy jém Tomax:

–Icham jém atun̄. Ich anamiñ jém numapic anquímayooyi. Ich anchiiba jém pixiñtam jém vida jém dapic cuyajpa. Da i núcpa juṡ it anJatun̄ Dios siiga da acupicpa aich.

⁷ Siiga mimichtam an̄ixpictámpa aich, jesic iñ̄ixpictámpaṡim jém anJatun̄ Dios. S̄ip mojum iñ̄ixpicta Dios, iñ̄ixñetámum.

⁸ Jesic jém Felipe iñímáy Jesús:

–Mán̄omi, aguixtaami jém tanJatun̄ Dios, jesic itum w̄i. Da ti más ansuntámpa.

⁹ Jesic Jesús iñímáy jém Felipe:

—A que miFelipe, tsam wiñigam awagaitta con mimichtam. ¿Que mich da ánixpicpa? Jém aixñewiip aich, iixñetím jém anJatun Dios. ¿Tiiga mich annímáy iga: “Aguixtaami jém tanJatun Dios”? ¹⁰ ¿Que da incupicpa iga anwaganait anJatun Dios y jém anJatun Dios awaganait aich? Jém ananmati, jém mananmadayñewiip, da je anjixquiimi. Jém anJatun Dios, jém itwiip ananamanjom, iwatpa jém witampic cosa juuts je iwianjam. ¹¹ Cupictaami iga anwaganait anJatun Dios y jém anJatun Dios it ananamanjom. Siiga da wiap incupicta iga ich anwaganait jém anJatun Dios, jesic acupictaami aich porque iñixñeta jém milagroyaj jém anwatnewiip. ¹² Numa mannímáypa; jém pxiñ, jém acupicnewiip, wiaptim iwat jém milagroyaj jextim juuts ich anwatpa, wiaptim iwat más wibic milagro que ich porque anicgacpam sinyucmi jut it anJatun. ¹³ Siiga ininwejpátámpa Dios ich anniyimi iga inwágaytámpa algun ti, jesic ich anwatpa juuts mich anwágáypa iga cujíptaiñ jém anJatun Dios. ¹⁴ Titam inwágáypa Dios ich anniyimi, jesic ich anwatpa juuts anwágáypa mimichtam.

Nimpa Jesús iga icutsatpa jém Dios iAnama yíp naxyucmi

¹⁵ Siiga mimichtam antoytámpa, jesic cupictaami ananquímayooyi. ¹⁶ Ich an��unucsáypa anJatun Dios iga michiitámiñ jém Dios iAnama iga miyoxpátámiñtim juuts aich iga míñiñ miwaganait con mimichtam para siempre. ¹⁷ Jém Dios iAnama minquejaytámpa itumpiy jém numapic anquímayooyi. Jém ityajwiip yíp naxyucmi ijóyixyajpa Dios, da wiap ipictson jém Dios iAnama, porque da wiap iixyaj ni da wiap iixpicyaj. Pero cuando núcneum jém Dios iAnama, jesic mimichtam iñixpictámpa porque miwaganaitta. Miñpa iti jém Dios iAnama mimichtam iñanamanjom. ¹⁸ Da mantsactámpa incutum juuts tum yuctucu. Eybic miñpa aiti con mimichtam. ¹⁹ Da jáyñe anicpa, jesic yíp naxyucmic pxiñtam da más aixyajpa, pero mimichtam eybic ánixtámpa. Ich manchiiba jém vida porque ich anait jém vida. ²⁰ Jesic cuando núcpa jém jama, mimichtam iñjodónatámpa iga anwaganait jém anJatun Dios. Iñjodónatámpatim iga mich miit con aich y ich ait con mimichtam. ²¹ Siiga tum pxiñ ijodon ich ananquímayooyi y icupicpa, jesic quejpa iga tsam atoypa jém pxiñ. Siiga atoypa aich tum pxiñ, jesic jém anJatun Dios tsam itoypatim jém atoypáppic aich. Ich antoypatim jém atoypáppic. Ich anyaac anwiñquejáypa jém pxiñ iga icutiyyíyíñ aipaap.

²² Jesic jém tungac Judas, jém dapic Iscariote, iñímáy jém Jesús:

—Mánomi, ¿tiiga anwiñquejaytámpa aichtam, pero da inwiñquejáypa jém ityajwiip yíp mundo, jém dapicnam micupicneyaj?

²³ Jesic Jesús iñímáy jém icuyujcwiñ:

—Siiga tum pxiñ atoypa, jesic numa icupicpa jém ananmati. Jém anJatun Dios tsam itoypatim jém pxiñ. Jesic ich con jém anJatun Dios miñpa anwaganaitta jém icupicpáppic ich ananmati. ²⁴ Jém pxiñ, jém dapic atoypa aich, da iwatpa juuts nimpa ich ananmati. Yíp anmati, jém sippic immatonne, da anjixquiimi; achiiñe jém anJatun Dios, jém acutsatnewiip yíp naxyucmi.

²⁵ Mananmadáy itumpiy yípyaj cosa iganam ait con mimichtam. ²⁶ Jesic ocni anJatun Dios micutsadáypa jém Dios iAnama iga miyoxpádiñ juuts tum representante para ich. Miñpa minquejayta itumpiy jém ananquímayooyi. Miñpa iga micjístamiñ itumpiy jém ananmati jém mananquejayñewiip.

²⁷ Siip mantsagáypa jém paz, manchiiba jém wibic jixi iga da ti idiyíy iñanamanjom, da jex juuts michiitap yíp naxyucmi. Jesic odoy anyáctaami iñanamanjom, odoy cñtaami. ²⁸ Immatonneta cuando mannímáy iga: “Anicpa, pero eybic miñpa aiti con mimichtam.”

Siiga numa antoytámpa, jesic maymáyaataami iga ich anicgacpa siip jut it anJatun Dios, porque jém anJatun más wíap que aich. ²⁹ Manañmadáypa siip titam miñpa antes que núcpa, jesic cuando íñixtámpa itumpiy cosa juuts mannímayñe idic, incupictámpa iga Dios acutsat.

³⁰ 'Siip tum ratotim manañmatpa, porque siip núcum jém tiempo iga miñpa yíp naxyucmipic anjagooyi. Je da iticutigiyi con ich, da ti wíap awadáy. ³¹ Pero siip anwatpa juuts apimíypa jém anJatun Dios iga jém ityajwíip yíp mundo ijodónayajiñ iga tsam antoypa jém anJatun Dios. Siip tsucumtaami. Tanictámpam.

15

Jém Jesús juuts tum uvas icobac

¹ 'Ich ajex juuts tum nunta uvas icobac. Jém anJatun Dios jém iwatpáppic cuenta jém uvas. ² Jagaytap itumpiy jém uvas incis jém dapic tímāp. Pero jém incis jém tímāpáppic, wítsactap, anticsaytap uxaj inquniñi iga más tímāñ. ³ Siip mimichtam cuáyñeum íñanama porque incupic jém anañquímayooyi, jém manañmadayñewíip. ⁴ Seguido wagaittaami con aich y ich seguido manwaganaitpa mimichtam. Siiga tum cuy incis da pñmane jém cuyyucmi, jesic da tímāp. Jém cuy incis da wíap itíma iyaac. Jesaptim mimichtam da wíap inwatta jém wítampic cosa juuts ixunpa Dios siiga da miwagaitta con aich.

⁵ 'Ich ajex juuts tum uvas icobac. Mimichtam mijex juuts tum uvas incis. Siiga tum pñiñ seguido awaganaitpa aich y siiga ich anwaganaitpa jém pñiñ, jesic wíap iwat jém wítampic cosa juuts tsam tímāp. Siiga da manyoxpáttámpa, jesic da ti wíap inwatta. ⁶ Siiga tum pñiñ da seguido awaganaitpa aich, jesic jex juuts tum cuy incis jém dapic tímāp. Pátsaytāp, titspa. Ocmi pinatap, cottap juctjom, nooquettap.

⁷ 'Siiga seguido miwagaitpa con aich y da inñacpa iga incupicpa ich anañmati, jesic wágaytaami Dios titam inñunpa y je michiiba. ⁸ Jém anJatun Dios tsam cujíptap cuando inwíwattámpa mimichtam, juuts tsam miwítimāp. Jempigam michiytámpa iga ich mancuyujcñwiñ. ⁹ Mantoytámpa mimichtam juutstim jém anJatun atoypa aich. Seguido wíwattaami porque ich tsam mantoytámpa. ¹⁰ Siiga incupictámpa ich anañquímayooyi, jesic seguido inwíwattámpa porque ich tsam mantoytámpa. Jextim juuts aich ancupicpa jém anJatun Dios inquímayooyi y seguido anwatpa juuts je iwianjam porque tsam atoypa jém anJatun Dios.

¹¹ 'Manañmadáypa yípyaj cosa iga iniidiñtim jém maymáyaaji juutstim ich anait, iga tsam pñimi mimaymáyatámiñ. ¹² Yim it ich anañquímayooyi: Natoytamtaji con inñiwitam juuts ich mantoytámpa mimichtam. ¹³ Siiga nachitap iyaac tum pñiñ iga accaatap para jém iamigo, jesic quejpa iga tsam pñimi itoypa jém iamigo. ¹⁴ Mimichtam manamigotam siiga inwattámpa juuts mannímaypa. ¹⁵ Siip dam más michíypa juuts manesclavo porque tum esclavo da icutñiyíypa ti iwatpa jém iomi. Pero siip mannímaypa iga manamigotam porque manañquejayñetámum itumpiy jém jixi jém achiiñewíip jém anJatun Dios. ¹⁶ Mimichtam da ancupineta aich, pero ich mancupineta mimichtam. Manchiñeta jém cargo iga niguiñ inwatta jém wibic cosa juuts ich ansunpa. Jesic numa inwíwatpa y da inñacpa jém wibic jixi, juuts tanimpa, miwítimāp. Jesic titam inwágáypa anJatun Dios, ich anniyimi, michiiba. ¹⁷ Siip manañquímāpa iga natoytamtaji con jém inñiwitam.

Jém malopic pñiñtam ijóyixyajpa Jesús con jém icupicneyajwíip

¹⁸ 'Siiga tsam mijóyixpa jém malopic pñiñtam jém ityajwíip yíp naxyucmi, jesic jisi iga wiñti ajóyixtim aich. ¹⁹ Siiga mimichtam mimalotim juuts jém ityajwíip yíp naxyucmi, jesic mitoytámpatim jém malopic pñiñtam. Pero mancupineta iga inñchaganpudiñ jém

ityajwiiip yíp naxyucmi. Jeeyucmi tsam mijóyixpa jém malopic p̄ixiñtam porque dam mijex juuts jeeyaj. ²⁰ J̄istaami ti mannímáy iga tum esclavo da más mij ip̄imi que jém iomi. Siiga yíp naxyucm̄ipic p̄ixiñtam amalwadayyaj aich, jesic michgacti mimalwadayyajpatim. Meega icupicyaj ich anañmāti, jesic icupicyajpatim mex mich iniñmāti. ²¹ Mimalwadaytamtap ich añcuyucmi porque jém malopic p̄ixiñtam da iixp̄icyajpa jém anJatun̄ Dios jém acutsatnewiiip yíp naxyucmi.

²² Meega ich da miñ anañmadayyaj jém p̄ixiñtam jém wibic añmāti, jesic jeeyaj da iniñyaj la culpa iga imalwatyajpa. Pero ich anamíñáy jém wibic añmāti, jesic jeeyaj iniñyaj la culpa siiga da icupicyajpa, da wiap̄ in̄écyāj it̄añca. ²³ Jém ajóyixp̄appic aich, ijóyixpatim jém anJatun̄ Dios. ²⁴ Jeeyaj da iniñyaj la culpa meega da miñ añwat jém wibic milagroyaj jém p̄ixiñtamanj̄om, jém dapic oypa íñix. Pero siip̄ jém p̄ixiñtam iixñeyajum jém milagroyaj y ajóyixyajpa aich y ijóyixyajpatim jém anJatun̄ Dios. ²⁵ Annascaaba jempic iga cupacpa jém añmāti juuts jayñetā wiñigam jém in̄químayooyi de jeeyaj. Niim̄pa: “Jém malopic p̄ixiñtam ajóyixyajpa sin motivo.”

²⁶ 'Cuando anúc̄pa jut̄ it̄ anJatun̄ Dios, man̄cutsadáypa jém Dios iAnama iga miyoxp̄attámiñ, iga icamamwadiñ íñanama. Miñpa miñmadáy de aich. Miñquejaytámpa itump̄iy jém numapic añmāti. ²⁷ Mimichtam wiaptim iniñmadáy jém p̄ixiñtam de aich porque miitta con aich dende moj anañmat jém wibic añmāti.

16

¹ 'Siip̄ manañmadáypa yípyaj cosa iga in̄cut̄iiȳitámiñ ti miñpa. Jesic siiga mimalwadaytamtap, da miñyáctámpa ni da in̄chactámpa jém Dios in̄māti. ² Miquebacputtamtap jém sinagoga. Núc̄pa jém hora cuando jém malopic p̄ixiñtam imétsyajpa jutsap miccaayaj, porque ij̄isyajpa iga iwatyajpa juuts ixunpa Dios siiga miccaaba. ³ Yicxp̄ic cosa iwatyajpa jém malopic p̄ixiñtam porque da queman iixp̄icyaj jém anJatun̄ Dios y datim aixp̄icyajpa aich. ⁴ Siip̄ manañmadáypa ti miñpa iga cuando núc̄pa jém hora iga jém malopic p̄ixiñtam mimalwadáypa, jesic in̄j̄istámpa ti mannímáyñeta. Pecam da idic manañmadayñeta ti miñpa porque man̄waganaītta mimichtam.

Tañquejáypa ti iwatpa jém Dios iAnama yíp naxyucmi

⁵ 'Siip̄ nicgacpa aiti jut̄ it̄ jém acutsatnewiiip. Pero ni tum de mimichtam da anacwáctámpa iga: “¿Jut̄ miñicpa?” ⁶ Pero siip̄ tsam miñyácneta íñanamanj̄om porque manañmadaytā ti miñpa. ⁷ Mannímáypa siip̄ jém numapic añmāti. Más w̄i para mimichtam iga anicpa. Porque siiga da anicpa, jesic da miñpa jém Dios iAnama iga miyoxp̄attámpa. Pero siiga anicpa, jesic man̄cutsadáypa jém Dios iAnama. ⁸ Cuando núc̄pa yíp naxyucmi jém Dios iAnama, jesic in̄quejáypa jém ityajwiiip yíp naxyucmi iga táñcaíy. In̄quejáypatim jém p̄ixiñtam jutsap iwatyaj juuts ixunpa Dios. In̄quejáypatim jém p̄ixiñtam iga núc̄pa jém jama iga c̄ip̄iñyajtap itump̄iy jém malopic p̄ixiñtam, chiyajtap castigo. ⁹ Jém Dios iAnama in̄quejáypa jém p̄ixiñtam iga táñcaíyyaj porque da acupicyajpa. ¹⁰ An̄quejayyajtaptim jém p̄ixiñtam jutsap iwatyaj juuts ixunpa Dios porque siip̄ anicgacpa jut̄ it̄ jém anJatun̄ y mimichtam da más ánixtámpa. ¹¹ An̄quejayyajtaptim jém p̄ixiñtam iga c̄ip̄iñóypa Dios porque Dios ic̄ip̄iñneum jém Woc̄c̄wiñ, jém in̄jacp̄appic yíp mundo, y ichibatim castigo.

¹² 'Manañmadaytamtooba jáyan̄ más cosa, pero siip̄ da wiap̄ in̄yaachíy. ¹³ Pero cuando miñpa jém Dios iAnama jém in̄matp̄appic jém numapic añmāti, jesic miñquejaytámpa itump̄iy jém numapic añquímayooyi. Porque Dios iAnama da miñmadáypa de iyaac, pero miñmadáypa itump̄iy jém cosa jém imaton̄newiiip. Miñquejaytámpa ti miñpa. ¹⁴ Jém

Dios iAnama ipictsonpa itumpiy jém ich ananquímayooyi y miwianquejaytámpa. Iwatpa jempic iga jém pixiñtam awixyajiñ aich. ¹⁵ Itumpiy jém anJatunpic imichi, ammicchitim aich. Jeeyucmi mannímáypa iga jém Dios iAnama ipictsonpa ich ananquímayooyi y minquejaytámpa mimichtam.

Cáypa jém anyaaqui, maymáayajiñ jém Jesús icuyujcwiñ

¹⁶ 'Da jáyñe mimichtam da ánixtámpa. Pero ocmi da jáypa ánixtámpa eybic. Porque anicpa jut it anJatun Dios.

¹⁷ Jesic algunos jém Jesús icuyujcwiñ nanímayyajtap entre jeeyaj:

—¿Que ti nimtooba iga: “da jáyñe da ánixtámpa”, y “da jáypa ánixtámpa eybic” y “porque anicpa jut it anJatun”? ¹⁸ ¿Que ti nimtooba iga: “dam jáyñe da tánixtámpa”? Da tancutiyyiypa ti nimtooba jém tánomi.

¹⁹ Jesic jém Jesús icutiyyiy iga jém icuyujcwiñ icwáctooba. Jesic iñímáy jeeyaj:

—¿Que minicwáctamtap ti animtooba cuando mannímáyñe iga: “dam jáyñe, da ánixtámpa” y ocmi, “da jáypa ánixtámpa eybic”? ²⁰ Numa, mannímáypa iga tsam miwejtámpa, tsam minyáctámpa. Jém malopic pixiñtam jém ityajwip yíp naxyucmi tsam maymáayajpa. Pero mimichtam tsam minyáctámpa. Pero ocmi cáypa jém anyaaqui, setpa iga mimaymáyatámiñ mimichtam. ²¹ Cuando tum yomo icnaypa tsixi, agui anyácne iga yaachap porque núcneum jém tsixi itoya. Pero ocmi cuando nayñeum jém tsixi, dam ijspa jém yomo iga tsam yaach micnay jém tsixi porque agui maymay iga icnayñe tum tsixi yíp naxyucmi. ²² Jesanetim mimichtam sip tsam minyáctámpa, pero jesic ocmi miñgacpa mánám y tsam mimaymáyatámpa. Jesic jém maymáyají da i wíap miccáyáy. ²³ Cuando núcum jém jama iga amiñgacpa, jesic da ti anacwáctámpa mimichtam.

'Numa mannímáypa iga jém anJatun Dios michiiba titam inwágaytámpa ich anniyimi.

²⁴ Hasta sip da ti inwágayta Dios ich anniyimi. Sibam wágaytaami Dios titam iñxunpa iga tsam mimaymáyatámpa cuando impictsonjtámpa.

Jesucristo icoñwiy jém Wocciwiñ ipimi

²⁵ 'Hasta sip mananmadayñe cuentujmi, pero núcpa jém hora iga da mananmadáypa cuentujmi. Mannuntawianmadáypa ti iwianjam jém anJatun Dios. ²⁶ Jesic cuando núcpa jém jama, da ananwejpátpa Dios para mimichtam porque mimichtam inwágáypa Dios titam iñxunpa ich anniyimi. ²⁷ Jém anJatun Dios iyaac mitoytámpa porque michtam antoytámpa aich y incupictámpa iga ich atsucum jut it anJatun Dios. ²⁸ Ich atsucum jut it anJatun Dios. Miñ aiti yíp naxyucmi. Sip acáypam yíp naxyucmi. Eybictim anicgacpa jut it anJatun Dios.

²⁹ Jesic nimyaj jém icuyujcwiñ:

—Sip numa iññuntawianmatum. Dam inmatpa cuentujmi. ³⁰ Sip anjodónjatámum iga incutiyyiypa itumpiy cosa, da iñxunpa iga i micwácpa. Jeeyucmi mancupictámpa iga numa Dios micutsatne yíp naxyucmi.

³¹ Jesic jém Jesús iñímáy jeeyaj:

—¿Numa, incupictámpa sip? ³² Mannímáypa iga núcum jém jama iga ancupóyaytámpa mimichtam. Micupujaytámpa. Miñictámpa yim jeexic. Antsactámpa aich ancutum. Pero ich da atsíypa ancutum porque siempre it con aich jém anJatun Dios. ³³ Mannímáyta itumpiy yípyaj cosa iga odoy ti incintámiñ porque ancupicneta aich. Tienes que miyaachwattamtap yíp naxyucmi, pero camamwati iñanama porque ich ancoñwiyñeum itumpiy jém Wocciwiñ ipimi jém itwip yíp naxyucmi.

17

Jesús inwejpátpa Dios para jém icuyujc#wiñ

¹ Jesic cuando yaj inmat jempic jém Jesús, amquím sñyucmi. Moj inwejpát Dios. Nimpa: —ManJatun Dios, sñp núcneum jém hora iga accaatap. Sñp watí titam inxunpa iga jém pñixñtam awixyajiñ aich, jém michpic immanic. Jesic ich anwatpatim jém yoxacuy juuts mich inxunpa iga jém pñixñtam miwixyajiñtim. ² Mich anchi jém pñimi iga ananjacpa itumpiy jém pñixñtam. Ampictson jém autoridad iga anchiiyajpa jém vida jém dapic cuyajpa itumpiy jém pñixñtam jém michpic anchiiñe. ³ Ipictsonyajpa jém vida jém dapic cuyajpa siiga miixpicyajpa mimich jém tumpic miDios y siiga aixpicyajpatim aich, jém aJesucristo jém michpic ancutsatne yíp naxyucmi.

⁴ Yajum anwat jém yoxacuy jém anchiiñewñp mimich, jeeyucmi tsam micujípyajpa jém ityajwñp yíp naxyucmi. ⁵ Sñp manJatun Dios, awadaayi juuts mich inxunpa iga acujíptañ con mimich juutstim acujípneta cuando jáy tawagañti cuando danam tanwatne yíp mundo.

⁶ Yíp ampñixñtam, jém incupinewñp yíp naxyucmi, mich immñichi idic y sñp mich anchi. Anaquejayyay yíp ampñixñtam itumpiy jém michpic ininquinmayooyi iga miwixpicyajiñ. Sñp iwatyajpa juuts nimpa ininquinmayooyi. ⁷ Sñp ijodónayaj iga mich immñichi itumpiy jém ananquinmayooyi jém michpic anchiiñe. ⁸ Anchiiñeyajum jém ampñixñtam jém anmatí, jém michpic anchiiñe. Sñp ipictsonneyajum jém anmatí y ijodónayajum iga numa ich amiñ sñyucmi jut miit. Icupicyajpa iga mich ancutsatne yíp naxyucmi.

⁹ Sñp mananwejpátpa mimich para jém ampñixñtam. Da mananwejpátpa para jém ityajwñp yíp naxyucmi jém dapic acupicneyaj. Solamente mananwejpátpa para jém ampñixñtam jém michpic anchiiñe porque immñichitim mich. ¹⁰ Itumpiy jém ichpic ammñichi, immñichitim mich. Y jém michpic immñichi, ammñichitim ich. Acujíptap aich porque jém ampñixñtam iwíwatyajpa.

¹¹ Sñp ich da atsiyppa yíp naxyucmi. Tsiyyajpa jém ampñixñtam. Ich anicpa sñyucmi jut miit. Sñp manJatun Dios, miCuáyñewñp, con mich impñimi watí cuenta jém ampñixñtam jém anchiiñewñp iga iniityajiñ tumti jixi juutstim taichtam. ¹² Iganam anwaganaiyay yíp naxyucmi jém ancuyujc#wiñ, jém anchiiñeyajwñp mimich, ich anwatneyaj cuenta con mich impñimi. Da ti inñascaneyaj. Da togoyñe ni tum, nada más jém togoyñewñp dende wiñgam. Je togoy iga cupacpa jém anmatí jém jaychacnetawñp.

¹³ Sñp anicpa jut miit, manJatun Dios. Pero iganam ait yíp naxyucmi, mannímáypa yípyaj cosa, jesic jém ancuyujc#wiñ maymáayajpatim juutstim aich. ¹⁴ Ich anchiiñeyaj jém ancuyujc#wiñ jém michpic ininmatí. Jém malopic pñixñtam, jém ityajwñp yíp naxyucmi, tsam ijóyixyajpa jém ancuyujc#wiñ porque jeeyaj datim yíp naxyucmic pic pñixñtam. Jextim juuts ich da yíp naxyucmic pic apñixñ. ¹⁵ Sñp da mannímáypa iga accaayi jém ancuyujc#wiñ yíp naxyucmi. Pero mannímáypa iga watí cuenta iga jém Wocñwiñ da wñp imalwadáy. ¹⁶ Ich ancuyujc#wiñ da je yíp naxyucmic pic pñixñtam, jextim juuts aich da yíp naxyucmic pic apñixñ. ¹⁷ Accámayaj yíp ancuyujc#wiñ juuts mich inñyoxacñwiñ iga tsiyyajiñ juuts mich immñichi iga inmatyajiñ jém numapic anmatí. Jém michpic ininmatí jém nunta numapic. ¹⁸ Ancutsatpa jém ancuyujc#wiñ iga inquejayyajiñ jém pñixñtam jém ityajwñp yíp naxyucmi juutstim mich ancutsatne yíp naxyucmi. ¹⁹ Ich anyaac anaccámta juuts mich inñyoxacñwiñ para que jém ancuyujc#wiñ wñpntim iniccám juuts tum inñyoxacñwiñ iga inmatyajiñ jém numapic anmatí.

²⁰ 'Da manañwejpátpa solamente para jém añcuyujcñwiñ jém siïppic it, pero manañwejpátpa para itumpiy jém pñxiñtam jém acupicyajpáppic aich cuando imatonayajpa jém añcuyujcñwiñ inmatí. ²¹ Manwágáypa, manJatun Dios, iga tumti jixi iniityajiñ itumpiy jém ampñxiñtam jém acupicneyajwñp, jesaptim juuts taich tumti jixi tanaitta. Yoxpaañ itumpiy jém acupicneyajwñp iga tumti jixi tanaittámiñ tantumpiytam. Jesic jém dapic acupicneyaj, wññ icupicyaj iga mich añcutsatne yíp naxyucmi. ²² Anchiiñe jém impimi, jém michpic anchi, iga tumti jixi iniityajiñ jextim juuts taichtam tumti tanjixi tanaitta. ²³ Ich ait jém añcuyujcñwiñ ñanamajom. Mich miittim ich añanamajom. Jeeyucmi tumti jixi tanaitta tantumpiytam. Jesic jém tungac pñxiñtam, jém dapic icupicneyaj, iwñjodon iga mich añcutsatne yíp naxyucmi. Ijodonñim iga tsam ññtoyaypa jém añcuyujcñwiñ juutstim mich antoypa aich.

²⁴ 'ManJatun Dios, ansunpa iga añwaganaityajiñ jém añcuyujcñwiñ, jém michpic anchiiñe. Ansunpatim iga iixyajiñ jém ampimi jém michpic anchiiñe porque mich antoypa antes que wattap yíp nas. ²⁵ ManJatun Dios, agui micuáñe. Jém ityajwñp yíp naxyucmi da miixpicyajpa, pero ich, numa máñxpicpa y jém ampñxiñtam ijodónayaj iga mich añcutsatne yíp naxyucmi. ²⁶ Añwñañquejáy jeeyaj iga icutñyiyajiñ iga miñapaap mimich. Seguido anañquejáypa iga iniityajiñ jém wñbic tóyooyi juuts mich antoypa aich. Jesic ich ait jém ampñxiñtam ñanamajom.

18

Matsta Jesús, nanicta preso

(Mt. 26:47-56; Mr. 14:43-50; Lc. 22:47-53)

¹ Jesic cuando yaj inmat yípyaj añmatí, moj ñiquiyaj con jém icuyujcñwiñ. Nicyaj tum ni añwiñtuc, ññyi Cedrón. Jemum it tum finca de olivos, tigiyaj Jesús con icuyujcñwiñ. ² Jém Judas, jém iwadaypaap atraición, ijodonñim jut it jém lugar porque wactiy iwaganaoyaj jém Jesús jém icuyujcñwiñ. ³ Jém panij añjagooyiyaj con jém fariseoyaj icutsatyaj jutén pñxiñtam y jém policía con jém Judas iga nicpa imatsyaj jém Jesús. Jesic jém Judas ininicpa jeeyaj hasta jut it jém Jesús. Ininicyaj jém espada y lanza. Ininicyajpatim jucti iga iyicquejpa. ⁴ Iwñjodon Jesús ti ññascaaba, pero da cñpa. Jesic nic iwññquejáy jém miññeyajwñp. Ññímáy jeeyaj:

—¿I immétsa?

⁵ Nímyajpa jém policía:

—Jém Jesús, jém Nazaretpic.

Jesic Jesús ññímáy:

—Aicham.

Jém Judas, jém iwadaypaap atraición jém Jesús, iwaganait jém policía. ⁶ Cuando ññímáy Jesús jém miññeyajwñp iga: “Aicham”, jesic itumpiy de jeeyaj ññiccayaj ituuñi, tsutyaj.

⁷ Jesic eybictim ññímáy Jesús jém policía:

—¿I immétsa?

Nímyajpa jeeyaj:

—Jém Jesús, jém Nazaretpic.

⁸ Jesús eybic ññímáy jeeyaj:

—Mannímáyñeum iga aicham. Siiga ammétstampa aich, jesic wiñti jégaayi iga nicyajiñ yíp ampñxiñtam.

⁹ Nímpa jempic jém Jesús iga cupacpa jém añmatí jém inmatnewñp wiñti. Nímpa: “Jém ampñxiñtam, jém achiiñewñp Dios, ni tum da antsictogoy.” ¹⁰ Jesic jém Peto itop jém

espada, itinquímay tum p̄ixiñ itatsic jém anw̄im̄ip̄ic. Jém p̄ixiñ icuyoxap jém cobacp̄ic panij, iñiyi Malco. ¹¹ Jesic Jesús iñímáy jém Peto:

—Coti jém espada iñacjom. ¿Que da iñjodon iga anJatun Dios ij̄icpa iga ayaachwattap y ich tienes que anyaach̄iypa?

Nanicta Jesús jém panij anjagooyi iticc̄im
(Mt. 26:57-58; Mr. 14:53-54; Lc. 22:54)

¹² Jesic jém p̄ixiñtam jém icutsatneyajw̄ip̄ jém panijyaj y jém comandante con ipolicía imatsyaj jém Jesús. Ichenyaj. ¹³ Jesic wiñti nanictap Jesús jém Anás iticc̄im, jém Anás im̄it jém Caifás, jém cobacp̄ic panij jém amt̄iy. ¹⁴ Jeetim Caifás, jém ichiñew̄ip̄ consejo jém judíos, iga más w̄i iga accataiñ tum p̄ixiñ iga odoy togoyajiñ itump̄iy jém Israelp̄ic p̄ixiñtam.

Jém Peto inécpa iga iixp̄icpa Jesús
(Mt. 26:69-70; Mr. 14:66-68; Lc. 22:55-57)

¹⁵ Jém Peto itúñiy Jesús con jém tungac icuyujc̄iwiñ. Jém Caifás iixp̄icpa jém p̄ixiñ, jeeyucmi tigiy con Jesús jém Caifás itaañijom. ¹⁶ Pero ts̄iy an̄sicmi jém Peto jém taañi an̄aca. Tigiyñe jém tungac discípulo, jém iixp̄icp̄ap̄ic jém Caifás, ij̄iyáy jém yomo jém iwatp̄ap̄ic cuenta jém puerta. Iacunucsáy iga tigiyiñ jém Peto.

¹⁷ Jesic jém yomo iñímáypa jém Peto:

—¿Que mimich, da ȳip̄ p̄ixiñ micuyujc̄iwiñ?

Jesic n̄impa jém Peto:

—Ich da aje.

¹⁸ Jesic como tsam succuc, jém policía con jém icuyoxayajpaap jém cobacp̄ic panij, icnúcyaj jucti iga samyajpa. Iwaganaityajtim jém Peto. Sampatim mex je.

Jém panij anjagooyi icwácpa Jesús
(Mt. 26:59-66; Mr. 14:55-64; Lc. 22:66-71)

¹⁹ Jesic jém cobacp̄ic panij moj icwác jém Jesús. Nímaytap:

—¿Itam jém in̄cuyujc̄iwiñ? ¿Juutsp̄ic an̄químayooyi s̄ip̄ in̄iquej?

²⁰ Jesic Jesús icutson̄. N̄impa:

—Ich siempre ananmatpa jém ananmat̄i itump̄iy jém p̄ixiñtam iwiñjom jut w̄iap imaton̄yaj i quej. Siempre accuyujóypa jém sinagoga y jém m̄ijp̄ic mast̄icjom. Da ti anyámanmatpa. ²¹ ¿Tiiga anacwácpa aich? Acwácyāi jém p̄ixiñtam jém amaton̄neyajw̄ip̄. Jeeyaj w̄iap min̄madayyaj ti ananquejayñeyaj. Iwijodon̄yaj ti annímáy.

²² Cuando n̄impa jem̄p̄ic jém Jesús, jesic tum policía ichi tum toji iacpacyucmi. N̄impa jém policía:

—¿Que jem̄pigam in̄cutson̄pa jém cobacp̄ic panij?

²³ Jesic Jesús iñímáy jém policía:

—Siiga amalnim, jesic anímaayi ti mal anim. Pero siiga da amalnimne, ¿jesic tiiga an̄cótspa?

²⁴ Tsennetā jém Jesús cuando jém Anás icutsadáy jém cobacp̄ic panij, jém Caifás.

Eybictim inécpa jém Peto iga iixp̄icpa Jesús
(Mt. 26:71-75; Mr. 14:69-72; Lc. 22:58-62)

²⁵ Jesic jemum teñ jém Peto nocojom jém juctic̄im. Sampa ixi. Jém ityajw̄ip̄ iñímayyaj jém Peto:

—Mimich, ¿da ȳip̄ p̄ixiñ micuyujc̄iwiñ?

Jém Peto inécpa. N̄impa:

—Ich da aje.

²⁶ Jesic tum jém icuyoxapaap jém cobacpic panij ijíyáypa jém Peto. Jém itíwi, jém itinquímayñewiip itatsic. Nímayta jém Peto:

—¿Que da mánix jém finca de olivos, jut matsta jém pxiñ?

²⁷ Jesic eybictim inéc jém Peto iga iixpicpa Jesús. Jesic jeetim rato anwejpá tum cayu.

Nanicta Jesús jém Pilato iwiñjom

(Mt. 27:1-2, 11-14; Mr. 15:1-5; Lc. 23:1-5)

²⁸ Jesic topta Jesús jém Caifás iticcim. Nanicta jém palacio jut it jém Romapic gobernador. Tsuuytim. Joccuquej. Jém panij anjagooyiyaj da tigiyaj jém palacio porque ijisyajpa jém Israelpic pxiñtam siiga tigiyajpa jém Romapic pxiñtam iticjom, da tsíy juuts cuáyñe, jesic da wiap icútyaj jém pascuasij wíccuy. ²⁹ Jeeyucmi put ipalacio jém Pilato, nic ançim iga iám jém Israelpic anjagooyiyaj. Nímayta jeeyaj:

—¿Tí quejaj inimiñ para yíp pxiñ?

³⁰ Jesic jém judíos injagooyiyaj icutsonyaj, nimyaj:

—Meega da pimi mal iwatne yíp pxiñ, jesic da mañçijunçodáypa inçijom.

³¹ Jesic jém Pilato iñímáy jeeyaj:

—Nasettaami eybic jemíc, çipinçtaami con michtam ininquímayooyi.

Jesic nimyajpa jém judíos:

—Da anaíta derecho iga anacaaatámpa ni tum pxiñ.

³² Iwatyajpa jempic iga cupacpa jém anmatí jém nimnewiip Jesús cuando iñímáy jém icuyujçiwíñ jutpic accaatap. ³³ Jesic jém Pilato tigiygacum jém palacio. Inwejay Jesús, iñímáy:

—¿Que micham jém judíospic miRey?

³⁴ Jesic Jesús icutson jém gobernador, iñímáy:

—¿Que mich iñyaac miñimpa jempic o tungac miñmadayñe iga aipapaap?

³⁵ Nimpa jém Pilato:

—¿Que ich ajudío? Jém michpic iñtiwítam, jém judíos, con jém panij anjagooyiyaj micijunçotyaj ich ançijom. ¿Tí mal inwatne?

³⁶ Jesic Jesús iñímáy jém Pilato:

—Numa ich atsíypa juuts anjagooyi, pero da ananjacpa jém pxiñtam juuts yíp naxyucmipic anjagooyiyaj. Siiga ananjacpa juuts yíp naxyucmipic anjagooyi, jesic anayajpa jém ampxiñtam iga odoy i waiñ acijunçot jém judíos icijom. Pero ich da ananjacpa juuts yíp naxyucmipic anjagooyiyaj.

³⁷ Jesic jém Pilato iñímáy jém Jesús:

—¿Que numa micham jém miRey?

Jesús icutson. Nimpa:

—Mich miñimpa iga ich aRey. Ich anay y amiñ yíp naxyucmi iga anañmadáypa jém pxiñtam jém numapic anquímayooyi. Jesic itumpiy jém icupicyajpáppic jém numapic anquímayooyi, imatoñyajpa ti anañmadáypa.

³⁸ Nimpa jém Pilato:

—¿Tí jém numapic anquímayooyi?

Cijunçotta Jesús iga accaatáñ

(Mt. 27:15-31; Mr. 15:6-20; Lc. 23:13-25)

Jesic cuando yaj icwác jém Pilato, putgac ançicmi. Eybictim nic iñímáy jém judíos:

—Ni tum itánca da ampadáy yíp pxiñ. ³⁹ Pero iniitta tum costumbre iga cada pascuasij ançutsigáypa tum preso para mimichtam. ¿Jesic ti iñxunpa, inwianjamta iga ançutsigáypa jém judíos iRey?

⁴⁰ Jesic itumpiy de jeeyaj eybictim pimi jiyaypa. Nimyajpa:
—Odoy cutsigaayi yip pixiñ. Cutsigaayi jem Barrabás.
Jem Barrabás tum númpaap.

19

¹ Jesic jem Pilato ipimiy isoldado iga imatsyajiñ jem Jesús y icótsyajiñ pimi con jem cótsóycuy. ² Jesic ocmi jem soldado ipicyaj apit, itacpa tum corona, iccámayyaj jem Jesús icobacyucmi. Iccámayyajtim tum yagats yooti moradopic. ³ Jem soldado ixaayiyaypa, icunúcyajpa Jesús, inímayyajpa:

—Xutsóy, miRey de jem judíos.
Tsam icótsayyajpa iacpac.

⁴ Jesic jem Pilato eybic put anšicmi jem ipalacio. Inímay jem judíos:
—Ixtaami. Manamíñay eybic yip pixiñ iga manacjodónata iga da ampádáy ni tum itánca.

⁵ Jesic naputtá Jesús jem palacio. Accámayñeta jem apit corona icobacyucmi. Accámayñetaťim jem yagats yooti moradopic. Jesic jem Pilato inímay jeeyaj:

—Yim it jem pixiñ.

⁶ Jesic cuando jem panij anjagooyiyaj con jem policia iixyay jem Jesús, pimi jiyaypa, nimyajpa:

—¡Cunúntaami cunusyucmi! ¡Cunúntaami cunusyucmi!

Jesic Pilato inímay jeeyaj:

—Nanictaami mimichtam. Cunúntaami cunusyucmi. Ich da ampádáy ni tum itánca.

⁷ Pero jem judíos inímayyaj jem Pilato:

—Anaitta tum ananquímayooyi. Nimpa jem ananquímayooyi iga accataiñ jem pixiñ porque nimpa iga: “Dios aManic.”

⁸ Jesic jem Pilato mu imaton ti inmadayyaj, mástím cñ. ⁹ Jesic eybictim jem Pilato ininic Jesús jem palacio, eybic icwácpa, nímayta:

—¿Jutpic mipixiñ?

Pero Jesús da icutson.

¹⁰ Jesic Pilato inímay jem Jesús:

—¿Que mimich, da anjáyaypa? ¿Da injodon iga ich anait jem autoridad iga mancunúnpa cunusyucmi y anaittim autoridad iga mancutsigáypa?

¹¹ Jesic Jesús inímaypa jem Pilato:

—Mich da ti wíap anwadáy siiga da ijícpa anjatun Dios. Jem autoridad jem iniitwíp mimich, michiñe jem anjatun Dios. Jeeyucmi jem acijuncotnewíp mich inçijom más táñcaiy que mimich.

¹² Dende jesigam jem Pilato imétstip jutsap icutsigáy jem Jesús. Pero pimi jiyaypa jem judíos. Nimyajpa:

—Siiga inçutsigáypa yip pixiñ, jesic da je miamigo jem emperador jem itwíp Roma. Siiga tum pixiñ nacámtať iga rey, jesic tsíypa iga jem emperador ienemigo.

¹³ Jesic cuando jem Pilato imaton ti inímayyajpa jem pixiñtam, eybictim itop jem Jesús jem palacio. Ininic anšicmi. Coñ jem Pilato jem coñcuyucmi jut cñpínóypa. Jem lugar iníyi Gabata. Jem hebreopic anmatimi nimtooba jem piso jut wíwatnetá con jem tsa.

¹⁴ Iwatyajpa jempic como las seis de la mañana. Yip jem jama antes que núcpa jem jejcuyjama, jeetim semana cuando wattap jem pascuasñ. Jesic jem Pilato inímay jem judíos:

—Yim it jem inRey.

¹⁵ Jesic pimi jiyajpa jem pixiñtam. Nimyajpa:

—¡Accaataami! ¡Accaataami! ¡Cunúntaami cunusyucmi!

Jém Pilato iñímáy jem pixiñtam:

—¿Que iñxuntámpa iga añcunúnpa cunusyucmi jem iñRey?

Jesic jem panij añjagooyaj iñímayyajpa jem Pilato:

—Da anaíta tungac más rey. Aichtam anrey jem emperador jem itwip Roma.

¹⁶ Jesic ocmi jem Pilato icijunçot Jesús jem soldado icijom iga cunúntaiñ cunusyucmi. Jeeyaj ininicyaj jem Jesús.

Cunúnta cunusyucmi jem Jesús

(Mt. 27:32-44; Mr. 15:21-32; Lc. 23:26-43)

¹⁷ Jesic nanicta Jesús. Accónnetá icunus. Nicpa jem lugar iñiyi jem Tsútscoꝑacpacçim. Iñiyitim Gólgota jem añmatimi hebreo. ¹⁸ Jemum cunúnta Jesús cunusyucmi. Jeetim jama cunúntatim cunusyucmi tungac wisten pixiñ. Pájayta jem icunus tumtum cada lado. Cucmi tsíy jem Jesús icunus. ¹⁹ Jém Pilato iwat tum letrero iga accámaytaiñ jem Jesús icobacantcimi. Jaycámetá: “Jesús jem Nazaretpic jem judíos iRey.” ²⁰ Jáyan jem judíos imayyajpa jem letrero porque jut cunúnnetá cunusyucmi jem Jesús, da juumi de jem atebet Jerusalén. Watnetawom jem letrero tres añmatimi, jem hebreo, jem latín y griego. ²¹ Jém panij añjagooyi iñímayyaj jem Pilato:

—Odoj jayí iga: “judíos iRey”, jayí iga: “Nimpa yíp pixiñ iga ich aRey de jem judíos.”

²² Pero jem Pilato iñímáy jem panijyaj:

—Como anjayñeum, tsíyñam jutpic anjayñe.

²³ Jesic jem soldado cuando icunúnneyajum jem Jesús cunusyucmi, itobayyaj itumpiy jem Jesús ipuctucu. Iwécyaj icucuatro jem soldado, pero jem iyooti tácnetá icuyagats, da núne. ²⁴ Jesic nanímayyajta jem soldado:

—Da tanjactámpa yíp yooti, pero tammétstámpa por sorteo i icoñwíypa. Jeam imichap yíp yooti.

Iwatyajpa jempic iga cupacpa jem añmati juuts jayñeta jem Dios inmati. Nimpa iga: “Jém pixiñtam awégayyajpa ich ampuctucu. Imétsyajpa por sorteo i icoñwíypa jem anyooti.” Jempam iwatyaj jem soldado.

²⁵ Jut cunúnnetá cunusyucmi Jesús, da juumi ittim iapa, con iapa iyomtíwi, it jem Malía jem Cleofas iwichomo y Malía Magdalena. ²⁶ Jesic cuando iix Jesús jem iapa y iixtim iga nocojom teñ tum jem icuyujcwiñ jem tsampic itoypa, jesic iñímáy jem iapa.

—Miyomo, jempic it mich immanic.

²⁷ Jesic ocmi jem Jesús iñímáyitim jem icuyujcwiñ jem tsampic itoypa:

—Jempic it mich iñapa.

Jesic dende jem tiempo jem pixiñ ininic jem Jesús iapa iticçim iga iwatpa cuenta.

Ca jem Jesús

(Mt. 27:45-56; Mr. 15:33-41; Lc. 23:44-49)

²⁸ Jesic ocmi ijodon Jesús iga cupacneum itumpiy jem iyoxacuy. Jesic iga cupacpa jem Dios inmati, jem jaychacnetawip, nimpá:

—Ich aníctitspa.

²⁹ Jemum it tum majcuy comne con jem tãmpic vino. Jesic algunos imujpa juuts tum puqui con jem vino, iccám tum waycuyucmi iga igucpa Jesús uxaj jem vino. ³⁰ Jesic iuc uxaj jem tãmpic vino, nim Jesús:

—Cupacneum.

Iñquet icobac, put ianama, caum jem Jesús.

Tsénayta jém Jesús ipócpacaḥḥaca con lanza

³¹ Jesic yíp jém jama antes que núcpa jém jejcuyjama. Jeetim jejcuy jama cuyajpa jém pascuasiḥ, jeeyucmi jém judíos da iwianjamyaj iga tsíyyajpa jém tsúts cunusyucmi jém jejcuyjama. Jesic iwágayyajpa jém Pilato iga ichiñ orde iga nácsnácsquídáytañ jém iwítputy jém cunúnnetawḥip cunusyucmi iga ixtañ iga caaneum. Jesic wiap icquetyaj.

³² Jesic jém soldado nic iñácsnácsquídáyay iwítputy jém wiñtipic pxiñ jém cunúnnetawḥip cunusyucmi con Jesús y ocmi jém tungac. ³³ Pero cuando núcyaj juḥ it jém Jesús, jém soldado iixyaj iga caaneum. Jeeyucmi da iñácsnácsquídáy jém iwítputy.

³⁴ Pero tum soldado ichéḥáy ipócpacaḥḥaca con lanza, jeeti rato putpa nḥipiñ y ni. ³⁵ Ich, jém ánixñewḥip ti iñasca jém Jesús, atsíy juuts testigo jém numapic iga incupictámiñ. Da mammigóyáypa. Ich anwíjodon ti síp manañmadáy. ³⁶ Iwatyajpa jempic iga cupacpa jém anmati juḥ jayñeta jém Dios inmati. Nimpa iga: “Da i iquídáypa ni tum ipac.” ³⁷ Tungac parte nimpatim jém Dios inmati: “Jém pxiñ agui iámyajpa jém pxiñ jém tseñnetawḥip.”

Cumta jém Jesús

(Mt. 27:57-61; Mr. 15:42-47; Lc. 23:50-56)

³⁸ Ittim jem tum pxiñ iñyi José, Arimateapic pxiñ. Icupicnetim Jesús, pero inyampa iga icupicpa porque tsam icinpa jém Israelpic anjagooyiyaj. Jesic cuando caaneum Jesús, jém José nic iwágáy permiso jém Pilato iga ininigáypa Jesús imíjtay. Jém Pilato ichi permiso. Jesic jém José oy ipigáy imíjtay, ininic. ³⁹ Sibatim jém Nicodemo, jém oyñewḥip iám Jesús tsuucim. Jém Nicodemo inimiñ cien libras jém pooti jém cḥnpaap, namotnetaj jém mirra con jém áloes. ⁴⁰ Jesic jém José y jém Nicodemo ininigáy jém Jesús imíjtay. Iccámayyaj jém pooti jém cḥnpaap, inmónayyaj con wibic punctucu. Iwadáy itumpiy juuts jém Israelpic pxiñtam icostumbre cuando icumpa tum tsúts. ⁴¹ Jem juḥ cunúnta cunusyucmi jém Jesús it tum huerto. Jém huertojom it tum tsaajos yaguiñ watnetaj, juḥ cumtap tsúts. Pero da i queman icot ni tum tsúts jém tsaajosjom. ⁴² Noco it jém tsaajos. Jeeyucmi jém José y Nicodemo nic icodayyaj jém Jesús imíjtay jém tsaajosjom porque tsucumtoobam jém jejcuy jama iga jejyajpa jém judíos.

20

Pis jém Jesús

(Mt. 28:1-10; Mr. 16:1-8; Lc. 24:1-12)

¹ Jesic cuando nasneum jém jejcuyjama, jém tungagam jama, icuquejama, jém Malía Magdalena nic tsuuytim jém tsaajoscim. Piichinam. Mu iñúc, iix iga jopputnetawum jém tsa jém jos innúccuy. ² Jesic póyaḥtsucum jém Malía, nic iám jém Peto y jém tungac icuyujcḥwiñ, jém tsampic itoypa Jesús. Jém Malía iñímáy jém wisten icuyujcḥwiñ:

—Topnetawum jém tánomi imíjtay jém tsaajosjom, nanicnetawum. Da anjodon juḥ tsacta.

³ Jesic moj niqui jém Peto con jém tungac jém Jesús icuyujcḥwiñ. Nicayajpa jém tsaajoscim. ⁴ Poyimi nicayaj icuistic, pero jém tungac icuyujcḥwiñ más jicsciy nic que jém Peto. Anjagóy miñúc jém tsaajoscim. ⁵ Jém mojnewḥip nuuqui ámcúm jém tsaajosjom. Iix iga it no más jém wibic punctucu, jém Jesús inmónóycuy, pero da tigiy jém tsaajosjom. ⁶ Ocmim núc jém Peto, tuuñiaḥcim miñ. Tigiy jém tsaajosjom. Iixtim iga jemum it no más jém inmónóycuy. ⁷ Iixtim iga it jém icobacaḥmónóycuy, pacnetawum, tsacnetawum tum áḥeymi. ⁸ Jesic tigiy mex jém tungac icuyujcḥwiñ, jém mojnewḥip nuuqui jém tsaajoscim. Iix iga da i jém Jesús imíjtay, jesic icupic iga pisneum. ⁹ Porque danam icutiyyiñeyaj jém Dios inmati juḥ jayñeta iga tienes que pispa jém Jesús de juḥ it jém caaneyajwḥip. ¹⁰ Jesic jém wisten jém icuyujcḥwiñ setyaj eybic iticim.

Iwiñquejáy Jesús jém Malía Magdalena
(Mr. 16:9-11)

¹¹ Pero tsíy jém Malía jém tsaajosaññaca. Wejpa jém yomo. Iganam wejpa ámcúmpa jém tsaajosjom. ¹² Iix wisten jém sinyucmipic pìxiñ. Agui popo ipuctucu. Jemum coñyay jut it idic jém Jesús imijtay. Tum coñ jut it idic icobac, tum coñ jut it idic ipuy. ¹³ Jesic jeeyaj icwácyajpa jém Malía. Nímaytap:

—Miyomo, ¿tiiga miwejpa?

Jesic nimpá jém Malía:

—Awejpa porque nanicnetawum jém ánQmi imijtay y da anjodon jut tsagayñeta.

¹⁴ Cuando yaj jiyi jém Malía, ámsset ituuñiañcñm. Iix iga jemum teñ jém Jesús. Pero da icutiyyíypa iga numa jeam jém Jesús. ¹⁵ Jesic Jesús iñímáy jém Malía:

—Miyomo, ¿tiiga miwejpa? ¿Immétspa?

Jém Malía da iixpicpa iga jeam jém Jesús, injampa iga je jém pìxiñ jém iwatpáppic cuenta jém huerto. Jeeyucmi Malía iñímáy:

—Mimich, siiga ininicne jém ánQmi imijtay, añmadaayi jut iñchacne, jesic nicpa ampic.

¹⁶ Jesic nimpá Jesús:

—¡MiMalía!

Jesic ámsset jém Malía. Ijáyay jém Jesús. Nímayta jém hebreopic añmatimi:

—¡Raboni!

Tanañmatimi nimtooba: MamMaestro.

¹⁷ Jesic Jesús iñímáypa jém Malía:

—Odooy atsici porque danam aquímne jut it anjatun Dios. Siip nigí añmadaayi jém tantiwitam, jém añcuyujcñwiñ, iga aquímgacpa jut it jém anjatun y iñjatunñim mimichtam, hasta jut it ich anDios y iñdiosñim mimichtam.

¹⁸ Jesic jém Malía Magdalena nic inmadáy jém Jesús icuyujcñwiñ. Nimpá jém Malía:

—Ánixñeum jém tánQmi.

Inmadáyñim jeeyaj ti iñímáy jém Jesús.

Iwiñquejáyñim Jesús jém icuyujcñwiñ
(Mt. 28:16-20; Mr. 16:14-18; Lc. 24:36-49)

¹⁹ Jesic jém wiñtipic jama de jém semana, añtuumaneyaj tsuucñm jém Jesús icuyujcñwiñ tum ticjom. Wianpajnetá jém tic porque tsam icinyajpa jém judíos. Jesic jeeti rato iixyay iga jém Jesús iwaganaityajum icuyujcñwiñ. Pero da i iix jut tigiy. Nimpá jém Jesús:

—¡Xutsóytam!

²⁰ Mu iñímáy Jesús, jesic inquejáy jém ici y ipópcaññaca jut coowane. Jesic icuyujcñwiñ cuando iixyay jém tánQmi, tsam pimi maymayyaj. ²¹ Jesic eybictim iñímáy Jesús:

—¡Xutsóytam! Juuts jém anjatun Dios acutsat yíp naxyucmi iga añwatpa jém Dios iyoxacuy, jempictim mancutsattámpa mimichtam iga inwattámiñ jém Dios iyoxacuy.

²² Jesic cuando yaj inmadáy jempic jém Jesús, ixujpa jém icuyujcñwiñ. Iñímáy:

—Pictsonñtaami jém Dios iAnama. ²³ Siiga mimichtam iñyoxpátpa jém pìxiñtam iga jeeyaj inmadáypa Dios itañca, jesic wadaytap perdón jém itañca. Dam i ichiiba castigo. Pero siiga da iñyoxpátpa jém pìxiñtam iga inmadáypa Dios itañca, jesic da i iwadáypa perdón jém itañca.

Jém Tomax iix iga numa pisneum jém Jesús

²⁴ Pero jém Tomax tum de jém docepic icuyujcñwiñ, jém iñiyitim Mechi, da i con los de más cuando núc jém Jesús jut it icuyujcñwiñ. ²⁵ Jesic jém tunñgac icuyujcñwiñ inmadayyaj jém Tomax ti iixñeyaj:

—Ánixñetámum jém tánQmi.

Pero jém Tomax iñímáy jeeyaj:

—Siiga da ánixáypa ici juf jetne con jém clavos y añcodáypa añwayci juf coowane y siiga da añcucompa añci juf tseñayñeta jém ipócpacañaca, jesic da añcupicpa.

²⁶ Jesic tunḡagam ocho día eybictim añtuumayaj jém Jesús icuyujc#wiñ tum ticcim. Jesic itum mex jém Tomax. Iwianpajneyajtim jém tic. Jesic eybictim miñ Jesús, iwaganaityaj jém icuyujc#wiñ. Da i iix juf tigiy jém Jesús. Iñímáy jeeyaj:

—¡Xutsóytam!

²⁷ Jesic iñímáy jém Tomax:

—Miñi aámaayi jém añci. Coti inwayci juf coowane. Cucomi inçi juf coowane jém ampócpacañaca. Tsaci iga da inçupicpa. Cupici iga apisneum.

²⁸ Jesic jém Tomax iñímáy jém Jesús:

—¡MánQmi, manDios!

²⁹ Jesic Jesús iñímáy jém Tomax:

—Mich inçupicpa iga apisneum porque ánixñe. Pero tsam wítta jém dapic ánixñeyaj, pero icupicyajpa iga apisneum.

Nimpa jém Xiwan tiiga ijay yíp libro

³⁰ Jém Jesús tsam jáyan wítampic milagro iwat cuando iwaganaif icuyujc#wiñ. Pero da anjaycámne itumpiy jém milagro yíp librojom. ³¹ Pero yimpic anjaycámneum iga inçupictámiñ iga Jesús je jém Cristo jém Dios iManic. Siiga inçupictámpa, jesic impictsonjámpa jém vida jém dapic cuyajpa jém tánQmi Cristo iñiyimi.

21

Iwiñquejáy Jesús siete jém icuyujc#wiñ

¹ Jesic ocmim Jesús iwiñquejáy eybictim jém icuyujc#wiñ jém laguna añaca jém Tiberias. Yimpic iwiñquejáy jém icuyujc#wiñ. ² Iwaganaityaj jém Ximój Peto algunos jém Jesús icuyujc#wiñ. It jém Tomax, iñiyitim Mechi, ittim Natanael jém Galileapic pxiñ, ittim Zebedeo imañictam con tunḡac wisten jém icuyujc#wiñ. ³ Jesic jém Ximój Peto iñímáy jém icompañeroyaj:

—Nícpa atipmachí.

Nimyaj jeeyaj:

—Anictámpatim. Tawaganicpa.

Jesic nicyaj, quimyaj tum barcojom. Pero jém tsuu da ti imatsyaj ni tum ttipi. ⁴ Jesic cuquejtoobam, núc Jesús jém ni añaca. Pero jém icuyujc#wiñ da iixpicyaj iga Jesús.

⁵ Jesic jiyapa Jesús, iñímáy:

—¿Miwoñjaychixtam, da iniitta ttipi?

Jeeyaj icutsonyaj. Nimyaj:

—Da i.

⁶ Jesic jém Jesús iñímáy jeeyaj:

—Coti jém iñred jém añwimipic lado de jém imbarco. Jemum immatspa jém ttipi.

Jesic icotyaj jém ired y tsam jáyan ttipi imatsyaj. Da wíap itopyaj jém ired porque tsam jáyan ttipi imatsyaj. ⁷ Jesic jém Jesús icuyujc#wiñ, jém tsampic itoypa, iñímáy jém Peto:

—Yíbam jém tánQmi.

Jesic cuando jém Peto imatoñ iga tánQmi, icot iyooti, porque iccáyñe idic iga ttipmatspa. Quet jém barcojom, tigiy niicim jém Peto iga nicpa iam jém Jesús. ⁸ Jesic los de más jém Jesús icuyujc#wiñ inimiñyaj jém barco hasta playa añaca. Ijicneyaj jém red comne de ttipi, porque da juumi jém playa como cien metros. ⁹ Cuando putyaj ançicmi, ipátyaj juf

acnúcnetā jucti. Iixyaj iga s̄ip̄ ijaastā t̄ipī juuyjōm, ittim caxtánañi. ¹⁰ Jesic Jesús iñímáy icuyujc̄wiñ:

—Namiñi algunos jém t̄ipī jém yaguiñpic immatsta.

¹¹ Jém Peto quím jém barcoyucmi, iwij jém ired, moj ijic an̄sicmi. Comne jém red con mijtampic t̄ipī. Ityaj ciento cincuenta y tres. Tsam jáyaŋ t̄ipī, pero da jac jém red. ¹² Jesic Jesús iñímáy jém icuyujc̄wiñ:

—Miñi miwiiquitam.

Ni tum de jém icuyujc̄wiñ da icwácyaŋ iga: “¿Miiapaap?” Porque iñuntawijōdoŋ iga tánōmi. ¹³ Jesic Jesús icunúc, ipic jém caxtánañi ic̄ijōm, ichi icuyujc̄wiñ, jesap̄tim iwat con jém t̄ipī.

¹⁴ S̄ip̄ tres vecesam iwiñquejáy Jesús jém icuyujc̄wiñ dende pisne.

An̄matyajpa Jesús con jém Peto

¹⁵ Jesic yaj wiiquiyaj, jém Jesús icwác jém Peto. Nímayta:

—MiPeto, jém Jonás mim̄anic, ¿que mich más antoypa que jém tuŋgac an̄cuyujc̄wiñ?

Jesic Peto icutsoŋ. Iñímáy jém Jesús:

—Numa, mánōmi, mich iñjōdoŋ iga tsam mantoypa.

Jesic Jesús iñímáy jém Peto:

—Acwiici jém ammañborregoyaj.

¹⁶ Jesic eybictim icwácpa Jesús jém Peto. Nímayta:

—MiPeto, jém Jonás mim̄anic, ¿que tsam antoypa?

Jém Peto icutsoŋ. Nímpa:

—Numa, mich iñjōdoŋ iga tsam mantoypa.

Jesic Jesús iñímáy:

—Wati cuenta jém amborregoyaj.

¹⁷ Jém Jesús túcciyam icwácpa jém Peto. Nímaytap:

—MiPeto, jém Jonás mim̄anic, ¿que tsam antoypa?

Jesic jém Peto tsam an̄yác porque tres vecesam icwácpa siiga itoypa, jesic iñímáy jém Jesús:

—Mánōmi, mich iñjōdoŋ itumpiy cosa. Iñjōdoŋtim iga mantoypa.

Jesic Jesús iñímáy jém Peto:

—Acwícyaji jém amborregoyaj. ¹⁸ Numa mannímáypa iga cuando danam michami, jesic in̄cotpa iñyaac jém iñyooŋi y miñicpa juŋ mich iñxunpa. Pero cuando michamim, jesic iñt̄impa in̄ci y tuŋgac miccámáypa iñyooŋi. Minin̄icpa juŋ mich da miñictooba.

¹⁹ Nímpa jem̄pic Jesús iga icjōdōŋap juŋpic accaatap jém Peto iga cujíptañ Dios. Jesic Jesús iñímáy jém Peto:

—Atúñiyi.

Jém Jesús icuyujc̄wiñ jém tsampic itoypa

²⁰ Jesic ámsetpa jém Peto, iix iga itúñiyapa jém tuŋgac jém Jesús icuyujc̄wiñ jém tsampic itoypa, jém ipitsnew̄ip̄ cuando wagawícyajpa jém pascuas̄iŋ. Jeetim p̄ixiñ jém icwácnew̄ip̄ Jesús iga: “¿I miwadáypa atraición?” ²¹ Cuando Peto iix iga itúñiyapa jém p̄ixiñ, jesic iñímáypa jém Jesús:

—Mánōmi, ¿ti iñascaaba yíp p̄ixiñ?

²² Jesús icutsoŋ. Nímaytap jém Peto:

—Siiga ich ansunpa iga da caaba yíp p̄ixiñ hasta amiñgacpa, ¿jesic mich iñticut̄igiyi? Mich atúñiyi.

²³ Núc jém aḡmati jut it jém icupicneyajwīp Jesús, waḡpa iga da caaba jém tum jém icuyujcīwiñ, jém tsampic itoypa. Pero Jesús da nim iga da caaba jém pīxiñ. Nim iga: “Siiga ich ansunpa iga da caaba yīp pīxiñ hasta amiñgacpa, ¿jesic mich iñticutīgīyī?”

²⁴ Icham jém aXiwan jém tsampic atoypa jém Jesús, jeeyucmī wīap manañmadáy yīpyaj cosa. Sīp anjaycāmpa librojom. Anjodoḡ iga da je mīgooyi.

²⁵ Ityaj jáyaḡ cosa más jém iwatnewīp Jesús. Siiga jaycāmtap itumpiy cosa juuts iwatne Jesús, ich anīmpa iga icuwīti yīp naxyucmī da cutīgīyyajpa jém libro. Jemum cuyaj.

Ti iwatyaj jém Apóstolyaj

Jesucristo ijycunúc iga icutsatpa Dios iAnama

¹ Mánamigo Teófilo, jém wintipic toto manjáyáy titam iwat Jesús y titam inquej dende wiñti ² hasta jém jama cuando quíngacpa siñyucmi. Antes que quíngacpa siñyucmi inquejáy jém apóstolyaj, jém icupiñnewiip, ti wiap iwatyaj. Inquejáy con jém Dios iAnama. ³ Jesic cuando yaj iñasca jém yaachaji iga mu iccaata, iwiñquejáy eybic jém icuyujcwiñ iga vivo. Cuarenta jama iwiñquejáy jém ipixiñtam wati veces iga iixyajiñ iga da caane. Inmadáy jutsap injac Dios jém ityajwip yíp naxyucmi.

Jesús químpa siñyucmi

⁴ Tum jama cuando antuumaneyajum jém icuyujcwiñ, jém Jesús inquím iga odooy putyajiñ jém attebet Jerusalén. Iñimáy iga:

—Anjooci hasta que cupacpa juuts mijycámayñe jém tanjatun Dios juuts ich mannímayñe. ⁵ Mannímáy iga jém Xiwan acchíóypa con ni, pero da jáypa michiitamtap jém Dios iAnama.

⁶ Jesic jém antuumaneyajwip icwácaypa jém Jesús:

—¿Que yípti rato moypa ininjac yíp tannaxyucmi Israel?

⁷ Jesús icutson, iñimáy:

—Michtam da wiap injodónata jucha ni júp jama iwatpa jém tanjatun Dios, iwatpa con ipimi juuts je ixunpa. ⁸ Pero mimichtam impictson támpa jém Dios ipimi. Michiitamtap jém Dios iAnama iga wiap ininjmadáy jém pxiñtam titam iñix iga ich anwatne. Moypa ininjmatá Jerusalén, icuwíti jém naxyucmi de Judea, hasta jém naxyucmi de Samaria, y hasta más juumi, icuwíti de yíp naxyucmi.

⁹ Cuando yaj inmadáy jém icuyujcwiñ, naquímta Jesús siñyucmi. Iganam síp iámyaj, ucsitogoy. Dam i más iix. ¹⁰ Iganam iámyajpa jut químpa Jesús siñyucmi, jeeti rato miñ iwaganateñ wisten pxiñ, agui popo ipuctucu. ¹¹ Iñimáy:

—MiGalileapic mipixiñtam, ¿tiiga miámquímnetá siñyucmi? Yíptim Jesús, jém químpnewiip siñyucmi, jempictim miñgacpa eybic.

Cupiñta jém Matías iga tsíyiñ juuts jém Judas

¹² Jesic setyaj Jerusalén de jém cotsic iñiyi Olivos. Ijuumi juuts nimpá jém ley iga wiap tanwiít tum jejcuy jama. ¹³ Cuando núcyaj jém attebet Jerusalén, químyaj jém yucmipic piso. Tigíyyaj jém cuarto jém iñúcsneyajwip. Jemum ittim Peto, Jacobo, Xiwan, Anti, Felipe, Tomax, Bartolo, Mateo, jém tunjac Jacobo jém Alfeo imaníc, Ximoz Zelote y Judas jém Jacobo itíwi. ¹⁴ Antuumaneyaj iga seguido iwatyajpa oración con tumti ijixi. Jemum ittim jém yomtam; jém Malía, jém Jesús iapa con Jesús itíwítam.

¹⁵ Jesic tum jama iganam antuumaneyaj, teñchucum jém Peto jém pxiñtámanjom, ityaj jem como ciento veinte. Nimpá jém Peto:

¹⁶ —Mimichtam mantíwítam, tienes que cupacpa jém Dios inmatí juuts nim jém David cuando inquejáy jém Dios iAnama ti miñpa. Inmatpa iga jém Judas icijunçotpa jém Jesús iga matstaiñ. ¹⁷ Jém Judas it idic con aichtam jém docepic jém Jesús icuyujcwiñ. Tanwaganayoxatámpa idic. ¹⁸ Juyta tum jaca nas con jém tumiñ jém icoñwiyñewiip iga imalwadáy jém Jesús. Ocmi mutsneactin, tojansaj ipuu, cupudáy. ¹⁹ Cuando ijodónayaj ti iñasca jém Judas, jém Jerusalénpic pxiñtam icniyyayaj jém nas Acéldama. Jeeyaj inmatimi nímtooba jém nas jém niipiñ chowa. ²⁰ Porque nimpá jém Salmojom jut jayñeta:

Da oomíypa ichíy jém iñas.

Da i nicpa iti jem.

Nimpatim:

Tungac tsíypa iga iwatpa jém iyoxacuy.

²¹ Jesic nimpatim jém Peto:

—Siip tañcupiñpa tum de jém tañwaganaitwiiip seguido cuando siiba tánomi Jesús con taichtam, ²² dende icchiñ jém Xiwan hasta químgac Jesús siñyucmi. Tum de taichtam tsíypa juuts tum testigo iga numa pisneum jém tánomi Jesús de jut it jém caaneyajwiiip.

²³ Jesic cupiñta wisten de jeeyaj. Tum jém José, iñiyi Barsabás, iñiyitim Justo. Jém tungac iñiyi Matías. ²⁴ Jesic los demás inwejpátaypa Dios. Nimyajpa:

—Mánomi, mich iñixpigáypa itumpiy jém pixiñtam ianama. Anquejaayi juppíc de yíp wisten mich incupiñ ²⁵ iga iwadiñ jém yoxacuy juuts jém apóstolyaj jém incutsatnewiiip. Togoy jém Judas iga tsam imalwat. Nic jut ipictsonpa jém icastigo.

²⁶ Jesic iwatyajpa tum sorteo. Icoñwíy jém Matías, cupiñeta. Accámta con jém once apóstolyaj.

2

Quando miñpa jém Dios iAnama

¹ Cuando núc jém jama de pentecostés, antuumaneyaj tumti lugar itumpiy jém icupicneyajwiiip Jesús. ² Jeeti rato imatonayaj tum mijpic anjiiyi siñyucmi juuts tum mijpic sawa. Tsam pimi jupa. Tigiy jém injiiyi ticjom jut coñyay jeeyaj. ³ Jesic iixyay jáyan juctianquiñi. Nawécta jém juctianquiñi, núcyaj cada tumtum jém pixiñtam icobacyucmi. ⁴ Ipictsonyaj jém Dios iAnama, tsam iniit ianamanjom. Mojpa inmat tungac anmatimi juuts ipimíypa jém Dios iAnama.

⁵ Jém tiempo antuumaneyaj Jerusalén jém Israelpic pixiñtam iga iwatyajpa juuts jém icostumbre iga ijisyajpa Dios. Miñneyaj de itumpiy nación icuwiti yíp naxyucmi.

⁶ Cuando imatonayaj iga tsam pimi jupa, antuumaneyaj itumpiy jém pixiñtam. Tsam cinyaj, da icutiyyiy ti iwatyajpa porque cada tumtum imaton iga jiyaypa jeeyaj inmatimi. ⁷ Tsam ipooñanjamyaj, ámanjacyaj. Nanímayyajtap entre jeeyaj:

—¿Que da itumpiy jém siippic jiyaypa Galileapic pixiñtam? ⁸ ¿Junim ammatonjámpa iga jiyapa annuntaanmatimi? ⁹ Yim ittim jém pixiñtam de tungac naxyucmi. Miñneyaj de jém naxyucmi de Partia, de Media, de Elam, de Mesopotamia, de Judea, de jém naxyucmi de Capadocia, de jém Ponto y de jém naxyucmi de Asia. ¹⁰ Ittim de Frigia, de Panfilia, de Egipto y de jém naxyucmi de África jém más juumipic de Cirene. Ittim jém Romapic pixiñtam jém yaguiñpic miñne. Ittim jém nunta Israelpic pixiñtam y jém tungacpic pixiñtam jém mojwiiip icupic jém judíos inquímayooyi. ¹¹ Ittim jém pixiñtam de Creta y de Arabia. Ammatonja aichtampic ananmatimi iga anmadayyajpa jém witampic cosa jém tawadayñewiiip Dios.

¹² Itumpiy agui ipooñanjamyaj. Da icutiyyiy ti wíap ijisyaj. Nacwácyajtap:

—¿Yíp ti nimtooba?

¹³ Pero tungac ixaayiyaypa. Nimpa:

—Yípyaj uquiayaj.

Ti iñímáy Peto jém pixiñtam

¹⁴ Pero jém Peto teñchucum con jém once apóstolyaj. Pimi jiy. Iñímáy jém antuumaneyajwiiip:

—MiJudeapic mipixiñtam con iñtumpiy jém miittanwip Jerusalén, wijodónataami ti mannímáypa. Maton̄taami. ¹⁵ Yíp p̄ixiñtam da uquiyaj juuts michtam iñjístampa porque yaguiñ tait a las nueve de la mañana. ¹⁶ Iwatyaajpa jempic porque asíam n̄impa jém wiñicpic profeta jém Joel:

¹⁷ Jém ínan̄pigam jama, n̄impa Dios, anchiiba ánAnama jém p̄ixiñtam. Michtam iñjayman̄ictam y jém iñyomman̄ictam in̄matyajpa ich anan̄mati. Jém woñjaychixtam iixyajpa poñ. Jém wídaytam mawíñayajpa.

¹⁸ Anchiiyajpa jém ánAnama jém acuyoxayajpáppic jém p̄ixiñtam y jém yomtam iga in̄matyajpa ich anan̄mati.

¹⁹ S̄inyucmi manan̄quejáypa jém impooñan̄jampáppic jém dapic oypa íñix. Naxyucmi manan̄quejáypatim seña. Jém seña juuts n̄ipiñ, juuts jucti, juuts ucsjoco.

²⁰ Jém jama p̄ichpa ichoca,

jém p̄oypa tsíypa juuts n̄ipiñ antes que núcpa jém jama iga miñpa jém íñomi. Jesigam agui wiquejpa jém Dios ip̄imi.

²¹ Jesic tan̄jatun̄ Dios iciacputpa itumpiy jém in̄wejpátyajpáppic jém tánomi iñiyimi.

²² N̄imtim jém Peto:

—MiIsraelpic mipixiñtam, amatónaytaami ti mannímáypa. Tsam wiquejpa mimichtaman̄jom iga Dios icutsat jém Jesús jém Nazaretpic p̄ixiñ. Dios ichi ip̄imi iga w̄iap iwat jém dapic oypa tánix, jém w̄ibic milagro y jém seña. Michtam in̄wijodon̄tam. ²³ Pero michtam da in̄wadáy caso iga Dios icutsat jém Jesús. In̄c̄ijun̄cotta jém enemigo ic̄ijom. Iñasca jempic porque dende wiñigam ixunpa Dios iga mimichtam in̄c̄ijun̄cottampa jém malopic p̄ixiñtam ic̄ijom iga accaataiñ cunusyucmi. ²⁴ Pero Dios ic̄pis. Iciacput. Porque da w̄iap iga caaneeba ichiy. ²⁵ Jém wiñicpic an̄jagooyi David in̄matpa de Jesús cuando n̄impa:

Siempre ánixpa jém ánomi an̄wiñjom.

Awaganait aich iga odoy ac̄ijñ.

²⁶ Jeeyucmi ich agui amaymay án̄anaman̄jom.

Anan̄matpa jém w̄ibic an̄mati porque agui amaymay.

Jeeyucmi da ac̄ijpa iga acaaba porque an̄jodon̄ iga ap̄ispa.

²⁷ Man̄jatun̄ Dios, mich da iñchacpa án̄anama jém lugar jut it jém caaneyajw̄ip.

Datim iñj̄icpa iga p̄ucpa im̄j̄tay jém micuyoxapáppic jém Cuáyñew̄ip iAnama.

²⁸ Anan̄quejáy jém tun̄ jém anan̄icpáppic jut amp̄ictson̄pa jém vida.

Agui amaymay iga n̄icpa awagaīti con mimich.

Jempam n̄impa jém David cuando in̄matpa de Cristo.

²⁹ Jesic n̄imtim Peto:

—Mant̄iw̄itam, tsam wiquejpa iga caaneum jém tan̄jatun̄wewe David, cumta jém tsaajosjom. Hasta s̄ip yim it jém tsaajos. ³⁰ Pero jém David tum̄ jém Dios in̄matc̄iwiñ idic. Ijodon̄ iga Dios iñycámayñe iga tum̄ jém iocman̄ic, jém naypáppic ocmi, jeam jém Cristo. Tsíypa juuts jém más mijpic an̄jagooyi. ³¹ Jém David iixñe ti miñpa dende wiñigam. In̄matpa iga p̄ispa jém Cristo. N̄impa iga jém íanama da tsíypa jut it jém caaneyajw̄ip, jém im̄j̄tay da p̄ucpa. ³² Yiptim Jesús ic̄pis jém tan̄jatun̄ Dios. Aichtam antump̄iytam ánixñeta. Jeeyucmi atsíyta juuts testigo. ³³ Ocmi nan̄icta s̄inyucmi jém Dios in̄w̄imi. Ip̄ictson̄ jém Dios iAnama juuts iñycámayñe ījatun̄. Jém s̄ippic íñix y immaton̄ne, jeetim Dios iAnama iwat.

³⁴ Porque da je jém David quím s̄inyucmi, pero n̄im jém David:

Jém tan̄jatun̄ Dios iñímáy jém tánomi Cristo:

“Miñi micoñi anan̄w̄imi,

³⁵ hasta que ich manaccoñwíypa jém iñenemigo.”

³⁶ MiIsraelpic mipixiñtam, wijodónataami iga yiptim Jesús, jém michtampic inçunúnta cunusyucmi, Dios iccám jém tánomi y jém Cristo.

³⁷ Cuando mimatonjaj ti nimpaj jém Peto, agui anyácyaj ianamanjom jém pixiñtam. Tsam icwácyajpa jém Peto con jém tungac apóstolyaj. Iñimayyajpa:

—Mantiwitam, ¿ti wiap anwatta?

³⁸ Jesic ocmi jém Peto icutson. Iñimáy:

—Cucactaami iñjixi. Chiñtaami cada tumtum de mimichtam jém Jesucristo iñiyimi iga Dios miccáyáypa jém iñtáñca. Jesic Dios michiiba jém iAnama. ³⁹ Wiñigam Dios ijycámayñe iga miwíwadáypa mimichtam y jém immanictam. Iwíwadáypatim jém ityajwíp juumi con itumpiy jém iwianjamyajpáppic jém tanjatun Dios iga inwejáypa.

⁴⁰ Jém Peto inmadáypa jáyan anmafi. Tsam pími inquímpana jém pixiñtam. Iñimáy:

—Pictsonataami yíp wibic anmafi iga miciaçputtamtap iga da inwagananicpa jém togoñeyajwíp.

⁴¹ Jesic jém ipictsonnewíp jém wibic anmafi acchiniyaja. Jeetim jama tsam jáyan tigiyñeyaj, como tres mil pixiñtam. ⁴² Seguido icuyucayajpa juuts inquejayñe jém apóstolyaj. Nawinanigayyajtap itumpiy de jeeyaj. Inwejpátyajpa Dios. Antuumayajpa iga iwécyajpa jém caxtánañi.

Iwinascayajpa jém wiñtipic icupicneyajwíp Cristo

⁴³ Cada tumtum de jeeyaj tsam icinpa Dios. Jém apóstolyaj iwatyajpa jáyan jém milagro y jém seña. ⁴⁴ Itumpiy jém icupicneyajwíp Cristo ityaj de acuerdo. Titam iniityaj icumunmichiyaj. ⁴⁵ Imayyajpa titam iniityaj. Iwécyajpa jém tumiñ, ichiijaypa jém dapic iniityaj iga ijuypa titam itogóyay. ⁴⁶ Cada jama antuumayajpa jém mijpic masticjom con tumti ijixi. Iwécyajpa jém caxtánañi tic por tic. Wagawícyajpa. Agui maymayyaj. Wibic jixi iniityaj jém ianamanjom. ⁴⁷ Tsam icujípyajpa Dios. Jém dapic icupicpa Cristo iwixiyajpa jém icupicneyajwíp Cristo. Cada jama jém tanjatun Dios inimiñpa jém pixiñtam jém iciaçputpáppic iga más jáyanap jém icupicneyajwíp.

3

Açpista tum cuxuj

¹ Tum jama nicayajpa jém Peto y Xiwan jém mijpic masticjom. Nicpa iwat oración a las tres de la tarde, jesigam jém hora de oración. ² Jesic tsacta tum cuxuj jém mastic anñaca. Je cuxuj mu iñay. Nanicta tum jém puerta inñaca iñiyi jém Wibic Puerta. Jemum tsacta cada jama iga iwágáyiñ tumiñ jém tigiyajpáppic jém mijpic masticjom. ³ Cuando jém cuxuj iix iga tigiyajpa jém Peto y jém Xiwan, iwágáy tumiñ. ⁴ Jesic jém Peto y Xiwan iámmatsyaj jém cuxuj. Jém Peto iñimáy jém pixiñ:

—Aámmatsi.

⁵ Jém cuxuj icupic, iámmats jém Peto. Ijispaj iga ichiiba tumiñ. ⁶ Pero Peto iñimáy:

—Da anaj plata ni oro, pero manchiiba jém anaitwíp. Jém Jesucristo de Nazaret iñiyimi mannimáypa: Tsucumi. Witim.

⁷ Ocmi jém Peto imatsáy ici, jém inwimipic, ijictsucum. Jeeti rato witsíyum jém cuxuj ipuy. ⁸ Teñchucumum jém cuxuj, yóyquímpana, mojum witi. Tigiy jém masticjom con jeeyaj. Witpa, yóyquímpana, icujíppa tanjatun Dios. ⁹ Itumpiy jém pixiñtam iix jém cuxujpic idic iga witpam y icujíppa Dios. ¹⁰ Iixpicayajpa iga jeetim jém pixiñ jém iwáçpáppic tumiñ jém masticanñaca juñ it jém Wibic Puerta. Agui tñeñanjacyaj, agui ipooñanjamyaj cuando iix ti iñasca jém pixiñ.

Titam inmat jém Peto jém corredor de Salomón

¹¹ Jesic jém cuxuj, jém acpisnetawwip, da ichactoooba jém Peto y Xiwan. Poyimi miñyaj jém pixiñtam, an̄tuumayajpa jém Salomón icorredor jūt ityaj jém Peto y Xiwan. Agui ámanjacyaj. ¹² Cuando iix iga agui an̄tuumayajpa jém pixiñtam jém Peto iñímáy:

—MiIsraelpic mipixiñtam, ¿tiiga ampooñanjamtámpa, tiiga agui anámtámpa? ¿Que mich iñjis iga ich anacpis yíp pixiñ iga wiap anacwit con ich ampimi? ¿Que iñjisa iga tsam wibic apixiñ? Odoy jisi jempic. Porque Dios icpis. ¹³ Jém wiñicpic tanjatunwewetam jém Abraham, jém Isaac y jém Jacob tsam ijsiyajpa tanjatun Dios. Jeetim Dios siip iwat así iga tan̄cujíptamiñ jém iManic Jesucristo, jém michpic in̄ciijun̄cotta jém anjagooyi icijom iga accaataiñ. Cuando jém Pilato icutsigaytooba idic, mimichtam da iñjicta. ¹⁴ Da iñjicta iga cutsigaytaiñ jém wibic pixiñ jém dapic táncay. Pero inwácta iga cutsigaytaiñ tum accaoypaap. ¹⁵ Jempam iniccaata jém tachiipáppic jém tamvida. Pero Dios icpis de jūt it jém caaneyajwip. Aichtam atsíyta juuts atestigo iga numa pisneum. ¹⁶ Yiptim Jesús iñiyimi acpista yíp pixiñ jém siipic iñix, michtam iñixpicta. Witsíy porque icupic iga jém Jesús wiap iyoxpát. Iñasca así jūt iñámpacneta.

¹⁷ Mantiwitam, anjodon iga immalwadáy jém Jesús porque da in̄cutiyyíy iga Dios icutsat. Datim icutiyyiyaj jém in̄injagooyitam. ¹⁸ Itumpiy jém wiñicpic Dios in̄matciwiñ n̄myaj iga tienes que yaachwattap jém Cristo jém icutsatnewwip Dios. Siip Dios iccupacneum juuts n̄myaj jeeyaj. ¹⁹ Jeeyucmi manímáypa: Cucaci iñjixi, tsaci iga immalwatpa, jesic jém tanjatun Dios miccáyaypa jém iñtáncá. Michiiba tum wibic maymáyaj iñanamanjom, ²⁰ micutsadáypa jém Cristo jém icupiñnewwip dende wiñigam para mimichtam. ²¹ Siip nic iti sin̄yucmi jém Jesucristo. Jenum tsíy hasta que iwitsacpa itumpiy cosa juuts nim jém wiñicpic an̄matciwiñ jém cuáyñewwip. ²² Jempigam iñímáy Moisés jém wiñicpic tanjatunwewetam: “Jém tanjatun Dios ictsucumpa tum jém profeta entre mimichtam juuts acutsat aich. Maton̄taami itumpiy titam miñímáypa jém profeta. ²³ Porque itumpiy jém dapic iwadáypa caso yíp an̄matciwiñ iga icupicpa, actogoytap, toptap de jém nación de Israel.”

²⁴ Itumpiy jém wiñicpic an̄matciwiñ dende jém Samuel hasta siip, in̄matyajpa iga iwatpa Dios juuts tánixpa siip. ²⁵ Mimichtam in̄jatunwewetam jém wiñicpic an̄matciwiñ. Dios ijiycámáy iga miw̄iwadáypa. Iwat tum trato con jém wiñicpic tan̄wewetam cuando iñímáy jém Abraham así: “Tum jém mich immanic tsam iw̄iwadáypa itumpiy jém pixiñtam icuw̄iti yíp naxyucmi.” ²⁶ Cuando Dios icpis jém iManic Jesucristo, wiñti micutsadáy iga miw̄iwadáyñ mimichtam. Ixunpa Dios iga iñchaguiñ iga immalwatpa cada tumtum de mimichtam.

4

Nanicta jém Peto y Xiwan jém anjagooyi iwiñjom

¹ Iganam jém Peto y Xiwan in̄madayajpa jém pixiñtam, miñyaj jém panijyaj. Wagamiñyaj con jém policía icomandante y con jém saduceoyaj. ² Tsam jóyñeyaj porque jém Peto y Xiwan in̄quejáypa jém pixiñtam iga acpistap jém caaneyajwip porque pisneum jém Jesús de jūt it jém caaneyajwip. ³ Ocmi matsta jém Peto y Xiwan, cotta cárcel porque tsuuyim. Hasta icuquejama c̄ipiñtap. ⁴ Pero tsam jáyan jém imaton̄neyajwip jém Peto in̄mati icupicyaj jém Cristo. Jeetim jama icupicyaj como cinco mil pixiñtam.

⁵ Icuquejama an̄tuumayaj Jerusalén jém Israelpic anjagooyiyaj, con jém wídaytam, con jém escribaspic maestroyaj. ⁶ Ittim jém Anás jém cobacpic panij anjagooyi. Ittim jém Caifás, jém Xiwan, jém Alejandro y itumpiy jém cobacpic panij itiwitam. ⁷ Jesic cutsatta jém policía iga inimíññ jém Peto y Xiwan jém anjagooyiyaj iwiñjom. Acwácta:

—¿I ipimimi, i iñiyimi in̄watpa jexpic cosa?

⁸ Jesic Peto tsam iniit jém Dios iAnama. Iñímáy:

—Mananjagooyitam, miIsraelpic miwídaytam, ⁹ mich anacwácpa jutsa mu iwíwadayta jém cuxujpic idic, jutsa micpista. ¹⁰ Siip mananjamadáypa michtam inwiñjom iga itumpiy jém Israelpic pixiñtam ijodónayajiñ iga Jesucristo icpis yíp pixiñ yimpic it inwiñjom. Acpista jém Jesús iñiyimi, jém Nazarepic. Jeetim pixiñ mimichtam incunúnta cunusyucmi. Pero Dios icpis de jut it jém caaneyajwip. ¹¹ Yíptim Jesús tsíy juuts tum wibic tsa para jém tic. Pero michtam, jém miticwattampáppic, impatsaytip. Pero siip yíptim tsa imatspacne jém tic. ¹² Da i tungac wiapaap taciapcut icuwiti yíp naxyucmi. Dios da icutsat tungac pixiñ iga taciapcutpa.

¹³ Jém anjagooyiyaj agui ipoónanjamyaj porque iix iga da cñpa inmat jém Peto y Xiwan. Icutiyiyay iga da cuyujne, siiba juuts cualquier pixiñ. Jesic icutiyiyay iga jáy iwaganasi jém Jesús. ¹⁴ Iixyajtim iga iwaganateñ jém cuxujpic idic, jeeyucmi da wiap iñim iga migooyi. ¹⁵ Quebacputta jém Peto y Xiwan con jém cuxujpic idic iga jém anjagooyiyaj waiñ iijisyaj ti wiap iwatyaj. ¹⁶ Jesic nanímayyajta entre jeeyaj:

—¿Ti wiap tanwat con yíp pixiñtam? Porque itumpiy jém ityajwip Jerusalén iwíjodon iga iwat tum wibic milagro. Da wiap tanayam. ¹⁷ Pero iga odom más juumi niguiñ yíp anmati, jesic tannímáypa iga: Manchiiba tum mijpic castigo siiga seguido ininmatpa yíp Jesús iñiyimi.

¹⁸ Jesic ocmi anwejayta jém Peto y Xiwan jém anjagooyicim. Nímayta:

—Odoy más anmati jém Jesús iñiyimi. Odoy anmadaayi jém pixiñtam jexpic anquímayooyi.

¹⁹ Pero jém Peto y Xiwan iñímáy jém anjagooyi:

—Jistaami michtam iñyaac siiga más wí iga mancupicpa mimichtam o iga ancupicpa Dios. ²⁰ Aichtam da wiap antsacta iga ananjmattampa ti ánixñe y ti ammatonje.

²¹ Jesic eybic iñímayyaj jém anjagooyi iga ichiiba castigo siiga da ichacpa iga inmatpa. Pero da i wia michi castigo porque itumpiy jém pixiñtam tsam icujípyajpa Dios porque iix ti iñasca jém cuxujpic idic. Ocmi cutsigayta jém Peto y Xiwan. ²² Jém pixiñ jém wadayñetawip jém milagro, jém acpisnetawip, iniitum más de cuarenta iamtiy.

Jém icupicneyajwip Jesús iwágayyajpa Dios iga iyoxpádiñ

²³ Cuando cutsigayñetawum jém Peto y Xiwan, nicyaj jut it icompañeroyaj. Inmadáy itumpiy titam iñímayyaj jém panij anjagooyiyaj y jém Israelpic wídaytam. ²⁴ Cuando imatonjaj ti iñímáy jém Peto, itumpiy jém Jesús icuyujcwiñ con tumti jixi moj inwejpátyaj Dios. Nímayjpa:

—Manjatun Dios, mich inwat jém sin, jém nas, jém lamar y itumpiy jém itwip yim. ²⁵ Wiñigam jém incuyoxapaap jém David ijaychac mich ininmati. Mich iñAnama iyoxpát iga ijay. Iñímáy:

¿Tiiga tsam jóyñeyaj jém naciónyaj jém dapic icupicyajpa Dios?

¿Tiiga tsam ijsquimpa jém pixiñtam jém cosa da para ti wí, jém dapic i iyoxpátpa?

²⁶ Antuumayaj jém reyyaj con yíp naxyucmipic anjagooyi.

Nicyaj en contra de jém tanjatun Dios,

nicyaj en contra de jém Cristo jém icutsatnewip Dios.

²⁷ 'Numa antuumayaj yíp Jerusalén jém Herodes y jém Poncio Pilato, jém tungac pixiñtam jém dapic je de Israel con jém Israelpic pixiñtam. Nicyajpa en contra de jém wibic imManic Jesús jém michpic iniccám iga Ciapudoypaap. ²⁸ Jeeyaj cupacpa iwatyaj juuts mich iñisne iga iñascaaba jém imManic. ²⁹ Siip manjatun Dios, ixi yíp pixiñtam. Nímayjpa iga achiiba tum mijpic castigo. Mancuyoxatámpa. Ayoxpáttaami iga wiap

ananmat ininmatí. Acamamwadaayi ánanama iga odoy acinñiñ. ³⁰ Achíi jém impimi iga anacpíspa jém mimnewiip, iga anwatpa jém milagro y jém seña jém Jesucristo inñiyimi, jém wibic imManic.

³¹ Cuando yaj inwejpátyaj Dios, pimi tsigóypa jém tic jut antuumaneyaj. Itumpiy jém pixiñtam tsam iniityaj jém Dios iAnama. Da cinjaypa iga inmatpa jém Dios inmatí.

Itumpiy cosa icumunmichiyaj

³² Itumpiy jém icupicneyajwip tumti ijixi y tumti ianama. Da ijispa iga imichi icutum titam iniityaj. Ijispa iga itumpiy cosa icumunmichiyaj. ³³ Jém apóstolyaj seguido inmatpa iga pisneum jém tánomi Jesús. Tsam wíap inmat porque Dios ichi jém ipimi y tsam tóyoyajpa. ³⁴ Da ijém yaachayajpáppic. Porque itumpiy jém iniitwip inñas o itic, imáy iga inimiñpa jém tumiñ. ³⁵ Ipietson jém apóstolyaj, iwécayajpa, ichiyajpa cada tumtum de jeeyaj iga ijuypa titam itogóyay. ³⁶ It idic tum levitapic pixiñ inñiyi José. Nay jém isla de Chipre. Jém apóstolyaj iccámayaj inñiyi, Bernabé. Jém inñiyi nimtooba jém yoxpádoypaap. ³⁷ Yíp pixiñ iniit idic tum jaca nas, ocmi imáy. Inimiñ jém tumiñ, icijunodáy jém apóstolyaj icijom.

5

Jém Ananías y Safira itañca

¹ Jemum ittim tum pixiñ inñiyi Ananías con iwichomo Safira. Imáyyajtim tum jaca nas.

² Pero yíp pixiñ inñec uxaj jém nas ichowa. Jém iyomo ittim de acuerdo con iwídaya. Nimyaj iga yicsájam ichowa jém nas. Jém pixiñ miñ ichagáy jém apóstolyaj ipuycim.

³ Jesic Peto inñimáy jém Ananías:

—MiAnanías, ¿tiiga tigiy jém Wocciwiñ inñamanjom iga immigóyaypa jém Dios iAnama iga inñéctsy uxaj jém nas ichowa? ⁴ ¿Que da immichi jém nas cuando danam immáyñe, cuando immáyñeum immichitim jém ichowa? ¿Tiiga inñispa iga inwatpa jempic? Immigóyay Dios, da immigóyay tum pixiñ. ⁵ Cuando imaton ti nimpa jém Peto, actij jém Ananías, jemti caanas. Jesic tsam pimi cinjay itumpiy jém imatonneyajwip ti inñasca jém pixiñ. ⁶ Tsucumyaj jém woñjaychixtam, inmonyaj jém tsúts, nic icumyaj.

⁷ Cuando nasne tres hora, miñ jém Ananías iwichomo, da ijodon ti nasne. ⁸ Jesic jém Peto icwác jém yomo:

—Anímaayi, ¿numa jesájam ichowa jém nas jutsaj achi jém inwídaya?

Nim jém yomo:

—Numa jesájam.

⁹ Jesic Peto inñimáy:

—¿Tiiga inwatta de acuerdo con inwídaya iga incutítspa jém Dios iAnama? Jemum miñiyaj anñicmi jém oyñewip icum jém inwídaya. Sip michgacti nicpa micum.

¹⁰ Jeeti rato actij jém yomo jém Peto ipuycim. Caanas. Cuando tigiyaj jém woñjaychixtam caaneum jém yomo. Itopyaj, nic icum tum lado jut cumnetaj jém iwídaya.

¹¹ Tsam pimi cinneyaj itumpiy jém icupicneyajwip Cristo con jém imatonneyajwip ti inñascayaj.

Wattap jáyan jém milagro y seña

¹² Jém apóstolyaj iwatyaj jáyan jém milagro y seña jém pixiñtamanjom. Antuumaneyaj itumpiy de jeeyaj jém mijpic mastic icorredor inñiyi Salomón. ¹³ Pero jém dapic icupicpa Cristo ni tum da inpitsneyaj, pero tsam iwixyajpa jém Dios ipixiñtam. ¹⁴ Jém icupicneyajwip Cristo más jáyanap. Jém pixiñtam y yomtam cada jama más icupicyajpa jém Dios inmatí. ¹⁵ Itopyajpa jém mimneyajwip con ichees. Nicpa ichacyaj calle iga cuando naspa jém Peto, ictsíyayñ jém icumunçi algunos de jeeyaj. ¹⁶ Inimiñyajpatim jém

mimneyajwíppic jém tungac atebetyaj jém ityajwíip nocojom Jerusalén. Inimiñyay jém mimneyajwíip y jém imatsneyajwíip jém mal espíritu. Cupisayyaj itumpiy.

Matsta jém Peto y Xiwan

¹⁷ Jesic jém cobacpic panij anjagooyi con jém iwaganaityajwíip, jém saduceopic pixiñtam, tsam pimi icujóyiyay. ¹⁸ Matsta jém apóstolyaj, cotta cárcel. ¹⁹ Pero jeetim tsuu Dios icutsat tum sinyucmic pic pixiñ iga ináyiniñ jém cárcel. Topta jém apóstolyaj. Nímayta:

²⁰ —Nigi miteñi jém mijpic masticjom. Anmadayyaj jém pixiñtam iga Dios ichiitooba jém jomipic vida.

²¹ Cuando imatonyaj jém apóstolyaj, icuquejama, tsúytim, tigiyay jém mijpic masticjom, moj inquejay jém pixiñtam.

Jesic jeetim jama antuumaneyaj jém cobacpic panij con itumpiy jém Israelpic anjagooyiyaj y jém wídaytam iga iwatyajpa tum mijpic junta. Pimiyta jém policía iga niguiñ itopyaj cárcel jém presoyaj. ²² Pero cuando jém policía núc jém cárcel, da ipátyaj jém preso. Jesic eybic setyaj. Miñ inmadáy jém anjagooyi. ²³ Nímyajpa:

—Cuando anúc jém cárcel tsam wianpajne y jém guardia ichanwíwatne cuenta jém cárcel ipuerta. Cuando anájay jém cárcel da i ampát.

²⁴ Cuando imaton ti inímáy jém policía, agui ipooñanjamyaj jém panij anjagooyiyaj con jém mastic icomandante. Da icutiyyiyay ti napa y hasta jut cuyajpa yip asunto.

²⁵ Jeeti rato miñ tum pixiñ, inmadáy jém anjagooyi:

—Jém wisten pixiñ, jém michtampic impajta cárcel, sip it jém mijpic masticjom. Sip iccuyuj jém pixiñtam.

²⁶ Jesic jém comandante con ipolicía nic imétsyaj jém apóstolyaj. Inimiñyay, pero da imalwadáy porque tsam cinneyaj. Ijspa iga inácscayajpa tsaami jém pixiñtam. ²⁷ Cuando inimiñyay, nanicta jém anjagooyiyaj iwiñjom, jém Sanhedrin. Jesic jém cobacpic panij inímáy:

²⁸ —¿Da mannímayñeum iga odoy anmáti yip pixiñ iniyimi? ¿Pero ti sip inwat? Icuwiti yip Jerusalén núc jém ininmáti. ¿Que mich antsagaytooba la culpa iga accaata yip pixiñ?

²⁹ Jesic jém Peto con jém tungac apóstolyaj icutsonyaj. Inímayyaj:

—Más wí iga ancupicpa Dios que iga ancupicpa jém pixiñtam. ³⁰ Jém wiñicpic tanwewetam ijisyajpa Dios. Jeetim Dios icpis jém Jesús jém michpic iniccaata, incunúnta cunusyumi. ³¹ Pero Dios ininic sinyucmi, iccoñ inwimi. Iccám iga Mijpic injagooyi, iccám iga jém Ciacpudoyap. Iwadáy jempic iga ichiiba lugar jém Israelpic pixiñtam iga icucacpa ijxi iga wadaytap perdón jém itánca. ³² Aichtam atsiyta juuts tum testigo iga numa pis jém Cristo, quim eybic sinyucmi. Tsíytim juuts tum testigo jém Dios iAnama jém ichiñewíip Dios jém icupicneyajwíip.

³³ Cuando imatonyaj ti nipa jém Peto, tsam jóyñeyaj jém anjagooyi. Tsam iccaayajtooba. ³⁴ Pero entre jeeyaj ittim idic tum fariseopic pixiñ iniyi Gamaliel. Tum accuyujoyap de jém Israelpic anquímayoyi. Jém pixiñtam tsam iwixiyajpa. Teñchucum, ipimiy jém policía iga iquebacpudiñ tum rato jém apóstolyaj. ³⁵ Ocmi inímáy jém anjagooyiyaj:

—MiIsraelpic mipixiñtam, nawattamtaji cuenta. Cuidado iga immalwadáypa yip pixiñtam. ³⁶ Jistaami iga pecam tsucum jém Teudas, tum pixiñ tsíytip juuts tum mijpic anjagooyi. Initsucum como cuatrocientos pixiñtam. Ocmi accaata jém pixiñ y jém itúnyiyajwíip cutogóyayaj. Jemum cuyaj. ³⁷ Más ocmi cuando wattap jém censo, tsucum jém Judas, tum Galileapic pixiñ. Initsucum tsam jáyan pixiñtam. Pero ocmi accaataim. Cupóyayaj itumpiy jém itúnyiyajwíip. ³⁸ Jeeyucmi mannímáypa, tsaci yip pixiñtam. Odoy moogiyi. Porque siiga yip anquímayoyi pixiñtam ijxquimi, cuyajpa. ³⁹ Pero siiga yip

p̄ixiñtam iniidáy Dios ij̄ixi, mich da w̄iap inictogoy. Nawattamtaj̄i cuenta. Cuidado iga in̄iñatámpa Dios.

⁴⁰ Jesic itump̄iy jém anjagooyiyaj icup̄icyaj juuts nim jém Gamaliel. Ocmi añwejayt̄a jém apóstolyaj, cótsyajt̄a, nímayyajt̄a iga odoy más añmat̄i Jesús in̄iyimi. Ocmi cutsigayyajt̄a.

⁴¹ Jém apóstolyaj putyaj jém anjagooyi iwiñjom. Agui maymayyaj porque Dios ij̄ic iga yaachwatyajt̄a jém Jesús icuyucmi. ⁴² Jesic cada jama accuyujóypa jém mijp̄ic masticjom y jém itiganjom̄yaj. Da ichacpa iga in̄matpa jém w̄ibic añmat̄i iga Jesús je jém Cristo.

6

Accám̄ta siete jém iyoxpátpáppic jém apóstolyaj

¹ Jém tiempo tsam jáyanap jém Dios ip̄ixiñtam. Icup̄icyajpatim jém griegop̄ic p̄ixiñtam. Jeeyaj agui j̄iyyajpa acontra de jém Israelp̄ic p̄ixiñtam porque in̄ejawégáypa jém cunoytam iw̄iccuy cuando iwécpa jém w̄iccuy cada jama. ² Ocmi jém apóstolyaj in̄tuumawatyaj itump̄iy jém icup̄icneyajw̄ip̄ jém Cristo. In̄imayyaj:

—Da w̄i iga antsactámpa iga anañmatpa jém Dios in̄mat̄i iga acw̄igoytámpa. ³ Jeeyucmi mant̄iwitam, métstaami siete de mimichtam jém w̄ibic p̄ixiñtam, jém j̄ixīyw̄ip̄, jém tsamp̄ic iniit jém Dios iAnama. Accám̄taami iga iwatpa jém yoxacuy iga iwécpa jém w̄iccuy.

⁴ Pero aichtam seguido anañwejpáttámpa Dios, anañquejpa jém Dios in̄mat̄i.

⁵ Jesic itump̄iy jém Dios ip̄ixiñtam ityaj de acuerdo iga iwatyajpa juuts nimyaj jém apóstolyaj. Cup̄iñt̄a jém Esteban. Jém p̄ixiñ tsam iniit jém Dios iAnama. Cup̄iñyajt̄atim Felipe, Prócoro, Nicanor, Timón, Parmenas y jém Nicolás. Jém Nicolás miñ de jém Antioquía. Je t̄igiyñe id̄ic iga icup̄icpa jém Israelp̄ic añquímayooyi. ⁶ Ocmi namiñt̄a icusiete jém p̄ixiñtam hasta jūt it jém apóstolyaj iga in̄wejpádáypa Dios para jeeyaj. Cada tumtum de jeeyaj jém apóstolyaj ichiccunúgáy icobac.

⁷ Jesic tsam jáyanap jém Dios in̄mat̄i, núcpa yim jeexic. Tsam jáyanap̄tim jém Dios ip̄ixiñtam jém atebet Jerusalén. W̄ati jém Israelp̄ic panij icup̄icyajtim.

Matst̄a jém Esteban

⁸ Jém Esteban tsam iniit jém Dios ip̄imi y tsam iniit jém w̄ibic tóyooyi. Agui iwatpa jém milagro y jém seña jém p̄ixiñt̄amanjom. ⁹ Jesic algunos jém p̄ixiñtam miñ in̄ñayaj jém Esteban. Miñyaj algunos de jém sinagoga de jém Libertinop̄ic p̄ixiñtam. Miñyajt̄im de jém naxyucmi de Cirene, de jém naxyucmi de Alejandría, de jém Cilicia y de jém Asia. Moj in̄acayaj jém Dios in̄mat̄i con jém Esteban. ¹⁰ Pero jém p̄ixiñtam da w̄īa micoñw̄iy jém Esteban porque tsam j̄ixīy. Jém Dios iAnama iyoxpát iga tsam w̄īa micutson. ¹¹ Jém añayajpáppic con Esteban iyojpa algunos p̄ixiñtam iga icum̄igóypa jém Esteban. Nimyaj:

—Ich ammaton̄ iga ȳip̄ Esteban imaln̄imáy jém Moisés in̄químayooyi. Tsam icuj̄iypatim Dios.

¹² Jém añayajpáppic con Esteban icuj̄iñáy jém p̄ixiñtam, jém Israelp̄ic w̄idaytam y jém escribasp̄ic maestroyaj. Icutuumacayaj jém Esteban, matst̄a, nanict̄a jém panij anjagooyicim. ¹³ Ocmi inimiñyaj tun̄gac jém migoypaap. Nimyaj:

—Ȳip̄ p̄ixiñ da ichacpa iga icuj̄iypa jém tammast̄ic. Tsam icuj̄iypatim jém Moisés in̄químayooyi. ¹⁴ Ammaton̄ta iga nimpa iga Jesús jém Nazaretp̄ic p̄ixiñ im̄iswatpa jém tammast̄ic y icucagáypa jém costumbre jém tatsagayñew̄ip̄ Moisés.

¹⁵ Jesic itump̄iy jém coñyajw̄ip̄ jem, agui iámyajpa jém Esteban. Iixyaj iga añcac jém iámooyi juuts tum̄ s̄iñyucm̄ip̄ic p̄ixiñ.

7

Nacupujt̄ap jém Esteban

¹ Jesic jém cōbacpic panij anjagooyi icwác jém Esteban. Iñímáy:

—¿Que nūma inwat juuts nīmyaipa?

² Jém Esteban iñímáy:

—Mantīwítam, minjagooyítam, amatoñtaami. Jém wibic tanDios iwiñquejáy jém wiñicpic tanwewe jém Abraham. Iwiñquejáy jém naxyucmi de Mesopotamia cuando danam nicne iti jém naxyucmi de Harán. ³ Dios iñímáy: “Puti jém iññaxyucmi. Tsaci jém iñtīwítam. Nicim jém naxyucmi iga manañquejáypa.” ⁴ Ocmi jém Abraham put jém naxyucmi de Caldea jut it idic. Nic iti jém naxyucmi de Harán. Jemigam ca jém ijatun. Ocmi Dios inimiñ jém Abraham hasta yim jut taitta sip. ⁵ Pero Dios da ichi ni tum jaca nas jém imichipic ni jut icteñpa ipuy. Pero ijycámayñe iga ichiiba jém nas y cuando caaneum, tsíypa jém nas para jém imañictam. Pero cuando ijycámáy iga ichiiba jém nas da ini imañic ni tum. ⁶ Dios iñímáy: “Jém imañictam nicpa jém tungac naxyucmi. Nicpa iti juuts juumipic pixiñtam. Tsíyyajpa iga esclavo, yaachwatyajtap cuatrocientos amtīy.” ⁷ Nimpatim Dios: “Ich anchiiba castigo jém pixiñtam jém ityajwip jém naxyucmi jut natsíyyajta iga esclavo. Jesic cuando putyajpa jemíc, miñyajpa eybic yíp naxyucmi iga acuyoxap.” ⁸ Dios iwat tum trato con jém Abraham. Iñímáy iga iwadáyiñ jém marca de circuncisión jém imañictam juuts tum seña iga Dios iwadayñe jém trato con jeeyaj. Jeeyucmi cuando nay jém imañic Isaac, cuando iniitum ocho día, jém Abraham iwadáy imañic jém marca de circuncisión. Ocmi cuando manigíyum jém Isaac, iwadáytim jempic jém imañic Jacob. Ocmi cuando manigíyum jém Jacob iwadáytim jempic jém imañictam. Jém doce imañictam tsíyyaj juuts jatunpic de jém doce tribu de Israel.

⁹ Yíp Jacob imañictam jém wiñicpic tantīwítam tsam ijóyixyaj jém ijáyuc José. Iachiyaj imáychi jém ijáyuc jém tungac pixiñtam. Ocmi nanicta juumi jém naxyucmi de Egipto. Pero Dios iwaganait jém José. ¹⁰ Iciacput de itumpiy jém yaachaji. Dios iyoxpát jém José iga tsam jixíy iga iwixiñ jém Egiptopic rey jém Faraón. Ocmi jém Faraón iccám jém José iga gobernador de jém naxyucmi de Egipto. Chiitātim jém cargo iga injacpa jém ityajwip jém rey iticim.

¹¹ Ocmi miñ tum mijpic yuu y tum mijpic yaachaji jém naxyucmi de Egipto y jém Canaán. Jém wiñicpic tantīwítam da ipátajpa ti icútpa. ¹² Pero cuando jém Jacob ijodóna iga it trigo Egipto icutsat imañictam, jém wiñicpic tantīwítam, iga ijuyajpa jém trigo. Yíp jém wiñtipic viaje. ¹³ Ocmi eybictim icutsat imañictam Egipto. Jesic jém tungac viaje jém José, jém máyñetawip wiñigam, inmadayyaj iachiyaj iga itíwi. Jesic jém rey Faraón icutiyyí júp raza jém José. ¹⁴ Jesic José iñímáy itīwítam iga: “Namñi jém tanjatun con itumpiy jém tantīwítam.” Jém miññeyajwip setenta y cinco con itumpiy imañictam. ¹⁵ Jesic jempam iwat jém Jacob. Nic iti jém naxyucmi de Egipto. Ocmi jemigam ca jém Jacob. Más ocmi caayajtim jém imañictam jém naxyucmi Egipto. ¹⁶ Cuando ca jém Jacob, naseedayta iticmi jém ipacyaj jém atebet Siquem. Jenum cúmayta jém ipac tum tsaajosjom. Jeetim tsaajos ijuy wiñic jém Abraham. Imáychi tum pixiñ imañictam, iñiyi jém pixiñ Hamor.

¹⁷ Cuando núctooba jém tiempo iga cupacpa jém trato jém Diospic iwadayñe jém Abraham, jesic tsam jáyanap jém Israelpic pixiñtam jém naxyucmi de Egipto. ¹⁸ Ocmi tsucum tungac rey jém naxyucmi de Egipto jém dapic iixpicpa jém José. ¹⁹ Yíp anjagooyi tsam imigóyáy jém wiñicpic tantīwítam. Tsam imalwadáy jém tanjatunwewetam. Ipimíy iga ichaguiñ jém imañictam, jém yaguiñpic nayñe, iga caayajiñ. ²⁰ Jesic jém tiempo nay jém Moisés, tum wibic tsixi, Dios tsam iwixpa. Jém ijatun icmijap tres meses iticim. ²¹ Ocmi jém ijatun ichac jém imañic iga caiññam. Jesic jém Faraón iyommanic ipin jém xutu tsixi. Icmijap juuts iñuntamanic. ²² Jeeyucmi jém Moisés tsam wicuyujne.

Iwicutiyyipa itumpiy jém jixi jém itwip Egipto. Jém Moisés tsam wiap iwat ti quej. Tsam wiap inmat.

²³ 'Cuando jém Moisés iniit cuarenta iamtiy, ijispa ianamanjom iga nicpa ijooyáy jém itiwitam jém Israelpic pixiñtam. ²⁴ Jemum iix tum Egiptopic pixiñ síp imalwadáy tum Israelpic pixiñ. Jesic jém Moisés icupuj jém itwi. Icca jém pixiñ, ichégáy iga imalwadáy jém itwi. ²⁵ Jém Moisés ijispa iga jém itiwitam icutiyyiñe iga Dios icutsat jém Moisés iga iccutsigáyiñ. Pero jeeyaj da icutiyyiyaj. ²⁶ Jesic tungagam jama jém Moisés ipát wisten jém Israelpic pixiñtam síp inayaj. Injiyjac. Inímáy: "Odoy anataami con inñtwi. ¿Tiiga minicótstamtap?" ²⁷ Ocmi jém anayajpáppic idic con itwi agui ijóyix jém Moisés. Inímáy: "¿I miccám juuts juez iga ananjyactámpa? ²⁸ ¿Que anaccaabatim aich juuts matic inicca jém Egiptopic pixiñ?" ²⁹ Jesic cuando imaton ti nim jém pixiñ, poy jém Moisés. Nic iti jém naxyucmi de Madián juuts tum juumipic pixiñ. Jemum nay wisten ijaymanic.

³⁰ 'Cuando nasne cuarenta amtiy jém titsinaxyucmi, jém Moisés it idic nocojom jém cotsic inñyi Sinaí. Jemum iix tum xutu cuy jipsa ixi. Jém juctjom iwiñquejáy tum sinyucmipic pixiñ, jém icutsatnewip tanjatun Dios. ³¹ Agui ipooñanjam cuando iix jém jucti. Cuando icunuc nocojom iga iwíámpa, imaton iga jiyja jém tanjatun Dios. Nimpa: ³² "Ich jém wiñcpic pixiñtam aDios. Ich jém Abraham aDios, jém Isaac aDios y jém Jacob aDios." Jesic Moisés moj cuetsaayi. Agui cñ, da wiap inámmoc jém jucti. ³³ Jesic jém tanjatun Dios inímáy jém Moisés: "Tsaci jém inçiac porque yim jut miteñ tsam it jém Dios ipimi. ³⁴ Ich anixñe jém ampixiñtam iga tsam yaachwatyaajtap jém naxyucmi de Egipto. Ammaton iga agui weyajpa. Jeeyucmi aquet naxyucmi iga ançiacputpa jeeyaj. Jesic miñi, mançutsatpa eybic jém Egipto jut miit idic."

³⁵ 'Yiptim Moisés jém tsampic ijóyixyaj jém wiñcpic pixiñtam jém inñmayñewip iga: "¿I miccám juuts minjagooyi y juuts mijuez?" Yiptim Moisés Dios iccám juuts tum anjagooyi iga iciacputpa jém ipixiñtam. Wiap iwat porque ichi ipimi jém sinyucmipic pixiñ jém iixñewip jut yótpa jucti jém xutu cuyyucmi. ³⁶ Yiptim Moisés itopyaj Egipto jém wiñcpic tantiwitam. Tsam iwat jém milagro y jém seña jém naxyucmi de Egipto, jém Tsabats Lamar y jém titsinaxyucmi jut jáy iti cuarenta amtiy. ³⁷ Yiptim Moisés inímáy jém Israelpic pixiñtam iga: "Dios icutsatpa tungac profeta juustim acutsat aich. Tsucumpa jém nunta tantiwitamanjom juuts ich atsucumne. Cupici ti nimpa." ³⁸ Yiptim Moisés it idic con jém wiñcpic tantiwitam jém titsinaxyucmi cuando ijíyáy jém sinyucmi pixiñ jém cotsicyucmi Sinaí. Ipiçton jém vivopic Dios inmati iga tachiiñ taichtam.

³⁹ 'Pero jém wiñcpic tantiwitam da icupicyaj jém Moisés. Ijóyixyaj. Ijisyaj ianamanjom iga setpa eybic Egipto. ⁴⁰ Inímayyaj jém Aarón: "Awadaayi tum watnas jém anquejaypáppic jém tun porque da tanjodon jut nic jém Moisés jém tatopnewip jém naxyucmi de Egipto." ⁴¹ Ocmi jém Aarón iwat tum watnas, tum xutu xix. Iccaayajpa jém animat jém watnas iwiñjom iga iwatpa sacrificio. Agui maymayyaj iga wiap iwat icimi jém watnas. ⁴² Ocmi Dios ichaganputyaj jém pixiñtam. Ichi lugar iga ijisyajpa jém matsa y itumpiy cosa jém tánixpáppic sinyucmi. Jempam ijaychacne jém librojom jém wiñcpic anmatciwiñ. Nimpa Dios:

Mimichtam miIsraelpic mipixiñtam, mich da inicca jém animat iga anwadáy sacrificio iga anchiiba ich anwiñjom

cuando jáy tawagai ti jém titsinaxyucmi jém cuarenta amtiy.

⁴³ Inçópcóbóypa jém watnas Moloc con jém ipuctucmastic.

Inisibatim jém watnas Renfán imatsa

jém michpic inwatneta inçimi iga inñjístámpa.

Jeeyucmi manquebacputtámpa jém inñnaxyucmi.

Mañcutsattámpa más juumi de jém naxyucmi de Babilonia.

⁴⁴ Nímpa jém Esteban:

—Jém wiñicpic tantiwitam inisibatim jém punctumastic juť accáyap jém tsaatabla juť jayñeta jém Moisés inquímayooyi. Jém punctumastic iwat jém Moisés juuts Dios ipimiy. Iwat juuts Dios inquejáy jém cotsicyucmi. ⁴⁵ Jesic ocmi cuando caum jém Moisés, jém wiñicpic tantiwitam con jém Josué ipictsonyay jém punctumastic juuts tum herencia. Ininicyay jém tunḡac naxyucmi iganam itobáyáy jém tunḡac p̄ixiñtam iñas. Dios iquebacput jém tunḡac p̄ixiñtam iga ichi jém nas jém wiñicpic tantiwitam. Inisiyajpa jém punctumastic hasta cuando tsíy jém David juuts anjagooyi. ⁴⁶ Dios tsam itoypa jém David. Je agui iwattooba tum mijpic tic juť itpa jém tanjatun Dios, jém iispáppic jém tanjatunwewe jém Jacob. ⁴⁷ Pero jém Salomón, jém David imanic, iwadáy Dios tum tic, jém mijpic mastic. ⁴⁸ Mex jém yucmipic Dios da ipa jém ticjom jém watnetawip cimi, juuts nim jém wiñicpic anmatciwiñ:

⁴⁹ Nímpa tanjatun Dios: Sinyucmi it ancoñcuy.

Naxyucmi anaccámne ampuy.

¿Juutspic tic anwadaytámpa?

¿Juť it jém lugar juť wíap anej?

⁵⁰ ¿Que da ich ançimi anwat itumpiy jém yimpic ityay?

⁵¹ Jesic jém Esteban inímáytim jém anjagooyiyaj:

—Michtam tsam malotam inánama juuts jém dapic icupicpa Dios. Jém inťatsic da matónóypa, da inwattooba juuts miñimáypa jém Dios iánama. Michtam mijextim juuts jém wiñicpic tantiwitam. ⁵² ¿Juppic jém wiñicpic profeta da imalwadáy jém wiñicpic tantiwitam? Iccaayaj jém wiñicpic anmatciwiñ jém inmatnewip iga miñpa naxyucmi jém Wibic P̄ixiñ jém icutsatnewip Dios. Sip jeetim p̄ixiñ mich inwadayta atraición. Iniccaata. ⁵³ Michtam impictson̄ta jém Dios inquímayooyi jém tacijunocodayñewip jém sinyucmipic p̄ixiñ, pero da inwatta juuts nímpa jém anquímayooyi.

Accaatá jém Esteban

⁵⁴ Cuando imaton̄yay jém p̄ixiñtam ti nímpa jém Esteban, tsam ijóycayaj hasta ichiganjiyyajpa itits jém Esteban icuyucmi. ⁵⁵ Pero jém Esteban tsam iniit jém Dios iánama. Jesic amquím sinyucmi, iix juť it Dios. Iixtim iga teñ jém Jesús jém Dios inwimi.

⁵⁶ Jesic inímáy jém p̄ixiñtam:

—Aami. Ich ánix iga ányáñe jém siñ. Ánix jém P̄ixiñ jém Miññewip Sinyucmi. Sip teñ jém Dios inwimi.

⁵⁷ Pero jém p̄ixiñtam innúcyay jém itatsic. Pimi jiyyajpa, poyimi miñyay, intuumacayaj jém Esteban. Imatsyay. ⁵⁸ Itopyaj jém atebet, ininicyay an̄sicmi. Inácscayaj tsaami. Moj iyigayyay jém Esteban jém icumigoyñeyajwip iga icujiypa Dios. Ichagayyay iyooti tum mañp̄ixiñ ipuycim, in̄iyi Saulo, iga iwadáypa cuenta. ⁵⁹ Iganam sip iyigayyay tsaami jém Esteban, inwejpát Dios. Nímpa:

—Mánomi Jesús, pictson̄i ánanama.

⁶⁰ Ocmi jém Esteban costeñneactiñ. Pimi jiypa. Nímpa:

—Mánomi, odoy tségayyaji yip p̄ixiñtam itañca iga amalwadáy.

Yaj n̄imi, caum jém Esteban.

8

Jém Saulo tsam icpóyíypa jém icupicnewip Cristo

¹ Jém Saulo it de acuerdo con jém iccaaneyajwip jém Esteban.

Jeetim jama jém ijóyixyajpáppic moj ictsucumyay iga pimi imalwadáypa jém Dios ipixiñtam jém ityajwɨp Jerusalén. Itumpiy cupóyayyay. Cunigayyay yim jeexic hasta jém naxyucmi de Judea y Samaria. Tsíy Jerusalén no más jém apóstolyaj. ² Algunos jém wibic pixiñtam icum jém Esteban. Agui weyjajpa iga accaata jém pixiñ. ³ Jesic jém Saulo moj iyaachwatyay jém Dios ipixiñtam. Nicpa iméts tic por tic. Pimimi ijicputpa jém pixiñtam con jém yomtam. Icotyajpa cárcel.

Añmattap jém wibic añmati Samaria

⁴ Pero jém cupóyayyajwɨp Jerusalén nic inmatyay jém wibic añmati jut quej. ⁵ Jesic jém Felipe, tum de jeeyaj, nic jém attebet Samaria. Jemum inmadáy jém pixiñtam jém Cristo inquímayooyi. ⁶ Añtuumayajpa itumpiy de jeeyaj, imatonyajpa ti nimpajém Felipe. Tsam iwadáypa caso cuando iixyay jém seña jém iwatnewɨp. ⁷ Porque acpisyajta tsam jáyan jém iniitwɨp idic jém mal espíritu. Topta jém mal espíritu. Tsam pimi añwejpaj mu iput. Acpisyajtatim jém tusacaneyajwɨp icumij y jém cuxujay. ⁸ Jeeyucmi itumpiy jém ityajwɨp jém attebet tsam maymayyay.

⁹ Pero it idic jém attebet tum pixiñ inñiyi, Ximoj. Icuuyjane jém magia iga inawatwadáypa jém itiwitam. Tsam imigóyáypa jém pixiñtam. Nimpajega: “Ich tum apixiñ tsam awiap.” ¹⁰ Itumpiy jém pixiñtam tsam iwadáypa caso. Icupicyajpa jém cuyujnewɨp y jém dapic cuyujne. Nimyajpa:

—Yíp pixiñ iniit jém Dios ipimi.

¹¹ Tsam iwicupicyajpa porque dende wiñigam imigóyáypa jém pixiñtam con jém magia. ¹² Pero jesic jém Felipe inimiñ jém wibic añmati iga Dios injactooaba yíp naxyucmi y iga wiap taciaput jém Jesucristo inñiyimi. Tsam icupicyaj jém pixiñtam y jém yomtam. Acchinyajta. ¹³ Jesic jeetim Ximoj, jém nawatpic idic, icupictim. Acchintaj. Mojum itúnjy jém Felipe. Agui ipooñanjampa cuando iix jém milagro y jém seña juuts iwatpa jém Felipe.

¹⁴ Jesic cuando jém apóstolyaj jém ityajwɨp Jerusalén ijodónayaj iga jém Samariapic pixiñtam ipictsonyay jém Dios inmati, icutsat jém Peto y Xiwan Samaria. ¹⁵ Cuando núcyaj jém Samaria, moj inwejpádáy Dios para jém icupicneyajwɨp Cristo iga ipictsonjñ jém Dios iAnama. ¹⁶ Porque ni tum de jeeyaj danam ipictsonje jém Dios iAnama. No más acchinyajta jém tánomi Jesús inñiyimi. ¹⁷ Jesic jém Peto y Xiwan ichigáy jém pixiñtam icobac con ici. Jempam ipictsonyay jém Dios iAnama.

¹⁸ Jesic jém Ximoj, jém nawatpic idic, cuando iix iga chiitaj jém Dios iAnama cuando jém apóstolyaj ichigáy jém pixiñtam icobac con ici, ¹⁹ inñimáy:

—Manyojpa. Achitim jexpic pimi mex aich iga cuando antsigáypa tum pixiñ icobac con añci, jesic ipictsonpatim jém Dios iAnama.

²⁰ Jesic jém Peto inñimáy:

—Miwagatogóyñ con jém inñtumiñ porque inñjspa iga jém Diospic tachiiba wiap inñjuy con tumiñ. ²¹ Mich da inñi derecho iga inwatpa jém Dios iyoxacuy ni da miwiap porque da wi jém inñanama jém Dios iwiñjom. ²² Tsaci jém malopic jixi. Añwejpaaati tanjatun Dios siiga wiap miwadáy perdón jém inñánca jém inñjnewɨp inñanamanjom. ²³ Porque ánix iga tsam iniit jém cuyóyiooyi inñanamanjom juuts jém chuxñiwi tsampic tam. Jém malopic jixi michenne.

²⁴ Jesic jém Ximoj inñimáy jém Peto:

—Añwejpátaami Dios para ich iga odoy ti annascañ juuts mich annimayñe.

²⁵ Jesic yaj inmat jém Dios inmati jemíc, setyay jém Peto y Xiwan Jerusalén. Nasyajpa wati jém tiganjoj jém naxyucmi de Samaria. Inmatyajpa jém wibic añmati iga Dios taciaputpa.

Jém Felipe ipát jém Etiopíapic p̄ixiñ

²⁶ Jesic ocmi Dios icutsat tum siñyucmipic p̄ixiñ. Iñimáy jém Felipe:

—Tsucumi. Nic sim an̄tsapsaumi. P̄ici jém Gaza cutuñ, jém tsucumnewiip Jerusalén.

Naspa jém tuñ jém titsinaxyucmi. ²⁷ Jesic jém Felipe tsucum. Nic. Tunjom ipát tum Etiopíapic p̄ixiñ. Capun p̄ixiñ. Mijpic an̄jagooyi jém p̄ixiñ, tesorero. Iccáyaypa jém yompic an̄jagooyi itumiñ. Jém yomo in̄jacpa jém naxyucmi de Etiopía. Iñiyi jém yomo Candace. Jém p̄ixiñ oy Jerusalén iga ij̄ispa Dios. ²⁸ Settim idic iticmi, coñ jém icarretajom, s̄ip imay jém libro jém ijaychacnewiip jém Isaías jém wiñicpic profeta. ²⁹ Jesic jeeti rato jém Dios iAnama iñimáy jém Felipe:

—Cunuuci jém carreta, waganan̄ci.

³⁰ Póyan̄tsucum jém Felipe, cuando icunúc noco, imaton̄ iga s̄ip imay jém libro jém ijayñewiip Isaías. Jesic jém Felipe icwác jém capun p̄ixiñ, iñimáy:

—¿In̄cutiñȳy ti s̄ip immay?

³¹ Jém p̄ixiñ iñimáy:

—¿Jutsap an̄cutiñȳy siiga da i an̄quejáypa? Miñi tawagacoñi ȳip carretajom.

³² Jem jut s̄ip imay jém Dios in̄mati n̄impa así:

Nanicta jém p̄ixiñ, accaata juuts tum borrego juuts tum mañborrego da an̄weyja cuando cupoodatap, jesanetim jém p̄ixiñ datim j̄yipa.

³³ Tsam p̄imi yaachwatta, chiita castigo, pero da i ic̄ipin̄. ¿Jém iman̄ictam, i wiap in̄madáy porque da jáypa cuyajpa i vida ȳip naxyucmi?

³⁴ Jesic jém capun p̄ixiñ icwác jém Felipe. Iñimáy:

—¿Anímaaȳi, ti n̄imtooba ȳip an̄mati? ¿Jém wiñicpic profeta, in̄matpa de iyaac o in̄matpa de tun̄gac p̄ixiñ?

³⁵ Jesic jém Felipe moj in̄madáy jém an̄mati jém sīppic imay. In̄madáy jém w̄ibic an̄mati de Jesús. ³⁶ Iganam waganicyajpa, núcyaj tum lugar jut it ni. Jesic jém capun p̄ixiñ iñimáy jém Felipe:

—Yim it ni. ¿Que ich da wiap anacchin̄?

³⁷ Jém Felipe iñimáy:

—Siiga in̄cupicpa con itump̄iy iñanama, wiap manacchin̄.

Jesic jém p̄ixiñ iñimáy Felipe:

—Ich an̄cupicpa iga Jesucristo je jém Dios iManic.

³⁸ Ocmi icteñ jém icarreta. Quetyaj, tigiyay jém n̄icim. Jém Felipe icchin̄ jém an̄jagooyi. ³⁹ Cuando putyaj jém n̄icim, jém Dios iAnama inin̄ic jém Felipe. Jém an̄jagooyi da más iix. Mojum niqui, tsam maymay. ⁴⁰ Jesic pátta jém Felipe jém attebet Azoto. De jem moj niqui. In̄matpa jém w̄ibic an̄mati itump̄iy jém attebetay hasta núc jém attebet Cesarea.

9

Jém Saulo cuando moj icupic Jesús (Hch. 22:6-16; 26:12-18)

¹ Jesic jém Saulo seguido imalwadáypa jém tánomi ip̄ixiñtam. Tsam icumecpa iga iccaaba. Jeeyucmi nic íam jém cobacpic panij an̄jagooyi. ² Nic iwác tum toto iga wiap itigiyay jém sinagogayaj jém ityajw̄ip jém attebet Damasco iga icuámpa jém icupicneyajw̄ip Cristo, jém p̄ixiñtam y yomtam iga imatspa y inin̄icpa Jerusalén.

³ Iganam niq̄ui jém Saulo tunj̄om, cuando núctooba jém attebet Damasco, iix tum jucti tsam p̄imi tsocpa siñyucmi. ⁴ Jesic jém Saulo actiñ naxyucmi. Imaton̄ tum j̄iyi. Nímaytap:

—Saulo, Saulo, ¿t̄iiga anacpoypa?

⁵ Jesic jém Saulo icwác. N̄impa:

—¿M̄iapaap, mán̄omi?

Jém j̄iyi icutson̄. N̄impa:

—Ich aJesús jém michpic̄ siip anacpoy. Iñyaactim̄ siip inimalwadayta. Mijex juuts jém yunta jém iñeppáppic̄ jém ichen̄óycuy in̄quiñi.

⁶ Jém Saulo tsam p̄imi cuetsáypa porque agui c̄iñne. N̄impa:

—¿Mán̄omi, ti iñxunpa iga an̄watpa?

Jesic tán̄omi iñímáy:

—Tsucum̄im, n̄ici ȳip attebet Damasco. Jemum miñímáyta ti w̄iap in̄wat.

⁷ Jém p̄ixiñtam, jém iwagananicpáppic̄ jém Saulo, tsam p̄imi c̄iñ porque imaton̄ jém j̄iyi, pero dā i iix. ⁸ Ocmi tsucum̄ jém Saulo jut̄ actiñne idic̄ naxyucmi. Tojne jém iixcuy, pero dā ixixóypa. Matsaytā ici, j̄icteñtā. Nanictā jém attebet Damasco. ⁹ Jemum tucunajama dā ixixóypa. Dā wíc ni dā níc.

¹⁰ It idic̄ Damasco tum p̄ixiñ iñ̄iyi Ananías, icupicnetim̄ Cristo. Iwiñquejáy tán̄omi juuts tum poñ. Iñímáy:

—¡Ananías!

Jesic jém p̄ixiñ iñímáy:

—Ȳim aít, mán̄omi.

¹¹ Jesic iñímáy jém tán̄omi:

—Tsucumi. N̄ici jém calle iñ̄iyi Numa, hasta jém Judas iticc̄im. Acwaaci tum p̄ixiñ de Tarso iñ̄iyi Saulo, s̄ip in̄wejpát Dios. ¹² Jém Saulo iixtim̄ tum poñ. Iix iga miñpa tum p̄ixiñ iñ̄iyi Ananías, tiḡiypa jém tic̄jom, iccámpa ici jém Saulo icobacyucmi iga eybictim̄ ixixóyiñ.

¹³ Jesic imaton̄ jém Ananías, iñímáy jém tán̄omi:

—Mán̄omi, tsam jáyan̄ p̄ixiñtam an̄madayñe ti iwat ȳip p̄ixiñ iga tsam imalwadáy jém imp̄ixiñtam jém micupicneyajw̄ip jém attebet Jerusalén. ¹⁴ Siip núcneum ȳim con jeetim̄ orde jém ichiñew̄ip jém cobacpic̄ pan̄ij iga imatspa itump̄iy jém in̄wejpátpáppic̄ Dios mich iñ̄iyimi.

¹⁵ Jesic jém tán̄omi iñímáy jém Ananías:

—Siip nicsim̄. Ich an̄cupiñ ȳip p̄ixiñ iga in̄madáyiñ ich anan̄químayooyi jém tun̄gacpic̄ p̄ixiñtam, jém tun̄gac naxyucmi ireyyaj y jém Israelpic̄ p̄ixiñtam iwiñjom. ¹⁶ Ich anan̄quejáypa iga tsam p̄imi yaachwattap ȳip p̄ixiñ ich an̄cuyucmi.

¹⁷ Ocmi jém Ananías nic̄ jém tic̄im jut̄ it̄ jém Saulo. Tiḡiy, iccám ici icobacyucmi. Iñímáy:

—Mant̄iw̄i Saulo, jém tán̄omi Jesús miwiñquejáy iganam mimiñpa tunj̄om. Siip acutsat iga w̄iap iñixixóy eybic̄ y iga tsam iniidiñ jém Dios iAnama.

¹⁸ Jeeti rato actiñ iixcuyucmi juuts t̄ipi iñaca, w̄iawum miixixóy eybic̄. Jesic ocmi tsucum̄ jém Saulo, acchintā. ¹⁹ Ocmi wícum, eybic̄ ipictson̄ ip̄imi. Tsíy juna jama con jém icupicneyajw̄ip Cristo jém attebet Damasco.

Jém Saulo in̄matpa jém w̄ibic̄ an̄mat̄i Damasco

²⁰ Ocmi moj in̄mat jém w̄ibic̄ an̄mat̄i jém sinagoga. In̄madáy jém p̄ixiñtam iga Jesús je jém Dios iManic̄. ²¹ Itump̄iy jém imaton̄yajpáppic̄ tsam ipooñanjamyaj. N̄imayja:

—¿Que da ȳiptim̄ p̄ixiñ jem̄ic̄ Jerusalén tsam icpoy jém in̄wejpátpáppic̄ Dios jém Jesús iñ̄iyimi? ¿Que da ȳiptim̄ p̄ixiñ s̄ip miññe ȳim iga imatspa jém p̄ixiñtam y inin̄icpa jém pan̄ij an̄jagooyic̄im?

²² Pero jém Saulo más pimi inmatpa jém Dios inmati. Je da cñpa. Inquejáypa iga Jesús je jém Cristo hasta imiswadáy ijixi jém judíos jém ityajwñip Damasco.

Cñput Saulo jém attebet Damasco

²³ Cuando watña jama it jém Saulo, jém judíos iwatyaj acuerdo iga iccaayajpa. ²⁴ Pero ocmi jém Saulo ijodóna iga tsucum y siñni jém ienemigo inteñne jém puerta añaca iga iccaaba cuando putpa jém attebet. ²⁵ Pero jém icupicneyajwñip Cristo icotyaj jém Saulo tum mñpic coonjom. Ijmquetyaj tsucum jém taañi iweñtañ. Jempam cñput.

Jém Saulo nic Jerusalén

²⁶ Cuando núc jém Saulo jém Jerusalén, tigiyooba idic jut antuumaneyaj jém icupicneyajwñip Cristo. Pero itumpiy jém pixiñtam tsam icñyajpa. Da icupicpa iga jém Saulo numa icupicneum jém Cristo. ²⁷ Pero jém Bernabé iwagananic jém Saulo. Nic icwiñquej jém apóstolyaj iwiñjom y inmadáypa jutsa miix jém Saulo jém tánomi tunjom y jutsa mijíyáy. Inmadáypatim iga jém Saulo da cñpa inmat jém Damasco jém Jesús iñiyimi. ²⁸ Jesic jemum tsíy Jerusalén jém Saulo. Mojum iwaganasiyay jeeyaj. ²⁹ Seguido inmatpa jém Dios inmati jém tánomi iñiyimi. Da cñpa. Anmatmatneyajpa, añayajpa con jém Israelpic pixiñtam jém iñiyajpápic jém griego añmati. Pero jeeyaj tsam iccaayajtooba jém Saulo. ³⁰ Cuando ijodónayaj jém tantiwitam, nanicta Saulo jém attebet Cesarea y de jem cutsatta hasta iticmi jém attebet Tarso.

³¹ Jesic da i imoogíypa jém Dios ipixiñtam icuwiti jém naxyucmi de Judea y de Galilea y de Samaria. Jesic más iwicutiyyayajpa Dios inmati jém icupicneyajwñip Cristo. Tsam iwíwatyajpa porque tsam icñpa tánomi. Dios iAnama iyoxpátpa iga tsam jáyanap jém Dios ipixiñtam.

Acpista jém Eneas

³² Jesic jém Peto nicpa ijooyáy jém tantiwitam yim jeexic. Nictim ijooyáy jém icupicneyajwñip Cristo jém attebet Lida. ³³ Jemum ipát tum pixiñ iñiyi Eneas. Ocho amtiy mimne icheesmi. Tusacane icumij. ³⁴ Jesic jém Peto iñímáy:

—Eneas, Jesucristo micpíspa. Tsucumi. Pñi jém immoncuy.

Jesic jeeti rato tsucum jém Eneas. ³⁵ Jesic itumpiy jém pixiñtam jém ityajwñip jém attebet Lida y Sarón iixyay iga pisneum. Ichacyaj jém wiñicpic añquímayooyi, moj icupicyaj jém tánomi.

Acpista jém Dorcas

³⁶ Jeetim tiempo it idic jém attebet Jope tum yomo icupicnetim Cristo. Iñiyi Tabita. Jém añmatimi griego nimtooba Dorcas. Yip yomo tsam iwíwatpa, iyoxpátpa jém yaachayajpápic. ³⁷ Jesic jeetim tiempo mimneactiñ jém yomo, ocmi ca. Jesic acchíyayta jém imijtay. Nanicta tum cuarto jém tungac pisoyucmi. ³⁸ Jém attebet Jope da juumi de jém attebet Lida. Cuando imatonyaj iga it jém Peto jém attebet Lida, jém icupicneyajwñip Cristo icutsatyaj wisten pixiñ iga niguiñ inwejay jém Peto. Iñímáy:

—Jicsciy nñi jém Jope.

³⁹ Jesic nic jém Peto con jém miññeyajwñip inwejay. Cuando núc jém Jope, nanicta jém cuarto jut it jém tsúts jém yucmipic piso. Itumpiy jém cunoytam inuumaneyaj. Tsam weyajpa. Inquejayajpa jém Peto jém wibic tecxi y yooti jém iñúnwñip jém Dorcas cuando vivonam. ⁴⁰ Jesic Peto iñímáy iga pudiñ itumpiy jém ityajwñip cuartojom. Costeñneactiñ, moj inwejpát Dios. Iámseedáy jém yomo jém caanewñip, iñímáy:

—Tabita, tsucumi.

Jesic jém yomo ictoj iixcuy. Cuando iix jém Peto, coñchucum. ⁴¹ Jém Peto imatsáy ici, ijñtsucum. Inwejay jém tantiwitam y jém cunoytam. Inquejay iga pisneum. ⁴² Icuwiti jém

atbet Jope imatonjaj ti iñasca jém yomo. Tsam jáyan icupicyaj jém tánomi. ⁴³ Tsíy jém Peto jém atbet Jope watña jama tum pxiñ iticim. Iñiyi Ximój jém pxiñ, icinpápic cuero.

10

Jém Peto y Cornelio

¹ It idic jém atbet Cesarea tum pxiñ iñiyi Cornelio. Capitán idic, injacpa tum batallón, jém grupo iñiyi jém Italiano. ² Yíp pxiñ ijisyajpa Dios con itumpiy jém ichixtam y itiwitam. Icinjajpa Dios. Ichiiba tumiñ jém yaachajpápic iga iyoxpátpa. Siempre injejpátpa Dios. ³ Tum jama como las tres de la tarde iix tum poñ. Iñuntawix iga tigiy hasta jut it jém Cornelio tum sinyucmipic pxiñ jém icutsatnewip Dios. Iñimáy:

—¡Cornelio!

⁴ Jém Cornelio agui iámpa jém sinyucmipic pxiñ, tsam pimi cinne. Jesic icwác. Nimpa:

—¿Ti, mánomi?

Jesic jém sinyucmipic pxiñ iñimáy:

—Dios mimatónjajneum jém iñoración. Ijodon iga agui iñyoxpátpa jém yaachajpápic y Dios tsam iwianjam. ⁵ Sip cutsati algunos pxiñtam jém atbet Jope iga injejápa tum pxiñ iñiyi Ximój, iñiyitim Peto. ⁶ Yíp pxiñ it jém tunjac Ximój iticim jém icinpápic cuero. It jém lamar anñaca. Jém pxiñ minmadápa ti wíap injwat.

⁷ Jesic nic jém sinyucmipic pxiñ jém inimiñnewip jém anmati. Jém Cornelio injejáy wisten jém imozo y tum soldado. Jém soldado siempre iwatpa juuts pimiytap. Ijispatim Dios. ⁸ Jesic jém Cornelio injmadáy itumpiy ti iix y ti iñimáy jém sinyucmipic pxiñ. Ocmi icutsat jém atbet Jope.

⁹ Jesic icuquejama nic imétsyaj jém Peto. Iganam niquiyaj tunjom cuando núctoobam nocojom jém atbet Jope, jesic jeeti rato quim jém Peto jém yucmipic piso iga injejpátpa Dios. Cugapjama. ¹⁰ Pimi yuane jém Peto, agui wíctooba, pero iganam sip iwadayta iwíccuy, iix tum poñ. ¹¹ Iix iga aháy jém sin. Juuts tum mijpic manta jimquetta hasta naxyucmi, tsénayñeta icucuatro itatsic. ¹² Ityaj jém mantajom itumpiy jém animat yíp naxyucmipic, jém cuatropic ipuy, jém tsañaj y jém jonyaj. ¹³ Ocmi imaton tum jiyi. Nímayta:

—Peto, tsucumi, accaj, cuuti.

¹⁴ Pero jém Peto icutson. Nimpa:

—Mánomi, da queman oypa ancút jém dapic wí tancút, ni jém ninyajpápic iga tactañcaíypa.

¹⁵ Eybictim jiyayta. Nímayta:

—Jém Diospic iwítsac iga wí tancút, da i wíap iñim iga tactañcaíypa.

¹⁶ Jempigam iñasca tuciy. Ocmi eybictim quim jém manta sinyucmi. ¹⁷ Iganam amanjac jém Peto iga iix jém poñ, núcyaj jém tiganñaca jém pxiñtam jém icutsatnewip jém Cornelio. Acwágooyajpa jém Ximój iticim. ¹⁸ Cuando núcyaj iticim, pimi jiy. Icwacyaj siiga jemum it jém Ximój iñiyitim Peto. ¹⁹ Iganam Peto sip ijis ti nimtooba jém poñ, Dios iñama iñimáy:

—Aami, sip miméts tucuten pxiñ. ²⁰ Tsucumi, queti jém yucmipic piso, nicsim con jeeyaj. Odoy cini porque ich mancutsadayne.

²¹ Jesic quet jém Peto, nic iám jém tucuten pxiñ jém icutsatnewip jém Cornelio. Iñimáy:

—Icham jém ammétstampápic. ¿Tiiga mimiñta yim?

²² Jesic iñimáy jém pxiñtam:

—Amiñta porque acutsatta jém capitán Cornelio. Je tum wibic p̄ixiñ, tsam iwatpa juuts ixunpa Dios. Itumpiy jém Israelpic p̄ixiñtam tsam iwianjamyaj, tsam itoyyajpa jém capitán. Da más pecam oy iwiñquejay tum siñyucmipic p̄ixiñ jém icutsatnewip Dios. Nimpa jém siñyucmipic p̄ixiñ iga miñwejayiñ iticcim iga imatonpa jém capitán mich iniñmati. ²³ Jesic jém Peto iñimáy jém p̄ixiñtam:

—Tigiyi.

Jemum tsíyyaj jém tsuu con jém Peto. Icuquejama waganicyajpa jém Peto con jeeyaj. Iwagananicyajpatim algunos jém tantiwitam jém ityajwip jém attebet Jope. ²⁴ Jesic jém tungagam más jama, núcyaj jém attebet Cesarea. Jemum injócneyaj jém Cornelio con algunos itiwitam y con jém más wibic iamigoyaj jém inwejayñewip. ²⁵ Cuando núc jém Peto jém Cornelio iticcim, put jém Cornelio, miñ iwipictson. Costeñactij jém Peto iwiñjom iga inwejpáttooba. ²⁶ Pero jém Peto ijictsucum. Iñimáy:

—Teñchucumi. Ich ap̄ixiñtim juuts mimich.

²⁷ Iganam siip inmatyay, tigiyaj jém Cornelio iticjom. Jém Peto ipát tsam jáyan p̄ixiñtam an̄tuumaneyaj. ²⁸ Jesic Peto iñimáy:

—Michtam iñjodon iga jém judíos inquímayooyi da ijícpa iga an̄tuumap jém judíos con jém tungac p̄ixiñtam ni datim ijícpa iga tigiyaj jém tungac p̄ixiñ iticjom. Pero Dios an̄quejayñe iga da w̄i iga tanjispá iga tum p̄ixiñ tactañcawatpa, da w̄i iga tanjispá iga tum p̄ixiñ da jex juuts taich. ²⁹ Jeeyucmi cuando mich an̄wejay, amiñ. Da ti an̄jy. Siip manacwácpa, ¿tiiga an̄wejay?

³⁰ Jesic jém Cornelio iñimáy:

—Iniitum cuatro día como yiptim hora aif anticcim. An̄watne ayuno. An̄wejpátpa Dios juuts siempre an̄watpa cada cutsuuyaji. Jesic awiñquejay tum p̄ixiñ tsam tsocpa ipuctucu. ³¹ Jém p̄ixiñ anímáy: “MiCornelio, Dios mimatónayñeum jém iñoración. Ijispá iga tsam iñyoxpátpa jém yaachayajpáppic.” ³² Anímáytim: “Cutsati algunos jém imp̄ixiñtam hasta jém attebet Jope iga inimiñiñ jém Ximój iñiyitim Peto. Jém p̄ixiñ it jém tungac Ximój iticcim jém icin̄páppic cuero jém itwip lamar an̄naca. Cuando núcpa, miñmadáypa ti wiap in̄wat.” ³³ Jeeyucmi jeeti rato an̄cutsat jém amp̄ixiñtam iga niñguiñ miméts. Agui w̄i iga mimiñ. Siip tantumpiytam taifta yim Dios iwiñjom. Tsam ammaton̄tamtooba itumpiy cosa juuts miñimáy jém tánomi.

Najíyóypa jém Peto jém Cornelio iticcim

³⁴ Jesic jém Peto moj jiyi. Nimpa:

—Numa siip tan̄cutiñyíypa iga jém tan̄jatun Dios da iñejaixpa ni tum p̄ixiñ. Itumpiy iixpa jextim. ³⁵ Pero Dios iwipictsonpa itumpiy jém p̄ixiñtam icuwiti yip naxyucmi siiga icin̄pa Dios y iwíwatpa. ³⁶ Dios icutsadáy jém wibic an̄mati jém Israelpic p̄ixiñtam. Iñimáy iga tawipictsonpa tan̄jatun Dios porque tawíwadáy jém Jesucristo. Je tantumpiytam tánomi. ³⁷ Michtam in̄w̄jodon ti nasne jém naxyucmi de Judea. Jemigam tsucum jém Galilea cuando najíyóypa y acchíñóypa jém Xiwan. ³⁸ Iñjodon̄tim iga ocmi Dios ichi jém Jesús de Nazaret jém Dios iAnama ipimi. Iñjodon̄tim iga jut quej nicpa jém Jesús, iwíwadáypa jém p̄ixiñtam, icpispá itumpiy jém iyaachwatyajpáppic jém Wocciwiñ. Jém tan̄jatun Dios iwaganait, jeeyucmi wiap iwat jempic. ³⁹ Aichtam atsiyta juuts testigo. Anixñeta itumpiy cosa juuts iwat jém attebet Jerusalén y icuwiti jém judíos iñaxyucmi. Ocmi jeeyaj iccaayaj, cunúnta cunusyucmi. ⁴⁰ Pero Dios icpis jém tucunajama y awiñquejayta aichtam. ⁴¹ Da iwiñquejay itumpiy p̄ixiñtam. No más awiñquejay aichtam jém acupin̄netawip dende wiñti jém tan̄jatun Dios iga atsiyta juuts testigo.

Awagawícta, awaganícta con je cuando pisneum de jut it jém caaneyajwíip. ⁴² Acutsatta iga anañmadaytámiñ jém pìxiñtam y anañquejaytámiñ iga Dios iccám yíptim Jesús iga juez iga icìpiñpa jém vivopic y jém caaneyajwíppic. ⁴³ Dende wiñigam itumpiy jém Dios inmatcìwiñ inmatyajtìim iga miñpa jém Jesús. Nìmyajpa iga jém icupicpaap jém Jesús, wadaytap perdón jém itánca jém Jesús inñiyimi.

Ipictsonyatim Dios iAnama jém dapic je de Israel

⁴⁴ Iganam síp inmat jém Peto, núc jém Dios iAnama. Ipictsonyay itumpiy jém imatonneyajwíip jém Peto inmati. ⁴⁵ Tsam ipooñanjamyajpa jém Israelpic pìxiñtam jém miñneyajwíip con Peto, jém icupicnewíip Cristo, cuando iix iga chiitaim jém Dios iAnama jém tungac pìxiñtam jém dapic je de Israel. ⁴⁶ Porque imatonnyay iga jìyyajpa jém tungac pìxiñtam inmatimi. Tsam icujípyajpa Dios. ⁴⁷ Jesic Peto inñimáy:

—¿I wiap inñim iga da wiap tanacchin yíp pìxiñtam? Porque ipictsonneum Dios iAnama juutstim taichtam.

⁴⁸ Jesic Peto ipimáy iga acchinjaytaiñ jém pìxiñtam jém Jesucristo inñiyimi. Ocmi cunucsayta jém Peto iga tsíyiñ juna jama con jeeyaj.

11

Jém Peto inmadáypa jém ityajwíip Jerusalén ti inasca jém attebet Jope

¹ Jesic jém apóstolyay con jém tantíwítam, jém ityajwíip Judea, ijodónayaj iga jém tungac pìxiñtam, jém dapic je de Israel, ipictsonyajtìim jém Dios inmati. ² Cuando set Jerusalén jém Peto, agui icujíyyaj jém Israelpic pìxiñtam jém icupicneyajwíip Jesús. ³ Nìmyaj:

—¿Tiiga oy inñjooyáy jém tungac pìxiñtam jém dapic je de Israel? ¿Tiiga miwagawícpa con jeeyaj?

⁴ Jesic jém Peto moj inmadáy titam inasca dende wiñti. Inñimáy:

⁵ —Ich ait idic jém attebet Jope. Iganam síp anañwejpát Dios, ánix tum poñ. Ánix juuts tum mijpic manta tsénayñeta icucuatro itatsic, jímquetta dende sinyucmi hasta jut ait. ⁶ Cuando añwíam ti it jém mantajom, ánix yíp naxyucmipic animat jém cuatropic ipuj, jém jimñi animat, ittìim jém tsañ, jém pachì y jém jonyaj. ⁷ Jesic ammaton tum jìyi. Anímayta: “Peto, tsucumi, accai, cuuti.” ⁸ Pero annímáy: “Mánomi, ich da queman añcút jém dapic wì tançút jém tactáncaiyápápic.” ⁹ Jesic eybic ajíyáy jém sinyucmipic jìyi. Anímáy: “Jém Diospic iwítsac, da wiap tannim iga da wì tançút.” ¹⁰ Annasca tuciy. Ocmi eybic jímquímta sinyucmi. ¹¹ Jeeti rato núcyaj tucuten pìxiñ jém ticcìim jut ait idic. Tum Cesareapic pìxiñ icutsat iga miñ améts. ¹² Jém Dios iAnama anímáy iga aniguiñ con jeeyaj y iga odoy acñiñ. Anwagananictatim yíp seis tantíwítam. Antumpiytam atigiyta jém pìxiñ iticjom, tum capitán. ¹³ Anmadáy jutsa miix iticcìim tum sinyucmipic pìxiñ. Miñ inmadáy jém capitán. Inñimáy: “Cutsati algunos pìxiñtam jém attebet Jope iga inimíñiñ jém Ximój inñiyitìim Peto. ¹⁴ Je miñpa inñmadáy jutsap inçiput y jutsap iciputyaj itumpiy jém ityajwíip inñiccìim.” ¹⁵ Cuando moj anañmat jém Dios inmati, ipictsonyay jém Dios iAnama juutstim taichtam matampictson wiñti. ¹⁶ Jesic anjìs ti tanímáy jém tánomi. Nìmpa: “Jém Xiwan acchíjóypa con ni, pero mimichtam impictsontampa Dios iAnama.” ¹⁷ Siiga Dios ichi jém tungac pìxiñtam jém Dios iAnama juuts tachiiñeta taichtam, jém tançupicnewíip Jesucristo, ¿jesic ich aìapaap iga anícpa contra jém tanjatun Dios?

¹⁸ Jesic cuando imatonnyay jém tantíwítam, jém ityajwíip Jerusalén, da jìyyaj. Moj icujípyaj Dios. Nìmyaj:

—Jém tanJatun Dios ichiitim lugar jém tungac p̄ixiñtam jém dapic je de Israel iga icucacyajpa ij̄xi iga iniitpatim jém vida jém dapic cuyajpa.

Jém Dios ip̄ixiñtam jém attebet Antioquía

¹⁹ Cuando accaata jém Esteban, jeetim jama moj icpoyyajta los demás jém icupicneyajw̄ip Cristo. Cupóyayyaj. Algunos nicyaj hasta jém attebet Fenicia, Chipre y Antioquía. Jemigam inmadayyaj jém wibic anmati jém Israelpic p̄ixiñtam. Pero da inmaday jém tungac p̄ixiñtam jém dapic je de Israel. ²⁰ Pero algunos jém tant̄iwitam jém ityajw̄ip jém attebet Chipre y Cirene nicyaj jém attebet Antioquía. Inmadayyaj jém tungac p̄ixiñtam jém dapic je de Israel iga w̄iap iciacputyaj jém tánomi Jesús. ²¹ Jém tant̄iwitam tsam iniit jém tánomi ip̄imi. Tsam jáyan jém p̄ixiñtam ichacyaj jém wiñicpic anquímayooyi. Moj icupicyaj jém tánomi Jesús.

²² Cuando ijodónayaj jém Dios ip̄ixiñtam, jém ityajw̄ip Jerusalén, icutsat jém Bernabé iga niguiñ Antioquía. ²³ Cuando núc jém Bernabé, iix iga Dios agui iw̄iwadayne jém p̄ixiñtam. Jesic agui maymay jém Bernabé. Moj inquímayaj itumpiy jém p̄ixiñtam iga iw̄icupiguiñ y odoy ichaguiñ jém tánomi inmadayooyi. ²⁴ Porque jém Bernabé tum wibic p̄ixiñ, tsam iniit jém Dios iAnama. Tsam iw̄icupicpa iga Dios w̄iap. Jeeyucmi jáyan p̄ixiñtam tigiyñeyaj iga icupicyajpa jém tánomi Jesús. ²⁵ Ocmi jém Bernabé nic jém attebet Tarso. Nic iméts jém Saulo. Cuando ipát, ininic Antioquía. ²⁶ Jáy itiyaj jemum con jém Dios ip̄ixiñtam. Oy iti tum amt̄iy. Inquejáy jáyan p̄ixiñtam jém Dios inmati. Yiptim Antioquía moj iccámayyajta iñiyi iga cristiano jém icupicneyajw̄ip Cristo.

²⁷ Jeetim tiempo algunos jém profeta, jém ityajw̄ip Jerusalén, nic Antioquía. ²⁸ Tum de jeeyaj, iñiyi Agabo, teñchucum jut̄ antuumaneyaj jém tant̄iwitam. Dios iAnama icjodóna ti miñpa. Nimpa iga miñpa tum mijpic yuu icuw̄iti de yip naxyucmi. Ocmi numa cupac juuts nim, jém tiempo cuando injacpa jém Romapic anjagooyi Claudio. ²⁹ Jesic ocmi jém icupicneyajw̄ip Cristo, jém Antioquíapic p̄ixiñtam, moj ij̄isyaj iga icutsadayyajpa tum yoxpádooyi jém tant̄iwitam jém ityajw̄ip Judea. Ichiiyajpa cada tumtum jutsan w̄iyajpa. ³⁰ Jempigam iwatyaj. Cutsadayta jém yoxpádooyi jém Dios ip̄ixiñtam injagooyiyaj. Oy ichac jém Bernabé y Saulo.

12

Accaata Jacobo y pajta jém Peto

¹ Jeetim tiempo moj icpoy jém rey Herodes algunos jém Dios ip̄ixiñtam. ² Accaata con espada jém Jacobo jém Xiwan it̄iw̄i. ³ Cuando jém Herodes iix iga agui iw̄ianjam jém Israelpic p̄ixiñtam, jesic ip̄imiytim iga matstaiñ mex jém Peto. Iñasca jempic cuando wattap jém sin̄ iga cúttap jém caxtánañi sin levadura. ⁴ Cuando matsta jém Peto, nanicta cárcel. Jém cárcel tsam w̄i watneta cuenta con cuatro grupo de soldado. Cada grupo ityaj cuatro soldado. Jém Herodes ij̄ispa idic iga itoppa jém Peto cuando cuyajneum jém sin̄ iga ic̄ip̄inpa jém p̄ixiñtam iwiñjom. ⁵ Jeeyucmi tsiy Peto jém cárcel, tsam w̄i watneta cuenta. Pero jém Dios ip̄ixiñtam tsam p̄imi inwejpádáypa Dios para je.

Dios itop jém Peto jém cárcel

⁶ Ocmi cuando núc jém tiempo iga jém Herodes ij̄ispa iga itoppa jém Peto, jeetim tsuu monpa Peto cucmi de wisten soldado. Tsenne con wisten cadena. Algunos jém soldado iwatne cuenta jém cárcel ipuerta. ⁷ Jeeti rato iwiñquejáy jém Peto tum sin̄yucm̄ipic p̄ixiñ jém Diospic icutsatne. Jém cárcel ijojmi cutsoctic juuts tum jucti. Jesic jém sin̄yucm̄ipic p̄ixiñ ichigáy jém Peto ipócpac. Ichicyus. Iñimáy:

—Jicsciy tsucumi.

Jesic wij jém cadena jém Peto ic̄iyucmi, cutiñ naxyucmi. ⁸ Jém sin̄yucm̄ipic p̄ixiñ iñimáy:

—Tsencaami jém iñcinturón immijpacyucmi. Coti inçiac.

Cuando yaj iwat jempic, iñimáy jém sinyucmipic p̄ixiñ:

—Coti iñyoóti. Atúñiyi.

⁹ Jesic put jém Peto, mojum itúñiy jém sinyucmipic p̄ixiñ. Pero da icutiñiy siiga numa ti iwatpa jém sinyucmipic p̄ixiñ. Je ijs̄pa no más iga imaw̄iñ. ¹⁰ Pero nasyaj jut̄ inçeññe jém wiñtipic soldado y jém ocmipic soldado. Cuando núcyaj jut̄ it̄ jém tinçuy puerta jém calle aññaca, añáy iyaac jém puerta. Putyaj, widañnasyaj tum calle, jeeti rato nic jém sinyucmipic p̄ixiñ. Tsíy icutum jém Peto. ¹¹ Jesigam jém Peto icutiñiy iga numa. Nimpa:

—Sip̄ añcutiñiy iga numa jém tánomi icutsat tum sinyucmipic p̄ixiñ iga aciactputpa jém Herodes icijom con jém Israelpic p̄ixiñtam icijom jém amalwadaypápic idic.

¹² Iganam síp̄ ijs̄ jém Peto ti iñasca, nic jém Malía iticim. Jém yomo jém Xiwan iapa iñiyitim Marco. Jem tsam jáyan p̄ixiñtam añtuumaneyaj. Síp̄ iwatyaj oración. ¹³ Cuando jém Peto itics jém puerta, miñ inçson tum woñi iñiyi Rode. ¹⁴ Imatónactiñyáy iga Peto iñiyi. Pero jém woñi da inçy jém tic. Tsam maymay, póyançsucum, nic jojmi iga inçmadáy jém añtuumaneyajw̄ip iga núcneum jém Peto jém puerta aññaca. ¹⁵ Pero jeeyaj iñimáy jém woñi:

—Mich miloco.

Pero jém woñi nimpa:

—¡Numa, da je miçooyi!

Jesic niñyajpa jém p̄ixiñtam:

—¿Que da je Petotim ianama?

¹⁶ Seguido iticspa puerta jém Peto. Cuando inçy jém puerta jém p̄ixiñtam, iixyaj jém Peto, tsam p̄imi ámançyay. ¹⁷ Pero jém Peto iwat seña con ic̄i iga odoy j̄iyajñi. Moj inçmadáy jutsa mitop tánomi jém cárcel. Iñimáy jém p̄ixiñtam:

—Añmadaytaami jém Jacobo y los demás jém tantiwitam.

Ocmi put jém Peto, nic tungac lugar.

¹⁸ Icuquejama p̄imi cujínayñeyaj jém soldadoyaj porque da ijodon̄ ti iñasca jém Peto. ¹⁹ Jém Herodes icutsat jém soldado iga inimíñiñ jém Peto, pero da ipát. Jesic jém Herodes inçweyáy jém soldado jém iwatneyajw̄ip cuenta jém cárcel. Ic̄ipinç. Ocmi ip̄imíy iga accaayajt̄añ inçump̄iy de jeeyaj. Jesic put jém Herodes jém naxyucmi de Judea, nic it̄i jém atebet de Cesarea.

Ca jém Herodes

²⁰ Jesic jém Herodes tsam p̄imi ijóyixpa jém p̄ixiñtam jém ityajw̄ip jém atebet de Tiro y Sidón. Pero jém p̄ixiñtam iwatyaj acuerdo con jém Blasto, tum mijpictim añjagooyi, icuyoxap jém rey Herodes. Iyojyaj jém Blasto iga iyoxpáñi. Iacunucsay iga odoy imoogiyajñi jém rey porque jém p̄ixiñtam ip̄icpa iwíccuy jém rey Herodes iñaxyucmi. ²¹ Jém Herodes inçweyáy jém p̄ixiñtam. Iñimáy júp̄ jama miñyajñi. Jesic jém jama icot jém rey ipuctucu. Nic coñi jém icõñcuyucmi jut̄ c̄ip̄inçóȳpa. Moj naj̄yooyi. ²² Jesic jém p̄ixiñtam, jém inçweyajñeyajw̄ip, tsam p̄imi j̄iyajpa, tsam icujípyajpa jém Herodes. Niñyaj:

—Yim̄pic j̄ȳpa da je p̄ixiñ, tum dios.

²³ Jeeti rato tançatun̄ Dios icutsat tum sinyucmipic p̄ixiñ iga icmimneñ jém Herodes porque da icujíppa Dios. Más iwiançam iga cujipt̄añ iyaac. Jempigam ca. Jém tsuuquiñ icútyaj.

²⁴ Pero jém tánomi inçuímayooyi más jáyanap. Añmattap jut̄inçuej jém añmat̄i.

²⁵ Jesic jém Bernabé y Saulo cuando cuyaj jém iyoxacuy, putyaj Jerusalén. Setyaj iticmi. Iwagananicyajpa jém Xiwan iñiyitim Marco.

13

Jém Bernabé y Saulo moypa iwat jém yoxacu y iga ininicpa Dios inmatí juumi

¹ Jesic jemigam jut antuumayajpa jém Dios ipixiñtam, jém attebet Antioquía, ityaj jém Dios inmatciwiñ y jém wibic maestroyaj. Ityaj jém Bernabé; jém Ximoj iniyitim Niger; jém Lucio, jém Cirenepic pixiñ; jém Manaén, icuyoxap idic jém Herodes jém gobernador de Galilea; ittim jém Saulo. ² Tum jama cuando antuumaneyaj jém pixiñtam iga ijspa jém tánomi y iwatyajpa ayuno, Dios iAnama inímáy jém pixiñtam:

—Tsaci aparte yip Bernabé y Saulo jém ancupinewiip iga acuyoxap.

³ Iwatyaj ayuno jém Dios ipixiñtam, inwejpátyaj Dios, iccámayyaj ici jém Bernabé y Saulo icobacyucmi. Jesic nanquimayjta.

Jém apóstolyaj inmatyajpa jém Dios inmatí jém attebet Chipre

⁴ Jesic Dios iAnama icutsat jém Bernabé y Saulo. Nicyaj jém attebet Seleucia. Jemum tigiyay barcojom iga nicpa jém isla de Chipre. ⁵ Cuando núc jém attebet Salamina, moj inmat jém Dios inmatí jém judíos imasticjom, jém sinagoga. Iwagananicyajtim jém Xiwan iga iyoxpátpa. ⁶ Inmatyaj yim jeexic icuwiti jém isla de Chipre. Núcayaj jém attebet Pafos. Jemum ipát tum nawat iniyi Barjesús. Nimpa iga tum Israelpic anmatciwiñ, pero je tum migoypaap. ⁷ Jém nawat it idic con jém gobernador Sergio Paulo. Yip anjagooyi tsam jixiy. Inwejay jém Bernabé y Saulo porque agui imatontooba jém Dios inmatí. ⁸ Pero jém nawat, iniyitim Elimas, nicpa en contra de jém Bernabé y Saulo. Da ichiitooa lugar jém gobernador iga icupiguiñ Cristo. ⁹ Jesic jém Saulo, iniyitim Pablo, tsam iniit jém Dios iAnama. Iwiámmats jém nawat. ¹⁰ Inímáy:

—Mimigoypaap, tsam malopic mipixiñ, Wocciwiñ mimanic. Mich tsam mienemigo de itumpiy jém witampic cosa. Agui inwótpa jém tánomi inquímayoooyi jém numapic. ¹¹ Siip jém tánomi michiiba castigo. Siip micachtiap. Juna jama da wiap inix jém jama ichoca.

Jesic jeeti rato imats juuts tum oma jém iixcuy, cupiicha. Moypa iméts i wiap ijictañ. ¹² Cuando jém gobernador iix ti inasca jém pixiñ, icupic Cristo. Agui ipooñanjampa cuando imaton jém tánomi inquímayoooyi.

Jém Pablo y Bernabé nicyaj jém tungac Antioquía jém attebet de Pisidia

¹³ Ocmi jém Pablo con icompañeroyaj tigiy barcojom, putyaj jém attebet Pafos. Nicyaj jém attebet Perge jém naxyucmi de Panfilia. Pero jém Xiwan ichaganput iga iwaganasiiba jeeyaj, set Jerusalén. ¹⁴ Ocmi nasyaj jém attebet Perge, núcayaj jém tungac Antioquía jém itwip jém naxyucmi de Pisidia. Jemum tum jejucuy jama tigiyay jém sinagoga, coñyay. ¹⁵ Jém sinagoga injagooyiyaj imayyaj jém Dios inmatí, jém Moisés inquímayoooyi y jém ijaychacnewiip jém wiñicpic anmatciwiñ. Cuando yaj imayyaj, jesic jém anjagooyiyaj icutsadáy anmatí jém Pablo. Nímayta:

—Mantiwitam, siiga iniit ti inñimaytooba yipyaj pixiñtam iga ininquimpa, sibam wiap ininmadáy.

¹⁶ Jesic jém Pablo teñchucum. Iwat tum seña con ici iga odoy i jiyiñ, moj inmadáy:

—MiIsraelpic mipixiñtam y mimichtam inçintampáppic tanjatun Dios, matonjaami.

¹⁷ Tanjatun Dios, jém Israelpic pixiñtam iDios, icupin jém wiñicpic tanjatunwewetam. Tsam icjáyanayaj jém tanwewetam cuando oy itiyaj jém naxyucmi Egipto juuts juumipic pixiñtam. Ocmi itop jém naxyucmi de Egipto con ipimi. ¹⁸ Dios iyaachiy iga tsam imalwatyajpa jeeyaj cuando jáy itiyaj cuarenta amtíy jém titsinaxyucmi. ¹⁹ Ocmi Dios ictogoy siete nación jém ityajwip jém naxyucmi de Canaán iga chiitap jém nas jém tanjatunwewetam. ²⁰ Jesic ocmi Dios iccám jém juezyaj iga injacyajpa jém Israelpic pixiñtam cuatrocientos cincuenta amtíy. Injacyajpa jém juezyaj hasta que núc jém tiempo

de Samuel jém Dios inmatcwiñ. ²¹ Ocmi iwácyaj tum nunta rey iga injaguiñ. Jesic Dios iccám jém Saúl juuts rey iga injacpa cuarenta antiy. Jém Saúl, jém Cis imaníc, tsucum de jém tribu de Benjamín. ²² Ocmi Dios itop jém Saúl. Accámta jém David iga rey. Nimpa Dios: “Ampát jém David jém Isaí imaníc. Jém ijxi jextim juuts aich. Iwatpa juuts ich anwianjam.” ²³ Yíptim David iocmaníc maníc jém Jesús, jém iciacputpáppic jém Israelpic pixiñtam. Dios ictsucum juuts tajycámayñe wiñigam. ²⁴ Antes que miñpa jém Jesús, jém Xiwan inmadáy itumpiy jém Israelpic pixiñtam iga icucacyajiñ ijxi y iga acchinjajtaiñ. ²⁵ Cuando dam jáyñe iga caaba jém Xiwan, nimpa: “Ich da aje jém michpic inñispa iga miñpa. Pero ocmi miñpa antuñianchim tum pixiñ más wiap que aich. Ich da ipati iga anwijáypa iciac ipuyyucmi.”

²⁶ Mantiwitam, jém Abraham mimanictam, jém inçintampáppic Dios, taichtam tacutsadayta jém wibic anmati iga taciacputpa Dios. ²⁷ Jém ityajwip Jerusalén y jém injagooyiyaj da ijodonjaj iga Jesús je jém icutsatnewip Dios. Datim icuyiyajpa cuando imayyajpa cada jejcuy jama jém anmati jém ijaychacnewip jém wiñicpic anmatcwiñ. Cuando accaata jém Jesús, cupacpa iwat juuts nim jém wiñicpic anmatcwiñ. ²⁸ Mex da ipadayaj itánca jém Jesús iga accaataiñ, jém pixiñtam iwágáy jém Pilato iga accaataiñ. ²⁹ Cuando jém pixiñtam yaj imalwadayaj jém Jesús juuts ijaychacne jém wiñicpic anmatcwiñ, icquetyaj jém icunusyucmi, icumyaj. ³⁰ Pero Dios icpis de jut it jém caaneyajwip. ³¹ Watña jama iwiñquejáy jém icuyujcwiñ jém iwaganamiñnewip de Galilea a Jerusalén. Siip jeeyaj tsíyyaj juuts testigo iga inmadayyajpa jém pixiñtam iga numa pisneum.

³² Siip aichtam manaquejáypa jém wibic anmati jém Diospic ijycámayñe jém wiñicpic tanjatunwewetam. ³³ Siip Dios iccupac jém promesa para taichtam jém wiñicpic pixiñtam tamanictam. Iccupac Dios cuando icpis jém Jesús, juuts jaychacnetá jém salmo dos. Nimpa:

Mich mammaníc.

Yip jama manchi jém vida.

³⁴ Jém tanjatun Dios ijyachacne iga icpispa jém imaníc de jut it jém caaneyajwip iga jém imijtay da púcpa. Yimpic nimpa jut jaychacnetá:

Manyaachanjampa,

manwíwadáypa juuts anjycámayñe jém David.

³⁵ Jeeyucmi nimpatim jém tunjac salmo:

Da anjícpa iga púcpa imijtay jém acuyoxapaap,
jém tsampic antoypa.

³⁶ Numa jém David tsam icuyoxa jém itiwitam juuts iwianjam Dios. Ocmi ca, cumta juttim cumneyaj jém ijatunwewe, púc jém imijtay. ³⁷ Pero jém icpisnewip Dios, da púc jém imijtay. ³⁸ Mantiwitam, jodonataami iga yíptim Jesús inñiyimi minmadaytamtap iga Dios miwadaytampa perdón jém inñánca. ³⁹ Yip pixiñ inñiyimi itumpiy jém icupicneyajwip Jesús wadaytap perdón itumpiy jém itánca jém dapic wiap iwitsagáy jém Moisés inquímayoyi. ⁴⁰ Nawattamtaji cuenta mimichtam iga da inñascaaba juuts ijaychacne jém wiñicpic anmatcwiñ. Nimpa yimpic:

⁴¹ Mimalopic mipixiñtam, tsam inñiccatámpa jém wibic cosa.

Núcpa jama iga agui miámanjacpa, pero mitogoypa.

Porque ich aDios anwatpa tum mijpic cosa jém tiempo de mimichtam.

Pero mimichtam da incupictámpa mex i minmadáypa.

⁴² Iganam putyaj jém Pablo con icompañeroyaj jém sinagoga, jesic jém pixiñtam inñimayyaj:

—Yip tunjac jejcuy jama miñi anmadaytaami eybic jém siippic ammatonja.

⁴³ Cuando cupudayyaj de jut aṅtuumaṅeyaj, jesic tsam jáyan jem judíos con jem tungac pixiñtam, jem iwianjamyajpáppic jem Moisés inquímayooyi, itúnyyayja jem Pablo y Bernabé. Jesic jeeyaj inquímpa jem pixiñtam iga seguido icupiguiñ y odoy ichaguiñ jem Dios itóyooyi.

⁴⁴ Jesic jem tungac semana jem jejcuy jama aṅtuumayajpa casi itumpiy jem ityajwiip jem attebet iga imatonayajpa jem Dios inmati. ⁴⁵ Pero cuando jem judíos iix iga aṅtuumaṅeyaj tsam jáyan pixiñtam, jesic tsam najajoyyajpa, moj imalmalnimayyaj jem Pablo. Nimyayja iga tsam migóypa. ⁴⁶ Jem Pablo y Bernabé da cṅpa inmat. Inímáy:

—Tienes que wiñti manamaḍaypa jem Dios inmati mimichtam miIsraelpic mipixiñtam. Pero como da impictsonṭooba jem vida jem ḍapic cuyajpa, siḅ ananigáypa jem wibic aṅmati jem tungac pixiñtam jem ḍapic je de Israel. ⁴⁷ Porque jem pigam tanímáy jem tanjatun Dios. Nimpa yimpic:

Manaccám juuts tum wibic jucti para jem tungac pixiñtam jem ḍapic je de Israel.

Maṅcutsatpa iga ininṅpa jem wibic aṅmati iga Dios iciacputtooba jem pixiñtam icuwiti yip naxyucmi.

⁴⁸ Jesic cuando imatonayaj jem tungac pixiñtam, jem ḍapic je de Israel, agui maymayyaj. Nimyayja:

—¡Yíp Dios inmati tsam wi!

Jesic icupicyaj itumpiy jem icupinewiip Dios iga ipictsonyajiñ jem vida jem ḍapic cuyajpa. ⁴⁹ Jesic aṅmattap jem Dios inmati icuwiti jem naxyucmi de Pisidia. ⁵⁰ Pero jem judíos tsam ijóyixyajpa jem wibic aṅmati. Moj ictsucum iga icpóyiyayja jem Pablo y Bernabé. Jem malopic judíos inímáy jem wibic yomtam con jem miḅpic anjagooyiyaj iga iyoxpádiñ. Jesic moj icpóyiyaj hasta icquebacputyaj jem naxyucmi de Pisidia. ⁵¹ Jesic cuando putyaj jem Pablo y Bernabé, icunebayyaj jem pótpót ipuyucmi iga quejiñ iga jem pixiñtam da ipictsonyaj jem Dios inmati. Ocmi nicyaj jem attebet Iconio. ⁵² Pero jem icupicneyajwiip Cristo jem attebet Antioquia tsam maymayyaj. Tsam iniityaj Dios iAnama.

14

Jem Pablo y Bernabé it jem attebet Iconio

¹ Jesic jem attebet Iconio jem Pablo y Bernabé wagatigiyyaj jem judíos isinagoga. Como tsam wiap inmatyaj jem wibic aṅmati, tsam jáyan pixiñtam icupicyaj jem Cristo. Icupicyajtim jem judíos con jem griegopic. ² Pero jem judíos, jem ḍapic icupicpa, tsam pimi imalnimayyaj jem Pablo y Bernabé. Icjóyixyajtim jem tungac pixiñtam jem ḍapic je de Israel. ³ Jeeyucmi tsíyyaj jemum jem Pablo y Bernabé waṭña jama. Da cṅpa inmat porque ijodon iga iyoxpátpa jem tánomi. Numa Dios inquejáypa jem pixiñtam iga da migóypa jem Pablo cuando inmatpa de jem Dios itóyooyi. Chiitajtim jem Dios ipimi iga wiap iwat jem milagro y jem seña jem ḍapic oypa tánix. ⁴ Pero nawécayajta jem pixiñtam jem ityajwiip jem attebet. Algunos iwianjamyaj jem judíos inquímayooyi, algunos iwianjamyaj jem apóstol inquímayooyi. ⁵ Ocmi jem judíos con jem tungac pixiñtam iwatyaj acuerdo con jem anjagooyiyaj iga imalwadayajpa jem Pablo y Bernabé, iga ináscayajpa tsaami. ⁶ Pero jem Pablo y Bernabé cuando ijodónayaj, poyyaj, nicyaj jem attebet Listra y Derbe jem naxyucmi de Licaonia. Nasyaj itumpiy jem attebetyaj jem nocojompic it ⁷ iga inmatyajpa jem wibic aṅmati.

Yigayta tsaami jem Pablo jem attebet Listra

⁸ Jém attebet Listra coñ tum cuxuj calle aññaca. Da nunca wiap iwit porque cuxuj miñay. ⁹ Jém p̄ixiñ s̄ip imatoñ ti n̄impa jém Pablo. Jesic jém Pablo iámmats, iix iga tsam icupicpa iga Dios wiap icp̄is. ¹⁰ Jesic jém Pablo ijíyáypa p̄imi. N̄impa:

—¡Tsucumi, numteñi!

Jém p̄ixiñ teñchucum, yóyquím, mojum w̄iti. ¹¹ Cuando jém p̄ixiñtam iixyay ti iwat jém Pablo, p̄imi j̄iyyajpa jém Licaoniap̄ic añmat̄imi. N̄imyajpa:

—Quetneum w̄isten diosyay, jex juuts p̄ixiñ.

¹² Ij̄isyay jém p̄ixiñtam iga jém Bernabé jém dios Júpiter y jém Pablo jém dios Mercurio porque je agui añmatpa. ¹³ Jém pañij, jém icuyoxap̄ap̄ic jém dios Júpiter, iniit imastic jém attebet aññaca. Inimiñ jut̄en xix tsam iw̄iaccuyajne con jém moya. Jém pañij con jém p̄ixiñtam iccaayajtooba jém xix juuts tum sacrificio jém Pablo iwiñjom iga ij̄isyajpa juuts tum dios. ¹⁴ Pero jém apóstolyaj, jém Pablo y Bernabé, cuando icutiyȳyay ti iwatpa jém p̄ixiñtam, jesic ichiccujac jém iyooti. Tiḡiy jém p̄ixiñtamanjom, moj j̄iyi p̄imi. ¹⁵ N̄impa:

—¡Mip̄ixiñtam! ¿Tiiga inwattámpa jemp̄ic? Ich ap̄ixiñ juuts mimichtam. Jeeyucmi amiñ iga manactsactámpa jexp̄ic j̄ixi jém dap̄ic tayoxp̄átpa. Cup̄ici jém vivop̄ic Dios jém iwatnew̄ip s̄iñ, nas y lamar. Itump̄iy jém Dios iw̄ati. ¹⁶ Wiñigam Dios ij̄ic iga itump̄iy jém p̄ixiñtam iwatyajpa con ij̄ixi juuts ixunpa iyaac. ¹⁷ Pero dende wiñigam tanquejáypa juutsp̄ic Dios jém tanjat̄uñ Dios. Tsam taw̄iwadáypa. Icchijóypa tuj iga tanaittámpa w̄ib̄ic cosecha. Tachiiba titam tanj̄cútpa iga tamaymáyp.

¹⁸ Mextim inmadáypa jemp̄ic, jém Pablo tsam t̄añca ic̄tsac jém p̄ixiñtam iga iccaaba jém xix iga iwadáypa sacrificio jém Pablo y Bernabé iwiñjom.

¹⁹ Ocmi miñyajt̄im jem jém malop̄ic judíos, jém ityajw̄ip jém Antioquía y jém Iconio. Moj icumigoyyay jém p̄ixiñtam iga Pablo icuj̄ypa Dios. Jesic iccupicyaj, iyigayyay tsaami jém Pablo. Ij̄isyay iga caaneum. Ij̄icputyay añs̄icmi de jém attebet. ²⁰ Pero cuando icuyujc̄iwiñ in̄tuumaçayaj jém Pablo, eyb̄ic tsucum, tiḡiy jém attebet. Jém tun̄gac j̄ama put jém attebet con jém Bernabé, n̄icyaj jém attebet Derbe. ²¹ Ocmi cuando yaj in̄mat jém w̄ib̄ic añmat̄i jém attebet Derbe, tsam j̄ayan tiḡiyyay iga icupicyajpa Cristo. Jesic set̄ jém attebet Listra, jém Iconio y jém Antioquía. ²² Cuando nasyaj jém tun̄gac attebet̄yay tsam iyoxp̄átpa jém icupicneyajw̄ip Cristo. Inquímpa iga odoy ichaguiñ jém Dios in̄mat̄i. In̄imayyajpatim iga tienes que tayaachwattap y tacutit̄stap iga tanúcpa jut̄ it̄ Dios. ²³ Accámta tum anjagooyi cada mast̄icjom jut̄ añtuumayajpa jém Dios ip̄ixiñtam. Jesic jém Pablo y Bernabé cuando yaj iwat oración y ayuno, ic̄iñj̄uncot jém anjagooyiyaj jém tán̄omi ic̄iñjom iga iwatyajiñ cuenta jém icupicneyajw̄ip Cristo.

Jém Pablo y Bernabé set̄pa Antioquía y Siria

²⁴ Ocmi nasyajpa jém naxyucmi de Pisidia, núcyaj jém naxyucmi de Panfilia. ²⁵ In̄matyay jém Dios in̄mat̄i jém attebet Perge. Ocmi n̄icyaj hasta tum attebet in̄iyi Atalia. ²⁶ Jemum tiḡiyyay tum barcojom. Set̄ eyb̄ic jém Antioquía, jém attebet jut̄ tsucumyay, jut̄ jém tant̄iw̄itam ic̄iñj̄uncotyay jém Dios ic̄iñjom iga iwatpa cuenta con jém w̄ib̄ic tóyooyi cuando nicpa iwat jém yoxacuy jém sīpp̄ic cuyajneum. ²⁷ Cuando núcyaj jém Antioquía, in̄tuumawatyay jém Dios ip̄ixiñtam. Jesic jém Pablo y Bernabé in̄madayyay itump̄iy juuts iwadáy Dios. In̄madáȳtim itump̄iy jutsap̄ in̄yáyay jém puerta jém tán̄omi para jém tun̄gac p̄ixiñtam jém dap̄ic je de Israel iga w̄iñiñtim icupicyaj. ²⁸ Jesic jeeyaj ts̄iyyay w̄ati j̄ama con jém tant̄iw̄itam.

¹ Jesic algunos p̄ixiñtam, jém ityajw̄ip idic Judea, miñyay Antioquía. Moj inquejayyay jém tant̄iw̄itam iga da taciacputt̄ap siiga da tampictson̄pa jém marca de circuncisión jém ictsucumnew̄ip jém Moisés. ² Jesic jém Pablo y Bernabé añayay con jém inimiññeyajw̄ip jém migooyi. Jesic cupiñta jém Pablo y Bernabé con tungac más p̄ixiñtam iga nicpa iw̄itsac jém asunto Jerusalén con jém apóstolyay y jém w̄idaytam, jém injacpáppic jém Dios ip̄ixiñtam.

³ Jesic jém Dios ip̄ixiñtam jém ityajw̄ip Antioquía oy ijagan̄tsacyay tunjom. Ocmi nasyay jém Fenicia y Samaria. Inmadayyay juts̄a micupicyay jém tungac p̄ixiñtam jém dapic je de Israel. Agui maymayyay itump̄iy jém tant̄iw̄itam cuando imatonyay.

⁴ Cuando núcyay Jerusalén jém Pablo y Bernabé, iw̄ipictson̄yay jém Dios ip̄ixiñtam. Iw̄ipictson̄yajt̄im jém apóstolyay y jém w̄idaytam. Moj inmadayyay titam iwadáy Dios con jeeyay. ⁵ Pero jemum ittim jut̄en jém fariseoyay, icupicyajt̄im jém Jesucristo inquímayooyi. Teñchucum, n̄imyajpa:

—Jém tungac p̄ixiñtam jém dapic je de Israel tienes que iwatpatim jém marca de circuncisión cuando mojpa icupic Jesús. Tienes que iwatpatim juuts n̄impa jém Moisés inquímayooyi.

⁶ Ocmi an̄tuumayay jém apóstolyay con jém w̄idaytam. Moj ij̄isyay siiga w̄i iga tanwatpa juuts n̄impa jém fariseoyay. ⁷ Cuando yajum añajiyay, teñchucum jém Peto. Iñimáy:

—Mant̄iw̄itam, michtam in̄jodon̄ iga da más pecam Dios acupiñ de mimichtámanjom iga anañmadáypa jém w̄ibic an̄mañi jém tungac p̄ixiñtam jém dapic je de Israel iga icupicyajiñ mex jeeyay. ⁸ Dios ijodon̄ ti tanj̄ispa tánanamanjom. Tanquejáy iga jém tungac p̄ixiñtam numa icupicyajpatim Cristo porque chiiyajt̄a jém Dios iAnama jutstim taichtam. ⁹ Dios da iñejaixpa jém p̄ixiñtam. Iixpa jém tungac p̄ixiñtam jextim juuts taichtam. Dios iccuáyáy ianama porque icupicpatim Cristo mex jeeyay. ¹⁰ Jesic tiiga da in̄cupicpa ti iwatpa Dios. ¿Tiiga in̄icts̄im̄ap jém tant̄iw̄itam con jém wiñicpic an̄químayooyi? Porque ni taichtam ni jém wiñicpic tanjatun̄wewetam da w̄iap tanaccupac juuts n̄impa jém wiñicpic an̄químayooyi. ¹¹ Pero taichtam tan̄cupicpa iga Jesucristo taciacputpa porque tsam tatoypa. Tachiiba jém tóyooyi juuts tum xaja. Jemp̄ictim iwadáypa Dios jém tungac p̄ixiñtam.

¹² Jesic itump̄iy jém p̄ixiñtam jut̄ an̄tuumaneyay dam j̄iyay. Moj icumatonyay iganam inmatpa jém Pablo y Bernabé juts̄a miyoxpát Dios iga iwat jém milagro y seña entre jém tungac p̄ixiñtam, jém dapic je de Israel. ¹³ Cuando yaj n̄imiyay, teñchucum jém Jacobo, iñimáy jém p̄ixiñtam:

—Mant̄iw̄itam, amaton̄taami. ¹⁴ Tanmadáy jém Peto juts̄a miw̄iwadáy Dios jém tungac p̄ixiñtam cuando moj ipictson̄yay jém Dios in̄mañi. Cupiñyajt̄atim jut̄en de jeeyay iga ts̄iyyajpa juuts jém Dios ip̄ixiñtam. ¹⁵ Cuando iwat jemp̄ic, icts̄iypa jém an̄mañi juuts ijaychacne jém wiñicpic an̄mat̄c̄iwiñ. N̄impa ȳimp̄ic:

¹⁶ Jesic yaj iñasca jemp̄ic, amiñgacpa eyb̄ic iga an̄w̄itsagáypa jém David itic jém act̄in̄new̄ip. An̄watsetpa jomipic jém misanew̄ip, eyb̄ic anact̄eñpa.

¹⁷ An̄watpa jemp̄ic iga jém tungac p̄ixiñtam imétsyajiñ Dios.

Jesic itump̄iy jém cupiñnet̄aw̄ip, jém dapic de Israel, ts̄iyyay juuts ich amp̄ixiñtam.

¹⁸ N̄impa jém tanjatun̄ Dios:

Tsam wiñigam jodón̄at̄a iga naspa jemp̄ic.

¹⁹ N̄impatim Jacobo:

—Jeeyucmi ich an̄impa w̄i iga da tammooḡiypa jém tungac p̄ixiñtam jém dapic je de Israel cuando ichacpa jém wiñicpic j̄ixi iga icupicyajiñ Dios. ²⁰ W̄i iga tanjáyáypa tum toto iga ichaguiñ iga icupicpa jém watnas, iga odoy pejóyiñ, odoy icúdiñ jém animat

jém pencanewiip ni jém jupcanewiip y odoy icúdiñ jém nipiñ. ²¹ Dende wiñigam it jém inmatpáppic jém Moisés inquímayooyi cada tiganjoj. Maytap jém anmati cada jeucuy jama jém sinagoga.

²² Jesic jém apóstolyaj con itumpiy de jém Dios ipixiñtam con jém wıdaytam ijisyaj iga icupinyajpa wısten pıxiñ de jeeyaj iga icutsatpa Antioquía con jém Pablo y Bernabé. Jesic cupın̄ta jém Judas in̄iyitim Barsabás y tum pıxiñ in̄iyi Silas. Yıp wısten tsıy iga jém Dios ipixiñtam injagooyiyaj. ²³ Icutsat tum toto con jeeyaj. Nımpa:

“Aıchtam aapóstoltam, con jém wıdaytam, con itumpiy jém tantıwıtam jém ityajwıip yım, mañcutsadápa wıtidios, mantıwıtam, jém miıftanwıip jém atebet Antioquía y jém naxyucmi de Siria y Cilicia. ²⁴ Anjodonaneta iga oyñe yımpic pıxiñtam, pero aıchtam da ancutsatneta. Yıpyaj mimigóyápa, micujíñápa con jém inmati. Mıpımıyápa iga inwadıñ jém marca de circuncisión y iga odoy in̄chaguiñ jém Moisés inquímayooyi. ²⁵ Jeeyucmi an̄cumun̄jista iga an̄cupın̄pa wısten pıxiñ aıchtampic iga nıguiñ miám̄ta con jém Bernabé y jém Pablo jém tantoypáppic. ²⁶ Yıp wısten pıxiñ watciy accaatatooba jém tán̄omi Jesucristo icuyucmi. ²⁷ Jeeyucmi mañcutsadápa jém Judas y Silas iga nicpa mıñmadáy iyaac itumpiy juuts manjáyápa yıp totoyucmi. ²⁸ Dios iAnama da iwıanjam iga manactsımap con jém mıjpic anquímayooyi y aıchtam an̄jıstámpatim jempic. Manan̄madápa ti ixunpa Dios iga tanwatpa: ²⁹ Odoy cuuti jém animat imayi, jém accaanetawıip jém watnas iwıñjom, jém watnetawıip sacrificio. Odoy cuuti jém nipiñ ni jém animat jém pencanewiip. Odoy pejooyi. Odoy tsıci tun̄gac yomo. Siiga seguido in̄watpa juuts nımpa yıp anquímayooyi, jesic in̄wıwatpa. Jesán̄am manjáyáy.”

Nıcyajpa Antioquía jém cuatro pıxiñ

³⁰ Jesic yaj inquımyaj, mojum nıquiyaj jém cuatro pıxiñtam jém atebet Antioquía. Cuando núcyaj, in̄tuumawatyaj itumpiy jém Dios ipixiñtam. Icıjıñcodayyaj jém toto. ³¹ Cuando yaj imayyaj jém toto, jém tantıwıtam aguı maymayyaj porque tsam iyoxpát jém toto. ³² Jém Judas y Silas profetayaj, chíiyajta jém jıxi iga wıap in̄mat jém Dios in̄mati. Tsam in̄madayyajpa jém pıxiñtam ti ixunpa Dios. Tsam iyoxpátpa iga iwıcupıcyajpa y da ichacyajpa jém wıbic anmati. ³³ Jesic jáy wagaıtiyaj. Cuando yaj iwat iyoxacuy, jém tantıwıtam inquımyaj iga setpa eybic juıttim tsucumyaj. ³⁴ Pero jém Silas ijs iga tsıypa Antioquía. ³⁵ Tsıyyajtim jém Pablo y Bernabé. Da ichacyaj iga najıyóyapa y in̄quejápa jém pıxiñtam jém tán̄omi in̄madayooyi. Jenum tsıyyajtim wati jém tantıwıtam.

Jém Pablo eybic nicpa juumi

³⁶ Da watña jama jáyıtıyaj, jém Pablo in̄ımáy jém Bernabé:

—Nicpa tanjójáy eybic jém tantıwıtam itumpiy jém atebet juıt moj tanañmat jém tán̄omi in̄madayooyi iga tanjodón̄ap jutsane iıtiyaj.

³⁷ Jém Bernabé iwagananıctoobatim jém Xiwan in̄iyitim Marcos. ³⁸ Pero jém Pablo da iwıanjam iga iwagananıcpa jém Xiwan porque ichagan̄put jém yoxacuy jém atebet Panfilia. ³⁹ Ocmi jém Pablo an̄ayaj con jém Bernabé. Mex jeegacti natsagan̄putyajta. Jém Bernabé ininıc jém Marcos. Tıgıy barcojom, waganıcyaj jém isla de Chipre. ⁴⁰ Jesic jém Pablo icupın̄ jém Silas. Nıcyaj. Jesic jém tantıwıtam inquımyaj, in̄wejpátyaj tan̄jatun̄ Dios iga iyoxpádiñ. ⁴¹ Nasyajpa jém naxyucmi de Siria y Cilicia. Juıt quej nicpa iyoxpát jém Dios ipixiñtam iga más wıaiñ iwatyaj juuts ixunpa Dios.

¹ Jesic jém Pablo y Silas nicyaj jém atebet Derbe y Listra. Jemum ipát tum p̄ixiñ jém icupicnew̄ip Cristo iñ̄iyi Timoteo. Jém iapa tum Israelpic yomo, tsam icupicpatim Cristo. Jém ijatun tum griegopic p̄ixiñ. ² Jém tantiw̄itam jém ityajw̄ip Listra y jém Iconio tsam iw̄ixyajpa jém Timoteo. ³ Jém Pablo iwagananictooba jém Timoteo. Jeeyucmi iwadáytim jém marca de circuncisión iga odoy ijóyixiñ jém judíos jut nicyajpa jém Pablo. Porque ijodon̄yay iga jém ijatun griegopic p̄ixiñ. ⁴ Jesic nicyaj, nasyajpa wat̄i jém atebet. Inquejyaypa ti w̄iap iwatyaj juuts ip̄im̄iy jém apóstolyaj y jém w̄idaytam jém ityajw̄ip Jerusalén. ⁵ Jesic jut an̄tuum̄ayajpa Dios ip̄ixiñtam más̄tim icupicyajpa. Cada jama más jāyan̄ap.

Imaw̄iñix Pablo tum Macedoniapic p̄ixiñ

⁶ Jém Dios iAnama da ijígáy iga in̄matpa jém Dios in̄mati jém naxyucmi de Asia. Jeeyucmi widañnasyaj jém naxyucmi de Frigia y Galacia. ⁷ Ocmi núcyaj jut tsucum jém naxyucmi de Misia. De jem ij̄isyajpa iga tiḡiypa jém naxyucmi de Bitinia. Pero Dios iAnama datim ijígáy iga in̄matyajpa jém Dios in̄mati jem. ⁸ Jesic icuw̄idayyay jém naxyucmi de Misia, nicyaj naxwiñ jém atebet Troas jém lamar an̄naca. ⁹ Jesic tsuucim̄ jém Pablo iix tum poñ. Iix iga jemum teñ tum Macedoniapic p̄ixiñ. Iacunucsáypa. Iñímáy:

—Nasi yim Macedonia, miñi ayoxpátaami.

¹⁰ Mu iix jém poñ, jicsciy anaw̄itsactam̄ta iga anictámpa Macedonia. Anjodón̄ata iga numa an̄wejáy Dios iga niguiñ anan̄mat jém w̄ibic an̄mati Macedonia.

Cuando ityaj Filipos jém Pablo y Silas

¹¹ Atiḡiyta barcojom jém atebet Troas. Anun̄nicta jém isla de Samotracia. Tun̄gagam jama anúcta jém atebet Neápolis. ¹² De jem anicta hasta Filipos, tum Romapic colonia. Je jém más mijpic atebet de jém parte de Macedonia. Jáy aítitam jemum juna jama. ¹³ Tum jeicy jama aputta an̄sicmi de jém atebet. Anicta tum ni an̄naca. Anúcta tum lugar jut siempre in̄wejpátyajpa Dios. Acoñta, moj anan̄madayyay jém Dios in̄mati jém yomtam jém an̄tuuman̄eyajw̄ip jem. ¹⁴ Tum de jeeyaj iñ̄iyi Lidia. Jém yomo tsucum jém atebet Tiatira. Imáypa jém w̄ibic puctucu jém color morado. Tsam ij̄ispa Dios. Iw̄imatop̄pa jém Dios in̄mati. Jém tán̄omi iñáyáy jém yomo ianama iga iwadáyñ caso ti n̄impa jém Pablo. ¹⁵ Jesic acchiñta jém Lidia. Acchiñyajt̄atim itump̄iy jém ityajw̄ip iticcim̄. Ocmi icunucsáy jém Pablo. Iñímáy:

—Siiga iñ̄ispa iga an̄w̄icupic jém tán̄omi, miñi mich̄iyi ich anticc̄im.

Jesic an̄cupicta, at̄s̄iyta.

¹⁶ Jesic tun̄gagam jama anictámpa eybic jém lugar jut iwatyajpa oración. Tun̄jom ampát tum woñi juyñeta, tum esclava. Iniit tum mal espíritu. Jém woñi tum sabio. Iméts̄pa suerte. Tsam iw̄icoñw̄iypa tumiñ para jém iomi jém ijuyñew̄ip. ¹⁷ Yip woñi moj atún̄iyta aichtam. P̄imi j̄iypa jém woñi, n̄impa:

—Yip p̄ixiñtam icuyoxap jém yucm̄ipic Dios. In̄matyajpa jutsap taciaput Dios.

¹⁸ Jempam iwat jém woñi wat̄ña jama. Ocmi jém Pablo ijóyca. Iámseedáy, iñímáy jém mal espíritu:

—Jém Jesucristo iñ̄iyimi mannímáypa, puti yip woñi ianaman̄jom.

Jeeti rato jém mal espíritu ichacum jém woñi.

¹⁹ Pero mu iix jém woñi iomi iga da más icoñw̄iypa tumiñ, jesic matsta jém Pablo y Silas. Nanicta jém an̄jagooyicim̄ jém plaza an̄naca. ²⁰ Ichiñ̄uncot jém juez ic̄ij̄om. N̄impa jém woñi iomi:

—Yipyaj judíos tsam iccuj̄iñáypa jém p̄ixiñtam jém ityajw̄ip tán̄atbet. ²¹ Inquejpa tum an̄quím̄ayooyi jém dapic w̄iap tan̄cuyujcata porque taichtam taRomapic tap̄ixiñtam.

²² Ocmi tsucumyaj jém p̄ixiñtam iga iquejajwadayyajpa jém Pablo. Jém juez ip̄imíy iga ichodayyaj iñ iyooti iga cóstaiñ con waycuy. ²³ P̄imi icótsyaj, ocmi icotyaj cárcel. P̄imiyta jém carcelero iga iw̄iwadiñ cuenta. ²⁴ Cuando ip̄ictson jém orde, icot jém Pablo y Silas jém más jojm̄ip̄ic cuarto de jém cárcel. Codayta ip̄uy tum cuycotcuyjom, acmatsta tum cadena.

²⁵ Cuando núc cugaptsu, jém Pablo y Silas iwatyajpa oración; iwánayyajpa Dios tum himno. Jém tun̄gac preso imaton̄yajpa. ²⁶ Jeeti rato tsam p̄imi ȳispa jém nas. Tsam p̄imi ixics jém cárcel. Jeeti rato ánȳay itump̄iy jém ipuerta. Ánȳayaj itump̄iy jém cuycotcuy icadena, cutsigayyajta itump̄iy jém preso. ²⁷ Jesigam yus jém carcelero. Iix iga ánȳayñeum itump̄iy jém cárcel ipuerta. Itop imach̄iti iga nacaatap̄ iyaac porque ij̄ispa iga cupóyayñeyajum itump̄iy jém preso. ²⁸ Pero jém Pablo p̄imi ij̄iyáy. Iñímáy:

—Odoy w̄ati jemp̄ic. Da apoyñeta, antump̄iytam aitta ȳim.

²⁹ Jesic jém carcelero iwác jucti. Tigiy poyimi jém cárcel. P̄imi cuetsáypa, tsam c̄iñne. Ocmi costeññeactiñ jém Pablo y Silas iw̄iñjom. ³⁰ Ocmi itop jém Pablo y Silas. Icwác. Iñímáy:

—M̄ip̄ixiñtam, ¿ti w̄iap an̄wat iga aciactup̄tap?

³¹ Jesic jém Pablo y Silas iñímáy:

—Cup̄ici tánomi Jesucristo. Jesic miciactup̄ta, ciactup̄taptim itump̄iy jém ityajw̄ip̄ iñicc̄im.

³² Jesic moj in̄madáy Dios in̄mati jém carcelero con itump̄iy jém ityajw̄ip̄ iticc̄im.

³³ Jeetim hora, tsuuc̄im, danam cuquejne, jém carcelero icheáy jém Pablo y Silas icoowaji. Jesic jeeti rato acchin̄yajta jém p̄ixiñ con itump̄iy jém ityajw̄ip̄ iticc̄im. ³⁴ Ocmi in̄inic iticc̄im jém Pablo y Silas iga acw̄icyajtap̄. Agui maymay jém p̄ixiñ con itump̄iy jém ityajw̄ip̄ iticc̄im porque icup̄icyaj Dios.

³⁵ Icuquejama jém juezyaj icutsatyaj juten jém policía iga iñímáy iñ jém carcelero iga icutsigáy iñ jém Pablo y Silas. ³⁶ Jesic ocmi jém iwatnew̄ip̄ cuenta jém cárcel in̄madáypa jém Pablo:

—Ap̄imíy jém juezyaj iga man̄cutsigáy iñ. S̄ip̄ puttaam̄im. Chogoyñicsim.

³⁷ Pero jém Pablo iñímáy:

—Aunque aichtam aRomap̄ic, acóstamt̄a jém p̄ixiñtam iw̄iñjom ni da i ac̄ip̄iñ. Acotta cárcel. ¿Que ij̄isyajpa iga s̄ip̄ ayamcutsigayyajtooba? Da w̄iap. Más w̄i iga miñyajiñ jeeyaj iga acutsigayyajpa iyaac.

³⁸ Jém policía nic in̄madayyaj jém juezyaj. Jesic tsam p̄imi c̄iñyaj jeeyaj cuando imaton̄yaj iga Romap̄ic p̄ixiñtam. ³⁹ Jesic miñyaj jém juezyaj iga iwágáypa perdón jém Pablo y Silas iga tsam imalwadáy. Iacunuc̄sáy iga pudiñ jém atebet. ⁴⁰ Cuando yajum puti cárcel jém Pablo y Silas, nic jém Lidia iticc̄im. Nic iámyaj jém tant̄iw̄itam. In̄químyaj ti w̄iap iwatyaj. Ocmi nicyajum.

17

Cujñáypa jém Tesalónicap̄ic p̄ixiñtam

¹ Jesic jém Pablo y Silas nasyaj jém atebet de Anfípolis y Apolonia. Ocmi núcyaj jém atebet Tesalónica jut it tum jém judíos isinagoga. ² Juuts siempre jém Pablo tigiyta jut an̄tuumaneyaj. Tucunasemana in̄quejáypa Dios in̄mati cada jej̄cuyjama. ³ In̄quejáy jém p̄ixiñtam jut jayñeta jém Dios in̄mati. In̄madáypa iga tienes que yaachwattap̄ jém Cristo y ocmi acp̄istap̄. Iñímáytim:

—Yíptim mismo Jesús s̄ip̄ man̄an̄madáypa, je jém Cristo.

⁴ Jesic algunos jém Israelp̄ic p̄ixiñtam icup̄icyaj, in̄pitsyaj jém Pablo y Silas. Icup̄icyajtim jáyan̄ jém griegop̄ic p̄ixiñtam jém ij̄isyajp̄ap̄ic Dios y w̄ati jém w̄itamp̄ic

yomtam jém jixiywïp. ⁵ Ocmi jém judíos, jém dapic icupicyajpa jém wibic aḡmaṡi, tsam najajópa. Anṡuumayaj con algunos jém malopic pxiñtam jém dapic yoxayajpa, jém witwidoypáppic calle. Ictsucumyay tum mijpic bulla iga iccujíñápa jém pxiñtam. Inácsayaj jém Jasón itic. Imétstip jém Pablo y Silas iga itopyajpa iga ininicyajpa jém pxiñtam iwiñjom. ⁶ Pero cuando da ipát jém Pablo ticjom, matsyajta jém Jasón con algunos jém tantiwitam. Ijicteñyay hasta jém anjagooyicim. Jém pxiñtam pimi anweyajpa. Nimyajpa:

—Yíbam pxiñtam iccujíñayñeyaj icuwiti yíp naxyucmi. Siip núcneyajum yim. ⁷ Yíp Jasón ipictsonne iticcim. Itumpiy de jeeyaj da iwatyajpa juuts nampa jém Romapic anquímayooyi. Nimyajpatim iga it tunḡac rey, jém Jesús.

⁸ Jesic jém pxiñtam con jém anjagooyiyaj tsam pimi cujínayyay cuando imaton ti nimyajpa. ⁹ Jesic jém Jasón con icompañeroyaj ichiyaj tumiñ jém anjagooyi iga odoy más idiñ jém bulla. Ocmi cutsigayta.

Jém Pablo y Silas nicpa jém atebet Berea

¹⁰ Jesic jeeti tsuu jém tantiwitam icutsatyaj jém Pablo y Silas iga nicyajíñ jém atebet Berea. Ocmi cuando núcyaj, tigiyay jém judíos isinagoga. ¹¹ Pero jém Bereapic pxiñtam más da maloyaj que jém ityajwïp jém atebet Tesalónica. Tsam maymayyay, iwipictsonyay jém Dios inḡmaṡi. Cada jama icuyujcayajpa jém aḡmaṡi jém jayñewïp, icuámyajpa siiga numa jesaneum juuts inímáy jém Pablo. ¹² Jeeyucmi tsam jáyan de jeeyaj icupicyaj. Icupicyajtim jáyan jém griegopic yomtam y pxiñtam jém witampic. ¹³ Pero jém judíos jém ityajwïp Tesalónica, cuando ijodónayaj iga jém Pablo inmatpa Dios inḡmaṡi Berea, nicyaj jemc iga iccujíñayajpatim jém pxiñtam. ¹⁴ Jesic jém tantiwitam jém ityajwïp Berea jicsciy icutsat jém Pablo jém lamar anḡaca. Pero jém Silas y Timoteo tsíyyaj jém atebet Berea. ¹⁵ Jém iwagananicnewïp jém Pablo ininicyaj hasta jém atebet Atenas. Cuando setyaj, jém Pablo icutsadáy aḡmaṡi jém Silas y Timoteo con jeeyaj. Inímáy iga: Jicsciy miñi, da mijápa.

Jém Pablo it jém atebet Atenas

¹⁶ Iganam jém Pablo injócpa jém Silas y Timoteo, iix iga jém ityajwïp jém atebet Atenas agui icupicyajpa jém watnas. Tsam jáyan ityaj. Jesic jóyñe jém Pablo iḡnamajom. ¹⁷ Jeeyucmi aḡmatyajpa jém Pablo con jém ityajwïp jém sinagoga, jém judíos, con jém tunḡac pxiñtam jém ijisyajpáppic Dios. Cada jama aḡmatyajpatim jém Pablo con jém pxiñtam jém ipátneyajwïp plaza. ¹⁸ Jenum ipátyaj algunos jém pxiñtam jém icuyujcanewïp jém epicúreospic inquímayooyi con jém icuyujcanewïp jém estoicospic inquímayooyi. Jeeyaj moj aḡmatiyaj con jém Pablo. Nimyajpa:

—¿Ti nimtooba yíp pxiñ tsam aḡmattero?

Tunḡac jém pxiñtam nimyajpa:

—Quénam tum najíyoyapaap de tunḡac dios.

Nimyajpa jempic porque jém Pablo inmatpa jém Cristo inquímayooyi iga pis jém Jesús de juṡ it jém caaneyajwïp. ¹⁹ Ocmi jém pxiñtam ininicyaj jém Pablo tum lugar iniyi Areópago juṡ siempre anṡuumayajpa iga accuyujópa. Jém pxiñtam icwácayaj jém Pablo. Inímáy:

—Aichtam anjodónatooba tiapaap yíp jomipic anquímayooyi jém michpic inimiñ. ²⁰ Mich anañmadápa tunḡac jixi jém dapic queman ammatonṡa. Anjodónatooba ti nimtooba.

²¹ Porque itumpiy jém Atenaspic pxiñtam con jém juumipic pxiñtam jém ityajwïp jem, tsam iwianjamyaj jém jomipic jixi iga imatonyajpa y iga inmatyajpa.

²² Ocmi jém Pablo teñchucum jém p̄ixiñtam aṅcucmi jém ityajw̄ip jém Areópago. Iñímáy: –Mimichtam, miittañw̄ip Atenas. Ánix iga tsam jáyaṅ diosyaj iñj̄istámpa. ²³ Cuando anas juṭ it waṭi jém iñdios, ampát tum altar juṭ jayñeta yíp aṅmaṭi. Nimpa jém letra: “Jém dios jém dap̄ic i iixp̄icpa.” S̄ip manañmadáypa de jém Dios, jém dap̄ic iñixp̄ictámpa mimichtam.

²⁴ Ȳibam Dios iwat jém nas con itump̄iy jém ityajw̄ip yíp naxyucmi. Im̄ichi jém siṅ y jém nas. Da s̄iba jém masticjom jém iwatnew̄ip jém p̄ixiñtam. ²⁵ Jém p̄ixiñtam da w̄iap iyoxp̄átyaj yíp Dios iga ichiiba titam itogóyáy. Porque je iniit itump̄iy cosa. Tachiiba tamvida tantump̄iytam. Tachiibatim jém sawa iga tasaup̄icpa. Tachiiba itump̄iy cosa.

²⁶ De tum p̄ixiñ ictsucum iga ityaj itump̄iy jém naciónyaj jém ityajw̄ip icuw̄iti de yíp naxyucmi. Ij̄ispa juṭ itpa jém naciónyaj y jutsañ ityaj. ²⁷ Dios iwadáypa jem̄pic porque ixunpa iga icuámiñ jém p̄ixiñtam iga w̄iañ ipát. Numa Dios da juumi it con taichtam. ²⁸ Porque yíp naxyucmi tañwaganaitpa Dios. Je tachiiba tamvida y tamp̄imi. Tum de mimichtam jém iniñmatc̄iwiñ nimpa iga: “Taichtam Dios tamanictam.” ²⁹ Siiga Dios tamanictam, da w̄iap tanj̄ista iga tanj̄atun̄ Dios jex juuts tum watnas jém watnetaw̄ip de oro, plata o tsa, jém ij̄ixquimp̄áppic jém p̄ixiñtam iga iwatpa. ³⁰ Dios da ij̄isáy itañca jém wiñicp̄ic p̄ixiñtam porque jeeyaj da ij̄odon̄ ti w̄i tañwat. Pero s̄ip Dios ip̄im̄iy itump̄iy jém p̄ixiñtam icuw̄iti de yíp naxyucmi iga icucacyajiñ ij̄ixi. ³¹ Porque Dios ichac tum jama iga ic̄ip̄in̄pa itump̄iy jém p̄ixiñtam, jém ityajw̄ip yíp mundo. Iw̄ic̄ip̄in̄pa con tum p̄ixiñ jém icc̄amnew̄ip juuts juez. Tañquejáy tantump̄iytam iga numa iwatpa jem̄pic cuando pis yíp p̄ixiñ de juṭ it jém caaneyajw̄ip.

³² Jesic cuando imaton̄yaj jeeyaj iga pis tum p̄ixiñ caanew̄ip, algunos agui ixiccayajpa. Pero jém tuṅgac n̄imyajpa:

–Tuṅgac jama ammaton̄tooba eyb̄ic ti miñimpa.

³³ Jesic put jém Pablo juṭ aṅtuumaneyaj. Nic. ³⁴ Pero algunos jém p̄ixiñtam nic itún̄jy jém Pablo. Icupictim jém Cristo in̄químayooyi. Itún̄jy jém Dionisio tum Areópagop̄ic p̄ixiñ, y tum yomo iñ̄iyi Dámaris con tuṅgac más.

18

Jém Pablo nicpa jém attebet Corinto

¹ Ocmi jém Pablo put jém attebet Atenas. Nic jém attebet Corinto. ² Jemum ipát tum judío iñ̄iyi Aquila. Nay jém attebet Ponto. Yaguiñ miñ de jém naxyucmi de Italia. Iwaganamiñ iw̄ichomo Priscila. Putyaj jém naxyucmi de Italia porque jém Romap̄ic aṅjagooyi jém Claudio ip̄im̄iy itump̄iy jém Israelp̄ic p̄ixiñtam iga pudiñ jém attebet Roma. Jesic jém Pablo nic ijooyáy jém Aquila y Priscila. ³ Jeetim yoxacuy iwatyajpa juuts iwatpa jém Pablo. Jeeyucmi nicpa iwaganaityaj. Wagayoxayajpa. Iwatyajpa jém puctuct̄ic. ⁴ Cada jejcuy jama jém Pablo nicpa in̄quejayyaj jém aṅtuumaneyajw̄ip jém sinagoga. Iccup̄icyaj jém judíos con jém tuṅgac p̄ixiñtam jém dap̄ic je de Israel.

⁵ Mu ixetyaj jém Silas y Timoteo de jém Macedonia jém Pablo in̄madáypa jém judíos con itump̄iy ij̄ixi iga Jesús je jém Cristo. ⁶ Pero jeeyaj tsam ij̄oyixyajpa jém Pablo. Tsam imalmaln̄imayyaj. Jesic Pablo icuxicsáy iyoofti juuts tum seña. Iñímáy:

–Michtam iniit la culpa siiga micaaba y da imp̄ictson̄pa jém vida jém dap̄ic cuyajpa. Ich da anai la culpa. Dende s̄ip nicpa anañmadáy jém tuṅgac p̄ixiñtam jém dap̄ic je de Israel.

⁷ Jesic put jém sinagoga, nic tum p̄ixiñ iticc̄im iñ̄iyi Justo. Jém sinagoga aṅnaça it jém it̄ic. Yíp p̄ixiñ tsam ij̄ispa Dios. ⁸ Jém sinagoga in̄jagooyi iñ̄iyi Crispo. Icupictim jém tán̄omi con itump̄iy jém ityajw̄ip iticc̄im. Jesic tsam jáyaṅ jém Corintop̄ic p̄ixiñtam mu imaton̄yaj

ti n̄impa jém Pablo, icupicyajtim jém Cristo y acchin̄yajta. ⁹ Jesic tum tsuu jém Pablo iix tum poñ. Jém tán̄omi in̄imáy jém Pablo:

—Odo y c̄iñi. Seguido an̄māti ich anan̄māti. Odo y tsaci iga in̄imatpa. ¹⁰ Ich man̄waganait mimich jeeyucmi da i wiap mimalwadáy. Tsam jáyan̄ amp̄ixiñtam anait yíp attebet.

¹¹ Jesic jem̄gam tsíy jém Pablo tum am̄tiy y medio jém attebet Corinto. In̄quejáypa jém p̄ixiñtam jém Dios in̄māti.

¹² Jém tiempo jém gobernador Galión in̄jacpa jém naxyucmi de Acaya. Jesic jém judíos an̄tuumayaj iga imatsyajpa jém Pablo. Ocmi nanictā jém an̄jagooyicim. ¹³ In̄imayyaj jém gobernador:

—Yíp p̄ixiñ in̄quejáy jém p̄ixiñtam iga ij̄isyajiñ Dios con tungac an̄químayooyi jém dapic jex juuts aichtam anan̄químayooyi.

¹⁴ Jesic j̄ytooba idic Pablo cuando jém Galión in̄imáy jém Israelpic p̄ixiñtam:

—MiIsraelpic mip̄ixiñtam, siiga tsam mij̄pic tán̄ca iwat yíp p̄ixiñ o siiga accaoyñe, jesic mammatón̄háypa ti miñ̄impa. ¹⁵ Pero siiga nada más in̄in̄acatámpa michtam in̄in̄madayooyi y jém in̄in̄químayooyi y jém in̄Dios in̄iyi, jesic w̄itsactaami in̄yaac. Da an̄c̄ip̄in̄tooba jexpic cosa.

¹⁶ Jesic topyajta jém an̄jagooyicim. ¹⁷ Cuando putyaj, jesic jém griegopic p̄ixiñtam imatsyaj jém Sóstenes jém sinagoga in̄jagooyi, icótsyaj jém gobernador iwiñjom. Pero jém Galión da iwadáy caso.

Jém Pablo set eybic jém Antioquía

¹⁸ Jemum tsíy jém Pablo jáyan̄ tiempo. Ocmi in̄químayaj jém tant̄iwitam, tiḡiypa barcojom con jém Priscila y Aquila iga n̄icyajpa jém naxyucmi de Siria, jém attebet Cencrea. Antes que tiḡiypa jém barcojom, icujeebáy icobac juuts tum seña iga iccupacpa juuts ij̄ycámayñe Dios. ¹⁹ Ocmi núcyaj jém attebet Efeso. Jemum ichacyaj jém Priscila y Aquila. Jesic tiḡiy jém sinagoga jém Pablo iga in̄quejáypa Dios in̄māti jém judíos porque jemum an̄tuumaneyaj. ²⁰ Jém p̄ixiñtam icunucsayyaj jém Pablo iga tsíyñ más jáyan̄ tiempo con jeeyaj, pero Pablo da ij̄ic. ²¹ Cuando nictoobam jém Pablo, in̄quím jém p̄ixiñtam. In̄imáy:

—Wi iga anicpa Jerusalén iga anacnaspá jém sin̄ jém miñ̄páppic. Pero eybic miñ̄pa mán̄amta siiga Dios iwian̄jam.

Ocmi tiḡiy barcojom jém attebet Efeso. Nic Cesarea. ²² Cuando núc jém Cesarea, nictim Jerusalén iga idioschiyajpa jém Dios ip̄ixiñtam. Ocmi nic jém attebet Antioquía.

²³ Jesic jáy iti juna jama Antioquía. Ocmi put eybic. Nic yim̄ jeexic cada tumtum tigan̄joj jūt oyñe wiñti. Nas icuw̄iti jém naxyucmi de Galacia y Frigia. Iyoxpátpa jém Dios ip̄ixiñtam iga odoy ichaguiñ jém Dios in̄māti.

Jém Apolos naj̄yóypa jém attebet Efeso

²⁴ Jesic jeetim tiempo núc jém attebet Efeso tum judío in̄iyi Apolos. Nay jém attebet Alejandría. Tsam wiap in̄ij̄yóy. Tsam iw̄icutīiȳiypa jém Dios in̄māti. ²⁵ Tsam iw̄icuyujcane ti ixunpa tan̄jatun̄ Dios iga tan̄watpa. In̄matpa Dios in̄māti con itump̄iy ianama. Iwian̄quejáypa jém p̄ixiñtam jém tán̄omi Jesucristo in̄químayooyi. Mex da iw̄ij̄odon̄ jém an̄químayooyi, no más ij̄odon̄ jém Xiwan in̄químayooyi jém acch̄in̄oypaap. ²⁶ Jém Apolo tiḡiy jém sinagoga, moj in̄mat jém Dios in̄māti. Je da c̄iñpa. Pero cuando jém Priscila y Aguila imaton̄yaj, in̄in̄icyaj jém Apolo tungac an̄eymi. Iwian̄quejáypa iga más iw̄icutīiȳiypa jém tan̄jatun̄ Dios in̄madayooyi.

²⁷ Jesic cuando nictooba jém Apolo jém naxyucmi de Acaya, jém tant̄iwitam jém ityajw̄ip̄ Efeso tsam iyoxpátyajpa. Ijáyáy tum toto jém ityajw̄ip̄ Acaya iga w̄ip̄ictson̄tañ̄ jém Apolo. Jesic ocmi cuando núcneum Acaya jém Apolo, tsam iyoxpát jém icupicneyajw̄ip̄ Cristo, jém ip̄ictson̄neyajw̄ip̄ jém Dios itóyooyi. ²⁸ Iwian̄quejáypa jém

judíos jém p̄ixiñtámanj̄om iga da w̄iputne jém in̄químayooyi. Tsam w̄iquejpa jém m̄igooyi y jeeyaj da w̄iap inyam. In̄quejpa con Dios in̄mat̄i jém jayñew̄ip iga n̄uma Jesús je jém Cristo jém in̄jócyajp̄app̄ic.

19

Jém Pablo nicpa Efeso

¹ Iganam it jém Apolo jém atebet Corinto, naspa jém Pablo jém tiganjojay jém ityajw̄ip jém cotsiganj̄om jém naxyucmi de Galacia y Frigia. Ocmi núc Efeso. Jemum ipát algunos jém icupicneyajw̄ip Cristo. ² Jém Pablo icwác jém p̄ixiñtam. In̄ímáy:

—¿Que impictson̄ta jém Dios iAnama cuando moj in̄cupic Cristo?

N̄imyajpa:

—Da ammaton̄ta siiga it jém Dios iAnama.

³ Jesic jém Pablo icwác. In̄ímáy:

—¿I in̄iyimi micchin̄tam̄ta?

N̄imyajpa:

—Acchin̄tam̄ta juuts acchínóypa jém Xiwan jém acchínoypaap.

⁴ Jém Pablo in̄ímáy:

—Jém Xiwan icchin̄pa jém p̄ixiñtam juuts tum seña iga icucaguiñ jém ij̄ixi. In̄ímáȳtim iga icupiguiñ jém miñp̄app̄ic ocmi, je jém Jesucristo.

⁵ Jesic yaj imaton̄yay, acchin̄yajt̄ap jém tán̄omi Jesús in̄iyimi. ⁶ Jém Pablo ichiccunúc cada tumtum icobacyucmi, jesic ipictson̄yay jém Dios iAnama. Moj j̄iyi tun̄gac an̄mat̄imi. In̄matyajpa jém j̄ixi jém ichiñew̄ip Dios. ⁷ Ityay jem con itump̄iyay como doce jém p̄ixiñtam.

⁸ Jáy it̄i jem jém Pablo tres meses. Tigiy jém sinagoga, da c̄in̄pa in̄mat. Chocoymi in̄quejáypa jém p̄ixiñtam jutsap in̄jac Dios ȳip naxyucmi. ⁹ Pero algunos tsam maloyaj ianama, da icupicyaj. Tsam imalmaln̄imayyay jém tán̄omi in̄químayooyi jém p̄ixiñtam iwiñj̄om. Jesic jém Pablo ichagan̄putyay jeeyaj. Ininic jém icupicnew̄ip Cristo tum escuela jém Tiranno im̄ichi. Jemum accuyujóypa cada jama. ¹⁰ Jemum ts̄iy w̄isten am̄tiy. Jemp̄igam itump̄iy jém ityajw̄ip jém naxyucmi de Asia imaton̄yay jém tán̄omi in̄químayooyi. Miñyay jém judíos con jém tun̄gac p̄ixiñtam jém griegop̄ic. ¹¹ Dios ichi ip̄imi jém Pablo iga w̄iañ̄i wat jém m̄j̄tamp̄ic milagro. ¹² Siiga jém Pablo ichicpa tum pañuelo o tum puct̄ucu y ocmi cutsadayt̄ap tum m̄imnew̄ip iga ich̄iguiñ, jesic p̄ispa. Putpatim jém mal esp̄iritu.

¹³ It idic jem algunos jém judíos jém nicyajp̄app̄ic ȳim jeexic, jeeyaj itopyajpa jém mal esp̄iritu. Itopyajtoobatim idic jém Jesucristo in̄iyimi. In̄ímáȳpa jém imatsnew̄ip jém mal esp̄iritu:

—S̄ip mamp̄im̄iypa. Jém Jesús in̄iyimi jém in̄matp̄app̄ic jém Pablo, put̄i de jem.

¹⁴ It idic tum judío in̄iyi Esceva, cobacp̄ic panij. Iniit siete ijaymanic, iwatyajpatim jemp̄ic. ¹⁵ Jesic tum jama cuando itopyajpa idic tum mal esp̄iritu, j̄iypa jém mal esp̄iritu, n̄impa:

—Ich an̄ixp̄icpa jém Jesús. An̄ixp̄icpatim jém Pablo. Pero mich, ¿m̄iiaapaap?

¹⁶ Ocmi jém p̄ixiñ jém iniitw̄ip jém mal esp̄iritu yóyqūimpa, moj an̄ajiyay con jém itopyajp̄app̄ic idic. Como tsam iniit ip̄imi jém iniitw̄ip jém mal esp̄iritu, icon̄w̄iy; más w̄iap que jém sietepic, jém itopyajp̄app̄ic idic. Tsam p̄imi malwadayyajt̄a. Poyyay icus̄ic̄iyay hasta iticc̄im, coowaneyaj. ¹⁷ Itump̄iy jém ityajw̄ip jém Efeso ijodón̄yay, jém judíos con jém griegop̄ic. Tsam c̄in̄yay. Tsam p̄imi icuj̄ipyay jém tán̄omi Jesús. ¹⁸ Jesic jáyan jém icupicneyajw̄ip Cristo miñ in̄madáyayyay Dios jém itan̄ca titam iwatne pecam. ¹⁹ Miñyay jáyan jém nawatyaj. Inimiñyay jém ilibroyaj. Miñ in̄ooquetyay jém p̄ixiñtam iwiñj̄om. Ocmi

ijisyaj jutsañ ivale jém libro. Ivale cincuenta mil tumiñ de plata. ²⁰ Jempam tsam jáyanap jém Dios inmati, tsam wiquejpa jém tánomi ipimi.

²¹ Ocmi cuando nas itumpiy yipyaj cosa, jém Pablo ijis iga nicpa jém naxyucmi de Macedonia y Acaya y ocmi hasta Jerusalén. Nimpa:

—Wiñti anicpa Jerusalén, ocmi anictoobatim jém atebet Roma.

²² Jesic jém Pablo icutsat jém naxyucmi Macedonia wisten jém icuyoxayajpaap jém Timoteo y Erasto iganam tsíy jém Pablo juna jama jém naxyucmi de Asia.

Cujñayaj jém ityajwip Efeso

²³ Jeetim tiempo tsam inçacayajpa jém Dios inquímayooyi. Jém dapic icupicpa Cristo pimi ijóyixpa jém wibic anquímayooyi. ²⁴ Tum pixiñ inñyi Demetrio ictsucum jém pleito. Yip pixiñ tum platero, iwat tum xutu mastic iwatnas. Jém watnas en forma de jém dios inñyi Diana imastic. Yip pixiñ con icompañeroyaj icoñwiyajpa jáyan tumiñ con jém iyoxacuy. ²⁵ An̄tuumayajpa con jém tungac pixiñtam jém iwatyajpáppic jexpictim yoxacuy, nímayajta:

—Mantiwitam, michtam in̄wijodon̄ iga tsam tawitpa con yip yoxacuy. ²⁶ Síp inñixñeta y immaton̄neta ti nimpa yip Pablo. Síp in̄mat iga jém diosyaj, jém watnetawip cimi, da je nunta dios. Tsam icupicyajpa jáyan pixiñtam, da no más yim Efeso, pero icupicyajpatim icuwiti jém naxyucmi de Asia. ²⁷ Da wí siiga togoypa jém tanyoxaji. Da wí siiga tsíypa jém tammastic juuts tum cosa da para ti wí. Da wí siiga jém pixiñtam mojpa ijóyixyaj jém tandios Diana, jém sippic ijisyajpa itumpiy jém ityajwip Asia y icuwiti de yip naxyucmi.

²⁸ Cuando imaton̄yaj ti nimpa jém Demetrio, jesic tsam jóyyaj jém pixiñtam. Tsam pimi an̄weyajpa. Nimyajpa:

—Tsam wí jém tandios Diana, jém tanjstampáppic yim Efeso.

²⁹ Jesic kujñayaj jém pixiñtam icuwiti jém atebet. Itumpiy de jeeyaj poyimi nicyaj jém mijpic an̄ci jūt iwatyajpa jém asamblea. Matsyajta jém Gayo y Aristarco jém Pablo icompañeroyaj, Macedoniapic jeeyaj. Nanicyajta poyimi hasta jūt an̄tuumayajpa jém Efesopic pixiñtam. ³⁰ Jém Pablo tigiytooba idic jūt an̄tuumaneyaj jém pixiñtam iga icupujpa jém wisten. Pero jém icupicneyajwip Dios da ijigáy. ³¹ Ittim jem jutem jém Pablo iamigoyaj, jém Asiapic an̄jagooyiyaj. Jeeyaj icutsadáy an̄mati jém Pablo iga odoy tigiyiñ jém mijpic an̄ci.

³² Tsam jáyan jém pixiñtam an̄tuumaneyaj, tsam pimi an̄weyajpa. Tum nimpa tum cosa y tungac nimpa tungac cosa. Porque tsam kujñayaj jém pixiñtam. Casi da i ijodon̄ tiiga an̄tuumaneyaj. ³³ Jesic algunos jém ityajwip jem in̄madayaj jém Alejandro tiiga an̄tuumaneyaj jém pixiñtam. Jesic jém judíos iyáctēñ ininic jém Alejandro jém pixiñtam iwiñjom iga ijíyáyiñ. Jesic jém Alejandro iwat seña con ici iga odoy jiyajiñ jém pixiñtam porque icupujtooba jém wisten pixiñ. ³⁴ Pero cuando icutiyyiyaj jém pixiñtam iga judío jém Alejandro, jesic tsam pimi an̄weyajpa dos hora. Nimyajpa:

—Tsam wí tandios, Diana, jém tanjstampáppic yim Efeso.

³⁵ Jesic ocmi jém secretario in̄jiyac jém pixiñtam. Cuando cuyaj iga an̄weyajpa, in̄máy: —MiEfesopic mipixiñtam, da i ni tum pixiñ jém dapic ijodon̄ iga taichtam taccámnetā iga tan̄wattāmpa cuenta jém tammastic jūt it jém tandios Diana y jūt it jém iwatnas jém actiñnewip sin̄yucmi. ³⁶ Da i wíap in̄im iga migooyi. Jesic odoy jiytaami más. Odoy ti wattaami siiga da wiñti in̄jispā ti in̄watpa. ³⁷ Porque yip wisten pixiñ da icujiyñe jém in̄dios Diana ni da imaln̄mayñe. ³⁸ Yip Demetrio con icompañeroyaj siiga i ijóyixpa, wíap iquejwadáy jém juezcim. Jeeyucmi it jém juez iga icipin̄pa jém pleito. Jemum wíap iwítsacyaj. ³⁹ Siiga algo más in̄xuntāmpa, wí iga inin̄jóctāmpa hasta cuando

tan̄tuumaḡwattámpa jém tanan̄jagooyi. ⁴⁰ Siḡp wiap̄ i taquejajwadáypa iga tarebelde porque tan̄tuumaḡta sin an̄jagooyi. Da ti wiap̄ tannim̄ siiga tacwáctamḡap̄ tiiga it̄ yíp bulla.

⁴¹ Yaj n̄imi jempic, jém secretario iccuyaj jém junta.

20

Nicpa jém Pablo jém Macedonia y Grecia

¹ Cuando cuyaj jém bulla, jesic jém Pablo in̄wejáy jém icupicneyajw̄ip̄ Cristo iga ichiiba j̄ixi. Ocmi in̄quím̄yaj, nanuusyajḡa. Nic jém Pablo jém naxyucmi de Macedonia. ² Juḡ quej nicpa, in̄quejáy jém tant̄iwitam̄ ti wiap̄ iwatyaj. In̄madayyaj tsam̄ jáyan̄ an̄maḡti. Cuando yaj icuwit̄xet̄ jém Macedonia, núc jém naxyucmi de Grecia. ³ Jemum̄ tsíy tres meses. Cuando tiḡiytooba idic̄ jém barcoj̄om̄ iga nicpa jém Siria, imatoḡ iga algunos jém judíos imétsyajpa jutsap̄ iccaayaj. Jeeyucmi jém Pablo ijis̄ iga setpa puymi. Nasp̄a eybic̄ jém naxyucmi de Macedonia. ⁴ Jesic̄ jut̄en̄ jém iamigoyaj it̄uḡiyaj jém Pablo. Nicyaj̄ jém Sópater, tum̄ Bereapic̄ p̄ixiñ, y Aristarco. Nicyaj̄tim̄ tum̄ Tesalónicapic̄ p̄ixiñ in̄iyi Segundo, tum̄ Derbepic̄ p̄ixiñ in̄iyi Gayo y Timoteo. Nicyaj̄tim̄ jém Tíquico y Trófimo, tsucumneyaj̄ jém naxyucmi de Asia. ⁵ Yípyaj tant̄iwitam̄ an̄jagóy miñicyaj, jemigam̄ anan̄jócyajpa jém attebet Troas. ⁶ Cuando nas̄ jém siḡ iga cúḡḡap̄ jém caxtánañi sin levadura, jesic̄ atsucumta jém Filipos, atiḡiyta barcoj̄om̄. Awit̄ta barcoj̄om̄ cinco día hasta anúcta jém attebet Troas. Jemigam̄ anacts̄iȳ jém ánamigoyaj jém tsucumneyajw̄ip̄ wiñti. Jemum̄ ats̄iyta siete día.

Jém Pablo nicpa joyi jém attebet Troas

⁷ Jém wiñtipic̄ jama de jém semana, an̄tuum̄ayaj jém icupicneyajw̄ip̄ Cristo iga iwécyajpa jém caxtánañi. Jém Pablo moj accuyuj̄ooyi. Nic̄tooba Pablo jém tun̄gac̄ jama jeeyucmi accuyuj̄oypa hasta cugaptsu. ⁸ An̄tuum̄aneta tum̄ cuarto jém yucm̄ipic̄ piso. Jemum̄ tsocpa jáyan̄ jucti. ⁹ It̄tim̄ jem̄ tum̄ woñjaych̄ixi in̄iyi Eutico. Coñ jém ventana yucmi. Como jém Pablo tsam̄ jáyan̄ hora in̄mat̄ jém Dios in̄maḡti, imats̄ moḡi jém jaych̄ixi, jesic̄ jooban̄nas̄ jém tucuten̄ piso iyucmi. Cuando pint̄a, caaneum. ¹⁰ Jesic̄ quet̄ jém Pablo, icunúc noco, in̄nuusáy. In̄imáy jém ityajw̄ip̄ jem̄:

—Odoy c̄iḡtaami. Da caane, vivo.

¹¹ Ocmi Pablo quim̄ eybic̄ jém yucm̄ipic̄ piso. Iwéc̄ jém caxtánañi, wícyaj. Jesic̄ seguido moj in̄mat̄ jém Dios in̄maḡti hasta cuquej. Ocmi nic̄ jém Pablo. ¹² Jesic̄ nanict̄a jém jaych̄ixi it̄ic̄cim̄, vivojam. Agui maymayyaj̄ iga da ca.

Nicpa Pablo jém attebet Mileto

¹³ Aichtam̄ an̄jagóypa anict̄a barcoj̄om̄ hasta jém attebet Asón iga jemigam̄ ampicnasp̄a jém Pablo. Jempigam̄ an̄watneta trato. Nic̄ jém Pablo puymi. ¹⁴ Cuando anacts̄iytam̄ta jém attebet Asón, tiḡiy barcoj̄om̄ jém Pablo, awaganict̄a jém attebet Mitilene. ¹⁵ Jesic̄ aputta de jem̄, jém tun̄gac̄ jama an̄umnas̄ jém attebet Quío. Tun̄gagam̄ jama anúcta jém attebet Samos. Amon̄ta noco jém attebet Trogilio. Tun̄gac̄ más jama anúcta jém attebet Mileto. ¹⁶ Jém Pablo ijis̄ iga an̄umnastámpa jém attebet Efeso iga da ajáytámpa jém naxyucmi de Asia. Agui jicsc̄iȳ nic̄tooba Jerusalén iga ict̄s̄iyiñ jém siḡ de pentecostés siiga wiap̄.

Jém Pablo ichi j̄ixi jém an̄jagooyiyaj

¹⁷ Cuando anúcta jém Mileto, jém Pablo in̄wejáy jém Dios ip̄ixiñtam̄ in̄jagooyiyaj jém ityajw̄ip̄ Efeso. ¹⁸ Cuando núcneyaj, in̄imáy jém Pablo:

—Michtam̄ in̄j̄oḡon̄ ti an̄watne dende jém wiñtipic̄ jama cuando anúc jém naxyucmi de Asia. ¹⁹ It̄ump̄iȳ tiempo cuando man̄waganait̄ta mimichtam̄, tsam̄ an̄cuyoḡa jém tán̄omi. Da anacuj̄ipt̄a anyaac. Tsam̄ p̄imi an̄yácne. Tsam̄ acut̄it̄st̄a porque jém judíos ijis̄yaj jutsap̄ accaayaj. ²⁰ Pero ich̄ da antsac̄ iga manan̄madáy it̄ump̄iȳ jém Dios in̄maḡti jém tsampic̄

miyoxpátpa. Manañquejáy juṭ anṭuumañeyaj jáyan jem p̄ixiñtam y manañquejáyṭim iñticim.

²¹ 'Añamadáy jem judíos con jem dapic je judíos iga icucacyajiñ ijixi jem Dios iwiñjom y iga icupicyajiñ jem tánQmi Jesucristo. ²² Siip anicpa Jerusalén. Apimíy jem Dios iAnama. Da anjodon ti acnascatap jemic. ²³ No más cada tiganjoj juṭ ich anicpa, jem Dios iAnama acjodónap iga ayaachwattap, apajtap. ²⁴ Pero da añwadáypa caso. Ni datim añcñpa iga accaatap. Da ti cuwatcuy jem amvida. Ich amaymay siiga anaccupacpa jem anyoxacuy y siiga añwatpa juuts apimíy jem tánQmi Jesús iga anañmatpa jem wibic añmaṭi iga Dios tsam tatoypa.

²⁵ 'Siip ich añwijodon iga ni tum de mimichtam, jem manañmadayñewiip jem Dios inṭaṭi, da eybic ánixtámpa. ²⁶ Jeeyucmi siip tsam manñimaytooba iga ich da anaj la culpa de ninguno de mimichtam siiga mitogoypa y da impictsonpa jem vida jem dapic cuyajpa. ²⁷ Mañwianmadáy itumpiy jem Dios inṭaṭi. Da ti anañécne ni uxaj. ²⁸ Siip nawattamtaji cuenta mimichtam iñyaac. Minjagooyitam jem miccámnnewiip Dios iAnama, wattaami cuenta jem Dios ipixiñtam jem ijuyñewiip jem tánQmi Cristo con iñipiñ. ²⁹ Ich anjodon iga cuando anicneum, miñyajpa jem migoyyajpaap iga ictogoypa jem Dios ipixiñtam juuts tum lobo tsam malo iccaaba jem borrego. ³⁰ Mimichtámanjom tsucumpa algunos jem migoypaap. Mojpa imigóyáy jem icupicnewiip Cristo iga ictsacpa jem Dios inṭaṭi iga iccupiguiñ jem migooyi. ³¹ Jesic nawattamtaji cuenta. Jistaami iga tres antiy oy manañmadáy jem Dios inṭaṭi tsuucim y siññi. Pimi manañquim hasta awejpa iga odoy i mictsaguiñ jem Dios inṭaṭi.

³² 'Siip mañcñjuncoṭpa jem tanjatun Dios icijom iga miwattámiñ cuenta y iga miyoxpátpa con jem wibic añmaṭi iga tsam tatoypa Dios. Jem añmaṭi tsam miyoxpátpa iga más inṭawicupicpa. Miyoxpátpa iga impictsonpa jem herencia con itumpiy jem cuáyñewiip ianama. ³³ Da mañcusúníyáy jem iñtumiñ, plata y oro, ni jem impuctucu. ³⁴ Michtam inṭawijodon iga ich ayoxa añcñmi iga odoy ti atogóyayiñ ni ich ni jem añwaganaitwiip. ³⁵ Siempre manañquejayñeta iga wi iga tayoxap iga tanyoxpátpa jem yaachayajpápic. Jistaami ti nimpa jem tánQmi Jesús cuando nim: “Más tamaymay iga tachióypa que iga tachiitap.”

³⁶ Cuando yaj nimi jempic, jem Pablo costeññeactiñ, moj inṭwejpát Dios con itumpiy jem ityajwiip jem. ³⁷ Agui weyjajpa, itumpiy nanuusyajta, inṭacatsútsyaj jem Pablo. ³⁸ Tsam añyácneyaj jem p̄ixiñtam porque nimpa jem Pablo iga da nunca iixyajpa eybic. Ocmi nic ijaganṭsacyaj hasta tigiy barcojom.

21

Jém Pablo nicpa Jerusalén

¹ Cuando antsacta jem tantiwitam, atigiyta jem barcojom. Anumnic hasta jem attebet Cos. Jem tungac jama anicta jem attebet Rodas y de jem anicta jem attebet Pátara. ² Jem attebet Pátara ampátta tum barco jem nicpáppic Fenicia. Jemum atigiyta, anicta. ³ Jesic anastámum, ánix jem isla de Chipre. Tsíy tum lado añnaymi. Anumnic hasta jem naxyucmi de Siria. Jemum anuc porque jem barco ichacnaspá jem ichimi jem puerto de Tiro. ⁴ Jemum ampátta jem icupicneyajwiip Cristo. Atsíyta con jeeyaj siete día. Dios iAnama icjodóna jem icupicneyajwiip Cristo ti iñascaaba jem Pablo. Jeeyucmi nímayta jem Pablo iga odoy niguiñ Jerusalén. ⁵ Pero cuando núc jem siete día, mojum aniquitam. Itumpiy jem icupicneyajwiip Cristo con iyomtam y con ichixtam nic ajaganṭsacta añsñmi de jem attebet, jem lamar añnaca acosteñña, moj anañwejpátta Dios. ⁶ Ocmi anañquimtamta, ananuustamta. Aichtam aquímta barcojom. Jeeyaj setyajum iticmi.

⁷ Atsucumta jém Tiro, anicta hasta jém atebet Tolemaida. Jemum atsac jém barco, moj aniquitam puymi. Jesic jém atebet Tolemaida andioschi jém tantiwitam, atsiyta con jeeyaj tum jama. ⁸ Jesic icuquejama atsucumta aichtam con jém Pablo, anicta jém atebet Cesarea. Anúcta jém Felipe iticciim. Je tsam wiap inmadáy Dios inmati jém pixiñtam jém dapicnam icupicne. Yíp pixiñ tum de jém siete jém iyoxpátpáppic jém apóstolyaj. Jemum atsiyta iticciim. ⁹ Jém Felipe iniit cuatro iyommanic da jaayiyñeyaj. Dios iyoxpátpa iga inmatyajpa ti miñpa. ¹⁰ Watña jama aitta jem cuando núc tum Judeapic pixiñ iniyi Agabo, tum profeta, wiaptim inmat ti miñpa. ¹¹ Miñ aámta. Ipigáy jém Pablo imijpactsencuy, jém icinturón. Natsenta iyaac jém pixiñ. Ichen ici y ipuy. Jesic nimpá jém Agabo:

—Nimpá jém Dios iAnama iga jém atebet Jerusalén jém judíos ichénaypa así yíp cinturón iomi, ocmi cijuñcottap jém tungac pixiñtam icijom.

¹² Cuando ammatonja ti nimpá jém pixiñ, jesic aichtam con jém tantiwitam jém ityajwip Cesarea aniyactsihta jém Pablo iga odoy niguiñ Jerusalén. ¹³ Pero jém Pablo anímayta:

—¿Tiiga miwejtampa, tiiga antsiganycwattampa? Ich anjicpa iga atsentap y da solamente iga atsentap, anjicpatim iga accaatap Jerusalén jém tánomi Jesucristo icuyucmi.

¹⁴ Como da amaton jém Pablo ti annímayta, jesic antsacta. Annímayta iga watí juuts ixunpa jém tánomi.

¹⁵ Cuando cupac jém jama iga aitta jém Cesarea, anwitsacta jém antraste, atsucumta. Anicta jém atebet Jerusalén. ¹⁶ Anwagananicta algunos jém Cesareapic pixiñtam jém icupicneyajwip Cristo. Ininicyajtim tum Chiprepic pixiñ iniyi Mnasón. Yíp pixiñ tsam wiñigam icupicne Cristo. Jém Mnasón iniit itic Jerusalén. Jemum anúcta, acwíctamta, y acmonjamta.

Jém Pablo nicpa ijooyáy jém Jacobo

¹⁷ Cuando anúcta Jerusalén, jém tantiwitam tsam awipictsonja, agui maymayyaj. ¹⁸ Jesic icuquejama Pablo nic ijooyáy jém Jacobo. Awagananictatim aichtam. Antuumaneyajtim jem itumpiy jém wídaytam jém injacyajpáppic jém Dios ipixiñtam. ¹⁹ Jém Pablo idioschi. Ocmi inmadáy parejo jém antuumaneyajwip jutsap iwíwadáy Dios jém tungac pixiñtam jém dapic je de Israel cuando oy inmadáy jém wibic anmati. ²⁰ Cuando imatonyaj, tsam icujípyaj Dios. Nímayta jém Pablo:

—Mantíwi, íxi iga tsam jáyan miles de jém judíos icupicneyaj jém Jesucristo inquímayooyi. Itumpiy de jeeyaj nímajpa iga da wí iga tantsacpa jém Moisés inquímayooyi. ²¹ Ijodónaneyaj iga mich ininquejáy itumpiy jém judíos, jém juumipic nicneyaj, iga odoy icupiguiñ jém Moisés inquímayooyi. Ininquejáytim iga odoy iwadáyiñ imanictam jém marca de circuncisión y odoy iwadiñ jém wiñicpic costumbre. ²² ¿Jesic ti wiap tanwatta? Porque cuando imatonyaj jém pixiñtam iga miñúcne, tienes que micutuumaçayajpa. ²³ Jesic watí juuts sip mannímáy. It yim con aichtam cuatro pixiñ. Jeeyaj iccupactooba juuts ijycámáy Dios. ²⁴ Wagananici, wagachintaami juuts nimpá jém tancostumbre, yojóyaayi jutsan iwatpa gasto. Jesic ocmi wiap ijepyaj icobac. Jempigam icutiyyajpa itumpiy jém tantiwitam iga inwixpatim jém Moisés inquímayooyi y iga incupicpatim mex mich. ²⁵ Pero jém tungac pixiñtam, jém dapic de Israel, jém icupicneyajwip Cristo, anjáyayñe iga odoy iwadiñ jém Israelpic costumbre. No más annímáy iga odoy icúdiñ jém animat imayi jém accaatawip jém watnas iwiñjom ni odoy icúdiñ jém nipiñ ni odoy icúdiñ jém animatyaj jém pencanewip y odoy pejooyi.

Matsta Pablo jém masticjom

jém wiñicpic tanjatunwewetam. Tsam anwadáy caso iga ançuyoxap Dios con itumpiy ánanama juutstim mimichtam inwattámpa yíp jama. ⁴ Ich pecam tsam anacpoy jém icupicneyajwip yíp jomipic anquímayooyi hasta anaccaaba. Ammatspa pixiñ y yomtám, ançotpa cárcel. ⁵ Jém cobacpic panij anjagooyi con itumpiy jém tananjagooyiyaj tsíyyaj juuts testigo porque achiiyaj jém toto iga wiap amméts jém icupicneyajwip yíp jomipic anquímayooyi. Anic jém atebet Damasco iga ammatspa jém pixiñtam y anamiñpa preso Jerusalén iga chiitap castigo.

Pablo inmatpa jutsa micupic Cristo

(Hch. 9:1-19; 26:12-18)

⁶ Pero cuando aniqui tunjom, como cugapjama, anúctooba jém atebet Damasco, tsam pimi tsocha tum jucti sinyucmi. Acuyicquej jut aniqui. ⁷ Acutin naxyucmi. Amaton tum jiyi. Anímáy: “¿Saulo, Saulo, tiiga anacpoypa?” ⁸ Ocmi anacwác. Annímáy: “¿Miiapaap, mánomi?” Jesic anímáy: “Ich aJesús de Nazaret jém michpic síp inicpoy.” ⁹ Jém ityajwip con aich iixyaj jém jucti. Tsam pimi çnyaj. Imatonyaj jém jiyi, pero da icutiyyiyaj ti anímáy. ¹⁰ Jesic ich annímáy: “¿Mánomi, ti wiap anwat?” Jém tánomi anímáy: “Tsucumi, nici Damasco, jemum miñimaytap itumpiy cosa titam ansunpa iga inwatpa.” ¹¹ Como jém jucti ichoça acáchtiwat, ajicteñyaj jém anwagananicpáppic hasta anúcta Damasco.

¹² Jemum it idic tum pixiñ iniyi Ananías. Tum wibic pixiñ. Iwatpa itumpiy juuts nimpa jém Moisés inquímayooyi. Itumpiy jém judíos, jém ityajwip Damasco, tsam iwixyajpa. ¹³ Jém Ananías miñ aám. Acunúc, anímáy: “Mantíwi Saulo, ámqiimi.” Jesic anámquímáy, jeeti rato wiawum mu ánixixóy. ¹⁴ Jesic jém Ananías anímáy: “Jém tanjatun Dios jém icupicnewip jém wiñicpic tantúmmitam, micupin iga injodónaiñ ti ixunpa Dios iga inwatpa. Micupin iga inixpa jém Cristo, iga immatonpa ti miñimáypa. ¹⁵ Michiypa juuts testigo para je iga ininmadáypa itumpiy jém pixiñtam icuwiti yíp naxyucmi ti inixne y ti immatonpa. ¹⁶ Siip odoy anjooci, tsucumi, chinji. Anwejpaa ti tanjatun Dios jém Cristo iniyimi iga miccáyypa jém inñançca.”

Jém Pablo inmat jutsa micutsatta jém tungac pixiñtamanjom

¹⁷ Cuando aset Jerusalén atigiy jém mijpic masticjom iga ananwejpátpa Dios. Jemum ánix tum poñ. ¹⁸ Ánix jém tánomi. Anímáy: “Jicsciy puti yíp Jerusalén porque yipyaj pixiñtam da iwadáypa caso iga ininmadáypa ich ananmati.” ¹⁹ Ocmi annímáy: “Mánomi, jeeyaj ijodonayaj iga jáy amméts jém pixiñtam jém micupicnewip cada sinagoga. Ammatsyajpa iga ançotpa cárcel. Tsam ançótsyaj. ²⁰ Cuando accaata jém Esteban, jém inmatpáppic mich ininmati, ich asibatim. Ich ait de acuerdo iga accaata. Anwadáy cuenta jém iyootiyaj jém iccaaneyajwip.” ²¹ Pero jém tánomi anímáy: “Nicsim. Mançutsatpa juumi iga ininmadáypa ich ananmati jém tungac pixiñtam jém dapic je de Israel.”

Jém Pablo it jém coronel icijom

²² Cuando imatonyaj iga nimpa jém Pablo iga inmadáypa Dios inmati jém juumipic pixiñtam, pimi jóyñeyaj jém Israelpic pixiñtam. Moj jiyiyaj pimi. Nimyajpa:

—Accaatañ yíp pixiñ. Da wi iga tsíypa vivo.

²³ Tsam pimi anweyjajpa. Itopyaj iyooti, ipatsquetyaj naxyucmi. Ipatsquímyajpa pótpót.

²⁴ Jeeyucmi jém coronel ipimiy jém isoldado iga ininicyajiñ jém cuartel. Ipimiy iga cótstaiñ jém Pablo iga inmadiñ tiiga iccujíñáy jém pixiñtam y tiiga tsam jiyiyajpa jeeyaj acontra de jém Pablo. ²⁵ Pero cuando tsenneta jém Pablo iga cótsta, inímáy jém capitán jém itwip jem:

—¿Que mich wiap inçóts tum Romapic pixiñ jém dapic i icipinçne?

²⁶ Cuando imaton jém capitán, nic iñímáy jém coronel:

—Cuidado iga immalwadáypa yíp p̄ixiñ porque Romap̄ic.

²⁷ Jesic miñ jém coronel, icwác jém Pablo:

—¿Que numa mich miRomap̄ic mip̄ixiñ?

Nimpa jém Pablo:

—Numa, ich ajeam.

²⁸ Jém coronel iñímáy:

—Ich tsam jáyañ tumiñ anyoj iga atsíy juuts aRomap̄ic ap̄ixiñ.

Jesic nimp̄a jém Pablo:

—Pero ich aRomap̄ic porque anay jém Roma iñaxyucmi.

²⁹ Jesic jeeti rato jém icótsyajp̄app̄ic idic ichacyaj. Jém coronel tsam c̄iñpatim iga ichenne cuando ijodón̄a iga Romap̄ic p̄ixiñ.

Añwejayta Pablo jém añjagooyiyaj iwiñjom, jém Sanhedrín

³⁰ Jesic icuquejama jém coronel ijodón̄atooba tiiga jém judíos iquejajwadáypa jém Pablo. Iccáyáy jém cadena. Jesic in̄tuumawat itump̄iy jém cobacp̄ic panij con jém Sanhedrín. Jesic nanicta jém Pablo jém añjagooyiyaj iwiñjom.

23

¹ Jesic jém Pablo iámmats jém Sanhedrín, iñímáy:

—Mant̄iwitam, ich anjodon̄ iga hasta siip̄ añwatne juuts ixunpa Dios. Da ti añc̄iñpa jém Dios iwiñjom.

² Jesic jém Ananías, jém cobacp̄ic panij, ip̄im̄íy tum policia, jém itw̄iip̄ nocojom jut it jém Pablo, iga itojáyñ ijip̄. ³ Jesic jém Pablo iñímáy jém panij:

—Dios micóts̄pa mimich. Mich tsam minimigóyaytap. Jenum micoñ iga añc̄iñpa juuts nimp̄a jém añquímayooyi, ¿jesic tiiga in̄watpa acontra jém añquímayooyi iga añcóts?

⁴ Jesic jém ityajw̄iip̄ jem iñímáy jém Pablo:

—Odoy malnímaayi jém cobacp̄ic panij jém iccámnew̄iip̄ Dios.

⁵ Jém Pablo iñímáy:

—Mant̄iwitam, da anjodon̄ siiga cobacp̄ic panij. Nimp̄a jém Dios in̄mati jut jayñeta: “Odoy malnímaayi jém in̄jagooyi jém in̄jacp̄app̄ic jém p̄ixiñtam.”

⁶ Ocmi jém Pablo icutiíyíy iga wisten partido it jem jut antuumaneyaj. It jém fariseoyaj, ittim jém saduceoyaj. Jesic p̄imi j̄yypa iga imatonjajiñ. Nimp̄a:

—Mant̄iwitam, ich afariseop̄ic ap̄ixiñ. Jém anjatun̄ con anjatun̄wewe fariseop̄ic p̄ixiñ. Siip̄ añquejajwadayta porque añcup̄icpa iga p̄ispa jém caaneyajw̄iip̄.

⁷ Cuando yaj n̄imi jém Pablo, moj añajiyaj jém fariseoyaj con jém saduceoyaj. Nawéc̄yajt̄a jém p̄ixiñtam jut antuumaneyaj. ⁸ Porque jém saduceoyaj n̄im̄yajpa iga da p̄ispa jém caaneyajw̄iip̄. Datim icup̄icyajpa iga it jém s̄iñyucmi p̄ixiñtam ni jém espíritu, pero jém fariseoyaj icup̄icyajpa iga it itump̄iy jexp̄ic cosa. ⁹ Jesic tsam p̄imi j̄yypa itump̄iy jém p̄ixiñtam. Jesic teñchucum algunos jém accuyujoypaap de jém fariseop̄ic añquímayooyi. Nimp̄a:

—Yíp̄ p̄ixiñ da ti mal iwatne. W̄iip̄ ijíyáy tum s̄iñyucm̄ip̄ic p̄ixiñ o tum espíritu. Da tanictámpa acontra de Dios.

¹⁰ Jesic tsam p̄imi añayajpa. Jém coronel c̄iñpa iga ichichañsajaypa jém Pablo. Jeeyucmi ip̄im̄íy jém isoldado iga itopyajpa p̄im̄imi jém Pablo jém p̄ixiñtam ic̄iñjom y iga in̄in̄iguiñ eyb̄ic jém cuartel.

¹¹ Jeetim tsuu jém tán̄omi iwiñquejáy jém Pablo jém cuartel. Iñímáy:

—MiPablo, camamw̄ati iñanama. Juuts ininmat ich anan̄mati ȳip Jerusalén tienes que ininmatpatim jém attebet Roma.

Ijisyajpa jutsap iccaayaj jém Pablo

¹² Jesic icuquejama algunos jém judíos iwatyajpa de acuerdo iga iccaayajpa jém Pablo. Nimyajpa iga: “Da tawícpa ni da tanícpa hasta que tanaccaaba jém Pablo.” ¹³ Ityaj más de cuarenta p̄ixiñtam jém nimneyajw̄ip jempic. ¹⁴ Ocm̄i nic iámyaj jém panij anjagooyi con jém w̄idaytam de Israel. Iñimayyaj:

—Aichtam animneta iga siip da awícpa ni da anícpa hasta anaccaaba jém Pablo. ¹⁵ Siip mimichtam con jém Sanhedrín wágaytaami jém coronel iga joymi inimíñiñ michtam inwiñjom. Niman̄taayaji iga chocoymi in̄cipin̄pa. Jesic aichtam aittampa listo iga anan̄teñtampa tunjom antes que núcpa jut miitta.

¹⁶ Pero jém Pablo iyomt̄wi iman̄ic ijodóna iga an̄teñtap tunjom. Jesic nic inmadáy iachi jém cuartel. ¹⁷ Ocm̄i jém Pablo in̄wejay jém capitán jém iwatnew̄ip cuenta. Iñimáy:

—Nan̄ici ȳip jaych̄ixi jut it jém coronel. Iniit tum an̄mati iga iñimáypa.

¹⁸ Jesic jém capitán inin̄ic jém jaych̄ixi jut it jém coronel, iñimáy:

—Jém preso, jém Pablo, an̄wejay. Iwác iga manamíñáyiñ ȳip jaych̄ixi. Iniit tum an̄mati iga miñimáypa.

¹⁹ Jesic jém coronel imatsáy ici jém jaych̄ixi. Inin̄ic aparte. Iñimáy:

—¿T̄i annímaytooba?

²⁰ Jém jaych̄ixi iñimáy:

—Jém judíos ityaj de acuerdo iga joymi miwágayyajpa iga inin̄iguiñ jém Pablo jém Israelpic anjagooyi iwiñjom. Niman̄taayap iga ic̄ipin̄pa chocoymi. ²¹ Pero odoy cup̄ici porque más de cuarenta jém p̄ixiñtam in̄teñyajpa tunjom. Iwatyaj acuerdo iga da wícpa ni da nícpa hasta iccaaba jém Pablo. Siip ityajum listo. Injócneyaj iga in̄cutson̄pa.

²² Ocm̄i jém coronel in̄quím jém jaych̄ixi, iñimáy:

—Odoy i an̄madaayi juuts annímayñe.

Cutsattajém Pablo jém gobernadorc̄m

²³ Jém coronel in̄wejay wisten jém icapitán. Ip̄imíy iga naw̄itsacyajtaiñ doscientos soldado jém nicyajp̄appic puymi y setenta jém nicyajp̄appic cawajyucmi y doscientos soldado jém inin̄icyajp̄appic jém lanza. Iñimáy iga nicyajñiñ jém attebet Cesarea tsuuc̄im a las nueve. ²⁴ Ip̄imíy iga imétsayajiñ cawaj iga icquímcaaba jém Pablo y iga iw̄iwadiñ cuenta hasta que núcpa jut it jém gobernador Félix. ²⁵ Jém coronel ijay tum toto, icutsadáy jém gobernador Félix con jém isoldado. Nimpa jém toto:

²⁶ “Ich aClaudio Lisias. MiFélix, tsam w̄ibic migobernador. Siip mandioschiiba. ²⁷ Jém judíos imatsne idic ȳip p̄ixiñ. Iccaatooba idic. An̄cupuj con jém ansoldado. Cuando anjodóna iga Romapic p̄ixiñ, ²⁸ anjodónatooba tiiga iquejajwadayyajpa, jesic anan̄ic jut an̄tuum̄aneyaj jém Israelpic anjagooyiyaj. ²⁹ Ampát tiiga iquejajwadayyaj. Iwat algo en contra jém Israelpic an̄químayooyi. Pero da inij it̄an̄ca iga iccaayajpa ni datim w̄i iga ipajyajpa. ³⁰ Anjodóna iga jém judíos ijisyajpa iga iccaayajpa. Jeeyucmi man̄cutsadáypa ȳip p̄ixiñ. Amp̄imíȳtim jém iquejajwadayñew̄ip iga nicyajñiñ mich inwiñjom. Jesánam man̄jáyáy.”

³¹ Jesic jém soldado iwatyaj juuts ip̄imíy jém coronel. Tsuuc̄im inin̄icyaj jém Pablo hasta jém attebet Antípatris. ³² Jesic icuquejama jém soldado, jém nicneyajw̄ip puymi, setyaj eybic jém icuartel. Jém tungac soldado, jém nicneyajw̄ip cawajyucmi, seguido iwaganan̄icyajpa jém Pablo. ³³ Cuando núcya jém attebet Cesarea, ic̄ijun̄codáy jém toto

jém gobernador icijom. Ininicyaj jém Pablo jém gobernador iwiñjom. ³⁴ Cuando yaj imay jém toto jém gobernador, icwác jém Pablo iga jutpic pixiñ. Cuando ijodóna iga nay jém naxyucmi de Cilicia, ³⁵ jesic inímáy:

—Mammatónáypa jém íñasunto cuando miñpa jém miquejajwadayñewip.

Jesic jém gobernador ipimíy iga nanictañ jém palacio de Herodes iga wattañ cuenta.

24

Nacupujta Pablo jém gobernador Félix iwiñjom

¹ Ocmi cuando nasne cinco día, núcyaj Cesarea jém cobacpic panij jém Ananías con algunos jém Israelpic anjagooyiyaj. Inimiñyajtím tum abogado iníyí Tértulo. Miñ iquejajwadayyaj jém Pablo jém gobernador iwiñjom. ² Cuando namiñta jém Pablo, jesic jém Tértulo moj iquejajwadáy. Nímayta jém gobernador:

—Iyucuidios, migobernador, iga tsam tawifta. Da i jém pleito. Tsam wiap ininjac yíp naxyucmi porque tsam mijixíy. ³ Icuwiti yíp naxyucmi anjodontam iga mich tsam anwíwadayta. ⁴ Pero iga odooy manactogóyáyiñ jáyan tiempo, mancunucsáypa iga amatónaayi tum rato ti mannímáypa. ⁵ Yíp pixiñ tsam pimi malo, jut quej ictsucum iga iccujíñáypa jém judíos iga nawécyajtap. Yíp pixiñ jém cobacpic jém grupo nazareno. ⁶ Ininictooba idic jém tungac pixiñ jém táncaywip jém mijpic masticjom. Jeeyucmi ammatsta. Ançipinjooba idic con aichtampic ananquímayooyi. ⁷ Pero jém coronel Lisias tigiy con isoldado, pimimi itop. ⁸ Inímáy jém iquejajwadayñewip iga nicyajiñ iquejajwadáy mich inwiñjom. Sip mich mismo wiap inçipin iga injodónañ numa tiiga anquejajwadayñeta.

⁹ Jém judíos, jém miññeyajwip jém gobernadorcim, nímuyajtím iga numa. ¹⁰ Ocmi jém gobernador iwadáy seña jém Pablo iga jíyíñ. Jesic nimpa Pablo:

—Ich amaymay iga wiap ancutson jém aquejajwadayñewip mich inwiñjom. Anjodon iga jáyan amtíy michíy iga minjagooyi yíp naxyucmi. ¹¹ Siiga inicwácpa yíp pixiñtam, jeam minmadáypa iga apenas doce día anúcne Jerusalén iga ananwejpátpa Dios. ¹² Da apát jut síp anána jém pixiñtam, ni datim apát iga síp ançujíñáy jém ityajwip jém mijpic masticjom, ni tum sinagoga, ni tungac parte de jém attebet. ¹³ Yípyaj da wiap awiñpacchi juuts nímuyaj iga ich anwatne. ¹⁴ Pero ich mananmadáypa iga numa ançuyoxap jeetim Dios jém ijsneyajwip jém wiñcpic anjatunwewetam. Ich aít de acuerdo con jém jomipic anquímayooyi, pero jeeyaj nímuyajpa iga migooyi. Ich ançupicpa itumpiy jém ijaychacnewip jém wiñcpic anmatçwiñ y jém Moisés inquímayooyi. ¹⁵ Ich ananjócpatím juuts jeeyaj iga Dios icpíspa jém caaneyajwip, jém wítampic y jém malopic. ¹⁶ Jeeyucmi siempre anwadáypa caso iga anwíwatpa. Jesic da ti ançinpa jém tanjatun Dios iwiñjom ni jém pixiñtam iwiñjom.

¹⁷ Cuando tsam wiñgam anicne, jesic aset eybic anticmi iga anyoxpátpa jém antiwítam jém yaachayajpáppic y iga antsacpatím tum ofrenda. ¹⁸ Iganam síp anwat jempic, algunos jém judíos, jém miññeyajwip de Asia, apát jém mijpic masticjom. Anwatne jém costumbre iga acuáyiñ. Da anamiñ jáyan pixiñtam ni da i jém bulla. ¹⁹ Más wi meega miñ aquejajwadáy jém Asiapic judíos siiga iniit algo encontra para ich. ²⁰ Wítim meega yípyaj pixiñtam, jém miññeyajwip yim, minmadáypa mimich ti mal anwatne, siiga apádáy antánca cuando açipin jém panij anjagooyi iwiñjom. ²¹ Da ti anwat no más pimi ajiy cuando aít jém anjagooyi iwiñjom, annímáy: “Sip açipintap porque ançupicpa iga píspa jém caaneyajwip.”

²² Jém Félix iwicutíyíy jém jomipic anquímayooyi. Cuando yaj imaton ti nimpa jém Pablo, jém Félix ipoychac jém asunto; da icipin. Nímpa:

—Cuando miñpa jém coronel Lisias iga acjodónap ti inwatne, jesic yajpa anwĩtsac jém asunto.

²³ Ocmi jém gobernador Félix ipimíy jém capitán iga seguido iwatpa cuenta jém Pablo jém palacio. Pero ijícpa iga tigíypa jém iamigoyaj iga miñpa iám y ichiiba iwíccuy titam itogóyáy.

²⁴ Jesic tungac jama más, miñgacum eybíc jém gobernador Félix con iwichomo Drusila, tum Israelpic yomo. Inwejay jém Pablo iga inmadáyíñ jutsap micupic jém Jesucristo.

²⁵ Pero Pablo inmadáy iga Dios ixunpa iga tanwĩwadiñ, ixunpatim iga tum pĩxiñ nanjactap iyaac iga odoy imalwadiñ. Inmadáyítim iga núcpa jama iga Dios icĩpinpa itumpiy jém pĩxiñtam. Jesic cuando imaton, jém Félix tsam pĩmi cĩñ. Inímáy jém Pablo:

—Sĩp poyñicsim. Cuando anaĩtpa lugar manañwejaypa eybíc.

²⁶ Ijispatim jém Félix iga jém Pablo ichiiba tumiñ iga cutsigaytaiñ. Jeeyucmi watciy inwejaypa iga anmatpa con je. ²⁷ Wisna amtíy iñasca así jém Pablo. Ocmi jém Félix putum de gobernador. Jém Porcio Festo jeegagam tsíy iga gobernador. Pero jém Félix, como ixunpa iga iwĩxiñ jém judíos, da itop jém Pablo.

25

Anwejayta Pablo jém gobernador Festo iwiñjom

¹ Yaguiñ núc jém naxyucmi jém gobernador Festo. Nas tucunajama, put jém attebet Cesarea, nic Jerusalén. ² Jém panij anjagooyiyaj con jém anjagooyiyaj de jém judíos, nic iáyay jém gobernador. Iquejajwadáypa jém Pablo. ³ Iwágayyaj tum favor jém gobernador. Nĩmyaj:

—Manjuncuśáypa, ayoxpaati, cutsati jém Pablo Jerusalén.

Nĩmyaj jempic porque ijisyajpa iga inteñyajpa tunjom iga iccaaba.

⁴ Pero jém gobernador Festo icutson. Nĩmpa:

—Jém Pablo tsíy preso Cesarea. Ich anyaac da jáyñe anĩcpa jemíc. ⁵ Jeeyucmi mannímáypa, wĩ siiga algunos de mimichtam minjagooyítam tawaganictámpa Cesarea. Siiga jém pĩxiñ iwat algun tãñca, jesic jemigam wĩap inquejajwadáy.

⁶ Jesic jém Festo cuando iyaj ocho o diez día Jerusalén, set eybíc Cesarea. Icuquejama nicum coñi jém oficina jut cĩpĩjóypa. Ipimíy jém soldado iga inimíñiñ jém Pablo.

⁷ Cuando jém Pablo tigiy jém oficina, icunúcyaj jém judíos, jém miññeyajwĩp de Jerusalén. Moj iquejajwadayyaj iga tsam mĩjtampic tãñca iwatne. Pero da i wĩap miwiñpacchi.

⁸ Jesic nacupujtap jém Pablo. Nĩmpa:

—Ich da ti mal anwatne contra jém judíos inquĩmayooyi, ni contra jém mĩjpic mastic, ni contra jém Romapic anjagooyi.

⁹ Jém gobernador Festo ixunpa iga iwĩxyajiñ jém judíos, jeeyucmi icwác jém Pablo, nĩmayta:

—¿Que iñxunpa iga mancutsatpa Jerusalén iga jemigam micĩpinjtañ?

¹⁰ Pablo icutson, inímáy:

—Ich aĩt yĩm jut cĩpĩjóypa jém gobernador. Yĩp oficina jém Romapic anjagooyi imĩchi. Yĩm tienes que acĩpinjtap. Mich inwĩjodon iga da ammalwadayñe jém judíos. ¹¹ Siiga tsam pĩmi ammalwatne, wĩ iga ampictsonpa jém castigo iga accaatap. Pero siiga da quejpa jém antãñca juuts jeeyaj aquejajwadayñe, jesic da i wĩap acĩjunçot jém Israelpic pĩxiñtam icĩjom. Anwácpa iga jém Romapic anjagooyi iyaac acĩpĩñiñ.

¹² Cuando yaj anmatiyaj con jém ichiipáppic jĩxi jém gobernador Festo, inímáy jém Pablo:

—Inwác iga micĩpĩñiñ jém Romapic anjagooyi, sĩp jemigam miñĩcpa.

Anwejayta jém Pablo jém rey Agripa iwiñjom

¹³ Cuando da waṭña jama nasne, núc Cesarea jém rey Agripa con iyomo Berenice. Miñ idioschi jém gobernador Festo. ¹⁴ Ityaj Cesarea waṭña jama. Jesic jém Festo inmadáy jém rey ti iñasca jém Pablo. Iñímáy:

—Yim it tum pxiñ ichac preso jém Félix cuando put de gobernador. ¹⁵ Cuando aoy Jerusalén jém panij anjagooyiyaj con jém iwidaytam de jém judíos, anmadayyaj ti iwatne yíp pxiñ. Awágáy iga anchiñ castigo. ¹⁶ Ich ancutson iga taichtam jém taRomapic, da tanaíta jém costumbre iga tanchiiba castigo tum pxiñ siiga da wiñti iwiñpacchiiba jém iquejajwadayñewip iga wiap inicupujta iyaac. ¹⁷ Jeeyucmi cuando núcyaj yim jém Israelpic anjagooyiyaj, da jáypa ancipin. Icuquejama acoñ jut acipinóypa, ananwejay jém pxiñ. ¹⁸ Pero cuando núc yim jém iquejajwadaypáppic, da iniquímyaj quejaj iga imalwatne juuts ich anjisa idic. ¹⁹ No más tsam jóyñe iga inimiñ tum jomipic anquímayooyi y iga inmatpa de tum pxiñ iñiyi Jesús. Accaata, pero sip nimpa jém Pablo iga pisneum. ²⁰ Ich da ancutiyiy ti anwatpa con yicxpíc asunto. Jesic anacwác jém Pablo siiga iwianjam iga ancutsatpa Jerusalén iga jemigam witsactañ. ²¹ Pero como je iwác iga cipintañ jém Romapic anjagooyicim, jém Augusto, ich ampimiy iga tsiyiñ preso hasta wiap ancutsat jém Romapic anjagooyicim.

²² Jesic jém Agripa iñímáy jém gobernador Festo:

—Ich agui ammatonṭooba ti nimpa yíp pxiñ.

Jém Festo iñímáy:

—Joymi immatonpa.

²³ Icuquejama jém rey Agripa con iwichomo Berenice núcyaj jém palacio. Agui wí cuyajneyaj. Iwaganamiñyaj jém soldado injagooyiyaj con jém más mijpic anjagooyiyaj de jém atebet Cesarea. Jém gobernador Festo ipimiy isoldado iga inimiñiñ jém Pablo. ²⁴ Jesic moj jiyi jém Festo. Nimpa:

—Mirey Agripa, con iñtumpiytam miitwip yim. Yibam jém pxiñ. Tsam jáyan jém judíos iquejajwadayñe contra je. Iquejajwadáy Jerusalén y iquejajwadáytim yim Cesarea. Da ichacpa iga nymyajpa iga accaatañ. ²⁵ Ich animpa iga da ti iwatne iga iccaayajpa. Pero iyaac iwác iga icipinñ jém Romapic anjagooyi jém Augusto. Jeeyucmi anjis iga ancutsatpa jemíc. ²⁶ Pero como da ampádáy itañca iga anjáyáypa jém tananjagooyi jém Romapic, jeeyucmi anamiñ mich inwiñjom, mirey Agripa, iga incipinñ. Jesic siiga quejpa ti mal iwatne, wiap anjáyáypa jém tananjagooyi jém itwip Roma. ²⁷ Ich animpa iga da wiap ancutsat tum preso jém tananjagooyicim siiga da anjáyáypa tiiga quejajwadayñeta.

26

Jém Pablo inmatpa ti iwatne jém rey Agripa iwiñjom

¹ Ocmi jém rey Agripa iñímáy jém Pablo:

—Wiap annímáy iñyaac ti inwatne.

Jesic jém Pablo icquím ici, moj inmat así:

² —Mirey Agripa, agui amaymay iga wiap ananmat mich inwiñjom iga anacupujtap juuts aquejajwadayñe jém judíos. ³ Ich agui amaymay porque mich inwixpicpa itumpiy jém judíos icostumbre. Injodonjim jutsap inacayaj jém inquímayooyi. Jeeyucmi manwágáypa iga amatónaayi chocoyi.

Pablo inmatpa ti iwat antes que icupicpa Cristo

⁴ Itumpiy jém judíos ijodonjay juuts jáy anwat dende atsixiñam jém naxyucmi jut anay y jém Jerusalén. ⁵ Jeeyaj iwijodonjay y wiap inmat siiga iwianjamyaj iga ich ancuyujca jém fariseopic anquímayooyi jém más táncapic tanwat de itumpiy jém anquímayooyiyaj. ⁶ Yim sip acipintap porque ananjócpa iga Dios icpisa jém caaneyajwip juuts ijycámáy

jém wiñicpic anjatuḡwewetam. ⁷ Itumpiy jém Israelpic pixiñtam, jém doce tribu, injócyajpatim jém promesa. Jeeyucmi anjístampa Dios y añcuyoxatampa tsuucim y siññi. Siip, manrey Agripa, jém Israelpic pixiñtam aquejajwadayne porque ananjócpa jeetim promesa. ⁸ ¿Tiiga iñjisa iga Dios da wiap icpis jém caaneyajwip?

Pablo pecam icpoypa idic jém icupicneyajwip Cristo

⁹ Pecam ich anyaac anjispatic iga ammalwadáypa jém pixiñtam jém itúnyipáppic jém Jesús de Nazaret. ¹⁰ Jempigam añwat Jerusalén con jém toto jém achiiñewip jém panij anjagooyiyaj. Ampaj tsam jáyan jém icupicneyajwip jém Cristo, jesic miccaayajta jeeyaj, ich aít de acuerdo. ¹¹ Wati veces anchi castigo iga ichaguiñ iga icupicpa jém Cristo. Jempam añwat itumpiy jém sinagoga. Tsam pimi anjóiypa idic. Tsam ammalwadáy, anacpóyiy juumi hasta jém tunḡac naxyucmi.

*Pablo inmatpa eybic jutsa micupic Cristo
(Hch. 9:1-19; 22:6-16)*

¹² Jeeyucmi anic jém attebet Damasco. Jém panij anjagooyiyaj acutsat con tum toto. ¹³ Pero cuando aniqui tunjom, mirey Agripa, como cugapjama ánix tum jucti siñyucmi. Más pimi tsocpa que jém jama. Actsíy jém ichoca con jém añwagananicpáppic.

¹⁴ Jesic antumpiytam acutiñta naxyucmi. Jesic ammaton tum jiyi, anímayta jém hebreo añmatimi: “¿Saulo, Saulo, tiiga ammalwadáypa? Iñyaac siip minimalwadaytap; juuts iwatpa jém buey cuando iñeppa jém ichenóycuy inquiñi, iñyaac miniccoowatp.”

¹⁵ Ocmi ich annímáy: “¿Mijapaap, mánomi?” Jesic anímáy: “Ich aJesús jém síppáppic ammalwadáy. ¹⁶ Tsucumi. Mañwiñquejay iga mañcupin iga añcujoxap. Michíyppa juuts testigo iga ininmatpa ti iñix siip y ti iñixpa ocmi. ¹⁷ Manyoxpátpa iga odoy mimalwadayyajiñ jém Israelpic pixiñtam y jém tunḡac pixiñtam jém dapic je de Israel. Siip mañcutsatpa iga nicpa ininmadáy ich anañmati jém tunḡac pixiñtam jém dapic je de Israel. ¹⁸ Mañcutsatpa iga inictojáypa iixcuy iga odom más wityajiñ piichcim, pero wityajiñ juctianḡsocajom. Mañcutsatpatim iga inictsacpa jém tunḡac pixiñtam jém Wocciwiñ ipimi iga ipictsóniñ jém Dios ipimi. Ininmadáypa ich anañmati iga acupiguiñ aich, jesic wadaytap perdón jém itañca. Jesic Dios imañigayajpa con los demás jém cuáyñewip ianama.”

Pablo iwatpa juuts iñímáy Jesucristo

¹⁹ Jeeyucmi, mirey Agripa, añwatpa juuts anímáy cuando Dios añquejay jém poñ. ²⁰ Wiñti oy anañmadáy jém añmati jém ityajwip jém attebet Damasco, ocmi anic Jerusalén y icuwiti jém naxyucmi de Judea. Ocmi anic jut it jém tunḡac pixiñtam jém dapic je de Israel. Anímáy iga icucaguiñ ijixi y iga ichaguiñ iga imalwatpa y moypa iwíwat iga quejiñ iga cucacneum ijixi. ²¹ Jeam anañnúc. Jeeyucmi amats jém judíos jém mijpic masticjom. Iwatyaj tum trato entre jeeyaj iga accaayajpa. ²² Pero Dios tsam ayoxpát. Hasta siip da antsacne iga anañmatpa Dios inmati. Anañmadáypa cualquier pixiñtam jém mijpic anjagooyi y jém dapic cargojy. Ich anañmatpa no más juuts nimpa jém wiñicpic añmatciwiñ y jém Moisés cuando inmatyajpa ti miñpa. ²³ Jeeyaj nimyaj iga yaachwattap jém Cristo y ocmi accaatap. Je jém wiñtipic icpispáppic Dios de jut it jém caaneyajwip. Chiitap jém Israelpic pixiñtam jém wibic jixi iga icutiyyiyajiñ. Chiitapim jém tunḡac pixiñtam, jém dapic je de Israel.

Por uxaj jém rey Agripa icupicpatim Cristo

²⁴ Iganam nacupujtap jém Pablo, tsam pimi jiy jém gobernador Festo. Nimpa: —¡Mich, miPablo, tsam miloco! Iga tsam pimi micuyujne milocojane.

²⁵ Pero Pablo icutsoj. Iñímáy:

—Miwibic miFesto da alocojane. Síp manañmadáy jém numapic aṇmaṭi jém jixiywñip.

²⁶ Yim it jém rey Agripa. Je tsam iwicutñiyíypa itumpiy yípyaj cosa. Jeeyucmi mañwianmadáypa, da aciñpa. Ich animpa iga iwijodon itumpiy yíp jomipic aṇquímayooyi porque da yamwatneta juṭ da i iixpa. ²⁷ Mirey Agripa, ¿que inçupicpa juuts nimpa jém wiñicpic aṇmatciwiñ? Ich animpa iga inçupicpa.

²⁸ Jesic jém Agripa iñímáy Pablo:

—Por uxañ anaccupicpa Cristo.

²⁹ Ocmi Pablo iñímáy:

—Por uxañ o por jáyañ, ich tsam ansunpa iga inçupicpa. Da solamente mimich, pero itumpiy jém siṇpic amatoñneyaj. Tsam aṇwianjam iga michíytampa juuts aich, pero sin cadena.

³⁰ Cuando yaj nimi jém Pablo, teñchucumyaj juṭ coñyaj jém rey, jém gobernador y jém Berenice con itumpiy jém iwaganaitwñip. ³¹ Jesic putyaj jém anjagooyiyaj, nicyaj aparte. Moj nanímayaajtaji entre jeeyaj:

—Yíp pxiñ da ti iwatne iga accaataṭ ni iga pajtaṭ cárcel.

³² Jém Agripa iñímáy jém Festo:

—Wiap tañcutsigáy idic yíp pxiñ meega da iwác iga icipíñiñ jém Romapic anjagooyi.

27

Nanicta Pablo Roma

¹ Jesic icunúcyaj jixi iga acutsattamtaṭ jém naxyucmi de Italia. Jém Pablo con jém tuṅgac presoyaj cñiñcotta tum capitán icñijom. Iñiyi Julio. Jém batallón iñiyi Augusto. ² Atigiyta tum barcojom. Tsucum jém barco Adramitio. Naspá jém atebetyaj lamar aṇṇaca jém naxyucmi de Asia. Awaganictampa con jém Aristarco. Je tsucumne jém atebet Tesalónica jém naxyucmi de Macedonia. ³ Icuquejama anúcta jém atebet Sidón, lamar aṇṇaca. Jém capitán Julio tsam iyaachanjam jém Pablo. Ijígáypa iga nicpa iám jém iamigoyaj. Ijígáypatim iga iyoxpátpa y iga ichiiba titam itogóyay.

⁴ Atsucumta jém atebet Sidón. Anasta jém isla de Chipre jém aṇṇaymipic lado porque tsam pimi jém sawa. ⁵ Anjacta jém lamar jém naxyucmi Cilicia y Panfilia iñuma. Anúcta jém atebet Mira jém naxyucmi de Licia.

⁶ Jemic jém capitán Julio ipát tum barco jém tsucumnewñip jém atebet Alejandría. Nicpa jém naxyucmi de Italia. Jém capitán acotta barcojom. ⁷ Watña jama anictampa chocoymi. Tsam táñcaṇ mu annúcta jém atebet Gnido iñuma. Como tsam pimi jém sawa, da tacnas jem. Jeeyucmi aquetta hasta jém isla de Creta. Anúcta jém punto de Salmón iñuma. Anasta noco jém isla de Creta. ⁸ Tsam táñcaap iñic jém barco. Witpa lamarañṇaca. Ocmi anúcta tum lugar iñiyi jém Wibic Puerto, nocojom jém atebet Lasea.

⁹ Tsam jáyañ tiempo anactogoyta. Siṇ tsam it peligro iga anictampa barcojom porque nasne jém siñ de ayuno. Núcne jém tiempo cuando tsam poypa jém sawa. Jeeyucmi Pablo ichi jixi jém pxiñtam. ¹⁰ Iñímáy:

—Mipixiñtam, ánixpa iga siṇ tsam it peligro iga tanicpa barcojom. Wiap itogoy jém barco con itumpiy jém carga hasta togoypatim jém tamvida.

¹¹ Pero jém capitán da imatoñ ti iñímáy jém Pablo. Más icupicpa jém barco iomi y jém icwitpáppic jém barco. ¹² Casi itumpiy jém ityajwñip jém barcojom agui nictooba porque da wicom jém puerto juṭ aitta iga annascatampa jém tiempo de pagac cuando tsam poypa jém sawa. Nicyajtooba jém atebet Fenice, tuṅgac puerto, jeetim isla de Creta. Íñámmocne aṇjamtiñiyimi. Jenum wiap annascata jém tiempo de succuc.

Tsam it mal tiempo jém lamar

¹³ Jesic moj poyi jém tsapsawa, ijisyajpa iga wicoomap, wiap iñicyaj. Tsucum jém barco, moj niqui jém lamar anñaca jém isla de Creta. ¹⁴ Pero da jáy mactsiyta tum sawa tsam pimi. Juuts tum ciclón. Jemic iccámayyaj iñiyi jém euraquilón. ¹⁵ Moj ininic jém barco. Como da wiap anañámmoc jém sawa, jesic jém icwitpáppic jém barco ijicpa iga ininicpa. ¹⁶ Anasta tum xutu isla iweñtañ, iñiyi jém isla Clauda. Jem da pimi núcpa jém sawa. Tsam táñcaā maampiñta jém lancha jém ijicnewiip jém barco. ¹⁷ Cuando yaj ipiñyay jém lancha, moj ichenyaj jém barco con mijpic tipxi iga odoy sámíñ. Tsam cñneyaj. Wiip tsíypa jém pooyciim jém lugar iñiyi Sirte. Jesic icquedayyaj ivela. Ijigayyaj iga ininiguñ jém sawa. ¹⁸ Icuquejama como tsam pimi poypa jém sawa, jém pixiñtam moj ipatspatsayyaj lamar jém barco ichimi. ¹⁹ Jesic núcum tucunajama, aichtam anyaac ampatsáyayta jém barco itñcuy con jém itraste. ²⁰ Watña jama it jém mal tiempo, da aguixta jém jama ni jém matsa. Como tsam pimi actsiy jém sawa, anjístampa antumpiytam iga acucaaytámpa.

²¹ Tsam jáyan jama da awicta. Jesic jém Pablo teñchucum jém pixiñtamanjom. Iñímáy:

—Mantiwitam, meega inwadáy caso ti mannímáy y da tatsucum jém isla de Creta jut tait idic, jesic da idic tannascaaba yíp mijpic yaachaji con yíp togoyi.

²² 'Pero siip camamwattaami iñanama. Porque ni tum de mimichtam da micaatámpa aunque yíp barco togoypa. ²³ Tsúmic awiñquejay tum siñyucmipic pixiñ jém icutsatnewiip Dios, jém ichpic anjacpa y añcuyoxap. ²⁴ Jém siñyucmipic pixiñ anímáy: “MiPablo, odoy cñi porque tienes que mininúctap jém Romapic anjagooyiciim. Mich inçuyucmi Dios iciacputyajpa itumpiy jém pixiñtam jém inwagananicpaap jém barcojom iga odoy caayajiñ.” ²⁵ Jeeyucmi mannímáypa mimichtam iga odoy cñtaami. Porque ich añcupicpa iga Dios wiap tayoxpát. Ich anjodon iga numa tannascaaba juuts anímáy jém siñyucmipic pixiñ. ²⁶ Pero tienes que tananicpa jém barco hasta tananúcpa tum isla.

²⁷ Cuando nasne dos semana iga aniquitam, jém sawa ananicta jém lamar iñiyi Adria. Jesic como cugaptsu jém icwityajpáppic jém barco ijamyajpa iga núctooba naxyucmi. ²⁸ Iquípsyaj jém lamar jutspiy ijojmi. Iniit treinta y seis metro. Cuando wityaj uxañ más juumi, eybic iquípsyaj, iniit veintisiete metro. ²⁹ Tsam icñnyajpa iga núcpa jém tsaayucmi, jesic icquedayyaj cuatro iancla jém barco itutsciim iga ichenyajpa. Tsam anyácneyaj, síp injócyaj iga cuquejiñ. ³⁰ Algunos jém marinero agui quettooba jém barcojom iga poypa. Moj icquet jém lancha, nímanñtaayap iga icquedáypa jém iancla jém icobacciimpic. ³¹ Pero jém Pablo inmadáy jém capitán y jém isoldado:

—Siiga yíp pixiñtam da tsíypa barcojom, michtam micucaaytámpa iñtumpiytam.

³² Ocmi jém soldado itñcujagáy jém lancha itipxi jut cutsenneta jém barcoyucmi iga cutíñiñ niicim. ³³ Icuquejama jém Pablo iñímáy itumpiy jém pixiñtam iga wícyajiñ. Iñímáy:

—Iniitum dos semana da miwícnet. ³⁴ Jeeyucmi mançunucsáypa iga miwíctámpa uxañ iga impictsonpa impimi porque ni tum de mimichtam da mitogoypa, da togoypa ni tum jém inway jém itwiip inçobacyucmi.

³⁵ Cuando yaj nimi jém Pablo, imatspacne tum caxtánañi icñjom. Inwejpát Dios jém pixiñtam iwiñjom. Ocmi iwenjac jém caxtánañi, moj wiiqui. ³⁶ Jesic itumpiy jém pixiñtam icamamwat ianama. Mojum wiiquiyaj mex jeeyaj. ³⁷ Aitta jém barcojom adosciento setenta y seis. ³⁸ Cuando yaj wiiquiyaj, moj ipatspatsayyaj lamar jém trigo iga más zejciyañ jém barco.

Po jém barco

³⁹ Icuquejama jém icwitpáppic jém barco da ijodonayaj júp naxyucmi ityaj. Iixyaj tum lugar jut wícom jut wítijom jém pooyáñaci. Ijísipa siiga wíap ininic jém barco jem. ⁴⁰ Itñcujacyaj jém tipxi jut tsenne idic jém ancla, ichacyaj lamar. Iwijáy jém timón itipxi. Icqúim jém vela, jém icobaccimpic, iga icwídiñ jém sawa. Jém barco moj puti jém lamar aññaca. ⁴¹ Núc jut it jém corriente, tsíy jém barco icobac pooycim, wí cámmne, da tsigóypa. Jém ituts moj iccujagáy jém lamar poa. ⁴² Jesic jém soldado ijisyajpa iga iccaayajpa jém preso iga odoy púnanjacyajñ iga poypa. ⁴³ Pero jém capitán iciacputtooba jém Pablo. Da ijígáy jém soldado iga iccaayajpa jém preso. Ipímíy jém wíapaap iññjén iga tigíyñ lamar iga putpa añsícmi. ⁴⁴ Iñímáy jém dapic wíap iññjén iga ipiguiñ tabla o tum jaca jém barco icuy iga iyoxpátpa. Asíam cupudayyaj itumpíyyaj añsícmi.

28

Núc jém Pablo jém isla de Malta

¹ Cuando aciputtámum antumpíytam, anjodónata iga jém isla iñiyi Malta. ² Jém jemícpic píxiñtam tsam awíxta. Icnúcyaj jucti porque tsam succuc, tsam chijóypa tuj. Anímayta iga: “Miñi mixami.” ³ Ocmi jém Pablo ipiñ uxañ cipi tñsnewip. Iganam icotpa juctjom, put tum tsañ, ipóyáy jém jucti ipiji. Tñnecám jém Pablo icíyucmi. ⁴ Cuando jém ityajwíip jem iixyaj iga tñnecám jém tsañ icíyucmi, nanímayyajta:

—Yíp píxiñ tum accaoyapaap. Aunque ciput jém lamar, Dios da iwíañjam iga tsíypa vivo.

⁵ Pero Pablo icuxicsáy jém tsañ juctjom. Da ti iñasca. ⁶ Jesic jeeyaj agui injócyaj siiga xñpa jém ici o jeeti rato caaba. Pero ocmi cuando tsam injócyaj, iix iga da ti iñasca. Jesic icacyaj ijixi. Moj nímíyyaj:

—Yíp píxiñ tum dios.

⁷ Jém añjagooyi iñiyi Publio. Injacpa jém isla. Noco it jém iñas. Tsam awípictsonja. Achiita jut amonja juuts aamigotam. Jemum atsíyta tucunajama. ⁸ Mímne idic jém Publio ijatun. Imatsne jém jawañ y jém nípíñtiñ. Tigíy jém Pablo jut wone. Inwejpádáy Dios para je, ichigáy icobac, icpis. ⁹ Cuando iixyaj ti iwat jém Pablo, jesic miñyajtim itumpíy jém mimneyajwíip icuwíti jém isla. Acpsiyajtatim. ¹⁰ Jesic jém píxiñtam tsam awíxtámpa, tsam acujíptámpa. Ocmi cuando anictóoba eybic jém tungac barcojom, jeeyaj achiita titam atogóyayta iganam anictámpa.

Jém Pablo núcpa Roma

¹¹ Cuando anyajta tres meses jém isla de Malta, atigíyta tungac barcojom. Jém barco iñascatim jém tiempo de succuc jeetim isla. Tsucum jém attebet Alejandría. Jém barcoyucmi it wísten watnas iñiyi Cástor y Pólux. ¹² Anúcta nianñaca tum attebet Siracusa. Tucunajama atsíyta. ¹³ Jesic icquímayyaj jém barco ivela, moj aníquitam. Anúcta jém attebet Regio. Icuquejama poypa jém tsapsawa, jesic jém tungac jama anúcta jém attebet Puteoli. ¹⁴ Jemum ampátta algunos jém tantíwítam. Jeeyaj acunucsayta iga atsíytamiñ tum semana con jeeyaj. Ocmi moj aníquitam Roma. ¹⁵ Jém tantíwítam jém ityajwíip Roma, ijodónayaj iga anúctamtooba, miñ amétsta tum lugar iñiyi Foro de Apio. Núcyaj algunos hasta jém Tres Tabernas. Cuando iix jém Pablo iga núcyaj jém tantíwítam, moj ichi gracia Dios, más da cñpa. ¹⁶ Cuando anúcta Roma, jém capitán iciñjuncot jém tungac presoyaj jém comandante iciñjom. Pero ijíc iga da i ipaj jém Pablo. Jígayta iga nic íti tungac añeymi con tum soldado jém iwatpáppic cuenta.

Jém Pablo inmatpa jém Dios inmatí Roma

¹⁷ Cuando nasne tucunajama, jém Pablo inwejáy jém añjagooyiyaj de jém judíos, jém ityajwíip Roma. Cuando añtuumaneyajum, nímayyajta:

—Mantiwitam, da ammalwadáy jém Israelpic pixiñtam ni datim anwatne en contra de jém wiñicpic tançostumbre jém tachiñewiip jém wiñicpic tanjatunwewetam. Pero amatsta Jerusalén, aciijuncotta jém gobernador icijom. ¹⁸ Cuando yaj aciipin, acutsigaytooba idic porque da ti apádáy iga accaataiñ. ¹⁹ Pero jém judíos da ijíc iga acutsigaytaiñ. Jeeyucmi anwác iga aciipíniñ jém Romapic anjagooyi mex da anquejajwadaytooba jém antiwítam jém judíos. ²⁰ Jeeyucmi mançutsadáy anmati iga miñi aámtaami iga mananmatpa. Ich atsenne con yíp cadena porque ançupicpa iga Dios icpíspa jém caaneyajwiip. Jesanetim icupicyaj jém Israelpic pixiñtam dende wiñigam.

²¹ Jesic jém miñneyajwiip Roma iñimáy jém Pablo:

—Da ampictsonne ni tum toto de jém naxyucmi de Judea iga ti iññascane mimich. Ni tum jém tantiwítam, jém miñneyajwiip jém Jerusalén, da anmadayyaj iga mich immalwatne. ²² Agui ammatonçtooba jém anmati jém michpic iniñmatpa porque anjodónane iga jut quej tsam jóyixtap yíp jomipic anquímayooyi.

²³ Jesic jeeyaj icámayyaj tum jama iga miñyajiñ eybic iga imatonyajpa jém Pablo. Cuando núc jém jama, miñyaj tsam jáyan jém Romapic pixiñtam hasta jém ticciim jut it jém Pablo. Dende tsúyítim hasta tsuáj inmadáy jém pixiñtam jutsap injac Dios jém ityajwiip yíp naxyucmi. Inquejáypa iga Jesús je jém Cristo jém icutsatnewiip Dios. Inquejáy con jém wiñicpic anquímayooyi jém ijaychacnewiip jém Moisés y jém wiñicpic anmatciwiñ.

²⁴ Algunos jém pixiñtam icupicyaj jém Pablo inmadayooyi. Pero jém tungacyaj da icupicyaj.

²⁵ Jém dapic iwianjamyaj moj niquiyaj. Cuando cuniçayyaj, nim jém Pablo:

—Winiim jém Dios iAnama cuando iñimáy jém wiñicpic tanjatunwewetam por medio de jém wiñicpic anmatciwiñ jém Isaías. Yimpic nim:

²⁶ Nigi nímaayi yíp pixiñtam:

Numa immatonçtampa jém anmati, pero da inçutiyyíypa.

Numa iñixtampa, pero da injodónatampa.

²⁷ Porque yíp pixiñtam ianama tsam pimi malo,

tsam iñejamatonpa,

jém iixcuy inmichñe,

iga odoy ixixóyiñ con iixcuy,

ni odoy matónóyiñ con itatsic,

ni odoy icutiyyíyiñ con ianama,

ni da icacpa ijixi iga anaccáyaypa itañca.

²⁸ Jodónataami iga dende sip Dios icutsadáypa jém tungac pixiñtam jém wibic anmati iga Dios taciaputpa. Cutsadaytap jém tungac pixiñtam, jém dapic je de Israel. Jeeyaj numa imatonyajpa.

²⁹ Cuando yajum inmat jém Pablo, nicyaj jém judíos. Tsam anayajpa entre jeeyaj.

³⁰ Jesic jém Pablo tsíy wisten amtiy jém ticciim jém iñúcsnewiip. Ipiçtonyajpa itumpiy jém miñpáppic iám. ³¹ Inmadáypa jém pixiñtam iga Dios injactooba jém ityajwiip yíp naxyucmi. Inquejáypa jém tánomi Jesucristo inquímayooyi. Da cñpa jém Pablo, da i imoogíypa. Jemum cuyaj.

Jém carta jém ijáyayñewiip Pablo jém Romapic pìxiñtam

Jém Pablo ijáyáypa Dios ipìxiñtam jém ityajwip Roma

¹ Ich aPablo, siip manjáyáypa. Ançuyoxap jém tánQmi Jesucristo. Dios acupiñ iga accám juuts tum apóstol, jém icutsatnewiip Dios. Acupiñ iga anañmadiñ jém wibic añmati iga Dios iciacputtooba jém pìxiñtam.

² Wiñgam jém Dios inmatcwiñ ijaychacneyaj iga Dios tajiycámayñe iga núcpa jama iga Dios taciacputpa. Jaychacnetā jém promesa jém wibic librojom jém Diospic imichi.

³ Nımyajpa iga miñpa jém Dios iManic, jém tánQmi Jesucristo. Ocmi nay yip naxyucmi jém Jesucristo juuts tum pìxiñ, jém rey David iocmanic imanic. ⁴ Quejpa iga Dios iManic, jém tsampic iniit jém Dios ipimi, porque acpista de jut it jém caaneyajwip. Jeetim wibic jixi iniit juuts tanjatun Dios. ⁵ Jém Jesucristo amichane, jeeyucmi Dios ayaachanjām y ayoxpát iga ananictámpa juumi jém wibic añmati iga itumpiy jém tungacpic pìxiñtam wiñ icupicyaj jém Cristo y iwatyajpa juuts ixunpa Dios. ⁶ Mimichtam jém tungacpictim mipìxiñtam. Dios miñwejaytámpatim iga michíytamiñ juuts jém Jesucristo mimichitam.

⁷ Siip manjáyaytámpa mimichtam, miittanwip jém mijpic atebet Roma, jém mitoytampáppic tanjatun Dios. Miñwejaytámpatim Dios iga michíytamiñ juuts jém Dios ipìxiñtam jém dapic táñcaiy. Tsam wafidios mancutsadaytámpa. Jém tanjatun Dios con jém tánQmi Jesucristo miwıwadaytamiñ.

Jém Pablo nictooba joyi jém mijpic atebet Roma

⁸ Wiñti anchiiba gracia jém tanjatun Dios jém tánQmi Jesucristo iniyimi para inítumpiytam mimichtam porque icuwiti yip naxyucmi añmattap iga michtam tsam inçupictámpa tánQmi Jesucristo. ⁹ Ich ançuyoxap jém tanjatun Dios con itumpiy ánānama. Anañmadáypa jém pìxiñtam jutsap iciacputyaj jém Dios iManic. Dios ijodon iga cada jama anañwejpátpa Dios para mimichtam. ¹⁰ Ich tsam nictooba manjójáy, pero da awıap. Siip añwágáypa Dios, siiga Dios ixunpa, wiap nicpa manjójáy. ¹¹ Tsam mánixtamtooba. Tsam manyoxpáttooba iga más wiap inçutiyyıfta ti ixunpa Dios. ¹² Ich anımpa iga mimichtam anyoxpátpatim cuando ánıxpa iga tsam inwıcupicpa jém tánQmi Cristo. Jempam tanayoxpátamtap.

¹³ Mantıwıtam, ich ansunpa iga injodonatamiñ iga waciy nictooba manjójáy, pero hasta siip da awıap. Ansunpa iga idiñ tum wibic cosecha mimichtamanjom, juustim cuando oy anañmadáy jém tungac pìxiñtam jém dapic je de Israel. ¹⁴ Ich tsam anjıspa itumpiy jém pìxiñtam jém dapic imatonne jém Dios inmati. Tsam aıt obligado iga anyoxpátpa itumpiy jém pìxiñtam jém añmatyajpáppic griego y jém tungacpic pìxiñtam; jém cuyujneyajwip y jém dapic cuyujne. ¹⁵ Jeeyucmi ich tsam manañmadaytamtoobatim jém wibic añmati mimichtam, miittanwip jém mijpic atebet Roma.

Jém wibic añmati wiap tayoxpát

¹⁶ Ich da atsaap iga anañmatpa jém wibic añmati porque je iniit jém Dios ipimi iga taciacputtámpa siiga tançupicpa Cristo. Wiñti ipictsonyaj jém Israelpic pìxiñtam, ocmi ipictsonyajpatim jém tungac pìxiñtam, jém dapic je de Israel. ¹⁷ Jém wibic añmati tacjodonata iga Dios tawıtsagáy tantánca iga wiñ tapictsonya Dios. Tapictsonya cuando

tañcupicpa Cristo y solamente siiga tañcupicpa. Nimpa así jém Dios in̄mati: “Jém icupicnew̄ip iga Dios iw̄itsagáy jém it̄anca, ip̄ictson̄pa jém vida jém ñapic cuyajpa.”

Tsam táñcaíy itump̄iy jém pixiñtam

¹⁸ Quejpa iga Dios icutsatpa tum̄ mijp̄ic castigo dende sin̄yucmi. Chiitap̄ castigo itump̄iy jém pixiñtam, jém iwatyajpáppic contra jém Dios in̄químayooyi y jém imalwatyajpáppic. Como tsam̄ p̄imi malo, da ij̄icpa iga núcpa jém numapic an̄mati. ¹⁹ Chiitap̄ castigo porque tsam̄ w̄iquejpa juutspic Dios jém tan̄Jatun̄ Dios. Itump̄iy pixiñtam tsam̄ iw̄ijodon̄yay porque jeetim tan̄Jatun̄ Dios in̄quejáy. ²⁰ Dende watnet̄a ȳip nas, tsam̄ w̄iquejpa juutspic Dios jém tan̄Jatun̄ Dios, jém ñapic nunca cuyajpa ip̄imi. Da tánixpa Dios, pero w̄iap̄ tánixáy titam iwatne. Jesic jém pixiñtam iniit la culpa iga da iixp̄icyajpa Dios. ²¹ In̄untaw̄ijodon̄yay juutspic Dios jém tan̄Jatun̄ Dios, pero da ij̄isyajpa juuts Dios. Datim icuj̄ipyajpa Dios para itump̄iy jém w̄itampic cosa juuts iwatne. Ocm̄i núc jém jama iga jém pixiñtam ij̄ixi da para ti w̄i. Tsam̄ maloyaj. Da w̄iap̄ icutīiȳy jupp̄ic jém numapic y jupp̄ic jém migooyi. Jeeyaj juuts cupiich̄ane jém ianama. ²² Nimyajpa iga tsam̄ j̄ixīiy, pero mástim quejpa iga da j̄ixīiy ni uxan̄. ²³ Ichacyaj iga ij̄ispa jém numapic Dios, jém ñapic nunca caaba. Iwatyaj jém watnas iga ij̄isyajpa. Watnet̄a en forma juuts tum̄ p̄ixiñ jém caapáppic, o juuts tum̄ jon, o juuts tum̄ animat, o juuts tum̄ tsañ.

²⁴ Jeeyucmi Dios ichacyaj jém pixiñtam. Ij̄icpa Dios iga más p̄imi imalwatyajiñ juuts icusúniyyajpa jém pixiñtam ianaman̄jom hasta namalwadayyajt̄ap con it̄iwitam. Iwatyajpa jém da w̄ibic cosa jém tsampic tatsaap̄ tan̄wat, ²⁵ porque jeeyaj da icupicneyaj jém numapic Dios, más icupicneyaj jém migooyi. Ij̄isyajpa jém cuy y jém tsa jém Diospic iwatne. Icuyoxayajpa jém watnas. Pero da ij̄isyajpa ni da icuyoxayajpa jém tan̄Jatun̄ Dios, jém iwatnew̄ip itump̄iy cosa. W̄i iga tañcuj̄iptámiñ para siempre. Amén.

²⁶ Jeeyucmi Dios ij̄ic iga jém pixiñtam w̄iap̄ iwatyaj jém malopic cosa, jém tsampic icusúniypa jém malopic pixiñtam. Jém yomtam ichacyajpa iga ipicpa p̄ixiñ. Moj iwatyaj contra juuts siempre iwatyajpa jém w̄ibic pixiñtam. Moj nap̄icyajt̄aji yomtam con yomtam. ²⁷ Jesanetim jém pixiñtam ichacyajpa iga ipicpa yomo. Tsam̄ icusúniyyajpa p̄ixiñ juuts yomo. P̄ixiñ con p̄ixiñ nap̄icyajt̄a. Yaachwadayt̄ap jém imij̄tay. Ip̄ictson̄yajpa jém castigo iga iwatyajpa jexpic táñca.

²⁸ Como da iw̄ian̄jamyaj iga ij̄isyajpa Dios, jesic Dios ij̄ic iga más imalwadiñ jém pixiñtam. Ij̄icpa iga iwatyajiñ jém malopic cosa jém Diospic da iw̄ian̄jam. ²⁹ Comne ianama con itump̄iy jém malopic j̄ixi. Tsam̄ ichicyajtooba jém tun̄gac yomo. Tsam̄ icusúniypa p̄ixiñ juuts tum̄ yomo. Tsam̄ cuj̄óȳyóypa. Tsam̄ najajóypa, accaóypa, tsam̄ áñatero, tsam̄ migóypa, tsam̄ imalwadáypa ī quej y tsam̄ cuj̄óȳyóypa. ³⁰ Imalnímáypa jém it̄iwitam. Ij̄óyixyajpa Dios. Da inīi respeto. Tsam̄ natoyt̄ap̄ iyaac. Tsam̄ nacuj̄ipt̄ap. Ij̄ixquím̄pa jém da w̄itampic cosa. Da itoȳpa ni ij̄atun̄ ni iapa. ³¹ Da j̄ixīiy. Da iccupacpa juuts in̄imáypa it̄iw̄i. Da tóyóypa. Da iyaachan̄jampa jém it̄iw̄i. ³² Jeeyaj tsam̄ iw̄ijodon̄ iga Dios ip̄im̄iypa iga accaayajt̄a iñ jexpic pixiñtam. Pero jém malopic pixiñtam da iwadáypa caso. Seguido imalwatyajpa. Agui maymaytim cuando imalwatyajpatim jém it̄iwitam.

2

C̄ip̄īyóypa Dios con jém numapic an̄químayooyi

¹ Mich iniit la culpa siiga miñimpa iga malo ȳip pixiñtam. J̄istaami iga in̄yaac miniquejajwadayt̄ap porque mimichtam mimalotim, in̄wattámpatim jexpic cosa. Ich da anticutīḡiyi mijapaap mimich. ² Tan̄jodon̄ iga Dios ic̄ip̄in̄pa jém pixiñtam con jém numapic an̄químayooyi. Chiijajt̄ap castigo itump̄iy jém iwatneyajw̄ip jexpic cosa. ³ ¿Que

mich iñjiswa iga miciputpa y Dios da michiiba castigo? ¿Tiiga miñimpa iga tsam tãñcaiy jém iñtiwi porque tsam imalwat? ¿Que da iñjiswa iga inwatpatim jexpic cosa? ⁴ ¿Tiiga iñjowyipa jém Dios itóyooyi jém dapic cuyajpa? ¿Que da inwadáypa caso iga tsam iyaachíypa Dios iga tammalwatpa y da jobit ichiiba castigo jém pixiñtam jém imalwatyajpáppic? Jodónataami iga jém tanJatun Dios tsam miyaachanjampa porque ixunpa iga inçucaguiñ iñjixi.

⁵ Pero michtam da mimatónóypa, da inwattooba juuts miñimáy Dios, da inçucacta iñjixi. Más jáyanap inçastigo jém michiipáppic Dios hasta cuando núcpa jém jama iga ichiiba castigo Dios jém malopic pixiñtam. Jesic iñixtámpa iga Dios iwicipinpa jém pixiñtam. ⁶ Dios icyojpa cada tumtum juuts iwatne. ⁷ Chiitap jém vida jém dapic cuyajpa itumpiy jém pixiñtam jém dapic ichacpa iga iwíwatpa, jém imétsápáppic jutsap iñuc jut it Dios, jém iwianjampáppic iga Dios iwixpa, jém imétsápáppic jém vida eterna. ⁸ Pero Dios ichiiba tum mijpic castigo itumpiy jém iwatpáppic juuts je ixunpa iyaac, jém dapic icupicpa jém numapic anquímayooyi, jém tsampic imalwatpa. ⁹ Tsam yaachwatyajtap, tsam anyácneyaj itumpiy jém pixiñtam jém imalwatneyajwip. Wiñti iñascaaba así jém Israelpic pixiñtam, ocmi jempictim iñascaaba jém dapic je de Israel. ¹⁰ Pero itumpiy jém iwíwatyajpáppic, chiitap derecho iga núcpa jut it Dios. Jém tanJatun Dios tsam iwixpa, iyoxpátpa iga odoy ti ijixiñ. Wiñti iñascaaba así jém Israelpic pixiñtam, ocmi iñascaabatim así los demás, jém dapic je de Israel.

¹¹ Porque jém tanJatun Dios da innegáypa ni tum pixiñ itãñca, iwicipinpa parejo. ¹² Jém iwatnewip tãñca, jém dapic ipictsonje jém Moisés inquímayooyi, chiitaptim castigo sin jém anquímayooyi. Jém iwatnewip tãñca cuando iniit jém Moisés inquímayooyi, jesic cipintap con jeetim anquímayooyi. Chiitap castigo. ¹³ Porque Dios da iwítsagáypa tum pixiñ itãñca siiga ixajamatonpa jém Moisés inquímayooyi. Pero Dios iwítsagáypa tum pixiñ itãñca siiga iwatpa juuts nimpa jém Moisés inquímayooyi. ¹⁴ Cuando jém tungac pixiñtam, jém dapic je de Israel, iwatyajpa ijiximi juuts nimpa jém Moisés inquímayooyi, pero da ini jém anquímayooyi, jesic jém ijixi jex juuts jém wibic anquímayooyi. ¹⁵ Jexpic pixiñtam cuando iwíwatpa, quejpa iga jaycámnetã ianamanjom jém anquímayooyi. Jesic jém pixiñtam ijispa ijixianjom siiga iwíwatne o imalwatne. Iyaac nacipintap. ¹⁶ Cuando núcpa jém jama iga icipinpa Dios, quejpa itumpiy cosa jém anécnewip jém pixiñtam ianamanjom. Accámta jém Jesucristo juuts tum juez iga icipinpa juuts nimpa jém wibic anquímayooyi, jém ichpic manañmadayñe.

Jém Israelpic pixiñtam tsam itoypa jém wiñicpic anquímayooyi

¹⁷ Pero mimichtam miñimtámpa iga miIsraelpic mipixiñtam. Tsam inçupictámpa jém Moisés inquímayooyi. Tsam minicujíptamtap iñyaac iga iñixictámpa jém nunta Dios. ¹⁸ Iñjodontam ti ixunpa Dios iga tanwattámpa. Wiap inçupin jém más wibic cosa iga inwattámpa porque inwícuyucane jém Dios inquímayooyi. ¹⁹ Iñjistámpa iga inicjodónap jém tun jém cáchtijaj. Iñjstim iga wiap iñyicquej jém wityajpáppic piichcim. ²⁰ Iñjistámpa iga wiap ininquejáy jém pixiñtam, jém dapic jixiíy, jém dapic cuyujne, porque mich iniit jém Dios inquímayooyi. Numa jém anquímayooyi naps jém numapic jixi. ²¹ Numa, mimichtam, ininquejáypa tungac pixiñ, ¿jesic tiiga da mininquejaytap iñyaac? Ininquejáypa iga da wí iga tanúmpa, pero mich miñúmpatim. ²² Iññimáypa jém pixiñtam iga odoy pejooyi, pero mich mipejóypatim. Tsam pimi iñjowyipa jém watnas jém tungac diosyaj, jém dapic je nunta Dios, ¿pero que numa inwixpa jém tanJatun Dios y siempre inwatpa juuts je ixunpa? ²³ Mimichtam tsam minicujíptap iñyaac porque iniit jém numapic anquímayooyi. Pero jut quej jém pixiñtam ixiccayajpa jém tanJatun Dios porque mimichtam da inwattámpa juuts nimpa jém Dios inquímayooyi. ²⁴ Nimpa así jém Dios inmati jut jayñeta:

“Jutquej jém p̄ixiñtam, jém dapic je de Israel, imalnímayyajpa jém tanJatun̄ Dios iñiyi michtam in̄cuyucmi iga da in̄w̄iwattámpa.”

²⁵ Siiga in̄wattámpa juuts n̄impa jém Dios in̄químayooyi, jesic vale mucho iga miwadayta jém marca de circuncisión. Pero siiga da in̄watpa juuts n̄impa jém an̄químayooyi, jesic da ti micuwatcuy iga miwadayta jém marca de circuncisión. ²⁶ Jesanetim siiga jém tungac p̄ixiñ, jém dapic marcaj̄y, iwatpatim juuts n̄impa jém Dios in̄químayooyi, jesic Dios ipictson̄patim jextim juuts marcaj̄y. ²⁷ Siiga tum̄ p̄ixiñ da marcaj̄y iwatpa juuts n̄impa jém Moisés in̄químayooyi, jesic min̄quejáypa iga mitáncaíy porque mimichtam iniifta jém Dios in̄mat̄i y iniiftatim jém marca de circuncisión, pero da in̄wattámpa juuts n̄impa jém Moisés in̄químayooyi. ²⁸ Mextim nayñe jém naxyucmi de Israel, pero da je nunta Israelpic p̄ixiñ. Jesanetim jém nunta marca de circuncisión da je jém watnew̄ip̄ jém tammij̄tayyucmi. ²⁹ Jém numapic Israelpic p̄ixiñ iniif̄ jém marca de circuncisión ianaman̄jom. Ij̄ispa ianaman̄jom iga numa Dios im̄ichi. Tawadáypa así jém Dios iAnama, da je jém Moisés in̄químayooyi. Jesic jém p̄ixiñtam da tacuj̄ippa, pero tacuj̄ippa Dios.

3

¹ ¿Jesic para ti w̄i iga taIsraelpic tap̄ixiñtam? ¿Para ti w̄i jém marca de circuncisión? ² W̄i para w̄ati cosa. Wiñti mannímáypa iga Dios ic̄ij̄un̄cot jém Israelpic p̄ixiñtam ic̄ij̄om jém Dios in̄mat̄i. ³ Numa, algunos jém Israelpic p̄ixiñtam ichacyaj jém Dios in̄mat̄i, da iccupacyaj juuts ij̄ycámayñeyaj Dios. Pero Dios iccupacpa juuts taj̄ycámayñe, je da jex juuts taichtam. ⁴ Numa, jém tanJatun̄ Dios iccupacpa juuts taj̄ycámayñe. Siiga migóypa itump̄iy jém p̄ixiñtam, jém tanJatun̄ Dios da nunca migóypa. N̄impa así jém Dios in̄mat̄i: Dios da migóypa, iñuuman̄matpa.

Siiga c̄ip̄in̄tap, tsam̄ w̄iquejpa iga da táncaíy.

⁵ Pero siiga más p̄imi tammalwatpa, más quejpa iga da malo jém tanJatun̄ Dios, ¿jesic ti w̄iap tannim? ¿Tananjam malo jém tanJatun̄ Dios iga tatségáypa jém tantánca? ¿Ī ij̄ispa jem̄pic? ⁶ ¡Da malo! Porque siiga táncaíȳtim jém tanJatun̄ Dios, ¿jutsap̄ ic̄ip̄in̄ itump̄iy jém p̄ixiñtam jém ityajw̄ip̄ ȳip̄ naxyucmi iga ichiiba castigo?

⁷ Pero siiga tsam̄ tamigóypa, jesic más w̄i quejpa iga Dios da migóypa hasta más p̄imi cuj̄iptap. ¿Jesic tiiga tachiiba castigo iga tsam̄ tatáncaíy? ⁸ ¿Jesic tiiga da más p̄imi tammalwatpa iga más p̄imi cuj̄iptañ̄ jém tanJatun̄ Dios? Asíam̄ n̄imyaajpa algunos iga aichtam anan̄quejáypa. Tsam̄ p̄imi acuj̄yypa. Jexpic p̄ixiñtam más w̄i iga chiit̄añ̄ tum̄ mij̄pic castigo.

Tatáncaíy tantump̄iytam

⁹ ¿Jesic ti iñj̄ispa iga taichtam jém taIsraelpic tap̄ixiñtam más taw̄itam que jém tungac p̄ixiñtam? Datim. Tatáncaíȳtim tantump̄iytam siiga taIsraelpic tap̄ixiñtam o da taje. Tienes que tampictson̄pa jém castigo iga tanait̄ jém tantánca. ¹⁰ Jaychacnetawum̄ así jém Dios in̄mat̄i:

Da ī ni tum̄ w̄ib̄ic p̄ixiñ jém dapic táncaíy.

¹¹ Da ī w̄iap icut̄iȳȳ ti ixunpa Dios.

Da ī iméts̄pa Dios.

¹² Itump̄iy ichacyaj jém w̄ib̄ic tun̄.

Nicyajpa jém malopic tun̄.

Ni tum̄ p̄ixiñ da iw̄iwatpa juuts ixunpa Dios.

¹³ Jém malopic an̄mat̄i agui putpa ij̄ip̄jom.

Jém ij̄ip̄ juuts tum̄ tsúts̄ijos.

Agui it̄ migooyi ij̄ip̄jom.

Jex juuts tum malopic tsañ, tsam cuj'iyóypa.

¹⁴ Tsam malmalnimpa.

Tsam it jooya ianamanjom.

¹⁵ Agui jicsciy accaóypa.

¹⁶ Jutquej nicpa ichacyaj jém anyaaqu y jém yaachaji.

¹⁷ Da ipát jém wibic tun iga iwínanigáypa jém itiwitam.

¹⁸ Da icinpa Dios.

¹⁹ Tanjodontam iga chiita jém wiñicpic anquímayooyi jém Israelpic pixiñtam iga injaguiñ. Nímayyajta ti wiap iwatyaj, pero da iwatyajpa. Jesic ipictsonyajpatim jém castigo jém ichiipáppic Dios con itumpiy jém malopic pixiñtam jém ityajwip yíp naxyucmi. Da ti wiap iñmyaj. ²⁰ Dios da ipictsonpa jém nimaajpáppic iga cupacpa iwat juuts nimpa jém wiñicpic anquímayooyi. Jém anquímayooyi no más tanquejáypa iga tatáncaiy porque da i wiap iwat itumpiy jém anquímayooyi.

Jutsap tawitsagáy jém tantánca

²¹ Pero siip Dios tanquejáy jutsap tawitsagáy jém tantánca iga tapictsoniñ Dios sin jém Moisés inquímayooyi. Pero jém anmati, jém ijaychacnewip jém wiñicpic anmatciwiñ con jém Moisés inquímayooyi, icuistic nimpa iga miñpa jém Cristo iga iwitsagáyiñ jém pixiñtam itánca. ²² Dios iwitsagáypa jém pixiñtam itánca siiga icupicpa jém tánomi Jesucristo. Pictsontap itumpiy jém icupicneyajwip siiga Israelpic pixiñ o siiga tunjac pixiñ. ²³ Itumpiy pixiñ táncaiyaj. Da i núcpa jut it Dios porque da i iwatne juuts je ixunpa.

²⁴ Pero jém tanjatun Dios iwitsagáypa jém pixiñtam itánca iga witsiyiñ porque tsam tóyóypa Dios. Ichiiba juuts tum xaja. Wiap tawadáy así porque jém tánomi Jesucristo tajojáy tantánca. ²⁵ Dios icutsat imaníc Jesucristo iga ipictsonáyiñ jém pixiñtam icastigo. Itegáy iñipiñ iga iyojáy jém pixiñtam itánca. Siip Dios imatónáypa jém pixiñtam itánca siiga icupicyajpa Jesucristo. Asíam quejpa iga da malo jém tanjatun Dios. Iyaachanjampa jém pixiñtam. Da jobit ichégáypa jém pixiñtam itánca jém iwatneyajwip wiñigam.

²⁶ Asíam quejpa iga siip datim malo jém tanjatun Dios, iwitsagaytooba jém pixiñtam itánca siiga icupicpa Jesucristo.

²⁷ Jesic da wi iga tanacujíptap iga tawitsagayta jém tantánca porque da taichtam tanwat jempic. Dios da tamatónáypa jém tantánca iga tanwatpa juuts nimpa jém wiñicpic anquímayooyi, jém ipictsonnewip Moisés. Pero tamatónáypa tantánca porque tancupicpa jém Jesucristo. ²⁸ Jempigam quejpa iga Dios ipictsonpa jém pixiñtam jém icupicneyajwip iga Jesucristo wiap taciaput. Dios da ipictsonpa jém nimaajpáppic iga cupacpa iwat juuts nimpa jém wiñicpic anquímayooyi.

²⁹ ¿Que iñjspa iga jém tanjatun Dios solamente para jém Israelpic pixiñtam? ¿Que da iDiestim jém tunjac pixiñtam, jém dapic je de Israel? Numa, imichitim mex jeeyaj. ³⁰ Porque nada más tum Dios it. Iwitsagáypa itánca jém Israelpic pixiñtam siiga icupicyajpa Cristo. Iwitsagáypatim itánca jém tunjac pixiñtam cuando icupicyajpa jeeyaj.

³¹ ¿Que iñjspa iga da para ti wi jém anquímayooyi cuando tancupicpa Cristo? Odoy jistaami así. Una vez tancupicneum Cristo, jesic más tanwatpa juuts nimpa jém Dios inquímayooyi.

4

Tanwatpatim juuts iwat jém Abraham

¹ ¿Ti tanimpa jesic iga ipát jém Abraham jém tanjatunwewe ijatun, jém wiñicpic tantúmimi? ² Meega jém Abraham iwat itumpiy juuts nimpa jém wiñicpic anquímayooyi, jesic tienes que iwipictsonpa Dios y agui nacujíptap iyaac jém Abraham. Pero da wiap incujípta iyaac jém Dios iwiñjom. ³ ¿Jesic ti nimpa jém Dios inmati jém jayñewip? Nimpa

iga: “Jém Abraham icupic iga Dios wíap iwítsagáy itánca. Jeeyucmi Dios ipictson.” ⁴Yojtap jém yoxapaap, pero jém icoñwíyooyi da je tum xaja. ⁵Siiga tum pxiñ da ti iwatpa iga icoñwíypa jém vida jém dapic cuyajpa, pero icupicpa Dios jém wíapaap iwítsagáy jém malopic pxiñtam itánca, jesic Dios iixpa jém pxiñ juuts tum wibic pxiñ. ⁶Asíim nimpa jém rey David iga agui wí itpa jém pxiñ jém wadayñetawíp perdón jém itánca jém ipictsonpáppic jém vida jém dapic cuyajpa juuts tum xaja, da je icoñwíyooyi. ⁷Nimpa: Agui maymay jém pxiñtam jém Diospic iwadayñe perdón jém itánca, jém accáyayñetawíp jém itánca.

⁸Agui maymay jém pxiñtam jém dapic ichégáypa Dios jém itánca.

⁹¿Que solamente jém Israelpic pxiñtam wíap ipictsonyay jém maymáaji? ¿O ipictsonpatim jém tungac pxiñtam? Mannímayñeum iga Dios iix jém Abraham juuts tum wibic pxiñ porque icupic iga Dios wíap iwítsagáy jém itánca. ¹⁰¿Juchis iñasca así jém Abraham? ¿Cuando wadayñetawum jém marca de circuncisión o cuando danam i iwadayñe? Dios iix jém Abraham juuts tum wibic pxiñ cuando danam i iwadayñe jém marca. ¹¹Ocmi ipictson jém marca de circuncisión jém Abraham juuts tum seña o juuts tum sello iga matónayñetawum jém itánca porque icupicne Dios. Cuando iwat así jém Abraham tsíy juuts tum jatunpic para itumpiy jém pxiñtam jém icupicneyajwíp Dios cuando da iniijay jém marca de circuncisión. Cuando icupicyajpa, jesic Dios ipictsonyaypatim juuts tum wibic pxiñ jém dapic táncaíy. ¹²Tsíytim jém Abraham juuts tum jatunpic para itumpiy jém wadayñetawíp jém marca de circuncisión. Da solamente porque iniit jém marca, pero iga icupicyaypatim Dios juuts icupicpa jém Abraham cuando danam i iwadayñe jém marca de circuncisión.

Jém Abraham icupic Dios jeeyucmi wadayta jém promesa

¹³Dios iñímáy así jém Abraham: “Manchiiba jém nas jém ichpic ammiichi con itumpiy immanictam.” Pero Dios da ijycámáy así jém Abraham porque iwat juuts nimpa jém wiñicpic anquímayooyi. Jiyámayta porque icupicpa iga Dios wíap iwítsagáy jém itánca. ¹⁴Pero siiga jém pxiñtam imichayaj jém nas porque iwatneyaj juuts nimpa jém wiñicpic anquímayooyi, jesic xajatim tancupicpa Cristo. Jesic da ti cuwatcuy jém promesa juuts ijycámayñe Dios. ¹⁵Jém iwatyajpáppic contra jém anquímayooyi tienes que ipictsonpa castigo. Siiga da i jém anquímayooyi, da i wíap iwat contra jém anquímayooyi.

¹⁶Jesic Dios tawítsagáypa tantánca siiga tancupicpa iga wíap. Tachiiba titam tajycámayñe juuts tum xaja. Da tampictsonpa juuts tancoñwíyooyi. Jesic seguro ichiiba jém xaja itumpiy jém icupicneyajwíp Dios juuts icupic jém Abraham, siiga iniit jém wiñicpic anquímayooyi o siiga da ini. Jesic jém Abraham tsíy juuts tum jatunpic para tantumpiytam taichtam porque tancupicpatim juuts je. ¹⁷Abraham ipictson yíp promesa jém Dios iwiñjom. Jeetim Dios jém icupicnewíp jém Abraham, ichiiba ivida jém caaneyajwíp. Iwatpa jém cosa jém dapicnam idic i. Asíam nimpa jém Dios inmatí jut jaychacnetá: “Ich manaccám juuts tum jatunpic para itumpiy jém pxiñtam.”

¹⁸Casi da wíap ijis iga iñascaaba así jém Abraham, pero icupic iga Dios wíap iwat, ijispa iga núcpa jém jama iga tsíy pa juuts jatunpic para icuwíti yíp naxyucmi juuts iñímáy Dios. Nimpa: “Tsam jáyanap jém immanictam.” ¹⁹Jém Abraham iniit idic como cien iamtiy. Da ichacpa iga icupicpa Dios cuando ijispa jém Abraham iga tsam wídayam y tsamitim mex jém iwichomo jém Sara. Jeeyaj caayajtoobam. Como tsamim, da wíap imanigiyyaj. ²⁰Da ichacpa iga icupicpa juuts ijycámayñe Dios. Pero más pimi icupicpa y moj icujíp Dios. ²¹Porque iñuntawijodon iga Dios tsam iniit ipimi, wíap iwat itumpiy juuts ijycámayñe. ²²Jeeyucmi Dios iwítsagáy jém Abraham itánca y ipictson juuts tum pxiñ dapic táncaíy porque icupic iga Dios tsam wíap.

²³ Cuando n̄mpa iga w̄ip̄ictson̄ta j̄em Abraham porque icup̄ic Dios, jes̄ic da jaychacneta solamente para j̄em Abraham no más. ²⁴ Pero jaychacnetat̄im para taichtam iga tanj̄odon̄ iga Dios taw̄ip̄ictson̄pat̄im siiga tan̄cup̄icpa j̄em tan̄J̄atun̄ Dios, j̄em icp̄isnew̄ip̄ j̄em tán̄omi Jesucristo de j̄ut̄ it̄ j̄em caaneyajw̄ip̄. ²⁵ C̄ij̄un̄cotta, accaata j̄em Jesucristo iga tayojoyt̄amiñ tant̄añca. Acpīsta iga Dios taw̄ip̄ictson̄t̄amiñ.

5

S̄ip̄ da tan̄c̄ij̄pa j̄em castigo

¹ Jes̄ic Dios tap̄ictson̄pa juuts t̄um p̄ixiñ dap̄ic tan̄caíy porque tan̄cup̄icne iga Dios taw̄iwadáypa. S̄ip̄ tats̄iyta amigo con Dios porque j̄em tán̄omi Jesucristo tayojoyñeum j̄em tant̄añca. ² J̄em Jesucristo ts̄am tayoxp̄át̄pa iga tan̄úcpa j̄ut̄ it̄ Dios, j̄em ts̄amp̄ic tatoypa, porque tan̄cup̄icne. Jeeyucm̄i da tantsacpa j̄em Dios in̄mat̄i. S̄ip̄ agui tamaymaytam porque tanj̄odon̄ iga n̄úcpa j̄ama iga nicpa tāiti j̄em w̄ic̄om̄ j̄ut̄ it̄ Dios. ³ Pero agui tamaymáyat̄amp̄at̄im cuando ts̄am tayaachwatt̄ap̄ porque tanj̄odon̄ iga cuando tayaachwatt̄ap̄, jes̄ic tanañyujpa más iga tanyaach̄iyiñ. ⁴ Siiga tanyaach̄iȳpa cuando tacut̄it̄st̄ap̄ o iga tayaachwatt̄ap̄, jes̄ic Dios ts̄am taw̄ix̄pa. Siiga Dios ts̄am taw̄ix̄pa, jes̄ic más̄tim tanj̄odon̄ iga tan̄J̄atun̄ Dios iccup̄acpa juuts taj̄yc̄amayñe. ⁵ Siiga tan̄j̄is̄pa iga j̄em tan̄J̄atun̄ Dios agui w̄iap̄, jes̄ic da nunca tan̄ȳacpa; y Dios īAnama, j̄em tach̄iñew̄ip̄ j̄em tán̄anaman̄jom̄, ts̄am tayoxp̄át̄pa iga w̄iāiñ tan̄cut̄īȳy iga ts̄am p̄imi tatoypa j̄em tan̄J̄atun̄ Dios.

⁶ Jes̄ic cuando da ti w̄iap̄ tan̄watta iga tan̄acupujt̄ap̄ tanyaac, Dios icup̄in̄ j̄em j̄ama iga accaat̄ap̄ j̄em tán̄omi Jesucristo para it̄ump̄iȳ j̄em malop̄ic p̄ixiñtam. ⁷ Casi da ī ij̄icpa ni t̄um p̄ixiñ iga accaat̄ap̄ para t̄um w̄ib̄ic p̄ixiñ iga icupujpa. Pero quizás algunos ij̄icpa iga accaat̄ap̄ iga icupujpa t̄um ts̄am w̄ib̄ic p̄ixiñ. ⁸ Pero Dios tan̄quej̄ay iga ts̄am tatoypa. Porque iganam ts̄am tamalotam, accaata j̄em Jesucristo para taichtam. ⁹ S̄ip̄ taw̄ip̄ictson̄pa Dios porque j̄em Cristo itegáȳ iñ̄ipiñ iga tayojoy tant̄añca. Jeeyucm̄i tanj̄odon̄ iga taciacputt̄amp̄at̄im j̄em Cristo iga dam tamp̄ictson̄pa j̄em p̄imp̄ic castigo j̄em ich̄iip̄ápp̄ic Dios j̄em malop̄ic p̄ixiñtam. ¹⁰ Taichtam tats̄iyñe id̄ic juuts enemigo con Dios. Jes̄ic accaata j̄em Dios īMan̄ic iga tats̄iyt̄amiñ amigo con Dios. S̄ip̄ como tats̄iyta juuts amigo con Dios, más̄tim tanj̄odon̄ iga taciacputt̄ampa j̄em Dios īMan̄ic porque vivojam. ¹¹ Da solamente tacupujpa de j̄em castigo, también tamaymáyāp̄ s̄ip̄ iga tán̄ix̄picnet̄amum j̄em tan̄J̄atun̄ Dios. Agui tayoxp̄át̄ne j̄em tán̄omi Jesucristo iga tats̄iyt̄amiñ amigo con Dios.

J̄em Adán y j̄em Cristo

¹² T̄um p̄ixiñ j̄em Adán moj iwat tan̄ca. Asíam moj tsucum̄i j̄em tan̄ca ȳip̄ naxyucm̄i. Cuando moj imalwat j̄em p̄ixiñ, tsucum̄i iga caayajpa j̄em p̄ixiñtam. Jeeyucm̄i it̄ump̄iȳ j̄em p̄ixiñtam caayajpa porque it̄ump̄iȳ p̄ixiñ tan̄caíy. ¹³ Wiñigam cuando danam ī ich̄iñe j̄em Moisés j̄em an̄químayooyi, it̄tim tan̄ca ȳip̄ naxyucm̄i. Pero cuando da ī j̄em an̄químayooyi, da quejpa iga tan̄caíy j̄em p̄ixiñtam. ¹⁴ Caayajpa it̄ump̄iȳ j̄em p̄ixiñtam dende it̄ j̄em Adán hasta cuando it̄ j̄em Moisés. Caabatim j̄em dap̄ic iwatne j̄em tan̄ca juuts iwat j̄em Adán. Je juuts t̄um figura de j̄em Cristo, j̄em miñp̄ápp̄ic oc̄m̄i. Pero j̄em Adán tact̄añcaíȳpa, j̄em Cristo inimiñ j̄em vida.

¹⁵ Dios it̄óyooyi más̄ mij que j̄em Adán it̄añca. Caayajpa jáyan̄ p̄ixiñtam porque t̄um p̄ixiñ, j̄em Adán, iwat j̄em tan̄ca. Pero más̄ mij j̄em Dios it̄óyooyi porque tach̄iiba j̄em vida juuts t̄um xaja. Ts̄am jáyan̄ p̄ixiñtam w̄iwadayt̄a porque ts̄am tayaachanj̄ampa j̄em tun̄gac p̄ixiñ, j̄em Cristo. ¹⁶ J̄em Adán it̄añca da jex juuts j̄em w̄ib̄ic xaja j̄em Dios̄pic tach̄iñe. J̄em Adán iwat t̄um tan̄ca, jeeyucm̄i tsucum̄i j̄em castigo para it̄ump̄iȳ j̄em p̄ixiñtam. Pero

Dios iciaacputpa jém p̄ixiñtam jém iwatneyajw̄ip tsam jáyan jém táŋca. Tachiiba juuts tum xaja. ¹⁷ Tum p̄ixiñ moj iwat jém táŋca, jeeyucmi caayajpa itumpiy jém p̄ixiñtam, pero siip Dios iyaachanjampa. Siip i quej p̄ictson̄tap juuts tum p̄ixiñ dap̄ic táŋcaíy. Chiitap juuts tum xaja, ip̄ictson̄yajpa jém jomipic vida porque icupicyajpa tum p̄ixiñ, jém Jesucristo.

¹⁸ Jesic como iwat táŋca tum jém p̄ixiñ, itumpiy jém p̄ixiñtam ip̄ictson̄yajpa jém castigo. Pero da jex jém Jesucristo juuts Adán. Je iwat juuts ixunpa Dios, jesic Dios ip̄ictson̄pa itumpiy jém p̄ixiñtam siiga icupicpa Cristo. ¹⁹ Tum p̄ixiñ jém Adán da iwat juuts iñímáy Dios. Jeeyucmi tsam jáyan jém p̄ixiñtam táŋcaíyyaj. Jesaptim tum p̄ixiñ jém Cristo iwat juuts iñímáy Dios. Jeeyucmi tsam jáyan jém p̄ixiñtam w̄ip̄ictson̄yajtap jém Dios iwiñjom.

²⁰ Chiiñeta jém Moisés jém anquímayooyi iga más quejiñ jém p̄ixiñtam itáŋca. Pero cuando más quejpa jém táŋca, jesic más p̄imi iyaachanjampa Dios jém p̄ixiñtam. ²¹ Jém táŋca juuts tum malopic anjagooyi. Caayajpa itumpiy jém táŋcaíyw̄ip. Jém w̄ibic tóyooyi jex juuts tum w̄ibic anjagooyi. Itumpiy jém icupicneyajw̄ip jém tánomi Jesucristo w̄itsagayta jém itáŋca. Ip̄ictson̄yajpa jém vida jém dap̄ic cuyajpa.

6

Vivo jém icupicneyajw̄ip jém Cristo

¹ ¿Jesic ti iñj̄ispa, w̄i iga seguido tammalwatpa iga Dios más tayaachanjaamiñ? ² Da w̄i iga seguido tammalwatpa. Porque taichtam tanwaganaca Cristo cunusyucmi cuando tajoáy tantáŋca. ¿Jesic tiiga seguido tammalwatpa? ³ ¿Que da iñj̄odon̄tam iga cuando tacchiñta iga tatsíy támiñ juuts jém Cristo imiichi, jex juuts tanwaganaca jém Cristo cuando yaj tacchiñta? ⁴ Cuando tacchiñta iga quejiñ iga tanwaganaca jém Cristo, jextim juuts tawagacumtatim con Cristo. Acpīsta jém Cristo de jūt it jém caaneyajw̄ip con jém tanj̄atun̄ Dios ip̄imi iga tanaitpa jém jomipic vida iga w̄iañ tanwat juuts ixunpa Dios.

⁵ Porque siiga tanwaganaca jém Cristo cuando accaata cunusyucmi, jesic tienes que tacpīstap̄tim taichtam juuts acpīsta jém Cristo. ⁶ Tanj̄odon̄ iga jém wiñicp̄ic j̄ixi, jém tanaitw̄ip idic, iwaganaca jém Cristo cunusyucmi. Accaata iga cuyajpa jém p̄imi jém tacmalwatp̄appic, jesic da tatsíypa juuts tum esclavo iga seguido tammalwatpa juuts tap̄imiytap. ⁷ Porque cuando caaneum tum p̄ixiñ, da más imalwatpa. ⁸ Pero siiga tanwaganaca jém Cristo, jesic tanj̄odon̄tam iga tamp̄ictson̄tampa tum vida juuts jém Cristo ivida iga tanwaganaitpa je. ⁹ Tanj̄odon̄ iga jém tánomi Cristo una vez pis de jūt it jém caaneyajw̄ip, da nunca caaba eyb̄ic. Da más ic̄ñpa iga caaba. ¹⁰ Accaata jém Cristo iga iccuyajpa jém táŋca. Tumciy ca jém Cristo, da eyb̄ic caaba. Eyb̄ic ip̄ictson̄ jém vida iga icuyoxap Dios. ¹¹ Jesanetim, mimichtam, j̄isi iga michíy juuts micaaneum iga da más immalwatpa. Imp̄ictson̄neta jém jomipic vida jém tachiiñew̄ip jém tánomi Jesucristo iga in̄cuyoxatámiñ jém tanj̄atun̄ Dios.

¹² Jeeyucmi odoy j̄ici iga micmalwatpa jém malopic j̄ixi, jém iniitw̄ip iñanamanjom. Odom más w̄ati juuts ixunpa jém immij̄tay. ¹³ Odoy acnúcsi jém immij̄tay jém Wocciwiñ iga micmalwatpa. Pero j̄ici iga miñúcsáyñ Dios jém immij̄tay juuts tum p̄ixiñ caane idic, pero siip pisneum. Siip acnúcsi Dios jém immij̄tay iga in̄w̄i watpa. ¹⁴ Siip jém táŋca da jex juuts tum anjagooyi iga mip̄imíypa iga immalwatpa. Porque dam minjacne jém Moisés in̄químayooyi. Pero siip Dios miyaachanjampa, miwadayñeum perdón jém iñtáŋca.

Siip tan̄cuyoxap Dios

¹⁵ ¿Que iñj̄ispa iga seguido w̄i tanwat jém táŋca porque dam tanjacpa jém Moisés in̄químayooyi y Dios tawadayñeum perdón jém tantáŋca? Da w̄i iga tanwattampa jempic. ¹⁶ Michtam iñj̄odon̄tam siiga iñj̄icpa iga mim̄ichap tum p̄ixiñ juuts iñomi, jesic tienes que in̄watpa juuts mip̄imíypa. Jesanetim siiga in̄watpa juuts n̄impa jém malopic j̄ixi, jesic

jém jixi tsíy juuts jém íñomi y miccaaba. Pero siiga inçupicpa Dios, jesic iniitpa jém wibic vida. ¹⁷ Mimichtam michíyñe idic juuts tum esclavo de jém malopic jixi, pero iyucupdios iga siip miputneum. Siip inçupicpa con itumpiy íñanama jém wibic anquímayooyi jém michiñewiip Dios. ¹⁸ Jesic micutsigayñetawum iga odoy minjaguiñ jém malopic jixi. Mojum inwíwat juuts ixunpa Dios. ¹⁹ Siip manañmadáypa juuts jém pxiñtam ijiximi iga más inwicutiyyiñ. Iñicne idic iga agui immalwatpa. Siip jempictim cñunçodaayi Dios jém immijtay iga inwatpa jém wítampic cosa juuts ixunpa Dios.

²⁰ Cuando tsam inçuyoxa jém malopic jixi, da idic inwatpa juuts mipimíypa jém wibic jixi. ²¹ Tsam miyoxaca jém malopic jixi jém dapic miyoxpátpa. Siip agui michaap cuando iñjiswa ti jáy inwat. Itumpiy jém iwatneyajwiip así nicpa jém infierno. ²² Pero siip micutsigayñetawum. Dam minjacne jém malopic jixi. Mojum inwatta juuts ixunpa Dios. Je numa tsam miyoxpátpa iga inwatpa jém wítampic cosa juuts ixunpa Dios. Itumpiy jém iwatyajpáppic así, ipictsonpa jém vida jém dapic cuyajpa. ²³ Itumpiy jém imalwatyajpáppic ipictsonpa juuts tum coñwiyoyi iga nicpa jém infierno. Pero Dios tachiiba jém vida jém dapic cuyajpa juuts tum xaja cuando tamichap jém tánomi Jesucristo.

7

Ti imejcuy jém Moisés inquímayooyi

¹ Mantíwítam, mimichtam iñjodon tam jém Moisés inquímayooyi. Inçutiyyitámpa iga jém anquímayooyi wiap injac tum pxiñ nada más iganam vivo. ² Tum pxiñ iyomo tienes que iwaganaitpa iwídaya iganam da caane porque nimpa así jém Dios inquímayooyi. Pero siiga caaba jém iwídaya, icutumtim tsíypa jém yomo, jém anquímayooyi da nimpa iga da wiap ipic tunçac pxiñ. ³ Jesic siiga tum yomo ipicpa tunçac pxiñ iganam da caane jém iwídaya, pejóypa jém yomo. Pero siiga caaneum jém iwídaya, jém anquímayooyi ijícpa iga ipicpa tunçac pxiñ, da pejóypa jém yomo.

⁴ Mantíwítam, jesanetim mimichtam dende miwaganaca jém Cristo, dam minjacpa jém Moisés inquímayooyi. Siip mimichaneum jém Cristo, jém acpisnetawwip de jut it jém caaneyajwiip. Siip wiap tanwatta jém wítampic cosa juuts ixunpa Dios. ⁵ Cuando danam tánixpicne jém Cristo, tanwattámpa idic juuts iwatyajpa jém pxiñtam, jém dapic icupicneyaj Dios. Jesic jém Moisés inquímayooyi ichicyus jém malopic jixi tánanamanjom. Jém malopic cosa tacnicpa jém infierno. ⁶ Siip dam ti cuwatcuy jém Moisés inquímayooyi. Tajextam juuts tacaane. Dam tanjacpa jém wiñicpic anquímayooyi. Tatsiytámum iga tançuyoxap Dios con jém jomipic vida jém tachiñewiip Dios iñanama.

Tanímayta jut miñ jém táñca

⁷ ¿Jesic ti tanjiswa? ¿Que malo jém wiñicpic anquímayooyi? Da malo. Pero siiga da ançutiyyíypa jém anquímayooyi, jesic datim anjodon iga atañcaíy siiga ançusúniyáypa tunçac pxiñ imichi. Siiga jém anquímayooyi da nimpa iga odoy cusúniyaayi tum pxiñ imichi, jesic da anjodon iga táñca. ⁸ Pero jém táñca tsam acmalwat cuando ammaton jém anquímayooyi. Tsicyusta itumpiy jém malopic jixi ánanamanjom. Porque cuando danam j jém anquímayooyi, jesic jém malopic jixi tsíy juuts caane idic. ⁹ Ich anjisne idic iga anwíwatne cuando danam anai jém Dios inquímayooyi. Pero ocmi núc jém anquímayooyi, moj tsucumi jém malopic jixi ánanamanjom. Jesic quejpa iga da anai jém vida jém dapic cuyajpa. Ich juuts acaane. ¹⁰ Anjistip iga jeetim anquímayooyi achiiba jém vida jém dapic cuyajpa. Pero da achi jém vida, más acnicpa jém infierno. ¹¹ Jém malopic jixi amigóyáy. Anjisne idic iga ampictsonpa jém vida jém dapic cuyajpa. Pero con jeetim anquímayooyi acnicpa jém infierno.

¹² Jesic quejpa iga da malo jém Dios inqúimayooyi. Jém anqúimayooyi wí, da tamalwadáypa. Tsam tayoxpátpa. ¹³ ¿Que iñjísipa iga yíp wíbic anqúimayooyi acnicpa jém infierno? Asítim anquejáypa jém anqúimayooyi iga tsam malo jém tánca. Jém antánca amalwadáy con jém wíbic cosa jém Dios inqúimayooyi. Asíam quejpa iga tsam pimi malo jém tánca.

¹⁴ Tanjodon iga Dios inqúimayooyi tsam wí, miñ sinyucmi. Pero ich tsam amalo, siempre anwatpa juuts iwatyajpa yíp naxyucmic pixinám. Ich ancuoyaxap idic jém malopic jixi. Juuts tum pixin juyñeta, ancuoyaxap jém antánca. ¹⁵ Da ancutiyyíypa tiiga anjísipa iga ammalwatpa. Da anwatpa juuts ich ansunpa, pero anwatpa jém malopic cosa jém dapic anwianjam. ¹⁶ Siiga anwatpa jém malopic cosa jém dapic anwianjam, jesic jempigam quejpa iga ich ancupicpa iga wí jém Dios inqúimayooyi. ¹⁷ Jesic quejpa iga da ich ammalwatpa, pero más wí tanimpa iga jém tánca, jém anaitwip ánanamanjom, jeam acmalwatpa. ¹⁸ Ich anjodon iga da anai ni tum wíbic cosa ánanamanjom. Malo itumpiy yíp naxyucmic jixi. Agui anwíwattooba, pero da awiap. ¹⁹ Da anwatpa jém wíbic cosa juuts ich ansunpa, pero anwatpa jém malopic cosa jém dapic anwianjam. ²⁰ Jesic siiga ich anwatpa jém malopic cosa, jém dapic anwianjam, jesic quejpa iga da ich ammalwatpa. Pero más wí tanimpa iga jém antánca, jém anaitwip ánanamanjom, jeam imalwatpa.

²¹ Jempigam annascaaba aich. Cuando anjísipa iga anwíwattooba, siempre ammalwatpa. ²² Anjodon ánanamanjom iga tsam wí jém Dios inqúimayooyi. ²³ Pero ánix iga anait ánanamanjom tungac jixi juuts tum malopic anqúimayooyi. Tsam ijóyixpa jém wíbic jixi. Da iwianjam iga anwíwatpa. Jém malopic jixi, jém anaitwip ammijtayyucmi, atsenne juuts tum preso.

²⁴ Ich tsam pimi anyácne. ¿I wíap aciacput de yíp malopic jixi, jém accaapáppic? ²⁵ Siip anchiiba gracia jém tanjatun Dios porque aciacputneum jém tánomi Jesucristo. Jesic ich mismo ancupicpa jém Dios inqúimayooyi con itumpiy ánanama. Ananjacpa jém malopic anjixi jém anaitwip ánanamanjom. Pero siempre jém malopic jixi anjactooaba aich, tsam acmalwattooba.

8

Tantúnjyipa jém Dios iAnama

¹ Siip Dios da ichiiba castigo jém pixinám, jém icupicneyajwip jém tánomi Jesucristo, itumpiy jém imichipic. Jeeyaj ichacneyaj iga iwatyajpa juuts nimpá jém malopic jixi. Siip icupicyajpa jém Dios iAnama. ² Jém Dios iAnama jém tachiiñewip jém vida, tanjacpa porque Cristo tamichi. Taccutsigáypa jém malopic jixi jém taccaapáppic. ³ Jém Moisés inqúimayooyi da wíap iyoxpát jém pixinám porque jeeyaj da wíap iwatyaj itumpiy jém anqúimayooyi. Pero jém tanjatun Dios numa wíap iyoxpát jém pixinám. Icutsat iManic yíp naxyucmi. Miñ iti juuts tum pixin táncaiywip. Oy iyojáy jém pixinám itánca. Dios ichégáy Cristo jém pixinám itánca cuando accaata. ⁴ Iwat así iga wíap tanaccupac juuts nimpá jém Dios inqúimayooyi porque siip da tanwatpa juuts nimpá jém malopic jixi, pero tanwattampa juuts nimpá jém Dios iAnama.

⁵ Jém pixinám, jém iwatpáppic juuts nimpá jém malopic jixi ianamanjom, wíap tanim iga injacpa jém malopic jixi. Pero jém iwatpáppic juuts nimpá jém Dios iAnama, injacpa jém wíbic jixi jém ichiiñewip jém Dios iAnama. ⁶ Siiga siempre tanjacpa jém malopic jixi jém itwip tánanamanjom, jesic caaba tánanama. Da nicpa taíti con Dios. Pero siiga jém wíbic jixi tanjacpa, jém tachiiñewip jém Dios iAnama, jesic tanaít jém vida. Da ti idíyíy, tumti tanjixi con Dios. ⁷ Porque siiga jém malopic jixi injacpa tum pixin, jesic ijóyixpa tanjatun Dios. Jém pixin da iwattooba, ni da wíap iwat juuts nimpá jém Dios inqúimayooyi. ⁸ Jém

tsampic iwatpa juuts nimpá jém malopic jixi ianamanjom, da wíap iwat juuts ixunpa Dios.

⁹ Pero mimichtam da minjactámpa jém malopic jixi jém itwíip íñanamanjom. Minjacpa jém wibic jixi jém tachiiñewíip jém Dios iAnama siiga numa iniit jém Dios iAnama íñanamanjom. Pero siiga tum pxiñ da inií jém Dios iAnama, jém tachiiñewíip Cristo, jesic jém pxiñ da je jém Cristo imíichi. ¹⁰ Caaba jém tammijtay porque tanwatne jém táñca. Pero siiga numa tanait Cristo tánanamanjom, jesic vivo jém tánanama porque Dios tawítsagáy jém tantáñca. ¹¹ Siiga iniit jém Dios iAnama íñanamanjom, jém icpísnewíip Jesús de jut it jém caaneyajwíip, jesic jeetim Dios, jém icpísnewíip jém Jesucristo, ichiibatim vida jém immijtay jém caapáppic. Micpíspara porque iniit jém Dios iAnama íñanamanjom.

¹² Jesic, mantíwítam, da tai obligado iga tammalwadiñ juuts nimpá jém malopic jixi jém itwíip tánanamanjom. ¹³ Porque siiga inwatpa juuts nimpá jém malopic jixi, jém iniitwíip íñanamanjom, tienes que micaaba, da miñúcpa jut it Dios. Pero siiga íñícpa iga miyoxpátpa jém Dios iAnama iga mictsacpa iga immalwatpa, jesic iniitpa jém wibic vida.

¹⁴ Itumpiy jém pxiñtam siiga ijícyajpa iga inquejáypa jém Dios iAnama jém wibic tun, jeeyaj jém Dios imanictam. ¹⁵ Jém Dios iAnama, jém tachiiñewíip, da tatsacpa juuts tum esclavo iga eybic tançinpa jém wiñicpic anquímayoooyi. Pero tayo xpátpa iga tatsíyíñ juuts Dios tamanictam. Tayoxpátpatim iga tannímáypa Dios: “Manjatun Dios.” ¹⁶ Jeetim Dios iAnama tacjodónap tánanamanjom iga taichtam Dios tamanictam. ¹⁷ Siiga Diosam tamanictam, jesic tampictsonpa itumpiy jém Diospic imíichi jém tachiiápáppic Dios. Tanwagapictsonpa con jém tánomi Jesucristo. Yíp naxyucmi tawagayaachap con Cristo, pero núcpa jama iga tawagaitpa con Cristo jut wícom, jut nicpa taítitam para siempre.

¹⁸ Ich animpá iga casi da tanjíspara jém yaachaji, jém tannascanewíip yíp naxyucmi, cuando tánixpa jém maymáyají jém tachiiápáppic jém Cristo cuando tanwaganait je. ¹⁹ Itumpiy cosa yíp naxyucmi, jém iwatnewíip Dios, tsam injócyajpa, tsam iixyajtooba jém tiempo cuando quejpa iapaap jém Dios imanictam, cuando ipictsonyajpa titam ijíycámayñe Dios. ²⁰ Dios ichac yíp nas iga da ti cuwatcuy porque asíam ixunpa Dios, da juuts ixunpa jém iwatnewíip Dios. Y jém Dios iwati, jém itwíip yíp naxyucmi, tsam injócpa jém jama iga iwítsacpa Dios itumpiy cosa. ²¹ Porque núcpa jama iga itumpiy jém cosa, jém iwatnewíip Dios, da misap, da nunca cuyajpa. Cíputyajpa itumpiy jém Dios iwati juuts jém Dios imanictam. ²² Tanjodon tam iga hasta síip itumpiy jém cosa, jém Diospic iwati, tsam yaachap juuts tum yomo agui toypa cuando icnaypa tum tsixi. ²³ Da solamente yaachap jém cosa, jém iwatnewíip Dios, pero tayaachaptim taichtam, jém tampictsonnewíip jém Dios iAnama como jém wiñítipic xaja, jém tachiiñewíip Dios. Tsam tanjampa jém yaachaji tánanamanjom iganam tananjócpa jém tiempo cuando tapictson tap juuts Dios tamanictam. Yíp nimtooba cuando Dios icjoomasetpa jém tammijtay. ²⁴ Taciacputnetá porque tanjíspara iga Dios wíap tawíwadáy. Síip tananjócpa jém jama iga tawíwadáy, pero danam núcne. Da i injócpa tum cosa una vez ipictsonne porque iniitum. ²⁵ Pero siiga tananjócpa alguna cosa jém dapicnam núcne, jesic seguido tananjócpa y da tantsacpa hasta que tampictsonpa.

²⁶ Jempictim jém Dios iAnama tsam tayo xpátpa cuando da tanwicutiíyíypa ti ixunpa Dios. Da tanjodon jutsap tananwejpát Dios juuts je iwíanjam. Pero jém Dios iAnama iyaac inwejpátpa Dios para taichtam. Tsam yaachap jém Dios iAnama, íñúcspa Dios para taichtam con jém jixi, jém dapic wíap iput juuts tum jiyi. ²⁷ Jém tanjatun Dios iixpigáypa jém pxiñtam ianama. Ijodon tim ti nimtooba jém Dios iAnama. Porque tumti ijixi jém Dios iAnama con tanjatun Dios cuando inwejpátpa Dios para jém Dios ipxiñtam.

Da i wiap tactsac jém Dios itóyooyi

²⁸ Tanjodon iga titam tannascaaba, Dios tawiwadáypa siiga tantoypa Dios, siiga tacu-piñe iga tañcuyoxap. ²⁹ Porque dende wiñigam ijispa Dios iga icupiñpa jém ipixiñtam, ocmi icsetpa juuts jém iManic Cristo. Iwianjam Dios iga Cristo tsíy juuts jém achpic con jáyan itiwitam. ³⁰ Jesic Dios inwejay jém pixiñtam jém icupiñneyajwiip. Iwitsagáy itañca jém inwejayñeyajwiip. Jesic jém iwitsagayñewiip itañca, icsetpa juuts jém iManic Cristo, jém itwiip sinyucmi.

³¹ ¿Tí tanimpa? Siiga Dios it con taichtam, ¿jesic i wiap tamalwadáy? ³² Jém tanjatun Dios da iñéc iManic iga odoy i ichiñ castigo. Ijíc iga ipictson itumpiy jém castigo. Ichiñcot iManic iga accaataiñ para taichtam. Jesic tanjodon iga tachiitámpatim itumpiy cosa con iManic. ³³ ¿Jesic i wiap iquejajwadáy jém icupiñneyajwiip Dios? Tanjatun Dios iwitsagayñeum jém itañca. ³⁴ ¿Jesic i wiap tachi castigo? Jém tánomi Jesucristo da tachiiba jém castigo porque je accaata para taichtam. Ocmi acpista de jut it jém caaneyajwiip, nic iti jém tanjatun Dios inwimi jut siip tacupujtámpa. ³⁵ ¿I wiap tactsac iga tatoypa jém Cristo? Je da nunca ichacpa iga tatoypa. Siiga tammalnascaaba, tsam tayaachap, tajóyixtap, odoy jisi iga da tatoypa tánomi Jesús. Siiga tayuucatooba, siiga da tapuctugiy, tamalwadaytap o taccaatatooba; odoy jistaami iga Cristo michacpa iga mitoypa. ³⁶ Nimpa Dios inmati jut jayñeta:

Mich inçuyucmi accaatamtap.

Muma jama it jém peligro.

Amatstamtap juuts jém borregoyaj iga accaayajtap.

³⁷ Titam tannascaaba tañcoñwíypa porque tsam tayoxpátpa jém Cristo jém tsampic tatoypa. ³⁸ Ich anwijodon iga da ti wiap tactsac jém Dios itóyooyi. Siiga tacaaba o tavivo, ni jém sinyucmipic pixiñtam, ni jém malopic espíritu, ni cualquier jém anjagooyiyaj, ni jém cosa jém itwiip siip, ni jém cosa jém miñpáppic, ³⁹ ni jém sinyucmipic ni jém naxyucmipic da wiap tactsac jém Dios itóyooyi jém tañquejayñewiip tánomi Jesucristo.

9

Cupinyajta jém Israelpic pixiñtam

¹ Siip mannuumanmadáypa iga tsam pimi anjispá jém Israelpic pixiñtam. Jém tánomi Cristo ijodon iga da mammigóyáypa. Jém Dios iAnama anímáy ananamanjom iga numa.

² Tsam pimi anyácne. Tsam it anyaaqui ananamanjom, da cuyajpa. ³ Tsam ansunpa iga ciacputyajtap jém antiwítam jém Israelpic pixiñtam. Tsam anyoxpáttooba. Meega awiap, antsacpa iga añcupicpa Cristo iga ampictsonpa jém castigo juuts tum malopic pixiñ meega wiap añciacput jém antiwítam. ⁴ Jeeyaj tsíyyajpa jém nación de Israel, jém Dios imichi. Dios ipictsonyay juuts imanictam. Ixyajtim jém wibic juctiantsoca cuando iwaganait Dios jém titsinaxyucmi. Watciy ijycámáy Dios jutsap iwíwadáy. Ipictsonyay jém Moisés inquímayooyi. Chiijajta jém derecho iga ijisyajpa Dios jém mijpic masticjom. Chiitátim itumpiy jém promesa. ⁵ Jém wiñicpic itiwítam jém Abraham, Isaac y Jacob; jém ictsucumneyajwiip jém nación de Israel. Jém Cristo, jém icutsatnewiip Dios, nay juuts tum Israelpic pixiñ. Jém yucmipic Dios tañcujíptámpa para siempre. Amén.

⁶ Pero da animtooba siip iga da cupacpa juuts ijycámáy Dios jém wiñicpic pixiñtam. Porque da itumpiy jém Israel imanictam jém nunta Israelpic pixiñtam. ⁷ Da itumpiy jém Abraham imanictam tsíyyaj juuts iñuntamanic. Porque nimpa así jém Dios inmati: “No más jém Isaac imanictam tsíy juuts mich immanictam.” ⁸ Yip nimtooba iga da itumpiy jém Abraham imanictam tsíypa juuts Dios imanic. Nada más jém ijycámáyñewiip Dios iga

naypa, jeeyaj tsíypa juuts Dios iñuntamanictam. ⁹ Dios ijíycámáy jém Abraham iga naypa imaníc. Nímpa Dios: “Yíp tungac amtíy amiñgacpa y jém Sara icnaypa tum ijaymaníc.”

¹⁰ Da no más jém Abraham y Sara. Jesanetim jém wiñicpic tanjatun jém Isaac con jém iyomo Rebeca. Manigíy jém yomo. Mechi jém imaníc jém Jacob y Esaú. ¹¹⁻¹³ Pero cuando danam nayñe jém imaníc, ni da ti iwatneyaj, ni cosa wibic ni malo, Dios iñímáy jém Rebeca: “Jém achpic immaníc tsíypa iga icuyoxap jém ijáyuc.” Jesanetim nímpa jém Dios inmatí jém jayñeta_wñip. Nímpa Dios: “Antoypa jém Jacob, pero da añwixpa jém Esaú.” Jesic quejpa iga tanjatun Dios iniit derecho iga icupinpa i ixunpa iga cupacpa jém Dios iyoxacuy. Da tacupinpa porque tanimpa iga tanwíwatne.

¹⁴ ¿Tí tanimpa? ¿Que malo jém tanjatun Dios iga icupinpa i ixunpa? Da malo. ¹⁵ Porque Dios iñímáy jém Moisés iga: “Anyachanjampa jém ichpic ansunpa, antoypa jém ichpic añwanjam.” ¹⁶ Jesic Dios da iwíwadáypa tum pxiñ iga jém pxiñ ixunpa ni porque jém pxiñ tsam imétsa iga wíwadaytaiñ, pero Dios iyaachanjampa itam ixunpa. ¹⁷ Wiñigam Dios iñímáy jém Faraón jém Egiptopic anjagooyi. Jaychacnetá jém Dios inmatí: “Manaccámne juuts rey iga anaquejáypa jém pxiñtam ampimi. Cuando iixyajpa ti iññascaaba, jesic icuwíti yíp naxyucmi núcpa jém añmati iga it tum jém numapic Dios.” ¹⁸ Jesic Dios iyaachanjampa itam ixunpa, pero icamamwadáypa ianama jém tungac iga más malojaiñ.

¹⁹ Miñímtámpa mimichtam: “Siiga iwatpa jempic Dios, ¿jesic tiiga nímpa iga táncaíy jém pxiñ? ¿I wíap iwat contra titam ixunpa Dios?” ²⁰ Odoy jisi jempic. A que mipxiñ, ¿miiapaap iga incutsonpa Dios? ¿Tiiga inínpa Dios? ¿Que tum suun iñímáy jém pxiñ, jém suunwatpáppic, iga: “¿Tiiga añwat jempic?” ²¹ Tanjodon iga jém suunwatpáppic iwatpa titam ixunpa con jém nas. Tumti nas ipicpa para tum wibic suun, jeetim nas ipicpa iga iwatpa tungac suun jut cottap jém da wítampic cosa.

²² Dios tsam inquejaytooba ipimi jém malopic pxiñtam, tsam ichiitooba castigo, tsam iccuyajtooba, pero iyaachiyñe. Da jobit inimiñpa jém castigo porque ²³ icjodónatooba jém tungac pxiñtam, jém iyaachanjampáppic, iga tsam ichiitooba jém wítampic cosa. Dende wiñigam icupin jém pxiñtam, jém ipictsonpáppic jém wítampic cosa siñyucmi. ²⁴ Taichtam tacupineta jém taIsraelpic tapxiñtam. Cupin_tatim jém tungac, jém dapic je de Israel. ²⁵ Iwatpa Dios juuts nímpa jém wiñicpic añmatc_wwiñ jém Oseas: Jém pxiñtam, jém dapic idic ammichi, tsíypa juuts ich ampixiñtam. Jém dapic i itoypa, ich tsam antoypa.

²⁶ Jeetim lugar jut iñímáy Dios jém pxiñtam:

“Mimichtam da je mampixiñtam”,

jeetim pxiñtam tsíy juuts jém vivopic Dios imanictam.

²⁷ Jém Isaías inmatpa de jém nación de Israel cuando nímpa:

Tsam jáyanane jém Israelpic pxiñtam juuts jém pooy, jém itwñip lamar añnaca, pero da wati iciacputpa Dios.

²⁸ Porque tanjatun Dios da iyaachíypa para siempre, pero núcpa jama iga icutsatpa jém castigo yíp naxyucmi. Iccupacpa juuts tajíycámayñe.

²⁹ Wiñigam jém Isaías nímpatim ti miñpa:

Siiga tanjatun Dios, jém más mijpic anjagooyi, da iyaachanjampa jém tannación de Israel y da ichagáypa jém imanictam, jesic yajpa taccucaáy juuts jém atebetyaj de Sodoma y Gomorra.

Ciacputtap itumpiy jém icupicneyajwñip Cristo

³⁰ Jodónataami ti mannímáypa. Jém tungacpic pixiñtam, jém dapic de Israel, da imétsyaj jutsap iwıtsac itánca. Pero ipátyaj iga Dios wiap iwıtsagáy jém pixiñtam itánca cuando icupıcyajpa Cristo. ³¹ Pero jém Israelpic pixiñtam tsam imétsyajpa jutsap iwıtsagáy jém itánca con jém Moisés inquímayooyi, pero da ipátyaj jutsap porque da wiap iccupacyaj juuts nımpa jém Moisés inquímayooyi. ³² Ijıspa iga jém Moisés inquímayooyi wiap iwıtsagáy jém pixiñtam itánca siiga iwatyajpa juuts nımpa, pero da icupıcpa jém Cristo iga Dios iwıtsagáyıñ jém itánca. Jexpic jıxi juuts tum tsa jut inepyajpa ipuy, jut tsutyajpa. ³³ Jaychacnetá así jém Dios inmatı. Nımpa Dios: Ich antsacpa tum tsa jém naxyucmi de Sión. Jém tsa ipaccaaba jém pixiñtam. Pero siiga i icupıcpa je, da nunca natsaawattap.

10

¹ Mantıwıtam, tsam ansunpa ánanamanjom, tsam ananwejpátpa Dios para jém Israelpic pixiñtam iga núcpa jama cuando ciacputyajtap. ² Ich anjodon iga jeeyaj tsam iwatyajtooba juuts ixunpa Dios, pero da inuntacutiıyıypa ti ixunpa Dios. ³ Da icutiıyıypa jutsap iwıtsac jém itánca iga ipıctsonpa Dios. Imétsyajpa tungac manera iga iwıtsacpa iyaac jém itánca iga wıaiñ inúc jut it Dios. Porque da iwıanjamyaj iga icupıcpa jém Cristo iga iwıtsagáyıñ Dios jém itánca. ⁴ Porque Jesucristo iccupac jém Moisés inquímayooyi, iccupajtim. Jeeyucmi wıtsagayñetawum itánca itumpıy jém icupıcneyajwıp jém Cristo.

⁵ Jém Moisés ijaychacne jutsap ichıy tum pixiñ sin tánca. Nımpa así: “Siiga tum pixiñ capspa iwıat itumpıy cosa juuts nımpa jém anquímayooyi, jesic asíam ipıctsonpa jém vida.” ⁶ Pero siiga incupıcpa Cristo iga miwıtsagáyıñ Dios jém inñtánca, jesic odoy jısi inñanamanjom: “¿I wiap iquım sınyucmi iga icquetpa jém Cristo?” ⁷ Odoy jısi: “¿I tıgıypa jém mıjpic josjom tsam jojmi iga nıcpa itop jém Cristo de jut it jém caaneyajwıp?” ⁸ Wı jém anmatı, jém itwıp inñanamanjom, jém puttopáppic inñıpjom, jém ichpic ananmattámpa jut quej. Nımpa iga jém pixiñtam tienes que icupıcpa Cristo iga wıtsagaytıñ jém itánca. ⁹ Siiga inımadáypa jém pixiñtam iga jém Cristo mich inñomi y siiga incupıcpa inñanamanjom iga Dios icpis jém Cristo de jut it jém caaneyajwıp, jesic Dios micıacputpa. ¹⁰ Porque tanıcupıcpa jém Cristo tánanamanjom iga Dios tawıtsagáyıñ jém tantánca. Tananmadáypa jém pixiñtam iga tanıcupıcpa jém Cristo iga taciacpudiñ Dios.

¹¹ Nımpa así jém Dios inmatı: “Jém icupıcneyajwıp jém Cristo da nunca ichaaıxpa jém Cristo.” ¹² Jém Israelpic pixiñtam jextim juuts jém dapic de Israel. Jém tánomi Cristo itumpıy jém pixiñtam iQmiyaj. Ichiiba jém wıbic riqueza itumpıy jém iwágaypáppic. ¹³ Porque nımpa así jém Dios inmatı: “İtam iwágáypa jém tánomi Dios iga icıacpudiñ, tienes que icıacputpa.” ¹⁴ ¿Pero jutsap iwágayyaj Dios iga iyoxpádiñ jém pixiñtam, siiga da icupıcyajpa jém Cristo? ¿Jutsap icupıcyaj jém Cristo jém pixiñtam siiga da queman imatonyaj jém Cristo inmatı? ¿Jutsap imatonyaj jém anmatı siiga da i inmadayyajpa? ¹⁵ ¿Jutsap inmat jém Cristo inmatı tum pixiñ siiga da i icutsatpa? Juuts nımpa jém Dios inmatı: “Agui wı jém inimiññewıp jém wıbic anmatı iga agui tawııxpa Dios.”

¹⁶ Pero da itumpıy iwadáypa caso jém wıbic anmatı jém taciacputpáppic. Juuts nımpa jém Isaías: “¿Mánomi, i icupıcpa jém anmatı jém ichpic ananmatpa?” ¹⁷ Jesic quejpa iga jém pixiñtam icupıcpa jém Cristo siiga imatonyajpa jém wıbic anmatı. Imatonyajpa siiga i inmadáypa jém Cristo inmatı.

¹⁸ Ich manacwácpa. ¿Que da imatonyeyaj jém pixiñtam jém wıbic anmatı? Tanjodon iga numa imatonyeyaj. Nımpa así jém Dios inmatı: Matonıta jém jıyi icuwıti jém naxyucmi. Núc jém anmatı hasta jut cuyaj jém inıanpic tıganjoj.

¹⁹ S̄ip eybictim manacwác̄pa. ¿Que da icut̄iyyaj jém Israelpic p̄ixiñtam? Wiñti n̄impa así jém Moisés:

Dios in̄ímáy jém Israelpic p̄ixiñtam iga:

“S̄ip an̄w̄iwadáȳpa jém tungac p̄ixiñtam jém dap̄ic de Israel iga mantsicujóypa.

Anyoxpát̄pa jém p̄ixiñtam jém dap̄ic j̄ixiyy iga mantsicjóypa.”

²⁰ Jesic oc̄mi da c̄iñpa jém Isaías iga in̄madáȳpa jém Israelpic p̄ixiñtam así:

N̄impa Dios:

“Jém dap̄ic amétsyaȳpa, apát̄yaj.

Anyaac an̄wiñquejáȳ jém p̄ixiñtam jém dap̄ic acuámyaj.”

²¹ Pero cuando in̄mat̄pa Dios de jém Israelpic p̄ixiñtam, n̄impa así juuts ijaychacne jém Isaías: “M̄uma j̄ama an̄an̄wejayt̄ip jém p̄ixiñtam, jém dap̄ic acupic̄pa, jém dap̄ic iwatyaj̄pa juuts ich an̄w̄ian̄jam.”

11

Ciacputtaptim jém Israelpic p̄ixiñtam

¹ S̄ip manacwác̄pa. ¿Que numa tan̄jat̄uñ Dios ichacne iga iyoxpát̄pa jém ip̄ixiñtam jém nación de Israel? Da ichacne porque ich mismo aIsraelpic ap̄ixiñ. Jém an̄jat̄uñwewe ij̄at̄uñwewe jém Abraham. Ich ant̄ummitam jém tribu de Benjamín. ² Dios da ichacne icutum jém ip̄ixiñtam. Dende wiñigam Dios iixpic̄pa jém Israelpic p̄ixiñtam porque je im̄ichi. ¿Que da in̄jod̄oñ j̄ut̄ jaychacne jém Dios in̄mat̄i ti in̄asca jém wiñic̄pic an̄mat̄c̄iwiñ jém Elías? Je ts̄am p̄imi iwágáȳpa Dios iga ichiñ castigo jém Israelpic p̄ixiñtam. N̄impa: ³ “Man̄jat̄uñ Dios, jeeyaj iccaayaj jém in̄in̄mat̄c̄iwiñ, jém in̄mat̄páppic mich in̄in̄mat̄i. Imiswatyajtim jém altaryaj j̄ut̄ ij̄isyaj̄pa idic Dios. Ich ats̄iy an̄cut̄um, ts̄am accaayaj-toobatim mex aich.” ⁴ Pero Dios icut̄soñ. N̄imayt̄a jém Elías: “Ich anait̄ siete mil p̄ixiñtam jém amm̄ichipic jém dap̄ic icosteeñaȳaj jém watnas jém Baal.” ⁵ Jesanetim s̄ip ts̄iyñeyaj algunos jém Israelpic p̄ixiñtam jém Diospic im̄ichi. Dios icupin̄, jeeyuc̄mi iciacput porque ts̄am tóyóypa. ⁶ Siiga icupin̄ porque ts̄am tóyóypa, jesic da i w̄iap icoñw̄iy. Cuando tachiit̄a t̄um xaja, jesic da tanyojáȳpa jém tachiñew̄ip. Dios tacupin̄ porque ts̄am tóyóypa, da porque tan̄w̄iwatne.

⁷ ¿Jesic ti in̄asca jém Israelpic p̄ixiñtam? Ts̄am imétsyajt̄ip juts̄ap iw̄itsac jém it̄an̄ca. Ts̄am jáyan̄ da ipát̄yaj. Pero Dios icupin̄ algunos jém p̄ixiñtam, da más wat̄i, iga ipát̄yajiñ titam imétsyaj̄pa. Pero los demás, Dios ichac iga más icupic̄yaj̄pa jém m̄igooyi. ⁸ Jaychacnet̄a así jém Dios in̄mat̄i: “Dios iccumóñaȳ ij̄ixi jém p̄ixiñtam. Ichac iga ix̄cuȳy, pero da ixixóypa. T̄atsiḡiy, pero da matóñóypa. Asíam iwatyaj̄pa hasta s̄ip.” ⁹ Wiñigam n̄impa jém David: Jém s̄inyaj, jém iwatyajpáppic jém Israelpic p̄ixiñtam, ts̄iypa juuts t̄um trampa, juuts jém suycuy jém imat̄spáppic t̄um an̄imat.

W̄i iga ipict̄soñ̄pa jém castigo.

¹⁰ Cácht̄iap jém iixcuy iga odoy ixixóyiñ.

Ts̄am p̄imi ts̄im̄ane hasta wotne ituuñi.

Ciacputtaptim jém tungac̄pic p̄ixiñtam

¹¹ ¿Tanan̄jam iga act̄in̄ jém Israelpic p̄ixiñtam iga da eyb̄ic tsucum? Da juch̄a. Cuando ts̄am imalwatyaj, jesic Dios w̄iap iciacput jém tungac̄ p̄ixiñtam ts̄am jáyan̄. S̄ip w̄i siiga jém Israelpic p̄ixiñtam icuixiñ ti in̄ascayaj jém tungac̄pic p̄ixiñtam hasta que icusún̄ȳpatim. ¹² Cuando imalwatyaj jém Israelpic p̄ixiñtam, jesic jém tungac̄ p̄ixiñtam ipict̄soñ̄yaj jém w̄itampic riqueza. Cuando togoy jém Israelpic p̄ixiñtam, jesic chiit̄a derecho jém tungac̄ p̄ixiñtam iga ts̄iyyajiñ juuts Dios im̄ichi. Pero s̄ip mannímáȳpa iga

cuando núcpa jama iga tigiyajpa eybic itumpiy jém Israelpic pixiñtam, jesic itpa tum maymájaji tsam pími.

¹³ Siip manañmadáypa mimichtam, jém tungacpic mipixiñtam, iga achiita tum mijpic cargo. Accámta juuts tum apóstol iga anañmadáypa jém wibic añmati jém tungac pixiñtam, jém dapic de Israel. ¹⁴ Añwatpa así porque ich animpa iga cuando iixyajpa jém antiwitam, tsam icusúniypatim jém wibic añmati y núcpa jama iga ciacputyajtaptim jeeyaj. ¹⁵ Cuando Dios ichac jém Israelpic pixiñtam iga icupicyajpa jém migooyi, jesic jém tungac pixiñtam wiap ichiyaj juuts amigo con Dios. Pero cuando núcpa jama iga jém Israelpic pixiñtam eybic tsíyyajpa juuts Dios ipixiñtam, jesic agui it maymájaji juuts cuando píspa tum píxiñ caanewiip. ¹⁶ Siiga Dios imichi jém caxtánañi jém moiwiiip iwat jém panadero, jesic imichitim itumpiy jém jaapi. Siiga Dios imichi jém mero cuytichic, jém Abraham, jesic imichitim jém cuy inçis jém Israelpic pixiñtam.

¹⁷ Jém Israelpic pixiñtam juuts tum olivos inçis. Algunos tinçujacta y mimichtam micámta jém olivos icuyyucmi juuts tum injerto jut it idic jém Israelpic pixiñtam. Mimichtam mijextam juuts jém cimarrón olivos. Siip michiy juuts jém nunta olivos. Mimatspacpa jém cuy. ¹⁸ Odoy jistaami iga más miwi que jém tungac añcis jém tinçujacnetawiiip. Siiga minicujiptap iñyaac, jistaami iga mich da immatspacne jém cuytichic, pero jém cuytichic mimatspacne mimich.

¹⁹ Siiga miñimpa: “Numa, tinçujacta jém olivos inçis iga accámtpa aich juuts tum injerto”, ²⁰ it wi. Pero jistaami iga tinçujacta jeeyaj porque ichacyaj iga icupicpa Dios. Mich micámtpa porque inçupicpa. Jesic odoy nacujiptaji iñyaac iga agui wibic mipixiñ. Nawattaji cuenta iga odoy michudiñ. ²¹ Porque siiga Dios da iyaachañjam jém nunta olivos inçis, jesic datim miyaachañjamtampa mimichtam siiga inwattápatim jempic. ²² Ixtaami iga tsam tóyóypa Dios, pero núcpa jama iga ichiiba castigo jém malopic pixiñtam. Jém ichacneyajwiiip iga icupicpa Dios ipictsonpa mijpic castigo, pero Dios tsam wi it con mimichtam siiga seguido inwattámpa juuts ixunpa Dios. Porque siiga inçactámpa iga inçupicpa Dios, jesic mitinçujactaptim juuts jém olivos inçis. ²³ Pero siiga jém Israelpic pixiñtam eybic icupicyajpa Dios, jesic accámtpa eybic jém cuyyucmi juuts tum injerto. Porque Dios wiap iccám eybic ilugar jut it idic. ²⁴ Porque mimichtam mijextam juuts tum cimarrón olivos. Pero Dios wiap miccám juuts tum injerto jém wibic cuyyucmi. Pero más da tñca iga iccámpa eybic jém olivos inçis jém imichipic.

Ocmi ciacputyajtap jém Israelpic pixiñtam

²⁵ Mantiwitam, ansunpa iga jodónataami yip jixi jém añnécnawiiip idic. Odoy jistaami iga más mijixiyta que jém Israelpic pixiñtam. Dios ichac jém Israelpic pixiñtam iga más icupicyajpa jém migooyi hasta que yajpa tigiyaj jém tungacpic pixiñtam jutsañ icupiñne Dios. ²⁶ Jesic cuando iñascaaba así, Dios iciaçputpa itumpiy jém Israelpic pixiñtam. Nimpa así jém Dios inmati:

Jém Ciacpudoypaap miñpa jém atebet Sión.

Accáyaytap jém malopic jixi jém Jacob imanictam, jém Israelpic pixiñtam.

²⁷ Ich añjycámáy iga añwatpa así cuando anaccáyáypa jém ampixiñtam itañca.

²⁸ Pero jém Israelpic pixiñtam tsíyyaj hasta siip enemigo con Dios porque ijóyixyajpa jém wibic añmati. Cuando iwatyajpa así, jesic mimichtam michiñtamtpa lugar iga immatonjampa jém añmati. Pero hasta siip tsam itoypa Dios jém Israelpic pixiñtam porque wiñigam icupiñne jém ijatunwewe ijatun iga tsíyyajiñ juuts imichi. ²⁹ Jém tachiiñewiiip Dios da taccáyáypa. Jém icupiñneyajwiiip Dios da nunca ichacpa iga iyoxpátpa. ³⁰ Wiñti mimichtam michiyta juuts rebelde, da inwatta juuts ixunpa Dios,

pero s̄ip miyaachanjampa Dios porque jém Israelpic p̄ixiñtam ichacyaj iga icupicpa Dios. ³¹ Jesanetim jeeyaj s̄ip ts̄íyyaj juuts rebelde, da iwatyaj juuts ixunpa Dios iga núcpa jama iga iyaachanjampatim Dios mex jeeyaj juuts miyaachanjampa mimichtam. ³² Ijicpa Dios iga imalwatyajpa itumpiy jém p̄ixiñtam iga w̄iañ iyaachanjam itumpiy jém p̄ixiñtam.

³³ Tsam mij jém Dios ijixi. Ijodon itumpiy cosa. Da i w̄iap icutiyȳy titam iwatpa Dios ni tiiga iwatpa así. ³⁴ N̄impa Dios in̄mati:

¿I icutiyȳyipa jém Dios ijixi?

¿I ichi j̄ixi jém tanjatun Dios?

³⁵ Itumpiy cosa je im̄ichi. Da i ichi ni ti iga icseedáypa.

³⁶ Porque Dios iwat itumpiy cosa. Ip̄imimi wadayta iga cujítaiñ Dios. Cuando tanj̄ispa ti iwat, da yajpa tan̄cujítampa tanjatun Dios. Amén.

12

W̄i iga tanchiiba Dios jém tamvida

¹ Jesic mant̄iwitam, tánixpa iga Dios tsam tayaachanjampa. Jeeyucmi man̄cunucsáypa iga in̄c̄ijun̄codáyiñ Dios jém immijtay juuts tum sacrificio dapic caane, tum w̄ibic xaja cuáyñe jém w̄iapaap ipictson Dios. Asíam iw̄ianjam Dios iga tanj̄istamiñ. ² Odoy wattaami, odoy j̄istaami juuts jém malopic p̄ixiñtam jém ityajw̄ip ȳip naxyucmi. Cucaci jém in̄j̄ixi, p̄ictson̄taami jém jomipic j̄ixi iga micjoomasettaiñ. Jesic w̄iap in̄cutiyȳy ti ixunpa Dios iga tanwattámpa, jém w̄ibic cosa, jém dapic malo, jém iw̄ianjampáppic Dios.

³ Dios acupiñ iga an̄cuyoxap jeeyucmi mannímáypa, odoy j̄istaami iga agui miw̄iap. Cada tumtum de mimichtam j̄istaami como tum p̄ixiñ tsampic j̄ixiyy. Siiga michiita iga más in̄cupicpa Dios, jesic más mijpic cargo michiiba Dios. ⁴ Jesanetim juuts tammijtay. Wati cosa tanait tammijtayyucmi. Pero da tumti yoxacuy iwatyajpa. ⁵ Jesanetim taichtam tsam tajáyantam, pero tumti tamijtay porque tan̄cupicnetim jém Cristo. Cada tumtum de taichtam tumtí jém mijtayyucmi tap̄imane.

⁶ Dios tachiñe wati yoxacuy juuts je iw̄ianjam. Cada tumtum de taichtam w̄i iga tanwattamiñ juuts tachiñeta Dios. Siiga tachi jém yoxacuy iga tanañmatpa jém Dios in̄mati, jesic w̄i iga tanañmadiñ juuts tan̄cupic Dios. ⁷ Siiga tachiita jém yoxacuy iga tan̄cuyoxatamiñ jém tant̄iwitam, jesic w̄i iga tan̄cuyoxap. Siiga tachiita jém yoxacuy iga tanañquejáypa jém tant̄iwitam, jesic w̄i iga tanañquejáyiñ parejo. ⁸ Siiga tachiita jém yoxacuy iga tanañquejáypa jém p̄ixiñtam iga más icupiguiñ, jesic w̄i iga tanwattamiñ jempic. Jém iniitw̄ip jém yoxacuy iga iwat jém Dios iyoxacuy con jém itumiñ, jesic w̄i iga ichiñ jáyan. Jém iniitw̄ip jém cargo iga injacpa jém Dios ip̄ixiñtam, jesic w̄i iga iwadiñ con itumpiy ianama. Jém iniitw̄ip jém cargo iga iyoxpátpa jém yaachayajpáppic y jém mimnew̄ip, w̄i iga iwadiñ con maymáyaj̄i.

Jém icupicneyajw̄ip Jesús tienes que iw̄iwatyajpa

⁹ Naittaami jém numapic tóyooyi con jém in̄t̄iwitam. Jóyixtaami jém malopic j̄ixi. Seguido w̄iwattaami. ¹⁰ Natoytamtaji con jém in̄t̄iwitam juuts tum in̄ñuntatiwi. Naw̄ixtamtaji con itumpiy jém in̄t̄iwitam. W̄i iga más in̄toytamiñ jém in̄t̄iwitam que iga minitoytap in̄yaac.

¹¹ Odoy cutiñataami iga in̄w̄iwattámpa. Cuyoxataami jém tán̄omi con itumpiy in̄anama.

¹² Maymáyataami porque in̄injóctámpa jém jama cuando miñgacpa jém Cristo. Yaachiytaami cuando miyaachwattamtap. Seguido an̄wejpátaami Dios.

¹³ Yoxpaati jém icupicneyajw̄ip Cristo, chiitaami titam itogóyay. W̄ipictson̄i jém miñyajpáppic juumi.

¹⁴ W_iwadaayi jém mimalwadaypáppic. Wágaayi Dios iga iw_iwadáyiñ jém p_ixíñ. Odoy malnímaayi.

¹⁵ Maymáyaataami con jém maymáyaajpáppic. Anyátaami con jém anyácneyajw_iip.

¹⁶ Naittaami tumti j_ixi con jém tant_iwitam. Odoy nacujíptaji iñyaac. Odoy cusúniyi iga más miw_iitpa que jém iñt_iwitam. W_inanigaayi jém pobreyaj. Odoy j_isi iga más mij_ixíy.

¹⁷ Siiga j_i mimalwadáypa, odoy acseedaa_i jém mal. Wadaytaami caso iga in_wi_wattámiñ jém p_ixíñtámanjom. ¹⁸ Wattaami jutspiy w_iap in_wi_watta iga odoy mínatámiñ con jém p_ixíñtam. ¹⁹ Mant_iwitam mantoytampáppic, odoy tségaayi jém mimalwadaypáppic. Tsaci iga ichégáypa Dios. Ichiiba castigo jém mimalwadayñew_iip. Nimpa así jém Dios in_wmat_i: “Ich antségáypa jém imalwadayñew_iip jém amp_ixíñtam. Ich anáseedáypa jém mal. Nimpa tan_jatun_j Dios.” ²⁰ N_imtim jém Dios in_wmat_i: “Siiga yuap jém iñenemigo, acwiici. Siiga níctitpa, acniici. Porque siiga in_wi_wadáypa jém iñenemigo, jesic agui p_imi tsaap iga mimalwadayñe.” ²¹ Odoy j_ici iga micmalwatpa jém malopic j_ixi. W_iwadaayi jém malopic p_ixíñ iga in_wcoñw_iyíñ jém malopic j_ixi.

13

¹ W_i iga cada tumtum de taichtam tan_wcupictámiñ jém anjagooyi, jém gobierno im_ichi. Porque Dios ichi derecho jém anjagooyi iga in_wjacpa jém p_ixíñtam. Dios iccám itump_iy jém anjagooyi. ² Jesic jém dapic icupicpa jém anjagooyi nicpa en contra de jém iccámnew_iip Dios. Jém nicpáppic en contra tienes que chiitap castigo. ³ Da j_i iccám jém anjagooyi iga ic_iñiñ jém iw_iwatpáppic. Pero jém malopic p_ixíñtam ic_iñpa jém anjagooyi. Siiga da in_wianjam iga in_wianpa jém anjagooyi, jesic w_iwat_i. Jesic miw_ixpa jém anjagooyi. ⁴ Porque Dios iccám jém anjagooyi iga iwatpa jém yoxacuy iga miw_iwadáypa. Pero siiga immalwatpa, c_iñi jém anjagooyi porque da ixajaaccám Dios jém anjagooyi. Iccám iga ichiiba castigo jém p_ixíñtam jém imalwatpáppic. Jém anjagooyi icuyoxap Dios iga ichiiba castigo jém p_ixíñtam jém imalwatnew_iip. Jempigam ixunpa Dios. ⁵ Jeeyucmi w_i iga tan_wcupictámiñ jém anjagooyi, da no más iga odoy tamp_ict_sóniñ jém castigo, pero tan_jispa tan_jximi iga tan_wi_watpa. ⁶ Jeeyucmi mimichtam iñyojtámpatim jém impuesto. Porque jém anjagooyi icuyoxap Dios cuando ichécpa jém tumiñ. ⁷ Yoji itump_iy jém ichécpáppic impuesto. Yojitim jém contribución. Naidaayi respeto jém anjagooyiyaj. Toyyaj_i.

⁸ Siiga iñjatsne algunos, jesic yoji hasta yajpa iñyoj. Pero da nunca yajpa tantoy jém tant_iwitam. Jém itoypáppic jém it_iwitam cupacpa iwat jém anquímayooyi. ⁹ Nimpa así jém anquímayooyi: “Odoy pejooyi. Odoy accaoyi. Odoy nuumi. Odoy migóyaayi jém iñt_iwitam. Odoy cusúniyi tun_wgac p_ixíñ im_ichi.” Yip anquímayooyi con itump_iy los demás nimp_a iga tantóyiñ jém tant_iwitam como taich mismo tanatoytap. ¹⁰ Jém tóyoypaap da imalwadáypa jém it_iwitam. Jesic siiga tannuntatoypa jém tant_iwitam, caps_a tan_wat jém Dios in_wquímayooyi.

¹¹ W_i iga tan_wattámpa así porque tan_jodon_j juchis hora tait. W_i iga tayustámiñ porque más nocojomum it jém tiempo iga taciaputpa Dios que cuando moj tan_wcupic jém Cristo. ¹² S_iip cuyajtooba jém tsuu, químt_ooba jém jama. W_i iga tantsactámiñ iga tammalwatpa juuts iwatyajpa jém dapic icupicyajpa Cristo. Mojpa tan_wi_wat. Tantsacpa iga tammalwatpa juuts jém imalwatyajpáppic piichciim. Mojpa tan_wi_wat juuts tum soldado jém siipaap juctian_wsocajom. ¹³ W_i iga tan_wi_wattámiñ juuts jém siiyajpáppic siññi. Da tauctámpa, da tan_wattámpa jém malopic siñ. Da tanyamtsáyap tum yomo, odoy j_isi jém malopic cosa. Da w_i iga tan_watámpa, odoy kujóy_iyooyi. ¹⁴ Accaami jém w_ibic j_ixi juuts Jesucristo ij_ixi iga miyoxpátpa iga da immalwatpa. Odoy malwat_i juuts iñ_wispa iñanamanjom.

14

Da wí iga tañcujíypa tum jém tantíwí

¹ Siiga núc tum píxiñ jém ðapic iwícupicne jém Cristo inqúimayooyi, jesic píctsonji. Odoy wogaayí jém píxiñ porque iñejacupicpa jém anqúimayooyi. ² Algunos jém iwícupicneyajwíp jém Dios inmati ijíspa iga wíap icút ti quej. Pero it tunḡac jém píxiñ iñejacupicpa jém Dios inmati, ða icíspa jém mayí, icútpa naps jém verduras. ³ Jesic jém icútpáppic itumpiy cosa odoy ijóyixiñ jém ðapic icútpa. Jém ðapic icútpa itumpiy cosa, odoy icujíyíñ jém itíwí jém icútpáppic itumpiy cosa porque Dios ipíctsonpatim jém píxiñ. ⁴ ¿Mich miíapaap iga inçujíypa jém tunḡac píxiñ jém icuyoxapáppictim Dios? Solamente iQmi wíap iníim siiga wíputpa jém iyoxacuy o ða wíputpa. Pero tienes que wíputpa porque jém tánQmi Cristo iyoxpátpa iga wípudiñ jém iyoxacuy.

⁵ Tum píxiñ ijíspa iga tum jama más mij que jém tunḡac jama. Pero tunḡac píxiñ ijíspa iga itumpiy jama jex. Cada tumtum píxiñ wí iga ijíxiñ íanamanjom siiga iwíwatpa. ⁶ Jém ijíspáppic iga tum jama más mij, ixutspa jém jama iga iwíwadáypa tánQmi. Jém ijíspáppic iga itumpiy jama jex, iwíwadáypatim jém tánQmi. Jém icútpáppic itumpiy cosa, iwíwadáypatim jém tánQmi porque icujíppa Dios. Jém ðapic icútpa itumpiy cosa, iwíwadáypatim tánQmi porque icujípatim Dios.

⁷ Ni tum de taichtam ða tañcutum tait yíp vida, cuando tacaaba ðatim tañcutum nicpa taíti. ⁸ Siiga tavivo tañwatpa juuts ixunpa jém tánQmi Jesucristo. Siiga tacaaneum, tañwatpatim juuts je ixunpa. Jesic siiga tavivo o tacaaneum, tánQmitim tamíchi. ⁹ Jeeyucmi ca jém Cristo y eybictim píis iga tsíyíñ juuts iQmi jém caaneyajwíppic y jém vivopic.

¹⁰ ¿Íiiga iníjísipa iga imalwatpa jém inííwí siiga icútpa ti quej? ¿O mimich, íiiga iníjóyixpa jém inííwí siiga ða icíspa jém mayí? Porque núcpa jama iga tantumpiytam tacípiñtamtap jém Dios iwiñjom juť cípínóyapa tánQmi Jesucristo. ¹¹ Porque asíam jaychacnetá: Nimpa tánQmi:

“Como ich avivo tienes que acosteeñáypa itumpiy jém píxiñtam, inmatyajpa Dios iwiñjom ti iwatyaj.”

¹² Jesic cada tumtum de taichtam tienes que tanañmadáypa Dios ti tañwatne yíp naxyucmi.

Da wí iga tanacwatpa táñca tum tantíwí

¹³ Jesic ða tañcujíypa jém tantíwítam. Más wí iga ða tanacwatpa táñca tum tantíwí o iga ða nunca tañcutitspa iga tanacmalwatpa. ¹⁴ Ich anwíjodon iga wítam itumpiy jém wíccuy porque anquejayñe así jém tánQmi Jesucristo. Pero jém ijíspáppic iga táñcaíy siiga icútpa algun wíccuy, jesic jém píxiñ táñcaíyapa siiga icútpa. ¹⁵ Siiga pími inçiganjácwatpa jém inííwí iga inçíspa jém mayí, jesic quejpa iga ða mitóyóyapa. Odoy actogoyí jém inííwí iga tsam inçístooba jém mayí porque accaata jém Cristo iga icíacpudiñtim jém inííwí. ¹⁶ Jesanetim siempre jisi ti inwatpa iga odoy í imalnímáyíñ jém wíbic anqúimayooyi mich inçuyucmi, aunque iníjodon iga ða immalwatpa siiga inçíspa jém mayí. ¹⁷ Siiga tatigiyñe con Dios ipíxiñtam, jesic ða ti cuwatcuy jém anqúimayooyi ti wí tañcútpa y ti wí tánucpa. Pero siiga Diosam tamíchitam, wí iga tañwíwadiñ y iga tañwínanigáyíñ jém tantíwítam. Tsam tamaymáyp porque tanaít Dios íAnama tánanamanejom. ¹⁸ Siiga asíam inçuyoxatámpa jém tánQmi Cristo, tsam miwíixpa jém tañjatun Dios, miwíixyajpatim jém píxiñtam.

¹⁹ Jesic tammétstámpa jutsap tañwíwat iga tañwínanigáyíñ jém tantíwítam. Tammétstámpatim jutsap tanayoxpáttamta iga más tañcutíyiytamiñ ti ixunpa Dios. ²⁰ Odoy actogóyaayí jém Dios iyoxacuy porque iníjísipa iga inçíspa algun mayí. Numa itumpiy jém wíccuy wí tañcís. Pero ða wí inçíis jém mayí jém icwatpáppic táñca jém

inñt̄iw̄i. ²¹ W̄i iga da tañc̄iispa jém mayi y da tánucpa jém vino o tañwatpa tuñgac cosa iga inicmalwatpa jém inñt̄iw̄i iga moypa inñjacupic jém Dios in̄māti. ²² Siiga in̄cupicpa iga itump̄iy jém w̄iccuy w̄i tañc̄iis, jesic j̄isi mich in̄yaac jém Dios iwiñjom. Tsam w̄iitpa jém p̄ixiñ siiga ij̄ispa ianamanjom iga itump̄iy w̄iccuy w̄i tañc̄iis. ²³ Pero siiga algunos ij̄ispa iga da w̄i tañc̄iis, siiga ic̄ispa, jesic táncāiypa porque ij̄ispa iga da w̄i tañc̄iis. Titam tanj̄ispa iga da w̄i tañwat siiga tañwatpa, jesic tatáncāiypa.

15

W̄i iga tanyoxp̄atpa jém tant̄iw̄itam

¹ Taichtam como tañw̄icupicne jém Dios in̄māti, w̄i iga tanyaach̄iypa jém tant̄iw̄itam, jém dap̄ic iw̄icupicne. W̄i iga da tañwatt̄ampa juuts taich tansunpa. ² Pero cada tumtum de taichtam w̄i iga tañwatt̄amiñ juuts ixunpa jém tant̄iw̄itam. Tañw̄i watpa, tanyoxp̄atpa iga más iw̄icut̄īȳiñ jém Dios in̄māti. ³ Porque jém tán̄omi Cristo datim iwat juuts ixunpa iyaac. In̄asca jém Cristo juuts n̄impa jém Dios in̄māti: “ManJ̄atun̄ Dios, jém malopic p̄ixiñtam, jém mijóyixajp̄appic, ajóyixpatim aich.” ⁴ Itump̄iy jém Dios in̄māti wiñigam jaychacnet̄a iga tañquej̄aypa taichtam. Jém Dios in̄māti tsam tanyoxp̄atpa iga tanyaach̄iyiñ cuando tayaachwatt̄ap iga odoy tanyáguiñ. Jeeyucmi tananjócpa jém j̄ama iga tampictsonpa titam taj̄ycámayñe Dios. ⁵ TanJ̄atun̄ Dios tsam tanyoxp̄att̄ampa iga tanyaach̄iyt̄amiñ cuando tayaachwatt̄ap, iga odoy tanyáct̄amiñ. S̄ip miyoxp̄att̄ampatim mimichtam iga tumti j̄ixi iniñt̄amiñ juuts tañquej̄ay tán̄omi Jesucristo ⁶ iga tantump̄iytam jempictim tañcuj̄ipt̄amiñ tanJ̄atun̄ Dios, jém tán̄omi Jesucristo iJ̄atun̄tim, jém iDios̄tim.

An̄madaȳta jém tuñgac p̄ixiñtam jém w̄ibic an̄māti

⁷ Jesic jempictim naw̄ipictson̄tam̄taji mimichtam juustim taich taw̄ipictson̄ jém Cristo, jesic agui cujípt̄ap jém tanJ̄atun̄ Dios. ⁸ Ich an̄impa iga oy īti ȳip naxyucmi jém tán̄omi Cristo juuts tum̄ yoxac̄iwiñ iga icuyoxap̄ jém Israelpic p̄ixiñtam. Iccupacpa itump̄iy cosa juuts ij̄ycámayñe Dios jém wiñicpic p̄ixiñtam, jém ictsucumnew̄ip jém nación de Israel. Jempam tañquej̄aypa iga Dios da tamigóyáypa. Je iccupacpa juuts taj̄ycámayñe. ⁹ Oy ȳip naxyucmi jém tán̄omi Cristo iga jém tuñgac p̄ixiñtam, jém dap̄ic de Israel, icuj̄ipyajiñ Dios porque tsam iyaachanj̄ampa. Juuts n̄impa jém Dios in̄māti:

Jeeyucmi mañcuj̄ippa, manJ̄atun̄ Dios, con jém tuñgac p̄ixiñtam, jém dap̄ic de Israel.

Mañwánáypa tum̄ wañi iga mañcuj̄ippa.

¹⁰ Eybictim n̄impa jém Dios in̄māti:

Maymáyaataami jém dap̄ic je miIsraelpic mip̄ixiñtam.

Wagamaymáyaataami con jém Dios ip̄ixiñtam.

¹¹ Eybictim n̄impa jém Dios in̄māti:

Cuj̄iptaami Dios inñtump̄iytam, jém dap̄ic je miIsraelpic mip̄ixiñtam.

W̄i iga itump̄iy p̄ixiñtam icuj̄ipyajiñ Dios.

¹² Eybictim n̄impa jém Isaías:

An̄naypa eyb̄ic jém Isaí it̄ichic.

Jém wiñicpic p̄ixiñ Isaí iocman̄ic man̄ic eyb̄ic tsucumpa juuts anjagooyi iga injacpa jém tuñgacpic p̄ixiñtam jém dap̄ic je de Israel.

Jém tuñgacpic p̄ixiñtam tsam injócyajpa iga tsucumpa jém anjagooyi.

¹³ Tanjodon̄ iga Dios taw̄iwadáypa. Ich ansunpa iga Dios mimaymaywadiñ iga da ti in̄c̄iñpa in̄anamanjom iganam in̄cupict̄ampa Cristo. Ansunpatim iga Dios iAnama miyoxp̄att̄amiñ iga más y más in̄j̄ist̄ampa jém j̄ama cuando cupacpa itump̄iy cosa juuts taj̄ycámayñe Dios.

iñiyimi juuts siempre jém Dios ipixiñtam iwipictsonyajpa jém itiwitam. Yoxpáttaami, chiitaami titam itogóyáy. Porque yíp yomo tsam iyoxpát wati jém tantiwitam, tsam ayoxpátim mex aich.

³ Dioschitaami jém Priscila con jém iwidaya Aquila. Anwaganayoxata cuando anwatta jém Jesucristo iyoxacuy. ⁴ Jeeyaj aciactput jém ánenemigoyaj ichijom hasta por uxañ accaataptim mex jeeyaj. Siip ich, con itumpiy jém Dios ipixiñtam, jém dapic je de Israel, annímaytámpa iyucuipdios jém Priscila y Aquila iga tsam ayoxpát. ⁵ Dioschitaamitim itumpiy jém Dios ipixiñtam jém antuumayajpáppic jém Priscila y Aquila iticciim. Watidioschi jém tantiwí Epeneto, jém tsampic antoypa, jém moiwí icupic Cristo jém naxyucmi de Asia. ⁶ Dioschitaami jém Malía, jém tsampic pimi yoxap mimichtámanjom. ⁷ Dioschitaami jém Andrónico y Junias jém anticmipic pixinñtam. Awagapajtamta cárcel con jeeyaj. Agui wiap iwatyaj jém apóstol iyoxacuy. Icupicneyaj jém Cristo antes que danam ancupicne aich.

⁸ Dioschitaami jém Amplias jém wibic ánamigo porque icupicnetim Cristo. ⁹ Dioschitaami jém Urbano jém ancompañero, anwagacuyoxata jém Cristo. Watidioschi jém ánamigo Estaquis, jém tsampic antoypa. ¹⁰ Dioschitaami jém Apeles jém tsampic cutitsta siiga numa icupicne Cristo. Watidioschijaj jém ityajwí jém Aristóbulo iticciim. ¹¹ Dioschitaami jém Herodión, jém anticmipic pixinñ, con jém ityajwí jém Narcisco iticciim, jém icupicneyajwí tánomi Cristo. ¹² Dioschitaami jém Trifena y Trifosa, jém tsampic iwatyajpa jém Dios iyoxacuy. Watidioschitaami jém Pérsida jém tantoypáppic. Agui pimi icuyoxap jém tánomi. ¹³ Dioschitaami jém Rufo jém tsampic wiap con jém iapa. Jém yomo tsíytim juuts ich ánapa. ¹⁴ Watidioschijaj jém Asíncrito, jém Flegonte, jém Hermas, jém Patrobas, jém Hermes con itumpiy jém tantiwitam jém ityajwí con jeeyaj. ¹⁵ Dioschitaami jém Filólogo y Julia, jém Nereo con jém iyomtíwi, jém Olimpás con itumpiy jém Dios ipixiñtam jém ityajwí con jeeyaj.

¹⁶ Nadioschitamtajaj mimichtam con tum anacatsuuchi juuts iwatyajpa jém Cristo ipixiñtam. Itumpiy jém Dios ipixiñtam jém antuumayajpáppic jutinqej micutsadáypa watidios.

¹⁷ Siip mañcunucsáypa, mantiwitam, iga ixpictaami jém pixinñtam jém nawéctapáppic jém Dios ipixiñtam. Inmatyajpa jém migooyi jém dapic jex juuts jém incuyujcanewí mimichtam. Odoy waganasiyajaj jeeyaj. ¹⁸ Jexpic pixinñtam da icuyoxayajpa jém tánomi Jesucristo. Tsam imétsyajpa titam icusúnyáypa iyaac. Agui wiap inmatyaj juuts tum wibic pixinñ hasta imigóyáypa jém tantiwitam, jém dapicnam iwícupicne jém Dios inmati. ¹⁹ Jut quej jodónatá iga mimichtam tsam incupictámpa jém wibic anquímayooyi. Jeeyucmi agui amaymay con mimichtam. Ansunpa iga mijixiytámiñ iga inwíwattámiñ. Ansunpa iga michíypa juuts tum tsixi, jém dapicnam wiap imalwat. ²⁰ Jém tanjatun Dios da ixunpa iga itpa jém pleito. Da jáyñe iccutinpa jém Wocciwiñ hasta naxyucmi iga michtam wiap incunepquet con jém impuy. Siip tánomi Jesucristo miwíwadaytámiñ.

²¹ Micutsadaytámpa watidios jém Timoteo, jém anwaganayoxapaap. Midioschitamtoobatim jém Lucio, jém Jasón y jém Sosípater, jém anticmipic pixinñtam.

²² Ich aTercio, ançimi manjáyáypa yíp toto iganam apimíypa jém Pablo. Mañcutsadáypam watidios inñtumpiytam jém tánomi Cristo inñiyimi.

²³ Micutsadáypatim watidios jém Gayo, jém anucsayñewí itic. Jemtim antuumayajpa jém Dios ipixiñtam. Midioschitámpatim jém tantiwí Cuarto y jém Erasto, jém tesorero de yíp atebet.

²⁴ Siip jém tánomi Jesucristo miwíwadaytámiñ mimichtam inñtumpiytam. Amén.

Juumi núc jém wibic anmati

²⁵ S̄ip taṇcujíptámpa jém tanJatun̄ Dios. Je wiap̄ miwatta cuenta iga odoy iñchactámiñ iga in̄cupictámpa Jesucristo. Tanjodon̄ iga wiap̄ porque asíam n̄impa jém wibic̄ aṇmaṭi, jém ichpic̄ anaṇmatpa, jém Jesucristo in̄químayooyi, jém sīppic̄ Dios taṇquejayñe. Aṇécne idic̄ yíp̄ aṇquímayooyi dende wiñigam̄ antes que Dios iwat̄ yíp̄ nas. ²⁶ Pero s̄ip taṇquejayñeum̄ con jém Dios in̄maṭi, jém ijaychacnew̄ip̄ jém wiñic̄pic̄ aṇmatcīwiñ, porque asíam ip̄im̄íy taṇJatun̄ Dios, jém dapic̄ nunca cuyajpa. S̄ip itump̄iȳ p̄ixiñtam̄ icuw̄iti yíp̄ naxyucmī ijodón̄ayajum̄ jém cosa, jém dapic̄ idic̄ ī ijodon̄, iga icup̄icyajiñ̄ Cristo, iga iwatyajiñ̄ juuts̄ n̄impa jém Cristo in̄químayooyi.

²⁷ S̄ip taṇcujíptámpa jém tanJatun̄ Dios jém tump̄ic̄, jém tsamp̄ic̄ j̄ixīiȳ. Taṇcujíptámpa para siempre porque tánixpictámpa jém tán̄omī Jesucristo. Amén. Jemum̄ cuyaj.

Jém wiñtipic carta jém ijáyayñewiip Pablo jém Corintopic pixiñtam

Jém Pablo ijáyaypa jém Dios ipixiñtam jém attebet Corinto

¹ Ich aPablo. Dios añwejay iga atsiy juuts tum apóstol. Acutsat iga nicpa anañmat jém tánQmi Jesucristo inmati. Asíam iwianjam Dios. Siip ich con jém tantiwí Sóstenes manjayaytampa mimichtam, ² jém miñtuumatampáppic iga inñistampa Dios jém attebet Corinto. Mimichtam Dios mimichitam porque Cristo micujicháyáy inñanama. Dios miñwejayta iga michiytamiñ juuts je mimichi, wicuáyñeum inñanama. Imichitim itumpiy jém pixiñtam jém inwejpátyajpáppic Dios jém tánQmi Jesucristo inñiyimi porque jém Cristo imichaptim jém tungac pixiñtam jextim juuts taichtam. ³ Siip jém tanjatun Dios y jém tánQmi Jesucristo miwíwadaytamiñ, michiitamiñ paz.

Jém tánQmi Cristo tsam tawíwadáypa

⁴ Siempre anchiiba gracia Dios para mimichtam iga Dios miwíwadayñe cuando moj incupic jém Jesucristo. ⁵ Dios michiiba itumpiy jém wítampic riqueza porque Cristo mimichitam. Miyoxpáttampa iga wíaiñ ininmat parejo jém Dios inmati. Miyoxpáttampatim iga inwicutiyiyiñ itumpiy jém wibic jixi. ⁶ Manacjodónata ti wiap miwadáy jém Cristo y jempigam inñasca. ⁷ Dios michi itumpiy jém wítampic xaja iga odoy ti mitogóyayíñ iganam ininjóctampa jém jama cuando miñgacpa jém tánQmi Jesucristo. ⁸ Dios mimatspacpa icijom iga odoy inñchaguiñ jém Dios inmati hasta jém inañpigam jama. Jesic da i wiap miñimáy iga mitañcaiy jém jama cuando miñgacpa jém tánQmi Jesucristo. ⁹ Jém tanjatun Dios siempre iccupacpa juuts tajycamayñe. Iyaac miñwejayta iga miwaganaittampa jém Dios iManic jém tánQmi Jesucristo.

Nawécyajta jém Dios ipixiñtam

¹⁰ Siip, mantiwitam, michtam jém tánQmi Jesucristo mimichitam, jeeyucmi mancunucsaypa iga miittamiñ de acuerdo iga odoy miniwéctamtaiñ. Más wí iga inwinanigaytamiñ itumpiy jém tantiwitam. Ansunpa iga iniittamiñ tumti jixi y tumti inñanama. ¹¹ Mannimáypa jempic, mantiwitam, porque jém Cloe itiwitam anímayyaj iga tsam it pleito entre mimichtam. ¹² Siip mannimáypa iga cada tumtum de mimichtam miñimtampa tungac cosa. Tum nimpá iga: “Ich antúníyapa jém Pablo.” Tungac nimpá iga: “Ich antúníyapa jém Apolos.” Tungac nimpá iga: “Ich antúníyapa jém Peto.” Tungac nimpá iga: “Ich antúníyapa jém Cristo.” ¹³ ¿Que wécne jém Cristo? ¿Que cunúnta cunusyucmi jém Pablo para mimichtam? ¿Que micchintamta mimichtam jém Pablo inñiyimi? ¹⁴ Anchiiba gracia Dios iga da manacchiñe ni tum de mimichtam, solamente jém Crispo y jém Gayo. ¹⁵ Jesic da i wiap inñim iga acchiñnetá ich anniyimi. ¹⁶ Anacchiñtim jém ityajwip jém Estéfanos iticciim. Da anjispá siiga anacchiñne tungac más. ¹⁷ Ich da acutsat jém Cristo iga acchínóyapa. Acutsat iga anañmadáyíñ jém pixiñtam jém wibic añmati iga Dios iciacputpa. Pero da anañmatpa con jém añmati jixiywip, jesic da i wiap inñim iga da ti cuwatcuy iga accaata cunusyucmi jém Cristo.

Cristo je jém Dios ipimi y jém Dios ijixi

¹⁸ Jém togoyñeyajwip ijsyaypa iga da para ti wí jém añmati iga accaata Cristo cunusyucmi. Pero taichtam, jém taciaputnewiip Dios, tanjodon iga yíp añmati tsam iniit jém Dios ipimi. ¹⁹ Porque nimpá jém Dios inmati jém jayñewiip:

Anaccuyajáypa jém sabioyaj ijixi.
Anactogóyáypa jém jixiywíip ijixi.

²⁰ Jesic da para ti wí jém sabioyaj, ni jém tsampic wícuyujne, ni jém aguipic wíap inmat yíp naxyucmipic jixi. Porque Dios ichac iga tsam cuixi jém iniitwíip yíp naxyucmipic jixi, porque yíp jixi da tayoxpátpa, da tacnúcpa jut it Dios. ²¹ TanJatun Dios ijodon itumpiy cosa. Jeeyucmi nimpá Dios iga jém pixiñtam da nunca wíap ipát Dios ijiximi. Iwianjam Dios iga iciacputyajpa jém pixiñtam siiga icupicyajpa jém inmatpáppic jém Dios inmati. Jeetim anmati, jém nimyajpáppic iga da para ti wí.

²² Jém Israelpic pixiñtam siempre iixyajtooba tum milagro como seña. Jém griegopic pixiñtam siempre imétsyajpa iga icutiyyiyajiñ yíp naxyucmipic jixi. ²³ Pero taichtam tanañmadáypa jém pixiñtam iga accaata jém Cristo cunusyucmi. Jém Israelpic pixiñtam tsam pimi ijóyixyajpa yíp anmati. Jém tungac pixiñtam jém dapic je de Israel nimyajpa iga da para ti wí. ²⁴ Pero itumpiy jém pixiñtam jém icupineyajwíip Dios, siiga Israelpic pixiñtam o dapic je de Israel, ijodonayaj iga jém tánomi Cristo iniit itumpiy jém Dios ipimi y iniit itumpiy jém Dios ijixi. ²⁵ Nimyajpa jém pixiñtam, jém dapic icupicpa Dios inmati, iga jém Dios ijixi da para ti wí. Pero jém Dios ijixi más wí que itumpiy jém pixiñtam ijixi. Nimyajpatim jém pixiñtam iga jém tanJatun Dios da inij ipimi, pero je más iniit ipimi que itumpiy jém pixiñtam. ²⁶ Jesic, mantiwítam, jistaami juutspic mipixiñ idic cuando tanJatun Dios minwejay. Da wati de mimichtam tsam inwicutiyyitámpa yíp naxyucmipic jixi. Da wati de mimichtam tsam miwíap. Da wati de mimichtam mijpic anjagooyi jém injatun. ²⁷ Pero tanJatun Dios icupin jém pixiñtam jém dapic jixiy iga ichaawatpa jém jixiywíppic. Icupin jém pixiñtam jém dapic ti wíap iwat iga ichaawatpa jém tsampic wíap. ²⁸ Dios icupin jém pixiñtam jém dapic iwíixpa jém itwítam. Icupin jém pixiñtam jém tsampic jóyixtáp. Icupin jém pixiñtam jém dapic para ti wí. Jesic con jeeyaj Dios icoñwíypa jém pixiñtam jém tsampic wíap. ²⁹ Jempam iwat Dios iga odooy i wíaiñ inicujípta iyaac jém tanJatun Dios iwiñjom. ³⁰ Pero Dios mismo micupineta iga michiytamiñ juuts jém Jesucristo mimichitam. Ixunpatim Dios iga jém tánomi Cristo michiitamiñ jém más wibic jixi. Tayojáytim tantánca iga wíaiñ tanúc jut it Dios. Tacujicháyayta tánanama y taciacputneum. ³¹ Jeeyucmi nimpá así jém Dios inmati jém jayñewíip: “Odooy nacujíptaji iñyaac. Más wí iga inucujíptamiñ tanJatun Dios porque tsam miwíwadayne.”

2

Inmatpa jém Pablo iga accaata cunusyucmi jém Cristo

¹ Mantiwítam, cuando oy manañmadáy ti iwat Dios, da manañmadáy jém miltampic anmati ni miltampic jixi. ² Jesic cuando jáy aiti con mimichtam anjísipa iga da ti más manañmadáy, solamente manañmadáy jém tánomi Jesucristo inquímayoooyi iga accaata jém Cristo jém cunusyucmi iga tayojáy tantánca. ³ Cuando tawagait con mimichtam, casi da ti wíap anwat. Tsam acinpa, acuetsáypa. ⁴ Da manañmadáy jém miltampic anmati juuts inmatyajpa jém pixiñtam jém dapic icupicyajpa Dios. Pero cuando oy manañmadáy jém Dios inmati, quejpa iga tsam ayoxpátpa jém Dios iAnama. Tsam achiiba jém Dios ipimi. ⁵ Mimichtam da incupictámpa Cristo porque iga inwianjamta jém pixiñtam ijixi, pero incupictámpa Cristo porque Dios minquejay jém ipimi.

Dios iAnama tayoxpátpa iga wíaiñ tancutiyyiy jém Dios inmati

⁶ Pero anañmatpa jém tsam wibic jixi entre jém icupicneyajwíip parejo jém Dios inmati. Yíp da jex juuts jém jixi jém iniitwíip jém sabioyaj jém yíppic naxyucmi. Datim jex juuts

yíp naxyucmipic anjagooyiyaj ijixi jém dapic jáyñe cuyajpa. ⁷ Pero ananmattámpa jém jixi jém achiiñewiip Dios, jém dapic i wiap ijodóna porque anécne idic jém jixi. Dios ijis dende wiñic antes que iwat yíp nas. Nimpa iga cuando núcpa jém jama, tachiitámpa jém vida jém dapic cuyajpa. ⁸ Ni tum jém mijpic anjagooyiyaj yíp naxyucmi da icutiyyíypa jém anmati jém anécnewiip, meega icutiyyíypa, jesic da iccaayajpa cunusyucmi jém tánomi Jesucristo jém Miñewiip Sinyucmi. ⁹ Asíam nimpa jém Dios inmati jém jayñewiip: Da i iix, ni da i imaton, ni datim i icutiyyíypa ianamanjom titam ijispa Dios iga tachiitámpa.

¹⁰ Pero Dios icutsat iAnama iga tacjodónata titam tachiiba. Porque Dios iAnama iwicutiyyíypa itumpiy cosa. Numa icutiyyíypa itumpiy jém Dios ijixi jém más mijpic.

¹¹ Entre jém pixiñtam da i wiap icutiyyíy ti ijispa tungac pixiñ ianamanjom, solamente jém pixiñ iyaac ijodon ti ijispa ianamanjom. Jesapim solamente jém Dios iAnama ijodon itumpiy jém Dios ijixi. ¹² Taichtam da tampictsoneta yíp naxyucmipic jixi, pero tampictsoneta jém Dios iAnama iga tancutiyyítamiñ titam tachiiba Dios porque je da malo. ¹³ Y aichtam siip ananmadáypa jém pixiñtam titam tachiiba Dios. Da ananmatpa con yíp naxyucmipic jixi, pero ananmatpa con jém jixi jém achiiñewiip Dios iAnama. Ananquejáypa Dios inmati jém pixiñtam jém iniitwip jém Dios iAnama, jesic wiap icutiyyíypa.

¹⁴ Pero jém pixiñ jém dapic ini jém Dios iAnama da imatontooba titam tanquejáy jém Dios iAnama porque jexpic pixiñ ijispa iga da para ti wi yíp anquímayooyi, datim wiap icutiyyíy. Siiga Dios iAnama da iyoxpátpa, da wiap icutiyyíy jém Dios inmati. ¹⁵ Pero jém pixiñ jém iniitwip jém Dios iAnama ijodon jup jém wibic jixi y jup jém malopic. Pero da i icipinpa jém pixiñ. ¹⁶ Nimpa jém Dios inmati jut jayñeta: “Da i wiap icutiyyíy jém tanjatun Dios ijixi. Da i wiap ijixianchiy Dios porque je más wiap que itumpiy jém pixiñtam.” Pero taichtam tanaidáy jém tánomi Jesucristo ijixi.

3

Wagayoxayajpa jém Dios iyoxaciwiñ

¹ Siip, mantiwitam, da wiap mananmadáy itumpiy jém Dios inmati juuts jém iniitwip jém Dios iAnama. Mananmadáypa juuts jém pixiñtam jém dapic cucacne ijixi. Mimichtam mijextam juuts jém pixiñtam cuando yaguiñ icupicpa jém Cristo, juuts jém xuxut tsixtam. ² Mananquejáypa jém anmati dapic tánca iga wiañ incutiyyíy porque mijex juuts tum xutu tsixi jém tsútspáppicnam. Michtam da wiap incút jém wíccuy jém tachiipáppic pimi. Hasta siip da wiap incúta. ³ Danam iñchacneta jém malopic jixi, tsam iniit jooya iñanamanjom. Tsam mínatámpa. Tsam miniwéctamtap. Quejpa iga da iñchacne jém malopic jixi. Inwattámpa mal juuts jém pixiñtam jém dapic icupicneyaj Cristo. ⁴ Cuando tum de mimichtam miñmpa iga: “Ich antúníypa jém Pablo” y tungac nimpa iga: “Ich antúníypa jém Apolos”, jesic quejpa iga síp inwatta juuts jém pixiñtam jém dapic icupicpa jém Cristo.

⁵ ¿Que iapaap jém Pablo? ¿Que iapaap jém Apolos? Aichtam no más manyoxpáttámpa iga incupictamiñ Cristo. Cada tum tum de aichtam anwattámpa juuts anquejayta jém tánomi Jesucristo. ⁶ Ich añip tum pac. Jém Apolos imujpa. Pero Dios icmijap jém planta. ⁷ Da ti jém iñippáppic jém pac ni datim ti jém imujpáppic, pero tanjatun Dios wiap icmijap jém planta. ⁸ Jém ñippáppic y jém imujpáppic icuistic jextim. Dios iyojpa cada tumtum según jém iyoxaji. ⁹ Aichtam ancuyoxatámpa Dios. Mimichtam mijex juuts jém Dios iñas iga Dios síp iyoxaca. Michtam mijex juuts tum tic jém Diospic síp iwat. ¹⁰ Dios tsam ayoxpát iga wiañ anwat jém yoxacuy. Ich atsíy juuts tum maestro albañil. Ich antsajpa

jém base juṭ piimap jém tic anṭaana. Jesic tunḡac yoxaciwiñ icteñpa jém tic jém baseyucmi. Ich ansunpa iga cada tumtum jém yoxaciwiñ iwadiñ cuenta iga wipudiñ jém iyoxacuy. ¹¹ Da i wiap iwat tunḡac base juṭ piimap jém tic que jém watnetawippigam. Jém base je jém Jesucristo mismo. ¹² Tum pixiñ wiap iwat jém tic jém baseyucmi de jém oro y plata y jém wibic tsaayaj. Wiaptim iwat jém tic de waycuy, de sóc y de jém pocyaj. ¹³ Pero núcpa jém jama cuando tanjatun Dios icipinpa jém tanyoxaji. Icutitspa con jucti, jesic quejpa siiga tanwíwatne o da tanwíwatne. ¹⁴ Siiga tanyoxaji iyaachíypa jém jucti, jesic tayoḡtap porque wiput jém tanyoxaji. ¹⁵ Siiga jípsquetpa tum pixiñ iyoxaji, togoypa itumpiy jém iyoxaji. Por uxan jípsquetpatim mex je, pero ciputpa.

¹⁶ ¿Que michtam da inḡodonṭam iga mijextam juuts tum Dios imastic? Jém Dios iAnama it inanamajom. ¹⁷ Siiga i imiswatpa jém Dios imastic, jesic Dios ichiiba tum mijpic castigo hasta iccaanasa jém pixiñ. Porque cuáyñeum jém Dios imastic, da i tánca. Mimichtam jém Dios mimastic.

¹⁸ Odoy namigóyaytaji inyaac. Siiga tum pixiñ ijispa iga tsam jixíy, jesic namigóyaytap iyaac. Más wi iga tsíypa jém pixiñ juuts tum pixiñ da ti wiap, jesic Dios ichiiba jém wítampic jixi iga numa wiañ icutiyyi itumpiy cosa. ¹⁹ Dios nimpá iga da para ti wi jém pixiñtam ijixi jém itwip yip naxyucmi. Nimpá así jém Dios inṡati jém jayñetawip: “Dios iconwíypa jém sabioyaj, con jeetim ijixi iccutinpa.” ²⁰ Nimpatim jém Dios inṡati: “Dios ijodon ti jisyaḡpa jém sabioyaj. Ijodon iga da para ti wi jém ijixi.” ²¹ Jeeyucmi mannímáypa iga odoy jisi inanamajom iga agui wibic mipixiñ iga inṡúnyipá algun pastor. Jodonḡataami iga itumpiy cosa michtam immichi. ²² Dios michiita jém Pablo, jém Apolos y jém Peto iga miyoxpátpa. Immichitim itumpiy jém Dios iwati. Siiga mivivo o micaaneum, siiga siip o joymi, itumpiy cosa michtam immichitam. ²³ Y mimichtam jém tánomi Cristo mimichitam. Y jém Cristo je jém tanjatun Dios imichi.

4

Jém apóstol iyoxacuy

¹ Ansunpa iga jém pixiñtam icutiyyiyajiñ iga ichtam anḡuyoxatámpa jém tánomi Cristo. Acutsattamṭa iga ananṡattamiñ jém anṡati de Dios jém anṡénewip idic. ² Cuando chiita tum pixiñ algun cargo siempre ixunpa jém iomi iga iwíwadiñ jém pixiñ juuts ixunpa jém iomi. ³ Ich da anwadáypa caso siiga michtam o cualquier pixiñ acipinpa siiga anwíwatpa o da. Ni aich datim anacipinṡap anyaac. ⁴ Da anḡampa anḡixianjom iga ammalwatne, pero da animpá iga da atáncaíy. No más jém tánomi Jesucristo wiap acipin. ⁵ Jeeyucmi mannímáypa, odoy nimí iga tum pixiñ táncaíy hasta jém jama cuando miñgacpa jém tánomi Cristo. Jesic iyicquejpa itumpiy cosa jém anṡénewip piichcim. Anqueḡtap jém pixiñtam ijixi jém itwip inanamajom. Jesic Dios icujíppa itumpiy jém pixiñtam jém iwatyajpáppic juuts ixunpa Dios.

⁶ Mantíwítam, mannímáypa así iga manyoxpátpa. Atsíypa juuts tum ejemplo con jém Apolos iga inḡodonṡatamiñ jutsap inṡatta juuts nimpá jém Dios inṡati jém jayñewip. Porque da wi siiga tsam inḡujíptámpa tum accuyujoypaap y tunḡac accuyujoypaap inḡóyixtámpa. ⁷ ¿I miñímáy iga más wibic mipixiñ que jém tunḡac? ¿Que da inḡispa iga Dios michiñe itumpiy cosa jém iniitwip? ¿Jesic tiiga minicujíptap inyaac juuts mich mismo inḡispa iga impictsonne inyaac titam michiñe Dios?

⁸ Mimichtam inḡistámpa iga tsam miricotam iga iniitta itumpiy cosa jém inḡwanḡampáppic. Inḡispatim iga mijextim juuts tum rey. Asíam inḡwattámpa cuando da aḡta con mimichtam. Agui numa wi meega mirey, jesic tanwagaanjacpa yip naxyucmi. ⁹ Pero aichtam, jém aapóstoltam, Dios atsacta tuñiancim juuts acaatooba. Aixyajpa

jém sinjucmipic p̄ixiñtam y jém ityajw̄ip ȳip naxyucmi. ¹⁰ Ij̄isyajpa jém p̄ixiñtam iga agui acuixitam porque anañmattámpa jém Cristo inqúimayooyi. Mimichtam in̄j̄ispa iga tsam in̄w̄icut̄īȳiypa jém Cristo inqúimayooyi. Aichtam atsíy támpa juuts da ti aw̄iap, pero mimichtam in̄j̄istámpa iga agui miw̄iatámpa. Aichtam tsam ajóyixtamtap, pero michtam tsam miw̄ixtámpa jém p̄ixiñtam, jém dap̄ic icupicyajpa Cristo. ¹¹ Hasta siip aichtam ayuatámpa, aníctitstámpa, yajtooba jém anyooti, p̄imi acótstamtap, da anaifa antic. ¹² Ayoxatámpatim c̄imi hasta p̄imi asopstámpa. Tsam amalmaln̄imaytamtap, pero da anácseedaytámpa, mas añwagáypa Dios iga iw̄iwadáyin̄ jém amaln̄imayyajpáppic. Cuando p̄imi amalwadaytamtap, anyaachiytámpa. ¹³ Jém p̄ixiñtam in̄matyajpa malopic cuento de aichtam, pero chocoymi anañiyjactámpa. N̄imyajpa iga da ti acuwatcuy. Hasta siip atsíy támpa juuts tum p̄uchi jém ipatsayyajpáppic jém p̄ixiñtam.

¹⁴ Da manjáyaypa iga mantsaawattámpa, pero manjáyaypa juuts mammanictam. Manchiitámpa j̄ixi porque tsam mantoytámpa. ¹⁵ Aunque iniitta tsam jáyan̄ jém maestroyaj, jém min̄quejaypáppic jém Cristo inqúimayooyi, tanjodon̄ iga nada más tum jém in̄jatun̄. Michíy támpa juuts mammanictam porque mammaniga cuando oy manañmadayta jém Cristo inqúimayooyi. ¹⁶ Jesic man̄cunucsáypa iga in̄wattámiñ juuts ich añwatpa.

¹⁷ Jeeyucmi man̄cutsadáypa jém Timoteo jém tsamp̄ic antoypa porque je tsíy juuts tum annuntamanic cuando icupic jém Cristo. Je mic̄j̄istámpa jutsap añwat juuts ixunpa jém Cristo. Yíptim añqúimayooyi anañquejayñe icuw̄iti ȳip naxyucmi juť Dios ip̄ixiñtam añtuumayajpa. ¹⁸ Algunos de mimichtam tsam minicujíptap in̄yaac. In̄j̄istámpa iga da eybic nicpa mánámta. ¹⁹ Pero da jáyñe nicpa mánámta siiga Dios ixunpa. Nicpa anámcoñw̄iy jém p̄ixiñtam jém tsamp̄ic nacujíptap iyaac. Ánixtooba siiga n̄uma w̄iap iwatyaj juuts n̄imyajpa cuando nacujíptap iyaac. ²⁰ Tsam w̄iquejpa juť in̄jacpa Dios jém p̄ixiñtam porque jém w̄ibic añqúimayooyi da naps j̄iyi, pero iniittim Dios ip̄imi. ²¹ ¿Jesic ti in̄w̄ianjamta? ¿Que in̄xunpa iga miñpa manchiita castigo? ¿O in̄w̄ianjamta iga chocoymi manañmadáypa con jém w̄ibic tóyooyi?

5

Jém Pablo ic̄ipin̄ jém pejoypáppic

¹ Anjodónaneta iga tum de michtamp̄ic ichayane jém ichiñapa. Tsam p̄imi imalwatne hasta tum de jém p̄ixiñtam, jém dap̄ic icupicyajpa Dios, datim iw̄ianjam iga iwatpa jempic. ² ¿T̄iiga tsam minicujíptap in̄yaac? Más w̄i iga min̄yáctámiñ. Quebacputtaami jexpic p̄ixiñ mimichtáman̄jom. ³ N̄uma, da man̄waganaitta con ammitay, pero man̄waganaitta con ánanama. Siip añc̄ipin̄neum jém p̄ixiñ jém pejoypáppic juuts jesic man̄waganaitta. W̄i iga chiitap castigo. ⁴ Mimichtam añtuumataami jém tán̄omi Jesucristo in̄yimi con jém Jesucristo ip̄imi. Ich man̄waganaittim con ánanama. ⁵ Jesic quebacputtaami jém malopic p̄ixiñ. C̄ijun̄coti jém Woc̄c̄iwiñ ic̄ij̄om iga imiswadáyin̄ jém im̄jtay. Jesic cuando miñgacpa jém tán̄omi, ic̄iacpudáypa jém ianama.

⁶ Da w̄i iga minicujíptap in̄yaac porque tsam immalwatne. ¿Que da in̄jodon̄ iga uxan̄ levadura ic̄ip̄ipa itump̄iy jém jaapi? ⁷ Jesic patsaytaami jém pecapic levadura jém mimalwadaypáppic, tsíytaami como jém jomipic jaapi, juuts jém caxtánañi jém watnew̄ip sin levadura, jém icútyajpáppic jém pascuas̄in̄. Porque accaata jém Cristo iga tayojayta tantán̄ca, jesaptim juuts jém mañborrego jém accaatapáppic jém pascuas̄in̄. ⁸ Jesic tas̄in̄atámpa jém pascuas̄in̄ con jém caxtánañi jém dap̄ic in̄ij̄ levadura. Tampictámpa jém w̄ibic j̄ixi, jém dap̄ic mīgooyi, jém dap̄ic motne con jém pecapic levadura. Ȳip n̄imtooba itump̄iy jém malopic j̄ixi.

⁹ Jém tungac toto manjáyayñe iga mannímáy iga odoy waganasii tum p̄ixiñ siiga n̄impa iga icup̄icpa Cristo, pero pejóypa. ¹⁰ Ich da animtooba iga iññuntatsagan̄puđiñ jém malop̄ic p̄ixiñtam, jém pejoyyajpáppic, jém tsamp̄ic icusúniyyajpa jém it̄iwitam im̄ichi, jém númyajpáppic, jém ij̄isyajpáppic jém watnas, porque siiga tannuntatsagan̄putpa itump̄iy jexp̄ic p̄ixiñtam, tienes que taputpa ȳip naxyucmi porque jutquej it jém malop̄ic p̄ixiñtam. ¹¹ Pero siip manjáyáypa iga mannímáypa, odoy waganasii taami tum p̄ixiñ jém nimpáppic iga icup̄icpatim Cristo siiga pejóypa jém p̄ixiñ, siiga icusúniyya jém tungac p̄ixiñ im̄ichi, siiga ij̄isyajpa jém watnasyaj, siiga tsamp̄ic aṅatero, siiga tsam ucpa o siiga númpa. Da w̄i iga tar̄waganawíctampa jexp̄ic p̄ixiñtam. ¹²⁻¹³ Porque ich da i accámne juuts tum juez iga aṅcip̄iṅpa jém p̄ixiñtam jém ḍap̄ic icup̄icyajpa jém Cristo. Tanjatun̄ Dios ic̄ip̄iṅpa jexp̄ic p̄ixiñtam. Pero mimichtam w̄iap in̄cip̄iṅta jém p̄ixiñtam jém icup̄icneyajw̄ip jém Cristo. Jeeyucmi mannímáypa iga toptaami jém malop̄ic p̄ixiñ jém itw̄ip con mimichtam.

6

Jutsap tar̄w̄itsac jém pleitoyaj

¹ Siiga tum de mimichtam iniit algun pleito con tungac jém tant̄iw̄i, ¿que da michaap iga in̄iṅapa jém tant̄iw̄i jém anjagooyic̄im jut it jém anjagooyi jém ḍap̄ic icup̄icpa Dios? Más w̄i iga in̄w̄itsacpa jém pleito con jém Dios ip̄ixiñtam. ² ¿Que da in̄jodon̄tam iga núcpa jém tiempo iga jém Dios ip̄ixiñtam ic̄ip̄iṅyajpa ȳip naxyucm̄ipic p̄ixiñtam? Siiga in̄cip̄iṅtampa jém p̄ixiñtam, jém ityajw̄ip ȳip naxyucmi, ¿jesic tiiga da w̄iap in̄w̄itsac tum pleito ḍap̄ic juchan̄? ³ ¿Que da in̄jodon̄tam iga núcpa jém jama iga tar̄cip̄iṅpatim jém sin̄yucm̄ipic p̄ixiñtam? Jesic tiiga da más w̄iap tar̄w̄itsac tum asunto jém siipp̄ic it. ⁴ Siiga michtam iniit algun pleito, ¿tiiga miñictampa jém anjagooyic̄im iga in̄w̄itsacpa? Porque jém anjagooyiyaj da ti cuwatcuy para con jém Dios ip̄ixiñtam. ⁵ Mannímáypa iga michaatámiñ mimichtam. ¿Que da i ni tum de mimichtam jém w̄iapaap iw̄itsac jém pleito? ⁶ ¿Tiiga in̄quejajwadáypa tum jém tant̄iw̄i jém anjagooyic̄im? Porque jém anjagooyiyaj da icup̄icneyaj Cristo.

⁷ Cuando in̄wattámpa jemp̄ic, quejpa iga da capsne in̄cup̄ic jém Dios in̄mat̄i. Da w̄i iga miniquejajwadaytam̄ap con jém tant̄iw̄itam. Más w̄i iga in̄yaach̄iyiñ iga mimalwadaytam̄ap y iga micunúmaytam̄ap. ⁸ Pero mimichtam in̄yaac immalwadaytampa jém tant̄iw̄itam, in̄cunúmaytampatim.

⁹ ¿Que da in̄jodon̄tam iga jém malop̄ic p̄ixiñtam da w̄iap it̄iḡiyyaj jut in̄jacpa Dios? Odoy j̄ic̄i iga i mimigóyáypa. Da w̄iap it̄iḡiyyaj jut in̄jacpa Dios jém pejoyyajpáppic, ni jém ij̄isyajpáppic jém watnas, ni jém iyamtsaayapaap tum yomo o tum woñi, ni jém p̄ixiñ jém ts̄iypaap juuts yomo, ¹⁰ ni jém númyajpáppic ni jém icusúniypáppic tungac p̄ixiñ im̄ichi, ni jém tsamp̄ic ucyajpa, ni jém imotsyajpáppic jém it̄iwitam, ni jém imalwadaypáppic. Jeeyaj da t̄iḡiyyajpa jut in̄jacpa Dios. ¹¹ Algunos de mimichtam mimalotim id̄ic juuts jeeyaj. Pero siip miccáyaytam̄ta jém in̄t̄an̄ca. Dios mim̄ichitam. Miw̄ipictson̄ta jém tán̄omi Jesucristo in̄iyimi, siip w̄ib̄igam mip̄ixiñtam. Impictson̄ta jém Dios iAnama.

Odoy tammalwadiñ con jém tamm̄ijtay

¹² Ich w̄iap an̄wat titam ansunpa, pero da itump̄iy cosa tayoxpátpa. W̄iap an̄wat titam ansunpa, pero da ats̄ytooba juuts tum esclavo de ninguna cosa. ¹³ Numa juuts n̄imyajpa jém p̄ixiñtam: “Dios iw̄at jém w̄iccuy para jém tampuu. Iwattim jém tampuu para jém w̄iccuy.” Pero núcpa jém jama iga Dios iccuyajpa jém w̄iccuy y jém tampuu. Da tachiita jém tamm̄ijtay iga tammalwatpa con jém malop̄ic yomtam. Tachiita jém tamm̄ijtay iga

tañcuyoxap tánQmi, y jém tánQmi tawadáypa cuenta jém tammijtay. ¹⁴ TanJatun Dios icpis jém tánQmi Jesucristo y taichtam tacpistamtaptim con jém Dios ipimi.

¹⁵ ¿Que da iñjodon tam iga jém tammijtay tumti con jém tánQmi Cristo imijtay? ¿Que wí iga anchiiba tum malopic yomo jém Cristo imichi iga imichap jém yomo? ¡Da wíap tanchi! ¹⁶ ¿Que datim iñjodon siiga tum pxiñ inimonpa tum malopic yomo jém pejoypáppic, jesic tsíyyaj juuts tumti mijtay? Niempa así jém Dios inmati: “Jém pxiñ y jém yomo icuistic tsíy juuts tumti mijtay.” ¹⁷ Pero cuando imichap jém Cristo tum pxiñ, jesic tumti ianama con Cristo.

¹⁸ Odoy malwati con jém malopic yontam, poytaami. Jém tungac tánca, jém iwatpáppic jém pxiñtam, da pimi imalwadáypa jém imijtay. Pero siiga imalwatpa con jém malopic yontam, jesic namalwadaytap iyaac jém pxiñ. ¹⁹ ¿Que da iñjodon iga jém immijtay jém Dios iAnama imastic, jém tachiñewiip Dios; jém Dios iAnama miñ iti tánanamajom? Mich immijtay da immichi. ²⁰ Porque Dios mijuy con tum wibic precio. Jeeyucmi wí iga tañcujíppa Dios con tánanama y con tammijtay porque icuistic jém Dios imichi.

7

Chiitap jixi jém pxiñtam y jém yontam

¹ Siip mañcutsonpa titam anacwác cuando anjayáy mimichtam: Numa wí siiga da yoomíypa tum pxiñ. ² Pero iga odoy immalwadiñ, más wí iga yoomíypa cada pxiñ y jaayíypa cada yomo. ³ Jém pxiñ tienes que iwíwadáypa iyomo porque iñuntawichomo. Jém yomo tienes que iwíwadáypa iwídaya porque iñuntawídaya. ⁴ Jém yomo imijtay da imichi iyaac. Imichi jém iwídaya. Jesanetim jém pxiñ imijtay da imichi iyaac. Imichitim jém iwichomo. ⁵ Odoy natsactamtaji iga miwagamontámpa con inwichomo. Wí siiga da mipoywagamontámpa siiga miitta de acuerdo iga ininwejpátámpa Dios. Jesic ocmi eybictim wíap inwagamonta, siiga da wíap ininjacta iñyaac, iga jém Wocciwiñ odoy micmalwadiñ.

⁶ Ich da mampmíypa iga miyoomiytámiñ, pero Dios ijícpa iga miyoomiytámiñ siiga inwianjanta. ⁷ Ich animpa iga más wí siiga itumpiy pxiñtam jextim juuts aich iga da ayoomíy. Pero Dios ichiiba cada tum tum pxiñ jém jixi iga wíap iwat juuts ixunpa Dios. Tum pxiñ wíap iwat tum yoxacuy y tungac pxiñ tungac yoxacuy wíap iwat.

⁸ Siip anchiiba jixi jém pxiñtam jém dapic yoomíy y jém yontam jém dapic jaayíy y jém cunoytam: Wí iga tsíyyajiñ juuts aich iga da ayoomíy. Siiga pxiñ, odoy yoomíyíñ. Siiga yomo, odoy jaayíyíñ. ⁹ Pero siiga da iyaachíypa iga ityajpa icutum, jesic wí iga yoomíyíñ. Más wí iga yoomíypa tum pxiñ que iga tsam pimi cusúníyóypa.

¹⁰ Siip mannímáypa mimichtam, jém miyoomiywíip y jém mijaayiywíip: Miyontam odoy tsaci inwídaya. Yíp jixi da ich anjixquimi. Tanquejay así jém tanJatun Dios. ¹¹ Siiga tum yomo ichacpa iwídaya, jesic da wíap ijaayíy con tungac pxiñ. Siiga jaayíytooba eybic jém yomo, wí iga ipicsetpa eybic jém iwídaya jém ichacnewíip. Mipxiñtam, mannímáypatim: Odoy tsaci iñyomo.

¹² Siip anañmadáypa los de más tum anquímayooyi jém dapic je tánQmi achiiñe. Siiga tum tantíwí iniit iyomo jém dapic icupícpa Cristo y jém yomo iwianjam iga iwaganaitpa jém tantíwí, jesic da wíap initsacyajta. ¹³ Jesanetim tum yomo siiga iwídaya da icupícpa Cristo y siiga iwianjam jém pxiñ iga iwaganaitpa jém iyomo, jesic da wí iga natsacyajtap. ¹⁴ Jesic jém yomo iwídaya, jém dapic icupícpa Cristo, tsíy juuts Dios imichi porque jém iwichomo icupícpa Cristo. Jesanetim jém pxiñ iwichomo, jém dapic icupícpa Cristo, tsíy juuts Dios imichi porque jém iwídaya icupícpa Cristo. Siiga Dios da ichacpa jempic, jesic jém tsixtam da tsíypa juuts jém Dios imichi, pero tanjodon iga numa Dios imichap jém

imanictam. ¹⁵ Pero siiga jém p̄ixiñ o jém yomo, jém dapic icupicpa Cristo, agui ichactooba jém iwichomo o jém iwidaaya, jesic j̄ici iga iwatpa así. Jesic jém p̄ixiñ o jém yomo, jém icupicnewiip Cristo, iniit libertad; wiap ipic tunḡac yomo o tunḡac p̄ixiñ porque Dios tacupin iga odoy tánatamiñ. ¹⁶ ¿Porque jutsap in̄jodóna miyomo siiga wiap in̄ciacput jém in̄widaaya? ¿Y jutsap in̄jodóna mip̄ixiñ siiga wiap in̄ciacput jém in̄wichomo?

¹⁷ Pero cada tumtum de taichtam wiap tanwatta juuts ixunpa Dios con jém ij̄ixi y jém ip̄imi jém tachiiñewiip Dios. Siempre tanwattampa juuts tanimáy Dios cuando matacupin. Asíam ananmadayajpa itumpiy jém Dios ip̄ixiñtam. ¹⁸ Siiga Dios icupin tum p̄ixiñ jém wadayñetaw̄iip jém marca de circuncisión, jesic da w̄i iga iccáypa jém marca. Y siiga Dios icupin tum p̄ixiñ jém dapic inīj jém marca de circuncisión, jesic da w̄i iga iwatpa jém marca. ¹⁹ Jém marca de circuncisión da ti cuwatcuy, da tayoxpátpa. Siiga tanait o da tanai jextim. Pero siiga tanwattampa juuts ixunpa Dios, je numa tayoxpátpa. ²⁰ Cada tumtum w̄i iga ts̄iyiñ juutstim it idic cuando Dios in̄wejay. ²¹ Siiga miesclavo cuando micupin Dios, jesic odoy wadaayi caso. Pero siiga wiap imput de esclavo, jesic puti. ²² Siiga esclavo tum p̄ixiñ cuando Dios icupin iga icupicpa Cristo, jesic sīp iniitum libertad porque jém ianama dam tsenne. Y siiga tum p̄ixiñ da je esclavo cuando cupin̄ta iga icupicpa Cristo, jesic sīp ts̄iy juuts tum esclavo porque Cristojam im̄ichi. ²³ Tsam tsoowiy tayojáy Dios jém tantánca iga odom tats̄iyiñ juuts tum esclavo. Jesic sīp da tammalwatpa juuts tapimíypa jém p̄ixiñtam jém dapic icupicpa Dios. ²⁴ Mant̄iwitam, w̄i iga michiytamiñ jextim juuts miit idic cuando min̄wejay Dios porque sīp miwaganait Dios.

²⁵ Jém tánomi Cristo da ichac tum an̄químayooyi para jém woñtam jém dapicnam jaayiy, pero sīp mananmadáy titam ich an̄j̄ispa porque ayoxpátpa jém tánomi Jesucristo iga w̄iañ an̄cutīiyiy ti ixunpa Dios. ²⁶ Ich an̄impa iga w̄itim jém p̄ixiñtam siiga da yoomíypa porque sīp miñpa jém mijpic yaachaji. ²⁷ Siiga yoomiy tum p̄ixiñ, jesic odoy ichaguiñ jém iyomo. Siiga j̄i ichacne iyomo, jesic odoy iméchiñ tunḡac yomo. ²⁸ Pero siiga miyoomíypa, da je tánca. Siiga jaayíypa tum woñi, datim je tánca. Pero siiga yoomíypa tum p̄ixiñ o siiga jaayíypa tum woñi, tienes que yaachayajpa yip naxyucmi. Tsam manyoxpáttooba iga odoy miyaachátamiñ.

²⁹ Mant̄iwitam, ich an̄imtooba iga da jáyñe miñpa jém mijpic yaachaji, jesic w̄i siiga jém p̄ixiñtam jém yoomiyw̄iip iwadiñ juuts jém p̄ixiñtam jém dapic yoomiy. ³⁰ Jém tsampic anyácneyaj w̄i iga ts̄iyiñ juuts jém dapic anyácne. Jém tsampic maymayyaj w̄i iga ts̄iyiñ juuts jém dapic maymay. Jém juyjúyoypaap w̄i iga ts̄iyiñ juuts jém dapic ti iniit. ³¹ Siiga iniit algun ti yip naxyucmi, odoy j̄isi porque cuyajpa itumpiy cosa jém itw̄iip yip naxyucmi.

³² Ich da an̄wianjam iga tsam iniit cobacp̄iji. Siiga da yoomiy tum p̄ixiñ, jesic da ti īj̄ispa. Nada más īj̄ispa jutsap iwat jém tan̄jatun̄ Dios iyoxacuy juuts iwianjam Dios. ³³ Pero siiga yoomiy tum p̄ixiñ, tsam īj̄ispa jém cosa jém ityajw̄iip yip naxyucmi. Tsam īj̄ispa jut̄ ip̄igáypa titam ixunpa jém iwichomo. ³⁴ Jesic nawéct̄a jém p̄ixiñ ij̄ixi. Jesanetim jém yomo jém dapic jaayiy, īj̄ispa jém tan̄jatun̄ Dios iyoxacuy. Jesic quejpa iga Dios im̄ichitim jém im̄jtay y jém ianama. Pero jém tunḡac yomo jém jaayiyw̄iip, tsam īj̄ispa jém cosa jém ityajw̄iip yip naxyucmi. Īj̄ispatim jutsap iwat juuts ixunpa jém iwidaaya.

³⁵ Mannimáy así iga manyoxpátpa. Da manchiitooba tum an̄químayooyi tsampic tánca tanwat. Pero ansunpa iga in̄w̄iwadiñ iga miwixtap. Ansunpatim iga wiap in̄cuyoxata jém tánomi Jesucristo con itumpiy in̄j̄ixi.

³⁶ Pero siiga tum p̄ixiñ īj̄ispa iga más w̄i iga jaayíypa jém iyommanic porque naspá jém tiempo iga pictap, jesic w̄i iga jaayiyiñ. Da je tánca. ³⁷ Pero tunḡac p̄ixiñ īj̄ispa iga da īj̄icpa

iga jaayíypa jém iyommanic. Wiap iwát así siiga jém pìxiñ ijodon ìanamànjom iga más wì jém woñi iga da jaayíypa. Wì siiga iwát pa jempic. Datim iwát pa tánca siiga da jaayíypa jém woñi. ³⁸ Jesic siiga jém woñi ijatun ijícpa iga jaayíypa, jesic iwíwadáypa. Y siiga tum woñi ijatun da ijaayíypa jém iyommanic, iwíwadáypatim.

³⁹ Tum yomo da wiap ichac iwídaya cuando danam caane. Pero siiga caaneum iwídaya, jesic jém yomo wiap ipic tungac pìxiñ juuts ixunpa jém yomo. Pero da wiap ijaayíy con tum pìxiñ jém dapic icupícpa Cristo. ⁴⁰ Pero ich anjís pa iga más maymay jém yomo siiga da eybic jaayíypa. Ich animpa iga jém Dios iAnama achi yíp jìxi.

8

Jém mayi jém accaanetawíp jém watnas iwiñjom

¹ Siip manañmadáypa jém asunto de jém mayi jém accaanetawíp jém watnas iwiñjom. Numa tantumpiytam tajixiyta, pero da wì iga tanacujítap. Jesic siiga tanaif jém numapic tóyooyi, jáyanap jém wibic jìxi. ² Siiga algunos ijís pa iga agui jìxiy, todavía itogóyáy jém jìxi jutsap ijodóna. ³ Siiga tantoypa Dios, jesic Dios taixpicpa.

⁴ Siip manañmadáypa siiga wì tançis jém mayi, jém accaanetawíp jém watnas iwiñjom. Tanjodontam iga da ti cuwatcuy jém tungac dios iwát nas icuwíti yíp naxyucmi. Da i más tungac Dios. Nada más tum Dios it. ⁵ Mex idiñ sñyucmi y naxyucmi jáyan jém diosyay jém dapic je nunta Dios. Jém pìxiñtam tsam ijísyajpa jém diosyay juuts iomi. ⁶ Pero taichtam tanjodon iga it nada más tum Dios jém tanjatun Dios. Je iwát itumpiy cosa y taichtam taitta iga tanjístamiñ Dios. Iftim nada más tum jém tánomi Jesucristo. Iwagawatyay itumpiy cosa con tanjatun Dios. Jém Jesucristo tachiiftim jém tamvida.

⁷ Pero it jém pìxiñtam da iwíjodon iga tum Dios it. Algunos como inyujne idic iga ijísyajpa jém watnasyaj, icínpa iga icís pa jém mayi jém accaanetawíp jém watnas iwiñjom. Jém pìxiñtam da iwícutiyíypa jém Dios inmati. Ijís pa ijíxianjom iga ictáncaíypa jém mayi iga icís pa. ⁸ Dios da tapictsonpa siiga tançis pa jém mayi o siiga da tançis pa. Jextim siiga tançis pa y jextim siiga da tançis pa. ⁹ Mimichtam injodontam iga wiap inçista ti quej. Pero cuidado iga inicwatpa tánca tum inñíwi, jém dapic iwícutiyíyñe jém Dios inmati. ¹⁰ Por ejemplo, siiga nicpa inçis mayi jut ijísyajpa jém watnas porque injodon iga jém watnas da iniñ ipimi, jesic siiga miixpa tum inñíwi, jém dapic iwícutiyíyñe jém Dios inmati, jesic wiap inçjacutiyíy, mojpá icupic iga jém watnas iniñ ipimi. ¹¹ Mimichtam iga tsam inwícutiyíypa jém Dios inmati, asíam inictogoy pa tum inñíwi, jém dapic iwícutiyíypa jém Dios inmati. Accaata jém Cristo iga iciacpudiñtim mex jém pìxiñ. ¹² Cuando inicmalwatpa tum jém inñíwi jém dapic iwícutiyíyñe jém Dios inmati, jesic mástim inçjacutiyíypa jém Dios inmati. Siiga inwatpa jempic, jesic inwatpatim tum tánca jém dapic iwianjam jém Cristo. ¹³ Jesic siiga anactánçawatpa antiwi iga ançis pa jém mayi jém accaanetawíp jém watnascim, jesic da nunca ançis pa jém mayi iga odooy anactánçawadiñ jém antiwi.

9

Wì iga wípictsontap jém apóstol

¹ Tsam wíquejpa iga ich atsíy juuts tum apóstol y ich anaif libertad iga anwatpa juuts ixunpa Dios porque ich ánix jém tánomi Jesucristo. Mimichtam miwíputta juuts tum cosecha iga oy manañmadayta jém Dios inmati. ² Siiga jém tungac pìxiñtam nímajpa iga ich da je aapóstol, da anwadáypa caso. Pero michtam inwíjodon iga Dios acutsat iga ananmatpa jém inmati. Cuando michtam inçupicta jém Cristo, jesic quejpa iga Dios acutsat juuts tum apóstol.

³ Yimptic ancutsonpa jém nımyajpáppic iga ich da je aapóstol. ⁴ Ich anait derecho iga ancutpa y ánuca jém achiipáppic jém tantıwıtam. ⁵ Meega ayoomıy, wıap anası jém anyomo juuts jém tunğac apóstolyaj, jém inisıppáppic jém iyomo juuts jém tánQmi itıwıtam y jém Peto. ⁶ ¿Que mimichtam inıjıstámpa iga no más jém Bernabé y ich da wıap antsacta jém anyoxacuy juuts jém tunğac apóstolyaj iga ananmatpa jém Dios inmatı? ⁷ Siiga i nicpa de soldado, da najojóyayıtap iyaac. ¿I inıppa tum finca de uvas y da icútpa uxan jém itım? Siiga tum pıxiñ iwatpa cuenta jém borregoyaj, wıap iuc uxan jém leche. ⁸ Odoy jıstaami iga ich anıxquimi iga annımáypa jém pıxiñtam porque nımpatım ası jém Moisés inquımayooyi. ⁹ Jayñetawum ası jém anquımayooyi, nımpa: “Odoy quiñianjupı jém yunta cuando inepnepcotspa jém trigo iga itobáypa ipac.” Cuando nımpa ası, da nımpa no más de jém xix. ¹⁰ Pero Dios icám como tum ejemplo para taıchtam. Ijaychacne ası jém anquımayooyi iga tayoxpátpa. Tum pıxiñ ijıtpa jém nas, tunğac inepnepcotspa jém trigo. Yoxayajpa icuıstic porque injócyajpa iga ipıctsonyajpa jém iyoxaji. ¹¹ Oy mananquejáy jém wıbıc jıxi juuts tum wıbıc pac anıip. Jeeyucmi wıı iga anchiıtámpa jém wıccuy y titam más atogóyáypa juuts tum ancoñwıyooyi. ¹² Aıchtam más wıap ampıctsonıta jém ancoñwıyooyi que jém tunğac Dios inmatcıwiñ.

Pero da manwágayıtámpa iga anchiıtámiñ titam atogóyáy. Ichtam anyaachıyta iga da ti anchiıta iga odoy inıchactámiñ jém Cristo inmadayooyi. ¹³ Mıchtam inıjodonıtam iga jém pıxiñtam jém yoxayajpáppic jém mastıcjom, jemum ipátyajpa jém iwıccuy. Y jém pıxiñtam, jém iccaayajpáppic jém anımatyaj jém mastıcjom iga iwatyajpa jém sacrificio, tienes que icútpa uxan jém mayı jém iccaanewıip mastıcjom. ¹⁴ Jempıctım Dios icám iga jém inmatpáppic jém wıbıc anmatı jemum ipıctsonpa jém ıcoñwıyooyi. ¹⁵ Da nunca ampıctsonıne jexpic cosa. Ni datım nunca manjáyayıtámpa tum toıto iga manwágáypa alguna cosa iga anchiıñ. Más wıı iga ayuucaba que iga mıchtam mıñımtámpa iga anacwıcpa.

¹⁶ Ich da anacujıptap anyaac iga ananmatpa jém Dios inmatı porque Dios apımiyta iga ananmadıñ. Tsam auuguytim aıch siiga da ananmatpa jém Dios inmatı. ¹⁷ Siiga anwatpa tum yoxacuy juuts ich ansunpa, jesic tienes que ayojıtap. Pero siiga anwatpa juuts apımiy Dios, jesic quejpa iga Dios achi jém cargo. ¹⁸ ¿Jesic jup coñwıyooyi ampıctsonpa? Da ti ampıctsonpa, nada más tsam amaymay porque wıap ananmat jém Dios inmatı. Da antségáypa jém pıxiñtam. Anait jém derecho iga antsécpa, pero da antségáypa jém pıxiñtam iga ananmadáypa jém wıbıc anmatı.

¹⁹ Ich da je aesclavo. Da i anıcuyoxap. Pero atsıy juuts tum esclavo iga anıcuyoxap itumpıy pıxiñtam iga ammétspa más jém pıxiñtam iga icupıcyajiñ jém tánQmi Cristo. ²⁰ Cuando ait con jém Israelpic pıxiñtam, atsıytım juuts jém Israelpic pıxiñtam iga icupıcyajiñ jém Cristo. Cuando ait con jém icupıcneyajwıip jém Moisés inquımayooyi atsıytım juuts tum pıxiñ jém injacnewıip jém Moisés inquımayooyi iga jeeyaj icupıcyajiñtıım jém Cristo. Pero ich da numa anıacpa jém Moisés inquımayooyi. ²¹ Cuando ait con jém pıxiñtam jém dapıc inıjı jém Moisés inquımayooyi, ich atsıypatım juuts tum de jeeyaj iga anyoxpátpa jém pıxiñtam iga icupıcyajiñ jém Jesucristo. Pero ich siempre anıcupıcpa jém Dios inquımayooyi, anwatpa juuts nımpa jém tánQmi Cristo. ²² Cuando ait con jém pıxiñtam jém dapıc iwıcupıcne, ich atsıypatım jextım juuts jeeyaj iga más wıap anyoxpát jém tantıwıtam. Ich atsıypa juuts itumpıy jém pıxiñtam iga anyoxpátpa itumpıy jém pıxiñtam iga icupıcyajiñ jém tánQmi Cristo. ²³ Ich anwatpa itumpıy yıpyaj cosa iga más anıpıguiñ jém Jesucristo inquımayooyi y iga tanıwagapıctsonıtámiñ jém tachiıñewıip Dios.

²⁴ Mimichtam inıjodonıtam iga cuando poymıchpa jém pıxiñtam, pımi poypa itumpıy

jém m̄ichyajpáppic. Pero nada más tum w̄iap icoñw̄iy jém premio. Jesanetim mimichtam wattaami juuts ixunpa Dios con itump̄iy imp̄imi iga w̄iañ in̄coñw̄iy jém w̄ibic premio jém tachiipáppic Dios. ²⁵ Tum p̄ixiñ siiga m̄ichtooba tum apuesto iga poym̄ichpa, jesic ichacpa itump̄iy cosa jém imalwadaypáppic. Iwatpa así porque icoñw̄iytooba tum premio jém dap̄ic jáypa. Pero taichtam tan̄coñw̄iyta tum premio jém dap̄ic yajpa. ²⁶ Pero ich da apoym̄ichpa juuts tum p̄ixiñ jém dap̄ic ijodon̄. Da axajason̄m̄ichpa. ²⁷ Amp̄im̄iy-pa ammij̄tay iga iw̄iwadiñ iga odoy ats̄iyiñ sin premio cuando yajpa anan̄madáy jém p̄ixiñtam jém Dios in̄mati.

10

Naquímyajta iga odoy ij̄isyajiñ jém watnas

¹ Mant̄iw̄itam, ansunpa iga michtam jodón̄ataami iga jém wiñ̄icp̄ic p̄ixiñtam, jém Israelp̄ic, wityajpa jém ucscuc̄im. Áñáy jém Tsabats Lamar, widan̄jacyaj itump̄iy de jeeyaj. ² Cuando iwatpa así, jesic juuts tan̄impa wagaacchin̄yajta con Moisés itump̄iy jém p̄ixiñtam iga ts̄iyajiñ juuts jém Moisés im̄ichi. Iñasca así cuando wagan̄icyajpa con jém Moisés jém ucscuc̄im y widan̄jacyaj jém Tsabats Lamar. ³ Jesanetim itump̄iy icútyaj tumti w̄iccuy jém ichiñew̄ip Dios. ⁴ Itump̄iy iucyaj tumti ni jém ichiñew̄ip Dios. Iucyaj jém ni jém putpáppic jém tsaayucmi jém iwagas̄ipáppic. Jém tsa je jém Cristo. ⁵ Pero ocmi núc jém jama iga Dios da iw̄ian̄jam ti iwatyajpa jém p̄ixiñtam. Caayaj jáyan̄ de jeeyaj jém titsinaxyucmi jém dap̄ic icup̄icyaj Dios.

⁶ Itump̄iy ȳipyaj cosa ts̄iyaj juuts tum ejemplo para taichtam iga odoy tan̄cusúniyiñ jém malop̄ic cosa juuts icusúniyyaj jém wiñ̄icp̄ic p̄ixiñtam. ⁷ Da w̄i iga in̄j̄istámpa jém tun̄gac dios iwatnas juuts iwatyaj jeeyaj. Jaychacnet̄a jém Dios in̄mati ti iwatyaj jém p̄ixiñtam. N̄impa así: “Jém p̄ixiñtam coñ̄yaj iga w̄icyajpa y tsam̄ ucyajpa. Jesic tsucumyaj iga imalwatyajpa tum malop̄ic m̄ichi.” ⁸ Datim w̄i iga tapejóypa juuts iwatyaj jeeyaj y tumti jama caayaj veintitrés mil p̄ixiñtam. ⁹ Datim w̄i iga tan̄cut̄itspa jém tán̄omi siiga tacyojpa jém tant̄an̄ca iga tammalwatpa. Asíam iwatyaj algunos de jeeyaj. Jesic yaj iwascayaj jém tsañ. ¹⁰ Odoy cuj̄iytaami jém tan̄jatun̄ Dios juuts icuj̄iyaj jém wiñ̄icp̄ic p̄ixiñtam y ocmi Dios icutsat tum s̄inyucm̄ip̄ic p̄ixiñ, jém accaoypaap, iga accaayajtañ.

¹¹ Iñascayaj jemp̄ic jém ityajw̄ip wiñ̄igam iga ts̄iyiñ juuts tum ejemplo para taichtam. Jaychacnet̄a ti iwatyaj iga tan̄quejáy iga odoy tammalwadiñ porque s̄ip̄ taittámum jém in̄an̄pigam jama. ¹² Jesic siiga in̄j̄ispa iga agui miw̄iteñ, nawattaji cuenta iga odoy michudiñ. ¹³ Cuando micut̄itstap̄ iga micmalwattap̄, jodón̄ataami iga itump̄iy jém p̄ixiñtam in̄ascayajpat̄im jemp̄ic. Pero jém tan̄jatun̄ Dios siempre iwatpa juuts taj̄ycámayñe. Da ij̄icpa iga más p̄imi micut̄itstap̄ hasta da w̄iap in̄yaach̄iy. Pero cuando núcpa jém hora iga tsam̄ p̄imi micut̄itstap̄, jesic micupujpa jém tan̄jatun̄ Dios. Miyoxpátpa iga w̄iañ in̄yaach̄iyta.

¹⁴ Jeeyucmi mant̄iw̄itam mantoytampáppic, tsactaami iga in̄toytámpa jém watnas. ¹⁵ Ich manan̄madáypa juuts tum mip̄ixiñ tsamp̄ic mij̄ixīy, jeeyucmi mannímáypa, j̄isi ti mannímáypa siiga numa o m̄igooyi. ¹⁶ Taichtam tantump̄iytam tumti tan̄j̄ixi con Cristo cuando tánucpa jém uvas in̄i cuando tan̄wattámpa jém Santa Cena. Tumti tan̄j̄ixi porque tan̄j̄ispa iga itegáy tán̄omi in̄ipiñ iga tayojáy tant̄an̄ca. Jesanetim tumti tan̄j̄ixi con Cristo cuando tan̄wéctámpa jém caxtánañi porque tan̄j̄ispa iga yaachwadayta jém Cristo imij̄tay jém cunusyucmi para taichtam. ¹⁷ Taichtam tsam̄ taj̄ayan̄tam, pero tumti caxtánañi tan̄wagacútta. Jeeyucmi tats̄iyta tumti tammij̄tay porque tan̄cútta tumti caxtánañi, jém tán̄omi Cristo imij̄tay.

¹⁸ Jistaami ti iwatyaj jém Israelpic pixiñtam. Iciis jém mayi jém accaanetawhip jém altaryucmi jut ijisyajpa Dios. Jesic jém pixiñtam tsíy tumti jixi con Dios. ¹⁹ Jesic jistaami ti mannímáy iga jém watnas da ti cuwatcuy. Jém mayi jém accaanetawhip jém watnascim iga iwatyajpa sacrificio, jextim juuts cualquier mayi. ²⁰ Pero mannímáytooba iga jém tungac pixiñtam, jém dapic iixpicpa Dios, cuando iccaayajpa jém animat jém watnas iwiñjom, itoyyajpa tum dios jém dapic je nunta Dios. Ijisyajpa tum mal espíritu. Ich da ansunpa iga inwaganaitpa tum jém mal espíritu. ²¹ Da wíap tánuc jém uvas iñi jém Cristo imichi siiga tánucpatim jém nícuy jém malopic espíritu imichi. Datim wíap tançút jém Santa Cena siiga tançútpatim jém wíccuy jém chiiñetawhip jém mal espíritu. ²² ¿Que inçujóiytámpa Dios? ¿Que michtam más miwíatámpa que jém tanjatun Dios?

Jém itoypaap jém itiwitam da icmalwatpa

²³ Numa juuts nimyajpa iga wíap tanwat cualquier cosa, pero da itumpiy cosa wi. Wíap tanwat titam tansunpa, pero da itumpiy tayoxpátpa iga más wíap tanwat juuts Dios iwianjam. ²⁴ Wi iga tammétsa jutpic tanyoxpátpa jém tantiwitam. Da tansunpa iga tanyaac tanawiwadaytap.

²⁵ Cústaami cualquier mayi jém máytapaap mercado. Odoy acwágooyi iga iñjísipa inñixianjom iga da wi inçis. ²⁶ Porque yíp nas jém tanjatun Dios imichi con itumpiy cosa jém ityajwíap yíp naxyucmi.

²⁷ Siiga tum pixiñ jém dapic icupicne Cristo miñwejáypa iga niguiñ miwiiqui, jesic nictaami siiga miñictamtooba. Cústaami titam michiítamtap y odoy acwágooyi iga iñjísipa iñanamanjom iga da wi inçis. ²⁸ Pero siiga tum pixiñ, jém dapic iwícupicne jém Dios inmatí, miñímáypa iga: “Yíp mayi accaaneta jém watnas iwiñjom juuts sacrificio”, odoy cuuti. Porque siiga inçispa, wíap inictáncaiy jém pixiñ. Ocmi ijísipa iga jém watnas iniit ipimi. Pero odoy jaamannoti iga tánomi imichi itumpiy jém itwíap yíp naxyucmi. ²⁹ Michtam da inçupictámpa iga jém watnas iniit ipimi, pero jém tungac pixiñ, jém dapic iwícupicne jém Dios inmatí, wíap ijís iga iniit ipimi.

Síap mannímáypa tiiga jém tungac pixiñ, jém dapic iwícupicne Dios inmatí, wíap anímáy iga da wi ançis jém mayi. ³⁰ Siiga ich wiñti anchiiba gracia Dios iga ançispa jém mayi, ¿jesic tiiga nimyajpa iga da wi ançis jém mayi? ³¹ Siiga tawícpa o tanícpa o tanwatpa cualquier cosa, watí itumpiy iga cujíptaiñ tanjatun Dios. ³² Siempre wíwattaami iga odoy i inicmalwattámiñ ni jém Israelpic pixiñtam, ni jém dapic je de Israel, ni jém icupicneyajwíap Cristo. ³³ Ich ammétsa iga anwíwadáypa itumpiy jém pixiñtam iga iciacpudiñ Dios. Da ammétsa iga anawiwadaytap anyaac.

11

¹ Seguido wattaami juutstim ich anwatpa porque anwatpatim juuts iwatpa jém tánomi Cristo.

Ti iwatyajpa jém yomtam jut wattap culto

² Mantiwitam, ich tsam mançujíptámpa porque siempre tsam anjístámpa aich y seguido inwattámpa juuts manañquejayñe. ³ Pero ich ansunpa iga inçutiyyítamiñ iga Cristo injacpa cada tumtum jém pixiñ. Y cada tumtum pixiñ injacpa jém iyomo. Jextim juuts jém tanjatun Dios je jém cobacpic de Cristo. ⁴ Siiga tum pixiñ icujimpa icobac cuando inwejpátpa Dios o cuando inmatpa jém Dios inmatí, tum tsaaji para jém pixiñ. ⁵ Pero siiga tum yomo da icujimpa icobac cuando iwatpa oración o inmatpa jém Dios inmatí, tum tsaaji para jém yomo jextim juuts icupoodane jém icobac. ⁶ Jesic siiga tum yomo da icujimpa icobac, más wi iga cupoodaiñ. Pero siiga tsaap jém yomo iga cupoodap juuts inuntajepa icobac, jesic más wi iga icujimpa icobac cuando iwatpa oración. ⁷ Da wi

iga tum p̄ixiñ icuj̄mpa icobac cuando iwatpa oración porque je jém Dios icuwiñ, tsam w̄iquejpa jém ip̄imi. Pero jém yomo watta juuts p̄ixiñ, iniit jém p̄ixiñ ip̄imi. ⁸ Porque da tsucum jém p̄ixiñ jém yomyucmi, pero jém yomo tsucum jém p̄ixiñyucmi. ⁹ Jém yomo watta para jém p̄ixiñ. Pero da watta jém p̄ixiñ para jém yomo. ¹⁰ Jeeyucmi w̄i iga icuj̄imiñ icobac jém yomo como tum seña iga jém iw̄idaya injacpa, jesic jém sinyucmipic p̄ixiñtam iixyajpa iga anjacneta jém yomo. ¹¹ Tienes que ijodon jém icupicneyajw̄ip jém Cristo iga jém p̄ixiñ da w̄iap iit sin yomo y jém yomo da w̄iap iit sin p̄ixiñ. ¹² Numa watta jém yomo con jém p̄ixiñ ip̄opac. Pero jém p̄ixiñ también naypa yomyucmi. Pero itump̄iy cosa jém Dios iw̄ati.

¹³ ¿Anímaayi mimichtam siiga w̄i tum yomo iga iwatpa oración cuando da icuj̄mpa icobac? ¹⁴ Ȳip naxyucmipic j̄ixi mismo tanquejáypa iga tum tsaaji siiga tum p̄ixiñ tsam icyoone iway juuts tum yomo. ¹⁵ Tsam w̄i para jém yomt̄am iga yagats jém iway iga iwaymi icuj̄mpa jém icobac. ¹⁶ Siiga algunos da iw̄ianjam iga an̄mpa así, w̄i iga ijodón̄aiñ iga ni aichtam ni jém Dios ip̄ixiñtam, jém ityajw̄ip jém tungac lugar, da iixpicyajpa tungac costumbre.

*Chiitap j̄ixi jutsap iwat jém Santa Cena
(Mt. 26:26-29; Mr. 14:22-25; Lc. 22:14-20)*

¹⁷ S̄ip manjáyaypa tungac cosa. Da manjúj̄iptámpa. Quejpa iga j̄ut min̄tuumatámpa tsam minimalwadaytam̄ap, da s̄ip in̄w̄iwatta. ¹⁸ Wiñti mann̄imaytooba iga ich ammatone iga cuando min̄tuumatámpa iga in̄wattámpa culto tsam miniwéctam̄ap. Ich an̄mpa iga da migóypa. ¹⁹ Numa, mimichtam tienes que miniwéctam̄ap para que tanjodón̄aiñ i jém in̄untaw̄icupicnew̄ip jém Dios in̄mati. ²⁰ Jesic cuando min̄tuumatámpa, da s̄ip in̄cútt̄a jém Santa Cena jém tachiiñew̄ip jém tán̄omi Jesucristo. ²¹ Cada tumtum min̄jagoytámpa in̄wicta iga da in̄chiitooba ti icútpa jém tant̄iwitam. Jesic algunos yuap y algunos uquiayajpa. ²² Michtam mitigiya j̄ut miwictámpa y j̄ut miñictámpa. Cuando in̄wattámpa así quejpa iga in̄jójixtámpa jém Dios ip̄ixiñtam. In̄chaawattámpa jém pobreyaj. ¿Jesic ti w̄iap mann̄imáy? ¿Que w̄iap manjúj̄ipta? Da aw̄iap porque immalwatneta mimichtam.

²³ Porque Dios achi jém j̄ixi jém manan̄madayñew̄ip. Jém tán̄omi Jesucristo jeetim tsuu cuando wadaytap atraición, imatspic tum caxtánañi ic̄ijom, ²⁴ cuando yaj in̄wejpát Dios, moj iwéc jém caxtánañi con icuyujc̄iwiñ. Nim Jesús: “Pic̄taami, cútt̄aami. Ȳip caxtánañi ich ammiyt̄ay. Ich ammiyt̄ay yaachwattap por mimichtam. Siempre wattaami ȳimpic iga an̄j̄istámiñ aich.” ²⁵ Jesanetim iwat cuando yajum wiiquiyaj, imatspic jém copa ic̄ijom. Nimpa: “Ȳip copa jém jomipic trato jém an̄watpaap con ann̄ipiñ. Wattaami jemp̄ic cada in̄uctámpa ȳip copa iga an̄j̄istámpa aich.” ²⁶ Cuando in̄cútt̄a ȳip caxtánañi y in̄uctámpa ȳip copa, jemp̄igam in̄in̄quejáypa jém p̄ixiñtam iga accaata jém Jesucristo iga tajoj̄ay tantán̄ca. W̄i iga tan̄wattámpa así hasta miñgacpa tán̄omi ȳip naxyucmi.

²⁷ Jesic siiga tum p̄ixiñ, jém dapic in̄ij derecho, icútpa ȳip caxtánañi y iucpa ȳip copa cuando wattap jém Santa Cena, jesic mijpic tan̄ca iwatpa contra jém tán̄omi imiyt̄ay y jém in̄ipiñ. ²⁸ Pero wiñti cada tumtum de mimichtam nac̄ip̄int̄aji in̄yaac, jesic oc̄mi w̄iap in̄cút jém caxtánañi y w̄iap in̄uc jém copa. ²⁹ Siiga tum p̄ixiñ icútpa ȳip caxtánañi y iucpa ȳip copa cuando da in̄ij derecho, tienes que ipictson̄pa tum mijpic castigo porque da ij̄ispa iga jém caxtánañi je jém tán̄omi imiyt̄ay. ³⁰ Jeeyucmi tsam jáyan̄ de mimichtam tsam mim̄m̄neta, da w̄i in̄inj̄amta. Jeeyucmi algunos caaneyajum. ³¹ Porque siiga aw̄inac̄ip̄int̄ap anyaac, jesic Dios da achiiba castigo. ³² Pero cuando Dios tac̄ip̄in̄pa, jesic tachiiba castigo juuts tum iman̄ic iga odooy tamp̄ict̄són̄iñ jém mijpic castigo con jém malopic p̄ixiñtam jém ityajw̄ip ȳip naxyucmi.

³³ Jesic, mantiwitam, cuando min̄tuumatámpa iga in̄wattámpa jém Santa Cena, nan̄jóctantaji con jém in̄tíwítam iga in̄wagacúttámpa jém Santa Cena. ³⁴ Siiga algunos yuap, jesic wí iga n̄guiñ wiiqui iticc̄m. Jesic da ichiiba castigo Dios cuando min̄tuumatámpa iga in̄wattámpa jém Santa Cena.

Jém tungac asunto an̄witsacpa cuando nicpa mánám.

12

Tachiiba jixi jém Dios iAnama cada tumtum de taichtam

¹ Siip, mantiwitam, manacjodónap iga Dios iAnama michiiba jixi iga wíaiñ in̄watta jém Dios iyoxacuy.

² Michtam in̄wijodon̄tam iga cuando danam in̄cupicneta jém tan̄jatun̄ Dios, tsam in̄jictámpa idic iga mimigóyaytam̄ap. In̄cupictámpa idic jém watnas jém dapic jiȳpa.

³ Jeeyucmi siip ansunpa iga in̄jodónatámiñ siiga tum̄ p̄ixiñ imalnímáȳpa jém tán̄omi Jesucristo, quejpa iga Dios iAnama da ichiinē jixi. Jesap̄tim siiga jém Dios iAnama da iyoxpátnē jém p̄ixiñ, da wíap in̄ímáȳ Jesús iga: “Mán̄omi.”

⁴ Jém Dios ipixiñtam̄ ipictson̄yajpa jixi iga wíap iwat w̄ati jém yoxacuy, pero jém ichiñew̄ip tum̄, je jém Dios iAnama. ⁵ W̄ati yoxacuy it iga tan̄cuyoxap̄ jém tán̄omi, pero jém tán̄omi tum̄. ⁶ Jáyan̄ cosa it iga tan̄watpa juuts ixunpa Dios, pero jeetim Dios iyoxpát̄pa itump̄iy jém p̄ixiñtam̄ iga iwatyajpa itump̄iy cosa. ⁷ Jém Dios iAnama ichiiba jixi cada tumtum̄ jém Dios ipixiñtam̄ iga quejiñ iga chiiñetā jém Dios iAnama. Chiiñetā jém jixi iga iyoxpát̄pa itump̄iy jém ipixiñtam̄. ⁸ Jém Dios iAnama iyoxpát̄pa tum̄ p̄ixiñ iga tsam̄ jixiñ̄iy iga wíaiñ in̄mat. Jeetim Dios iAnama iyoxpát̄pa jém tungac p̄ixiñ iga iw̄icut̄ñ̄iȳpa jém Dios in̄quím̄ayooyi y wíap iccuyuj jém it̄iwitam̄. ⁹ Jém Dios iAnama iyoxpát̄pa tungac p̄ixiñ iga wíap iw̄icupic̄ jém tan̄jatun̄ Dios. Jeetim Dios iAnama ichiiba p̄imi tungac p̄ixiñ iga wíap icp̄is jém mim̄neyajw̄ip. ¹⁰ Tungac p̄ixiñ chiitā jém p̄imi iga wíaiñ iwat jém milagroyaj. Tungac p̄ixiñ chiitā jém p̄imi iga wíaiñ in̄mat ti in̄ímáȳ Dios. Tungac p̄ixiñ chiitā jém jixi iga wíaiñ iixpic̄ i in̄is̄iba jém mal espíritu y i in̄is̄iba jém w̄ibic espíritu. Tungac p̄ixiñ chiitā jém p̄imi iga wíaiñ in̄mat tungac an̄mat̄imi. Jém tungac p̄ixiñ chiitā jixi iga icut̄ñ̄iȳiñ̄ jém tungac an̄mat̄i iga in̄mat̄pa ti n̄impa. ¹¹ Itump̄iy ȳipyaj cosa iwat jeetim Dios iAnama juuts je ixunpa. Chiitā cada tumtum̄ p̄ixiñ tungac jixi.

Tantump̄iy tatsíytámpa juuts tumti m̄j̄tay

¹² Jém tán̄omi Cristo jex juuts tum̄ m̄j̄tay. Jáyan̄ cosa it jém m̄j̄tayyucmi, pero tumti m̄j̄tay. ¹³ Tantump̄iytam̄ tatsíytámpa juuts tumti m̄j̄tay porque asíam iwat jém Dios iAnama cuando tacchin̄tam̄ta. Siiga Israelpic̄ tap̄ixiñ o griegopic̄ tap̄ixiñ, siiga taesclavo o da je taesclavo tantump̄iytam̄ tumti tan̄jixi porque tampictson̄neta jém Dios iAnama jém tumtipic̄.

¹⁴ Jesanetim jém tamm̄j̄tay da je tumti cosa it, jáyan̄ cosa it jém tamm̄j̄tayyucmi. ¹⁵ Siiga jém tampuy n̄impa iga: “Ich da je aci, jeeyucmi da je atumti con jém m̄j̄tay”, jesic da wí iga n̄impa así jém tampuy porque tsí̄ya siempre juuts tumti m̄j̄tay. ¹⁶ Siiga tantatsic̄ n̄impa iga: “Ich da je aixcuy, jeeyucmi da je atumti con jém m̄j̄tay”, jesic da wí iga n̄impa así jém tantatsic̄ porque tsí̄ya siempre juuts tumti m̄j̄tay. ¹⁷ Porque siiga jém tamm̄j̄tay naps ixcuy, ¿jesic jutsap̄ tammat̄ón̄óy? Siiga naps tatsic̄ jém tamm̄j̄tay, ¿jesic jutsap̄ tansugóy? ¹⁸ Pero Dios taccám̄ayñ̄eum itump̄iy cosa jém tamm̄j̄tayyucmi juuts je ixunpa. ¹⁹ Siiga jém tamm̄j̄tay naps puy o naps ci, ¿jesic jūt it jém tamm̄j̄tay? ²⁰ Siip w̄ati cosa it jém tamm̄j̄tayyucmi, pero tumti tamm̄j̄tay.

²¹ Jém tán̄ixcuy da wíap in̄ímáȳ jém tan̄ci: “Mich da anyoxpát̄pa.” Y jém tan̄cobac datim wíap in̄ímáȳ jém tampuy: “Mich datim anyoxpát̄pa.” ²² It jém cosa dapic̄ juchan̄ jém

tammijtayyucmi, pero tsam tayoxpátpa. ²³ Jém cosa jém tammijtayyucmi, jém dapic tajayayoxpátpa, mástim tanwíidap. Ittim jém cosa jém tammijtayyucmi da wí tánám, pero tanwíidaptim. ²⁴ Jém cosa jém tsampic wíixtap, da ti itogóyáy. Dios iwat jém tammijtay con itumpiy cosa, jém ityajwíp más tanwíidap, jut da i wí taixáy. ²⁵ Iwat así Dios porque da ixunpa iga nawécyajtaiñ jém ityajwíp jém tammijtayyucmi. Ixunpa iga itumpiy cosa nayoxpátyajtaiñ. ²⁶ Siiga yaachwattap tum cosa, jém itwíp tammijtayyucmi, jesic ijampa itumpiy jém ityajwíp tammijtayyucmi. Siiga wíwadaytap tum cosa, jém ityajwíp jém tammijtayyucmi, jesic maymáayajpa itumpiy jém ityajwíp tammijtayyucmi.

²⁷ Siip mimichtam michíytámpa juuts jém tánomi Cristo imijtay. Cada tumtum de mimichtam michíytámpa juuts tum cosa jém itwíp jém Cristo imijtayyucmi. ²⁸ Jesic Dios iccám jém yoxaciwiñ iga iwatyajpa jém yoxacuy entre jém Dios ipixiñtam. Wiñí iccám jém apóstol, ocmi iccám jém inmatpáppic jém wíbic anmatí, ocmi iccám jém accuyujoypaap, ocmi iccám jém wíapaap iwat jém milagroyaj, ocmi iccám jém wíapaap icpis jém mimneyajwíp, ocmi iccám tim jém iyoxpátpáppic jém itiwitam, ocmi iccám jém injacpáppic jém Dios ipixiñtam, ocmi iccám jém inmatpáppic jém tungac anmatími. ²⁹ Pero da itumpiy jém Dios ipixiñtam accám tap juuts tum apóstol ni juuts tum inmatpáppic jém wíbic anmatí, ni juuts tum accuyujoypáppic. Da itumpiy wíap iwat jém milagroyaj. ³⁰ Da itumpiy icpíspa jém mimneyajwíp, da itumpiy wíap inmat jém tungac anmatími. Da itumpiy wíap tanmadáy ti nimtooba jém tungac anmatí. ³¹ Wadaayi caso iga impictsonpa jém más wíbic yoxacuy jém tachiipáppic Dios. Pero ich manañquejáypa jém más wíbic tun.

13

Jém wíbic tóyooyi

¹ Siiga ich wíap ananmat itumpiy jém anmatí jém ityajwíp yíp naxyucmi y wíaptim ananmat jém sinyucmipic pixiñtam inmatí, pero da atóyóypa, jesic da ti acuwatcuy. Ajax juuts tum campana jém aguípic anjiypa. Ajax juuts tum platillo jém tsampic pími anjiypa.

² Siiga wíap ananmat jém Dios inmatí y wíaptim ancutiiyíy itumpiy jém jixi jém dapic i ijodon y siiga tsam pími ajixíy y tsam ancupicpa iga Dios wíap tayoxpát hasta annímáypa jém cotsic iga cáyiñ jut it y cáypa, pero da atóyóypa, jesic da ti acuwatcuy. ³ Siiga anwécpa itumpiy jém anaitwíp y siiga acijunçotpa ammijtay iga nooquettaiñ, pero da atóyóypa, jesic da para ti wí iga anwatpa así.

⁴ Jém tóyoypáppic iyaachíypa siiga malwadaytap, da malo, da najajóypa, da nimpá iga ich aguí awíap, datim nacujítap. ⁵ Jém tóyoypáppic píxiñ iwíixpa jém itiwitam, da icusúníypa jém más wíbic cosa para je mismo, datim jóytero, da iccáypa jém jooya. ⁶ Jém píxiñ, jém tóyoypáppic, da maymáypa cuando tum píxiñ iwatpa tájca, maymáypa cuando iwíwatpa tum píxiñ. ⁷ Jém tóyoypáppic da cutíñap. Da nunca ichacpa iga icupicpa Dios, ijodon iga tanjatun Dios tawíwadáypa. Siempre iyaachíypa cuando yaachwattap.

⁸ Jém tóyooyi da nunca cuyajpa. Pero núcpa jém jama iga cuyajpa jém ipictsonpáppic jém Dios inmatí, da más ipictsonpa. Cuyajpatim jém pími iga inmatpa jém tungac anmatími. Cuyajpatim itumpiy jém jixi jém itwíp yíp naxyucmi. ⁹ Da itumpiy tançutiíyíypa. Da capsapa tanaanmat titam tanímáypa Dios. ¹⁰ Pero núcpa jém jama iga capsapa jém tanjixi iga tançutiíyíypa. Pero jém dapic capsne jém jixi, cuyajpa.

¹¹ Cuando ich atsíxiñam, anmatpa juuts tsíxi, jextim anjixi y jempictim ançutiíyíypa. Pero cuando amíja, antsac jém tsíxtam ijixi. ¹² Siip tajex juuts tum píxiñ iámpa iwiñpac tum tescatjom da jayawíquejpa. Pero ocmi tanwíixpa. Siip da tançutiíyíypa itumpiy cosa, pero ocmi tançutiíyíypa itumpiy cosa juuts Dios taixpicpa taich. ¹³ Da cuyajpa iga

tañcupicpa Dios, datim cuyajpa iga tanjisa iga Dios tayoxpátpa y datim cuyajpa jém tóyooyi. Icutres da cuyajpa. Pero más pimi wí jém tóyooyi.

14

Jém anmatyajpáppic jém tungac anmatimi

¹ Jesic waday caso más iga mitóyoytámiñ. Metstaami jém pimi, jém tachiiñewiip jém Dios iAnama. Jém más wibic pimi jém tachiiñewiip Dios iga wiap tanañmat jém Dios inmati. ² Siiga tum pixiñ jiyapa jém tungac anmatimi, jém dapic i icutiyyiypa, jesic Dios síp ijíyáy jém pixiñ. Da síp ijíyáy jém pixiñtam porque da i wiap icutiyyi ti nimpá. Jém Dios iAnama iyoxpátpa iga inmatpa jém jixi jém dapic i ijodon. ³ Pero siiga tum pixiñ inmadáypa itiwitam jém Dios inmati, jesic más iwíwatpa. Iyoxpátpa jém itiwitam iga más icutiyyiyajiñ ti ixunpa Dios. Ichiiyajpa jixi iga más iwícupiguiñ jém Dios inmati iga odoy ichaguiñ. Icamamwadayyajpa ianama. ⁴ Siiga tum pixiñ jiyapa tungac anmatimi jém dapic i icutiyyiypa, jesic jém pixiñ nayoxpátta iyaac iga más icutiyyiñ ti ixunpa Dios. Pero siiga tum pixiñ inmadáypa itiwitam jém Dios inmati, jesic iyoxpátayajpa itumpiy jém Dios ipixiñtam iga más iwatyajiñ juuts ixunpa Dios.

⁵ Ich animpa wí siiga inñumpiytam wiap inñiy jém tungac anmatimi, jém dapic i icutiyyiypa. Pero más wí iga ininmatpa jém Dios inmati porque jém inmatpáppic jém Dios inmati más tayoxpátpa que jém jiyapáppic jém tungac anmatimi siiga da i inñumtsacpa jém anmati iga iyoxpádiñ itumpiy jém Dios ipixiñtam. ⁶ Jesic, mantiwitam, siiga nicpa manjójáy iga manañmadáypa jém tungac anmatimi, jém dapic i icutiyyiypa, jesic da wiap miyoxpát. Más wí iga manañmadáypa jém jixi jém achiiñewiip Dios, jém dapic je miñooyi o iga manañmadáypa jém Dios inmati o jém wibic anquímayoyi.

⁷ Siip anaccámpa tum ejemplo. Jém flauta y jém arpa da jixiíy, pero siiga ticstap y da wiap itics parejo, da tañcutiyyiypa jup wañi ticstap. ⁸ Jesanetim siiga jém soldadoyaj da wiap ixus parejo jém trompeta iga icjodonap iga nicpa añajiyaj, jesic jém soldado da i listo. ⁹ Jempictim inñascátampa mimichtam cuando mijiyapa jém tungac anmatimi jém dapic i icutiyyiypa. ¿Jutsap inñodonata jém anmati? Síp inñajaanmat jém anmati. ¹⁰ Tsam jáyan anmati ityaj yíp naxyucmi, pero cada pixiñ wiap icutiyyi jém inmati. ¹¹ Jesic siiga tum pixiñ ajíyáypa inmatimi, pero da añcutiyyiypa, jesic anjodon iga juumipic pixiñ. Jesic jém pixiñ ijodonjim iga ichgacti juumipictim apixiñ. ¹² Mimichtam, numa tsam inwianjamta iga Dios iAnama michiiba jém ipimi, jesic métstaami jutsap inñoyxpátta jém Dios ipixiñtam iga más wiap iwatyaj ti ixunpa Dios.

¹³ Jesic siiga tum pixiñ wiap inmat jém tungac anmatimi, jém dapic i icutiyyiypa, jesic wí iga iwágáyiñ Dios iga iyoxpádiñ iga wiap inmadáy jém itiwitam ti nimpá jém tungac anmatimi. ¹⁴ Siiga anwatpa oración jém tungac anmatimi, jém dapic i icutiyyiypa, jesic jém añanama inwejpátpa Dios, pero da ti cuwacuy jém anjixi. ¹⁵ Jesic ich mannímáypa ti wiap anwat. Ich anwatpa oración con jém añanama y anwatpatim oración con anjixi. Awanpa con añanama y con anjixi. ¹⁶ Porque siiga ininwejpátpa Dios con inñanama, pero da ininwejpátpa Dios con inñixi, jesic jém pixiñ jém dapicnam iwícuuyucane jém Dios inmati, cuando imatonpa iga inwatpa oración, da wiap inwagaanwejpátta Dios porque da icutiyyiypa ti nimpá jém anmati. ¹⁷ Tsam wiap inñchi gracia Dios, pero da inñoyxpátpa jém tungac pixiñtam iga más icutiyyiypa jutsap iwat juuts ixunpa Dios. ¹⁸ Iyucupdios iga ich más wiap anañmat jém tungac anmatimi, jém dapic i icutiyyiypa, que inñumpiytam de mimichtam. ¹⁹ Pero cuando antuumayajpa jém Dios ipixiñtam, ich animpa más wí iga

ananmatpa tum rato con anjixi iga ananquejáypa jém tantiwitam que iga ananmatpa tsam yagatsjom jém tungac anmatimi jém dapic icutiyyiypa.

²⁰ Mantiwitam, odoy jisi juuts tum xutu tsixi. Pero jixiyyaami juuts tum tsamipic pixiñ iga inwicutiyyiypa. Numa wi iga miittamiñ juuts tum xutu tsixi, jém dapicnam imalwatne. ²¹ Nimpa jém wiñicpic anquímayooyi jut jayñeta: “Nimpa Dios iga ich ananmatpa jém nación de Israel con tungac anmati y con jém juumipic pixiñtam. Pero ni jempic datim amatonaypa.” ²² Jém inmatpáppic jém tungac anmatimi wi para jém seña para jém dapic icupicneyaj Dios. Jém inmatpáppic jém Dios inmati wi como tum seña para jém icupicneyajwip Dios. Da para jém dapic icupicneyaj. ²³ Jesic cuando itumpiy jém Dios ipixiñtam antuumaneyaj y itumpiy jyyajpa jém tungac anmatimi y jesic tigiyipa algunos jém dapicnam icuyucane jém Dios inmati o jém dapicnam icupicne, wiap inim iga yip pixiñtam culocoquetneyaj. ²⁴ Pero siiga itumpiy inmatyajpa jém Dios inmati cuando tigiyipa jém dapicnam icupicneyaj o jém dapicnam icuyucane jém Dios inmati, jesic anquejaytap iga táncaiy, iyaac naciipintap cuando imatonpa ti sip inimyaj. ²⁵ Jesic naixtap jém malopic jixi jém inécnewip ianamanjom. Jesic costenactinpa jém pixiñ, moypa inwejpát Dios. Nimpa jém pixiñ iga numa Dios it con mimichtam.

Wi iga idiñ orden jut antuumayajpa jém Dios ipixiñtam

²⁶ Jesic, mantiwitam, cuando minuumatámpa, wi iga inwattamiñ así: Tum pixiñ imaypa tum salmo, tungac inquejáypa tum wibic anquímayooyi, tungac inmatpa tum jixi jém Diospic ichiñe, tungac jyipa jém tungac anmatimi, y tungac pixiñ tanmadáypa ti nintooba jém anmati. Wi iga inwattámpa itumpiy cosa iga jém pixiñtam más iwicupiguiñ jém Dios inmati. ²⁷ Siiga mijiytámpa jém tungac anmatimi, wi iga mijiytamiñ miwisten o mitucuten nada más. Pero jiytaami mitumtum. Ixunpa iga tum inmadiñ jém anmati ti nimpa. ²⁸ Pero siiga da i wiap inmat ti nimpa jém tungac anmatimi, mejor iga odoy jiytaami jém tungac anmatimi jut minuumaneta. Más wi iga jém pixiñ icutum jiyiñ con Dios. ²⁹ Jesaptim cuando minuumaneta, wi iga wisten o tucuten inmatpa jém Dios inmati. Los de más icipijiñ ti nimpa jém pixiñ. ³⁰ Pero siiga Dios ichiiba jixi tungac pixiñ, jém coñwip jem, jesic jém mojuwip inmat jém Dios inmati ichaguiñ iga inmatpa. ³¹ Inumpiytam wiap ininmatta jém Dios inmati juuts Dios michiñe jixi. Pero anmattaami tumtum por mitumtum iga jém pixiñtam wiap icuyucayaj jém Dios inmati, jesic maymayyaj jém Dios ipixiñtam. ³² Jém inmatpáppic jém Dios inmati iwianjaguiñ jém ianama. ³³ Wi iga idiñ orden jut antuumayajpa jém Dios ipixiñtam iga da ti idiyi. Jempictim iwatyajpa jém Dios ipixiñtam jutinqej jut antuumayajpa.

³⁴ Jém yomtám da wi iga jyyajpa jut watap culto jut antuumayajpa jém Dios ipixiñtam. Da i ijigáypa iga jyyajpa. Más wi iga imatóniñ porque asíam nimpa jém Dios inquímayooyi. ³⁵ Siiga ijodónatooba ti nimpa jém anmati, wi iga icwáguiñ jém iwidaaya cuando núcpa iticim. Porque da i iwixpa jém yomo siiga jyipa jém culto.

³⁶ Wijodónataami iga Dios inmati da tsucum mimichtamanjom. Y datim mimichtam incutum impictsonja. ³⁷ Siiga algunos ijispa iga agui wiap inmat jém Dios inmati o ijispa iga tsam iniñt jém Dios ianama, wi iga icutiyyiñ iga Dios tachiiñe jém anquímayooyi jém sippáppic anjay. ³⁸ Siiga tum pixiñ da icutiyyi iga Dios tachi yip anquímayooyi, jesic asíam tsiyiñ.

³⁹ Jesic, mantiwitam, cusuniyi jém pimi iga waiñ ininmatta jém Dios inmati. Odoy anjijaci jém inmatpáppic jém tungac anmatimi. ⁴⁰ Pero wattaami itumpiy cosa juuts tum wibic pixiñ. Wi iga idiñ orden jut antuumayajpa jém Dios ipixiñtam iga odoy cujiñayajiñ.

15

Numa pisneum jém tánomi Jesucristo

¹ Siip mantiwitam, manacjodónatámpa eybic jém wibic anmaṭi iga iñjistámiñ. Yíptim anmaṭi impictsoneta, hasta siip da iñchacne. ² Con yíptim anmaṭi miciaacputtámpa Dios siiga da iñchacpa jém anmaṭi, jém manañmadayñewiip, siiga da minímanṭaayap iga incupicne jém wibic anmaṭi.

³ Wiñti oy manañquejay jém más mijpic anquímayooyi, jém ichpic ampictsonne. Yíp anquímayooyi tanquejáypa iga accaata Jesucristo iga tayojoyta jém tantánca. Asíam nimpá jut jayñeta jém Dios inmaṭi. ⁴ Cumta, pero jém tucunajama pis juuts nimpá jém Dios inmaṭi jut jayñeta. ⁵ Jesic pisneum Jesús, moj iwiñquejay jém Peto, ocmi iwiñquejay jém doce icuyujcwiñ. ⁶ Más ocmi tumti ci iwiñquejay más de quinientos jém icuyujcwiñ. Jáyan de jeeyaj vivo hasta siip, pero algunos caaneum. ⁷ Más ocmi iwiñquejay jém Jacobo. Ocmi eybictim iwiñquejay jém doce icuyujcwiñ.

⁸ Jesic ocmi cuando yaj iwiñquejay itumpiy de jeeyaj, awiñquejaytim aich. Acupiichcúy cuando awiñquejay. Ich ajex juuts tum tsixi iga danam núcne hora iga naypa. ⁹ Ich tum xutupic aapóstol y datim wi iga mannímaypa iga ich aapóstol porque ich tsam ammalwadáy jém Dios ipixiñtam. ¹⁰ Ich numa aapóstol porque Dios tsam ayaachanjám y awiwadáy. Aich da axajacám juuts tum apóstol porque más pimi ayoxane que itumpiy jém apóstol. Pero ich anyaac da anwatpa. Dios tsam ayoxpát iga wiap anwat. ¹¹ Da ti iwatne siiga ich mismo o jém tungac apóstol minmadáypa jém anmaṭi, mimichtam tsam inwicupicneta.

Acpisyajtap jém caaneyajwip

¹² Siiga nimpá jém anmaṭi, jém manañmadayñewiip, iga pisneum jém Cristo de jut it jém caaneyajwip, ¿jesic tiiga nimyajpa algunos de mimichtam iga da pisyajpa jém caaneyajwip? ¹³ Siiga numa da pisyajpa jém caaneyajwip, jesic datim pis jém Cristo. ¹⁴ Siiga da pis jém Cristo, jesic xajatim manañmadáy jém anmaṭi y xajatim incupic jém Cristo. ¹⁵ Siiga da pis jém Cristo, jesic ammigóyanmatpa jém Dios inmaṭi cuando manañmadáy iga Dios icpis jém Cristo. Siiga da je numa iga pisyajpa jém caaneyajwip, jesic da numa Dios icpis jém Cristo. ¹⁶ Porque siiga jém caaneyajwip da pisyajpa, jesic ni Cristo datim pis. ¹⁷ Siiga jém Cristo datim pis, jesic xajatim incupictámpa, da i miyoyayñe jém iñtánca. ¹⁸ Jesic togoyñeyajum jém caaneyajwippic, jém icupicneyajwip Cristo. ¹⁹ Siiga nada más tanjispá iga jém Cristo tayoxpátpa iganam taitpa yíp naxyucmi, más tauuguytim que itumpiy jém pixiñtam.

²⁰ Pero siip numa pisneum jém Cristo de jut it jém caaneyajwip. Je jém wiñtipic cosecha. Jesic quejpa iga pisyajpatim itumpiy jém caaneyajwip. ²¹ Tum pixiñ ictsucum iga caayajpa itumpiy jém pixiñtam yíp naxyucmi. Tungac pixiñ ictsucum iga pisyajpa itumpiy jém caaneyajwip. ²² Caaba itumpiy jém pixiñtam porque tsucumne de Adán. Pero Cristo ictsucum iga wiap ipisyaj itumpiy jém caaneyajwip. ²³ Pispá cada tumtum juuts ixunpa Dios. Wiñti pis jém Cristo, pero ocmi cuando miñgacpa yíp naxyucmi jém tánomi, acpisyajtap jém caanewiip, jém icupicnewiip Cristo. ²⁴ Ocmi miñpa jém inanjigam jama. Jém tánomi Cristo ictogoypa itumpiy jém anjagooyiyaj. Itobáypa ipimi. Iciijunçotpa jém anjagooyi ipimi jém iJatunçim iga Dios injacpa yíp naxyucmi. ²⁵ Porque tienes que tsíypa jém Cristo juuts anjagooyi hasta que icoñwíypa itumpiy jém ienemigoyaj. ²⁶ Cuyajpa jém inanjigam tánenemigo. Cuyajpa iga caaba jém pixiñtam. ²⁷ Dios ichac itumpiy cosa jém Jesucristo ipuyçim iga injacpa. Pero cuando nimpá jém Dios inmaṭi iga Cristo injacpa itumpiy cosa, da nimtooba iga injacpatim jém tanJatun Dios.

²⁸ Cuando itumpiy cosa tsíy jém Jesucristo ipuycim, jesic jém Cristo iyaac ijícpa iga injacpa ijatun Dios, jém ichiñewip itumpiy jém ipimi. Jesic itumpiy cosa Dios imichi, injacpatim itumpiy cosa.

²⁹ Algunos icchinjaypa jém pixiñtam iga iciacpudiñ jém itiwitam jém wiñicpic caaneyaj. ¿Pero tiiga iwatpa jempic siiga da pispa jém caanewip?

³⁰ ¿Tiiga da acinpa iga aitta en peligro itumpiy tiempo siiga da tapispa cuando tacaaneum? ³¹ Mantiwitam, tsam amaymay iga incupicneta jém tánomi Jesucristo. Jeeyucmi da acinpa iga it peligro iga taccaaba cada jama. ³² Tsam pimi anájapa con jém ánenemigoyaj jém atebet Efeso juuts ájapa tum pixiñ con jimñi animat, pero da ti acuwatcu y siiga da pisyajpa jém caaneyajwip. Wiap tanim juuts nimyajpa: “Tawictámpam y tanictámpam porque joymi tacaaba.”

³³ Odoy jici iga i mimigóyápa. Juuts nimpá jém dicho: “Jém malopic compañeroyaj icmalwatpa jém itiwitam.” ³⁴ Tsactaami iga immalwatpa. Wiwattaami eybic juuts tum wibic pixiñ. Porque algunos de mimichtam da iñixpictámpa Dios. Mannímaytámpa así iga michaatámiñ.

Jutsap icpisyaj jém caaneyajwip

³⁵ Pero algunos acwágóyapa, nimyajpa: “¿Jutsap ipisyaj jém caaneyajwip? ¿Juutspic migtay iniitpa cuando pisneum?” ³⁶ Michtam da mijixiíy iga micwágóyapa así porque tanjodon cuando ñiptap tum pac tienes que caaba imayi iga naypa eybic jém pac, tsíyapa tum planta. ³⁷ Ñiptap jém trigo ipac o tungac pac, pero da i iñibáyapa iplanta. Tanñippa tum xutu pac, pero naypa tum mijpic planta. ³⁸ Dios ichiiba juuts ixunpa cada pac jém imigtay jém imichipic. Cada jém pac chiitap jém imigtay. ³⁹ Da itumpiy mayi tumti. Jém pixiñ tungac imayi, jém animat tungac imayi, jém jon tungac imayi, jém ttipi tungac imayi. ⁴⁰ Ityaj jém sinyucmic migtay, ityajtim yip naxyucmic migtay. Jém sinyucmic iniit iwí. Jém naxyucmic tungac iwí. ⁴¹ Jém jama ichoca tungac, jém poya tungac, y jém matsa tungac. Jém matsayaj da tumti ichoca. ⁴² Asíam naspá cuando pisyajpa jém caaneyajwip. Cumtap jém migtay jém púcpápic. Jesic pispa tum migtay dam nunca caaba. ⁴³ Cumtap jém da wibic migtay jém pucpápic. Cuando pispa, tsam wibic migtay. Cuando cumtap da iniit ipimi. Pero cuando pispa iniitum ipimi. ⁴⁴ Cumtap yip naxyucmic migtay. Pispa juuts tum sinyucmic migtay. Ittim jém migtay jém naxyucmic. Ittim jém migtay jém sinyucmic.

⁴⁵ Nimpá jém Dios inmati jut jayñeta: “Jém wiñtipic pixiñ, jém Adán, chiita ivida.” Pero jém inajpigam Adán tum Anama, jém tachiipápic tamvida. ⁴⁶ Wiñti tawatneta juuts jém Adán imigtay, ocmi tawattap juuts jém sinyucmic migtay. ⁴⁷ Jém wiñtipic pixiñ watta con naspótpót, je jém naxyucmic pixiñ. Jém ocmic pixiñ je jém tánomi Cristo jém Miññewip Sinyucmi. ⁴⁸ Jém tammigtay, jém naxyucmic, jex juuts jém pixiñ jém watnetawip con naspótpót. Jém sinyucmic migtay jex juuts jém itwip sinyucmi. ⁴⁹ Tanait jém ámooyi juuts jém watnetawip naxyucmi, jesanetim núcpa jém tiempo iga tanaitpa jém ámooyi juuts jém Miññewip Sinyucmi.

⁵⁰ Mantiwitam, mannímaytooba iga jém tammayi y jém tannipiñ da núcpa sinyucmi jut injacpa Dios. Jém dapic jáyapa da wiap iwaganait jém jáypápic. ⁵¹ Ich manacjodonatámpa sip jém jixi, jém dapic incutiyyiñeta. Da tacaatámpa tantumpiytam, pero tantumpiytam tacucagaytamtap. ⁵² Agui jicsciy tanascaaba así juuts tum pixiñ cuando ijitpa iixcuy. Tacucagaytap cuando sustap jém inajpigam suxi de jém trompeta. Porque tienes que sustap jém trompeta y jém caaneyajwip cupisayyajpa y dam nunca caaba eybic. Y taichtam tavivopic tacucagaytamtap. ⁵³ Jém tammigtay jém dapic jáyapa tienes que joomasetpa iga jáyapa para siempre. Jém tammigtay jém caapápic tienes que joomasetpa

iga da nunca caaba. ⁵⁴ Cuando joomasetpa jém tammijtay, jesic jáypa, da eybic caaba, jesigam cupacum juuts nimpá jém Dios inmati: “Cuyajpa iga caayajpa jém pixiñtam. Jém Cristo icoñwíy jém Wocciwiñ ipimi. ⁵⁵ A que miWocciwiñ, ¿jut it jém impimi iga anaccaatámpa? Micoñwiyñeum jém ánQmi Cristo.” ⁵⁶ Tacaatámpa porque tanwatneta jém tánca. Y tanwattámpa tánca porque da tancupigayta jém Moisés inquímayooyi. ⁵⁷ Siip tanchiiba gracia jém tanJatun Dios porque dam tançinpa iga tacaaba porque jém tánQmi Jesucristo tawitsagayñeum jém tantánca.

⁵⁸ Jeeyucmi, mantiwitam mantoytampápic, siempre wattaami juuts ixunpa Dios, odoy tsactaami jém Dios inmati. Seguido wattaami jém Dios iyoxacuy porque injodonam iga cuando tanwaganayoxa jém tánQmi, da taxajayoxatámpa.

16

Jém tumiñ para Dios iyoxacuy

¹ Cuando inintuumawattámpa jém ofrenda iga inyoxpátpa jém tantiwitam, jém icupicneyajwip Jesucristo, wattaami juutstim anaquejayñe jém Dios ipixiñtam jém naxyucmi de Galacia. ² Cada jém wiñtipic jama de jém semana cada tumtum de mimichtam accáytaami jém tumiñ juuts Dios miwíwadáy jém semana. Jesic cuando anúcpa jemíc, da tanantuumawatpa jém tumiñ. ³ Cuando anúcpa jemíc jut miitta, ancutsatpa Jerusalén jutén jém impixiñtam jém incupinnetanwip iga ininicyajiñ jém tumiñ iga ichiiyajpa jém tantiwitam. Ininipatim tum toto iga wipictsonyajtaiñ. ⁴ Siiga wi iga anicpatim mex aich, jesic ich anwagananicpa.

Ijispá jém Pablo juchis nicpa joyi

⁵ Jesic cuando anicpa, tienes que anaspa jém naxyucmi de Macedonia. Jesic yajpa anaxi Macedonia, anicpatim Corinto. ⁶ Wiap ampoychíy con mimichtam. Wiaptim antsíy entero jém tiempo de succuc. Jesic mimichtam wiap anyoxpát jut anictooba ocmi. ⁷ Ich da ansunpa iga mánixpa no más tum rato iga awidanaspá. Ansunpa iga apoychíypa con mimichtam siiga Dios iwianjam jempic. ⁸ Ich atsiypa jém attebet Efeso hasta naspa jém siñ de Pentecostés. ⁹ Yim ánáyayta jém puerta iga anwatpa jém Dios iyoxacuy, tsam jáyan icupicyajpa jém Dios inmati. Pero ittim wati jém ajóixyajpápic.

¹⁰ Siiga núcpa jemíc jém Timoteo, jici iga miwaganayoxap sin çini porque je iwatpatim jém Dios iyoxacuy juutstim aich. ¹¹ Jeeyucmi mannímáypa, wixi jém Timoteo inñumpiytam, yoxpáttaami iga maymáyañ iga niguiñ más juumi. Porque sip ananjócta jém Timoteo con jém tungac tantiwitam iga miñyajpatim yim.

¹² Siip manañmadáypa ti inasca jém tantiwí Apolo. Tsam ançunucsay iga niguiñ mijóyáy con jém tantiwitam, pero ijispa iga siip da wiap. Nicpa tungac jama cuando iniit lugar.

Pablo idioschiiba jém iamigoyaj

¹³ Odoy monñtaami, odoy tsactaami jém Dios inmati. Wattaami juuts tum pixiñ jém tsampic iwicyujcane jém Dios inmati. ¹⁴ Jesic titam inwattámpa, wattaami con jém wibic tóyooyi.

¹⁵ Siip mantiwitam, michtam injodonam iga jém Estéfnas con jém itiwitam jeeyaj jém moiwip icupicyaj Cristo jém naxyucmi de Acaya. Jeeyaj tsam iyoxpátyajpa jém icupicneyajwip jém Cristo. ¹⁶ Ansunpa siip iga inwixtámiñ itumpiy juuts jeeyaj, jém tsampic yoxayajpa y jém iyoxpátyajpápic jém tantiwitam. ¹⁷ Agui amaymay porque miñneum jém Estéfnas, jém Fortunato y jém Acaico. Miñ iwatyaj jém yoxacuy jém michpic da wiap inwatta porque da miita yim. ¹⁸ Jeeyaj tsam amaymaywat y mimaymaywattim mex mich. Jeeyucmi animpa wi iga tanwixtámiñ jexpic pixiñtam juuts jeeyaj.

¹⁹ Jém Dios ipixiñtam, jém aḡtuumayajpáppic jém naxyucmi de Asia, micutsadáypa waḡtidios. Jém Aquila y Priscila con itumpiy jém Dios ipixiñtam, jém aḡtuumayajpáppic iticcim, micutsadáypatim waḡtidios jém tánQmi Cristo iñiyimi. ²⁰ Itumpiy jém tantiwitam, jém ityajwip yim, micutsadáypatim waḡtidios. Nadioschitamtaji con tum aḡnacatsuuchi.

²¹ Siip ich aPablo manjáyáypa aḡcim yíp aḡmati iga mandioschitámpa.

²² Jém ḡapic itoypa jém tánQmi Jesucristo, wi iga ipictsóñiñ jém castigo. Siip, mánQmi, miñi.

²³ Jém Jesucristo miwattámiñ cuenta. ²⁴ Agui mantoytámpa iñtumpiytam, jém iḡcupicnetaḡwip Jesucristo. Jemum cuyaj.

Jém segunda carta jém ijáyayñewiip Pablo jém Corintopic pixiñtam

Pablo idioschiiba jém Dios ipixiñtam jém ityajwiip jém attebet Corinto

¹ Ich aPablo. Jesucristo accám juuts tum apóstol porque jempigam ixunpa tanJatun Dios. Siip ich con jém tantiwí Timoteo manjáyaytámpa mimichtam, jém Dios mipixiñtam, jém miñtuumatampáppic jém attebet Corinto. Anjáyaypatim itumpiy jém Dios ipixiñtam icuwíti jém naxyucmi de Acaya. ² Siip jém tanJatun Dios y jém tánomi Jesucristo miwíwadaytamiñ, michiitamiñ paz.

Nimpa Pablo iga tsam yaachwatta

³ Siip tanjucijptámpa jém tanJatun Dios jém tánomi Jesucristo iJatun. Tsam tayaachanjampa, tacpocsáypa tánanama. ⁴ Dios tsam tacpocsáypa tánanama cuando pími tayaachwattap, jesic taichtam wiaptim tanacpocsáypa iñamamayaj jém yaachayajpaap jextim juuts Dios tacpocsáypa tánanama. ⁵ Tsam pími tayaachwattaptim yíp vida jextim juuts yaachwatta jém Cristo. Jesic jeetim Cristo icuyucmi tacpocsayta tánanama iga tanyaachíyíñ cuando tayaachwattap. ⁶ Jeeyucmi aichtam ayaachwattamtap iga manyoxpáttámpa iga Dios micpocsáyíñ iñanama y miciaacputtamtaiñ. Jeeyucmi aichtam acpocsayta ánanama iga michtam wiaíñtim iñyaachiyta cuando miyaachwattamtap jextim juuts aichtam cuando ayaachwattamtá. ⁷ Anwijodon iga mimichtam da iñchactámpa jém Dios inmati porque siiga miyaachwattamtap juuts aichtam, numa Dios micpocsáypatim iñanama juuts aichtam acpocsayta ánanama.

⁸ Mantíwítam, ansunpa iga iñjodonatamiñ iga tsam pími ayaachwattamtá jém naxyucmi de Asia. Tsam pími acutítstamtá hasta casi da wiap anyaachiyta. Ich anjístámpa idic iga jemum accaatamtap. ⁹ Ich anjampa juuts apreso, jém accaatapáppic. Dios ijícpa iga annascaaba jempic iga odoy ancupiguiñ iga ich wiap anyoxpáttá anyaac. Iwianjam tanJatun Dios iga ancupiguiñ iga je icutum wiap ayoxpát, je wiap icpis jém caaneyajwiip. ¹⁰ Dios taciaacputta iga da tanicpa jém infierno. Jesic taciaacputpatim cuando tanascaaba jém mijpic yaachaji. Tannuntawijodon iga siempre taciaacputtámpa. ¹¹ Siiga mimichtam anyoxpáttamtooba, anwejpáttaami Dios para aichtam. Siiga wati pixiñtam inwejpátayjpa Dios para aichtam, jesic núcpa jama iga jáyan pixiñtam ichiyajpa gracia Dios iga tsam awíwadayñeta.

Tiiga jém Pablo da nicpa jobit jém attebet Corinto

¹² Aichtam agui amaymáyata porque anjodon ánanamanjom iga anwíwatne yíp naxyucmi y mimichtámanjom juuts anquejáy Dios. Ich da anwíwatne ich anjiximi, yíp naxyucmipic, pero anwíwatne porque Dios tsam ayaachanjam y ayoxpát iga wiaíñ anwíwat. ¹³ Itumpiy jém cosa, jém siippic manjáyáypa, wiap immay y wiaptim inwicutiyyiyta. Ansunpa iga odoy nunca tsaci iga incutiyyiytamiñ. ¹⁴ Siip incutiyyiyñeum en parte. Cuando miñgacpa yíp naxyucmi jém tánomi Jesucristo, michtam tsam mi-maymáyatámpa con aichtam y aichtam agui amaymáyatámpatim con michtam.

¹⁵ Ich anjampa ánanamanjom iga amaymáyatámpa con mimichtam. Jeeyucmi ich anjísipa iga wiñti manjoyñasáypa cuando anaspa jem. Jesic cuando asetpa, eybic manjoyñasáypatim. ¹⁶ Anjísipa iga manjoyñasáypa cuando anicpa jém naxyucmi de Macedonia. Ocmi cuando asetpa, eybic anaspa iga apoychíypa tum rato con mimichtam, jesic wiap anyoxpátta cuando anicpa jém naxyucmi de Judea. ¹⁷ ¿Que michtam iñjísipa iga

mammigóyáypa porque hasta siip da oyñe mánámta? ¿Que iñjísipa iga ich ajex juuts tum pxiñ jém dapic icupicne Dios iga wiap anim tum rato iga anicpa y tungac rato animpa iga da anicpa? ¹⁸ Pero Dios ijodon iga aichtam da mammigóyayta, da mannímayta jeeti rato iga anicpa y jeeti rato iga da anicpa. ¹⁹ Ich con Silvano y Timoteo oy manañmadayta de Jesucristo jém Dios iManic. Yíptim Cristo siempre iccupacpa ti tanímayñe, da tamigóyáypa. ²⁰ Juť tanañwejpáttámpa Dios wí iga tanimtámpa “Jempigam it wí” porque tanjodon iga jém tánomi Cristo iccupacpa juuts tajíycamayñe Dios. Jeeyucmi tanimpa iga “Jempigam it wí.” Asíam tanjucijptámpatim jém tanjatun Dios. ²¹ Siip mimichtam y aichtam Cristojam tammichitam porque jém tanjatun Dios tacupineta y tamichaneta. ²² Dios taccámayñeta tum sello iga quejiñ iga Dios tamichi. Tachiitamta jém Dios iAnama tánanamanjom iga tanjodónatamiñ iga seguro tampictsonjámpa titam tachiiba Dios.

²³ Danam nicne manjójáy juuts anjísne idic porque da manwogaytooba. Dios tsíy juuts tum testigo iga da mammigóyáypa. ²⁴ Ich da mampimiytooba juuts tum anjagooyi porque michtam inwicupicneta jém tánomi Jesucristo juuts aichtam. Más wí iga tanwaganayoxatámpa iga tanaítamiñ jém wibic maymáyají. Seguido incupicpa iga Cristo miyoxpátpa, da iñchacpa iga incupicpa.

2

¹ Jeeyucmi ich anjís iga da nicpa manjójáy iga eybic mantsiganjácwatpa iga manwogáypa. ² Siiga ich mantsiganjácwattámpa, ¿jesic i wiap amaymaywat aich? Da i más, solamente mimichtam jém mantsiganjácwatnewip. ³ Jeeyucmi manjójáy juuts manjójáyñe porque da anictooba iga mantsiganjácwattámpa mimichtam. Más anwanjam iga ammaymaywattámpa aich. Annuntawijodon iga cuando ich agui amaymáyp, jesic michgacti agui mimaymáyatámpa iñtumpiytam. ⁴ Jesic manjójáy jém wiñtipic toto, agui pimi manjísipa, pimi anyácne hasta awejpa. Pero da manjójáyta iga minjyáctamiñ, manjójáyta iga manacjodónap iga ich tsam pimi mantoytámpa.

Pablo iwadáypa perdón jém pxiñ jém imalwatnewip

⁵ Siiga jém tantíwi, jém imalwatnewip, tatsiganjácwattámpa, da solamente anyácpa aich, pero minjyáctámpatim mimichtam. ⁶ Siip itum wí jém castigo, jém iñchiiñewip jém tantíwi jém imalwatnewip. Odom chi más. ⁷ Siip más wí iga tanwadáyíñ perdón y tanacpocsáypa ianama. Da wí iga pimi anyácpa yíp pxiñ hasta ichacpa Dios inmati. ⁸ Jeeyucmi mancunucsáypa iga anquejaayi yíp pxiñ iga eybic iñtoytámpa. ⁹ Manjójáyñe wiñti iga iñchiiñ castigo jém pxiñ iga mancutitstámpa siiga numa inwattámpa juuts manañquejayñeta. ¹⁰ Siiga mimichtam inwadayñeum perdón jém pxiñ, jesic ichgacti anwadáypatim perdón. Porque siiga ich anwadáy perdón algun pxiñ, anwadáyum así iga manyoxpáttámpa jém tánomi Cristo icuyucmi. ¹¹ Wí iga tanwadáy perdón jém imalwatnewip, jesic jém Wocciwiñ da wiap tacoñwíy. Porque tanjodon iga jém Wocciwiñ tsam jáyayanjichich.

Anyácne Pablo jém attebet de Troas

¹² Cuando nic anañmat jém tánomi Jesucristo inmati jém attebet Troas, tanjatun Dios tsam achi yoxacuy jemíc. ¹³ Tsam anyácne ánanamanjom porque da ampát jém tantíwi Tito. Jeeyucmi anañquímajum jém tantíwitam jemíc, aset jém naxyucmi Macedonia.

Jém tánomi Jesucristo tsam tayoxpátpa

¹⁴ Pero iyucupdios iga jém tánomi Jesucristo siempre tayoxpátpa iga tancoñwíytámpa jém Wocciwiñ ipimi. Tayoxpátpatim iga tananictámpa jém Dios inmati jutquej juuts tum wibic ciñi núcpa jutíñquej. ¹⁵ Aichtam ajextam juuts jém poma ijoco iciñi juuts jém Jesucristo iñoaypaap ijatun. Núcpa jém iciñi jut it jém iciacputyajpáppic y jut it

jém togoyyajpáppic. ¹⁶ Cuando ixucpa jém togoyyajpáppic, da ipictsonyajpa. Jém dapic iwianjam cuando ixucpa, iccaaba. Pero cuando ixucyajpa jém iciacputyajpáppic Dios, jesic jém cñi ichiiba vida. Tsam mij yíp yoxacuy, da i wiap iwat siiga Dios da tayoxpátpa. ¹⁷ Aichtam da síp anwatta negocio con Dios inmati. Da anañcodiytámpa juuts algunos tsam incodíypa. Pero aichtam manwianquejáypa jém wibic anquímayooyi, jém dapic je migooyi, porque aichtam Dios acutsatta. Anañmattámpa juuts aixtámpa Dios, juuts ayoxaciwiñ de jém tánomi Jesucristo.

3

Anmadayta jém pixiñtam de jém jomipic pacto

¹ Cuando mannímaytámpa jempic, ¿que iñjístámpa iga anyaac anacujíptap? ¿Que iñxunpa iga manñjuncodáypa tum toto iga ánixpictámiñ, iga da amalotam? ¿Que iñxunpa iga manwágáypa tum toto iga ánixpictámiñ juuts iwatyajpa algunos? ² Mimichtam mismo mitoto iga quejpa iga anwíwatne. Jém jaycámnewiip anañamanjom jém tansuntampáppic. Jesic itumpiy iixpicpa y wiap imay. ³ Mimichtam mitoto jém ijayñewiip jém Jesucristo iyaac y acñjuncodayta aichtam iga ananicpa jém tungac pixiñtamanjom. Mijex juuts mitoto, pero da mijayñe con tinta, mijayñe con jém Dios iAnama jém vivopic. Yíp toto dapic i ijaycámne jém tsaatablayucmi, pero jaycámnetá jém pixiñ ianamayucmi.

⁴ Animpa así porque ancupicpa iga Dios wiap iwat itumpiy cosa porque ánixpicne jém tánomi Jesucristo. ⁵ Aichtam anyaac da ti wiap anwatta, pero itumpiy jém wiapaap anwat, anwatpa porque Dios ayoxpátne. ⁶ Dios ayoxpátne iga anañmadáypa jém pixiñtam jém jomipic trato. Yíp jomipic trato da nimpá iga tancupicpa jém wiñicpic anquímayooyi, jém jayñewiip, pero nimpá iga tampictsonpa jém jomipic vida, jém tachiiñewiip jém Dios iAnama. Porque jém wiñicpic anquímayooyi, jém jaychacnewiip, taccaaba, pero jém Dios iAnama tachiiba vida.

⁷ Jém Moisés inquímayooyi jaycámnetá jém tsaatablayucmi. Tsam pimi tsocpa jém Moisés iwiñpac cuando inimiñ jém anquímayooyi. Hasta jém Israelpic pixiñtam da wiap iámyaj. Tsam pimi tsocpa, pero jeeti rato píchpa ixi. Pero siiga tsam pimi tsocpa jém Moisés iwiñpac cuando inimiñ jém wiñicpic anquímayooyi, jém taccaapáppic, ⁸ jesic más pimi wi jém wibic juctiantsoca jut núc jém anmati jém inimiññewiip jém Dios iAnama. ⁹ Tsam pimi tsocpa jém anquímayooyi, jém taccaapáppic, pero más pimi witsocpa jém wibic anmati, jém nimpáppic iga Dios tapictsonpa. ¹⁰ Porque siip jém pecapic anquímayooyi, jém tsampic tsocpa idic, dam para ti wi porque ni uxaj da ictsíypa juuts yíp jomipic anquímayooyi. Je más pimi witsocpa. ¹¹ Porque siiga tsam wiquejpa iga miñ Dioscñim jém anquímayooyi, jém dapic jáypa, tienes que más wiquejpa iga miñ Dioscñim jém tungac anquímayooyi, jém jáypáppic para siempre.

¹² Como aichtam anwijodon iga más wi yíp anquímayooyi, jeeyucmi annu-umanmattámpa, da ti ançinpa. ¹³ Da tanwatpa juuts jém Moisés. Je icujimpa iwiñpac con tum yic puctucu iga jém Israelpic pixiñtam odoy iixayyajiñ iga píchpa ixi jém iámooyi, jém aguipic tsocpa. ¹⁴ Pero jeeyaj da icutiyyiyajpa. Hasta siip cuando imayyajpa jém wiñicpic anquímayooyi, jém pixiñtam juuts icujimneyaj iwiñpac con jém yic puctucu y da wiap iguixixóy. Da i iccáyayñe jém puctucu porque da i wiap iccáyáy hasta que icupicyajpa jém Jesucristo. ¹⁵ Hasta siip cuando imayyajpa jém Dios inmati, jém ijayñewiip jém Moisés, jém pixiñtam juuts anjimne ijixi con jém yic puctucu. Jeeyucmi da wiap icutiyyiyaj jém Dios inmati. ¹⁶ Pero cuando tum pixiñ icupicpa jém tánomi Cristo, jesic accáyaytáp jém yic puctucu. ¹⁷ Jém tánomi je jém Dios iAnama. Jut it jém tánomi iAnama, cutsigayñetawum jém pixiñtam iga odoy más icupicyajiñ jém Moisés inquímayooyi. ¹⁸ Jeeyucmi taichtam como taccáyayñetawum jém yic puctucu

tanwiñpacyucmi, tajextam juuts tum tescat. Quejpa jem tanwiñpacyucmi jem tánQmi ichoca. Cada jama más y más tacucacpa iga más y más tatsíypa juuts jem tánQmi Cristo. Más pimi tawitsocpa hasta más quejpa jem Cristo. Iwatpa jempic jem tánQmi iAnama.

4

¹ Jesic jem tanJatun Dios ayaachanjanta y ayoxpáttampa iga wiñiñ anwatta jem Dios iyoxacuy, jeeyucmi da antsacta. ² Siip ich antsacneum jem migooyi, jem anñecnewiip, jem tatsaawatpáppic. Da asiitampa juuts jem pixiñtam jem tsampic jáyayanjichich. Da ançucagáy jem Dios inmati. Ananmattampa jem numapic anquímayooyi. Jesic itumpiy jem pixiñtam ijodon anamanjom iga da ammigóyáypa. Ijodonjim jem tanJatun Dios. ³ Da anñecne yip wibic anmati. Solamente anñecne para jem pixiñtam jem togoyyajpáppic. ⁴ Como jeeyaj da icupicyajpa yip wibic anmati, jem Wocciwiñ, jem yippic naxyucmic dios, icáchtiwatne jem pixiñtam, jem dapic icupicyajpa Cristo, iga odoy icutiñyiyiñ y odoy wiñiñ iixyaj jem wibic jucti antsoca, jem wibic anmati, jem tachiñewiip jem tánQmi Cristo; je jem Dios icuwiñ. ⁵ Cuando ananmattampa, da ananmattampa aichtampic ananmati. Ananmattampa iga jem Jesucristo je tánQmi. Aichtam nada más amozotam iga mançuyoxatampa porque tsam tatoypa jem Jesucristo. ⁶ Porque jeetim Dios iwat jem jucti iga yicquejóypa jem piichcim cuando mu iwat yip nas. Jeetim Dios tayicquejpa tananamanjom iga wiñiñ tánix jem wibic Dios jem Jesucristo iwiñpacyucmi.

Wi iga tanaitpa fe iganam taittampa yip naxyucmi

⁷ Pero taichtam tanait yip wibic jucti antsoca jem nassuunjom. Yip nimtooba jem tammijtay. Jesic quejpa iga Dios tachiiba yip tsam mijpic pimi, da je taichtam tampimi. ⁸ Aichtam ayaachwattamtap jutquej, pero siempre tacupujtap. Da anjodonjam ti wiap anwatta porque tsam it jem enemigo. Pero da nunca anjisa iga acoñwiypa. ⁹ Tsam amalwadaytamtā, pero Dios da atsacta ancutum. Accutiñtamta naxyucmi, pero da i wiap mu accaata. ¹⁰ Jutquej anicpa, accaata tooba juuts accaata jem Cristo. Pero jutquej anicpa, quejpa iga vivo jem Cristo porque tsam acupujpa. ¹¹ Ich anjodon iga accaata tooba itumpiy jama jem Jesucristo icuyucmi. Jempam quejpa iga anaitta jem Cristo ivida jem ammijtayyucmi, jem caapáppic. ¹² Tsam ayaachwattamtap yip naxyucmi. Accaatamtooba aichtam, pero mimichtam impictsonjtampa jem vida jem tachiñewiip jem Jesucristo.

¹³ Nimpa jem Dios inmati jem jayñewiip: “Ich ancupicpa iga Dios wiap tayoxpát.” Jesanetim aichtam ancupicpatim juuts jem pixiñ jem ijayñewiip jem Salmo iga Dios wiap tayoxpát, jeeyucmi wiap ananmat jem wibic anmati. ¹⁴ Ich anjodon iga Dios, jem icpisnewiip jem tánQmi Jesucristo de jut it jem caaneyajwip, tacpispatic taichtam y tananictamtap tantumpiytam jem Dios iwiñjom. ¹⁵ Annascata jem yaachaji mimichtam inçuyucmi iga miwíwadáypa Dios. Porque cuando wíwadayyajtā, tsam jáyan pixiñtam ichiyajpa gracia Dios, icujípyajpa.

¹⁶ Jeeyucmi ich da nunca antsactamtooba jem Dios inmati. Tsam ayaachwattap. Yajtooba jem ammijtay, pero cada jama jomasetpa jem ananama. ¹⁷ Yip yaachaji jicsciy naspā, da jáypa cuyajpa, pero jem tançoñwiyooyi siñyucmi tsam pimi wí, da nunca cuyajpa. Jeeyucmi tanjampa iga yip naxyucmic yaachaji da más pimi y da más jáypa. ¹⁸ Da tanwadáypa caso jem cosa jem tánixpáppic, pero tanwadáypa caso jem dapic tánixpa porque jem tánixpáppic cuyajpa. Jem dapic tánixpa, je da nunca cuyajpa.

5

¹ Siip tanjodon iga misap jem tammijtay yip naxyucmi jex juuts tum tic dapic jáypa. Pero Dios tawadayñe tum tic siñyucmi, jem dapic nunca misap, jem dapic je pixiñ

iwati. ² Numa, iganam tait yíp naxyucmi tsam tanjiswa jém sinyucmipic tic. Tsam tanjucagaytooba yíp tammijtay iga nicpa taiti jém sinyucmipic tic. Yíp nimtooba jém jomipic mijtay. ³ Anaccámpa juuts tum jomipic yooti iga odoy atsiyiñ ancusici. ⁴ Iganam anait yíp ammijtay juuts tum tic agui anyácne, tsam anjiswa iga antsactoooba jém ammijtay. Da antsactoooba yíp pecapic yooti iga atsiypa ancusici, pero antsactoooba iga ampictsonpa jém jomipic yooti. Jesic cuyajpa yíp naxyucmipic mijtay, jém caapáppic, ampictsonpa jém jomipic mijtay jém dapic caaba. ⁵ Dios tawitsagáy tánanama iga wíap tampictson jém jomipic mijtay jém dapic cuyajpa. Tachiiñeta jém Dios iAnama iga tacjodónap iga numa tampictsonpa jém tachiipáppic Dios.

⁶ Jeeyucmi ich anwicupicpa iga achiiba titam ajycámayñe Dios. Siip iganam anait yíp ammijtay, anjodon iga danam ai con jém tánomi Cristo. ⁷ Tantúnjyipa jém Cristo porque tanjucupicpa iga tayoxpátpa. Da tantúnjyipa porque wíap tánix. ⁸ Ich tsam anwicupicpa iga Dios achiiba titam ajycámayñe. Jesic más anwianjam iga antsacpa yíp mijtay yimpic anait iga wíaiñ nicpa aiti con tánomi. ⁹ Jeeyucmi aichtam tsam anwadaytampa caso titam ixunpa Dios siiga anaitñam yíp ammijtay, o siiga anicneum. ¹⁰ Tantumpiytam tacnastamtap jut cipínóyipa jém Cristo. Cada tumtum de taichtam tajojtap juuts tanwatta iganam tait yíp vida. Siiga tanjwíwat o tammalwat.

Jutsap tantsíyta como taamigo con Dios

¹¹ Aichtam anjodon iga jém tánomi tum mijpic anjagooyi, ichiiba castigo jém pixiñtam jém imalwatneyajwíp. Jeeyucmi ich tsam anwadáypa caso iga ananmadáypa jém pixiñtam jutsap iciputyaj de jém castigo de Dios. Jém tanjatun Dios iwíjodon juutspic apixiñ. Ansunpa iga michtam jodónataamitim juutspic apixiñ. ¹² Da síp anacujípta anyaac, no más manchiiba lugar iga mimaymáyatámiñ con aichtam, jesic wíap ininjijyac jém pixiñtam jém tsampic nacujíptap iyaac. Jeeyaj tsam iwadáypa caso jém cosa jém tánixtampáppic, pero da ijiswa ti iniit íanamajom. ¹³ Nimyajpa jém pixiñtam iga ich aloco porque tsam anjucyojap Dios. Siiga aloco, wí para Dios. Siiga da aloco, wí para mimichtam. ¹⁴ Jém Cristo itóyooyi tapimíyipa. Tanwijodon iga jém accaatawíp accaata para itumpiy jém pixiñtam, jesic itumpiy caayaj. ¹⁵ Accaata jém Cristo para itumpiy jém pixiñtam. Siip jém ipictsonnewíp jém jomipic vida da iwatpa juuts ixunpa iyaac, pero iwatyajpa juuts ixunpa Cristo, jém accaanetawíp por jeeyaj, jém siippic pisneum. ¹⁶ Da anjiswa tum pixiñ juuts yíp naxyucmipic. Wiñic anjiswa idic jém Cristo juuts tum yíp naxyucmipic pixiñ, pero siip da más anjiswa jempic. ¹⁷ Jesic siiga tum pixiñ iwaganait Cristo, tsíy juuts tum jomipic pixiñ. Cuyajneum itumpiy jém wiñicpic jixi, jesic itumpiy cosa jomiñam.

¹⁸ Tawadayta jempic jém tanjatun Dios cuando icutsat jém Cristo iga tawitsagayta tantánca iga tatsíytámiñ taamigo con Dios. Siip taccám juuts tum iyoxac#wiñ iga tananmadáyiñ jém pixiñtam iga wíaiñ ichíyyaj amigo con Dios. ¹⁹ Tanacjodónap jém pixiñtam iga Cristo iwaganait Dios yíp naxyucmi. Oy iwitsagáy jém pixiñtam itánca iga odom más tsíyyajiñ juuts enemigo con Dios. Dam más ichégáypa jém pixiñtam itánca. Taichtam tachiita jém cargo iga tananmadáypa jém pixiñtam jém wibic anmatí iga dam más tsíypa juuts enemigo con Dios. ²⁰ Ich acutsat Cristo juuts tum representante. Manjucunucáypa juuts Dios micunucáypa iyaac iga michíytámiñ amigo con Dios. Manjucunucáypa jém Cristo iníyimi iga odom más michíyiñ juuts enemigo con Dios. ²¹ Jém Jesucristo da wat ni tum tánca, pero por culpa de taichtam, Dios iix jém Cristo juuts tum pixiñ táncaiywíp. Jempam wat Dios iga taichtam tatsíytámiñ juuts tum wibic pixiñ jém Dios iwíñjom porque Cristo tamichi.

6

¹ Jesic aichtam aṅwaganayoxatámpa Dios, jeeyucmi maṅcunucsáypa mimichtam iga odoy xajapictsonj; jém Dios ifóyooyi, jém siippic minquejayñe Dios. ² Nimpa jém Dios inṁaṁti jut jayñeta:

Cuando núcpa jém tiempo iga tawiwadaytooba Dios, jesic tamatoṅtámpa.

Cuando núcpa jém jama iga taciacputtámpa Dios, jesic Dios tayoxpáttámpa.

Siip núcum jém tiempo iga tawiwadáypa Dios. Siip núc jém jama iga taciacputtamtap.

³ Agui anawattap cuenta anyaac iga odoy ammalwadiñ porque jesic da i imalnímáypa yíp anyoxacuy. ⁴ Titam annascaaba anyaachiytámpa iga quejiñ iga aṅcuyoxatámpa Dios. Cuando ayaachwattap y cuando it jém yaachaji, da anai titam atogóyáy, aichtam anyaachiytámpa. ⁵ Cuando tsam acótstamtap y apajtamtap y tsam it jém ajóyixpáppic, jesic anyaachiytámpa. Cuando tsam pimi ayoxatámpa iga aṅwattámpa jém Dios iyoxacuy hasta da wiap ammonṁa y tsam ayuatámpa, jesic anyaachiytámpatim. ⁶ Quejpa iga aṅcuyoxatámpa Dios porque siempre aṅwiwattámpa, aṅcutiyyiytámpa jém numapic aṁaṁti, anyaachiytámpa cuando ayaachwattamtap, da amalotam, anaifta jém Dios iAnama, anaifta jém wibic tóyooyi. ⁷ Anaṁmattámpa jém numapic aṁaṁti, achiitamṁa jém Dios ipimi, anasiitámpa jém Dios inṁaṁti jex juuts tum espada iga aṅcoñwíypa jém ánenemigoyaj y con jém espada wiaptim anacupujta. ⁸ It jama awixtamtap, it jama ajóyixtamtap. It jama awinimaytamtap, it jama amalnimaytamtap. It jama jém pixiñtam iṁsiyajpa iga ich amigóypa, it jama iṁsiyajpa iga ich da amigóypa. ⁹ It jama aixtamtap juuts tum pixiñ dapic i iixpicpa, it jama aixtamtap juuts tum pixiñ ixpictapáppic. Accaatatooba, pero hasta siip aifta vivo. Tsam achiitamṁa castigo, pero da i accaata. ¹⁰ Ich tam tsam pimi anyácneta, pero agui amaymaytam. Tsam apobretam, pero agui anricowatpa jém pixiñtam. Da ti anaifta, pero itumpiy cosa ammiichitam.

¹¹ Mantiwitam, miiftaṁwiip jém atebet Corinto, ich maṅwianquejayñe itumpiy jixi jém itwiip ánanamanjom. Da ti anañécne ánanamanjom. ¹² Ich tsam mantoytámpa, pero mimichtam da antoytámpa parejo juuts ich mantoypa. ¹³ Ich maṅcunucsáypa juuts tum jatunpic icunucsáypa imanic iga iññuumanmadayiñ ti iniit iñnanamanjom juutstim ich aṅwatne.

Taichtam tamastic jém Dios imichi

¹⁴ Odoy accaami tumti yugo con jém dapic icupicpa Cristo. ¿Jutsap iwínanigáy jém wibic jixi con jém malopic jixi? ¿Jutsap iwagaityaj jém juctiṁtsoca con jém piichi? ¹⁵ ¿Jutsap iniityaj tumti jixi jém Cristo con jém Wocciwiñ? ¿Jutsap iniityaj tumti jixi jém icupicnewiip Cristo con jém pixiñ jém dapic icupicne? ¹⁶ ¿Que wiap iwaganait Dios imastic jém watnas? Da wiap. Taichtam jém Dios tamastic jém vivopic. Juuts Dios nim iyaac:

Ich aif jém ampixiñtam ianamanjom, aṅwaganasiiba jeeyaj.

Ich aDios de jeeyaj.

Jeeyaj ampixiñtam, nimpá Dios.

¹⁷ Jeeyucmi nimpatim tanjatun Dios:

Tsaganputtaami itumpiy jém dapic icupicneyaj Dios.

Odoy waganasi jeeyaj.

Odoy wattaami juuts iwatyajpa jém malopic pixiñtam.

Odoy tsici jém dapic wi.

Jesic mampictsonṁtámpa.

¹⁸ Ich atsiypa juuts mimichtam iñjatun

y mimichtam michíytámpa juuts manjaymanictam y jém manyommanictam. Nimpa jém tanJatun Dios jém iniitwip itumpiy ipimi.

7

¹ Mantiwitam mantoytampáppic, jempam tajycamayñeta jém tanJatun Dios. Jeeyucmi wí iga tantsactámiñ itumpiy jém malopic cosa jém imalwadaypáppic jém tammijtay y jém tánanama iga tacuáyñetámiñ. Wadaytaami caso ti ixunpa Dios. Wíwattaami con itumpiy iñanama.

Cucacyaj ijixi jém Corintopic pixiñtam

² Jistaami iñanamanjom iga anwipictsonotámiñ. Ich da i ammalwadayñe, ni da i anacmalwatne ni da i ammigóyayñe. ³ Da síp mammétsáy jém iñtánca iga michiitap castigo. Pero manañmadáypa así porque tsam manjístámpa ánanamanjom. Wí iga tawagaittámpa yíp naxyucmi hasta tawagacaaba. ⁴ Ich anwijodon iga michtam inwattámpa juuts ich ansunpa. Tsam amaymay con mimichtam. Numa, tsam ayaachwatta, pero cuando manjístámpa ánanamanjom, tsam pimi amaymay.

⁵ Dende anúcta jém naxyucmi de Macedonia, da ajejneta ni uxan. Tsam amalwadaytamta jutinqej. Tsam ityaj jém ánenemigo, tsam áñayajpa con aichtam. Tsam acinje ánanamanjom. ⁶ Pero Dios siempre iyoxpátpa jém anyácneyajwip, acpocsáytim aichtam ánanama cuando miñ jém Tito. ⁷ Da solamente amaymaywadáy ánanama cuando núc jém Tito, pero amaymáypatim porque michtam tsam immaymaywat jém Tito cuando oy mijóyáy. Nimpa jém Tito iga tsam minyácneta iga immalwatneta idic. Nimpatim iga agui anjístámpa mimichtam iñanamanjom. Cuando ammaton iga agui anjísipa, jesic mástim pimi amaymáypa.

⁸ Agui mantsiganýácwat cuando manjáyáy jém wiñtipic toto. Anyácne uxan cuando manjáyáy jém toto porque tsam pimi manwogáy. Pero sip ich da anyácne iga manjáyáy jempic porque ánix iga jém toto michiganýácwat no más tum rato, ocmi jeetim toto miyoxpátta iga iñchactámiñ iga immalwattámpa. ⁹ Sip amaymay, pero da amaymay iga minyácneta idic, amaymay porque cuando mantsiganýácwat, iñchac itumpiy iga immalwatpa. Mimichtam iñyaachiyta jém anyaaqui hasta inwattámpa juuts ixunpa Dios. Sip quejpa iga manwíwadayñe. ¹⁰ Dios tacutsadáy jém anyaaqui iga tactsacpa iga tammalwatpa. Ocmi taciacputtámpa iga odoy togóyiñ tánanama. Jesic tamaymáyatámpa. Pero yíp naxyucmic pixiñtam jém dapic icupicpa Dios cuando iñascaaba jém anyaaqui, da ichacyajpa jém malopic jixi, más ipictsonpa jém castigo para siempre. ¹¹ Mantsiganýácwat porque da inwatta juuts ixunpa Dios. Ixi sip iga tsam inwadaytámpa caso ti ixunpa Dios. Incupuj jém incompañero, iñjampa iga agui imalwatne. Quejpa iga tsam inwattamtooba juuts ixunpa Dios, hasta más pimipic castigo iñchiíta jém iwatnewip jém mal. Quejpa iga da inwianjam jém malopic cosa. ¹² Cuando manjáyáy jém toto, da iga tsam anjísipa jém imalwatnewip ni datim iga tsam anjísipa jém malwadayñetawip. Pero manjáyáypa jém toto iga quejiñ Dios iwiñjom iga tsam anjístámpa mimichtam. ¹³ Jeeyucmi agui acpocsayta ánanama y tsam pimi amaymáyata.

Pero más pimi amaymáyata iga ánix iga maymáya jém Tito porque mimichtam tsam pimi iñyoxpátta iga ichaguiñ jém anyaaqui. ¹⁴ Annímáy jém Tito iga tsam amaymay con mimichtam. Tsam mancujípta. Sip da atsaap porque numa mimichtam inwatta juuts annímáyñe jém Tito. Da je migooyi itumpiy cosa jém mannímáyñewip mimichtam. Datim je migooyi jém annímáyñewip jém Tito. ¹⁵ Jém Tito más pimi mitoypa iñanamanjom cuando ijísipa iga tsam inwatta titam miñímáy. Quejpa iga tsam inwadáypa caso iga inwattámpa juuts ixunpa jém Tito. ¹⁶ Ich amaymay porque anjodon iga siempre inwattámpa juuts ixunpa Dios.

8

Yoxpátyajtap jém tantiwitam con jém ofrenda

¹ Siip, mantiwitam, manacjodónatooba jutsap iyoxpát Dios jém ipixiñtam jém naxyucmi de Macedonia. ² Jeeyaj tsam pimi malwadayajta, tsam cutitsta, pero da anyácnayaj. Tsam yaachayajpa jém pxiñtam, pero itúmyajpa jáyan tumiñ iga iyoxpátyajpa jém tantiwitam juuts tum rico. ³ Ich ánix iga ijiximi itúmyajpa jém tumiñ. Itumpiy jém tumiñywip chioyyajpa, chioyyajpatim jém dapic tumiñiy. ⁴ Jém Macedoniapic pxiñtam tsam iyoxpátyajtooba jém itiwitam jém icupicneyajwip Jesucristo. Yoxpádoyyajpatim jeeyaj con jém tumiñ. Tsam awágáy permiso iga waiñ ichiyaj. ⁵ Ich da anjisa jém pxiñtam siiga ichiyajtooba jém tumiñ jém tungac itiwitam. Pero wiñti ijisa con itumpiy ianama iga icuyoxayajpa Cristo y iga acuyoxatámpatim aichtam. Jempam iwianjam Dios. Jesic ocmi ijiximi itúmyajpa jém tumiñ. ⁶ Ich anjuncusáypa jém Tito iga iwadiñ eybic juuts moj wat con mimichtam iga iñtúmtámpa jém tumiñ iga iñyoxpáttámpa jém tantiwitam. ⁷ Mimichtam tsam inwicupictámpa Dios, tsam wip iniquej jém Dios inmati, tsam inwicutiyiytámpa jém wibic anquímayooyi, tsam inwattámpa con itumpiy iñanama jém Dios iyoxacuy, y mimichtam tsam antoytámpatim aichtam. Jesic wi iga iñjístamiñ iga iñyoxpáttámpa jém tantiwitam con jém tumiñ.

⁸ Da mampimiytámpa iga inwattamiñ jempic, nada más mancutitstamtooba siiga numa inisítámpa jém numapic tóyooyi. Jeeyucmi manajmadayñeta iga jém Macedoniapic pxiñtam tsam iyoxpátyajpa jém yaachayajpáppic. ⁹ Michtam iñjodontam iga jém tánomi Jesucristo tsam tatoytámpa. Tsam rico jém tánomi, pero ipoychac jém sinyucmic riqueza iga waiñ miyoxpáta. Oy yip naxyucmi juuts tum pxiñ pobre iga mimichtam miricojatamiñ. ¹⁰ Ich mannímáypa ti síp anjis. Ich animpa iga más wi para mimichtam siiga iniccupacpa jém mojuwip inwatta maamtymi. ¹¹ Siip accupactaami con itumpiy iñanama juuts iñjnsneta idic wiñti. Chiitaami jém iñtiwitatim titam iniitta. ¹² Siiga tum pxiñ da inij jáyan tumiñ, pero tsam iyoxpáttooba y ichiiba uxaj, jesic Dios iixñe jextim juuts jém ichiñewip jáyan.

¹³ Ich da síp mannímáy mimichtam iga iñyoxpáttamiñ jém tungac tantiwitam iga mitogóyaytamiñ. ¹⁴ Ich animpa wi iga jextim miidiñ juuts jém iñyoxpátnewip. Siip mimichtam wip iniccaps jutsaj itogóyayaj jeeyaj. Jesic tungac tiempo jeeyajgagam wip michiyaj jutsaj mitogóyayta. ¹⁵ Juuts jayñeta jém Dios inmati: “Jém ipiñewip jáyan jém wiccuy jém titsinaxyucmi ictsíypa, pero dam cutsíypa. Jém ipiñewip uxaj, da ti itogóyáy.”

Cutsattap jém Tito con icompañeroyaj

¹⁶ Iyucupdios iga jém tanjatun Dios ichi jixi jém Tito ianamanjom iga mijístamiñ juustim aichtam manjístámpa mimichtam. ¹⁷ Cuando anjuncusáy jém Tito, acupic, pero je mismo tsam miyoxpáttamtooba, siip ixtaami iga miyoxpáttámpa ijiximi.

¹⁸ Siip mancutsadáypa jém Tito con jém tungac tantiwí jém tsampic wip inmat jém wibic anmati jut antuumayajpa jém Dios ipixiñtam. ¹⁹ Da no más ich ancutsat jém pxiñ, pero icupinyajtim jém Dios ipixiñtam jut antuumayajpa yim iga wip awaganasi aichtam iganam anwattámpa jém wibic yoxacuy jém siipic anwattámpa. Jesic cujítap jém tánomi Cristo y quejpa iga tsam tantoypa jém tantiwitam. ²⁰ Anwíwattooba iga odoy i waiñ amalnimáy iga anchiiba yip tumiñ jém tantiwitam. ²¹ Siip anwadáypa caso iga anwíwatpa jém Dios iwiñjom y anwíwatpatim jém pxiñtam iwiñjom.

²² Ancutsatpatim con jeeyaj tum jém tantiwí, jém tánixñewip, iga iwattooba juuts ixunpa Dios. Watciy ancutits yip pxiñ siiga numa iwattooba juuts ixunpa Dios, quejpa

iga numa iwıwatpa. Siip mástim iwattooba juuts ixunpa Dios porque ijodon iga michtam da in̄chactámpa jém Dios in̄matı. ²³ Siiga i micwácpa de jém Tito, nímaayi iga awaganayoxap aich iga manyoxpáttámpa mimichtam. Siiga i micwácpa de jém tantıwıtam, jém nicneyajwıip con Tito, nímaayi iga jém Dios ipıxiñtam icutsatyaj iga cujíptaiñ jém tánomi Cristo. ²⁴ Wıpıctsonı yıp pıxiñtam iga quejiñ iga tsam in̄toytámpa. Jesic quejpatim tiiga tsam man̄cujíptámpa.

9

Túmayıap jém tumiñ iga yoxpáttap jém tantıwıtam

¹ Siip da man̄jáyaytamtooba ti wıap in̄watta con jém tumiñ jém in̄túmnetan̄wıip para jém icupıcneyajwıip Cristo porque michtam in̄jodon̄tam. ² Ich an̄wıjodon iga mich agui in̄wıwattooba. Tsam man̄cujípta cuando aoy Macedonia. Annímáy jém pıxiñtam iga dende maamtıymı in̄jıstámpa iga in̄túmtámpa jém tumiñ. Cuando miıxyaj jém Macedoniapıc pıxiñtam ti in̄wat, jesic casi itumpıy iwattooba mex jeeyaj juuts siip in̄wattámpa. ³ Pero an̄cutsatpa yıp tantıwıtam iga quejiñ iga da amıgóypa cuando man̄cujípta. Man̄cutsadáypa jém tantıwıtam iga numa miıttámiñ listo juuts anımne. ⁴ Siip an̄wagananicpa algunos jém Macedoniapıc pıxiñtam. Siiga nicpa mampátta da in̄túmnetı jém tumiñ, jesic ich atsaap; mimichtam michaatámpatım porque ich an̄jıspa iga in̄watne juuts mannımayñe. ⁵ Jeeyucmı ich anımpa wıı iga man̄cutsadáy jém tantıwıtam iga nıguiñ miámcoñwıy iga miyoxpátıpa iga capxiñ jém tumiñ juuts michtam in̄jıycámnetı antes que danam in̄túmnetı jém tumiñ. Jesic quejpa iga da mampıımıyapa aich, pero mimichtam in̄yaac michioytámpa.

⁶ Jıstaami ti mannımayta mimichtam, el que in̄ıppa uxan̄, uxan̄tıp ipıñpa. El que in̄ıppa jáyan̄, jáyan̄tıp ipıñpa. ⁷ Cada tumtum de michtam chıoytaami jém tumiñ juuts in̄jıstámpa in̄anaman̄jom. Odoy chıoytaami pımımi. Porque Dios tsam itoypa jém chıoypáppıc con itumpıy ıanama. ⁸ Dios michııtámpa mimichtam jáyan̄ wıtampıc cosa iga iniıttámiñ titam in̄xuntámpa. Jesic iniıttım jáyan̄ wıtampıc cosa iga in̄yoxpáttámpa jém pıxiñtam jém iwatyajpáppıc jém Dios iyoxacuy. ⁹ Nımpa jém Dios in̄matı jıf jayñeta: Dios ichııba jáyan̄ wıtampıc cosa jém yaachayajpáppıc. Da nunca cuyajpa Dios itóyooyı.

¹⁰ Dios tachiıba jém pac para tanñıppa. Tachiıbatım titam tan̄cútpa. Dios tachiıbatım jáyan̄ wıbıc jıxi iga wıaiñ tanyaachan̄jam jém tantıwıtam. Tsam an̄pıcpa jém wıbıc jıxi juuts tum pac ñıptap. Dios iyoxpátıpa iga jáyan̄ap, iga wıputpa jém wıbıc yoxacuy. ¹¹ Asítıp mimichtam iniıfta jáyan̄ wıtampıc cosa iga wıaiñ in̄chiıta jém tantıwıtam. Jesic cuando ich ananicpa jém tumiñ, jém in̄túmnetan̄wıip, jém ipıctsonyajpaap tsam ichııyajpa gracia Dios. ¹² Porque cuando tanchııba yıp yoxpádooyı jém tantıwıtam, da no más tanchııba titam itogóyáy, pero cuando tan̄wattámpa jempıc, jesic jém pıxiñtam tsam icujıpyajpa Dios. ¹³ Jeeyaj tsam icujıpyajpa Dios iga tanyoxpátne. Quejpa iga tsam in̄cupıcneta jém wıbıc an̄matı, jém tachiıñewıip Cristo. También jeeyaj tsam iwııxyajpa jém tan̄jatun̄ Dios porque tsam jáyan̄ in̄yoxpátnetı y in̄yoxpátpatım itumpıy jém pıxiñtam. ¹⁴ Jeeyaj tsam mijısyajpa y tsam in̄wejpátyajpa Dios para mimichtam. Cuando michtam in̄wıwadáyapa jém tantıwıtam, quejpa iga Dios tsam tatoypa tantumpıytam. ¹⁵ Iyucııpdıos iga tachiıñeta jáyan̄ wıtampıc cosa jém dapıc wıap tanan̄mat.

10

Iniıt autoridad jém Pablo juuts tum apóstol

¹ Ich aPablo. Jém tánQmi Cristo achi jixi iga da amalo, iga atóyóypa, jeeyucmi mañcunucsáypa. Nımyajpa iga da amalo cuando tawagaitta, pero tsam apımıyóypa cuando atsıy juumi de mimichtam. ² Sıp mañcunucsáypa iga iñchaguiñ iga immalwatpa, jesic cuando nicpa mánám, da mañwogáypa. Porque algunos de mimichtam nımyajpa iga ich ammalwatpa juuts cualquier jém pıxiñtam. Ich aıt dispuesto iga anáñámmocpa jém pıxiñtam iga añwogáypa. ³ Numa taichtam yıp naxyucmıpic tapıxiñtam, pero da jempic táñatámpa juuts yıp naxyucmıpic pıxiñtam. ⁴ Cuando táñatámpa con jém Dios ipımi, jesic tammıswadáypa jém Wocciwiñ ipımi. ⁵ Jempam tammıswatpa jém mıgooyi y cualquier jém malopic jixi jém iniıtwiıp jém pıxiñtam ianamanjom, jém dapic ijıcpa iga icupıcpa Dios. Tañcoñwıyypa jém pıxiñtam ijıxi iga icupıguiñ jém Cristo. ⁶ Cuando wıquejpa iga inwattámpa itumpıy juuts ixunpa Dios, jesic ich wıap anchi castigo jém tantıwıtam, jém dapic iwatyajpa itumpıy juuts ixunpa Dios.

⁷ Mimichtam iñixtámpa jém pıxiñtam jém nımyajpáppic iga icupıcpa Cristo. Wı iga ijodónaiñ iga aichtam añcupictámpatım Cristo. ⁸ Siiga más jáyan anacujıptap anyaac iga tánQmi accám juuts tum añjagooyi, da atsaap. Achi jém cargo iga manyoxpáttámpa iga más y más inwattámpa juuts ixunpa Dios. Da achi jém cargo iga mammalwadadaytámpa. ⁹ Da ansunpa iga mantsiganjecpa con jém toto jém mañcutsadayñewıip. ¹⁰ Nımyajpa iga tsam pımi mañwogáypa con jém toto cuando manjáyáy. Pero cuando oy manjáyáy mimichtam, ich juuts da ti añjodon. Nımyajpatım iga jém anañmaıti da para ti wı. ¹¹ Pero jém nımyajpáppic así wı iga ijodónaiñ iga jextım jém anañmaıti cuando manjáyáypa juutstim cuando aıt con mimichtam.

¹² Aich da anımpa iga atsıyypa juuts jeeyaj. Da ajex juuts jém nacujıptapáppic iyaac. Jeeyaj tsam jıxitogoyñeyaj porque iyaac naquıpsyajıtap con iquıpsóycuy. Iámpa siiga ıctıyypa con jém tungac itıwi siiga jextım iwı. ¹³ Pero aichtam da añnaspá iga anacujıptap. Dios tañquejáypa hasta jut tanúcpa iga tayoxap. Ajıgayta iga anúcta hasta jut mııtta. ¹⁴ Ich añwatpa nada más juuts añquejáy Dios. Wiñti aoy hasta jut mııtta mimichtam iga manañmadáy jém wıbic añmaıti jém Cristopic tachııñe. ¹⁵ Da anacujıptap anyaac juuts ich añwat jém tungac pıxiñ iyoxacuy juutstim ich añwat jém yoxacuy. Pero ich anımpa más wı siiga más y más incupıcpa Cristo wıap anyoxata con mimichtam. Pero ich añwattámpa siempre juuts anımayñe Dios. Da wıap annasca. ¹⁶ Ocmı ananıctamtooba jém Dios inmaıti hasta más juumi jut mııtta. Pero da wıap anacujıpta juuts iga añwatta jém yoxacuy jém iwatnewıip tungac pıxiñ.

¹⁷ Siiga algunos nacujıptatooba, más wı iga icujıbiñ jém tánQmi Jesucristo. ¹⁸ Dios iwıanjam tum pıxiñ siiga iwatpa juuts ixunpa tánQmi Cristo. Da ipıctsonpa iga agui nacujıptap iyaac.

11

Jém Pablo y jém tungacyaj apóstol, jém mıgooyajpaap

¹ Wı meega michtam anyaaçıypa tum rato juuts ich da ajıxiıy. ² Tsam mañcunaıyypa con jém naja jém Diospic achııñe. Manjıycunúgayñe michtam iga manañcómıyypa con inwıdaya jém Cristo juuts tum woñi jém dapic ti iwatne. ³ Jém Wocciwiñ como tum tsañ agui jáyayanjıchıch, imıgoyáy jém Eva. Jempıctım ich añcıñpa mimichtam iga wıaptım jı mimıgoyáy iga jém iñjıxianjom iñjıspa iga iñchacpa iga iñtoypa Cristo, jém iniıtwiıp jém numapic tóyooyi. ⁴ Inwıanjamta jém mıñquejayñewıip de tungac Cristo jém dapic nunta Cristo. Tsam mimaymay iga impıctsonıta jém tungac espıritu jém dapic jex juuts jém manañmadayñewıip. Tsam incupıctámpa jém mıgooyi jém dapic jex juuts jém Cristo inquımayooyi. ⁵ Ich más awıap que jém tungac apóstol, jém mıgooyajpaap jém mıchpic

iñtún̄iytámpa. ⁶ Ich anañmatpa juuts tum p̄ixiñ dapic wiap in̄mat, pero jém an̄jixi da jex. Cuando mu íñix iga an̄wat itump̄iy jém w̄itampic cosa, jesic quejpa iga w̄i jém an̄jixi.

⁷ ¿Que mich inin̄jam iga ammalwat iga da mantségáy cuando oy manañmadáy jém w̄ibic an̄mat̄i? Ich ats̄iy juuts da ti aw̄iap iga micujípt̄aiñ mimichtam. ⁸ Ich ampictson̄ne jém tumiñ jém achiiñew̄ip jém Dios ip̄ixiñtam jém tungac lugarpic iga manyoxp̄attámpa mimichtam. ⁹ Cuando aitta con mimichtam tsam ayaacha, pero da ti man̄wágayta. Jém tant̄iw̄itam, jém miññew̄ip Macedonia, jeam achiiyaj itump̄iy cosa titam atogóyáy. Jesic da ti man̄wágayta y siip datim man̄wágaytámpa. ¹⁰ Ich an̄wijodon̄ iga numa jém Cristo in̄químayooyi. Ich tsam amaymay iga da antségáy jém p̄ixiñtam icuw̄iti jém naxyucmi de Acaya iga oy anañmadáy jém w̄ibic an̄mat̄i. Da i wiap accáyáy ȳip maymáyaj̄i. ¹¹ ¿Íiiga animpa jempic? ¿Que michtam iñ̄j̄ispa iga da mantoypa? Dios ijodon̄ iga tsam p̄imi mantoypa.

¹² Pero seguido an̄watpa juuts an̄watne iga jém ánenemigoyaj da wiap inicujípt̄a iga iwatyajpa juuts ich s̄ip an̄wat. ¹³ Ȳip p̄ixiñtam n̄iman̄taayap iga Dios icutsatne, pero puro migooyi inis̄iba. Ts̄iytooba juuts tum w̄ibic apóstol jém Cristopic icutsatne, pero da je. ¹⁴ Iwatyajpa jextim juuts iwat jém Wocciwiñ. Setpa juuts tum sīnyucm̄ipic p̄ixiñ jém aguipic tsocpa. ¹⁵ Jeeyucmi jém Wocciwiñ ip̄ixiñtam setpatim juuts w̄ibic p̄ixiñ. Pero ȳipyaj p̄ixiñtam ip̄ictson̄yajpatim castigo porque da iw̄iwatneyaj.

Tsam yaacha jém Pablo iga ts̄iy juuts apóstol

¹⁶ Eybictim mann̄imaytámpa, odooy i ij̄ixiñ iga da aj̄ixīiy. Pero siiga jempic iñ̄j̄ispa, aj̄igaaȳi iga anañmatpa juuts tum p̄ixiñ dapic j̄ixīiy iga ich anyaac wiap anacujípt̄a uxan̄. ¹⁷ Pero da mann̄imáypa jempic iga jém tán̄omi achi jém j̄ixi, pero ich mann̄imáypa juuts tum p̄ixiñ dapic j̄ixīiy porque agui anacujípt̄ap anyaac. ¹⁸ Tsam jáyan̄ it jém nacujípyajtap̄ap̄pic ȳip naxyucmi. Jesic ichgacti anacujípt̄aptim. ¹⁹ Mimichtam tsam mij̄ixīiyta, jesic yaach̄iȳi tum p̄ixiñ jém dapic j̄ixīiy. ²⁰ Mimichtam iñ̄yaach̄iytámpa jeeyaj siiga mip̄imíypa iga in̄cuyoxatámiñ juuts esclavo, siiga mitobáypa titam iniifta, siiga mim̄igóyáypa, siiga tsam mij̄óyixpa, siiga mixón̄áypa in̄wiñpac. ²¹ Nimyajpa iga aichtam juuts da ti aw̄iap. Tsam amaln̄imáy. Pero ich da an̄watpa jexpic cosa. Tsam atsaap iga man̄wadáypa jempic.

Jém tungac p̄ixiñtam nacujípt̄ap iyaac. Ichgacti anacujípt̄aptim juuts da aj̄ixīiy. ²² ¿Que jeeyaj hebreopic p̄ixiñtam? Ich hebreopic̄tim ap̄ixiñ. ¿Que jeeyaj Israelpic p̄ixiñtam? Ich Israelpic̄tim ap̄ixiñ. ¿Que jeeyaj jém Abraham iman̄ictam? Ich̄tim jém Abraham aman̄ic. ²³ ¿Que jeeyaj icuyoxayajpa jém Cristo? Ich más an̄cuyoxap jém Cristo que jeeyaj. Siip ich anañmatpa juuts tum loco porque tsam anacujípt̄ap anyaac. Más p̄imi ayoxap que jeeyaj. Más p̄imi acótsta que jeeyaj, más apajta que jeeyaj. W̄ati veces accaat̄at̄ip. ²⁴ Cinco veces jém Israelpic p̄ixiñtam achiiyaj treinta y nueve azote. ²⁵ Tres veces anácscat̄ip cuymi. Tun̄ciy anácscat̄ip tsaami. Tres veces anacumon̄ jém barco jém lamar. Tum muma tsu y muma jama ap̄un̄púnóypa lamar con tum jaca cuy. ²⁶ Wat̄ciy aoy juumi. Tsam annasca jém peligro jém mij̄pic río. Annasca peligro de jém númyajpaap. Annasca peligro con aichtampic p̄ixiñtam y con jém juum̄ipic p̄ixiñtam. Tsam annasca peligro jém mij̄pic atebetyaj y jém jimñom. Tsam annasca peligro jém lamar. Annascat̄im jém peligro con jém p̄ixiñtam jém n̄iman̄taayanew̄ip iga icupicpa Cristo. ²⁷ Tsam p̄imi ayoxa, tsam ayaacha. W̄ati veces da wiap ammon̄ tsuuc̄im. Tsam p̄imi ayuap y an̄ict̄itspa. Wat̄ciy da anai titam an̄cútpa. Tsam ayaacha con jém succuc. A veces yajneum jém ampuct̄ucu.

²⁸ Tungac más mij̄pic yaach̄aji annascaaba. Tsam an̄j̄ispa cada jama itump̄iy jém Dios ip̄ixiñtam jut̄ an̄tuumayajpa. ²⁹ Siiga algunos da iw̄icupicne Dios, jesic an̄j̄ampa juuts ich

da anwícupicne Dios. Siiga algunos acwattap tãñca, jesic ich agui atsaap y agui ajóypa. ³⁰ Siiga anacujíptap anyaac, jesic anacujíptap iga da ti wíap anwat, pero jém tánQmi Cristo tsam ayoxpát iga agui awíap. ³¹ Jém Dios, jém tánQmi Jesucristo iJatun, wí iga tanjucíptampa itumpiy tiempo. Jém tanJatun Dios ijodon iga da amigóypa. ³² Cuando aít jém atebet Damasco, jém gobernador jém icuyoxapápic jém rey iñiyi Aretas, ipimíy jém policia iga niguiñ anteñ jém taañi ipuerta iga amatstaiñ. ³³ Pero ajímquetta tum coonjom jém taañi iweñtan. Jempigam aciput de jém ánenemigo icijom.

12

Nimpa Pablo iga iix tum poñ

¹ Da ti acuwatcuy siiga anacujíptap anyaac. Pero siip ich anañmatpa titam anquejáy jém tánQmi Jesucristo cuando awiñquejáy jém tánQmi juuts tum poñ. ² Ich ánixpicpa tum pìxiñ jém icupicnewiip jém Jesucristo. Siip nasneum catorce año nanicta jém tucutenpic sinyucmi. Da tanjodon siiga nanicta con jém imijtay o no más nanigayta ianama, solamente Dios ijodon. ³ Pero anjodon iga nanicta sinyucmi jém pìxiñ. Eybictim mannímáypa iga da anjodon siiga nanicta con imijtay o no más ianama nanigayta. Sólo Dios ijodon. ⁴ Nanicta jém paraíso jut it Dios. Jemigam anmattap jém jixi jém dapic i wíap icutiíy. Dios da ijicpa iga tanañmatpa jexpic jixi yíp naxyucmi. ⁵ Ich animpa iga agui wí iga nanicnetá sinyucmi jém pìxiñ. Pero ich anyaac da ti awíap. Solamente anacujíptap iga da awíap. ⁶ Siiga ich anacujíptap anyaac da ajex juuts jém pìxiñ dapic jixiíy. Porque siiga anacujíptap anyaac, wí porque anañmatpa jém numapic cosa. Pero da anwatpa jempic. Más wí iga jém pìxiñtam aixyajpa iyaac ti anwatpa y imatonyajpa ti anañmatpa.

⁷ Jém sinyucmipic cosa, jém anquejayñewiip Dios, tsam tampooñanjampa. Jesic iga odoy anacujíptaiñ iga oy anám jém wibic cosa sinyucmi, Dios ijic iga jém Wocciwiñ acutsadáy tum toya juuts tum apit atsenayñe ammijtay iga odoy anjixiñ iga agui awíap iga aoy sinyucmi. ⁸ Tres veces anwágáy tánQmi iga accáyayiñ jém toya. ⁹ Pero jém tánQmi anímáy iga: “Siiga iniit jém antóyooyi da ti más mitogóyáy. Siiga tum pìxiñ da ti wíap iwat iyaac, jesic más wíquejpa jém Dios ipimi.” Jeeyucmi agui amaymay iga da ti wíap anwat anyaac. Más wíquejpa iga jém tánQmi Cristo ipimi ayoxpátne. ¹⁰ Jeeyucmi amaymay iga da ti wíap anwat iga tsam amalnímayta, iga tsam ayaacha, iga ajóyixta, tsam ayaachwatta jém Cristo icuyucmi. Cuando da ti wíap anwat anyaac, jesic Dios achi jém ipimi iga más wíap anwat juuts je iwianjam.

Tsam ijispa Pablo jém Dios ipixiñtam jém antuumayajwip jém atebet Corinto

¹¹ Ich ajex juuts tum pìxiñ dapic jixiíy cuando anacujíptap anyaac. Michtam iniit la culpa, jeeyucmi anwat jempic. Más wí iga mimichtam anjucíptamiñ aich. Ich quejpa iga da ti wíap anwat, pero más awíap que jém tungac apóstol, jém migoypaap jém michpic sip iñtúñyta. ¹² Tsam wí quejpa iga ich tum numapic aapóstol jém Diospic acutsatne porque oy anwat mimichtamanjom jém milagroyaj, jém cosa dapic i wíap iwat y jém seña jém dapic queman tánix. Chocoymi manañquejáypa. ¹³ ¿Que iñjispa iga ich da manjwíwadáypa juuts anjwíwadayñe jém tungac grupo jém Dios ipixiñtam? No más da ti manwágayta. Awadaayi perdón iga da manjígáy iga anyoxpátta.

¹⁴ Siip anjispa iga nicpa manjójáy. Siip tres vecesam nicpa manjójáy. Y da ti manwágaytámpa. Da nicpa amméts titam iniitta. Pero nicpa manyoxpátta. Jém jatunpic intuumawatpa jém tumiñ para jém imanictam. Jém manicpic da intuumawatpa jém tumiñ para jém iJatun. ¹⁵ Ich anwatpa gasto itumpiy jém anaitwip. Anwatpa gasto hasta anyaac anachiitap iga accaatap iga odoy togóyiñ jém iñanama. Michtam tsam pimi mantoypa, pero michtam da pimi antoytámpa juuts aich.

¹⁶ Michtam inw̄ijod̄on̄ iga da ti manwágáypa mimichtam. Pero n̄imyajpa algunos jém p̄ixiñtam iga ich tsam ajáyayan̄jichich iga oy mammigóyáy. ¹⁷ ¿Que mammigóyáy cuando mancutsadáy algunos jém p̄ixiñtam? ¹⁸ Annímáy jém Tito iga niguiñ miámcoñw̄iy. ¿Que in̄j̄ispa iga mimigóyáy jém Tito? Je iwatpatim juuts aich. T̄umti j̄ixi inis̄iba con aich.

¹⁹ Tal vez michtam in̄j̄istámpa iga manjáyáypa ȳip̄ toto iga ich anyaac anacupujtap. Pero da anwatpa jem̄pic. Sīip, mant̄iw̄itam, mantoytampáppic, anañmatpa así jém Dios iwiñjom̄ jém Cristo in̄iyimi. Manjáyáypa así porque tsam manyoxpáttooba. Jeeyucmi anwat titam anwatne. ²⁰ Ich an̄c̄in̄pa iga cuando nicpa mánám da mampátpa iga síp inwat juuts mannímáyne. Michtam datim ampátpa aich juuts mich inw̄ian̄jam̄ porque siiga immalwatne tienes que manwogáypa. Ich an̄c̄in̄pa iga michtam tsam m̄in̄atámpa, tsam micujóyáyóypa, tsam iniit̄ jooya in̄anaman̄jom̄, tsam minitoytap̄ in̄yaac, tsam immaytámpa jém malopic cuentoyaj, tsam micujíyóypa, tsam minicujíptap̄ in̄yaac, cada t̄umt̄um̄ inwattámpa juuts in̄xunpa in̄yaac. ²¹ Ich an̄c̄in̄pa iga cuando eyb̄ic̄ nicpa manjójáy, jesic Dios atsaawatpa porque michtam da in̄chacpa iga immalwatpa. Tsam p̄imi awejpa porque w̄ati de michtam tsam inwatneta t̄an̄ca. Tsam pecam da in̄chactámpa iga immalwatpa. Algunos tsam imalwat con jém yomtam y datim ichacne jém malopic vicio juuts iwatyajpa dende wiñgam.

13

Jém Pablo icjod̄on̄ap̄ ti miñpa y in̄qūmpa jém iamigoyaj

¹ Sīip tres vecesam nicpa manjójáy. Ac̄ip̄in̄jóypa chocoȳmi. Cuando quejajwadaytap̄ jém p̄ixiñtam iga imalwatne ixunpa w̄isten̄ o tucuten̄ testigo. ² Annímáy jém p̄ixiñtam iga chiitap̄ jém castigo jém imalwatnew̄ip̄ pecam. Y sīip eyb̄ictim annímáypa iga ipictson̄yajpa jém castigo juuts mannímáyne cuando oy manjójáy w̄isciy. ³ Michtam tsam an̄cut̄it̄stamtooba iga quejiñ siiga numa Cristo acutsatne. Jém t̄an̄omi Cristo da jex juuts t̄um̄ p̄ixiñ jém dap̄ic̄ w̄iap̄. Tsam iniit̄ ip̄imi iga mic̄ip̄in̄pa mimichtam. ⁴ Numa jém Cristo cun̄unt̄a cunusyucmi juuts t̄um̄ p̄ixiñ dap̄ic̄ w̄iap̄. Pero sīip it̄ vivo jém Cristo porque iniit̄ jém Dios ip̄imi. Jem̄p̄ictim sīip aichtam da ti aw̄iap̄. Siiga anwaganait̄ jém t̄an̄omi, jesic anaifta jém Dios ip̄imi iga w̄iañ̄ man̄cuyoxata mimichtam.

⁵ Nac̄ip̄in̄taj̄i in̄yaac siiga numa da in̄chacpa iga in̄cupicpa Cristo. ¿Que da in̄j̄od̄on̄tam iga jém Cristo it̄ in̄anaman̄jom̄ siiga da mimigóypa iga in̄cupicpa Cristo? ⁶ Ich manacjod̄on̄ap̄ iga da mammigóyáyne iga numa an̄cupicpa jém Cristo. ⁷ Ich anañwejpátámpa Dios iga odoy immalwattámiñ. Ich ansunpa iga w̄ipudiñ jém in̄yoxacuy iga inwattámiñ juuts ixunpa Dios. Siiga mich inw̄iwatpa, jesic ich amaymay. Da manañquejáypa jém amp̄imi. ⁸ Da w̄iap̄ anic en contra de jém numapic an̄químayooyi. Siiga inw̄iwatneum, da manwogáypa. Tienes que anwattámpa juuts n̄impa jém an̄químayooyi. ⁹ Ich agui amaymay siiga michtam inw̄iwatneum, jesic da manañquejáypa amp̄imi iga manchiiba castigo. Seguido anañwejpátámpa Dios iga capxiñ in̄cut̄iȳiȳ jém Dios in̄mat̄i. ¹⁰ Manjáyáypa ȳip̄ toto antes que nicpa mánám. Jesic cuando anicpa, da p̄imi manwogáypa porque ich juuts t̄um̄ anjagooyi. Jém t̄an̄omi accám juuts t̄um̄ anjagooyi iga manyoxpátámiñ iga más w̄iap̄ inwatta juuts ixunpa Dios. Da accám juuts anjagooyi iga manactogoytámiñ.

¹¹ Sīip mant̄iw̄itam, mancutsadáypa w̄at̄id̄ios. Wattaami juuts ixunpa Dios iga w̄its̄iyiñ jém imvida. Maton̄taami ti mannímáy. Nait̄taami t̄umti j̄ixi. Odoy āñataami. Jém tan̄jatun̄ Dios, jém tsampic̄ tatoypa, it̄ con mimichtam. Je miyoxpátpa iga odoy m̄in̄atámiñ. ¹² Nadioschit̄amt̄aj̄i con jém in̄t̄iw̄itam con t̄um̄ an̄nacatsuuchi. ¹³ Itump̄iȳ jém Dios ip̄ixiñtam, jém itw̄ip̄ ȳim, micutsadáypa w̄at̄id̄ios.

¹⁴Tánomi Jesucristo miyoxpáttámiñ, jém tanJatun Dios mitoytámiñ y jém Dios iAnama miwaganaittámiñ. Jenum cuyaj.

Jém carta jém ijáyayñewiip Pablo jém ityajwiip jém attebet Galacia

Jém Pablo ijáyáypa jém ityajwiip Galacia

¹ Ich aPablo. Accámta juuts tum apóstol. Pero da je pixiñtam acupiñ ni datim je acutsat. Acupiñ tanjatun Dios y acupiñtim jém tánQmi Jesucristo jém icpisnewiip Dios. ² Ich con jém tantiwitam, jém ityajwiip con aich, manjáyaytámpa mimichtam jém Dios mipixiñtam icuwiñti jém naxyucmi de Galacia. ³ Siip jém tanjatun Dios y jém tánQmi Jesucristo miwíwadaytámiñ y michiítámiñ jém wibic paz iga odoy iniittámiñ jém cobacpiji iñanamanjom. ⁴ Jém Jesucristo iyaac nachiíta iga accaataiñ iga tayojoyta tantánca iga taciapputta de itumpiy jém malopic cosa jém siipic it yíp naxyucmi. Jempam iwatanjam jém tanjatun Dios. ⁵ Da nunca cuyajpa tanjuipta. Amén.

Da i tungac anquímayooyi jém taciapputpaap

⁶ Tsam ampoñanjampa iga michtam tsam jobittim iñchactámpa jém Dios inmati, jém miñquejayñewiip iga tsam tatoypa jém Cristo, iga incupictámpa tungac anquímayooyi jém dapic jex juuts jém Cristo inquímayooyi. ⁷ Da numa i tungac wibic anquímayooyi. Pero algunos jém malopic pixiñtam nicneyaj jemc iga miccujíñaytámpa con jém tungac jixi, tsam incodiyajpa jém tánQmi Jesucristo inquímayooyi. ⁸ Siiga aichtam mismo o tum siñyucmicpic pixiñ minimíñáypa tungac anquímayooyi jém dapic jex juuts jém wiñtipic manañquejayñe, jesic wí iga chiítaiñ tum miipic castigo. ⁹ Mannímayñeum pecam y siip eybictim mannímáypa siiga i miñmadáypa tungac anquímayooyi, dapic jex juuts jém impictsonewiip, jesic Dios ichiiba castigo jém pixiñ jém inimiññewiip jexpic anquímayooyi.

¹⁰ Cuando mannímáypa jempic, jesic quejpa iga da anwadáypa caso iga jém pixiñtam da awixiyajpa. Ich ansunpa iga awixiñ jém tanjatun Dios. Da sip anwat juuts ixunpa jém pixiñtam iga atoyyajiñ. Siiga ansunpa iga atoyyajiñ jém pixiñtam, jesic da atsiypa juuts jém tánQmi Jesucristo imozo.

Jutsa miccámta jém Pablo iga apóstol

¹¹ Siip, mantiwitam, jodónataami iga jém Cristo inquímayooyi, jém manañmadayñewiip, da je pixiñtam ijixquiimi. ¹² Cuando ampictson jém wibic anquímayooyi, da jém pixiñtam anquejáy, pero jém tánQmi Jesucristo mismo acjodóna.

¹³ Mimichtam iñjodon titam jáy anwat cuando ancupicne jém Israelpic anquímayooyi. Iñjodónata iga tsam pimi ammalwadáy jém Dios ipixiñtam jém icupicneyajwiip jém Jesucristo. Agui anactogoytooba idic jém Dios ipixiñtam. ¹⁴ Tsam anwicuyujcane jém Israelpic anquímayooyi. Más awiap que itumpiy jém antiwitam jém dapicnam tsamiyaj jutstim aich. Tsam anwadáypa caso iga seguido anwatpa juuts nimpa itumpiy jém wiñcipic costumbre jém ichacneyajwiip jém anjatunwewetam. ¹⁵ Dios acupiñ cuando danam anayñe. Tsam pimi atoypa jeeyucmi anwejay iga ancupiguiñ jém Jesucristo. Cuando iwatanjam Dios, ¹⁶ anquejay jém Dios imaníc, jém Jesucristo, iga waiñ anañmadayyaj jém Cristo inquímayooyi jém tungac pixiñtam jém dapic je de Israel. Da oy anacwác ni tum pixiñ iga anquejayiñ jém Cristo inquímayooyi. ¹⁷ Ni datim oy ánám jém tungac apóstol jém ityajwiip Jerusalén jém más wiñtipic accámnetá. Pero anic más juumi jém naxyucmi de Arabia. Ocmi aset eybic jém attebet Damasco.

¹⁸ Jesic ocmi cuando nasum tucuten amtiy, nic ánám jém Peto hasta Jerusalén. Oy anyaj quince día con je. ¹⁹ Pero da ánix tungac jém apóstol. Ánix nada más jém Jacobo, jém tánQmi itíwi. ²⁰ Mannímáypa jém Dios iwiñjom iga jém sippic manjáyáypa da je migooyi.

²¹ Jesic ocmi anic jém naxyucmi de Siria y Cilicia. ²² Pero jém tantiwitam, jém icupicneyajwip Cristo jém naxyucmi de Judea, da aixpicyajpa. ²³ Solamente imatonyajpa iga: “Jém pixiñ jém tamalwadaypáppic idic, súp inmat jém Cristo inquímayooyi jém ictogoypáppic idic.” ²⁴ Jesic tsam icujípyajpa Dios ich ançuyucmi.

2

Jém tungac apóstolyaj iwixyaj jém Pablo

¹ Jesic ocmi cuando nas catorce amtiy, eybictim anic jém Jerusalén. Anwagananic jém Bernabé. Ananictim jém Tito. ² Anic Jerusalén porque acjodóna Dios iga aniguiñ. Jemic jut anuumayajpa naps jém anjagooyiyaj, jém injacyajpáppic jém Dios ipixiñtam, anañquejáy jém wibic anmati, jém anañmadayñewip jém tungac pixiñtam jém dapic je de Israel, iga jém anjagooyiyaj iixyajiñ juutspic anquímayooyi anañmatpa aich iga da axajayoxap. ³ Jém Tito, jém anwagananicnewip, tum griegopic pixiñ da je Israelpic. Pero da i ipimiy iga iwatpa jém marca de circuncisión juuts jém Israelpic pixiñtam icostumbre. ⁴ It idic jem algunos jém pixiñtam níman̄taayap iga icupicyajpa Jesucristo. Tsam ixunyajpa iga jém Tito wadaytaiñ jém marca de circuncisión. Jeeyaj yantigiyay con aichtam iga icuixyajpa jém libertad jém tachiiñewip jém Cristo. Jém pixiñtam agui ixunyajpa iga ichtam atsiytamiñ eybic juuts esclavo iga anwattamiñ eybic jém wiñcpic costumbre. ⁵ Pero ni uxan da ançupicta jém malopic pixiñtam ni da anwattampa juuts ixunyajpa, porque anwianjamta iga michtam iniittamiñ jém numapic anquímayooyi iga odoy i inçodiyiñ iga mimigóyáypa.

⁶ Jém anjagooyiyaj da achiiyay tungac jomipic jixi. Ich da anwadáypa caso siiga mijpic anjagooyi. Dios iixpa itumpiy jém pixiñtam jextim porque iixpigáypa ianama. ⁷ Ich da i achi ni tum jomipic jixi, pero jeeyaj moj icutiyyiyay iga Dios achi jém yoxacuy iga ananigáypa jém tánQmi Cristo inquímayooyi jém tungac pixiñtam jém dapic je de Israel, jem pictim juuts chiita jém Peto jém yoxacuy iga ininigáypa jém Israelpic pixiñtam jém anquímayooyi. ⁸ Jeetim Dios icutsat jém Peto iga iwatpa jém Dios iyoxacuy con jém Israelpic pixiñtam. Jeetim Dios acutsat aich iga anwatpa jém Dios iyoxacuy con jém tungac pixiñtam jém dapic je de Israel.

⁹ Jeeyucmi jém Jacobo, jém Peto y jém Xiwan, jém más mijpic anjagooyiyaj, cuando iixyaj iga Dios tsam ayoxpátne iga wiap anwat jém Dios iyoxacuy, jesic jeeyaj anacimatsyay aich con Bernabé iga quejiñ iga ityay de acuerdo con aichtam iga anwattampa jém Dios iyoxacuy jém tungac naxyucmi, jém dapic je de Israel, iganam jeeyaj iwatyajpa jém Dios iyoxacuy jém naxyucmi de Israel. ¹⁰ Solamente anímayta iga seguido anjístamiñ jém yaachayajpáppic. Numa ich tsam anwianjam iga anwatpa jem pic.

Jém Pablo iwogáy jém Peto jém attebet Antioquía

¹¹ Pero cuando oy jém Peto jém attebet Antioquía, ich anwogáy jém Peto anwiñpacnímáy porque iwat tum cosa dapic wi. ¹² Jém Peto iwaganawícyajpa jém pixiñtam jém dapic je de Israel. Pero cuando núcyaj jém icutsatneyajwip jém Jacobo, jesic jém Peto mojum ichac iga iwaganawícyajpa porque tsam icinpa jém partido, jém iwatyajpáppic jém marca de circuncisión. ¹³ Jesic los de más jém Israelpic pixiñtam, jém icupicneyajwip Jesús, ityay de acuerdo con jém Peto. Níman̄taayap iga itoyyajpa jém itiwitam jém dapic je de Israel, pero da iwianjamyaj iga iwaganawícyajpa. Hasta jém Bernabé itún̄yitim, imalwattim juuts iwatyaj los de más jém Israelpic pixiñtam. ¹⁴ Pero cuando ánix iga da iwíwatyajpa juuts

nĩmpa jém nũmapic añquĩmayooyi, añwogáy jém Peto. Cuando añtuumaneyaj itũmpiy jém icupicneyajwĩp Jesús, annĩmáy jém Peto jém pĩxiñtam iwiñjom: “Mich tum Israelpic mipĩxiñ, pero siip iñchacneum iga inwatpa jém costumbre juuts iwatyajpa jém Israelpic pĩxiñtam. Síp inwat jém tungac pĩxiñtam icostumbre. ¿Jesic tiiga iñjĩspa iga impĩimĩypa jém tungac pĩxiñtam, jém dapic je de Israel, iga iwatyajiñ juuts jém Israelpic icostumbre?”

Jém Israelpic pĩxiñtam tienes que icupicpatim jém Cristo

¹⁵ Aichtam anayta Israel. Israelpic apĩxiñtam. Da je atañcaiywĩp juuts jém tungac pĩxiñtam, jém dapic je de Israel. ¹⁶ Pero añwijodonam iga Dios da iwĩtsagáypa ni tum pĩxiñ itañca siiga no más iwatpa juuts nĩmpa jém Moisés inquĩmayooyi. Dios iwĩtsagáypa tum pĩxiñ itañca solamente cuando icupicpa Jesucristo. Jeeyucmi aichtam añcupicnetatim jém Jesucristo iga awĩtsagaytamiñ antañca. Wĩtsagayta jém Israelpic pĩxiñtam itañca jempictim juuts wĩtsagayta jém tungac pĩxiñtam itañca. Da i nũcpa jut it Dios siiga no más iwatpa juuts nĩmpa jém Moisés inquĩmayooyi. ¹⁷ Siiga añwagáypa Dios perdón de jém antañca, jesic tsam wĩquejpa iga atañcaiytim juuts jém tungac pĩxiñtam jém dapic je de Israel. Pero yĩp da nĩmtooba iga tánomi Cristo tacwatpa jém tañca porque je da wĩap tactañcawat. ¹⁸ Pero aich mismo atañcawatpa siiga eybic antũñĩypa jém wiñicpic añquĩmayooyi jém antsacnewĩp. ¹⁹ Jém wiñicpic añquĩmayooyi añquejay iga da wĩap ayoxpát, jeeyucmi antsac jém añquĩmayooyi juuts tum pĩxiñ caane. Siip avivojam iga añwatpa juuts ixunpa Dios. ²⁰ Ich añwaganaca cunusyucmi jém tánomi Jesucristo. Siip ich avivojam, pero dam aich, porque Cristo it añanamanjom. Siip anaif jém vida, it ammijtayyucmi porque añcupicpa jém Dios iManic jém tsampic atoypa, jém iyaacpic nachĩta iga accaata ich añcuyucmi. ²¹ Ich da añjójyixpa jém Dios itóyooyi. Porque siiga jém wiñicpic añquĩmayooyi wĩap tawadáy perdón jém tantañca, jesic xajatim accaata jém Cristo.

3

Dios iAnama tampictsonpa siiga tañcupicpa Cristo

¹ ¿Mimichtam, mantiwĩtam, miittañwĩp jém Galacia, da mijixiyta? ¿I mimigóyayta iga odoy incupictamiñ jém nũmapic añquĩmayooyi? Mimichtam iñixñeta iga oy manañquejayta iga accaata jém tánomi Jesucristo cunusyucmi. ² Anĩmaayi jesic, ¿tiiga michi Dios jém iAnama? ¿Que michi porque inwatpa juuts nĩmpa jém Moisés inquĩmayooyi, o michi porque incupicpa iga jém Jesucristo wĩap taciaput? ³ Mimichtam da mijixiyta. ¿Que michi iñyaac wĩap iniccupac jém inictsucumnewĩp con Dios iAnama? ⁴ ¿Que xajatim iññasca jáyan jém yaachaji cuando moj incupic jém Dios inmati? Da wĩap iga xajatim miyaachwatta. ⁵ Cuando tanjatun Dios michi jém Dios iAnama y cuando iwat jém wĩbic milagroyaj mimichtamanjom, ¿jesic tiiga iwat jempic? Iwat porque incupic jém Jesucristo, da porque inwattampa juuts nĩmpa jém Moisés inquĩmayooyi.

Jém pacto, jém iwatwĩp Dios con Abraham

⁶ Jém Abraham icupic jém tanjatun Dios. Jeeyucmi Dios iwĩpictson jém Abraham juuts tum pĩxiñ dapic tañcaiy. ⁷ Jeeyucmi mannĩmáypa, jodónataami iga jém pĩxiñtam, jém icupicneyajwĩp Dios, jeam jém Abraham imanictam. ⁸ Jém Dios inmati, jém jayñewĩp tsam wiñgam, nĩmpa iga algunos jém pĩxiñtam jém dapic je de Israel icupicyajpatim Dios, jesic Dios iwĩpictsonpa. Wiñti añmadayta jém Abraham jém wĩbic añmati cuando nĩmayta: “Mich inçuyucmi Dios iwĩwadáypa itũmpiy jém naciónay jém ityajwĩp yĩp naxyucmi.” ⁹ Jempictim Dios iwĩwadáypa itũmpiy jém pĩxiñtam jém icupicyajpáppic juuts jém Abraham.

¹⁰ Jém nĩmyajpáppic iga Dios iwĩpictsonpa siiga iwatyajpa juuts nĩmpa jém Moisés inqũmayooyi tienes que ipictsonyajpa tsam mijpic castigo porque nĩmpa asĩ jém Dios inmaĩti jém jayñewĩp: “Jém dapic iwatpa itũmpiy cosa juuts nĩmpa jém Moisés inqũmayooyi, jém jaychacnetawĩp librojom, tienes que ipictsonpa tsam mijpic castigo.”

¹¹ Tsam wĩquejpa jesic iga Dios da iwĩpictsonpa ni tum pĩxiñ jém iwatpáppic juuts nĩmpa jém Moisés inqũmayooyi. Nĩmpa asĩ jém Dios inmaĩti: “Jém icupicpáppic iga Dios wĩap iwĩtsagáy itañca, chiĩtap jém vida jém dapic cuyajpa.” ¹² Siiga tum pĩxiñ ijspa iga wĩap iwat iyaac juuts nĩmpa jém Moisés inqũmayooyi, jesic quejpa iga da icupicpa iga Dios wĩap iyoxpát. Nĩmpa jém wiñicpic anmaĩti: “Siiga tum pĩxiñ capsapa iwat juuts nĩmpa jém Moisés inqũmayooyi, iniĩtpatim jém vida jém dapic cuyajpa, pero da i capsapa iwat.”

¹³ Jém tánomi Jesucristo tayojoytámum tantañca iga odom tampictsonĩtamiñ jém castigo porque da tanwatne itũmpiy cosa juuts nĩmpa jém Moisés inqũmayooyi. Jém Cristo ipictson taichtam tancastigo. Jayñeum asĩ jém Dios inmaĩti, nĩmpa: “Mijpic castigo chiĩtap itũmpiy jém jĩmcanewĩp cuyyucmi.” ¹⁴ Asiam iwat jém tánomi Jesucristo iga iwĩwadáyapa jém tungac pĩxiñtam, jém dapic je de Israel, juuts tanjatun Dios ijycámayñe jém Abraham. Iwatpa asĩ iga tantũmpiytam cuando tancupicpa jém Jesucristo wĩap tampictsonĩta jém Dios iAnama juuts tajycámayñe.

Jycámayñeta jém Abraham iga tawĩwadáyapa Dios

¹⁵ Sĩp mantiwĩtam, mannímáyapa juuts iwatyajpa jém pĩxiñtam. Siiga tum pĩxiñ iwatpa tum trato con ifirma, jesic ocmi da i wĩap iccuyaj jém trato ni da i wĩap incodiy.

¹⁶ Dios ijycámáy iga iwĩwadáyapa jém Abraham iocmanic imanic. Cuando inmatpa asĩ, da nĩmpa iga imanictam como wati, pero yĩp anmaĩti nĩmtooba iga tum jém imanic, je jém Cristo. ¹⁷ Mannímáytooba iga Dios iwat tum trato con jém Abraham iga numa iwatpa juuts ijycámayñe. Jesic cuando nas cuatrocientos treinta amtĩy, núc jém Moisés inqũmayooyi. Como más ocmi miñ, da wĩap iccuyaj jém más wiñicpic trato, ni datim wĩap ictogoy jém promesa. ¹⁸ Tsam wiñigam Dios ijycámayñe jém Abraham iga tachiiba tum wibic herencia juuts tum xaja. Pero da porque tanwattampa juuts nĩmpa jém Moisés inqũmayooyi. Tachiiba porque tsam wiñigam tajycámayñe.

¹⁹ ¿Jesic ti mejcuy jém Moisés inqũmayooyi? Dios ichac jém ley iga inquejáyĩñ jém pĩxiñtam iga tãncay hasta cuando nũcpa jém Abraham iocmanic imanic, jém ijycámayñewĩp Dios iga icutsatpa. Dios ichac iga jém sĩnyucmipic pĩxiñtam icĩjunçotpa jém wiñicpic anqũmayooyi jém Moisés icĩjom iga tsĩy Moisés juuts tum representante.

²⁰ Tum representante icuyoxap wĩsten, pero tanjatun Dios tum.

Ti mejcuy jém Moisés inqũmayooyi

²¹ Jém anqũmayooyi tumti jixi con jém promesa jém tawadayñewĩp Dios. Meega i wĩap iwat juuts nĩmpa jém wiñicpic anqũmayooyi, jesic chiĩtap jém vida jém dapic cuyajpa. Dios iwĩpictsonpa porque iwatpa itũmpiy juuts nĩmpa jém wiñicpic anqũmayooyi. ²² Pero da i wĩap porque nĩmpa jém Dios inmaĩti iga tãncay itũmpiy jém pĩxiñtam. Nĩmpa asĩ iga ijodónayajĩñ jém pĩxiñtam iga solamente jém icupicneyajwĩp jém Cristo wĩap ipictson jém vida jém dapic cuyajpa juuts tajycámayñeta Dios.

²³ Cuando danam núc jém tiempo iga tancupicpa jém Cristo, tanjacneta idic jém wiñicpic anqũmayooyi, juuts tapajne idic, hasta que Dios tacjodónata jutsap tancupicta jém Cristo.

²⁴ Jém anqũmayooyi jex juuts tum mozo jém iwatpáppic cuenta jém tsixtam. Jém anqũmayooyi tayoxpátpa iga tancupiguiñ jém Cristo iga tawĩpictsonpa Dios. ²⁵ Pero una vez tancupicne jém Cristo, jesic dam más tanjacpa jém anqũmayooyi.

²⁶ Sĩp iñtũmpiytam Diosam mimanictam porque incupicneta jém tánomi Jesucristo.

²⁷ Mimichtam cuando micchĩtamta, michĩyta juuts mitũmtĩtam con Cristo. Dios michi

jém Cristo ijixi juuts miccámáyámpa tum jomipic yooti. ²⁸ Cuando Cristo tamichitam, jesic tantumpiytam tajextim. Siiga taIsraelpic tapixiñ o tagriegopic tapixiñ, tajextim. Siiga taesclavo o da taje, tajextim. Siiga tapixiñ o tayomo tajextim. Tantumpiytam tatuntitam porque Cristo tamichitam. ²⁹ Siiga Cristo mimichitam, jesic jém Abraham mimanictam. Impictsonjámpatim titam ijycámáy Dios jém Abraham.

4

¹ Siip manañmadáypa tum ejemplo. Siiga caaba tum tsixi ijatun y ichagáypa imaníc itumpiy jém iniitwip, jesic jém tsixi tsíypa juuts tum esclavo iganam mijap. Pero imichitim itumpiy jém ichagayñewip ijatun. ² Accámajtap algunos juuts maestro y mayordomo iga iwatpa cuenta jém tsixi iganam mijap hasta núcpa jém jama iga iñuntamichap juuts nimpá jém ijatun. ³ Jesanetim taichtam. Wiñigam cuando danam tanjucicne jém Cristo, da ti tanjodon juuts tum tsixi. Tanjacneta idic jém wiñicpic jixi jém itwip yip naxyucmi. ⁴ Cuando núc jém tiempo iga ixunpa Dios, jesic Dios icutsat imaníc yip naxyucmi. Nay tum yomyucmi. Injacpatim jém wiñicpic anquímayooyi. ⁵ Jeeyucmi wiap iccutsigáy jém pixiñtam, jém injacneyajwip idic jém wiñicpic anquímayooyi iga Dios ipictsoniñ juuts imanictam.

⁶ Siip quejpa iga Diosam tamanictam porque tachiiñeta jém Cristo iAnama tánanamanjom, tayoxpátpa iga wiñiñ tannímáy Dios: “Manjatun Dios.” ⁷ Jeeyucmi siip dam je miesclavo, Diosam mimanic. Siiga Diosam mimanic, jesic iniit jém derecho iga impictsonpa itumpiy jém herencia, jém ichiipáppic Dios jém imanictam.

Jém Pablo iwogáy jém Galaciapic pixiñtam

⁸ Wiñic cuando danam iñixpicpa Dios, injcuyoxap idic juuts esclavo jém tungac diosyaj jém dapic je nunta Dios. ⁹ Pero siip iñixpictámpa Dios o más wi iga tanimpa iga Dios miixpicpa mimichtam. ¿Jesic tiiga mixetpa iñtuuñanxim iga eybic injcuyoxap juuts esclavo jém tungac anquímayooyi, jém dapic tayoxpátpa, jém dapic iniñ ipimi? ¹⁰ Da iñchac iga inwatpa itumpiy jém sinyaj juuts iwatyajpa jém icupicneyajwip jém wiñicpic costumbre. Iñjispá iga jempigam miwitsagáypa jém iñtánca. ¹¹ Ich tsam acinpa iga axajayoxa mimichtámanjom.

¹² Mantiwitam, manjuncucáypa iga iñchaguiñ jém anquímayooyi juuts ich antsac cuando moj anjucic jém Cristo. Ich anjispá cuando oy aiti con mimichtam, agui anwipictsonja. ¹³ Iñjodónata iga wiñti oy manañmadáy jém Cristo injquímayooyi porque ich amimne idic, jeeyucmi atsíy con mimichtam. ¹⁴ Ich tsam pimi amimne, tsam pimi acutitsta, pero mimichtam da anquebacputta, ni datim anjójixía. Anwipictsonja juuts tum sinjucmicpic pixiñ, juuts Jesucristo iyaac. ¹⁵ ¿Jut it jém maymáyají jém iniitwip idic cuando impictson jém wibic anmati? Ich atsíy juuts testigo iga mimichtam tsam anyoxpáttamtooba idic. Meega wiap, iñtoptámpa idic jém iñixcuy iga anchiiba. ¹⁶ ¿Jesic tiiga tsam anjójixítámpa iga mannuamanmadayñe?

¹⁷ Yip tungac maestroyaj nimanjaayap iga tsam mitoypa, pero da iga miwíwadáypa. Ixunyajpa iga antsaganputtamiñ aich iga iñtúnijytamiñ jeeyaj. ¹⁸ Jesic wi iga mitoypa jém tungac maestroyaj siiga numa miwíwadaytooba, pero da wi siiga nada más mitoypa cuando iixpa iga ait con mimichtam. ¹⁹ Mammánictam, tsam ayaachap hasta toypa ánanama por mimichtam juuts tum yomo jesic icnappa imaníc. Eybic manyoxpáttooba hasta que iniittamiñ jém Cristo ipimi iñanamanjom. ²⁰ Meega awiap, siipti anicpa jut miitta. Manwianquejáypa ti ixunpa Dios. Porque ich da anjodon siiga injcupicpa jém wibic anmati o iñchactooba.

Jém ejemplo de jém wisten yomtam jém Agar y Sara

²¹ Michtam tsam inꝓictamtooba jém Moisés inꝓuímayooyi. ¿Pero que inꝓutiiyítampa ti nĩmpa jém anꝓuímayooyi? ²² Nĩmpa jém Dios inꝓaꝓi, jém jayñewiꝓ, iga jém Abraham iniit wisten imaníc. Tum imaníc iwat con jém yomo Agar, jém iesclava. Jém tungac imaníc iwat con jém inũuntayomo jém dapic je esclava. ²³ Jém iesclava imaníc nay juuts cualquier pĩxiñ. Pero jém inũuntayomo, jém dapic je esclava, icnay jém imaníc iga cupacpa juuts ijycámayñe Dios. ²⁴ Yíp cuento manaccámaypa como tum ejemplo. Jém wisten yomo jex juuts jém wisten trato jém iwatnewiꝓ Dios. Jém wiñtipic watnetā jém cotsicyucmi jém Sinaí. Jém trato jex juuts jém Abraham iesclava jém Agar. Jém icupicneyajwiꝓ yíp trato tsíyipa juuts tum esclavo porque icuyoxayajpa jém Moisés inꝓuímayooyi. ²⁵ Jém Agar jex juuts jém cotsic Sinaí jém naxyucmi Arabia, jex juuts jém atebet Jerusalén jém siꝓpic it con itũmpiy jém imanictam jém Israelpic pĩxiñtam. Tsíyyaj jeeyaj juuts esclavo porque inꝓacneyaj jém wiñicpic anꝓuímayooyi. ²⁶ Pero jém tungac Jerusalén, jém itwiꝓ siꝓyucmi, tsíy libre. Taichtam jém siꝓyucmiꝓic Jerusalén tamānictam. ²⁷ Nĩmpa así jém Dios inꝓaꝓi jém jayñewiꝓ:

Maymájaji, miyomo, jém dapic mimanigíy.

Pĩmi anꝓeji de maymájaji jém dapic queman inicnay tum tsixi.

Porque núcpa jém jama iga jém yomo jém tsacnetawwiꝓ,

iniitpa más jáyan imaníc que jém yomo jém iniitwiꝓ jém iwidaaya.

²⁸ Mantiwitam, mimichtam Diosam mimānictam porque Dios tajycámayñe iga tamānigap jextim juuts jém Isaac. ²⁹ Wiñigam jém Abraham imaníc, jém nayñewiꝓ juuts cualquier pĩxiñ, tsam iyaachwat jém itwiꝓ jém ijycámayñewiꝓ Dios iga naypa. Jesapim siꝓ jém icupicneyajwiꝓ jém wiñicpic anꝓuímayooyi tsam iyaachwatayajpa jém icupicneyajwiꝓ Cristo jém nayñewiꝓ con Dios iAnama. ³⁰ ¿Jesic ti nĩmpa jém anꝓaꝓi jém jayñewiꝓ? Nĩmpa así: “Tanjatun Dios inĩmá yém Abraham iga quebacꝓti jém inĩesclava con imaníc porque jém yomo imaníc da wiꝓ ipictson jém herencia juuts jém inũuntayomo imaníc.” ³¹ Jeeyucmi, mantiwitam, da tatsíyta juuts jém esclava imaníc porque tamānictam de jém yomo jém dapic je esclava.

5

Odom más tatsíyĩ juuts tum esclavo

¹ Jém tánomi Jesucristo tachi jém libertad iga odom más tatsíytamiñ juuts tum esclavo. Jesic odoy jĩici iga i miccámaypa eybic inĩsciyucmi jém yunta iyugo, jém wiñicpic anꝓuímayooyi.

² Amatonꝓtaami. Ich aPablo. Siꝓ mannímáypa siiga inĩjĩcpa iga miwadayꝓap jém marca de circuncisión iga miccáyayĩñ jém inĩtāꝓca, jesic tánomi Cristo da wiꝓ miyoxpáta.

³ Eybictim mannímáypa, siiga tum pĩxiñ ijĩcpa iga wadayꝓap jém marca de circuncisión iga odoy iniidiñ jém tāꝓca, jesic tienes que iwatpatim itũmpiy juuts nĩmpa jém Moisés inꝓuímayooyi iga odoy ipĩctsoñiñ jém miꝓpic castigo. ⁴ Siiga algunos de mimichtam inĩjĩspa iga Dios miccáyaypa inĩtāꝓca porque siꝓ inꝓwat juuts nĩmpa jém Moisés inꝓuímayooyi, jesic quejpa iga inĩchacne iga inꝓcupicpa jém tánomi Cristo. Inĩchacneum jém Dios itóyooyi. ⁵ Pero taichtam tananjócpa por medio de Dios iAnama iga tawĩtsagáypa tantāꝓca porque tanꝓupicpa iga Dios wiꝓap tayoxpát. ⁶ Siiga Cristo tamĩichi, jesic da para ti wi siiga tanaif jém marca de circuncisión o da tanaĩ. Pero tsam wi siiga tanꝓupictámpa iga Dios wiꝓap tayoxpát y tanaif jém wĩbic tóyooyi.

⁷ Mimichtam inꝓwĩwattámpa idic juuts ixunpa Dios. ¿Jesic i mictsac jém numapic anꝓuímayooyi iga da más inꝓupicpa? ⁸ Quejpa iga da je Dios michi yíp jixi porque Dios miñwejay iga michíyĩñ juuts jém imanictam. ⁹ Jĩstaami iga: “Uxan levadura icꝓipa

itumpiy jém jaapi.” ¹⁰ Ich ancupicpa iga tánomi tsam miyoxpátpa, jeeyucmi da ançinpa iga incupictámpa jém tungac anquímayooyi. Dios ichiiba castigo jém pxiñ jém icujíñaypaap jém Dios ipxiñtam. Dios da iticutigiyi japaap jém pxiñ.

¹¹ Mantiwitam, tsam ajóyixajpa jém Israelpic pxiñtam porque da anañmadáypa jém pxiñtam iga ixunpa Dios iga tanwatpa jém marca de circuncisión. Pero meega anañmatpa jexpictim mi-gooyi, jesic jém Israelpic pxiñtam da ijóyixajpa jém wibic anmati iga accaata tánomi Cristo jém cunusyucmi. ¹² Jém malopic maestroyaj tsam mimoogíypa porque ixunpa iga inwattámpa jém marca de circuncisión. Ich animpa más wi meega iyaac nacapunyajtaiñ.

¹³ Mimichtam mantiwitam, Dios micupinpa iga michiitámpa jém libertad de jém wiñicpic anquímayooyi. Pero jém libertad da michiiba lugar iga immalwatpa. Michiiba lugar iga minitoytamtaiñ con jém iñiwitam, iga miniyoxpáttamtaiñ. ¹⁴ Porque cupacpa tanwat itumpiy jém Dios inquímayooyi siiga tanwatpa juuts nimpá yip anmati: “Tantóyiñ tantiwitam como taich mismo tanatoytap.” ¹⁵ Pero siiga tsam minijóyixátamtap con jém iñiwitam y tsam míñatámpa, jesic cuidado iga miniyajtamtap.

Dios iAnama tayoxpátpa iga tanwawatpa

¹⁶ Siip mannímáypa, cupictaami juuts nimpá jém Dios iAnama, odoy wattaami jém malopic cosa juuts iñjistámpa iñanamanjom. ¹⁷ Jém malopic jixi, jém tanaitwip tánanamanjom, it en contra de jém Dios iAnama. Jém Dios iAnama ittim en contra de jém malopic jixi. Icuistic it en contra. Jeeyucmi da wíap inwat jém wibic cosa juuts iñxunpa. ¹⁸ Pero siiga incupicpa juuts nimpá jém Dios iAnama, jesic dam más minjacpa jém wiñicpic anquímayooyi.

¹⁹ Tsam wiquejpa titam iwatyajpa jém pxiñtam jém iniitwip jém malopic jixi ianamanjom. Pejóypa, yomtsicpa, icusúniypa itumpiy jexpic cosa jém dapic wi. ²⁰ Ijisyajpa jém watnas, iñawatwadáypa itíwi. Tsam jóytero. Tsam áñapa. Tsam naja. Tsam jóyixóypa. Agui nawiwadaytatooba iyaac. Nawéctap, iwatpa tungac grupo. ²¹ Tsam cuyóyíyóypa. Accaóypa. Tsam ucpa. Iwatpa malopic sin y itumpiy jexpic cosa. Siip eybic mannímáypa juuts mannímayne iga jém pxiñtam, jém iwatpáppic jempic, da wíap iñuc jut injacpa Dios.

²² Pero Dios iAnama tayoxpátpa iga tatóyoyiñ, iga tamaymáyatámiñ, iga odoy táñatámiñ con jém tantiwitam, iga tanyaachiyiñ siiga i tamalwadáypa. Da tamalo. Tanyoxpádiñ i quej, tanaccupaguiñ juuts tanjycámayne. ²³ Da tanacujíptap. Seguido tanwatpa jém wítampic cosa, da i wíap tacutits iga tacmalwatpa. Da i ni tum ley en contra de jém wibic cosa. ²⁴ Itumpiy jém pxiñtam jém Cristopic imichiyaj, icunún jém malopic ijixi cunusyucmi. Tsíy juuts caane jém malopic jixi iga odom más tanjusúniyiñ jém malopic cosa. ²⁵ Siiga tanaif jém vida, jém tachiiñewip jém Dios iAnama, jesic wi iga tanwattámiñ juuts tanquejáypa jém Dios iAnama.

²⁶ Da wi iga minicujíptap iñyaac porque jempigam inictsucumpa jém pleito. Datim wi iga minicujóyiytamtap.

6

Nayoxpáttamtaji con jém tantiwitam

¹ Mantiwitam, siiga impát tum tantíwi iccutiñe itañca, jesic mimichtam, jém inwattampáppic juuts minquejáy jém Dios iAnama, yoxpaati iga tsucúmiñ eybic. Anjijajaci chocoymi con tum wibic iñanama. Pero cada tumtum de mimichtam nawattamtaji cuenta iga odoy i micutíchiñ iga micmalwatpa. ² Mantiwitam, nayoxpáttamtaji con jém

tantiwitam iga iñyaachiytámiñ cuando micutítstamtap. Jempigam capsapa inwat itumpiy jém tánQmi Jesucristo inquímayooyi.

³ Siiga tum pixiñ tsam nacujíptap y nimpa iga agui wíap, pero da ti ijodon, jesic namigóyaytáp iyaac. ⁴ Cada tumtum de mimichtam nacipintaji iñyaac. Siiga inwíwatne, jesic mimaymay. Pero odoy jisí iga jém iñtíwi da wíap. ⁵ Cada tumtum ininiguíñ iyaac jém ichimi.

⁶ Siiga tum pixiñ icuyujcaaba jém wibic anquímayooyi, wí iga ichiñ jém imaestro jém wibic cosa titam iniit.

⁷ Mimichtam odoy namigóyaytaji iñyaac. Da i wíap imigóyáy Dios. Titam tanñippa, jeetim cosecha tampinpa. ⁸ Siiga tum pixiñ iwatpa jém malopic cosa juuts ijíspa ianamanjom, jesic ipictsonpa jém castigo. Togoypa jém pixiñ. Pero siiga i iwatpa juuts iñímáypa jém Dios iAnama, jesic ipictsonpa jém vida jém dapic cuyajpa. ⁹ Jesic wí iga odoy tasopstámiñ iga tanwíwattámpa porque cuando núcpa jém tiempo juuts ixunpa Dios, tampictsontámpa tum wibic coñwiyoooyi siiga da tantsacne iga tanwíwatpa. ¹⁰ Jeeyucmi iganam tavivo, wí iga tanwíwadáyíñ itumpiy jém pixiñtam, pero da tantsacpa iga tanwíwadáypa jém tantiwitam jém icupicneyajwíp tánQmi Cristo.

Jém Pablo ichiiba jixi jém tantiwitam y ocmi inquímpa

¹¹ Ixtaami iga tsam mijpic letra síp manjáyáy ançimi. ¹² Jesanetim tsam wíquejpa iga jém malopic maestroyaj mipimiytámpa iga inwattámiñ jém marca de circuncisión. Iwatyajpa jempic iga iwíixyajiñ jém Israelpic pixiñtam. Tsam cinyajpa iga yaachwattap, jeeyucmi da inmattooba iga accaata cunusyucmi jém Jesucristo. ¹³ Porque ni jeeyaj, jém wadayñetawíp jém marca de circuncisión, datim capsapa iwatyaj itumpiy juuts nimpa jém Moisés inquímayooyi. Pero tsam iwianjamyaj iga miwadaytamtap jém marca de circuncisión iga wíaiñ inicujípyajta mimichtam incuyucmi. ¹⁴ Pero ich da anacujíptap anyaac. Wí iga tançujíppa tánQmi Jesucristo porque je accaata cunusyucmi para taichtam. Jeeyucmi tsíy juuts caane cunusyucmi para ich itumpiy jém malopic jixi jém itwíp yíp naxyucmi. Ich atsíy juuts acaanetim iga da más ançusúníypa jém cosa dapic wí. ¹⁵ Siiga Cristo tamichi, jesic da ti cuwatcuy jém marca de circuncisión siiga tanaít o da tanaí. Pero wí iga tacjoomasetpa jém Cristo. ¹⁶ Wí iga itumpiy jém icupicyajpáppic yíp anquímayooyi, con jém nunta Israelpic pixiñtam, jém Diospic imichi, iniityajiñ jém wibic paz ianamanjom. Wítim iga Dios iyaachanjamyajiñ.

¹⁷ Dende siip odoy i más amoogíyíñ porque anasiba annacyucmi jém marca iga acótsta jém tánQmi Cristo icuyucmi.

¹⁸ Mantiwitam, siip jém tánQmi Jesucristo ittámiñ iñanamanjom y miwíwadaytámiñ. Jemum cuyaj.

Jém carta jém ijáyayñewiip Pablo jém ityajwiip jém attebet Efeso

Jém Pablo ijáyaypa Dios ipixiñtam jém attebet Efeso

¹ Ich aPablo. Jém tánQmi Jesucristo accám juuts tum apóstol porque asíam iwianjam Dios. Siip manjáyaypa mimichtam, Dios mipixiñtam, jém miittanwiip jém attebet Efeso jém incupicnetanwiip Jesucristo. ² Miwíwadáyíñ jém tanJatun Dios y jém tánQmi Jesucristo. Michiitámiñ jém paz iga da ti idíyíy iñanamanjom.

Chiitq wibic bendición jém Cristo ipixiñtam

³ Tanjújíptámpa Dios, jém tánQmi Jesucristo iJatun, porque tsam tawíwadáyíñ, tachiíñe jém siñyucmic bendición jém dapic tánixpa. Tawadayñe así porque tamichi jém tánQmi Cristo. ⁴ Dios tacupin tsam wiñigam cuando danam iwatne yíp mundo iga tamichap jém tánQmi Cristo, iga tatsíytámiñ juuts tum wibic pixiñ dapic táncáiy Dios iwiñjom. ⁵ Como tsam tatoypa Dios, dende wiñigam tacupin iga tamanigap jém tánQmi Jesucristo icuyucmi. Tawadáy así porque jempam iwianjam. ⁶ Jeeyucmi tanjújíptámpa Dios porque tsam tóyóypa y tsam tawíwadáyaypa. Tawadáy así porque tamichi jém tánQmi Cristo, jém tsampic itoypa Dios. ⁷ Yíptim Cristo tajojáy tantánca cuando itegáy iñipiñ. Tawadáy perdón jém tantánca porque Dios tsam tóyóypa, tsam tawíwadáyaypa. ⁸ Quejpa iga Dios tsam pími tatoypa porque tachi itumpiy jém wibic jixi iga tanjutíyíyíñ ti tanquejáypa Dios. ⁹ Tacjodóna ti iwattooba, jém jixi jém añécnewiip dende wiñigam. Iyaac ijsne idic iga iwatpa juuts je iwianjam. ¹⁰ Cupacpa iwat juuts iwianjam Dios cuando núcpa jém iñanpigam jama. Dios ijs iga icijunçotpa itumpiy cosa jém Cristo icijom iga injacpa jém ityajwiip siñyucmi y jém ityajwiip naxyucmi.

¹¹ Jém Cristo tamichi, porque Dios tacupin neum dende wiñigam iga tampictsoniñ titam tachiiba Dios juuts ijsne idic. Porque siempre iwatpa Dios juuts je iwianjam. ¹² Iwianjam iga aichtam atsíytámiñ jém wiñtipic iga ananjóctámpa jém Cristo iga añcujíptámpa porque tsam iniit ipimi. ¹³ Ocmi, mimichtam, mimichatim jém Cristo cuando immaton jém numapic anmatí iga Dios taciaputpa. Cuando moj incupicta jém Cristo, michiita jém Dios iAnama iñanamanjom juuts tum sello iga quejiñ iga Dios mimichi, juuts tajycámayñe. ¹⁴ Tachiíñe Dios iAnama iga tacjodónap iga numa tampictsonpa titam tajycámayñe Dios. Tampictsonpa cuando capsum taciaput tantumpiytam jém Diospic tamichitam. Jesic tanjújíptámpa tanJatun Dios iga agui wiap.

Jém Pablo iwágáypa Dios iga ichiñ jém wibic jixi jém icupicneyajwiip tánQmi

¹⁵ Jeeyucmi cuando ammaton iga tsam incupicpa tánQmi Jesús y iga tsam iñtoypa itumpiy jém Dios ipixiñtam, ¹⁶ da antsacpa iga anchiiba gracia Dios para mimichtam. Siempre manjspa cuando anwatpa oración. ¹⁷ Anwágáypa jém tanJatun Dios, jém tsampic wiap, jém tánQmi Jesucristo iDiosim, iga michiñ jém wibic jixi iñanamanjom iga más inwicutíyíyíñ titam minquejáypa y iga más inwixpiguíñ jém tanJatun Dios. ¹⁸ Anwagáypatim Dios iga miyícquejiñ iñanamanjom iga más incutíyíyíñ tiiga micupin y iga iñjodónatámiñ ti herencia ipictsonyajpa jém Dios ipixiñtam jém tsam wibic riqueza. ¹⁹ Minquejáypatim iga tsam wiap tanJatun Dios. Da cuyajpa ipimi, wiap tayoxpát jém tanjucicnewiip jém Cristo. Dios tanquejáy iga tsam pími wiap ²⁰ cuando icpis jém tánQmi Jesucristo de jut it jém caaneyajwiip, iccoñ jém Dios inwimi siñyucmi. ²¹ Iccám iga anjagooyi iga injacpa itumpiy jém anjagooyiyaj y jém tsampic wiap, jém itwiip yíp naxyucmi

y jém itw̄ip siñyucmi. Jém sīppic it y jém miñpáppic ocmi. ²² Tsacta itump̄iy cosa jém tán̄omi Cristo ipuyc̄im iga in̄jacpa. Accám̄ta iga an̄jagooyi iga in̄jacpat̄im itump̄iy jém Dios ip̄ixiñtam. Tsíy iga cobac̄pic. ²³ Y jém Dios ip̄ixiñtam tsíy iga Cristo im̄ijt̄ay, icomne icum̄ij con itump̄iy jém w̄ibic cosa.

2

Dios taciaputpa porque tsam tatoypa

¹ Mimichtam michíyñe idic juuts tum̄ p̄ixiñ caanew̄ip porque tsam immalwatne, tsam mitán̄caíy. ² Tsam idic immalwatpa cuando danam in̄cupicne Cristo. Tsam idic immalwatpa juuts iwatyajpa jém malopic p̄ixiñtam jém ityajw̄ip yíp naxyucmi. Tsam idic in̄watpa juuts iw̄ian̄jam jém Woccīwiñ, jém mal espíritu in̄jagooyi, jém sīpáppic sauyucmi. Jeetim mal espíritu it̄ jém p̄ixiñtam ianaman̄jom jém dap̄ic icupicpa Dios. Agui icmalwatpa. ³ Taichtam tajextim idic. Tantump̄iytam tsam tammalwatpa idic juuts nimpa jém malopic j̄ixi tán̄anaman̄jom y tan̄jixian̄jom. Jeeyucmi tamp̄ictson̄pa idic jém Dios icastigo juuts jém tungac p̄ixiñtam. ⁴ Pero tan̄jatun̄ Dios tsam p̄imi tayaachan̄jampa. Tsam p̄imi tatoypa. ⁵ Aunque tatsíyñe idic juuts tacaane porque tsam tatán̄caíy, Dios tachi jém vida porque acp̄ista jém Cristo. Tsam tóyóypa Dios jeeyucmi michtam miciaacputtam̄ta. ⁶ Tawagaacp̄is Dios con Cristo, sīp tan̄waganacoñ̄ Cristo siñyucmi. ⁷ Iwat jemp̄ic iga tan̄quejáypa itump̄iy tiempo, jém miñpaap, iga tsam tóyóypa Dios y tsam tayoxpáttooba porque tan̄waganait̄ jém Jesucristo. ⁸ Dios tsam tayaachan̄jampa, jeeyucmi miciaacputta porque in̄cupicne iga Dios w̄iap miyoxpát. Da iñyaac miniciaacputta, pero Dios michi tum̄ xaja. ⁹ Da i w̄iap iw̄iwat iga naciaacputtap̄ iyaac, iga da i w̄iap in̄icujíptā iyaac. ¹⁰ Taichtam Dios tawāti. Tacjoom̄aset cuando moj tan̄cupic Jesucristo iga tan̄wattámiñ jém w̄itamp̄ic cosa juuts je ixunpa. Dende wiñgam̄ ijs̄ Dios iga tan̄w̄iwattámiñ.

Tatsíyta juuts tumti attebet

¹¹ J̄istaami iga mimichtam migentiles, da je mijudíos. Da inīta jém marca de circuncisión im̄ijt̄ayyucmi juuts jeeyaj. Y jém marcajyw̄ip miccámáy iññ̄iyi: “Jém tungac mip̄ixiñtam jém dap̄ic mimarcaj̄iy.” ¹² J̄istaami iga wiñic mimichtam da idic miitta con Cristo. Miit in̄cutum. Da inī derecho iga in̄waganait̄pa jém Israelpic p̄ixiñtam. Tungac mip̄ixiñtam. Da idic iñ̄ixpicpa jém wiñicpic trato juuts ij̄ycámayñe Dios jém Israelpic p̄ixiñtam. Da idic in̄jodon̄ iga Dios miw̄iwadáypa. In̄cutum idic michíyñe yíp naxyucmi, miitta idic sin Dios. ¹³ Sīp in̄waganait̄um Cristo. Mimichtam michíyñe idic juumi, pero sīp w̄iap in̄cunúcta nocojom̄ porque jém Cristo itegáy iñ̄piñ. ¹⁴ Sīp Cristo iccuyaj jém pleito entre jém Israelpic p̄ixiñtam y jém tungac p̄ixiñtam iga tsíyyaj juuts tumti attebet. It idic juuts tum̄ taañi entre jém Israelpic p̄ixiñtam y jém tungac p̄ixiñtam, pero Cristo im̄iswat jém taañi. ¹⁵ Cuando cunúnta cunusyucmi, iccuyaj jém wiñicpic an̄químayooyi, jém tsamp̄ic ip̄im̄iypa idic jém p̄ixiñtam. Iwat jemp̄ic iga tatsíytámiñ juuts tumti tap̄ixiñ porque Cristo tam̄ichitam. Sīp tatum̄titam, cuyajneum jém pleito. ¹⁶ Accaatā cunusyucmi jém Cristo iga tatsíytámiñ amigo con Dios porque tan̄cuistictam tatsíyta tumti mij̄tay. Asíam̄ iccuyaj jém pleito.

¹⁷ Jém Cristo miñ in̄mat yíp naxyucmi jém w̄ibic an̄māti. Nimpa iga w̄iap tantsíyta amigo con Dios. Miñ miñmadáy mimichtam jém miitw̄ip juumi. In̄madáȳtim jém Israelpic p̄ixiñtam jém itw̄ip nocojom̄. ¹⁸ Jém Cristo icuyucmi tantump̄iytam w̄iap tan̄cunúcta tan̄jatun̄ Dios. Tawiat̄ampa porque jeetim Dios īanama tayoxpát̄pa. ¹⁹ Jeeyucmi mimichtam dam je juum̄ipic mip̄ixiñtam, jém sīpáppic idic tungac naxyucmi. Pero sīp

inwaganait jém Dios ipixiñtam. Mimichtam Dios mimañictam. ²⁰ Mimichtam mijex juuts tum tic jém watnetawwip jém baseyucmi. Jém Jesucristo mismo je jém wiñtipic tsa, jém esquinajywip jut pimane jém tic. Jém wiñicpic añmatciwiñ y jém apóstolyaj jex juuts jém tsaayaj jém picnetawwip para jém base jut tsucumpa jém mastic. ²¹ Tsajcámta itumpiy jém icupicneyajwip Cristo jut pimane jém tic. Tsam jáyanap jém Dios ipixiñtam hasta cupacpa jém wibic mastic jut it Dios. ²² Jesic taichtam como Cristo tamichitam, tacumuntsajnetā iga tanwattampa tum mijpic tic jut itpa jém Dios iAnama.

3

Cutsatta jém Pablo iga inmadáypa jém dapic je de Israel

¹ Jeeyucmi ich aPablo apajnetā porque manañmadáy jém Jesucristo inquímayooyi mimichtam jém tungac mipixiñtam. ² Wí iga inñodónaiñ iga Dios achi jém yoxacuy y ayoxpát iga manañmadáypa iga Dios tsam miwíwadaytooba. ³ Añquejay Dios jém jixi, jém añnécnawwip, juuts wiñti manjáyayñe. ⁴ Cuando immaypa jém toto, wíap incutiyiy iga jém Cristo añquejay jém jixi, jém añnécnawwip idic. ⁵ Dios da inquejay yíp jixi jém wiñicpic pixiñtam. Pero siip Dios iAnama inquejay jém apóstolyaj, jém cuáyñewwip, y jém Dios inmatciwiñ ⁶ iga jém dapic je de Israel ipictsonpatim jeetim herencia juuts jém Israelpic pixiñtam. Siip jém tungac pixiñtam tsíyyaj juuts tumti mjtay con jém Israelpic pixiñtam. Ipicsonyajpatim titam iyycámayñe Dios jém imanictam, jém icupicneyajwip Jesucristo por medio de jém wibic añmati.

⁷ Dios acupin iga añcuyoxap yíp wibic añmati. Achi yíp yoxacuy juuts tum xaja porque tsam iniiit ipimi, je tsam wíap. ⁸ Ich más da awíap que itumpiy jém Dios ipixiñtam, pero Dios ayoxpát, achi jém derecho iga anañmadáypa jém tungac pixiñtam jém tsam wibic riqueza de Cristo jém dapic wíap tammay. ⁹ Achiitim jém derecho iga anacjodónap itumpiy jém pixiñtam ti iwattooba Dios. Anañquejáypa jém jixi jém dapic i wíap icutiyiy, dende wiñgam innécne idic Dios, jém iwatnewwip itumpiy cosa. ¹⁰ Dios ixunpa iga siip por medio de jém icupicnewwip Cristo icjodónap jém sinyucmicpic pixiñtam, jém injacyajpáppic sinyucmi, itumpiy jém wibic jixi jém iniiitwip tanjatun Dios. ¹¹ Dios iwat juuts ijis dende wiñgam cuando icutsat tánomi Jesucristo yíp naxyucmi. ¹² Cristo tamichi, jeeyucmi da tacinpa, tanjodon iga wíap tanjunuc Dios sin cñi porque tancupicne. ¹³ Jeeyucmi manjunucsáypa iga odoy añyaaci iga agui ayaachwattā mimichtam inçuyucmi. Annascaaba así iga Dios miwíwadáyñ.

Cristo iniiit jém wibic tóyooyi

¹⁴ Jeeyucmi acosteñpa jém tánomi Jesucristo ijatun iwiñjom. ¹⁵ Itumpiy jém ityajwip sinyucmi y jém ityajwip yíp naxyucmi ipictsonayyajpa inñiyi iga ijatunim. ¹⁶ Añwágáypa Dios iga con jém wibic riqueza michiitámiñ jém ipimi inñanamanjom iga más miwíap por medio de jém iAnama ¹⁷ iga iniiitámiñ tánomi Cristo inñanamanjom porque incupicpa iga Dios wíap. Jesic da inñacpa jém wibic tóyooyi. Mijex juuts tum cuy tsam jojmi tichigiy. Mijex juuts tum tic tsam wíwatne. ¹⁸ Jesic wíap incutiyiyta con itumpiy jém Dios ipixiñtam iga jém Cristo itóyooyi da cuyajpa, tsam wíti, tsam yagats, tsam jojmi y tsam yucmi. ¹⁹ Añwágáypatim Dios iga micjodónaiñ jém Cristo itóyooyi, mex da nunca capspa tanjodóna. Añwágáypatim Dios iga iniiitámiñ itumpiy jém wítampic cosa jém tachiiñewwip Dios.

²⁰ Siip tançujíptampa tanjatun Dios jém wiapaap iwat itumpiy jém wítampic cosa para taichtam. Tayoxpátpa con ipimi tánanamanjom. Más pimi tawíwadáypa Dios que juuts tanwágáypa o juuts tanjspa. ²¹ Taichtam Dios tamastic. Taichtam Jesucristo tamichi. Wí iga tançujíptampa tanjatun Dios itumpiy tiempo, da nunca cuyajpa tançujíp. Amén.

4

Dios iAnama tayoxpátpa iga tanaittámiñ tumti tanjixi

¹ Ich aPablo apajta cárcel jém tánQmi Jesucristo icuyucmi. Jistaami iga Dios micu-pin iga michíytámiñ juuts Dios mimanictam. Jeeyucmi mancunucsáypa iga siempre inwíwattámiñ juuts ixunpa Dios. ² Siempre wattaami juuts tum wibic pixiñ, dapic malo, tsam wí ianama. Wínanigaayi jém iníwítam, nayaachanjamtamtaji con jém wibic tóyooyi. ³ Wadaytaami caso iga iniittámiñ tumti jixi con jém tantíwítam porque Dios iAnama tayoxpátpa. Odoy tájatámiñ porque tatumtitam. ⁴ Tumti mijtay jém Dios ipixiñtam. Tumti Dios iAnama tanaitta. Dios tanwejay iga tanwagaanjócpa tumti cosa. ⁵ Tumti tánQmi, tumti jém anquímayooyi jém tancupicpaap, tumti jém acchínooyi. ⁶ Tumti tanDios, tantumpiytam tanjatun. Imatspacne itumpiy cosa. Jut quej it Dios. Tanwaganaitta Dios tantumpiytam.

⁷ Pero cada tumtum de taichtam tachiiñeta jém Dios ipimi iga wíap tanwat jém iyoxacuy, Cristo taquípsáy juuts je ixunpa. ⁸ Jeeyucmi nimpá así jém Dios inmati: Cuando quím eybíc sinyucmi jém Cristo, ininic jém pajnetawíp idic.

Ichi jém pixiñtam tsam jáyan wítampic xaja.

⁹ ¿Ti nimtooba iga: “Quím eybíc sinyucmi?” Nimtooba iga quet hasta más jojmí nascim. ¹⁰ Jém quetwíp nascim, jeetim jém químwíp sinyucmi jut más yucmi iga itpa jut quej con jém ipimi. ¹¹ Je mismo iccám algunos iga apóstol, tunyac iga inmatpa Dios inmati, tunyac iga inmadáypa jém pixiñtam jutsap iciacput Dios, tunyac iccám iga pastor iga iwatpa cuenta jém Dios ipixiñtam, tunyac iccám iga maestro iga inquejáypa Dios inmati jém pixiñtam. ¹² Accámyajta iga iyoxpátpa jém Dios ipixiñtam iga más wíap iwatyaj jém Dios iyoxacuy y iga capsapa icuyujca jém Dios inmati jém ipixiñtam, jém tsíyñeyajwíp juuts Cristo imijtay. ¹³ Hasta que tantumpiytam tancupictámiñ con tumti tanjixi, hasta parejo tanwíxpiguiñ jém Dios iManic. Jempigam tatsíypa juuts tatsamitam, iga wíap tanwat itumpiy juuts ixunpa Cristo. ¹⁴ Dam tanwatpa juuts jém tsixtam porque da táñca imigóyayta jeeyaj jex juuts jém sawa iga nicpa yim jeexic, porque icupicpa tunyac anquímayooyi. Jém malopic anmatcwiñ agui jáyayanjichich, wíp tamigóyáy iga tacmalwatpa. ¹⁵ Pero taichtam tanañmatpa jém numapic anquímayooyi con jém wibic tóyooyi. Wí iga tamijap hasta tanactsíypa jém tammijtay icobac, jém tánQmi Cristo. ¹⁶ Taichtam jex juuts Cristo imijtay. Cada tumtum tapimane jém Cristo imijtayyucmi. Jeeyucmi tanwatpa juuts ixunpa Cristo, cuando tawiyoxatámpa, tajáyanap, hasta capsapa tanuyujca jém Cristo inquímayooyi porque tanaít jém wibic tóyooyi.

Jém jomipic vida jém tachiiñewíp Cristo

¹⁷ Síp manníamáypa y manañquímápa tánQmi iníyimi iga odom wattaami juuts jém tunyac pixiñtam jém dapic iixpicpa Dios. Jém ijixi da para ti wí, da iyoxpátpa. ¹⁸ Cupiichane jém ijixi, da icutiíyíypa ti ixunpa Dios. Da iniiyay jém vida jém Diospic tachiiba porque da icutiíyíypa, agui malo jém ianama. ¹⁹ Da tsaap iga imalwatpa. Agui iwianjam iga iwatpa mal, tsam jixitogoyñeyaj. Agui icusúniíypa iga iwatpa itumpiy jém da wítampic cosa. ²⁰ Pero mimichtam da inuyujcaneta jém Cristo iga inwattámpa jempic, ²¹ siiga numa inmatorne jém Cristo inquímayooyi y inuyujcane jém numapic anmati jém tanquejayñewíp Jesús. ²² Mimichtam tsaci juuts jáy inwat wiñic cuando danam incupicne Cristo. Tsaci jém pecapic mijtay. Tsam pími malo jém wiñicpic jixi, miccusúniíypa jém malopic cosa agui mimigóyáypa. ²³ Cucactaami jém injixi jém itwíp inñanamajom. ²⁴ Wati

juuts tum jomipic mipixiñ, jem iwatnewip juuts Dios, jem iwıwatpáppic, jem dapic táncayı.

²⁵ Jeeyucmi odoy migóyaayi jem inñıwıtam, nuumanmadaayi. Porque tumti mijtayyucmi tapımane.

²⁶ Siiga mijóypa, odoy táncawati. Odoy jıci iga mijóyñeeba hasta tigıypa jem jama.

²⁷ Odoy chiı lugar jem Wocciwiñ iga micmalwatpa.

²⁸ Jem númpaap idic ichaguiñ iga númpa, más wı iga yoxaiñ. Iwadiñ tum wıbic yoxacuy con ici iga wıap iyoxpát jem yaachayajpáppic.

²⁹ Odoy malanmati. Anmati jem wıtampic anmati iga inıyoxpátpa y inıwıwadáypa jem mimatonpaap. ³⁰ Odoy tsiganıyácwati jem Dios iAnama, jem taccamayñetawıip juuts tum sello, iga quejiñ iga Dios tamıchi hasta núcpa jem jama cuando taciaputtámpa.

³¹ Tsacı jem jıxi aguipic tam. Tsacı itumpıy jem jooya. Odoy jóyixi jem inñıwıtam. Tsacı iga agui mijıypa iga mijóyñe. Odoy malnımaayi jem inñıwıtam, tsacı itumpıy jem malopıc cosa. ³² Pero nawıwadaytamtaji entre mimichtam. Nayaachanjamtamtaji con jem inñıwıtam. Nawadaytamtaji perdón juuts jem tanjatun Dios tawadáy perdón por medio de Cristo.

5

Wı iga iwıwatıyajpa jem Dios imanıctam

¹ Mimichtam Dios mimanıctam jem tsampic mitoypa. Jesic wadaayi caso iga inıwattámpa juuts iwatpa je. ² Naittaami jem wıbic tóyooyi juutstim tatoypa jem Cristo. Iyaac nachııta iga accaatá por taıchtam, juuts tum ofrenda, tum sacrificio jem aguipic cınpa jem Dios iwiñjom.

³ Mimichtam wattaami juuts Dios mimıchıtam. Da ammatonıtooba iga mipejóypa, ni inıwatpa tunıac malopıc cosa, ni inıcusunıyapa jem inñıwıtam imıchi. Da wı iga iwıwatıyajpa jemıpic jem Dios ipıxiñıtam, jem cuáyñeyajwıip. ⁴ Odoy nımtaami jem malopıc anmati, jem tsampic tatsaap. Odoy anmati juuts tum pıxiñ dapic jıxiıy. Odoy mal ochmıchi. Yıpyaj da inınanıgáypa jem wıbic anmati. Más wı iga tammétspa jem wıbic anmati iga tanchııba gracia Dios. ⁵ Michtam inıjodonıtam iga jem pıxiñıtam jem pejoypaap, y jem iwıwatpáppic tunıac cosa dapic wı, y jem tsampic icusunıyapa jem dapic je imıchi, jextim juuts ijıspa jem watnas, jeeyaj da wıap inıuc jut inıjacpa tánomi Cristo y tanjatun Dios. ⁶ Odoy jıci iga i mimıgóyáypa con jem mıgooyı iga da malo iga imımalwatpa. Jeeyucmi ichııba Dios castıgo itumpıy jem pıxiñıtam jem dapic icupıcyajpa Dios. ⁷ Jeeyucmi odoy waganasıı jexpic pıxiñıtam.

⁸ Mimichtam mııtta idic jem piıchım, pero sıp mııtum jem juctianıtsocajom porque inıwagananı Cristo. Jesic wıwattaami juuts jem wıtpáppic jem juctianıtsocajom. ⁹ Jem Dios iAnama micwıwatpa iga inıwatpa juuts tum wıbic pıxiñ iga siempre mıñuumanımatpa. ¹⁰ Wattaami empeño iga inıwattámpa fı ixunpa tánomi. ¹¹ Odoy waganasıı jem malopıc pıxiñıtam jem sıpáppic piıchım, jem iwıwatpáppic jem malopıc cosa jem dapic tayoxpátpa, pero anıyıjaci. ¹² Agui tatsaap tananımat fı iyamwatıyajpa jeeyaj. ¹³ Pero cuando icuyıcquejpa itumpıy jem malopıc cosa, tsam wı quejpa porque jem juctı icuyıcquejpa itumpıy cosa. ¹⁴ Jeeyucmi nımyajpa:

Yısi, mımonıpáppic.

Tsucımı de jut fı jem caaneyajwıip,

Cristo micuyıcquejpa.

¹⁵ Nawattaji cuenta iga inıwıwatpa. Odoy wattaami juuts jem pıxiñıtam jem dapic jıxiıy. Wattaami juuts jem jıxiıywıip. ¹⁶ Wattaami empeño iga inıwıwattámpa sıp ıganam fı tiempo porque sıp tsam imıalwatıyajpa jem pıxiñıtam. ¹⁷ Odoy cuıxaji, pero wadaayi caso

iga inçutiiyíiñ ti ixunpa jém tánQmi. ¹⁸ Odoy uquiataami porque jém pxiñ, jém tsampic ucpa, togoypa ivida. Más wí iga minjacpa jém Dios iAnama. ¹⁹ Nanmadaytamtají con jém inñiwitam con jém Salmos y jém himnos y jém Dios iwañi. Wantaami, cujíptaami jém tánQmi Cristo con itumpiy iñanama. ²⁰ Siempre chiitaami gracia jém tanjatun Dios para itumpiy cosa jém tánQmi Jesucristo inñiyimi.

Wí iga tanwíwadáypa jém ityajwíp tanticcim

²¹ Cada tumtum de mimichtam nacupictamtají con jém inñiwitam porque inçintámpa tánQmi Cristo.

²² Miyomtám, mijaayiwíp, jici iga minjacpa jém inwida ya juuts jém tánQmi minjacpa. ²³ Porque jém pxiñ je jém cobacpic, injacpa iyomo. Jextim juuts Cristo, je jém cobacpic, injacpatim jém iglesia, je jém imijtáy y je jém iciacputpáppic. ²⁴ Juuts jém Cristo ipixiñtam ijícpa iga injacpa jém Cristo, jesanetim jém yomo ijícpa iga injacpa jém iwida ya. Iwatpa itumpiy juuts inñimáypa jém iwida ya.

²⁵ Mipixiñtam, miyoomiywíp, toyí jém inñyomo juuts jém tánQmi Cristo itoypa jém ipixiñtam jém icupicneyajwíp. Iyaac nachiiñ ²⁶ iga iwítsagáypa jém ipixiñtam itañca. Icujiçháyáypa ianama, icheeba con ni por medio de jém inmati. ²⁷ Iwat así iga jém ipixiñtam, jém icupicneyajwíp, wíap inñuc Cristo iwiñjom tsam wíçuyajneyaj. Jex juuts tum puctucu wí cuáyñe, da añuchñe, da iní ni tum mancha. Ixunpa Dios iga da tancaíy ni uxaj jém ipixiñtam iga wí cujiçhayñe. ²⁸ Jempictim ixunpa Dios iga tum pxiñ itoypa iyomo juuts itoypa imijtáy. Jém itoypaap iyomo, natoytap iyaac. ²⁹ Porque da í wíap ijóyix imijtáy, iwídap, iwatpa cuenta. Jém Cristo jempictim iwatpa cuenta jém ipixiñtam, iwídap jém icupicneyajwíp, jém iglesia, jém imiçhipic. ³⁰ Taichtam tatsíyta juuts jém Cristo imijtáy, juuts jém imayi y jém ipac. ³¹ “Jeeyucmi tum pxiñ ichacpa ijatun y iapa iga nicpa iwaganait jém iyomo. Jesic icuistic tsíyyajpa juuts tumti mijtáy.” ³² Yíp tum mijpic jixi, añécne idic. Pero ich anjís pa iga nimtooba iga Cristo con jém ipixiñtam tumtiyaj. ³³ Jeeyucmi mannímáypa: Cada tumtum de mimichtam wí iga inñóyíñ jém inñyomo juuts minitoytap inñyaac. Jém yomtám, jém jaayiwíp, wí iga iniidáyíñ respeto jém iwida ya.

6

¹ Michixtam, como Cristo mimiçhitam, cupictaami jém inñjatun y inñapa. Jempam iwianjam Dios. ² Naidaayi respeto jém inñjatun y inñapa. ³ Yíp jém wiñtipic añquímayooyi jém tachiiñewíp con promesa iga miwíidiñ y yagatsap imvida yíp naxyucmi siiga inwatpa así.

⁴ Mimichtam mijatunpic, odoy tsicjooyí jém immanictam. Wíactsami jém immanictam iga icupicyajiñ jém tánQmi inquímayooyi. Añquejaayi iga iwatyajiñ juuts ixunpa Dios.

⁵ Miesclavotam, cupictaami jém inñomi yíp naxyucmi. Wíixtaami, cñtaami, cuyoxataami con itumpiy iñanama juuts inçuyoxatámpa jém tánQmi Cristo. ⁶ Cuyoxataami inñomi juuts Cristo miesclavotam, da no más iga miwíixiñ jeeyaj. Wattaami con itumpiy iñanama juuts ixunpa Dios. ⁷ Wíiwattaami jém inñyoxacuy juuts inçuyoxap jém tánQmi Cristo y da juuts jém pxiñtam. ⁸ Porque inñjodontam iga titam tanwatpa yíp naxyucmi tawíyojpa jém tánQmi Cristo siiga tanwíwatne siiga taesclavo o da taje.

⁹ Mimichtam miomipic, wíwadaytaamítim jém inñesclavo. Odoy otjímaayi iga inçótspa. Jístaami iga inçuistictam minjacpa tánQmi jém itwíp sinyucmi. Je iixpa itumpiy pxiñtam jextim.

Jutsap tanájata con jém malopic enemigoyaj

¹⁰ Siiip, mantiwitam, naiftaami jém tánQmi ipimi porque je tsam wiaip y michiiba jém pimi iga tsam miwaptim. ¹¹ Nacupujtaji con jém armadura jém michiiñewiip Dios iga odoy iñchaguiñ jém Dios inmati cuando mimigóyáypa jém Wocciwiñ. ¹² Porque da síp tanáñata con yíp naxyucmic picixiñtam jém maayiywiip jém pagiywiip. Tanáñatámpa jém Wocciwiñ jém iniitwiip ipimi con itumpiy jém mal espíritu jém malopic anjagooyi jém itwiip jém piichcim. Tanáñatámpa jém mal espíritu injagooyiyaj jém siipáppic sauyucmi. ¹³ Jeeyucmi pictaami itumpiy jém armadura jém Diospic tachiiñe iga wiañ iñyaachiyta cuando micutitstap jém malopic jama. Cuando yajum miwitsacta, seguido cámtēñi, cupici Dios inmati. ¹⁴ Jesic micámteñe. Pici jém numapic anmati juuts tum soldado ichencámpa jém icinturón. Siempre micupujpa siiga inwawatpa juuts tum soldado iccámpa jém icoraza. Jesic jém enemigo da wiaip mimalwadáy. ¹⁵ Accámnei inciac impuyucmi iga miit listo iga inimatpa jém wibic anmati. ¹⁶ Naíti jém fe juuts tum escudo, jesic wiaip inicpich jém Wocciwiñ icapi jém juctiywiip. ¹⁷ Accaami jém casco iga miciaacputpa Dios juuts tum casco icupujáypa jém soldado icobac. Pici jém espada jém tachiiñewiip jém Dios iAnama. Jém espada je jém Dios inmati. ¹⁸ Odoy tsaci iga inijwejpátpa Dios juuts minquejáy jém Dios iAnama. Cunucsaayi Dios, wágaayi titam mitogóyáy. Ittaami al tanto, odoy anyaac iññanamanjom. Anwejpaati Dios para itumpiy jém Dios ipixiñtam. ¹⁹ Anwejpaatitim Dios para aich iga achiiñ anmati iga wiaip anamat iga odoy acinñiñ iga anacjodónayajpa jém picixiñtam jém wibic anmati jém anécnewiip idic. ²⁰ Ich atsíy juuts tum embajador de jém wibic anmati. Jeeyucmi atsenneta con cadena. Anwejpátaami Dios para ich iga odoy acinñiñ y wiaip anamat jém wibic anmati.

Jém Pablo inquímpa jém iamigoyaj

²¹ Siiip mañcutsadáypa jém Tíquico, jém tantiwí jém tsampic antoypa. Je da ichacpa iga inmatpa jém tánQmi inquímayooyi. Micjodónap ti annasca y ti síp anwat. ²² Jeeyucmi mañcutsadáy jém Tíquico iga iñjodónaiñ jutsane áñiti, iga miyoxpádiñ iga odoy minyáctamiñ.

²³ Siiip mantiwitam, tanjatun Dios con tánQmi Jesucristo michiiñ jém paz, jém wibic tóyooyi y jém wibic jixi iga seguido incupictámpa Dios. ²⁴ Dios iwíwadáyaiñ itumpiy jém picixiñtam jém itoyyajpáppic jém tánQmi Jesucristo jém dapic nunca ichacyajpa. Jemum cuyaj.

Jém carta jém ijáyayñewiip Pablo jém ityajwiip jém attebet Filipos

Jém Pablo ijáyáypa jém Dios ipixiñtam jém ityajwiip Filipos

¹ Ich aPablo con jém añcompañero Timoteo añcuyoxatámpa jém Jesucristo. Siip manjáyáypa mimichtam jém Dios mipixiñtam jém inçupicnetañwiip Jesucristo jém attebet Filipos. Anjáyáypatim itumpiy jém impastoryaj con itumpiy jém diáconos jém icuyoxayajpaap jém Dios ipixiñtam. ² Jém tanjatun Dios y jém tánomi Jesucristo miwíwadáyíñ, michiitámiñ jém paz iga odoy iniidiñ cobacpiji iñanamanjom.

Jém Pablo iwatpa oración para jém iamigoyaj

³ Cuando manjísapa, siempre anchiiba gracia jém tanjatun Dios para mimichtam. ⁴ Cuando anañwejpátpa Dios para mimichtam iñtumpiytam, tsam amaymay porque ⁵ dende wiñigam hasta siip, tawagayoxap iga tanañmatpa jém wibic añmatí. ⁶ Ich añwijodon iga tanjatun Dios jém mojnnewiip iwat jém wibic yoxacuy iñanamanjom, seguido iwatpa hasta cupacpa cuando núcpa jém jama iga miñgacpa jém Jesucristo yíp naxyucmi. ⁷ Wi iga manjísapa porque tsam mantoypa. Agui anyoxpát cuando aít preso y cuando añcupuj jém wibic añmatí jém añjagooyi iwiñjom y anañmadáy iga numa jém añmatí da je migooyi. Mimichtam miwíwadáyítim Dios juuts ich awíwadáyíñ. ⁸ Dios ijodon iga tsam pimi mantoypa iñtumpiytam con jém wibic tóyooyi jém iniitwiip Jesucristo. ⁹ Anañwejpátpa Dios iga más iniitámiñ jém wibic tóyooyi iñanamanjom y iga michiñ jáyan jém wítampic jixi. Jesic más inçutiíyíypa ti ixunpa Dios. ¹⁰ Jesic wiap inçupij jém wibic cosa. Jesic cuáyíñe iñanama, da i wiap miñímáy iga mitañcaíy hasta jém jama cuando miñgacpa jém Cristo. ¹¹ Mimichtam wattaami jáyan wítampic cosa juuts tum wibic cosecha por medio de Jesucristo. Jesic ixtap iga agui wi jém tanjatun Dios, tsam cujíptap.

Jém Pablo icuyoxap Cristo yíp naxyucmi

¹² Siip mantíwítam, ansunpa iga iñjodónaiñ ti annascane yim y iga más jáyanap jém wibic añmatí cuando annasca jempic. ¹³ Itumpiy jém ityajwiip jém palacio, con los de más, ijodónayaj iga anañnúc jém Cristo inquímayooyi. ¹⁴ Casi itumpiy jém tantíwítam, jém ityajwiip yim, da cinyajpa porque iyoxpátpa jém tánomi. Icamamwatyaj ianama cuando iixyay iga apajnetá. Jeeyucmi siip da cinyajpa iga inmatpa jém Dios inmatí.

¹⁵ Algunos inmatyajpa jém Cristo inquímayooyi porque agui acujóyíypa, tsam ajóyixpa. Pero jém tungac inmatyajpa jém Cristo inquímayooyi porque iwianjam iga iwíwatpa. ¹⁶ Jém wibic pixiñtam inmatyajpa jém Cristo inquímayooyi porque tsam tóyóypa. Ijodónayaj iga aít yim iga añcupujpa jém wibic añmatí jém añjagooyi iwiñjom. ¹⁷ Pero jém malopic añmatciwiñ inmatyajpa jém Cristo inquímayooyi porque ipictsontooba alguna cosa para je iyaac, da porque iwíwattooba. Iwatyajpa así iga más ayaachwattaiñ iganam siip aít preso. ¹⁸ Ich da anticutigíyi i inmatpa jém Cristo inquímayooyi. Ich amaymay cuando jém pixiñtam iñuumanmatpa. Amaymaytim siiga algunos inmatpa no más iga ipictsonpa algun ti para je.

Ich tsam amaymaytim ¹⁹ porque añjodon iga núcpa jama iga atoptap porque michtam inñwejpátámpa Dios para ich y ayoxpátpatim jém Dios iAnama jém tachiiñewiip jém tánomi Cristo. ²⁰ Ich añwianjam y anañjócpa titam achiiba. Da atsaap ni uxañ. Ansunpa iga ich añwíwatpa con ammijtay iga cujíptaiñ jém Cristo. Da anticutigíyi siiga atsíypa

vivo o acaaneum. ²¹ Porque iganam aít, añcuyoxap Cristo. Siiga acaaba, tum coñwiyooyi para ich. ²² Siiga danam acaane, anwatpa jem tánomi iyoxacuy, pero sip da anjodon juppíc añcupiñpa. ²³ Tsam tãñca iga añcupiñpa jup más wi. Tsam nictooba aiti con Cristo porque más pimi wi para ich. ²⁴ Pero para mimichtam más wi iga atsiypa vivo yíp naxyucmi. ²⁵ Anwijodon iga apoychíypa yíp naxyucmi con mimichtam. Manyoxpátpa iga más miwiatámiñ y más mimaymáyatámpa porque inçupicneta. ²⁶ Cuando aítgacpa con mimichtam, jesic agui mimaymáyatámpa, tsam inçujíptámpa tánomi Cristo.

²⁷ Wadaytaami caso iga inwíwattámpa yíp naxyucmi juuts nimpá jem Cristo inçuímayooyi. Jesic siiga nicpa mánám o danam anicpa, ammatonpa iga inwíwattámpa y da i wiap mictsac jem Dios inmafi porque tumti inñanama y tumti inñixi iniitta. Ammatonpatim iga miwagayoxatámpa con itumpiy impimi iga jem pixiñtam wiap icupicyaj jem wibic añmafi. ²⁸ Odoy jici iga michigançiñpa jem inenemigo. Cuando iixyajpa iga da micinpa, jesic tsam wiquejpa iga togoyajpa jeeyaj, ipictsonyajpa jem mijpic castigo. Pero mimichtam cuando inñampa iga da micinpa, jesic inñodon iga miciaçputtámpa Dios. ²⁹ Jem Cristo icuyucmi mimichtam da no más michiita jem derecho iga inçupicpa je, pero iga miyaachwattaptim. ³⁰ Sip míñatámpa contra jeetim enemigo juuts ich jáy añaji juuts inñixiñe iga ich anwat. Inñodon tam iga ich seguido añapa contra jem malopic jixi.

2

Jem Cristo ijic iga tsíy juuts tum pixiñ da ti wiap

¹ Siiga Cristo micamamwadáypa inñanama, siiga Cristo itóyooyi miyoxpátpa, siiga iniit Dios iAnama inñamanjom, siiga wi inñanama y tsam mitóyóypa, ² jesic acapsaayi jem ammaymáyaj. Naitaami tumti tóyooyi, tumti jixi y tumti inñanama. Itaami de acuerdo. ³ Pero odoy najacujóyíyooyi, odoy nacujíptaji inñaac. Más wi iga da malo inñanama y iga más inñoypa jem inñiwitam que minitoytap inñaac. ⁴ Odoy métstaami iga miniwíwadaytap inñaac. Pero métstaami jutsap inwíwadáyta jem inñiwitam.

⁵ Iniittámiñ jeetim jixi juuts jem tánomi Jesucristo. ⁶ Jem tánomi Cristo jextim ijixi y jextim ipimi juuts tanjatun Dios. Iwijodon iga da je nuumi iga tsíy juuts Dios. ⁷ Pero iyaac ichac itumpiy ipimi juuts Dios. Oy iti yíp naxyucmi juuts tum mozo. Jem imijtay juuts pixiñ. ⁸ Cuando oy yíp naxyucmi juuts tum pixiñ, ijic iga tsíy inñ juuts tum pixiñ da ti wiap. Iyaac nachiita iga accaata porque asiam ixunpa ijatun. Accaata cunusyucmi juuts tum malopic pixiñ. ⁹ Jeeyucmi Dios iccám iga más mijpic anjagooyi. Ichi más wibic niyi de itumpiy, ¹⁰ iga jem Jesús inñiyimi itumpiy jem pixiñtam icosteeñayyaj. Icosteeñayyajpa itumpiy jem siñyucmi pic pixiñtam y jem ityajwip yíp naxyucmi con itumpiy jem ityajwip nascucim. ¹¹ Cada pixiñ itots inmadiñ iga jem Jesucristo je jem tánomi iga cujípaiñ jem tanjatun Dios.

Jem Dios ipixiñtam juuts tum wibic jucti

¹² Mantiwitam, mantoytampápic, tsam añcupicta cuando jáy tawagañitam, sip más acupictaami iga aít juumi. Jistaami jutsap inçiputta. Cñtaami Dios. ¹³ Porque Dios iwatpa mimichtámanjom juuts je iwianjam. Michiiba jem wibic jixi iga inwatpa juuts je ixunpa, miyoxpátpa iga wiañ inwíwatta.

¹⁴ Iganam inwattámpa juuts ixunpa Dios odoy añataami con jem inñiwitam. Odoy nacujytamtaji, ¹⁵ iga da i wiap mipádáy inñanama. Jesic Dios mimañictam, da mitañcaiy iganam mixiiba jem malopic pixiñtámanjom, jem icupicneyajwip jem migooyi. Tsam michoctámpa yíp naxyucmi juuts tum wibic matsa añtiwanjucmi iganam ¹⁶ ininictámpa jem Dios inmafi jem tachipápic vida. Jeeyucmi tsam amaymáypa jem jama cuando

miñgacpa Cristo yíp naxyucmi iga da manxajaanquejáy jém Dios inmati ni da axajayoxa. ¹⁷ Ich agui amaymay iga wiap manyoxpát iga incupictamiñ Cristo. Siiga accaatap porque manañmadáy jém Dios inmati, da anyácpa. Amaymay y ansunpa iga mimaymáyatámiñtim porque siip Dios miwipictsonpa juuts tum wibic ofrenda porque incupicne Cristo. ¹⁸ Maymáyataami mimichtam y wagamaymáyataamitim con aich.

Jém Timoteo y jém Epafrodito

¹⁹ Siiga jém tánomi Jesús iwianjam, anjiswa iga da jáyñe mancutsadáypa jém Timoteo. Jesic cuando miñgacpa yim, más amaymayap cuando anjodóna jutsane íñiti. ²⁰ Da anai yim ni tum pxiñ jexpictim ijxi juuts aich, jém tsampic mijispa iga wipudiñ jém invida. ²¹ Porque itumpiy imétsyajpa jutsap iniwihadayyajta iyaac. Da imétsyajpa jutsap icuyoxa jém Jesucristo. ²² Pero michtam injodontam iga wibic pxiñ jém Timoteo, tsam ayoxpát aich iga ananmatta jém wibic anmati, anwaganayoxa juuts tum ammanic. ²³ Anjiswa iga mancutsadáypa jém Timoteo cuando anjodóna ti annascaaba. ²⁴ Ich ancupicpa iga tánomi ayoxpátpa iga ich da jáyñe nicpa mánám anyaac.

²⁵ Wi iga mancutsadáypa eybic jém tantíwi Epafrodito, jém michpic ancutsadáy iga achi titam atogóyay. Anwaganayoxa, tsam ájata contra jém malopic jxi. ²⁶ Jém Epafrodito tsam mijispa. Tsam miixtooba inñumpiytam. Tsam anyácne porque ijodon iga immatoneta iga mimne. ²⁷ Numa, tsam pimi mimne hasta caatooba. Pero Dios iyaachanjam. Da no más je, pero ayaachanjamtim aich iga odoy más pimi anyáguiñ. ²⁸ Jeeyucmi ancutsatpa jicsiy jém Epafrodito iga mimaymáyatámiñ cuando eybic inixpa. Jesic ich da pimi anyácpa. ²⁹ Jesic wipictsontaami juuts inñiwi porque Cristotim imichi. Maymáyataami, siempre toytaami jexpic pxiñ juuts inñoypa jém tánomi. ³⁰ Por uxa caaba jém Epafrodito porque icuyoxa jém Cristo. Je da cñpa, núc ju it jém peligro iga cupacpa iwat jém yoxacuy porque mich da wiá anyoxpátta inyaac.

3

Dios tawitsagáypa tantáncu cuando tancupicpa Cristo

¹ Siip mantíwitam, maymáyataami porque Cristo mimichitam. Para ich da je molestia iga eybic manañmadáypa jeetim jxi juuts manjáyayñe. Wi para mimichtam iga eybic immatonpa. ² Nawattamtaji cuenta de jém chimpa, jém malopic obrero, jém inmatpáppic jém migooyi. Inimiñpa jém anquímayooyi iga Dios ipixiñtam tienes que iwatpa jém marca de circuncisión jém imijtayucmi. ³ Pero taichtam tanait jém numapic marca iga Dios tamichi. Tanait Dios inama tánanamanjom jeeyucmi wiap tanjis Dios. Tsam tamaymay iga Jesucristo tamichi. Taichtam tanjodon iga tanyaac da ti wiap tanwat iga tapictsoniñ Dios. ⁴ Siiga jém wiñicpic anquímayooyi wiap taciapcut, jesic ich pecam aciputne, porque ich ampimimi seguido anwatpa juuts nimpa jém wiñicpic anquímayooyi. ⁵ Awadayta jém marca de circuncisión cuando ocho día anyañe. Ich Israelpic apixiñ de jém tribu de Benjamín. Ananmatpatim jém anmati hebreo juuts inmatpa jém anjatun. An cuyucane jém wiñicpic anquímayooyi con jém fariseopic pxiñtam. ⁶ Ich tsam pimi antoypa idic jém wiñicpic anquímayooyi. Jeeyucmi tsam pimi ammalwadáy jém icupicneyajwip Jesús. Anjiswa iga da atáncaiy porque anwatne itumpiy cosa juuts nimpa jém wiñicpic anquímayooyi. ⁷ Pero itumpiy jexpic cosa, jém anjispáppic idic iga tsam wi, siip da ti cuwatcuy para ich porque ancupicneum Cristo. ⁸ Itumpiy cosa jém anaitwip idic siip anjiswa iga it wi siiga togoypa porque ánixpic jém tánomi Jesucristo. Jém Cristo icuyucmi togoy itumpiy jém anaitwip idic, siip itumpiy jexpic cosa ánixpa juuts puchi porque más wi iga ampictson Cristo, ⁹ atsiypa juuts jém Cristo imichi. Dios da apictsonpa iga wibic apixiñ o porque agui anwíwatne juuts nimpa jém Moisés inquímayooyi, pero apictsonpa iga ancupicne Cristo. Dios apictson iga wibic apixiñ porque Dios awíwadáy

por medio de jém fe. ¹⁰ Ich ansunpa iga más y más ánixpiguiñ Cristo y más anaidiñ jém Dios ipimi jém icpisnewiip Cristo. Anyaachíypa cuando ayaachwattap jém Cristo icuyucmi. Hasta núcpa iga anaitpa jexpic jixi ánanamanjom juuts iniit jém tánQmi Cristo cuando ijícpa iga accaata. ¹¹ Ananjócpa iga acpístap de jut it jém caaneyajwiip.

Wi iga tanwatpa juuts ixunpa Dios con itumpiy tampimi

¹² Da mannímáypa iga anactsíyum itumpiy. Datim wiap anwat itumpiy cosa juuts ixunpa Dios, pero seguido antúnyíypa hasta anactsíypa itumpiy juuts ixunpa Dios. Jeeyucmi amichaneum jém tánQmi Jesucristo. ¹³ Mantiwitam, ich da mannímáypa iga anactsíyñeum itumpiy. Siip no más tum cosa anwatpa. Anjamnotpa jém wiñicpic cosa, tsíypa antuuñiancim, pero con itumpiy ampimi anwatpa jém cosa jém miñpáppic. ¹⁴ Juuts tum apuesto, poyimi anicpa iga ancoñwíyíñ jém premio, jém tanwejayñewiip Dios siñyucmi iga tachiiba porque Cristo Jesús tamichi.

¹⁵ Tantumpiy, jém tanwicupicnewiip, wi iga tanjístampa jempic. Pero siiga algunos de mimichtam tunjac cosa iñjispá, jesic Dios micjodónaptim. ¹⁶ Wi iga cada tumtum seguido tanwattamiñ de acuerdo con jém jixi jém tampictsonnewiip.

¹⁷ Mantiwitam, acuixtaami juuts ich anwatpa. Ámtaami i iwíwatpa juuts ich manañquejayñe. ¹⁸ Mannímáyñeum wactiy, siip eybictim mannímáypa hasta awejpa, iga tsam jáyan pixiñtam ijóyixpa jém anquímayooyi iga accaata Cristo cunusyucmi. ¹⁹ Núcpa jama iga ipictsonyajpa jém castigo jém dapic cuyajpa. Ipuu jém idios. Tsam nacujíptap iyaac iga iwatpa jém malopic cosa jém aguipic tatsaap. Tsam ijispa yíp naxyucmic jixi. ²⁰ Pero taichtam siñyucmic tapixiñtam. Síp tananjócta iga miñpa siñyucmi jém taciaputpáppic, jém tánQmi Jesucristo. ²¹ Tacucagáyáypa jém tammijtay jém siipic tanaif jém dapic wiap. Tachiiba tum jomipic mijtay juuts jém Cristo imijtay tsampic wiap. Tawadáypa así con ipimi jém wiapaap injac itumpiy cosa.

4

Tamayáyatamiñ porque Cristo tánQmi

¹ Jeeyucmi mantiwitam, mantoytampáppic, tsam mánixtooba. Tsam amaymay con mimichtam. Mijextam juuts tum wibic coñwiyoooyi. Quejpa iga da axajayoxa mimichtamanjom. Mantoytampáppic, odoy tsaci jém tánQmi inquímayooyi.

² Siip anacunucáyypa jém yomtám jém Evodia y jém Síntique iga odom más anayajiñ, iga iniityajiñ tumti jixi porque icupicyajpa tánQmi. ³ Manacunucáypatim mimich, jém wibic mancompañero. Manwágáyypa iga iñyoxpádiñ yíp yomtám. Icuistic anwaganayoxa cuando anañmat jém wibic anmatí. Anwaganayoxatim jém Clemente y jém tunjac tantiwitam jém jaycámayñetawíip iñiyi jém librojom iga ipictsonpa jém vida dapic cuyajpa.

⁴ Maymáyataami itumpiy tiempo porque Cristo mimichi. Eybic mannímáypa iga maymáyataami. ⁵ Siempre wíwatí iga miixyajiñ itumpiy pixiñtam iga da mimalo. Jistaami iga da jáyñe miñpa jém tánQmi.

⁶ Odoy jisi ti iññascaaba. Anwejpaati Dios, wágaayi titam iñxunpa. Siempre cuando inwatpa oración chiitaami gracia Dios. ⁷ Dios michi jém wibic jixi iñnanamanjom iga odoy ti inchiñiñ. Da i wiap icutiyyíy yíp jixi jutsap tayoxpát Dios. Yíp wibic jixi miwadáyypa cuenta iñnama y iñjixi por medio de Jesucristo.

Jistaami jém wibic cosa

⁸ Jesic, mantiwitam, siempre jistaami jém numapic cosa. Jistaami jém wibic jixi, jém dapic malo, jém wítampic cosa, jém iwianjanjamyajpáppic jém wibic pixiñtam, jém cosa

aguipic wí tánix y itumpiy jém iwixyajpáppic jém pxiñtam. Jistaami itumpiy jém wibic cosa jém icujíppáppic Dios.

⁹ Wattaami juuts manañquejayñe juuts nimpa jém anquímayooyi jém impictsonewiip. Wattaami juuts immatoñe y juuts iñix iga ich anwatpa. Siip miwaganait tanJatun Dios iga odoy micñiñ.

Jém ofrenda jém chiiñetawip jém Pablo

¹⁰ Agui amaymay jém tánQmi iñiyimí porque mimichtam eybic anjístampa. Agui anwíwadaytooba idic, pero da impát jutsap anwíwadáy. ¹¹ Da manañmadáypa iga atogóyáy algun ti. Porque ich ananyujne iga ayaachap. Ich amaymay con titam anait. ¹² Ananyujne iga ayaachap y ananyujne iga anait jáyan. Ançuyujcane iga awiitpa o da ti anaitpa. Ananyujne iga cuspa awiiqui o iga tsam ayuap. Ananyujne iga da ti atogóyáy o da ti anait. ¹³ Ich wiap anwat itumpiy cosa porque jém Cristo achi ipimi. ¹⁴ Pero mimichtam tsam inwíwatta porque tsam anyoxpát cuando ayaachwatta.

¹⁵ Mimichtam, miitwip Filipo, iñjodotam iga cuando moj anañmat jém wibic añmati, cuando aput jém naxyucmi de Macedonia, jém Dios ipixiñtam jém tunjac atebet da ayoxpát solamente mimichtam. ¹⁶ Cuando todavía da juumi anicne, cuando ait jém atebet Tesalónica, mimichtam watciy ancutsadayta jém ofrenda iga anyoxpátpa. ¹⁷ Da ammétspa jém xaja, pero ansunpa iga inwíwadiñ iga Dios miccáyáypa siñyucmi jém iñriqueza. ¹⁸ Ich ampictsonne itumpiy cosa titam atogóyáy. Siip anait jáyan hasta cutsiyñe. Agui ayoxpát jém xaja jém ancutsadayñewiip con jém tantíwi Epafrodito. Jém xaja jex juuts tum ofrenda aguipic cñpa Dios iwíñjom juuts tum sacrificio, jém tsampic iwianjam Dios. ¹⁹ Jém tanJatun Dios michiiba itumpiy cosa titam mitogóyáy porque je iniit jém siñyucmipic riqueza. Michiiba porque Jesucristo mimichitam. ²⁰ Wí iga tançujíptamiñ jém tanJatun Dios para siempre. Amén.

Anquímajtap jém amigoyaj

²¹ Dioschi itumpiy jém icupicneyajwip Jesucristo. Jém tantíwítam, jém anwaganaitwip yim, micutsadáypa watidios. ²² Itumpiy jém Dios ipixiñtam jém ityajwip yip atebet micutsadáypa watidios. Micutsadáypatim watidios jém icupicneyajwip Cristo jém ityajwip jém Romapic anjagooyi iticim.

²³ Jém tánQmi Jesucristo miwíwadáyñ iñtumpiytam. Jenum cuyaj.

Jém carta jém ijáyayñewiip Pablo jém ityajwiip jém attebet Colosas

Jém Pablo ijáyaypa jém Dios ipixiñtam Colosas

¹ Ich aPablo. Jém tánQmi Jesucristo accám juuts tum apóstol iga aŋcuyoxap jém Cristo porque asíam iwianjam Dios. Awagaitta yim con jém tantiwi jém Timoteo. ² Siip manjáyaypa mantiwítam, miiftanwiip jém attebet Colosas jém Dios mimichitam, jém incupicnetanwiip jém Cristo. Siip tanJatun Dios y tánQmi Jesucristo miwíwadáyíñ mimichtam y michiitámiñ jém wibic paz iga odoy iniidiñ jém cobacpiji iñanamanjom.

Jém Pablo iwatpa oración para jém icupicneyajwiip Cristo

³ Cuando anañwejpáttampa Dios, jém tánQmi Jesucristo iJatun, siempre anchiiba gracia Dios para mimichtam. ⁴ Porque anjodónata iga tsam inwicupicpa jém tánQmi Jesucristo y tsam iñtoytámpa jém tantiwítam jém Dios ipixiñtam. ⁵ Anchiibatim gracia Dios iga tsam ininjóctámpa iga michiiba Dios jém wítampic cosa jém miccáyayñewiip sinyucmi. Mimichtam moj ininjócta cuando immatonja jém numapic añquímayooyi iga taciaputtámpa Dios. ⁶ Yíptim mismo añquímayooyi núcne mimichtámanjom, tsam mijap, tsam timap icuwiiti yíp mundo. Jesatim juuts iññascata mimichtam cuando moj immatonja iga Dios tayaachanjampa y iñjodónata iga jém Dios itóyooyi je jém numapic. ⁷ Juuts minquejayta jém Epafras jém anwaganayoxapaap aichtam, jém tsampic tantoypa. Je iwicuyoxap tánQmi Cristo juuts tum wibic pastor mimichtámanjom. ⁸ Cuando núc yim jém Epafras acjodónata iga Dios iAnama michi jém wibic jixi iga tsam mitóyooytámpa.

⁹ Jeeyucmi aichtam dende jém jama cuando ammatonja iga incupicta jém Cristo, seguido anañwejpáttampa Dios iga minquejaytámiñ titam ixunpa Dios iga wiañ inwatta. Anwágáypatim Dios iga michiitámiñ itumpiy jém wibic jixi, jém iniitwiip Dios iAnama, iga incutihiyítámiñ. ¹⁰ Anwágáypatim Dios para mimichtam iga seguido inwattámiñ jém wítampic cosa yíp naxyucmi juuts iwianjam jém tánQmi iga siempre inwíwattámiñ juuts miwítimap iga jáyanap jém tanJatun Dios ijixi. ¹¹ Anwágáypatim Dios iga michiiba jém tsam wibic pími jém iniitwiip Dios iga wiañ inwatta itumpiy cosa juuts je ixunpa, iga iniitpa jém pími iga wiañ iñyaachiyta cuando miyaachwattamtap, jesic mimaymáyatámpa. ¹² Siempre tanchiitámpa gracia jém tanJatun Dios porque tachi jém derecho iga wiañ tampictson itumpiy jém wítampic cosa juuts ipictsonyajpa itumpiy jém Dios ipixiñtam jém iniitwiip jém wibic juctianjsoca. ¹³ Dios tatop jém piichcim jut injacpa jém Wocciwiñ. Tananic jut injacpa jém Dios iManic jém tsampic itoypa. ¹⁴ Itegáy iñpiñ iga taciaputtámiñ, iga tawadaytámiñ perdón itumpiy jém tantánca.

Jém Cristo je jém más mijpic anjagooyi que itumpiy

¹⁵ Jém Cristo je jém Dios icuwiñ, jém dapic wiap tánix. Je jém wiñtipic, ittim idic cuando danam iwatne Dios jém sin ni jém nas. ¹⁶ Jém tánQmi Cristo iwaganayoxa jém tanJatun Dios iga iwatyaj itumpiy cosa jém itwiip sinyucmi y jém itwiip yíp naxyucmi. Iwatyaj itumpiy cosa jém tánixpáppic y jém dapic wiap tánix. Ichac itumpiy jém anjagooyiyaj jém ityajwiip sinyucmi y jém ityajwiip naxyucmi jém dapic tánixpa. Itumpiy jém Cristo iwati, watneyajta iga icuyoxayajpa jém Cristo. ¹⁷ Ittim idic jém Cristo cuando da ti idíyiy. Siip imatspacne itumpiy cosa con ipimi iga odoy cuyajiñ. ¹⁸ Jém Cristo je jém cobapic de jém iglesia, je jém imijtay. Je jém wiñtipic. Wiñti acpista jém Cristo iga tsíy juuts jém más mijpic anjagooyi. Wiap injac itumpiy cosa. ¹⁹ Iwianjam jém tanJatun Dios iga iwaganait jém tánQmi Jesucristo con itumpiy jém Dios ipimi. ²⁰ Por medio de Jesucristo

Dios iwíwadáy itumpiy jém ityajwíip yíp naxyucmi y jém ityajwíip sínyucmi iga iniityajiñ tumti ijixi con Dios. Jempigam iwat cuando jém Dios iManic itegáy iñipiñ cunusyucmi.

²¹ Mimichtam, wiñti da idic miixpicpa Dios. Michíyñe idic juuts tum enemigo de Dios porque tsam malo idic iñjixi, tsam jáyan malopic cosa inwatne idic. Pero síip Dios miyoxpátne iga tumtitam iñjixi con Dios. ²² Accaata jém Cristo yíp naxyucmi iga tawítsagáy tantánca iga wiáñ tananic jém Dios iwiñjom. Tacupiñne iga tamichap Dios, cuáyñeum tánanama, dam tatáncaíy. ²³ Numa, wiap iññúc jém Dios iwiñjom siiga seguido incupicpa jém Cristo juuts tsam miwicámne, da michigóypa. Miñúcpa siiga da iñchacpa iga ininjóctampa titam michiiba jém Cristo juuts nimpá jém wibic anquímayooyi, jém immatonewíip iga Dios taciaputtampa. Síip anmattap yíp wibic anquímayooyi icuwíti yíp naxyucmi. Ich aPablo ananmatpatim yíp anquímayooyi, ancuoxap Dios.

Chiita jém Pablo jém cargo iga iyoxpátpa jém Dios ipixiñtam

²⁴ Síip ich amaymay porque ayaachwatta mimichtam incuyucmi. Jempigam cupacpa jém tánomi Cristo iyaachaji ich ammitayyucmi, jém dapic capsne idic cuando tsam yaachwatta jém Cristo para jém iglesia, je jém imitay. ²⁵ Dios accám juuts tum yoxacíwiñ iga ancuoxap jém ipixiñtam, jém iglesia. Achi jém cargo iga mananmadaytámiñ iñtumpiytam jém Dios inmati iga capxiñ incutiyyi. ²⁶ Jém jixi anécne dende wiñgam, pero síip acjodónayajawum jém imichipic, jém icupicneyajwíip jém Cristo. ²⁷ Dios iwianjam iga icjodónaiñ jém imichipic iga jém tungac pixiñtam, jém dapic je de Israel, ipictsonyapatim jém wibic riqueza juuts nimpá jém anmati jém anécnewíip idic. Nimpá iga jém Cristo miñpa íti tánanamanjom, jeeyucmi tananjóctampa jém tiempo cuando tánixtampa jém sínyucmipic Dios ipimi.

²⁸ Aichtam ananmadáypa jém pixiñtam jém Cristo inquímayooyi. Jutquej anicpa, anchiiba jixi jém pixiñtam iga ichaguiñ jém migooyi. Ananquejáypa parejo jém wibic anmati iga jém pixiñtam iwicutiyyiyajiñ iga wiap iwatyaj itumpiy jém wítampic cosa juuts ixunpa jém Cristo. ²⁹ Jeeyucmi pími ayoxap. Anwatpa con itumpiy jém pími jém achiiñewíip jém Cristo.

2

¹ Ansunpa iga iñjodónatámiñ iga tsam pími tánca anwatpa jém yoxacuy para mimichtam y para jém ityajwíip jém attebet Laodicea y para itumpiy jém tantíwítam jém dapic aixpicneyaj. ² Anwatpa jempic iga jeeyaj icpocsáyíñ íanamayaj y iga tumti jixi iniityajiñ iga natoyyajiñ. Ansunpatim iga más y más icutiyyíyíñ jém riqueza iga iwíjodónaiñ ti ixunpa Dios. Ansunpatim iga iñuntawíixpicyajiñ jém Cristo jém Diospic inécne idic. ³ Jém tánomi Cristo iniit itumpiy jém wibic jixi inécne, danam tanquejayñe. Je wiap tayoxpát iga tancutiyyíyíñ jém wibic jixi, jém anécnewíip idic. ⁴ Mannímáypa así iga odoy í micseedáyíñ iñjixi con jém migooyi. ⁵ Aunque da manwaganait mimichtam, tsam manjspa ánanamanjom juuts manwaganaita. Agui amaymay cuando anjodóna iga seguido inwíwatpa y da iñchacpa iga incupictampa jém tánomi Jesucristo.

⁶ Como impictsonne jém Jesucristo juuts jém iñomi, jesic wíwattaami porque jém Cristo mimichitam. ⁷ Juuts tum cuy miwíichicmatsne, juuts tum tic miwíwatne, mipímane jém Cristoyucmi. Da iñchacpa iga incupicpa juuts minquejayñeta. Siempre chiitaami gracia Dios.

Jáyan wibic cosa tawadáy jém tánomi Cristo

⁸ Nawattamtaji cuenta iga odoy í mictsaguiñ jém Dios inmati con jém migooyi, jém dapic tayoxpátpa, jém pixiñtam ijixquimi, jém costumbre jém iwatneyajwíip jém pixiñtam

dende wiñigam. Itumpiy jexpic jixi tsucum yíp naxyucmi, da jex juuts jém tachiiñewip jém Cristo.

⁹ Jém Cristo iniit itumpiy jém Dios ipimi y jém ijixi imijtayyucmi. ¹⁰ Mimichtam micapsne con Cristo. Je jém cobacpic anjagooyi. Injacpa itumpiy jém anjagooyi, iniit itumpiy jém ipimi y jém autoridad. ¹¹ Jém Cristo miwadáytim como tum marca de circuncisión. Yíp marca da jex juuts jém marca jém watnetawip cimi. Cristo miwadáy tum marca cuando miccáyáy itumpiy jém iñtáñca. ¹² Cuando micchinta mimichtam, miwagacumta con Cristo. Cuando acpista jém Cristo, miwaganapista porque incupicta iga Dios wíap icpis jém caaneyajwip. ¹³ Mimichtam caane idic jém iñanama porque tsam mitáñcaiyta. Da iniitta jém marca de circuncisión immijtayyucmi. Pero Dios miwagachiita jém vida con Cristo. Miwadáy perdón itumpiy jém iñtáñca. ¹⁴ Dios iccuyaj jém wiñicpic anquímayooyi jém tsampic tapimíyapa idic. Iccáyapa de taichtam jém anquímayooyi, icunún jém cunusyucmi. ¹⁵ Dios imiswadáy ipimi itumpiy jém malopic anjagooyi jém tsampic iniit ipimi, jém dapic tánixpa. Cristo ichaawat, icwiñquej, icoñwíy jém cunusyucmi.

Wí iga tançusúnytámiñ jém wítampic cosa jém ityajwip siñyucmi

¹⁶ Odoy waday caso siiga i miñimáyapa iga mitáñcaiy porque da inwatpa jém inwíccuy juuts nimpa jém Israelpic costumbre y siiga da iñxutstámpa jém siñyay y jém jecuy jama juuts iwatyajpa jém Israelpic pixiñtam. ¹⁷ Itumpiy yípyaj costumbre jex juuts tum cumuñci, tanquejáyapa ti miñpa, pero jém mijtay je jém Cristo, da je cumuñci. ¹⁸ Odoy jici iga i mimigóyáypa y mictogóyáypa jém incoñwíyooyi jém michiitapáppic siñyucmi. Yíp malopic maestroyaj ijisyajpa jém siñyucmipic pixiñtam juuts Dios. Tsíyyaj juuts tum pixiñ yaachapáppic porque asíam ijispa iga iwianjam Dios. Nímyajpa iga iixyay jém poñ. Tigíycúmpa con jém cosa jém dapic icutiíyíyapa. Tsam pími nacujítpap iyaac porque tsam iniit jém jixi yíp naxyucmipic. ¹⁹ Jeeyaj da antuumaneyaj con jém cobacpic, jém Cristo. Jém cobac icmijap jém mijtay, icwícpa. Mijap ipac y imayi jém Diospic ichiiba.

²⁰ Dam minjacpa jém malopic pími yíp naxyucmi. Jesic tiiga inwattámpa jempic juuts jém ityajwip yíp naxyucmi. Siiga iñjícpa iga minjacpa jém anquímayooyi, ¿jesic tiiga miwaganacaata jém Cristo? ²¹ Nimpa jém anquímayooyi: “Odoy tsici jembit, odoy cuuti, odoy matspici inçijom.” ²² Itumpiy yípyaj anquímayooyi nada más jém pixiñtam ijixquiimi. Inmatpa de jém wíccuy jém cuyajpáppic. ²³ Numa parece que asíam más tajixíy y más pími wíap tanjis Dios. Jém pixiñtam ijisyajpa iga wí iga tayaachap. Nayaachwattap iyaac porque asíam ijispa iga ichacpa iga imalwatpa. Pero migóyapa porque jexpic cosa da tactsacpa iga tançusúnyyapa jém malopic cosa.

3

¹ Jesic siiga numa mipisneum con Cristo, métstaami jém wítampic cosa jém itwip siñyucmi jut coñ jém tánomi Cristo jém tanjatun Dios inwimi. ² Jistaami jém wítampic cosa jém itwip siñyucmi. Odoy jistaami jém cosa jém ityajwip yíp naxyucmi. ³ Porque miwaganaca Cristo y sip nécne jém imvida con Cristo jut it Dios. ⁴ Cristo mismo jém tamvida. Cuando miñgacpa yíp naxyucmi, jesic tawaganamiñpa con ipimi.

Jém pecapic vida y jém jomipic

⁵ Nunta tsaci iga immalwatpa, jesic tsíyapa juuts caane jém malopic jixi, jém iniitwip iñanamanjom. Mimichtam, odoy pejooyi. Odoy wati jém cosa dapic wí. Odoy cusúnyí jém malopic cosa. Odoy wati juuts nimpa jém jixi dapic wí. Odoy cusúnyí tungac imichi, porque siiga inwatpa así, jextim juuts iga iñjísapa jém watnas. ⁶ Itumpiy jém pixiñtam,

jém iwatneyajwïp jexpic táŋca, Dios ichiiba tsam mijpïc castigo. ⁷ Mimichtam, pecam inwattámpatim idic jexpic táŋca. ⁸ Pero siip tsaci itumpïy jém malopic cosa. Odoy naïti jém jooya íñanamanjom. Odoy jóyixooyi. Odoy malwatï. Odoy cujíyooyi. Odoy malnïmi. Odoy malaŋmatï. ⁹ Odoy namigóyaytamtaji porque íñchacne jém wiñicpic jixi y jém malopic cosa jém inwatpáppic idic mimichtam. ¹⁰ Impictson̄ta jém jomipic jixi juuts tum jomipic mipixiñ, jém cucacpaap íñic hasta núcpa juuts Dios icuwiñ jém iwatwïp. ¹¹ Siiga tacjoomasetneta, jesic da tanjïspa siiga griegopic pïxiñ jém tantïwi o siiga Israelpic pïxiñ. Da tanjïspa siiga tum pïxiñ iwatne jém marca de circuncisión o da iwatne. Da tanjïspa siiga dapic taich pïxiñ. Da tanjïspa siiga tum juumipic pïxiñ. Da tanjïspa siiga tum esclavo o dapic je esclavo. Porque jém Cristo tamichata tantumpïytam.

¹² Dios tsam mitoytámpa mimichtam y micupiñneta iga michíytámiñ juuts Dios mimichitam. Jeeyucmi mannímáypa, accaami jém wibic jixi juuts ixunpa Dios. Yaachanjami jém yaachayajpáppic. Yoxpaati i quej. Odoy nacujíptaji íñyaac. Winanigaayi i quej, jesic quejpa iga da mimalo. Siiga mimalwadaytap, jesic yaachiyi, odoy cianseedayyi. ¹³ Mimichtam nawinanigaytamtaji con jém íñtïwitam. Nawadaytamtaji perdón con jém íñtïwitam siiga minimalwadaytamtap juuts jém tánomi miwadáy perdón jém íñtáŋca. ¹⁴ Mimichtam, natoytamtaji, jesic quejpa iga tumti jixi iniifta. Jesic capsum inwat juuts ixunpa Dios. ¹⁵ Jém wibic paz, jém michiñewïp Cristo, minjacpa íñanamanjom iga inwinanigáyiñ jém tantïwitam. Jeeyucmi miñwejay iga michíytámiñ juuts tumti mijtay. Odoy tsaci iga íñchiiba gracia Dios.

¹⁶ Jém Cristo inmati idiñ jáyan íñanamanjom. Nanquejaytamtaji entre mimichtam itumpïy jém wibic jixi. Nanquímtamtaji. Siiga i imalwatpa, anjïyjacï. Wantaami jém salmos, jém himnos y jém wañi espiritual. Miwantámpa porque íñchiítamtooba gracia jém tanjatun̄ Dios. ¹⁷ Titam inwattámpa y titam ininmattámpa, siempre wattaami itumpïy cosa jém tánomi Jesús íñiyimi. Siempre chiitaami gracia jém tanjatun̄ Dios por medio de Jesucristo.

Tañwïwadáypa itumpïy jém icupicneyajwïp Cristo

¹⁸ Miyomtam, mijaayiwïp, cupïci jém inwidaya porque jempigam iwianjam jém tánomi. ¹⁹ Mipixiñtam, miyoomiywïp, toyi jém iñyomo, odoy yaachwatï juuts tum malopic pïxiñ. ²⁰ Michixtam, siempre cupictaami titam miñímáyta jém íñjatun̄ y jém íñapa porque jempigam iwianjam jém tánomi. ²¹ Mijatun̄pic, odoy tsicjooyi jém immanic porque siiga agui pïmi impimíyapa, jesic jóyapa jém immanic hasta da yoxatooba. ²² Mimichtam, jém miesclavotam, wï iga inwattámiñ itumpïy cosa juuts miñímáypa jém íñomi yïp naxyucmi. Da wï siiga no más inwattámpa íñyoxacuy cuando miixpa jém íñomi iga miwixiñ. Wattaami con itumpïy íñanama porque inçinpa jém tánomi Dios. ²³ Cuando inwattámpa algun yoxacuy, wattaami con itumpïy íñanama jesaptim juuts inçuyoxap jém tánomi Cristo y da je pïxiñ inçuyoxap. ²⁴ Michtam íñjodon̄tam iga jém tánomi tachiítámpa jém herencia, jém tampictson̄páppic juuts tum xaja, porque michtam inçuyoxatámpa jém tánomi Cristo. ²⁵ Pero jém imalwatwïp ipictson̄pa jém castigo iga agui imalwatne. Jém tanjatun̄ Dios iwicïpiñpa parejo itumpïy jém pïxiñtam.

4

¹ Mimichtam jém miomipic siempre wïwadaayi jém íñesclavo juuts tum wibic mipixiñ. Jïstaami iga mich iniiftim tum jém íñomi siñyucmi.

² Seguido anwejpáttaami Dios con itumpïy íñjixi, da mimonpa, siempre chiitaami gracia Dios. ³ Anwejpáttaamïtim Dios para aichtam iga áñáyáyiñ tum puerta iga ananmatpa jém anmati, iga ananmadáypatim jém pïxiñtam jém Cristo inquímayooyi jém anñecnewïp idic.

Yíptim an̄mat̄i anan̄núc iga s̄iip aít preso. ⁴ Wágaayi Dios iga w̄iañ anan̄quejáy parejo jém p̄ixiñtam juuts ich w̄iap anan̄mat.

⁵ W̄inan̄igaayi con jém w̄ibic j̄ixi jém dap̄ic icup̄icneyaj Jesucristo iga miw̄ixyajiñ, w̄iwat̄i iganam miw̄iap. ⁶ Siempre w̄inan̄matmatnēi jém p̄ixiñtam con jém w̄itamp̄ic an̄mat̄i juuts jém çana w̄i paac. Jesic w̄iap in̄cutson̄ jém micwác̄p̄ap̄ic.

W̄atidios cutsadáyta jém p̄ixiñtam

⁷ Jém tant̄iw̄i Tíquico, jém tsamp̄ic tantoypa, miñmadáypa titam annasca ȳim. Jém Tíquico tsam p̄imi ayoxpát. An̄wagacuyoxata ȳim jém tán̄omi Jesucristo. ⁸ Jeeyucmi man̄cutsadáy jém Tíquico iga micjodóñaiñ titam annascata ȳim y iga micamamwadaytámiñ iñanama. ⁹ Iwagananicpatim jém Onésimo, tum tant̄iw̄i jém tantoypáppic. Tsam ayoxpátim jém p̄ixiñ. Mimichtamp̄ic p̄ixiñ jém Onésimo. Jeeyaj miñmadayyajpa titam iñasca jém Dios ip̄ixiñtam ȳim.

¹⁰ Jém an̄compañero Aristarco, jém tsíyñew̄iip preso con aich, tsam w̄atidios micutsadáypa. Midioschitámpatim jém Marcos jém Bernabé iprimo. Michtam imp̄ictson̄e jém wiñtip̄ic an̄mat̄i acerca de je, pero jesic siiga nicpa mijóyáy, w̄ip̄ictson̄i. ¹¹ W̄atidios micutsadáypatim jém Jesús, iñiyit̄im Justo. Yíp tucuten̄ Israelpic p̄ixiñtam, agui amaymaywatyaj jeeyaj. Da i tungac jém Israelpic p̄ixiñ awagayoxatámpa iga anan̄mattámpa jém an̄mat̄i iga Dios in̄jacpa yíp naxyucmi. ¹² W̄atidios micutsadaytámpatim jém Epafras. Mimichtamp̄ic p̄ixiñ. Tsam icuyoxap tán̄omi Cristo. Siempre tsam in̄wejpátpa Dios para mimichtam, iwágáypa iga miyoxpátámiñ iga odoy iñchactámiñ jém Dios in̄mat̄i y iga capxiñ in̄watta itump̄iy cosa juuts ixunpa Dios. ¹³ Ich atsiy juuts tum testigo iga jém Epafras tsam mij̄ispa mimichtam y jém tant̄iw̄itam jém ityajw̄iip jém attebet Laodicea y Hierápolis. ¹⁴ W̄atidios micutsadáypa jém tant̄iw̄i Demas y jém Lucas, jém tsóyiyoypp̄ic, jém tsamp̄ic tantoypa.

¹⁵ Dioschīi jém tant̄iw̄itam jém ityajw̄iip jém attebet Laodicea. Dioschīitim jém tant̄iw̄i Ninfa y itump̄iy jém icup̄icneyajw̄iip Jesús, jém an̄tuumayajpáppic iticc̄im. ¹⁶ Jesic cuando yajum immay yíp carta mimichtam, cutsadaayi jém tant̄iw̄itam jém icup̄icneyajw̄iip Jesús jém attebet Laodicea. Maytaam̄itim jém tungac carta jém miñw̄iip Laodicea. ¹⁷ Nímaayi jém tant̄iw̄i Arquipo iga iccupaguiñ jém iyoxacuy, jém ichiñew̄iip tán̄omi iñiyimi.

¹⁸ S̄iip ich mismo man̄jáyáypa an̄çimi iga manan̄químpa. Ich aPablo man̄cutsadáypa w̄atidios. Jistaami iga ich aít preso. Dios miw̄iwadaytámiñ mimichtam. Jenum cuyaj.

Jém wiñtipic carta jém ijáyayñewiip Pablo jém ityajwiip jém attebet Tesalónica

Jém Pablo con icompañeroyaj ijáyay jém Dios ipixiñtam

¹ Ich aPablo. Aitta yim con wisten jém tantiwitam jém Silvano y Timoteo. Siip manjáyaytámpa mimichtam jém miittanwiip jém attebet Tesalónica jém inçupicnetanwiip Jesucristo. Mimichtam jém tanjatun Dios mimichitam y jém tánQmi Jesucristo mimichitim. Siip Dios miyoxpáttamiñ iga wiap inwatta juuts ixunpa Dios, iga odooy iniidiñ jém cobacpiji.

Jém Tesalónicapic pixiñtam tsíyyaj juuts ejemplo iga iwicupicyajpa jém Dios inmati

² Siempre anchiiba gracia Dios para mimichtam cuando anañejpáttámpa Dios. ³ Seguido manjistámpa jém tanjatun Dios iwiñjom. Inçuyoxatámpa Dios porque inwicupicneta. Inwíwattámpa porque inñoytámpa jém tánQmi. Inyaachiytámpa cuando mimalwadaytap porque ininjóctámpa iga miñgacpa jém tánQmi Jesucristo. ⁴ Mantiwitam, mitoytampáppic Dios, anjodonam iga micupineta Dios iga michiytamiñ juuts jém imanictam. ⁵ Oy manañmadayta jém wibic anmati, pero da je solamente con ich anamati. Oy manañmadayta jém wibic anmati con Dios ipimi y con Dios iAnama. Annuntawijodon iga da je mi gooyi. Mimichtam injodonam jutsap manwaganaita cuando oy manyoxpát.

⁶ Mimichtam moypa inwatta juuts aichtam, inwattámpatim juuts iwatpa jém tánQmi Jesús. Aunque tsam pimi miyaachwattamta, inwipictsoneta jém anmati con jém wibic maymáyaj jém michiñewiip Dios iAnama. ⁷ Hasta que mimichtam michiytámpa juuts ejemplo para itumpiy jém icupicneyajwiip Jesús jém naxyucmi de Macedonia y Acaya. ⁸ De mimichtamanjom nic juumi jém tánQmi inmati. Da no más jém naxyucmi de Macedonia y de Acaya, pero wanpa jutquej iga mimichtam inwicupicneta Dios. Hasta aichtam dam ti más wiap annimayta jém pixiñtam porque iwicutiyyiyaj. ⁹ Porque jeeyaj mismo wiap inmatyaj jutsap mu ampictsoneta mimichtam cuando oy manjóyay. Inmatyajpa jutsa mu inñchacta iga inñjistámpa jém watnas iga inçuyoxatámpa jém numapic Dios, jém dapic caane. ¹⁰ Inmatyajtim iga ininjóctámpa iga miñgacpa jém Dios imanic jém nicnewiip sinyucmi, jém acpisnetawwip de jut it jém caaneyajwiip. Yiptim Jesús taciaputtámpa de jém mijpic castigo jém miñpáppic.

2

Jém yoxacuy jém iwatwiip Pablo jém attebet Tesalónica

¹ Mantiwitam, mimichtam inwijodon iga cuando oy manjóyay, da axajaoy. ² Injodonitim iga tsam pimi ayaachwattamta jém attebet inñyi Filipos. Jemum tsam pimi amalnimaytamta antes que anuc jut miitta. Y ocmi mich inñtummitam jém Tesalónicapic pixiñtam amalwadayajtim, pero Dios acamamwadayta ananama iga manañmadayta jém wibic anmati. ³ Da oy manañmaday jém mi gooyi. Da aoy iga mammalwadaytámpa o iga mammigóyaytámpa. ⁴ Pero siempre manañmadaytámpa juuts ixunpa Dios. Porque Dios acupineta aichtam y achiita jém wibic anmati iga anañmadayajiniñ jém pixiñtam jutinquej. Pero da anwattámpa juuts ixunyajpa jém pixiñtam. Anwattámpa juuts ixunpa Dios porque Dios icipinpa ti tanaif tananamanjom. ⁵ Cuando mu ánoy jut miitta, da mançujipta iga mammigóyaytámpa. Datim oy manañmaday jém anmati iga

mançusúnyáypa jém iñtumiñ. TanJatun Dios ijodon iga da oy mammalwadáy. ⁶ Da ammétstampa iga acujípyajiñ jém pìxiñtam. Datim ansunpa iga michtam ançujíptampa.

Siiga ansunpa, wiap mampimiyta juuts tum apóstol jém acutsatnewiip Jesucristo. ⁷ Pero da ammalwat mimichtámanjom, porque mantoytámpa juuts tum wibic yomo itoypa imanictam. ⁸ Agui mantoytámpa mimichtam, jeeyucmi anwianjam iga impictsonpa jém wibic anmati jém Diospic tachiiñe. Da no más jém anmati, pero hasta jém amvida manchiitooba meega wiap porque tsam mantoytámpa. ⁹ Mantiwitam, ¿da iñjístampa iga tsam pimi ayoxata cuando oy mananmadayta jém wibic anmati jém tachiiñewiip Dios? Ayoxata tsuucim y siññi iga da ti manwágaytámpa.

¹⁰ Mimichtam michiyta juuts tum testigo y Dios tsíytim juuts testigo iga da ammalwat mimichtámanjom jém incupicnetanwiip Dios. Anwíwatta juuts tum wibic pìxiñ dapic táñcaíy. ¹¹ Jistaami jutpic mananquímta juuts tum pìxiñ cuando inquímpa imanic. Mançamawadáy iñanama iga odoy iñchaguiñ jém Dios inmati. Mançunucsay iga odoy miñyáguiñ cuando tsam pimi mimalwadaytap. ¹² Mananquím iga siempre inwíwattamiñ juuts ixunpa Dios porque miñwejayta iga nicpa miiti jut wicom, jut injacpa Dios.

¹³ Siempre anchiiba gracia Dios iga cuando immatonja jém Dios inmati jém manamíñayñewiip, da impictsonja juuts pìxiñtam inmati, impictsonja juuts jém nunta Dios inmati. Jém anmati miyoxpáttámpa jém incupicnetanwiip Jesús iga wiañ inwatta juuts ixunpa Dios. ¹⁴ Mimichtam, mantiwitam, tsam mimalwadaytamtatim juuts jém tantiwitam jém ityajwiip jém naxyucmi de Israel, jém icupicneyajwiip Dios. Michtam iñtúmmitam tsam mimalwadaytatim jex juuts jém judíos imalwadayyaj jém icupicneyajwiip Jesús jém naxyucmi de Israel. ¹⁵ Jeeyajtim iccaayaj jém tánomi Jesús juutstim iccaayaj jém wiñicpic profeta jém itúmmiyaj. Siip aichtam aquebacputtamta. Da iwíwatyajpa jém Dios iwiñjom. Da iwínanigáypa itumpiy jém pìxiñtam. ¹⁶ Da iwíanjamyaj iga ananmadáypa jém tunçac pìxiñtam jém wibic anmati iga Dios iciacputyajpa. Yíp malopic judíos jempigam más ijayanwatyajpa jém itañca. Siip da jáyñe ichiiba Dios tum mijpic castigo.

Jém Pablo nictooba eybic jém attebet Tesalónica

¹⁷ Mantiwitam, cuando da jáy hora tanatsactamta, aunque da miita, manaitta ánanamanjom. Tsam mánixtooba idic, waciy ammétsta jutsap nicpa manjójáy eybic, pero da awiap. ¹⁸ Tsam anictamtooba idic manjójáy. Ich aPablo waciy amméts jutsap nicpa manjójáy, pero jém Wocciwiñ da ajígáy. ¹⁹ Siip ananjóctámpa jém jama iga miittamiñ jém tánomi Jesucristo iwiñjom cuando miñgacpa yíp naxyucmi. Mimichtam michiytámpa juuts jém wibic maymáyaj para aichtam, juuts tum wibic corona. ²⁰ Numa mimichtam incuyucmi tsam awixtamtap, tsam amaymáyatámpa.

3

¹ Jesic iga tsam pimi manjísipa, da anyaachíypa. Annímáy jém ancompañero Silas iga tatsíytámpa tançutum yim Atenas iganam ² mançutsadaytámpa jém tantiwí Timoteo iga niñguiñ miámta. Jempam anwatta. Je icuyoxap Dios y awaganayoxap iga ananmattámpa jém wibic anmati de Cristo. Jesic mançutsadáy jém tantiwí Timoteo iga miyoxpádiñ iga odoy iñchaguiñ jém Dios inmati, ³ iga wiañ iñyaachiyta cuando miyaachwattamtap. Michtam iñjodontam iga tienes que tayaachwattamtap. ⁴ Jistaami, cuando aitta con mimichtam, mananmadáy iga tayaachwattamtap. Numa jempam iññascaneta juuts mich iñjodon. ⁵ Jeeyucmi, cuando da más wiap anyaachíy, ançutsat jém Timoteo iga niñguiñ miámcoñwíy siiga da iñchacne iga incupicpa jém Dios inmati. Porque ich ançinpa iga jém Wocciwiñ wiip micmalwatpa y xajatim oy mananmadáy jém anmati.

⁶ Siip yaguiñ set jém Timoteo de mimichtam. Inimiñ jém anjmaṭi iga tsam inçupicneta Dios y tsam inñtoytámpa jém inñtiwítam. Nimpatim jém Timoteo iga mimichtam siempre anjístámpa y ánixtamtooba jextim juuts aichtam iga mánixtamtoobatim. ⁷ Jeeyucmi mantiwítam, tsam amaymaytam cuando ammaton iga michtam da inñchacneta iga inçupicpa Dios, aunque yim annascata tum mijpic yaachaji, tsam amalwadaytamta. ⁸ Siip aitta vivo porque mimichtam da inñchac jém tánomi itun. ⁹ Tsam anchiiba gracia jém tanjatun Dios, agui amaymayatámpa jém Dios iwiñjom mimichtam inçuyucmi. ¹⁰ Tsuucim y siñni anañwejpátámpa Dios iga wiañ nic mánámta. Manañquejaytámpa titam mitogóyáy iga wiañ inçupicta parejo.

¹¹ Ansunpa iga jém tanjatun Dios y tánomi Jesús ayoxpádiñ iga nicpa mánámta. ¹² Anwágaytámpatim tánomi iga más minitoytamtañ con inñtiwítam, iga inñtoytámiñ itumpiy jém pixiñtam juustim ich mantoytámpa. ¹³ Anwagáypatim iga michiñ jém wibic jixi iga wiañ inwatta seguido juuts ixunpa Dios, jesic da mitañcaiy, cuáyñeum jém inñanama jém tanjatun Dios iwiñjom cuando miñgacpa tánomi Jesús yip naxyucmi con itumpiy jém imichipic, jém cuáyñeyajwip ianama.

4

Jém vida jém iwianjamwip Dios

¹ Mantiwítam, wiñic oy manañquejáy iga wiañ inwatta juuts ixunpa Dios. Quejpa siip iga inwatpa. Mançunucsáypa jém tánomi Jesús inñiyimi iga más y más inwicupiguiñ jém Dios injmaṭi.

² Mimichtam inñjodon tam ti manañquejayta jém tánomi Jesús inñiyimi. ³ Dios ixunpa iga cuáyñeiñ jém inñanama, iga odoy i pejóyñ. ⁴ Cada tumtum de mimichtam jodónataami jutsap iniitta jém inñyomo juuts tum wibic pixiñ cuáyñewip ianama. ⁵ Odoy picitum yomo iga agui inçusúníypa juuts jém malopic pixiñtam jém dapic icupicne Dios. ⁶ Odoy cusúníyaayi tungac pixiñ iyomo, odoy malwadaayi jém inñtiwi jempic. Dios ichécpa itumpiy jexpic táñca juuts wiñti mannímayñeum. ⁷ Porque Dios da tanwejay iga tançusúníypa jém malopic cosa, más tanwejay iga cuáyñeiñ jém tánanama. ⁸ Jém ijóyixpaap yip anquímayooyi da ijóyixpa tum pixiñ, ijóyixpa Dios mismo, jém tachiiñewip jém ianama.

⁹ Siip da manjayáypa jutpic inñtoytámpa jém tantiwítam jém icupicneyajwip Jesús. Porque tanjatun Dios miñquejay jutpic minitoytamta con jém inñtiwítam. ¹⁰ Numa, quejpa iga tsam inñtoytámpa itumpiy jém Macedoniapic tantiwítam. Mançunucsáypa mantiwítam iga más y más inñtoytámiñ. ¹¹ Wínanigaayi jém inñtiwítam, wattaami michpic inñyoxacuy, odoy moogiyi tungac. Yoxataami inçimi juuts mannímayñe. ¹² Wíwattaami iga miwixyajiñ jém dapic icupicyajpa jém tánomi. Jesic da ti mitogóyáypa.

Miñgacpa tánomi Jesús

¹³ Mantiwítam, da ansunpa iga da inñjodon tam ti inñascaaba jém caaneyajwip, jém icupicneyajwip Jesús. Mimichtam, odoy anyáctaami juuts jém pixiñtam jém dapic inñjocyajpa iga miñgacpa jém tánomi Jesús. ¹⁴ Tançupicpa iga accaata tánomi Jesús, pero ocmi acpista. Jesaptim tanjodóna iga cuando tanjatun Dios icutsatgacpa yip naxyucmi jém tánomi Jesús, jesic iwaganamiñpa itumpiy jém icupicneyajwip Jesús, jém caaneyajwip.

¹⁵ Siip manañmadaytámpa ti tanquejay jém tánomi Jesús. Nimpa iga cuando miñgacpa tánomi, wiñti ipiñpa jém ipixiñtam jém caaneyajwip. Jesic ocmi tapiñtamtaptim taichtam, jém taitwip vivo. ¹⁶ Cuando núcpa jém jama, quetpa tánomi dende siñyucmi, pimi jypa juuts tum mijpic anjagooyi. Jyypatim tum siñyucmicpic pixiñ jém cobapic.

Pimi anjɨyɨpa jém Dios itrompeta. Wiñti acpɨsyajɨap itumpɨy jém caaneyajwɨp jém icupɨcneyajwɨp Cristo. ¹⁷ Ocmi Dios tan̄tuumaɨwattámpa taichtam, jém tatsíyñetaɨwɨp vivo. Tawagananictamɨap ucsanjom con jém acpɨsneyajɨawɨp. Jemum tanactsíyɨpa jém tánQmi Jesús an̄tiwan̄yucmi. Jesic nicpa taɨti para siempre con jém tánQmi. ¹⁸ Jesic nan̄madaytamɨaji yɨp wɨbɨc an̄maɨti con jém iñ̄tɨwɨtam iga odoy min̄yáctamiñ.

5

¹ Siɨp mantɨwɨtam, da man̄jáyáyɨpa iga jup jama ni jup am̄tɨy miñgacpa tánQmi Jesús. ² Porque mimichtam in̄wɨjodon̄tam iga cuando miñgacpa jém tánQmi, núcpa jém tánQmi ijama juuts tum númpaap miñpa tsuucim. Da i ijodon̄ juchis hora núcpa. ³ Cuando n̄imɨyajpa jém p̄ixiñtam iga: “Da ti idíyɨy, da i jém tamalwadaypáppɨc”, jesic jeeti rato núcpa jém castigo iga actogoyyajɨap. Juuts tum yomo cuando toypa iman̄ic iga naypa, da wɨap ipoy. ⁴ Pero michtam, mantɨwɨtam, da miñta jém piichc̄im, jesic cuando núcpa jém jama, jém tánQmi da micupiichc̄iɨyɨpa juuts tum númpaap. ⁵ Porque iñ̄tumpɨyɨtam miñta siñ̄ni jém juctian̄tsocajom jut cutiwan̄ane. Da taitta tsuucim ni piichc̄im. ⁶ Jeeyucmi da tamon̄támpa juuts jém tun̄gac jém mon̄yajpáppɨc. Wɨ iga tajixiɨyɨtamiñ iga taittamiñ listo. ⁷ Porque jém mon̄yajpaap mon̄pa tsuucim, jém uquiɨyaj uquiayajpa tsuucim. ⁸ Pero taichtam taitta jém juctian̄tsocajom, wɨ iga tajixiɨyɨiñ. Jex juuts jém soldado icámpa jém icoraza ipechoyucmi, wɨ iga tan̄cupictamiñ jém Dios in̄maɨti y tantoytamiñ jém tantɨwɨtam, jempɨgam tanacupujɨap. Juuts jém soldado icámpa jém icasco icobacyucmi, wɨ iga tananjócpa jém jama iga taciacputpa Dios. ⁹ Porque Dios da tacupin̄ iga tachiiba castigo, pero tacupin̄ iga taciacputtámpa jém tánQmi Jesucristo. ¹⁰ Accaata iga tajojáy jém tantán̄ca. Jesic cuando miñgacpa, siiga tacaaneum o siiga tavivonom, nicpa tawagaɨti con je. ¹¹ Jeeyucmi mantɨwɨtam, nacamamwadaytamɨaji jém iñ̄anama, nan̄quejaytamɨaji con jém iñ̄tɨwɨtam jém Dios in̄maɨti juuts siɨp in̄wattámpa.

Jém Pablo in̄quím̄pa jém icupɨcneyajwɨp Jesús

¹² Siɨp mantɨwɨtam, man̄cunucsaytámpa iga in̄wɨixtamiñ jém pastoryaj, jém yoxayajpaap mimichtaman̄jom. Jém tánQmi icupin̄ iga min̄quím̄támpa y min̄quejaytámpa jém wɨbɨc tun̄. ¹³ Wɨixtaami jeeyaj, toytaami porque wɨbɨc yoxaji iwatyajpa. Mimichtam odoy an̄taami con jém iñ̄tɨwɨtam.

¹⁴ Mantɨwɨtam, man̄cunucsaypatim iga in̄inquím̄tamiñ jém dapɨc yoxayajpa iga odoy cutíñayajiñ. Camamwadaayɨ ianama jém c̄ɨnyajpáppɨc. Yoxpaati jém dapɨc wɨap icutiɨyɨy jém Dios in̄maɨti. Yaachiɨyɨy itumpɨy jém tantɨwɨtam siiga chocóyap icutiɨyɨy jém Dios in̄maɨti.

¹⁵ Wattaami cuenta iga odoy i ician̄seedáyɨpa jém imalwadayñewɨp. Siempre nawɨwadaytamɨaji con jém iñ̄tɨwɨtam. Wɨwadaayɨtim itumpɨy jém p̄ixiñtam.

¹⁶ Maymáyaataami siempre. ¹⁷ Odoy tsaci iga in̄in̄wejpáttámpa Dios. ¹⁸ Ti quej iñ̄nascaaba, chiitaami gracia Dios, porque jempam iwian̄jam tan̄Jatun̄ Dios iga in̄wattámpa mimichtam, porque jém Jesucristo mimichitam.

¹⁹ Odoy acpichaayɨ jém Dios iAnama ijucti. ²⁰ Siiga Dios iAnama ichi jixi jém p̄ixiñ iga in̄madiñ jém Dios in̄quím̄mayooyi, odoy jóyixi. ²¹ Pero siempre amcoñwɨyɨy itumpɨy jém jixi iga wɨaiñ in̄cupin̄ jém wɨbɨc. ²² Pero tsagan̄puti itumpɨy jém malopɨc cosa.

²³ Siɨp tan̄Jatun̄ Dios, jém in̄iitwɨp jém wɨbɨc paz, miñuntawɨtsagáyiñ jém iñ̄anama, jém in̄jixi y jém immiɨtay iga michiɨyɨtamiñ limpio y cuáyñe cuando miñgacpa yɨp naxyucmi jém tánQmi Jesucristo. ²⁴ Jém min̄wejayñewɨp da migóyɨpa, siempre iccupacpa juuts tajycámayñe.

Jém Pablo idioschiiba jém tantɨwɨtam, ichiiba bendición

²⁵ Mantɨwɨtam, an̄wejpátaami Dios para aichtam.

²⁶ Dioschitaami itumpiy jém tantiwitam con tum wibic anacatsuuchi.

²⁷ Manwágáypa jém tánomi iñiyimi iga immáyaytámiñ yip toto jém tantiwitam itumpiy jém ityajwip jem.

²⁸ Sip jém tánomi Jesucristo miwadaytámiñ iñtumpiytam. Jenum cuyaj.

Jém segunda carta jém ijáyayñewiip Pablo jém ityajwiip jém attebet Tesalónica

Jém Pablo con icompañeroyaj ijáyáy jém Dios ipixiñtam

¹ Ich aPablo. Awagaitta con jém Silvano y Timoteo. Siip manjáyaytámpa mimichtam miiftanwiip jém attebet Tesalónica, jém inçupicnetanwiip Jesucristo. Mimichtam jém tanJatun Dios mimichitam y jém tánQmi Jesucristo mimichitam. ² Jém tanJatun Dios y jém tánQmi Jesucristo miwiwadaytamiñ iga odoy iniidiñ jém cobacpiji iñanamajom.

Chiitap castigo jém táncaywiip cuando miñgacpa Cristo

³ Mantiwitam, wi iga tsam anchiiba gracia tanJatun Dios para mimichtam porque más y más inçupictámpa jém Dios inmati, más y más minitoytamtap con jém iñtiwitam. ⁴ Siempre mançujíptámpa cuando nicpa ananmat jém Dios inmati tunyac attebet. Annímáypa jém Dios ipixiñtam iga tsam inwícupictámpa jém Dios inmati. Da iñchactámpa jém Dios inmati cuando tsam micpóyta y tsam miyaachwatta. Tsam iñyaachiyipa. ⁵ Jesic wi quejpa iga wicpíjópá Dios. Quejpatim iga mimichtam miifta juuts wibic mipixiñ iga wiap iñtiyita jut injacpa Dios. Jeeyucmi siip miyaachatámpa.

⁶ Ijodon Dios iga wi iga ichiiba castigo jém mimalwadayñewiip. Iyaachwatpa jém miyaachwatneyajwiip. ⁷ Jesic cuando miñgacpa yíp naxyucmi jém tánQmi Jesús, tacjejtámpa iga odoy más tayaachatamiñ. Iwaganamiñpa jém sinyucmipic pixiñtam jém iniitwiip jém Dios ipimi. ⁸ Inimiñpatim jém sinyucmipic jucti iga iñoquetyajpa jém dapic iixpicyajpa Dios, jém dapic icupicyajpa jém wibic anmati iga tánQmi Jesús taciacputtamtooba. ⁹ Chiijajtap castigo jém malopic pixiñtam, actogoyajtap para siempre. Da wiap iityaj jém tánQmi iwiñjom ni da wiap iixayyaj jém ipimi. ¹⁰ Jesic cuando miñgacpa yíp naxyucmi jém tánQmi Jesús, tsam iwixiyajpa itumpiy jém ipixiñtam jém cuáyñewiip ianama, ipooñanjamyajpa jém icupicneyajwiip jém Dios inmati. Miiftámpatim mimichtam porque inçupicneta titam manañmadayta.

¹¹ Jeeyucmi siip anañwejpáttámpa Dios iga michiyiñ juuts jém Dios mipixiñtam porque Dios micupinta. Anwagáypatim Dios iga iccupaguiñ con ipimi juuts mimichtam inwanjamta y jém yoxacuy jém inwattampáppic porque inçupicneta Jesús. ¹² Jempigam tsam cujítap jém tánQmi Jesucristo mimichtam inçuyucmi, y micujíptámpatim jém tánQmi porque tsam tatoypa tanJatun Dios y tánQmi Jesús.

2

Tañmadaytap jutsap imiñ jém tánQmi

¹ Siip, mantiwitam, manañmadáypa jutsap imiñgac yíp naxyucmi jém tánQmi Jesucristo y jutsap tanuumawatta jém tánQmi iwiñjom cuando miñgacpa. Mannímáypa, mantiwitam, ² siiga immatoñtámpa iga núcneum jém jama iga miñgacpa jém tánQmi Jesús, odoy cupictaami, odoy anyáctaami. Siiga miñpa miñmadáy tum anmatciwiñ o tum pastor, odoy cupictaami. Siiga tum pixiñ miñmáypa iga jém Pablo ijáyáy tum toto iga núcneum jém jama cuando miñpa tánQmi, odoym cupictaami. ³ Odoy i mimigóyaytamiñ porque da miñgacpa yíp naxyucmi jém tánQmi Jesucristo hasta núcpa jém tiempo iga jém pixiñtam ichacyajpa jém Dios inquímayooyi, hasta que tsucumpa jém malopic anjagooyi, jém ijóyixpáppic itumpiy jém wibic anquímayooyi, jém ipictsonpáppic jém mijpic castigo jém

juctjōm jut da nunca píchpa. ⁴ Yíp malopic anjagooyi tsucumpa en contra de Dios, jém ijisyajpáppic jém pxiñtam. Tsam nacujíptap iyaac. Nicpa coñi jém Dios imasticjōm juuts tum dios. Nímanṭaayap iga: Ich aDios.

⁵ ¿Que da iñjisa iga mananmadáy yípyaj cosa cuando oy aiti con mimichtam? ⁶ Mimichtam, iñjodon iapaap jém dapic ijícpa iga tsucumpa jém malopic anjagooyi antes que núcpa jém ijama. ⁷ Siip itum jém malopic anjagooyi ipimi iga imalwatpa, pero anécne, danam wiñquejne. Togoy no más iga accáytaṭap jém dapic ijícpa iga tsucumpa. ⁸ Jesic ocmi wiñquejpa jém malopic anjagooyi, pero tánŌmi Jesucristo, cuando miñgacpa yíp naxyucmi, iccaaba con jém ipimi jém putpáppic ijipjōm, ictogoypa jém malopic anjagooyi con jém ichōca. ⁹ Cuando núcpa yíp malopic anjagooyi, iwatpatim juuts jém Wocciwiñ. Iniit itumpiy ipimi, wiap iwat jém señales y jém milagro iga imigóyayjpa jém pxiñtam. ¹⁰ Iniittim itumpiy jém malopic jixi iga imigóyáypa jém pxiñtam jém togoyajpaap. Togoyajpa porque da icupicyaj jém numapic anṃati iga iciacputyajpa Dios. ¹¹ Jeeyucmi Dios ijíc iga namigóyayjtañ con jém malopic jixi iga icupicyajpa jém migooyi, ¹² iga chiiyajtaṭap mijpic castigo itumpiy jém dapic icupicyajtooba jém numapic anṃati, jém aguipic iwianjamyaj iga imalwatyajpa.

Dios tacupiñeta iga taciacputtámpa

¹³ Pero aichtam tienes que siempre anchiitámpa gracia Dios por mimichtam, mantiwitam, mitoytampáppic jém tánŌmi, porque dende wiñgam Dios micupiñeta iga miciacputtámpa, iga jém Dios iAnama miccáyáypa iñtanca porque incupicta jém numapic anṃati. ¹⁴ Jesic cuando oy mananmadáy jém wibic anṃati, Dios miñwejay iga miciacputtámpa iga miwagaittámpa siñyucmi con tánŌmi Jesucristo.

¹⁵ Jeeyucmi, mantiwitam, mannímaytámpa iga odoy tsactaami jém Dios inṃati. Siempre jistaami jém anquímayooyi, jém mananmadayñewiip y jém manjayayñewiip. ¹⁶ Tsam tatoytámpa jém tanjatun Dios y jém tánŌmi Jesucristo. Tsam tayaachanjampa para siempre. Tachiita jém jixi iga odoy ti tançinñ. Tacjodōnata iga nicpa tañti con Dios. ¹⁷ Siip Dios micamamwadaytamiñ iñanama, miyoxpáttamiñ iga wiap inwatta jém wítampic cosa juuts ixunpa Dios iga iniñmattámpa jém wítampic anṃati.

3

Anwejpaati Dios para aichtam

¹ Jesic, mantiwitam, anwejpátaami Dios para aichtam iga ayoxpáttamiñ Dios cuando ananmattámpa jém wibic anṃati iga más jicsci y núcpa jém Dios inṃati jutquej. Wágaayi Dios iga ayoxpáttamiñ cuando ananmattámpa jém wibic anṃati iga jém pxiñtam iwipictsonyajiñ jém anṃati juutstim mimichtam inwipictsoneta. ² Wágaytaami Dios iga aciacputtamiñ de jém malopic pxiñtam y de jém tamalwadaypáppic. Porque da itumpiy pxiñtam icupicyajpa Dios. ³ Pero jém tánŌmi siempre iwatpa juuts tajycámayñe. Y jém tánŌmi miyoxpáttámpa iga wiañ inwatta juuts ixunpa Dios. Miwattámpa cuenta iga odoy i wiañ micmalwat. ⁴ Anjodon iga inwatneta juuts mannímayñeta y seguido inwattámpa porque jém tánŌmi miyoxpáttámpa. ⁵ Siip ansunpa iga tánŌmi Jesús miyoxpáttamiñ iga más iniidiñ jém tanjatun Dios itóyooyi, iga wiañ iñyaachiyta juuts iyaachiy jém tánŌmi Cristo.

Wi iga tayoxap

⁶ Siip, mantiwitam, mampiimíypa jém tánŌmi Jesucristo iñiyimi, odoy anpiñtsi jém tantiwitam jém dapic yoxayajpa, jém dapic iwatyajpa juuts nimpá jém anquímayooyi jém manchiñewiip. ⁷ Cuando oy aiti con mimichtam, da antsac anyoxacuy. Wi

iga mimichtam inwattámiñtim juuts aichtam. ⁸ Cuando oy aiti con mimichtam, da manwágáy jém inwíccuy, itumpiy manyojáy. Tsam pími ayoxata tsuucim y siñni iga odoy manwadaytámiñ molestia. ⁹ Numa, wi idic iga michtam anchiiba jém wíccuy porque oy manyoxpát, pero da anwianjam iga ansáypa jém wíccuy. Pími ayoxata iga manaquejayta iga jém Dios ipixiñtam tsam yoxayajpa. ¹⁰ Cuando oy aítitam con mimichtam, mananmadáy yíp anquímayooyi: Siiga da miyoxap da miwícpa. ¹¹ Ammatonja iga algunos de mimichtam da miyoxatámpa. Tsam micutíñatámpa. Tsam immoogíypa jém inñiwítam. ¹² Siiga da miyoxap, siip mananquímpa jém tánomi Jesucristo inñiyimi, mannímaypa iga miyoxatámiñ iga iniittámiñ titam incúttámpa.

¹³ Mantiwítam, odoy sopstaami iga inwíwattámpa. ¹⁴ Siiga algun i da icupicpa yíp anmati, jém manjáyayñewip, jesic ixpici iapaap jém pixiñ, odoy anpitsi iga tsaaiñ. ¹⁵ Pero odoy jóyixtaami juuts tum enemigo, más nuumanquejaayi ti ixunpa Dios porque tantiwítim.

Jém tánomi Jesucristo miwíwadaytámiñ

¹⁶ Jém tánomi, jém iniitwip jém paz, michiitámiñ jém paz iga miwinanigayyajiñ jém inñiwítam. Siip tánomi miwaganaittámiñ inñumpiytam.

¹⁷ Ich aPablo. Siip manjáyáypa ançimi iga mananquímtámpa. Jesic quejpa iga ich mismo anwat yíp toto. Yimpigam siempre anjaypa. ¹⁸ Siip tánomi Jesucristo miwíwadaytámiñ inñumpiytam. Jenum cuyaj.

Jém wiñtipic carta jém ijáyayñewiip Pablo jém Timoteo

Jém Pablo ijáyaypa jém Timoteo

¹ Ich aPablo. Jém tánQmi Jesucristo accám iga aapóstol. Acutsat juuts ipimíy tanJatun Dios jém taciaputpáppic. Acutsattim tánQmi Jesucristo jém tananjóctampáppic. ² Siip manjáyaypa miTimoteo. Mich michíyapa juuts annuntamanic porque inçupicne jém wibic anmañti jém manamíñayñewiip. Siip tanJatun Dios con tánQmi Jesucristo miyoxpátpa iga witsíyíñ jém íñanama. Miyaachanjampa. Michiiba jém wibic paz iga odoy iniidiñ jém cobacpji.

Wi iga tanwogáyíñ jém inquejyapáppic jém migooyi

³ Wiñic cuando danam anicne jém naxyucmi Macedonia, mannímáy iga yim michíyapa jém atebet Efeso. Anmadaayi jém tantiwitam jém dapic iwicutiyyiñe jém Dios inmañti iga odoy inmadayyajiñ jém tunjac anquímayooyi jém migooyipic. ⁴ Nímaayitim jém tantiwitam iga odoy inquejyayajiñ jém pixiñtam jém wiñicpic jixi porque je puro jixquiimi, tamigóyaypa. Nímaayitim iga odoy inquejáyíñ jém tantiwitam iga ijisyajpa jém wiñicpic itúmmiyaj juuts tum dios. Porque jém wiñicpic jixi da tayoxpátpa. Más wi iga tananquejáyíñ jém Dios inmañti iga jém pixiñtam wiañ icutiyyiyaj jutpic icupicyajpa Dios.

⁵ Pero siip mannímáytañpa ti ansuntámpa. Anwianjam iga minitoymtañ con itumpiy jém tantiwitam. Siip wiap inwat siiga cuáyñeum íñanama y siiga iniitta jém wibic jixi íñanamanjom y siiga numa inçupictámpa jém tánQmi Jesucristo. ⁶ Algunos jém Efesopic pixiñtam iwattooba idic juuts ixunpa Dios, pero ocmi ichacpa jém Dios inmañti. Inmattooba idic jém Dios inmañti, pero da icutiyyíyapa. Inejaanmadáy jém pixiñtam. ⁷ Tsíytooba juuts tum maestro iga inquejáyapa jém Moisés inquímayooyi, pero da icutiyyíyapa ti inmatpa. Tsam pimi najíyóyapa, pero da icutiyyíyapa ti nimpá.

⁸ Tanjodonjam iga wi jém Moisés inquímayooyi. Dios ichac jém anquímayooyi iga acjodonjatap jém malopic pixiñtam iga tancaiy. ⁹ Dios da ichac jém Moisés inquímayooyi para jém wibic pixiñtam. Tsacta jém anquímayooyi para jém dapic iwatyajpa juuts ixunpa Dios, jém dapic icupicyajpa Dios, jém ijóyixyapáppic Dios, jém tancaiywiip. Tsacta jém anquímayooyi para jém malopic pixiñtam y jém dapic ijisyajpa Dios, y para jém iccaayajpáppic ijatun o iapa y para jém accaoyajpáppic. ¹⁰ Tsactatim jém anquímayooyi para jém pejoyajpáppic, jém pixiñ jém inúgaypáppic tum pixiñ juuts tum yomo, jém inúmpáppic tum tsixi o tum yomo iga ininicipa, jém iwatpáppic quejaj iga icumigóyapa itiwitam, jém tamigóyaypáppic y itumpiy jém pixiñtam jém dapic iwatyajpa juuts nimpá jém Jesucristo inquímayooyi. ¹¹ Siip mannímáyapa iga yiptim anquímayooyi, jém wibic anmañti, achiñe Dios iga ananmadáyapa jém pixiñtam. Agui wi jém tanJatun Dios. Tanjuciptámpa siempre.

Dios tsam iyaachanjampa jém Pablo

¹² Siip anchiiba gracia tánQmi Jesucristo. Tsam pimi ayoxpátne iga wiap ananmat jém wibic anmañti. Acupineta iga ançuyoxap tánQmi Jesús porque iix iga da antsacpa jém wibic anmañti. ¹³ Wiñic tsam pimi ammalnámáy jém tánQmi Jesucristo. Ammalwadáy y ançujiy jém icupicneyajwiip Jesús. Pero ocmi Dios ayaachanjam porque danam ançupicne tánQmi Jesús. Da idic ançutiyyíyapa, jeeyucmi ammalwatpa. ¹⁴ Tsam pimi ayaachanjam jém tánQmi. Agui ayoxpátne iga wiap ançupic jém Jesucristo. Anquejáy jutpic tatoypa porque taichtam Cristo tamichitam.

15 Siip manañquejáypa tum numapic añquímayooyi. Wi iga tançupictámpa tantumpiytam. Nimpa así: Oy iti yip naxyucmi jem tánQmi Jesucristo iga iciacputyajiñ jem tánçaiywip. Ich aPablo más pimi atañcaiy que itumpiy jem pixiñtam. 16 Pero ityajtim tsam jáyan jem pixiñtam jem dapicnam icupicyaj jem tánQmi Jesucristo iga ipictsonyajpa jem vida dapic cuyajpa. Jeeyucmi ayaachanjam Dios. Ich tsam jáyan táñca añwat contra Dios, pero accáyáy jem antañca. Jempam Dios inquejáy itumpiy jem pixiñtam iga tayaachanjampa jem tánQmi Jesucristo. Da jobit tachiiba castigo. 17 Tsam tançujíptámpa tanJatun Dios para siempre porque tsam pimi wi tanJatun Dios. Je jem más mijpic anjagooyi, da nunca cuyajpa. Da wiap tánixta, pero tanjodon iga da nunca caaba. Da i tungac Dios no más tanJatun Dios, jem itwip sinyucmi. Jempigam tançupictámpa.

18 Siip miTimoteo, mammanic, manañquímpa iga seguido inwatpa jem Dios iyoxacuy. Wiñic jem Dios inmatciwiñ micupin iga incuyoxap Dios. Jesic jisi ti miñimáy jem anmatciwiñ iga incamawadiñ iñanama. 19 Odoy tsaci iga incupicpa jem tánQmi Jesús. Siempre wati jem witampic cosa juuts iñjisa iñanamanjom. Porque algunos jem tantiwitam da iwatpa jem witampic cosa juuts ijisa iñanamanjom. Jesic moj imalwat hasta ichac jem Dios inmati. 20 Jempam iwatyaj jem Himeneo y jem Alejandro. Ocmi añçijunçotyaj jem Wocciwiñ icijom iga icutiyyajiñ iga da wi tançuiy jem tanJatun Dios.

2

Jutsap tanañwejpát Dios

1 Siip manchiiba jem wibic jixi. Wi iga tanwattámpa oración. Anwejpáttaami Dios para itumpiy jem pixiñtam. Chi gracia Dios iga tachiiba tanyoxaji. Wágaayi Dios iga iyoxpádiñ itumpiy jem pixiñtam. 2 Anwejpáttaami Dios para jem tanañjagooyiyaj y para itumpiy jem iniitwip algun cargo. Wágaayi Dios iga iyoxpádiñ jem anjagooyiyaj iga odoy idiñ jem pleito, iga da ti idiyíypa, iga wiap tanwat juuts ixunpa Dios, iga tawixtamiñ itumpiy jem pixiñtam. 3 Dios taciapputta jeeyucmi iwianjam iga tanañwejpátámpa. 4 Porque ixunpa Dios iga ciacputyajtaiñ itumpiy jem pixiñtam y iga acjodónayajtaiñ jem numapic añquímayooyi. 5 Tum Dios it. Da i tungac más Dios. Nada más it tum tacupujpápic jem Dios iwiñjom, je jem Jesucristo, pixiñtim juuts taichtam. Da i tungac tacupujpápic. 6 Jem Jesucristo iyaac nachiifta iga accaataiñ iga tajoáy tantañca. Jesic cuando núc jem jama, Dios tacjodóna iga taciapputtooba tantumpiytam. 7 Jeeyucmi Dios acupin iga anañmadáyiñ jem tungac pixiñtam tiiga accaata jem Jesucristo. Dios acutsat juumi iga anañmadáyiñ jem dapic je de Israel jutsap icupicyaj jem Jesucristo. Anacjodóna jem numapic añquímayooyi. Numa Dios acupin. Da mammigóyáypa.

8 Jesic ansunpa iga cada lugar jut antuumayajpa jem Dios ipixiñtam, inwejpátyajiñ jem tanJatun Dios, pero da wi siiga tatañcaiy. Da wi iga tanañjoxitampap con tantiwitam o iga táñatámpa. 9 Ich ansunpa iga jem yomtam icutiyyajiñ juutspic tecxi iccámpa juuts ixunpa Dios. Wi iga iccámiñ jem tecxi juuts jem witampic yomtam, da juuts jem pejoyyajpaap. Odoy iccámiñ jáyan jem cadena de oro ni jem nançan jem tsoowiywip. Odoy iccámiñ jáyan jem wayañnúccuy jem tsoyajpápic iga cusúnytaiñ. Odoy iccámiñ jem punctucu jem tsoowiywip iga agui ámtaiñ. 10 Pero siiga Dios imichi jem yomtam, jesic wi iga iwadiñ jem witampic cosa. Jesic quejpa iga wibic yomo. 11 Wiap icuyujcayaj jem Dios inmati jem yomtam. Pero iwicumatóñiñ junimpa jem Dios inmatciwiñ. Odoy añmatmatneyajiñ cuando wattap jem culto. 12 Ich da anaccámpa tum yomo juuts maestro iga iccuyujpa jem pixiñtam. Da wi iga tsíypa tum yomo juuts tum pastor iga injacpa jem pixiñtam. Más wi iga odoy jiyajiñ jem yomtam cuando itpa jem culto. 13 Porque wiñi

iwat Dios jém Adán. Ocmi iwat jém Eva. ¹⁴ Da i imigóyáy jém Adán, pero migóyayta jém Eva, jesic moj iwat táŋca. ¹⁵ Pero Dios iyoxpátpa jém yomtam cuando icnaypa tum tsixi siiga icupicpa Dios. Porque Dios iwianjam iga jém yomtam itóyiñ jém Jesucristo y iga iwadiñ jém wítampic cosa. Wi iga tsíyiñ juuts tum wibic yomo.

3

Juutspic p̄ixiñ tanaccámpa juuts tum pastor

¹ Numa jém anmati jém inmatnewiip jém p̄ixiñtam. Nimyajpa iga, Siiga tum p̄ixiñ iwianjam iga tsíypa juuts tum pastor iga injacpa jém Dios ip̄ixiñtam, jesic imétspa tum wibic yoxacuy. ² Siip manaquejáypa juutspic p̄ixiñ wi iga injacpa jém Dios ip̄ixiñtam: jém tumpic iyomo iniit, jém dapic icusúniypa jém malopic cosa, jém iwixpáppic jém itiwitam, jém jixiyw̄ip, jém wiapaap inquej jém Dios inmati, y siiga miñpa tum p̄ixiñ juumipic, icwíguiñ. ³ Pero da wi jém ucpáppic p̄ixiñ ni jém cótsoypáppic. Da wi iga añayajpa con itiwitam. Más wi iga natoyyajtaiñ. Datim wi siiga icusúniyáypa jém itiwitam itumiñ. ⁴ Ixunpa Dios iga jém pastor wiap injac itumpiy jém ityajw̄ip iticcim y jém ichixtam iwatpa juuts ip̄imíypa ijatun. Da ijóyixpa. ⁵ Porque siiga tum p̄ixiñ da wiap injac jém ityajw̄ip iticcim, jesic datim wiap injac jém Dios ip̄ixiñtam. ⁶ Da wi iga tsíypa juuts tum pastor jém yaguiñpic icupicne jém Dios inmati porque wiap inicujípta iyaac. Jesic Dios ichiiba castigo juuts jém Wocciwiñ cuando mu ichiita castigo cuando minicujípta. ⁷ Tancupiñpa tum wibic p̄ixiñ iga injaguiñ jém Dios ip̄ixiñtam, jesic jém dapic icupicneyaj Dios, iwixyajpatim. Siiga da iwixyajpa jeeyaj, jesic jém Wocciwiñ wiap icoñwíy iga icmalwatpa.

Juutspic p̄ixiñ jém diácono

⁸ Siip manmíyapa juutspic p̄ixiñ jém diácono, jém icuyoxapáppic jém pastor. Dios ixunpa wibic p̄ixiñ, jém dapic migóypa. Da iwianjam jém ucpáppic p̄ixiñ ni jém icusúniypáppic tumiñ. ⁹ Dios ixunpa iga iwicupiguiñ parejo jém wibic anmati jém Diospic tachiiñe. Da iwianjam jém inyamnewiip itánca ianamanjom. ¹⁰ Pero wiñti tanámcoñwíypa jém p̄ixiñ, tancutitspa siiga wibic p̄ixiñ. Siiga da táŋcaíy, jesic wiap iwat jém yoxacuy. ¹¹ Dios ixunpa iga jém p̄ixiñ iyomo wibictim yomo. Iwixyajpa jém itiwitam. Da wi iga imalwatpa. Datim wi siiga icujíypa jém itiwitam. Wi jém yomo siiga siempre iwatpa juuts ixunpa Dios. ¹² Wi siiga jém diácono iniidiñ tum jém iyomo. Wi siiga jém ichixtam con itumpiy jém ityajw̄ip iticcim iwatyajpa juuts ip̄imíypa jém p̄ixiñ. ¹³ Siiga jém p̄ixiñ iwiyoxpátpa jém pastor, jesic kujíptap. Jesic ocmi jém p̄ixiñ wiaptim inmat jém tánomi Jesucristo inmati y da cñpa.

Agui wi jém Dios inquímayooyi

¹⁴ Ich nictooba manjóyáy jobit, pero wiñti manjáyáypa yíp toto. ¹⁵ Jesic siiga da jobit anúcpa, manacjodónap jutsap iwatyaj jém Dios ip̄ixiñtam juuts ixunpa Dios. Porque Dios ip̄ixiñtam jex juuts tum tic y Dios ichiiba jém wibic anmati iga iccáyiñ. Dios ixunpa iga iwadiñ cuenta jém wibic anmati. Agui wi tanjatun Dios jém vivopic. ¹⁶ Agui tampooñanjamtámpa cuando tancutiiyítámpa ti iwat Dios yíp naxyucmi:

Oy iti yíp naxyucmi jém tanDios juuts tum p̄ixiñ,

maayíyitim juuts taichtam.

Dios iAnama tanquejáy iga numa jém Cristo.

Jém sinyucmipic p̄ixiñtam oy iyoxpátayaj.

Jém tungac p̄ixiñtam, jém dapic je de Israel,

imatonyaj jém wibic anmati.

Jutquej jém p̄ixiñtam icup̄icyaj jém tán̄omi Cristo.
Jesic eyb̄ic naquímt̄a s̄inyucmi.

4

Jém p̄ixiñtam jém ichacyajp̄áppic jém Dios in̄mat̄i

¹ Jém Dios iAnama tan̄quejáy iga núcpa jém tiempo iga jém p̄ixiñtam ichacyajpa jém Dios in̄mat̄i. Jesic mojpam iwatyaj juuts in̄imáypa jém mal espíritu jém tamigóyayp̄áppic. Icup̄icyajpa jém Wocciwiñ in̄químayooyi. ² Jém inimiññew̄ip̄ jém migooyi iwatpatim juuts tum̄ wib̄ic p̄ixiñ iga w̄iañ tamigóyáy. Tánixpa iga quénam wib̄ic p̄ixiñ, pero puro migooyi inis̄iba. Da najam̄tap iga malo. ³ In̄quejáypa jém icuyujc̄iwiñ iga tan̄caíypa tum̄ p̄ixiñ siiga an̄coomíypa. N̄impatim iga tan̄caíypa siiga ic̄iispa algunos jém w̄iccuy. Pero da w̄i jém j̄ixi porque Dios ichac itump̄iy jém w̄iccuy iga w̄i tan̄c̄is. Siiga wiñti tanañwejpát̄pa Dios iga tanchiiba gracia, jesic w̄iap tan̄c̄is cualquier jém w̄iccuy. Porque tan̄cup̄icneta jém tán̄omi Cristo y tan̄cut̄iyyiñeta jém numap̄ic an̄químayooyi. ⁴ Siiga tanchiiba gracia Dios, jesic da tat̄an̄caíy siiga tan̄c̄ispa cualquier jém w̄iccuy porque w̄i itump̄iy jém w̄iccuy jém ichacnew̄ip̄ Dios. ⁵ W̄itsacnet̄a jém w̄iccuy con Dios in̄mat̄i y con oración, da tact̄an̄caíypa siiga tan̄c̄ispa.

W̄i iga seguido tan̄cuyujcaaba jém Dios in̄mat̄i

⁶ Siiga mich in̄quejáypa jém tant̄iw̄itam jemp̄ic, jesic quejpa iga in̄wicuyoxap̄ jém Jesucristo. W̄i iga seguido in̄cuyujcaaba jém Dios in̄mat̄i, jesic Dios miyoxpát̄pa iga más in̄cut̄iyyiñ jém wib̄ic an̄químayooyi. ⁷ Ts̄aci jém malopic cuento, odoy an̄madaayi porque puro j̄ixquiimi. Je jém wiñ̄icp̄ic j̄ixi. Duro cuyujcaí jém Dios in̄mat̄i iga w̄iañ in̄wat juuts ixunpa Dios. ⁸ Siiga tum̄ p̄ixiñ seguido yoxap̄, jesic in̄yujpa jém iyoxacuy. Jesaptim taichtam, siiga seguido tan̄cuyujcatámpa jém Dios in̄mat̄i y tan̄wattámpa juuts ixunpa Dios, jesic tanañyujpatim. Jesic más w̄iap tan̄wat juuts ixunpa Dios. Siiga tanañyujpa iga tan̄watpa juuts ixunpa Dios, je ts̄am tayoxpát̄pa ȳip naxyucmi y tayoxpát̄patim s̄inyucmi. ⁹ Ȳip an̄químayooyi je jém numap̄ic, da mammigóyáypa. W̄i iga in̄cup̄ict̄amiñ, iga in̄wattámiñ juuts mannímáypa. ¹⁰ Jeeyucmi ts̄am p̄imi ayoxatámpa, agui yaachap̄ an̄watta jém Dios iyoxacuy porque an̄cup̄ict̄ampa iga jém vivopic tan̄Dios taw̄iwadáypa juuts taj̄ycámayñe. Porque jém tan̄Dios oy iyojáy itump̄iy jém p̄ixiñtam it̄an̄ca, jesic w̄iap ic̄iiputyaj jém p̄ixiñtam jém icup̄icneyajw̄ip̄ Jesús. ¹¹ S̄ip̄ miTimoteo, an̄quejaayi jém imp̄ixiñtam ȳip an̄químayooyi. Nímaayi iga icup̄icyajiñ. ¹² Siiga algunos jém ts̄amip̄ic miñimayyajpa iga: Agui mich̄ixiñam, jesic odoy wadaayi caso. Siempre w̄iwat̄i jém tant̄iw̄itam iwiñ̄om, jesic cuando miixyajpa, ijodonyaj ti ixunpa Dios. Odoy an̄mat̄i jém da wib̄ic an̄mat̄i. An̄quejaayi jém numap̄ic tóyooyi. Siempre cup̄ici titam taj̄ycámayñe Dios. Odoy ch̄i lado jém malopic j̄ixi iga micmalwatpa. ¹³ Wat̄i jém Dios iyoxacuy con itump̄iy imp̄imi hasta cuando anúc̄pa jem̄ic. Máyaayi Dios in̄mat̄i jém tant̄iw̄itam. Yoxpaati iga iw̄icut̄iyyiyajiñ ti ixunpa Dios. An̄quejaayi parejo jém tán̄omi in̄químayooyi. ¹⁴ Odoy ts̄aci jém wib̄ic j̄ixi jém michiññew̄ip̄ Dios. J̄isi iga juts̄a miimp̄ict̄on̄ jém wib̄ic j̄ixi cuando mich̄icunugáy in̄c̄obac jém pastoryaj. Jesigam miñimáy jém Dios in̄mat̄ic̄iwiñ iga Dios michiiba jém wib̄ic j̄ixi.

¹⁵ Seguido wat̄i jém w̄itamp̄ic cosa con itump̄iy in̄j̄ixi, jesic miixtap iga mást̄im w̄iabam in̄yoxa. ¹⁶ Cuidado iga immalwatpa. Odoy neja an̄mat̄i jém Dios in̄mat̄i. Siempre wat̄i jém w̄itamp̄ic cosa jém manan̄madayñew̄ip̄. Jesic Dios mic̄iacputpa mimich y ic̄iacputpatim itump̄iy jém imaton̄neyajw̄ip̄ in̄in̄mat̄i.

5

Chiitap jixi jém Timoteo jutpic iwatpa iyoxacuy

¹ Odoy wogaayi tum tsamipic pixiñ siiga imalwatpa. Anjijajaci juuts tum injatun. Winanigaayitim jém pixiñtam jém dapicnam tsamiyaj juutstim tum inñiwí. ² Anmadaayi jém chomtám juuts tum inñapa. Anmadaayitim jém woñtam juuts inñuntatíwí. Odoy cusúniyi jém woñtam.

³ Dios ixunpa iga tanyoxpádiñ jém cunoya, jém yompic, jém nunta icutumpigam, jém dapic inií i iyoxaáypa. ⁴ Siiga jém cunoya iniit imaníc o iocmaníc jém wiapaap iyoxpát, jesic anquiimi iga iyoxpádiñ juuts ixunpa Dios. Jempigam tanyojpa jém tanjatun o tánapa iga táncaá matactsam. Siiga tanwatpa jempic, jesic maymay Dios. ⁵ Pero jém nunta cunoya, jém dampigam inií i iyoxaáypa, tsam inwejpátpa Dios iga Dios iyoxpádiñ. Seguido iwatpa oración tsuucim y siñi. ⁶ Pero jém cunoya, jém dapic iwatpa juuts ixunpa Dios, icusúniypa jém malopic cosa. Tsíypa jém yomo juuts caane. ⁷ Anquejaayi jém Dios ipixiñtam yíp wibic anquímayooyi. Jesic wiap iwatyaj juuts ixunpa Dios. ⁸ Siiga tum pixiñ da iyoxpátpa jém ityajwip iticim, jém inñuntatíwítam, jesic quejpa iga ichacneum jém Dios inmatí. Jém pixiñ más táncaiy que jém dapic icupicpa Dios.

⁹ Jesic cuando inwatpa jém lista de jém cunoytam, jém yomtampic, odoy accaami en la lista jém dapicnam pimi tsami. Accaami en la lista jém nasnewip sesenta iamtiy, jém tunçitpic ancoomiyne. ¹⁰ No más accaami en la lista jém wítampic cunoytam, jém iwíactsamneyajwip jém ichixtam y jém iwípicsonpaap iticim jém juumipic pixiñtam. Jém yomo icuyoxap jém Dios ipixiñtam, iyoxpátpatim jém yaachayajpápic. Jém yomo iwatpa itumpiy jém wítampic cosa.

¹¹ Odoy accaami en la lista jém mañcunoytam jém dapicnam tsami. Porque ocmi cusúniyóypa jém yomo, jáyíypa. Ichacpa jém tánomi Cristo iyoxacuy. ¹² Jesic táncaiy jém yomo porque da iccupac juuts ijycámayne Dios. ¹³ Jém mañcunoytam agui cutíñap iyoxa. Iwianjam iga joypa yim jeexic tiganjom. Agui icujiypa jém itíwítam, inmatpa puro migooyi. Inmatpa jém cosa dapic wítam. Iodançhiíypa jém itíwítam. ¹⁴ Ich animpa más wí iga jém mañcunoytam jaayíyíñ eybic iga iniidiñ ichixtam y iwadiñ cuenta jém itic con imanictam. Jesic jém tánenemigoyaj da wiap tamalnímáy. ¹⁵ Porque algunos jém cunoytam ichacne jém Dios inmatí, itúnjyyajpa jém Wocçiwíñ inquímayooyi.

¹⁶ Siiga algunos jém tantíwítam iniit tum cunoya iticim, nímaayi iga imatspaguiñ y ichiñ itumpiy iwíccuy. Jesic los de más, jém icupicneyajwip Jesús, da iwatyajpa gasto. Wiap iyoxpátay jém nunta cunoyapigam jém inñuntacutumpigam.

¹⁷ Siiga jém pastoryaj wiap injacyaj jém Dios ipixiñtam y siiga pimi yoxayajpa iga inmatyajpa jém Dios inmatí, jesic Dios ixunpa iga tanwijojpa. ¹⁸ Porque nimpa jém Dios inmatí iga: “Odoy quiñianjupí jém inñix cuando inepnepcotspa jém trigo iga inñobáypa jém ipac.” Nimpatim jém Dios inmatí iga: “Jém yoxaciwíñ wí iga ipictsóñiñ jém icoñwíyooyi.”

¹⁹ Odoy naquímaayi iquejaj tum pixiñ siiga iquejajwadáypa tum pastor siiga da inií wisten o tucuten testigo. ²⁰ Pero siiga táncaiy jém pastor, jesic wogaayi jém Dios ipixiñtamanjom iga imatonjajiñ. Jesic cinyajpa itumpiy iga iwatpa jém tánca. ²¹ Sip cupici juuts mannímáypa porque tanjodon iga taixtámpa tanjatun Dios y tánomi Jesucristo con jém siñyucmipic pixiñtam. Siiga imalwatpa tum jém tánamigo, jesic tanwogáypatim. Tançipinpa parejo porque da wí iga tananyámáypa itánca. ²² Pero cuando incupinpa tum pixiñ iga iniccámpa juuts tum pastor, jesic chocoymi cuaami hasta impátpa tum pixiñ wibic. Porque siiga imalwatpa jém pixiñ, mich iniit la culpa. Cuidado iga mitáncaiypatim mex mich.

²³ Siip miTimoteo, como siempre toypa impuu, da no más naps ni íñucpa, ucítim uxan jém vino iga mipixiñ porque mich siempre mimimne.

²⁴ Cuando inçupinpa jém pìxiñtam iga iwatpa jém Dios iyoxacuy, algunos quejpa iga táncaíy, jesic je da tampicpa. Pero algunos da quejpa iga táncaíy hasta tançipinpa, jesigam quejpa iga táncaíy. ²⁵ Jesaptim it algunos jém pìxiñtam agui wiquejpa iga iwatpa jém wítampic cosa. Pero ittim algunos jém iwatpáppic jém wítampic cosa y da jobit quejpa. Pero ocmi wiquejpatim.

6

¹ Itumpiy jém esclavopic, jém icupicnewiip Dios, wí iga iniidáyiñ respeto jém iomi, iga iwixiñ. Jesic da i imalnímáypa jém tanjatun Dios y jém inquímayooyi. ² Siiga jém esclavo iomi icupicpatim Dios, jesic da wí iga ijóyixiñ porque jém iomi tsíyum juuts tum itíwi. Más wí iga jém esclavo iwícuyoxap jém iomi porque icupicpatim. Siiga iwícuyoxap, jesic más wítapa jém iomi, jém itoypáppic. Siip, miTimoteo, anquejaayi jém tantiwitam itumpiy yípyaj cosa, yoxpaati iga iwatyajiñ juuts ixunpa Dios.

Jém nunta numapic riqueza

³ Pero it algunos jém pìxiñtam inimiñpa tunjac anquímayooyi jém dapic wí. Jém anquímayooyi da jex juuts jém tánomi Jesucristo inquímayooyi. Yíp tunjac anquímayooyi da tanquejáypa juuts ixunpa Dios. ⁴ Pero da jixiíy jém pìxiñ, jém inimiñnewiip jém tunjac anquímayooyi. Agui nacujítpap. Agui anatooba. Inacatooba jém inquímayooyi hasta casi locojap. Cuando it yíp malopic jixi, agui nacunaíyyajtap. Agui iwianjam iga anayajpa jém pìxiñtam. Tsam namalmalnímayyajtap. Imalcujisyajpa jém itiwitam. ⁵ Yípyaj pìxiñtam siempre ictsucumpa jém pleito. Puro migooyi inisiba. Tsam iniityaj jém malajixi ianamanjom. Iwattooba jém Dios iyoxacuy no más iga ricojaiñ.

⁶ Numa taricojap siiga tançupicpa jém Jesucristo inquímayooyi siiga da tançusúníyáypa tunjac pìxiñ imichi. ⁷ Cuando matannay da ti tanamiñ. Y cuando tacaaba datim ti tananicpa. ⁸ Siiga tanait tanwícuy y tampuctucu, jesic tamaymáyaíñ. ⁹ Da wí tum pìxiñ siiga icusúníyapa jáyan tumiñ porque wiap icmalwat jém Wocciwiñ, da ichacpa jém malopic ijixi. Tsam icusúníyapa wati jém malopic cosa. Jesic da wí itpa jém pìxiñ. Togoypa ianama. Da nicpa iti con Dios. ¹⁰ Da wí iga tançusúníyapa jáyan tumiñ. Jexpic jixi juuts jém malopic tichic, ictsucumpa itumpiy jém malopic cosa. Algunos tsam icusúníyapa jém tumiñ hasta ichacpa jém Dios inmati. Jexpic pìxiñ iyaac naccoowatap con jém mijpic anyaqui.

Wí iga tanwattamiñ Dios iyoxacuy con itumpiy tanjixi

¹¹ Pero mich miTimoteo, Dios mipixiñ. Cuidado iga inwatpa jém malopic cosa. Mich siempre wati jém wibic cosa juuts ixunpa Dios. Cupici iga Dios wiap iwat itumpiy cosa. Toyi itumpiy jém pìxiñtam. Siiga pimi mimalwadaytap, odoy tsaci jém Dios inmati. Ponwati inanama, jesic quejpa iga da mimalo. ¹² Wati con itumpiy injixi juuts ixunpa Dios. Wicupici jém Dios inmati iga impictsóniñ jém vida jém dapic cuyajpa. Jeeyucmi Dios micupin iga michiiba jexpic vida. Jisi cuando ininmaday jém tantiwitam iga moj inçupic jém Cristo. ¹³ Jisi iga Dios tachiiñe vida tantumpiytam. Jisitim iga da cinpa jém tánomi Jesucristo cuando anwejayta jém Pilato iwiñjom. Siip taitta tanjatun Dios iwiñjom y tánomi Jesucristo iwiñjom. MiTimoteo, mannímáypa iga ¹⁴ wati juuts nimpá jém Dios inquímayooyi hasta jém jama cuando miñgacpa yíp naxyucmi jém tánomi Jesucristo. Jesic da i wiap miñímáy iga mitáncaíy. ¹⁵ Cuando núcpa jém tiempo iga Dios ixunpa, cutsattap eybic jém Jesucristo yíp naxyucmi. Itumpiy jém pìxiñtam icujípyajpa

jém tanJatun Dios porque je jém más mijpic anjagooyi que itumpiy. Dios injacpa itumpiy jém reyyaj, injacpatim itumpiy jém anjagooyiyaj. ¹⁶ Solamente jém tanJatun Dios dapic nunca caaba. Jut it Dios, agui pimi tsocpa jém jucti, da i wiap icunúc. Da i nunca iix tanDios y sip datim i wiap iix. Tsam tanjajiptampa porque je da nunca yajpa jém ipimi. Yibam jém numapic anmati. Amén.

¹⁷ Nímaayi jém ricopic pixiñ iga odoy nacujiptañ y odoy ijixiñ iga wiap iwat itumpiy cosa con itumiñ porque wiap iyaj jém itumiñ. Más wi iga icupiguiñ Dios porque Dios tachiiba itumpiy jém wibic cosa iga tamaymayap. ¹⁸ Nímaayi jém ricopic pixiñ iga iwadiñ jém wítampic cosa con itumiñ. Nímaayi iga iyaachanjaamiñ jém yaachayajpápic iga ichiiyajiñ titam itogóyáy. ¹⁹ Siiga jempigam iwatyajpa, jesic iniitpa jém sinyucmipic riqueza jém dapic yajpa. Jesic ocmi ipictsonpa jém vida iga nicpa iti con Dios.

Anquímtap jém Timoteo

²⁰ MiTimoteo, wati cuenta jém Dios inmati jém impictsonewip porque it jém pixiñtam nımyajpa iga sabioyaj, pero puro migooyi inisiba. Jém migooyi da tayoxpátpa iga tanwatpa juuts ixunpa Dios. Mich odoy túnyiyi jexpic migooyi. ²¹ Algunos icupicyajtooba idic jém wibic anmati, pero jexpic migooyi ictsacpa jém Dios inmati.

Sip miTimoteo, iniidiñ Dios itóyooyi. Amén. Jemum cuyaj.

Jém segunda carta jém ijáyayñewiip Pablo jém Timoteo

Jém Pablo ijáyaypa jém Timoteo

¹ Ich aPablo. Dios acupin iga ananmatpa jém Jesucristo inquímayooyi. Accám iga aapóstol iga ananmadayyajiñ jém pixiñtam iga wiap ipictsonyay jém vida eterna siiga icupicyajpa jém tánomi Jesucristo. ² Siip miTimoteo, manjáyaypa. Mich michiypa juuts tum mammanic. Tsam mantoypa. Siip anwágáypa tanjatun Dios y tánomi Jesucristo iga miyaachanjaamiñ y iga miyoxpádiñ iga wiap inwat juuts ixunpa Dios. Anwágáypatim Dios iga michiiba jém wibic paz iga odoy iniidiñ jém cobacpiji.

Pimiyta jém Timoteo iga inmadíñ jém wibic anmati

³ Siempre anchiiba gracia Dios para mimich. Tsuucim y siñni manjspa y anwágáypa Dios iga miyoxpádiñ. Ich anjodon ananamanjom iga anwatpa juuts apimiy Dios jempectim juuts iwatyay jém wiñicpic antúmmitam. ⁴ Anjspa cuando mamananquim, agui minyác hasta miwejpa iga tanatsacanputta. Jeeyucmi agui mánixtooba siip. Cuando mánixpa, jesic agui amaymáypa. ⁵ Anjspa iga inwicupicne jém Dios inmati juuts icupicyaj jém inapchomo jém Loida y jém inapa jém Eunice. Numa, quejpa iga mich inwicupicnetim Dios.

⁶ Cuando mantsiccunúgáy incobac, jesigam Dios miccám juuts tum pastor. Michi tum jixi wibic iga wiañ inwat jém Dios iyoxacuy. Jesic odoy tsaci jém wibic jixi, seguido wati juuts minquejáy Dios. ⁷ Dios iAnama tacamamwadáy tánanama iga odoy tançinjiñ i quej. Tachiiba jém pimi iga wiañ tanwat juuts ixunpa Dios. Tayoxpátpa iga tantóyiñ itumpiy jém pixiñtam y iga wiap tananjacta tanyaac. ⁸ Odoy tsaaji iga ininmadáypa i quej jutsap icupic jém tánomi Jesús. Odoy tsaaji iga ich apajnetá iga ananuc jém Dios inmati. Odoy wadaayi caso siiga mimalwadaytap cuando nicpa ininmat jém wibic anmati porque Dios miyoxpátpa iga inyaachiyiñ. ⁹ Dios taciaputneta. Tacupin iga tatsiyiñ juuts jém Dios ipixiñtam. Pero Dios da taciaput iga agui wibic tapixiñtam, taciaput porque agui tayaachanjampa. Tsam wiñigam antes que iwatpa yip nas, ijis Dios iga icutsatpa jém Jesucristo iga tayoxpátpa. ¹⁰ Siip oy yip naxyucmi jém Jesucristo jém taciaputpaap iga tanquejáypa iga Dios tsam tayaachanjampa. Accaata jém Jesucristo iga tajojáy tantánca, jeeyucmi siip da tançinpa iga tacaaba porque tanquejáy siiga tancupicpa jém tánomi Jesucristo, jesic nicpa taíti con Dios, da togoypa tánanama.

¹¹ Dios acupin iga aapóstol, acutsat juumi iga ananmadayyajpa jém wibic anmati jém tungac pixiñtam jém dapic je de Israel. Acutsat iga ananquejayyay jém Dios inmati. ¹² Jeeyucmi apajta cárcel, pero ich da atsaap porque anwixpicpa jém tánomi Cristo y tsam ancupicpa iga je wiap iwat juuts ajycamayñe. Ich ançijunçot ananama jém tánomi Cristo icijjom iga awadáyiñ cuenta. Anjodon iga je wiap awadáy cuenta jém ananama hasta núcpa jém jama iga miñgacpa yip naxyucmi.

¹³ Odoy tsaci jém numapic anmati jém mananquejayñewiip. Anmati juuts mananquejayñe. Seguido cupici Dios. Toyi jém tantiwitam porque tantumpiytam jém Jesucristo tamichitam. ¹⁴ Wadaayi cuenta jém Dios inmati jém michiñewiip Dios. Cuidado iga ininmatpa jém migooyi jém dapic je Dios inmati. Dios michi jém Dios iAnama iga miyoxpádiñ.

¹⁵ Mich injodon iga itumpiy jém Asiapic pixiñtam acupóyayyay, da ayoxpát. Acupóyaytim mex jém Figelo y Hermógenes. ¹⁶ Pero jém Onesíforo watciy oy aam jut apajnetá. Da tsaap jém pixiñ iga atsenneta con cadena. Jém Onesíforo tsam

acmaymáya. Jeeyucmi s̄ip anañwejpátpa Dios iga iyaachanjaamiñ jém Onesíforo it̄iwitam. ¹⁷ Cuando anúc jém Roma, moj acuám jém Onesíforo hasta que apát. ¹⁸ W̄i iga tánQmi iyaachanjaamiñ jém Onesíforo cuando núcpa jém jama iga c̄ipínóypa jém tánQmi. Mich in̄wijodon̄ jutsp̄iy ayoxpát cuando aoy jém Efeso.

2

Tum wibic soldado de Cristo

¹ Mich miTimoteo, michíypa juuts tum mammanic. Wat̄i juuts ixunpa Dios con itump̄iy imp̄imi porque miyoxpátpa jém tánQmi Jesucristo. ² Mich wat̄ciy immaton̄ne itump̄iy jém an̄mat̄i jém anañmadayñew̄ip jém pixiñtam. S̄ip an̄quejaayi jeetim an̄mat̄i jém w̄itampic pixiñtam jém wiapaap in̄quejajayaj jém tungac pixiñtam.

³ Yaach̄iyi siiga miyaachwattap porque mich michíypa juuts jém Jesucristo isoldado jém icupicpaap jém in̄jagooyi. ⁴ Jém soldado da w̄iap iwat tungac yoxacuy porque tienes que iwatpa juuts ip̄imíypa jém in̄jagooyi. ⁵ Jex como tum m̄ichi, siiga da tan̄watpa juuts n̄impa jém wiapaap im̄ich, jesic da tan̄coñwíypa. ⁶ Jém ts̄ampic yoxap cam̄jom, iniit derecho iga wiñti ipictson̄pa jém ictsíypaap de jém cosecha. ⁷ W̄ij̄isi ti manañmadáy, jesic ocmi Dios miyoxpátpa iga w̄iap in̄cut̄iȳiy jutsap in̄wat jém Dios iyoxacuy.

⁸ Seguido j̄isi jém tánQmi Jesucristo. Accaata, pero Dios icp̄is. Jém Jesucristo ts̄iy juuts jém an̄jagooyi David iocmanic iman̄ic. Asíam n̄impa jém wibic an̄mat̄i jém anañmatpáppic. ⁹ Ts̄am p̄imi ayaachwattap iga anañmatpa jém wibic an̄mat̄i. Atsent̄a con cadena juuts tum accaoyñew̄ip. Ich apajta, pero Dios in̄mat̄i da ts̄iy preso. Tienes que nicpa jut̄quej. ¹⁰ Ts̄am antoypa jém Dios ip̄ixiñtam jém Diospic icupin̄ne. Ansunpa iga jém Jesucristo iciacpudiñ jém pixiñtam iga nicpa tan̄waganait̄ Jesucristo itump̄iy tiempo. Jeeyucmi anyaachíypa cuando amalwadaytap.

¹¹ Ȳibam an̄mat̄i jém numapic. N̄impa así:
Siiga tan̄cupicpa iga accaata jém Jesucristo iga tajoáy tant̄anca,
jesic tan̄jodon̄ iga tan̄waganait̄pa jém tánQmi Jesucristo para siempre.

¹² Siiga tanyaachíypa iga tayaachwattap,
jesic nicpa tan̄waganait̄ jém Cristo cuando in̄jacpa itump̄iy jém pixiñtam.
Taccámt̄aptim juuts tum an̄jagooyi iga tan̄anjacpa jém pixiñtam.
Siiga tan̄anyampa iga tan̄cupicne jém Jesucristo,
jesic jém Jesucristo tan̄yampat̄im.

¹³ A veces da tanaccupacpa juuts tan̄jycámayñe Dios,
pero da jex jém tánQmi Jesucristo.
Tienes que icupacpa juuts taj̄ycámayñe
porque jém tánQmi Jesucristo da w̄iap tam̄igóyáy.

Tum wibic yoxac̄iwiñ jém icuyoxapáppic Dios

¹⁴ An̄madaayi jém tant̄iwitam ȳip an̄químayooyi porque Dios taixñe. Nímaayi así:
“Odoy áñacataami jém Dios in̄químayooyi porque jém pleito da tayoxpátpa. Jém pleito icmalwatpa jém tant̄iwitam jém imaton̄yajpáppic.” ¹⁵ S̄ip miTimoteo, wat̄i con itump̄iy in̄j̄ixi juuts ixunpa Dios, jesic Dios miw̄ixpa. W̄ian̄quej̄i jém Dios in̄mat̄i jém numapic. Jesic michíypa juuts tum wibic yoxac̄iwiñ y da michaap iga miixaytap jém in̄yoxaji. ¹⁶ Odoy tiḡiyuumi jut̄ áñayajpa jém pixiñtam jém dapic icut̄iȳiyajpa jém Dios in̄mat̄i. Da j̄ixíy jém pixiñtam, ts̄am áñayajpa hasta más icupicyajpa jém m̄igooyi. ¹⁷ Ȳip malopic an̄químayooyi an̄picpa juuts tum malopic puuci tannacyucmi. Jém Hime-neo y jém Fileto jexpigam an̄químayooyi in̄quejajpa. ¹⁸ Jeeyaj ichacyaj jém numapic

añquímayooyi. Inqueyajpa yíp malopic p̄ixiñtam iga nasneum jém tiempo iga acp̄isyajtap jém caaneyajw̄iip. Imigóyayaj jém icup̄icneyajw̄iip Jesús hasta ictsacpa jém Dios in̄māti. ¹⁹ Pero da i w̄iap ictogoy jém w̄ibic añquímayooyi porque Dios ichac tum base w̄icámne. Jemum jayñeta: “Jém tán̄omi iixp̄icpa jém im̄ichipic.” Y jém tun̄gac jém añmāti n̄impa iga: “Itump̄iy jém in̄wejp̄atyajp̄áppic jém tán̄omi in̄iyimi, ichacyajpa iga imalwatpa.”

²⁰ Jém rico iticj̄om it jém w̄itampic ch̄ima de plata y de oro. Pero ittim jém nasch̄ima jém dap̄ic w̄i. Jém w̄ibic ch̄ima codaytap jém w̄itampic cosa, pero jém nasch̄ima codaytap jém da w̄ibic cosa. ²¹ Siiga tum p̄ixiñ ichacpa iga imalwatpa, jesic ts̄iypa juuts tum w̄ibic yoxac̄iwiñ w̄iap iwat itump̄iy w̄ibic cosa juuts ixunpa Dios.

²² Como danam mich̄ami odoy cusúniȳi jém malopic cosa juuts jém icusúniyyajp̄áppic jém woñjaych̄ixtam. Seguido w̄ati jém w̄itampic cosa juuts ixunpa Dios. Seguido cup̄ici jém tán̄omi Jesús. Toyi itump̄iy jém p̄ixiñtam. Yoxpaati jém tant̄iw̄itam iga odoy añayajiñ. Jempam iwatyajpa itump̄iy jém p̄ixiñtam, jém w̄icuáyñew̄iip ianama, jém in̄wejp̄atyajp̄áppic jém tán̄omi. ²³ Odoy tiḡiyuumi jut̄ in̄acayajpa jém Dios in̄químayooyi. Jexpic p̄ixiñtam da j̄ixiyyaj, da iw̄icut̄iyyajpa jém Dios in̄māti. Tanj̄odon̄ iga siempre ictsucumpa jém pleito. ²⁴ Da w̄i iga añapa jém pastor jém icuyoxapaap Dios. Dios ixunpa iga itóyiñ jém it̄iw̄itam, jesic quejpa iga da malo jém ianama. Ixunpatim iga jém pastor iw̄ianquejáyiñ jém ip̄ixiñtam, chocoȳmi inin̄iguiñ jém icuyujc̄iwiñ. ²⁵ Inquejáyiñtim chocoȳmi jém icup̄icneyajw̄iip jém m̄igooyi. Porque Dios w̄iap ichi j̄ixi jém p̄ixiñtam iga ichaguiñ jém m̄igooyi iga icup̄iguiñ jém Dios in̄māti. ²⁶ Jesic putyajpa jém p̄ixiñtam jém Woc̄c̄iwiñ ic̄ij̄om. Mojp̄a icut̄iyȳi jém numapic añquímayooyi. Porque jém Woc̄c̄iwiñ imatsne id̄ic, jeeyuc̄mi iwatyajpa id̄ic juuts je ixunpa.

3

Ti iwatyajpa jém p̄ixiñtam jém in̄an̄pigam jama

¹ Siip ansunpa iga in̄w̄icut̄iyȳiñ ti miñpa. Cuando núcpa jém in̄an̄pigam jama, ts̄am yaachwatyajtap jém Dios ip̄ixiñtam. ² Jém malopic p̄ixiñtam natoytap iyaac, da itoypa jém it̄iw̄itam, agui icusúniypa tumiñ, agui nacuj̄iptap, n̄impa iga ich agui aw̄iap, imalmaln̄imáypa i quej, da icup̄icpa ijatun̄ ni iapa, da ij̄ispa tum p̄ixiñ iga iw̄iwadayñe, iwatpa contra jém Dios in̄químayooyi. ³ Jém malopic p̄ixiñtam da iw̄iwadaytooba jém it̄iw̄itam, da iyaachanj̄ampa, agui icuj̄iypa. Ts̄am imalwatpa juuts ij̄ispa ij̄ixianj̄om. Ts̄am bruto. Ts̄am ij̄oyixpatim itump̄iy jém w̄itampic cosa. ⁴ Imalwadáypa jém iamigoyaj. Da imaton̄pa iga tananj̄iyjacpa. N̄impa iga ich más aw̄iap. Ts̄am icusúniypa itump̄iy jém malopic cosa. Da itoypa Dios ni uxan̄. ⁵ Yip malopic p̄ixiñtam n̄iman̄taayap iga numa icup̄icneyaj Dios, pero migóypa. Y como da icup̄icpa Dios, jesic da ipictson̄pa jém Dios ip̄imi iga w̄iap iwat jém w̄itampic cosa.

Odoy waganas̄i jexpic malopic p̄ixiñtam. ⁶ Algunos de jeeyaj, como ts̄am malo ij̄ixi, tiḡiyyajpa hasta ticj̄om iga in̄madayajpa jém yomtam jém m̄igooyi. Algunos jém yomtam agui cūixi, da icut̄iyȳiypa, jesic icup̄icpa jém m̄igooyi. Da w̄iap icut̄iyȳi porque ts̄am t̄añcaíy, ts̄am icusúniypa jém malopic cosa. ⁷ Jém cūixipic yomtam siempre icuyujcatooba cualquier añquímayooyi. Pero da w̄iap icut̄iyȳi jup jém numapic. ⁸ Wiñigam jém Moisés iniit w̄isten ienemigo, n̄awatyaj. Tum jém Janes y tum jém Jambre. Jeeyaj ts̄am imaln̄imayajpa jém Moisés. Jesaptim siip, jém malopic p̄ixiñtam n̄icyajpa encontra de jém numapic añquímayooyi. Ts̄am malo ij̄ixi, da nunca w̄iap iwat juuts n̄impa jém Dios in̄químayooyi. ⁹ Da jáypa icuyaj iga imigóyayajpa jém p̄ixiñtam, porque ts̄am w̄iquejpa iga m̄igooyi. Jempictim in̄asca jém Janes y Jambre.

Inquímpa Pablo jém Timoteo

¹⁰ Siīp mich miTimoteo, iñjodon̄ itump̄iy jém ichpic̄ anañquímayooyi. Iñjodon̄ iga ich da ammalwatpa, siempre añwatpa juuts ixunpa Dios. Iñjodon̄tim̄ iga siempre añcupic̄ne Dios y ich chocoȳmi anañquejáypa jém p̄ixiñtam̄ jém Dios in̄mati. Iñjodon̄tim̄ iga tsam̄ antoypa itump̄iy jém p̄ixiñtam̄, da antsac̄ne iga anañmatpa jém Dios in̄mati. ¹¹ Mich iñjodon̄ iga jūtin̄quej̄ amalwadayta. Tsam̄ p̄imī ayaachwatt̄a cuando oy anañmat̄ jém Dios in̄mati jém Antioquía, jém Iconio y jém Listra. Jém malopic̄ p̄ixiñtam̄ tsam̄ p̄imī amalwadáy, pero ich̄ anyaachíy porque t̄an̄omī ayoxpát. ¹² Siiga tantsacpa iga tammalwatpa y tatsíypa juuts jém Jesucristo ip̄ixiñtam̄, jesic̄ aguī tajóyix̄tap, tamalwadaytap. ¹³ Pero it̄ jém malopic̄ p̄ixiñtam̄ níman̄taayap̄ iga ich̄ añcupic̄ne Dios no más iga w̄iañ tamigóyáy. Jeeyaj̄ da ichacpa iga imalwatpa hasta más p̄imī imalwatpa. Imigóyayyajpa it̄iw̄itam̄ hasta iyaac̄ namigóyaytap.

¹⁴ Pero mich miTimoteo, seguido cupic̄ī jém Dios in̄mati jém manañquejayñew̄īp̄ porque iñjodon̄ iga da je migooyi. Iñjodon̄tim̄ iga w̄ibic̄ p̄ixiñ̄ jém min̄quejayñew̄īp̄ jém w̄ibic̄ añmati. ¹⁵ Dende mich̄ixiñam̄ íñixpic̄pa jém Dios in̄mati jém jayñet̄aw̄īp̄. Yíptim̄ añmati min̄quejáypa iga Dios mic̄iacputpa siiga in̄cupic̄pa Jesucristo. ¹⁶ Dios ichī j̄ixī jém p̄ixiñtam̄ jém ijayñeyajw̄īp̄ jém Dios in̄mati. W̄ī para tan̄quejáypa jém numapic̄ añquímayooyi, para tan̄j̄iyjacpa, para tan̄umtsacpa, para taw̄ian̄quejáypa iga tanait̄pa t̄um̄ vida numapic̄, ¹⁷ iga jém Dios ip̄ixiñtam̄ w̄icuyujne, da ti itogóyáypa, w̄iap̄ iwat̄ itump̄iy jém Dios iyoxacuy.

4

¹ Miñgacpa yíp̄ naxyucmī jém t̄an̄omī Jesucristo iga ich̄pin̄pa itump̄iy jém p̄ixiñtam̄ jém vivopic̄ y jém caaneyajw̄īp̄. Miñpa in̄jac̄ itump̄iy jém p̄ixiñtam̄. Siīp miTimoteo, j̄isī iga jém tan̄jatun̄ Dios y jém t̄an̄omī Jesucristo miixpa iga s̄ip̄ manañquím ² iga seguido añmadaayī jém Dios in̄mati jém p̄ixiñtam̄. Odoy wadaayī caso siiga da icupic̄yajtooba. An̄j̄iyjac̄ī jém imalwatyajp̄appic̄, wogaayī, añquiimī iga ichaguiñ̄ iga imalwatpa. Chocoȳmī nanicyaj̄ī con jém w̄ibic̄ añquímayooyi. ³ Porque núcpā jamā iga jém p̄ixiñtam̄ da imaton̄yajtooba jém numapic̄ añquímayooyi. Icusúnyyajpa jém malopic̄ añquímayooyi. Jém p̄ixiñtam̄ in̄wejayyajpa j̄ayan̄ jém maestroyaj. An̄tuum̄ayajpa jém in̄matyajp̄appic̄ migooyi. Porque jém p̄ixiñtam̄ aguī iw̄ian̄jam̄ iga imaton̄yajpa jém migooyi. ⁴ Ichacyajpa jém numapic̄ añquímayooyi iga imaton̄yajpa jém j̄ix̄quimipic̄. ⁵ Nawattaj̄ī cuenta iga odoy immalwadiñ̄. Yaach̄iȳī cuando mimalwadaytap. Mich̄ mich̄íypa juuts t̄um̄ Dios in̄mat̄cīwiñ̄, jesic̄ añmatī jém w̄ibic̄ añmatī, w̄iw̄atī jém iñyoxacuy juuts ixunpa Dios.

⁶ Siīp ich̄ aitum̄ iga anachiit̄ap̄ para Dios juuts t̄um̄ sacrificio. Siīp núctooba jém hora iga accaat̄ap̄. ⁷ P̄imī ayoxa. Siīp cupacum̄ jém anyoxacuy. Da antsac̄ iga añcupic̄ jém Dios in̄mati. ⁸ Jesic̄ añjodon̄ iga ach̄iiba Dios jém w̄ibic̄ xaja, jém corona, porque ich̄ añwat juuts ixunpa Dios. Jém t̄an̄omī Cristo jex juuts t̄um̄ w̄ibic̄ juez, ach̄iiba jém w̄ibic̄ xaja cuando miñgacpa yíp̄ naxyucmī. Da no más ich̄tī ach̄iit̄ap̄, ch̄iit̄aptim̄ itump̄iy jém p̄ixiñtam̄, jém in̄jóc̄p̄appic̄ iga miñgacpa yíp̄ naxyucmī jém t̄an̄omī Cristo.

Jém Pablo iixtooba Timoteo

⁹ MiTimoteo, miñ̄ī aaamī jobit̄. Tsam̄ mánixtooba. ¹⁰ Atsagan̄put̄ jém ánamigo Demas. Tsam̄ icusúnȳypa itump̄iy cosa jém ityajw̄īp̄ yíp̄ naxyucmī. Nic̄ it̄ī jém atebet Tesalónica. Jém Crescente nic̄ it̄ī jém atebet Galacia. Jém Tito nic̄ it̄ī jém atebet Dalmacia. ¹¹ Tsíy con aich̄ no más jém Lucas. Jesic̄ miTimoteo, nīgī meetsī jém Marco. Nam̄iñ̄ī ȳim̄.

Je wíap ayoxpát. ¹² Ançutsat jém ánamigo Tíquico jém attebet Efeso. ¹³ Jesic mimiñpa, anamíñaayi jém anyooti jém antsacnewiip jém tánamigo Carpo iticcim jém attebet Troas. Anamíñaayitim jém anlibroyaj y odoy jaamanoti jém ampergamino.

¹⁴ Jém Alejandro, jém iwatpáppic jém tñcuyxuuj, tsam pimi amalwadáy. Pero Dios ichiiba castigo. ¹⁵ Cuidado da mimalwadáypatim jém Alejandro. Porque jém pixiñ tsam ijóyixpa jém Dios inmati.

¹⁶ Cuando wiñti aquejajwadayta, da i ayoxpát iga acupuj. Ich anyaac anacupujta. Itumpiy jém ánamigoyaj acupóyayyaj. Siip ich anañwejpátpa Dios iga odoy i ichiiyajiñ castigo jém ánamigoyaj iga acupóyayyaj. ¹⁷ Pero tánomi da atsac añcutum, achi ipimi. Jeeyucmi wiá manañmat jém wibic añmati iga imatonjaj jém tunjac pixiñtam jém dapic je de Israel. Jempigam jém tánomi atop de jém cañ ijipjom. ¹⁸ Aciacput iga odoy i wiañ acmalwat. Awatpa cuenta hasta anúcpa siñyucmi jut injacpa Dios. Wi iga siempre tançujíptamiñ jém tanjatuj Dios. Amén.

Anquímyajta jém Timoteo con iamigoyaj

¹⁹ Ançutsadáypa wátidios jém ánamigoyaj, jém Prisca y jém Aguila y jém ityajwip jém Onesíforo iticcim. ²⁰ Tsíy jém ánamigo Erasto jém attebet Corinto. Antsac jém ánamigo Trófimo jém attebet Mileto porque mimne. ²¹ Siiga miwíap miñi yim antes que núcpa jém tiempo de succuc. Siip michiiyajtooba wátidios jém Eubulo y jém Pudente y jém Lino y jém Claudia con itumpiy jém tantiwitam jém ityajwip yim.

²² Jém tánomi Jesucristo miwaganaittamiñ, mimichtam, miwíwadaytamiñ. Jemum cuyaj.

Jém carta jém ijáyayñewiip Pablo jém Tito

Jém Pablo ijáyáy Tito

¹ Ich aPablo, anꝑꝑꝑꝑꝑꝑ Dios. Ich acutsat Jesucristo juuts tum apóstol. Dios acupin iga anyoꝑꝑꝑꝑꝑꝑ jém Dios ipixiñtam jém icupinneyajwiip Dios. Acutsat iga ananquejayyajiñ jém numapic anꝑꝑꝑꝑꝑꝑꝑꝑ iga ijodónayajiñ jutpic ijsyaypa Dios, ² iga tananjócpa jém vida jém dapic cuyajpa. Porque Dios tajycámayñe dende wiñigam, antes que wattap yíp nas. Tanjodon iga Dios da migóypa. ³ Siip núcum jém tiempo iga tacjodonap jém wibic anꝑꝑꝑꝑꝑꝑꝑ. Accámꝑꝑꝑꝑꝑꝑ juuts tum jém Dios inꝑꝑꝑꝑꝑꝑꝑꝑ iga ananꝑꝑꝑꝑꝑꝑꝑ jém wibic anꝑꝑꝑꝑꝑꝑꝑ juuts apimiyñe Dios jém taciaputpáppic. ⁴ Siip miTito, manjáyáypa juuts tum mammanic porque tanaitta tumti fe. Siip tanJatun Dios y tánomi Jesucristo, jém taciaputpáppic, miyoꝑꝑꝑꝑꝑꝑ iga wiñiñ inꝑꝑꝑꝑꝑꝑꝑ juuts je ixunpa, michiitámiñ jém paz iga odoy ti inꝑꝑꝑꝑꝑꝑꝑ.

Yoxap jém Tito jém isla de Creta

⁵ Mantsac jém lugar Creta iga iniccupaguiñ titam itogóyáy jém Dios iyoxacuy, iga iniccámiñ tum cobacpic anjagooyi cada attebet iga injaguiñ jém Dios ipixiñtam juuts mannímayñe. ⁶ Cupinꝑꝑꝑꝑꝑꝑ tum pxiñ jém dapic imalwatpa, jém iniitwiip no más tum iyomo. Wi iga jém imanictam icupicyajpatim Dios. Da wi siiga imalwatyajpa. Da wi siiga da cupigóypa. ⁷ Jém injacpáppic Dios ipixiñtam, da wi iga imalwatpa ni uxan porque iwatpa cuenta jém Dios iyoxacuy. Da wi jém pxiñ jém dapic iwianjam iga tanjixianchiíypa. Da wi iga tsam jóytero, da wi iga tsam ucpa. Da wi iga tsam cótsóypa. Datim wi iga tsam icusúnyypa tumiñ jém dapic imiichi. ⁸ Wi iga icwíguiñ jém miñyajpáppic juumi y ichiiba jut monpa. Wi iga itóyiñ jém wítampic cosa, iga jixiíyiñ jém pxiñ. Wi tum pxiñ jém ichacnewiip jém malopic ijixi, iga wiñiñ iwat itumpiy cosa juuts ixunpa Dios. Wi iga nawattaiñ cuenta iyaac iga odoy imalwadiñ. ⁹ Wi tum pxiñ jém dapic ichacpa jém wibic anꝑꝑꝑꝑꝑꝑꝑꝑ jém anquejayñetaꝑꝑꝑꝑꝑ. Jesic wiap icamamwadáy ianama jém itiwitam con jém wibic anꝑꝑꝑꝑꝑꝑꝑꝑ. Wiaptim injiyjac jém anayajpáppic contra jém Dios inꝑꝑꝑꝑꝑꝑꝑ iga ichacyajiñ jém miꝑꝑꝑꝑꝑꝑ.

¹⁰ Ityaj jáyan jém ijóyixyajpáppic jém Dios inꝑꝑꝑꝑꝑꝑꝑ. Tsam imigóyayyajpa jém itiwitam con jém malopic inꝑꝑꝑꝑꝑꝑꝑꝑ. Jém icupicneyajwiip idic jém judíos inꝑꝑꝑꝑꝑꝑꝑꝑꝑꝑ agui iwianjamayaj jexpic miꝑꝑꝑꝑꝑꝑꝑ. ¹¹ Jeeyaj wi iga tananúgáypa ijip porque ictogoyáypa jém wibic ijixi jém Dios ipixiñtam. Inquejáypa jém da wibic anꝑꝑꝑꝑꝑꝑꝑꝑ iga imalcoñwiíypa jém tumiñ.

¹² Tum profeta de jeeyaj nimpa iga: “Agui migoyyajpa jém Cretapic pxiñtam. Tsam bruto, tsam malo ijixi. Agui wícyajpa. Agui cutiñ, da yoxayajpa.” ¹³ Numa, da migóypa jém pxiñ. Jeeyucmi wi iga pimi tananꝑꝑꝑꝑꝑꝑꝑꝑ iga iwíꝑꝑꝑꝑꝑꝑꝑ jém Dios inꝑꝑꝑꝑꝑꝑꝑꝑ. ¹⁴ Pimi anꝑꝑꝑꝑꝑꝑꝑꝑ iga odoy iwadayyajiñ caso jém miꝑꝑꝑꝑꝑꝑꝑ jém ijixquímnewiip jém judíos. Anꝑꝑꝑꝑꝑꝑꝑꝑ iga ichacyajiñ jém anꝑꝑꝑꝑꝑꝑꝑꝑ jém iwatneyajwiip jém pxiñtam jém ijóyixyajpáppic jém numapic anꝑꝑꝑꝑꝑꝑꝑ.

¹⁵ Siiga Dios iwítsagáypa ijixi tum pxiñ, jesic ijispa iga itumpiy cosa wi. Pero jém dapic wítsagayñeta ijixi, jém dapic icupicpa Dios, ijispa iga itumpiy cosa malo. Da wibic jixi iniit ijixianjom, da wítsagayñeta jém ijixi. ¹⁶ Jeeyaj nimyajpa iga iixpicaypa Dios, pero quejpa iga migóypa porque da iwíꝑꝑꝑꝑꝑꝑꝑꝑ juuts ixunpa Dios. Da icupicyajpa jém Dios inꝑꝑꝑꝑꝑꝑꝑꝑꝑ. Tsam jóyixoyyajpa. Da iwatyajpa ni uxan juuts ixunpa Dios. Da wiap iwat ni tum wibic yoxacuy.

2

Jém wibic anquejayooyi

¹ Pero mich miTito, wianqueji jém wibic anquímayooyi. ² Nímaayi jém tsamitampic iga: “Dios ixunpa iga cucacneñ inñixi, iga mijixiytámiñ. Wiwattaami iga miwixyajiñ jém inñiwitam. Seguido cupici jém tánomi Jesús, toyi jém tantiwitam, yaachiyi cuando miyaachwattap.” ³ Jempictim anquejaayi jém tsamipic yomtám, nímaayi iga: “Dios ixunpa iga inwattámiñ juuts jém wibic yomtám jém dapic táncáiy. Odoy cuyiyi jém inñiwitam. Da wi siiga tsam miuctámpa. Jesic michiytámpa juuts wibic ejemplo.” ⁴ Anquejayyaji jém mañyomtám iga itóyiñ jém iwídaya con imanictám. ⁵ Wi iga jixiyiñ jém mañyomtám, iga iwatyajiñ juuts jém wítampic yomtám, iga iwatyajiñ cuenta jém itic, iga iwínanigáyiñ i quej y iga icupiguiñ jém iwídaya iga odoy i imalnímáyiñ jém Dios inmati.

⁶ Jempictim anquiimi jém woñjychixtam iga jixiyiñ. ⁷ Pero miTito, siempre wati juuts ixunpa Dios. Cuando miixyajpa jém impixiñtam iga inwíwatpa, jesic jempictim iwatyajpa mex jeeyaj. Siip wianquejaayi con itumpiy inñixi iga miwixyajiñ jém inçuyujciwiñ. ⁸ Siempre wianmati jém wibic anmati iga odoy i miñímáyiñ iga ininmatpa migooyi. Jesic jém nicyajpáppic en contra de taichtám agui tsaap. Da wiap tamalnímáy.

⁹ Anquiimi jém esclavoyaj, nímaayi: “Cupictaami jém inñomi. Siempre wattaami juuts mipimiyapa iga miwixiñ. Odoy anjibaccuumi. ¹⁰ Odoy cunúmaayi jém inñomi, pero siempre wiwattaami jém inñoxacuy iga jém inñomi miniidáyiñ confianza, jesic wixtap jém Dios inquímayooyi, jém taciaputpaap.”

¹¹ Dios tanquejayne iga tayaachanjampa tantumpiytam. Siip iciacputyajtooba itumpiy jém pixiñtam jutinqej yíp naxyucmi. ¹² Cuando tánixpa iga tayaachanjampa Dios, jesic tantsacpa itumpiy jém jixi jém dapic iwianjam Dios. Tantsacpatim iga tançusúníypa jém malopic cosa juuts icusúníyyajpa jém ityajwip yíp naxyucmi. Dios ixunpa iga tajixiyiñ, iga tatsiytámpa juuts wibic pixiñtam, iga siempre tanwattámpa yíp naxyucmi juuts ixunpa Dios. ¹³ Siip agui tamaymay iganam tananjóctámpa iga miñgacpa yíp naxyucmi jém más mijpic Dios ipimi, jém Jesucristo jém taciaputpáppic. ¹⁴ Iyaac nachiita iga accaata iga tacupujpa de itumpiy cosa dapic wi. Tacujicháyáy tánanama iga tatsiytámiñ wibigam tapixiñtam, jém Cristopic tamichitam. Jeeyucmi agui tanwianjam iga tanwíwatpa.

¹⁵ MiTito, anquejaayi jém impixiñtam yíp wítampic cosa. Anquímayaji, wogayyaji jém dapicnam iwícupicyajpa juuts tum minjagooyi. Odoy jic iga i mijóyixiñ.

3

Ti wiap iwatyaj jém icupicnewip Dios

¹ Acjisi jém impixiñtam iga icupicyajiñ jém gobierno y jém anjagooyiyaj, iga iwatyajiñ juuts ipimiyajpa, iga ityajiñ listo iga iwatyajpa itumpiy jém wítampic cosa. ² Nímaayitim iga odoy i imalnímáyiñ, iga odoy anayajiñ. Wi iga iwixiñ i quej, iga iwínanigáyiñ itumpiy jém pixiñtam juuts tum pixiñ dapic malo.

³ Wiñic taichtám da idic tajixiyta. Da idic tançupictámpa Dios. Tatsiyñeta idic juuts esclavo de itumpiy jém malopic jixi porque tatogoyñeta idic. Tsam idic tançusúníypa itumpiy jém malopic cosa. Tsam idic tammalwatpa y tsam tacunaíyóypa. Tsam tanajóyixtamtap idic. ⁴ Pero jém tanjatun Dios, jém taciaputpáppic, tanquejay iga tsam tayaachanjamtámpa. Tanquejaytim iga tsam itoypa itumpiy jém pixiñtam. ⁵ Jesic Dios taciaputta, pero da porque tsam tanwíwattámpa, pero taciaputta porque tsam tayaachanjampa. Tacujicháyáypa tánanama, tanayxetum cuando tacjoomaset por

medio de jém Dios iAnama. ⁶ Dios tachi iAnama tsam jáyan por medio de Jesucristo jém taciaputpaap. ⁷ Dios tsam tayaachanjampa, jeeyucmi tatsíyum juuts tum wibic pxiñ, cuáyñewip ianama. Siip tananjóctampa iga tampictsonpa jém vida eterna juuts tum herencia.

⁸ Yibam jém numapic anmati. Wianquejaayi con itumpiy impimi jém icupicneyajwip Dios iga seguido iwíwatyajpa. Yip anmati tsam wi, tsam tayoxpátpa tantumpiytam.

⁹ Odoy tigiyuumi cuando áñayajpa jém cuixipic pxiñtam ni con jém iwatyajpáppic jém lista de jém wiñicpic itiwitam, jém caaneyajwíppigam. Datim wi iga iníñacaaba jém wiñicpic anquímayoyi. Porque jexpic cosa da ti cuwatcuy, da tayoxpátpa.

¹⁰ Siiga tum pxiñ icujíñáypa jém Dios ipxiñtam iga nawécyajtaiñ, jesic anjijyaci tunçiy hasta wisciy. Pero siiga da miwadáy caso, jesic quebacputi de mimichtámanjom.

¹¹ Tanjodon iga jexpic pxiñ togoyñe iiti, tsam táncaíy. Con jeetim itánca nachitap castigo.

Jém Pablo iixtooba jém Tito

¹² Siip miTito, cuando mancutsadáy jém Artemas o jém Tíquico, jesic siiga miwiap, nigí ameetsi jém attebet Nicápolis. Porque ich anjisne iga jemum apoychíypa jém tiempo de succuc. ¹³ Cuando nicyajpa jém licenciado jém Zenas, con jém icompañero, Apolos, jesic yoxpaati con itumpiy titam miwiap iga odoy ti itógoyayyajiñ. ¹⁴ Wi iga jém tantiwitam icuyujcaiñ iga seguido wiyoxaiñ, jesic iniitpa titam itógoyáy iga wiaptim iyoxpádóy. Jesic da xaja ityaj.

Anquímajtap jém Tito con iamigoyaj

¹⁵ Itumpiy jém anwaganaitwip yim micutsadáypa watidios. Dioschiyaji jém tánamigoyaj jem ic jut miit, jém icupicneyajwip Jesús. Tanjatun Dios miwíwadaytamiñ iñtumpiytam. Jemum cuyaj.

Jém carta jém ijáyayñewiip Pablo jém Filemón

Jém Pablo ijáyaypa jém Filemón

¹ Ich aPablo, apajnetā jém Jesucristo icuyucmi, con jém tantīwi, jém Timoteo, siip manjáyaytámpa miFilemón, mantoytampáppic, jém tanwaganayoxapaap. ² Anjáyaypatim jém tantīwi, Apia, con jém tancompañero jém Arquipo con itumpiy jém Dios ipixiñtam, jém an̄tuumayajpaap mich iñticciim. ³ Siip tanJatun̄ Dios con jém tánQmi Jesucristo miwīwadaytamiñ, michiitamiñ jém wibic paz iga odoy micijntamiñ.

Jém Filemón tsam tóyóypa, tsam icupicpa jém Jesucristo

⁴ Siempre anchiiba gracia tanJatun̄ Dios cuando manjīspa mimich iganam an̄watpa oración. ⁵ Porque ammaton̄ne iga tsam iñtoypa jém tánQmi Jesús y tsam in̄wicupicne. Ammaton̄netim iga agui iñtoypa itumpiy jém icupicneyajwīp Dios. ⁶ An̄wagáypa Dios iga seguido in̄iquejáypa jém icupicneyajwīp Dios juuts mich in̄cupicne iga wīaiñ icutiyyiyaj itumpiy jém wibic cosa, jém tachiiñewiip tánQmi Cristo. ⁷ Ich tsam amaymay, da anyácpa, porque mich tsam iñtoypa jém tantīwitam. Siip mantīwi, mimich in̄cuyucmi jém Dios ipixiñtam icamamwatyaj ianama.

Jém Pablo iwácpa tum favor para jém Onésimo

⁸ Jeeyucmi, aunque anait derecho iga mampimíypa jém Cristo iñiyimi iga ti wīap in̄wat, ⁹ más wī iga man̄cunucsáypa iga in̄wadiñ juuts ich ansunpa porque agui mantoypa. Ich aPablo, ich awid̄ayam, siip apajnetā jém Jesucristo icuyucmi. ¹⁰ Siip man̄cunucsáypa iga in̄wipictson̄iñ jém immozo Onésimo cuando núcgacpa iñticciim porque tsíy juuts tum ammanic, porque yim̄ jut apajnetā, moj icupic jém tánQmi.

¹¹ Wiñic yip̄ Onésimo tum esclavo da para ti wī para mimich. Pero siip wī para mimich y wī para aich. ¹² Siip man̄cutsadáypa eybic, jesic pictson̄i juutstim aich ampictson̄pa. ¹³ Ich ansunpa idic iga tsíyñ jém Onésimo con aich iga ayoxpádiñ juutstim mimich iganam apajnetā jém wibic an̄mati icuyucmi. ¹⁴ Pero da ti wīap an̄wat siiga da in̄wianjam. Siiga an̄wīwadáypa, da mampimíypa. Watī juuts mich iñxunpa. ¹⁵ Ich an̄impa iga michagan̄putne idic tum tiempo jém Onésimo iga impictson̄pa eybic iga wīaiñ in̄waganait para siempre. ¹⁶ Dam juuts tum esclavo, pero más que juuts tum esclavo, juuts tum iñtīwi jém tsampic iñtoypa. Ich antoypa, pero mimich tienes que más iñtoypa porque siip miwīcuyoxap y tsíytim juuts tum iñtīwi porque icupicpatim jém tánQmi.

¹⁷ Siiga tacompañero, jesic wipictson̄i jém Onésimo juutstim aich mismo. ¹⁸ Siiga mimalwadayñe o siiga mijatsne, jesic ich atseeci, manyojáypa. ¹⁹ Ich aPablo manjáyaypa an̄ciimi así: Ich manyojpa. Pero jisi iga mich mismo anjatsnetim iñyaac. ²⁰ Numa, mantīwi, ayoxpaati porque in̄cupicpa jém tánQmi. Acmaymáyañi iga odoy anyáguiñ án̄anamanjom̄ porque Cristo tamichitam.

²¹ Manjáyaypa porque ich anjodon̄ iga mich an̄cupicpa. Anjodon̄tim iga más in̄watpa que juuts mannímáypa. ²² Man̄wágáypatim iga awitsagaayi tum lugar jut anúcpa. Porque anjīspa iga Dios mimatón̄áypa iñoración iga acutsigaytāñ iga eybic nicpa manjójay.

Anquímtap jém Filemón con jém itīwitam

²³ Micutsadáypa watidios jém Epafra, awagapajnetatim iga icupicpa Jesucristo. ²⁴ Micutsadáypatim watidios jém Marcos, jém Aristarco, jém Demas y jém Lucas, jém an̄waganayoxayajpaap.

²⁵ Siip jém tánomi Jesucristo miwawadaytamiñ mimichtam íñanamanjom. Jenum cuyaj.

Jém carta jém jayñeta_wip jém hebreopic pixiñtam

Dios icutsat jém iMānic yíp naxyucmi iga inmadíñ

¹ Wiñgam Dios ijíyáy watciy jém tanjatun_wewetam. Varios forma ijíyáy. Chiita_w jixi jém wiñicpic anmatciwiñ iga inmadayyajiñ jém Dios ipixiñtam. ² Pero sip yíp ocni_wic tiempo Dios icutsat iMānic iga tanmadáyiñ. Yíptim Dios iMānic cupiñta_w iga imichap itumpiy jém Dios imichi. Jeetim iMānic iwaganayoxa_w Dios cuando mu iwatyaj itumpiy cosa jém itwip yíp naxyucmi y jém itwip siñyucmi. ³ Agui pimi witsocpa jém Dios iMānic juustim jém tanjatun_w Dios. Jextim ipimi. Jeetim mismo icuwiñ juuts jém tanjatun_w Dios. Yíptim Dios iMānic iniit icijom itumpiy jém Dios iwati iga iwatpa cuenta con Dios inmati jém iniitwip ipimi. Jesic cuando yaj tacujicháyáy jém tantánca, nic coñi siñyucmi jém tanjatun_w Dios itrono inwicimi.

Jém Dios iMānic más mij que jém siñyucmic picixiñ

⁴ Accám_wta jém Dios iMānic juuts tum más mijpic anjagooyi que jém siñyucmic picixiñtam. Ipicsonne jeetim i_watunpic iníyi y jém i_watun ipimi, jeeyucmi más wip que jém siñyucmic picixiñtam. ⁵ Porque Dios da nunca inímáy ni tum siñyucmic picixiñ:

Mich mamMānic. Yíp jama mammanigap.

Datim inímáy Dios tum siñyucmic picixiñ:

Mich anjatun_w, ich mammanic.

⁶ Pero cuando Dios inimiñ yíp naxyucmi jém Wiñtipic iMānic, nimpa Dios:

Wi iga itumpiy jém siñyucmic picixiñtam ijisyajiñ jém Dios iMānic.

⁷ Dios inmatpa de jém siñyucmic picixiñtam cuando nim:

Dios icsetpa jém siñyucmic picixiñtam juuts sawa.

Icsetpa jém icuyoxayajpaap juuts tum jucti tsam pimi yótpa.

⁸ Pero Dios inmatpa de jém iMānic cuando nim:

Mich miDios. Mich minjagooyi.

Da nunca miputpa iga minjagooyi.

Inñuumanjacpa jém picixiñtam.

⁹ Tsam inñoyopa jém wibic jixi.

Tsam inñoyixpa jém malopic jixi.

Jeeyucmi micupin_w Dios, mich inDios,

más micmaymáyp que itumpiy jém inwaganasiyajpaap.

¹⁰ Nimitim Dios:

Mich miQmi.

Mich inwat yíp mundo cuando moj iti itumpiy cosa.

Inwattim jém siñ con in_wci.

¹¹ Cuyajpa jém siñ y jém nas, pero mich da nunca micuyajpa.

Michíypa para siempre.

Widáyp jém siñ y jém nas juuts tum yooti.

¹² Impacspa jém siñ y jém nas juuts tum puctucu.

In_wcucacpa juuts yooti.

Pero mich da nunca micucacpa.

Ni da nunca micuyajpa.

¹³ Dios da nunca inímáy ni tum siñyucmic picixiñ juuts inímáy jém iMānic:

Coñi yim anawimi hasta que manaccoñwíypa jém inenemigoyaj.

14 Jém sinyucmipic pixiñtam tum anama. Icuoxayajpa Dios. Jeeyaj cutsatyajta iga iyoxpátayajñ jém pixiñtam jém ipictsonyajpáppic jém wibic anmati iga ciacputyajtap.

2

Wati cuenta iga da inñhacpa jém wibic anmati

1 Jeeyucmi wí iga más pími tanwadaytámiñ caso jém wibic anmati jém tammatoñnewiip iga odoy tantsactámiñ jém wibic tun. 2 Wiñigam jém sinyucmipic pixiñtam inimiñyay jém wiñicpic anquímayooyi. Tsam wiquejpa iga da je migooyi. Jém imalwatneyajwip, jém dapic icupicyaj, chiijajta castigo conforme juuts iwat. Siiga chiijajta castigo jém dapic icupicyaj jém wiñicpic anquímayooyi, 3 ¿jesic jutsap tançiput taichtam de jém mijpic castigo siiga da tanwadap caso jém wibic anmati iga Dios wiap taciacput? Jém tánomi Jesucristo oy yíp naxyucmi iga inmadáy jém pixiñtam jém wibic anmati. Jesic ocmi jém imatoñneyajwip jém wibic anmati tanmadáypatim taichtam iga da je migooyi. 4 Dios inquejáytim jém pixiñtam iga numa jém inmati con wati jém milagro, jém seña y jém cosa dapic oypa tánix. Jém pixiñtam chiijajtatim jém Dios iAnama ianamanjom iga wiañ iwatyaj juuts ixunpa Dios. Cada tumtum chiitap tungac yoxacuy juuts iwianjam Dios.

Jesucristo wiap iyoxpát jém ipixiñtam

5 Dios da iccámpajém sinyucmipic pixiñtam juuts anjagooyiyaj iga injacpa jém jomipic naxyucmi jém miñpáppic, jém siipaap mananmadáy. 6 It jut jaycámneta, nimpa:

ManJatun Dios, ¿tiapaap jém pixiñ iga tsam inñjspa?

¿Tiiga tsam inyoxpátpa jém nayñewiip yíp naxyucmi?

7 Inñhac jém nayñewiip yíp naxyucmi juuts da ti wiap, más quetne jém ipimi que jém sinyucmipic pixiñtam.

Pero ocmi jém nayñewiip yíp naxyucmi chiitap autoridad juuts tum mijpic anjagooyi iga injacpa itumpiy cosa jém michpic inwatne.

8 Chijunodayñeta itumpiy cosa iga injacpa.

Cuando Dios ichac iga injacpa itumpiy cosa, da i ni tum cosa jém dapic injacpa. Pero siip danam quejpa iga injacpa itumpiy cosa. 9 Jém Jesucristo tsíy tum rato juuts tum pixiñ da ti wiap. Más da wiap que jém sinyucmipic pixiñtam. Pero siip tánixpa iga jém tánomi Jesucristo accámta juuts tum mijpic anjagooyi, tsam cujítap porque tsam yaachwattá cuando accaata cunusyucmi. Agui tatoytámpa Dios, jeeyucmi ijíc iga accaata jém Jesucristo para itumpiy jém pixiñtam.

10 Itumpiy cosa jém itwip jém Dios imichi, je iwati. Ixunpa Dios iga jém imanictam iwaganaityajñtim jut wicom, jut it Dios. Jeeyucmi ijíc iga tsam yaachwadayta jém tumpic imaníc iga wiañ iciacput jém pixiñtam. 11 Jém Jesucristo iJatun tanJatunjim porque tawitsagayta jém tantánca. Jeeyucmi jém Jesucristo da tsaap cuando tanímáypa iga: Mantiwitam. 12 Yimpic nim jém Jesucristo:

ManJatun Dios, ananmadáypa jém antiwítam juutspic miDios.

Manwánáypa jém himno jut antuumayajpa jém immanictam.

13 Nímtim jém Cristo:

Ich tsam ancupicpa iga Dios wiap ayoxpát.

Eybictim nimpa:

Yim anwaganaita jém ammanictam, manJatun Dios, jém anchiiñewiip.

14 Tum pixiñ imanictam jextim imayi y jextim inñpiñ. Jesanetim jém Jesucristo, jextim inñpiñ y jextim imayi juuts taichtam. Jeeyucmi miñ juuts taichtam iga wiañ ica. Jempigam iccuyajáy jém Wocciwiñ ipimi jém wiapaap tacca. 15 Jempigam iwat

iga wíaiñ iciacputyaj jém pixiñtam jém icin̄yajpáppic iga caaba, porque itumpiy ivida tsíyñeyaj idic juuts esclavo. ¹⁶ Porque da oy yíp naxyucmi jém Jesucristo iga iyoxpátpa jém sin̄yucmipic pixiñtam, pero oy iga iyoxpátpa jém Abraham imanictam, jém Israelpic pixiñtam. ¹⁷ Jeeyucmi tsíy jém Jesucristo juuts jém itiwitam, yíp naxyucmipic pixiñtam, iga wíaiñ iwat jém cobacpic panij iyoxacuy jém Dios iwiñjom. Jém Jesucristo tum panij jém tsampic tayaachanjampa y wíap iccupac titam tajycámayñe. Iccáyápa jém pixiñtam itánca iga ipictsóniñ Dios. ¹⁸ Tsam yaachwatta yíp naxyucmi jém tánomi Jesucristo, tsam cutitsta, jeeyucmi wíap tayoxpátta cuando tacutitstamtap.

3

Más mijpic carga chiita Jesucristo que jém Moisés

¹ Jesic mantiwitam, jém cuáyñewip in̄anama, micupineta iga michiytámpa juuts Dios mimichitam. Síp jistaami jém tánomi Jesucristo, jém icutsatnewip Dios, jém cobacpic panij de jém wibic anquímayooyi, jém tan̄cupicpáppic. ² Cuando oy iti yíp naxyucmi iccupac itumpiy cosa juuts ixunpa Dios, jém iccámnewip iga iwatpa jém Dios iyoxacuy. Jextim iwat juuts jém Moisés cuando iccupac juuts ixunpa Dios icuwiti jém Dios iticcim. ³ Mástim pími cujíptap Jesús que jém Moisés, juuts jém iwatpáppic tum tic más cujíptap que jém tic jém watnetawip. ⁴ Porque itumpiy ticyaj pixiñ iwati, pero Dios iwat itumpiy jém ityajwip. ⁵ Numa jém Moisés iccupac itumpiy cosa juuts ixunpa Dios. Icuyoxa Dios juuts tum mozo icuwiti jém Dios iticcim. Jém Moisés iyoxacuy iga in̄matpa jém an̄mati jém ocmipic in̄matpa parejo jém Cristo. ⁶ Pero jém Jesucristo, jém Dios iManic, imichi jém tic. Taichtam jém tatic. Tsam tamaymay siiga seguido tan̄cupicpa y da tantsacpa iga tananjócpa titam tajycámayñe Dios.

Jejaypa jém Dios ipixiñtam

⁷ Jeeyucmi juuts nimpa jém Dios iAnama:
Siiga yíp jama immatonpa Dios ijyi,
⁸ Odoy camamwati in̄anama.
Odoy jistaami iga da in̄cupictámpa juuts iwatyaj jém wiñicpic pixiñtam cuando tsucumyaj
acontra de jém Moisés jém titsinaxyucmi.
Tsam icutitsyaj Dios siiga numa ichiiba castigo.
⁹ Jemic jém wiñicpic in̄jatun̄wewetam tsam acutitsyajpa, nimpa Dios.
Cuarenta amt̄iy iixyaj jém wibic milagro jém an̄wadayñewip.
¹⁰ Jeeyucmi anjójix jeeyaj, jém ityajwip jesan̄ tiempo.
Siempre jixitogoyaj in̄amanjom, da nunca iixpicyaj jém antun̄.
¹¹ Jeeyucmi anjójixyaj jeeyaj y anjycámáy iga da nunca tigiyyajpa jut wicom jut jejaypa
con aich.
¹² Mantiwitam, nawattamtaji cuenta iga ni tum de mimichtam odoy iniidiñ
jém malopic jixi in̄anamanjom jém mictsacpáppic iga in̄cupicpa Dios jém vivopic.
¹³ Nanquímtamtaji con jém in̄tiwitam cada jama iganam it tiempo iga odoy mimigóyayiñ
jém tánca jém itwip in̄anamanjom iga ni tum de mimichtam odoy michiyiñ juuts ene-
migo con Dios. ¹⁴ Siiga seguido tan̄cupicpa iga Dios wíap tayoxpát hasta jém in̄anpigam
jama juuts cuando moj tan̄cupic, jesic tanjodon̄ iga tanwaganait jém Cristo.
¹⁵ Jistaami junimpa jém Dios in̄mati:
Siiga yíp jama immatonpa jém Dios ijyi,
odoy camamwati in̄anama.
Odoy jistaami iga da in̄cupictámpa,
juuts iwatyaj jém wiñicpic pixiñtam cuando tsucumyaj
acontra de jém Moisés.

¹⁶ ¿Lapaap jém p̄ixiñtam jém imatonneyajw̄ip jém Dios in̄māti, pero oc̄mi tsucumyaj acontra de jém Moisés? Jeetim p̄ixiñtam jém itopneyajw̄ip jém Moisés jém naxyuc̄mi de Egipto. ¹⁷ ¿Lapaap jém p̄ixiñtam jém tsamp̄ic ijóyix Dios cuarenta am̄tiy? Jém tsamp̄ic imalwatyaj, jém caayajw̄ip jém titsinaxyuc̄mi. ¹⁸ ¿Lapaap ij̄ycámayñe Dios iga da nunca tiḡiyajpa jém w̄icom̄ j̄ut jejjajpa con je? Jém dap̄ic icup̄icyajpa. ¹⁹ Jesic tánixpa iga jém wiñ̄ic̄p̄ic p̄ixiñtam da w̄iā mitiḡiyaj jém w̄icom̄ j̄ut jejjajpa jém Dios ip̄ixiñtam porque da icup̄icyaj iga Dios w̄iap̄ iyoxp̄at.

4

¹ Dios taj̄ycámayñe iga it̄um lugar j̄ut nic̄pa tajeji con je. Jesic iganam tanait̄ jém promesa, w̄ī iga tanawattam̄tañ̄ cuenta iga w̄iāiñ̄ iñ̄tiḡiyta jém w̄icom̄ j̄ut jejjajpa jém Dios ip̄ixiñtam. W̄ip̄ algunos de mimichtam da mitiḡiyt̄ampa. ² Porque taichtam tan̄madayt̄am̄tatim̄ jém w̄ib̄ic an̄māti iga Dios taciap̄utpa juuts an̄madayyajt̄a jém wiñ̄ic̄p̄ic p̄ixiñtam. Pero jeeyaj ixajamaton̄yaj, da iyoxp̄atyaj jém w̄ib̄ic an̄māti porque da icup̄icyaj cuando imaton̄yaj. ³ Pero taichtam w̄iap̄ tantiḡiy j̄ut jejjajpa jém Dios ip̄ixiñtam porque tan̄cup̄ic ti tanímáy Dios. Jém dap̄ic icup̄ic̄pa da w̄iap̄ itiḡiyaj. N̄impa Dios: Tsam̄ p̄imī ajóyñe jeeyuc̄mi an̄j̄ycámáy jém p̄ixiñtam jém dap̄ic acup̄icyajpa iga da nunca tiḡiyajpa j̄ut jejjajpa.

Da ij̄ic̄pa Dios aun̄que cupacneum̄ jém lugar dende moj̄ it̄i ȳip̄ mundo. ⁴ It̄ j̄ut n̄impa jém Dios in̄māti:

Jejpa Dios jém sietep̄ic̄ jama cuando cupacneum̄ itump̄iy jém iyoxacuy.

⁵ Eybictim̄ n̄impa jém Dios in̄māti:

Da nunca tiḡiyajpa j̄ut jejjajpa con aich.

⁶ Pero tiḡiypanam̄ algunos j̄ut jejjajpa. Pero jém wiñ̄ic̄p̄ic p̄ixiñtam, jém mojjw̄ip̄ imaton̄yaj jém w̄ib̄ic an̄māti, da tiḡiyajpa porque da icup̄icyaj. ⁷ Jesic eyb̄ic icup̄in̄ Dios tum̄ jama cuando jém p̄ixiñtam w̄iap̄ itiḡiyaj j̄ut jejjajpa. Sīp̄ núcneum̄ jém jama. N̄impa así jém David:

Ȳip̄ jama siiga immaton̄t̄ampa ti n̄impa Dios, odoy camamw̄atī iñ̄anama.

⁸ Meega jém Josué w̄iā mu ininicyaj jém Israelp̄ic p̄ixiñtam j̄ut jejjajpa, jesic da eyb̄ic n̄impa Dios iga miñ̄pa tun̄gac̄ jama. ⁹ Tan̄jodon̄ iga ts̄yñam̄ j̄ut jejjajpa jém Dios ip̄ixiñtam. ¹⁰ Porque cuando tiḡiypana tum̄ p̄ixiñ j̄ut jejjajpa jém Dios ip̄ixiñtam, jesic quejpa iga yajum̄ iwat̄ jém iyoxacuy jesanetim̄ juuts Dios jejpa cuando yaj iwat̄ jém iyoxacuy cuando iwat̄ ȳip̄ mundo. ¹¹ Jesic w̄ī iga tan̄watt̄ampa empeño iga tatiḡiyt̄ampa j̄ut jejjajpa jém Dios ip̄ixiñtam. W̄ip̄ iwatyajpa algunos juuts iwatyaj jém p̄ixiñtam jém dap̄ic icup̄icyaj titam̄ iñ̄imáy Dios.

¹² Jém Dios in̄māti vivo y tsam̄ iniit̄ ip̄imi. Tsam̄ tsupa, más que jém espada jém icudosladop̄ic an̄mejne. Jém Dios in̄māti tiḡiypana hasta más jojm̄i jém p̄ixiñ̄ ianaman̄jom̄ y ij̄ixian̄jom̄. Tiḡiypana hasta jém p̄ixiñ̄ ipactopaan̄jom̄ hasta jém pac̄ ituupaan̄jom̄. Tan̄quej̄aypa siiga w̄ī jém tan̄j̄ixi o da w̄ī. ¹³ Dā j̄ ni tum̄ cosa an̄nécne jém iwat̄new̄ip̄ Dios, je w̄iap̄ iix. Cuchichayñetā itump̄iy cosa, áj̄ayñe iga w̄iap̄ iix Dios. Itump̄iy ijodon̄ Dios titam̄ tan̄watpa, tienes que c̄ip̄int̄ap.

Jesús jém más m̄ij̄p̄ic̄ cobac̄p̄ic̄ pan̄ij

¹⁴ Taich̄ tanait̄ta tum̄ cobac̄p̄ic̄ pan̄ij jém más m̄ij̄p̄ic̄, je jém Jesús jém Dios iMan̄ic̄. Nic̄ s̄inyuc̄mi jém Dios iwiñ̄jom̄ iga tacupujpa. Jeeyuc̄mi w̄ī iga da tantsac̄pa iga tan̄cup̄ic̄pa juuts tanním̄ayñe. ¹⁵ Porque tanait̄ta tum̄ cobac̄p̄ic̄ pan̄ij tsam̄ tayaachanj̄ampa cuando danam̄ w̄iap̄ tan̄wat̄ itump̄iy juuts ixunpa Dios, porque tsam̄ yaachā, tsam̄ p̄imī cut̄it̄stā jextim̄ juuts taichtam̄, pero je da nunca tan̄cawat̄. ¹⁶ Jeeyuc̄mi tan̄cunúct̄ampa sin̄ c̄in̄i j̄ut

coñ jém tanJatun Dios, jém tsampic tatoypa. Je tsam tayaachanjampa taichtam porque agui tawixpa y wiap tayoxpát juchixquej.

5

¹ Itumpiy jém cobacpic panij cupinneyajta yíp naxyucmi, accámnetā iga ichiiba Dios jém ofrenda y jém sacrificio para jém pixiñtam itánca. ² Wiap iyaachanjām jém dapic jixiyyaj, jém togoyñeyajwip, wiaptim icutiñ. Ijampatim cuando cutitstap. ³ Y como táncaiytim jém panij, iccaaba jém animat iga iyojpa jém itánca, jempictim iwatpa para jém pixiñtam iga iyojāypa jém itánca jém Dios iwiñjom.

⁴ Da i wiap iniccámta iyaac iga panij. Solamente Dios wiap iccám iga panij, juuts iccám jém Aarón. ⁵ Jesanetim jém Cristo. Da naccámta iyaac iga jém cobacpic panij, pero Dios iccám. Nímayta:

Mimich mammanic. Yíp jama mammanigap.

⁶ Juuts nimpā jém tungac añeymi, jut jayñeta:

Mich mipanij para itumpiy tiempo.

Da nunca miputpa.

Mijextim juuts jém wiñicpic panij jém Melquisedec.

⁷ Cuando jáy iti yíp naxyucmi jém Jesucristo, tsam inwejpátpa Dios, iwágáypa iga iyaachanjaamiñ. Pimi jypa, agui wejpa cuando iwágáypa jém wiapaap iciacput cuando accaatap. Matónayta jém Cristo porque iccupacpa juuts iñimayñe Dios. ⁸ Mex iga jém Dios iManic, inyuj iga iyaachíypa cuando yaachwattap iga más wiap iwat itumpiy cosa juuts ixunpa Dios. ⁹ Jesic yajum iwat jém Cristo itumpiy juuts ixunpa Dios, jesic wiap iciacputyaj itumpiy jém pixiñtam jém icupicneyajwip. ¹⁰ Dios iccám jém Jesucristo iga cobacpic panij juuts jém Melquisedec.

Acjodónqata iga odoy ichaguiñ jém Dios inmatí

¹¹ Tsam jáyan cosa manañmadaytamtooba de jém Cristo, pero tsam tánca manañmadáy porque mimichtam agui tánca incutiñiyta. ¹² Wiñigam moj incuyujcata jém Dios inmatí. Wiabam idic iga michiyta juuts maestro. Pero sip eybic iñxunpa iga minquejaytaiñ jém añquímayooyi dapic tánca. Como eybic incuyujcatooba jém Dios inquímayooyi dapic tánca, mijex juuts tum tsixi jém iucpáppic leche, jém dapic wiap icút wíccuy. ¹³ Jém iucpáppic leche tum tsixi, jex juuts jém dapic icutiñiyta jém wibic anmatí. ¹⁴ Pero jém wíccuy para jém tsamipic, jém wiapaap icutiñiyta jém añquímayooyi, wiap icipin jup jém wibic y jup jém malopic.

6

¹ Jempigam tanwattámpa hasta tanúcpa juuts tum pixiñ jixiyywip. Da eybic tançuyujcasētpa jém Cristo inquímayooyi jém mojjwip tançuyujca. Da tanatsucumsetpa eybic jém base. Da eybic tançuyujcaaba jutsap tantsac jém wiñicpic costumbre jém taccaapáppic, porque tantsacneum. Da eybic tançuyujcaaba jutsap tançupic Dios porque tançupicneum. ² Da eybic tançuyujcasētpa jutsap icchiniñta jém Dios ipixiñtam, ni jém costumbre cuando jém pastor ichiccunúc ici jém icobacyucmi jém icupicnewip Cristo, ni jutsap icpisayta jém caaneyajwip, ni jém añquímayooyi iga cipiñyajtāp jém pixiñtam y chiitap castigo jém dapic cuyajpa. ³ Jempigam tanwattámpa siiga Dios iwianjam.

⁴ Siiga tum pixiñ ipictson jém wibic juctiantsooca, y ixucneum iga agui wí jém wibic xaja, jém tachiñnewip Dios, y ipictsonneum jém Dios iAnama, ⁵ agui iwianjam jém Dios inmatí y iixñetim iga tsam wí jém Dios ipimi jém miñpáppic tachiiba. ⁶ Siiga eybic cutiñpa jém pixiñ, da eybic wiap ichucum. Da eybic icucacpa jém ijixi. Porque jeeyaj iyaac sip

icunúñyaj cunusyucmi jém Dios iMānic, tsām ixaayiyajpa jém p̄ixiñtam iwiñjom, ⁷ jex juuts jém nas jém iucpáppic tuj. Siiga w̄iputpa jém ñipñibooyi, jesic w̄i para jém p̄ixiñtam jém iyoxacapaap y Dios ichi bendición jém nas. ⁸ Pero siiga chióypa jém ap̄ityaj y jém malopic p̄im, da para ti w̄i. Ichiiba castigo Dios, ocmi nooquettap.

Siiga seguido tan̄cupicpa, da i w̄iap tactsac jém Dios in̄mat̄i

⁹ Pero mex iga manañmadáypa jemp̄ic, mant̄iwitam, mantoytampáppic, anjodon iga michtam iniitta jém más w̄ibic bendición, jém tachiiñew̄ip Dios cuando taciacputpa. ¹⁰ Porque num̄cip̄iñóypa jém tan̄jatun̄ Dios. Jeeyucmi da ijaaman̄notpa titam in̄watneta y iga hasta siip tsām iñyoxpáttampa jém iñ̄t̄iwitam jém icupicneyajw̄ip Cristo porque tsām iñ̄toytámpa Dios. ¹¹ Pero ansuntámpa iga cada tum̄tum de mimichtam seguido in̄w̄iwattámiñ con itump̄iy iñ̄anama hasta jém in̄añpigam jama hasta que iccupacpa Dios titam taj̄ycámayñe. ¹² Da ansunpa iga micutiñ̄atámiñ, pero ansunpa iga in̄wattámiñ juuts jém p̄ixiñtam jém in̄jócyajpáppic titam ij̄ycámayñe Dios. Ip̄ictson̄yajpa porque seguido icupicyajpa iga Dios w̄iap iyoxpát. Iyaach̄iyajpa cuando da jobit cupacpa jém promesa.

¹³ Cuando Dios ij̄ycámayñe jém Abraham, iñ̄imáy: “Ich anyaac man̄jycámáypa anniȳimi iga man̄w̄iwadáypa.” Da i tun̄gac más w̄iapaap, jeeyucmi n̄impa: “Ich anniȳimi.” ¹⁴ N̄impa Dios: “N̄uma, tsām p̄imi man̄w̄iwadáypa. Manchiiba tsām jáyan̄ iñ̄ocman̄ictam.” ¹⁵ Jém Abraham tsām iyaach̄iypa, in̄jócpa hasta que ip̄ictson̄pa titam ij̄ycámayñe Dios. ¹⁶ Cuando jém p̄ixiñtam ij̄ycámpa, n̄imyaj: W̄ijodios porque ijodon̄ iga Dios más w̄iap que jeeyaj y w̄iap ichi castigo siiga da iñ̄uuman̄matpa. Siiga i ichacpa Dios juuts tum̄ testigo iga da migóypa, jesic da ti más w̄iap iñ̄imyaj. ¹⁷ Dios in̄quejáy jém p̄ixiñtam jém ip̄ictson̄yajpáppic jém herencia iga iccupacpa juuts ij̄ycámayñe y da nunca icucacpa ij̄ixi. Jeeyucmi iyaac ij̄ycám iga da migóypa. ¹⁸ It wisten cosa jém dapic cucacpa, con jeam quejpa iga Dios da migóypa. Jeeyucmi tanañ̄támiñ tum̄ w̄ibic maymáypa iganam tanañ̄jócpa iga Dios tayoxpátpa. ¹⁹ Ȳip esperanza ts̄iy juuts ancla para jém tanañ̄ama, w̄icámne iga odoy tantsaguiñ jém Dios in̄mat̄i. Tayoxpátpa iga tanúcpa jém Dios iwiñjom, jém puctuctaañi iweñ̄tan̄, jém sin̄yucm̄ipic mast̄icjom, ²⁰ jut̄ t̄igiyñe jém Jesús por taichtam iga t̄añáyáy jém tun̄. Je ts̄iy juuts tum̄ pan̄ij jém dapic nunca putpa, jextim juuts jém Melquisedec.

7

Jesús cobacpic pan̄ij jextim juuts jém Melquisedec

¹ Ȳip Melquisedec rey de jém attebet Salem, jém yucm̄ipic Dios ip̄an̄ij. Oy jém Abraham iccucaayyaj jém tun̄gac p̄ixiñtam ireyyaj. Jesic cuando set jém Abraham, jém pan̄ij nic ichon̄ tun̄jom. In̄wejpát Dios para jém Abraham iga iw̄iwadáyiñ. ² Cuando icoñw̄iy jém Abraham jut̄ oy añ̄aji, jesic itobáy jém reyyaj im̄ichi. Jesic cuando ipát jém Melquisedec, ichi jém décima parte de itump̄iy jém itopnew̄ip. Jém Melquisedec iñ̄iyi n̄imtooba jém rey jém iw̄iwatpáppic. Ts̄iy juuts rey de Salem, taichtam tanañ̄mat̄imi n̄imtooba jém ijacpáppic jém pleito. ³ Jém Melquisedec da jatun̄ȳi ni da aab̄iy. Datim i ijodon̄ jut̄ tsucum. Da i ijodon̄ juchix nay ni juchix caaba. Jex juuts jém Dios iMānic, da nunca putpa iga pan̄ij.

⁴ J̄istaami iga agui m̄ippic cargo iniit jém Melquisedec. Porque jém tan̄jatun̄wewe jém Abraham ichi jém décima parte de itump̄iy jém itobayñew̄ip jém reyyaj. ⁵ Jém Israelpic pan̄ijyaj, jém Leví iocman̄ictam, iniit jém an̄químayooyi iga ip̄ictson̄yajiñ jém décima parte de itump̄iy jém iniitw̄ip jém it̄iwitam, jém Israelpic p̄ixiñtam. Jeeyaj ijatun̄wewetim jém Abraham. ⁶ Pero jém Melquisedec, mex iga da je jém Leví iocman̄ic, ip̄ictson̄ jém décima parte jém ichīw̄ip jém Abraham. Y ocmi in̄wejpát Dios iga iw̄iwadáy jém Abraham.

Jeetim Abraham jém iwadayñewiip Dios jém promesa. ⁷ Quejpa iga jém ichiipáppic bendición iniit más mijpic cargo que jém ipictsonpáppic jém bendición. ⁸ Yim entre mimichtam, jém ichécpáppic jém décima parte, p̄ixiñtim, caabatim. Pero jut ijaychacne jém Dios inmati, inmatpa de jém Melquisedec juuts tum p̄ixiñ dapic caaba. ⁹ Wiap tanim iga jém Leví con itumpiy iocmanictam, jém panijyaj, ichiijajtim jém Melquisedec jém décima parte jeeti rato cuando jém Abraham ichi jém décima parte. ¹⁰ Cuando jém Melquisedec nic ichon jém Abraham, jextim juuts jém Abraham iniit imijtayyucmi iocmanic jém Leví mex iga danam nayñe.

¹¹ Jém Levitapic panijyaj ichiijaj jém Moisés inquímayooyi jém nación de Israel. Levitapic p̄ixiñtim jém Aarón. Jesic meega jeeyaj wiap mu iwitsagayyaj jém p̄ixiñtam itañca, jém icupicneyajwip jém Moisés inquímayooyi, jesic da tansunpa iga miñpa tungac panij juuts jém Melquisedec y da jex juuts jém Aarón. ¹² Porque cuando cucacum jém panij, tienes que cucapatim jém anquímayooyi. ¹³ Cuando nimpa iga miñpa tungac panij, inmatpa de jém tánomi Jesucristo. Da je levitapic p̄ixiñ. Tungac grupo de jém Israelpic p̄ixiñtam tsucum, jém dapic queman i iccám juuts panij. ¹⁴ Porque tsam tanwijodon iga jém tánomi tsucum de jém tribu de Judá. Jém Moisés da inmat iga tsucumpa panijyaj de jém tribu.

¹⁵ Tsam wiquejpa iga jomipic panij porque jex juuts jém Melquisedec. ¹⁶ Nimpa jém Moisés inquímayooyi iga tsucumpa jém panijyaj de jém levitapic p̄ixiñtam. Pero yip jomipic panij da tsucum juuts nimpa jém anquímayooyi, pero accámta juuts panij porque iniit jém vida jém dapic cuyajpa. ¹⁷ Porque inmatpa así Dios de jém tánomi Jesucristo:

Mich tum mipanij, da nunca miputpa.

Mijex juuts jém Melquisedec.

¹⁸ Jesic jém wiñicpic anquímayooyi cuyajum. Da wiap iyoxpát jém p̄ixiñtam. Da para ti wi. ¹⁹ Yip anquímayooyi da wiap iwitsagáy ni tum p̄ixiñ itañca. Pero sip núcneum tum p̄ixiñ más wiap. Tananúcpa jém Dios iwiñjom.

²⁰ Dios ijycámayñe iga iccám jém iManic juuts panij. ²¹ Jém levitapic p̄ixiñtam cuando accámta juuts panij, Dios da tsíy juuts testigo iga accámta. Pero Dios tsíy juuts testigo iga accámta jém iManic juuts panij. Nimpa así jém Dios inmati:

Tanjatun Dios ijycámáy y da nunca icacsetpa ijixi. Nimpa:

“Sip manaccám juuts tum panij.

Da nunca miputpa.

Mijex juuts jém Melquisedec.”

²² Jeeyucmi tanjodon iga Jesús wiap iccupac jém más wibic trato. ²³ Jém tungacpic panij, jém levitapic, tsam anpicyaj, tsam jáyana. Porque jeeyaj caayajpa, da wiap ichiy seguido juuts panij. ²⁴ Pero Jesús da caaba. Da nunca putpa iga panij, da iccampa tungac.

²⁵ Jeeyucmi wiap iciacputyaj para siempre itumpiy jém icunúcyajpáppic Dios porque icupicneyaj Jesús. Porque je da nunca caaba. Itpa para siempre iga icupujpa jeeyaj Dios iwiñjom.

²⁶ Yicxp̄ic cobacpic panij wiap tayoxpátta porque tsam iwíwatpa, datim táñcaiy, cuáyñe ianama, da jex ijixi juuts jém malopic p̄ixiñtam. Nanicta más yucmi de yip sin hasta jut it jém tanjatun Dios. ²⁷ Da jex juuts jém tungac panij jém levitapic. Jeeyaj iccaaba cada jama jém animat iga iyoyáypa jém p̄ixiñtam itañca. Wiñti iyoypa iyaac jém itañca, ocmi iyoyáypa jém p̄ixiñtam itañca. Pero Jesús tunçiy iyoyáypa jém p̄ixiñtam itañca para siempre cuando ijic iga accaata. ²⁸ Jém wiñicpic anquímayooyi iccám juuts panij tum p̄ixiñ táñcaiywip. Pero más ocmi de jém wiñicpic anquímayooyi, jém tanjatun Dios iccupac juuts ijycámne, iccám iManic juuts panij. Iniit itumpiy jém wibic jixi para siempre.

8

Jém Jesucristo wíap tacupuj

¹ Manañmadáy jempic porque mannímaytamtooba iga tanaitta tum cobacpic panij siñyucmi. Siip coñ jém trono inwimi jut injacpa tanJatun Dios. ² Yíp panij icuyoxap Dios jém wicóm jut it jém Dios ipimi, jém nunta mastic jém iwatnewip Dios. Da jém pixiñtam iwati. ³ Itumpiy jém cobacpic panij accámyajta iga nicpa ichac jém ofrenda y jém sacrificio jém Dios iwiñjom. Jeeyucmi yíp panij tienes que ininicipatim tum ofrenda jém Dios iwiñjom. ⁴ Meega itpa yíp naxyucmi, da wíap ichíy juuts panij porque yim it jém panijyaj, wíap nicpa ichacyaj jém ofrenda juuts nimpa jém Moisés inquímayooyi. ⁵ Yípyaj panijyaj icuyoxayajpa Dios yíp naxyucmicpic masticjom, iforma jex juuts jém nunta mastic jém itwip siñyucmi. Tanjodon iga jex juuts tum cuwiñ porque cuando jém Moisés iwat jém puctucmastic, iñímáy Dios: “Watí juuts jém manañquejayñewip jém cotsicyucmi.” ⁶ Pero siip yíp siñyucmicpic panij ipictson más wibic yoxacuy que jém wiñtipic panij. Siip tacupujpa con jém más wibic trato que jém wiñicpic porque watneta de acuerdo con jém más wibic promesa.

⁷ Meega jém wiñtipic trato tawitsagáy tantánca, jesic da idic tansunpa tungac trato.

⁸ Pero Dios iix iga jém wiñtipic trato da wíap iyoxpát jém pixiñtam. Nimpa jut jayñeta jém Dios inmatí:

Nimpa tanJatun Dios:

Núcpa jama iga anwatpa jém jomipic trato con jém ityajwip jém naxyucmi de Israel y jém naxyucmi de Judá.

⁹ Yíp trato da jex juuts jém anwadayñewip jém ijatunweweyaj jém jama cuando ammatsáy ici iga antopyaj jém naxyucmi de Egipto.

Pero como jeeyaj da iccupacyaj jém wiñtipic trato jém anwadayñewip, jeeyucmi ich antsactim mex jeeyaj, nimpa Dios.

¹⁰ Yíbam jém jomipic trato jém anwatpáppic con jém nación de Israel cuando núcpa jém jama.

Nimpa así jém tanJatun Dios:

Anaccámpa jém ananquímayooyi jém ijixianjom y anjaycámáypa ianamanjom.

Y jém pixiñtam ich aDiosyaj.

Y jeeyaj ich ampixiñtam.

¹¹ Cuando núc jém tiempo, da i inquejáypa jém ivecinojay ni jém itiwitam iga: Ixpici jém tánomi.

Porque itumpiy jém pixiñtam aixpicyajpa jém xutupic y jém mijtampic.

¹² Anwadáypa perdón iga agui imalwatneyaj.

Da nunca anjisáypa jém itánca.

¹³ Cuando Dios inmatpa de tum jomipic trato, quejpa iga dam más tayoxpátpa jém pecapic, da jáyñe iccuyajpa.

9

Jém naxyucmicpic mastic y jém siñyucmicpic mastic

¹ Jém wiñtipic trato iniit jém anquímayooyi jutsap tanjis Dios jém lugar jut it jém Dios ipimi yíp naxyucmi. ² Watta jém puctucmastic con wisten cuarto. Jém wiñtipic cuarto iñiyi jém lugar jut it jém Dios ipimi. Jem it jém nooquejcu y tuncuy, jém mesa y jém caxtánañi jém Diospic imichi. ³ Iweñtan de jém tungac puctuctaañi it jém tungac cuarto iñiyi jém lugar jut núcpa Dios. ⁴ Jem it tum altar de oro jut nootap jém poma. Ittim jém baúl jut tsacta jém wiñtipic trato. Cutsitneta icumij jém baúl con oro. Jém baúljom it

tum xanu de oro jut cotta jém wíccuy, jém maná. Jém baúljom ittim jém Aarón iwaycuy jém anñayñewiip y jém tsaatabla jut jayñeta jém diez anquímayooyi jém wiñtipic trato. ⁵ Jém baúlyucmi it wisten jém sajiywíip, jém querubines. Tanquejáypa iga jemum it Dios. Jemum núcpa jém Dios ichoça. Itimne ixaj, icujimne jém lugar jut tsactap jém sacrificio jut vojaytap jém pixiñtam itánca. Pero siip da i tiempo iga manwianmadáypa itumpiy yípyaj cosa.

⁶ Jesic cuando wítsacne itumpiy cosa así, seguido tigiyajpa jém panijyaj jém wiñtipic cuarto iga iwatyajpa juuts nimpa jém wiñicpic anquímayooyi. ⁷ Pero jém tungac cuarto, no más jém cobacpic panij wiap itigiy. Cada amtiy tigiyapa tunçiy. Da wiap itigiy sin nñipiñ iga iyojpa jém itánca, ocmi iyojáypatim jém pixiñtam itánca. ⁸ Jempigam tanquejáy jém Dios iAnama, iganam it jém wiñtipic puctucmastic, danam quej jém tun hasta jut it jém tanjatun Dios, jém lugar cuáyñewiip. ⁹ Itumpiy yípyaj cosa tsíy juuts tum ejemplo para siip. Jém ofrenda y jém sacrificio jém chiiñetawíip Dios da iñuntawítsagáy jém pixiñtam itánca jém iwatnewiip jém sacrificio iga cuáypa ianama. ¹⁰ Jém sacrificio y jém ofrenda je nada más asunto de wíccuy y níccuy y jutsap icheeyaj imijtay según jém wiñicpic costumbre hasta que Dios icjoomasetpa itumpiy cosa.

¹¹ Pero siip miññeum jém Cristo, jém cobacpic panij. Imñichi itumpiy jém más wibic cosa, jém miñpáppic. Yíp mastic jut yoxap jém Cristo más wíti y más wibic. Da je jém pixiñ iwati, da je yíp naxyucmipic. ¹² Tigiy tunçiy jut it Dios para siempre. Da ininic jém chivo iññipiñ ni jém becerro iññipiñ, pero iyaac ininic jém iññipiñ iga iyojáy jém pixiñtam itánca iga ipictsonyajiñ jém vida jém dapic cuyajpa. ¹³ Jém becerro iññipiñ y jém chivo iññipiñ cuxicstap jém pixiñtam iga cuáyñ jém imijtay. Jém becerra icuyjam, jém noonetawíip jém altaryucmi, cuyintap jém pixiñtam iga cuáyñ jém imijtay. Jém nñipiñ y jém cuyjam iyoxpátpa jém pixiñtam iga cuáyñ jém imijtay según jém costumbre. ¹⁴ Pero más wí jém Cristo iññipiñ. Porque jém Dios iAnama, jém dapic cuyajpa, iyoxpát jém Cristo cuando iyaac nachiiita juuts sacrificio sin tánca. Jém iññipiñ tacujicháyáypa tánanama iga da más tanjísipa jém wiñicpic anquímayooyi, jém dapic tayoxpátpa. Siip wiap tançuyoxa jém vivopic Dios.

¹⁵ Jeeyucmi jém Cristo wiap tacupuj con jém jomipic trato. Ichiiba jém vida jém dapic cuyajpa itumpiy jém icupinneyajwíip Dios juuts ijíycámayñe. Wiap iwat jempic porque accaata iga iyojáy itumpiy jém pixiñtam itánca, jém dapic wiap iwítsac jém wiñtipic trato. ¹⁶ Siiga tum pixiñ iwatpa trato con imaníc iga ichiiba itumpiy jém jeepic imñichi cuando caaba, jesic tienes que ixtap iga caaneum. Ocmi jém imaníc wiap ipictson titam ijíycámayñe. ¹⁷ Tum trato da iniñ ipimi siiga danam caane jém iwatnewiip jém trato. Pero cuando caaneum jém pixiñ, jesic iniñtum ipimi jém trato. ¹⁸ Jeeyucmi accaayajta jém animatyaj iga con iññipiñ iniñidiñ ipimi jém wiñtipic trato. ¹⁹ Cuando jém Moisés yaj inmadáy jém pixiñtam itumpiy jém anquímayooyi, ipic jém becerro iññipiñ con jém chivo iññipiñ, inimot con ni. Ipic jém hisopo inçis, ichen con jém tsabatspic lana, icot nñipiñjom, con jeam icuxics jém toto jut jayñeta jém anquímayooyi. Icuxicstim itumpiy jém pixiñtam. ²⁰ Iganam iwatpa jempic jém Moisés, iñímáy jém pixiñtam: “Con yíp nñipiñ quejpa iga jém trato iniñ ipimi jém Diospic tawadayñe para taichtam.” ²¹ Jém Moisés icuxicstim con jém nñipiñ jém puctucmastic y itumpiy jém traste jut ijísyajpa Dios. ²² Porque nimpa jém wiñicpic anquímayooyi iga casi itumpiy cosa tienes que cuáypa con jém nñipiñ. Siiga da itegáypa jém nñipiñ, jesic da i imatónáypa jém itánca.

Accaata jém Cristo iga tajojáy tantánca

²³ Jeeyucmi ixunpa jém sacrificio iga cuáyñ jém cuwiñ de jém cosa jém itwíip sinjucmi, pero jém sinjucmipic cosa ixunpa más wibic sacrificio que jém watnetawíip

yíp naxyucmi. ²⁴ Jesic cuando jém Cristo tayojáy tantánca, da iwat yíp naxyucmipic masticjom jém iwatnewiip jém pixiñtam. Porque jém puctucmastic nada más tum cuwiñ de jém nunta mastic jém itwiip sinyucmi. Pero tigiy jém Cristo sinyucmi, icunúc jém tanJatun Dios iwiñjom iga tacupuja. ²⁵ Da tigiy jém sinyucmipic masticjom iga iwatpa watciy jém sacrificio juuts jém cobacpic panij iwatpa cada amtij con jém nipiñ dapic imichi. ²⁶ Porque siiga da wiap iwat tunçiy jém sacrificio, jesic tienes que watciy accaatap jém Cristo dende watta yíp mundo. Pero da iwat jempic. Siip cuando núctooba jém iñanpigam jama wiñquej jém Cristo. Iyaac nachiita iga accaata iga iccáyápa jém pixiñtam itánca. ²⁷ Dios ichac iga tunçiy caaba itumpiy jém pixiñtam y ocmi cipiñtap, chiitap castigo jém malopic. ²⁸ Jesanetim tunçiy nachiita jém Cristo iga accaata iga iccáyápa jáyan jém pixiñtam itánca. Ocmi wiñquejpa eybic yíp naxyucmi jém Cristo. Dam miñpa iccáyáy jém pixiñtam itánca, miñpa iciacputyaj jém injócneyajwiip.

10

¹ Jém Moisés inqúimayooyi juuts tum cumuçi de jém wibic cosa jém miñpáppic. Da nunta numa jém cosa jém miñpáppic ocmi, jém anqúimayooyi no más tum cuwiñ. Jém Moisés inqúimayooyi da wiap iwitsagáy jém pixiñtam itánca jém icunúcneyajwiip Dios con jém sacrificio jém iwatyajpáppic cada amtij. ² Meega jém anqúimayooyi wiap iciacput jém pixiñtam, jesic da eybic iwatyajpa jém sacrificio porque una vez witsacnetawum itánca jém iwatneyajwiip jém sacrificio, da más ijampa iga táncaíy. ³ Pero cuando iwatyajpa jém sacrificio cada amtij, ijisyajpa iga táncaíy. ⁴ Porque jém toro iñipiñ y jém chivo iñipiñ da nunca wiap iccáyáy jém pixiñtam itánca.

⁵ Jeeyucmi cuando miñ yíp naxyucmi jém Cristo, iñimáy tanJatun Dios: Mich da inwianjam jém sacrificio ni ofrenda.

Pero anchi jém ammitay iga accaatap.

⁶ Datim inwianjam iga nooquettap jém animat jém altaryucmi ni jém sacrificio iga accáyaytaiñ jém pixiñtam itánca.

⁷ Jesic ocmi anim:

“Yim ait iga anwatpa juuts mich inwianjam, manJatun Dios, juuts jayñeta jém librojom de aich.”

⁸ Wiñti nim jém Cristo iga: “Mich da inwianjam jém sacrificio, ni ofrenda, ni jém animat nooquettapaap jém altaryucmi, ni jém sacrificio iga accáyaytaiñ jém pixiñtam itánca.” Mex jém wiñcipic anqúimayooyi ipimíyapa jém pixiñtam iga iwatyajiñ. ⁹ Ocmi nimitim jém Cristo: “Ich amiñ yim iga anwatpa juuts mich inwianjam, manJatun Dios.” Yíp nimtooba iga Dios iccáyapa jém wiñtipic, iccámpa jém ocmipic. ¹⁰ Cristo ijic iga accaata tunçiy para itumpiy jém pixiñtam. Jeeyucmi Dios tacujicháyáy tánanama.

¹¹ Itumpiy jém Israelpic panijyaj iwatyajpa cada jama jém masticjompic yoxacuy. Seguido iwatyajpa jeetim sacrificio, mex da nunca wiap iccáyáy jém pixiñtam itánca.

¹² Pero jém Jesucristo tunçiy ijic iga accaata iga iyojáy jém pixiñtam itánca para siempre. Jesic ocmi nic coñi jém Dios inwimi. ¹³ Jenum síp injóc hasta que Dios icoñwíyapa jém ienemigoyaj. ¹⁴ Tunçiy chióy imijtay juuts ofrenda iga accaata jém cunusyucmi iga iwitsagáy jém pixiñtam itánca iga iccáyáy iñanama para siempre. ¹⁵ Jém Dios iñanama tanmadáytim jempic porque nimpa:

¹⁶ Ocmi ich anwatpa tungac trato con jeeyaj cuando núcpa jém tiempo.

Nimpa Dios:

Anaccámpa jém ananqúimayooyi jém pixiñtam iñanamanjom.

Anjaycunúcpa ijixianjom.

17 Nĩmtim Dios:

Da nunca anjĩsáypa jém pĩxiñtam itán̄ca, da nunca anjĩspa iga agui imalwatne.

18 Cuando tawadayñetawum perdón jém tantán̄ca, da eybic ixunpa Dios iga tanwatpa sacrificio iga tanyojpa jém tantán̄ca.

Wĩ iga tan̄cunúctamiñ Dios

19 Jeeyucmi mantiwitam, siip da taciñpa. Wiap tantigiy jém Lugar Cuáyñewiip, juť it Dios, porque jém Jesucristo itegáy iñĩpiñ para taichtam. 20 Siip tanait jém jomipic tun, jém vivopic, juť wiap tantigiy juť it Dios. Porque Cristo íngáy jém puctuctaani iga wiain̄ tannas jém iweñtan̄. Jém puctuctaani nimtooba jém Cristo imijtay cuando accaata. 21 Tanait tum mijpic tampanij, jém cobapic, injacpa jém Dios iticmi icutero. 22 Jeeyucmi wiap tan̄cunúcta Dios con tum wibic tán̄anama, tannuntawicupicpa Dios. Tacujicháyayñetawum tán̄anama iga da más tanjĩspa jém tantán̄ca. Tacutseayñetawum jém tammijtay con jém wibic ni. 23 Seguido tananjóctámpa iga Dios taciacputtámpa. Da tantsactámpa iga tan̄cupictámpa porque Dios iccupacpa juuts tajycámayñe. 24 Wĩ iga tammétstamiñ jutsap tanayoxpáttamtā con jém tantiwitam iga tanatoytamtaiñ, iga tawiwadaytamiñ i quej. 25 Da tantsactámpa iga tan̄tuumatámpa con jém tantiwitam juuts iwatyajpa algunos jém dapic an̄tuumayajpa. Wĩ iga tananquĩmtamtap iga tan̄wattamiñ juuts ixunpa Dios y más siip porque quejpa iga dam̄ jáyñe miñpa jém tán̄omi.

26 Siiga in̄wianjam iga seguido in̄watpa tán̄ca cuando in̄wijodon̄ jém numapic an̄quĩmayooyi, dam̄ i tun̄gac sacrificio iga miyojáypa iñtan̄ca. 27 Tsíy no más jém mijpic castigo jém tsampic iyaachwatpa ienemigoyaj juuts ijycunúcne Dios, yajpa iccucaáy jém juctjom̄ jém aguiptic yótpa. 28 Wiñigam siiga tum pĩxiñ da iwatpa juuts nimpa jém Moisés in̄quĩmayooyi, siiga it wisten o tucuten testigo iwiñpacchiiba, jesic jém pĩxiñ accaatap, da i iyaachanjampa. 29 Jĩstaami iga tsam̄ mijpic castigo ichiiba Dios tum pĩxiñ siiga nimpa iga da ti cuwatcuy jém Dios iManic, y siiga tsam̄ ijóyixpa jém Cristo iñĩpiñ de jém jomipic trato, jém iccuáyñewiip jém pĩxiñ íanama. Chiitaptim mijpic castigo siiga i imalnímáypa jém Dios íAnama jém tan̄quejaypáppic iga tsam̄ tayaachanjampa Dios. 30 Tánixpicpa jém nimnewiip: “Ich anait derecho iga antségáypa jém malopic pĩxiñtam itán̄ca, ich anacyojpa iga imalwatyaj.” Nĩmtim: “Dios icĩpiñpa jém ipĩxiñtam.” 31 Cĩñi iga micutiñpa jém vivopic Dios icijjom̄.

32 Pero jĩstaami jém jama jém nasnewiip cuando mimichtam yaguiñ impictson̄ta jém juctiant̄soca. Tsam̄ micutitstamtā. Iñyaachiyta cuando iññascata jém mijpic yaachaji. 33 Algunos de mimichtam tsam̄ mimalnímaytam̄ta y mimalwadaytam̄ta jém pĩxiñtaman̄jom̄. Miwagayaachatim con jém ínamigoyaj cuando iñascayaj jem̄pic. 34 Mimichtam, tsam̄ iñyaachanjamtā jém pajneyajtaw̄ip. Da minyácneta cuando miccáyaytā jém iñtic o itumpiy jém iniitw̄ip, numa agui mimaymaytam. Porque in̄jodon̄tam iga iniifta jém tsam̄ w̄itampic cosa sin̄yucmi jém dapic nunca cuyajpa. 35 Mimichtam tsam̄ iñjĩspa iga Dios wiap miyoxpát, jesic odoy tsaci iga iñjĩspa jem̄pic porque siiga seguido iñjĩspa jem̄pic, impictson̄ta tum wibic coñwiyooyi. 36 Yaachiytaami iga in̄wattámpa juuts ixunpa Dios iga impictson̄támpa titam tajycámayñe. 37 Nimpa jém Dios in̄mat̄i:

Da jáyñe miñpa jém miñpáppic.

Da tán̄caap.

38 Jém an̄wĩtsagayñewiip itán̄ca iniit̄ jém vida porque acupicne, nimpa Dios.

Pero el que ichacpa iga acupicpa, aich da an̄wianjam.

39 Pero taichtam da tajex juuts jém setpáppic ituuñan̄c̄im, jém nicpáppic juť ipictson̄pa jém castigo. Taichtam seguido tan̄cupicpa Dios iga da togoypa jém tán̄anama.

11

Jém wiñicpic p̄ixiñtam jém tsampic icupicyajpa Dios

¹ Siiga tanait fe, tan̄cupicpa Dios, tannuntawijod̄on̄ iga tampictson̄pa titam tananjócne. Tanjod̄on̄tim iga numa tachiiba Dios jém cosa jém dapic tánixñe. ² Jempictim iwatyaj jém wiñicpic p̄ixiñtam, Dios iwixyay porque tsam icupicyaj.

³ Como tanait fe, tanjod̄on̄ iga Dios iwat itumpiy cosa jém itw̄ip naxyucmi y sinyucmi. Ip̄imiy iga idiñ, jesic itum. Dios ipic jém cosa jém dapic i wiap iix iga iwatpa jém cosa jém wiapaap tánix.

⁴ Como tsam iniit fe, jém Abel agui icupic iga Dios wiap iyoxpát, jeeyucmi ichi más wibic ofrenda que jém ichiwiip jém Caín. Quejpa iga wibic p̄ixiñ porque Dios iwipictson̄áy jém iofrenda. Mex caane jém Abel, hasta sip̄ inmatpa iga tsam icupic Dios.

⁵ Como tsam iniit fe, jém Enoc icupic Dios. Siwiñ nanicta, da ca. Dam i ipát porque Dios ininic. Nim jém Dios inmat̄i: “Antes que nanictap̄ jém Enoc, iwat juuts Dios ixunpa.”

⁶ Pero da i wiap iwat juuts ixunpa Dios siiga da iniñ fe, siiga da icupicpa iga Dios wiap iyoxpát. Jém icunúcp̄apic Dios tienes que icupicpa iga it, y iga Dios ichiiba jém wibic coñwiyooyi jém p̄ixiñtam jém imétsyajp̄apic.

⁷ Como tsam iniit fe jém Noé, cuando Dios icjod̄on̄a iga miñpa jém cosa jém dapicnam queman tánix, como tsam c̄in̄, iwat tum barco iga iciacputyajpa jém iyomo y jém ichixtam. Con jeetim fe, jém iniitw̄ip jém Noé, ichiiba castigo itumpiy jém ityajw̄ip yip̄ naxyucmi. Jeeyucmi Dios ipictson̄ jém Noé juuts tum wibic p̄ixiñ porque icupic iga Dios wiap iyoxpát.

⁸ Como tsam iniit fe jém Abraham, cuando inwejay Dios, icupic, nic tum lugar jut̄ Dios ijycámayñe iga ichiiba. Put de jém iticmi, aunque da ijod̄on̄ jut̄ nicpa. ⁹ Como tsam iniit fe jém Abraham, nic iti como tum juumipic p̄ixiñ jém tungac naxyucmi jém Diospic ijycámayñe. Jáy iti con jém Isaac y Jacob jém puctucticjom̄. Jeeyaj ipictson̄yajtim̄ jeetim̄ promesa. ¹⁰ Porque jém Abraham tsam injóc̄pa jém atebet jém w̄iwatnew̄ip, jém iniitw̄ip wibic base, jém arquitecto y jém iwatnew̄ip Dios mismo.

¹¹ Como tsam iniit fe jém Sara, icupicpatim. Tsami jém yomo, nasneum it tiempo iga manigíȳpa, pero Dios iyoxpát iga manigíȳñ. Icnay tum jaychixi porque icupic iga Dios iccupacpa juuts ijycámayñe. ¹² Jém Abraham tsam w̄idaya, caatoobam, pero núc iga iniit tsam jáyan̄ imanictam juuts jém matsa, jém itw̄ip sinyucmi, y juuts jém pooy, jém itw̄ip jém lamar an̄naca, da wiap tammay.

¹³ Itumpiy jém wiñicpic p̄ixiñtam, jém icupicneyajw̄ip Dios, caayaj. Da iixyay jém promesa jém ijycámayñew̄ip Dios iga ichiiba. Pero como tsam iniit fe, icupicyaj, juumi iixyay jém promesa. Tsam maymayyaj cuando iixyay iga miñpa. In̄imayyaj iga: “Ich da ȳimpic ap̄ixiñ. Ich juuts awidañaxi yip̄ naxyucmi.” ¹⁴ Cuando n̄imayj jempic, tsam w̄iquejpa iga imétsyajpa tungac nas jém im̄ch̄ipic. ¹⁵ Meega ijisyaj jém naxyucmi jut̄ tsucumyaj, wiap ixetyaj eybic jem̄ic. ¹⁶ Pero ixunyajpa tum wibic naxyucmi, tum sinyucmipic lugar. Jeeyucmi da tsaap jém tan̄jatun̄ Dios cuando n̄impa: Michtam an̄Dios. Porque iw̄itsagay tum atebet para jeeyaj.

¹⁷ Como tsam iniit fe jém Abraham, cuando cutitsta, inimiñ jém Isaac iga iccaaba juuts tum sacrificio. Iccaaba idic jém tumpic iman̄ic mex Dios ijycámayñe iga nay jém ts̄ixi. ¹⁸ N̄imayta jém Abraham iga por medio de jém iman̄ic Isaac, tsam an̄picpa jém imman̄ictam. ¹⁹ Jém Abraham iw̄ijod̄on̄ iga Dios wiap icpis jém caaneyajw̄ip. Y como da ijic Dios iga iccaaba jém iman̄ic, wiap tanim iga jém Abraham eybic ipictson̄ iman̄ic juuts tum acpisnetaw̄ip de jut̄ it̄ jém caaneyajw̄ip.

²⁰ Como tsam iniit fe jém Isaac, icupic iga Dios wiap iyoxpát. Jeeyucmi ijycámáy iman̄ictam jém Jacob y Esaú iga núc̄pa jama iga iw̄iwadáypa Dios. ²¹ Como tsam iniit fe

Jém Jacob, icupic iga Dios wiap iyoxpát. Cuando caatooba ijycámáypa cada tumtum jém José imanictam iga iwíwadáyíñ Dios. Teñchucum con ibaston jém wídaya iga inwejpátpa Dios. ²² Como tsam iniit fe jém José, icupic iga Dios wiap iyoxpát, jesic antes que caaba inímáy jém Israelpic pixiñtam iga ocmi putyajpa jém naxyucmi de Egipto. Pimiyajta iga itajquímáyíñ ipac cuando putyajpa.

²³ Como tsam iniit fe jém Moisés ijatun con iapa, icupicyaj iga Dios wiap iyoxpát. Cuando nay jém tsixi, inec tres meses porque iix iga tsam wibic tsixi. Da icinyajpa jém orde, jém reypic ichiñe. ²⁴ Como tsam iniit fe jém Moisés, icupic iga Dios wiap iyoxpát, jesic cuando pixiñtam, da ijic iga imanigap jém Faraón iyommanic. ²⁵ Más iwianjam iga yaachwattaiñ con jém Dios ipixiñtam que iga maymáypa tum rato iga iwatpa juuts iwianjamyaj jém malopic pixiñtam. ²⁶ Ijis iga vale más iga yaachwattap jém Cristo icuyucmi que iga ipictsonpa itumpiy jém riqueza jém itwip Egipto porque iix tum tsam wibic coñwyooyi jém Diospic ichiiba. ²⁷ Como tsam iniit fe jém Moisés, icupic iga Dios wiap iyoxpát, jeeyucmi put de jém naxyucmi de Egipto. Da icin jém Egiptopic rey iga agui jóyñe. Seguido iwatpa juuts inímáy Dios, juuts jesic iixñe jém Dios jém dapic tánixpa.

²⁸ Como tsam iniit fe jém Moisés, icupictim iga Dios wiap iyoxpát. Iwat jém pascuasín. Ipiimiy jém ipixiñtam iga icuxicsyajpa jém tic ipuerta con nipiñ iga cuando naspa jém sinyucmic pixiñ, jém accaoypaap, da iccaaba ni tum jém Israelpic pixiñ icoponmanic. ²⁹ Como tsam iniityaj fe jém Israelpic pixiñtam, icupicyaj iga Dios wiap iyoxpát. Widanjacyajpa jém tsabats lamar juuts titsinaxyucmi. Pero cuando jém Egiptopic pixiñtam nasyajpa idic, jemtum jicjicayaj.

³⁰ Como tsam iniityaj fe, jém Israelpic pixiñtam icupicyaj iga Dios wiap iyoxpát, jesic siete jama icuwitxetyaj jém atebet Jericó, ocmi cujegáy jém tsaataañi. ³¹ Como tsam iniit fe jém yomo Rahab, jém pejoypáppic idic, icupic iga Dios wiap iyoxpát. Da iwaganaca jém dapic icupicyaj, porque inec jém wisten jém Israelpic pixiñ jém icuixyajwip jém naxyucmi de Canaán.

³² ¿Ti más wiap annim? Da anaj tiempo iga anañmatpa de jém Gedeón, jém Barac, jém Sansón, jém Jefe, jém David, jém Samuel y jém wiñicpic profetayaj. ³³ Como tsam iniityaj fe, icupicyaj iga Dios wiap iyoxpát. Jesic iconwiyaj jém tungac naxyucmi, iwianjacyaj jém Dios ipixiñtam, ipictsonyaj jém promesa jém ijycámayñewip Dios, inñuc jém can ijip. ³⁴ Icpich jém jucti jém tsampic yótpa, ciiputyaj iga accaayajtap con jém espada, chiita pimi jém dapic iniñ ipimi, tsam iniityaj ipimi cuando áñayajpa, ichicpoypa jém soldado jém tungac naxyucmic. ³⁵ Algunos jém yomtam ipictson eybic imanic jém caanewip idic, acpisyajtawum.

Tungac jém Dios ipixiñtam matsta, tsam yaachwatta hasta accaata algunos. Y como da inñepa iga icupicpa Dios, da icutsigáypa. Iwatpa así iga ipictsonyajpa tum más wibic vida cuando pisyajpa jém caaneyajwip. ³⁶ Tungac más tsam saayitá, tsam cótsta, tsenta con cadena, cotta cárcel. ³⁷ Tungac tsaanáscata, wiganajta icucmi con sierra, accaata con espada. Algunos oyyaj yim jeexic. Iccámneyaj jém borrego icuero y jém chivo icuero. Tsam yaachayaj. Tsam yaachwatta. Agui anyácneyaj iga tsam malwadayta. ³⁸ Yip pixiñtam vale más jém Dios iwiñjom que jém dapic icupicyajpa Dios. Jáy siiyaj jém titsinaxyucmi y jém cotsiganjo. Ityaj jém tsaajosjom y jém nasjosjom. ³⁹ Ni tum de jeeyaj da ipictson jém ijycámayñewip Dios mex icupic iga Dios wiap iyoxpát porque tsam iniityaj fe. ⁴⁰ Porque Dios tajispatim taichtam iga tachiiba tum más wibic cosa. Da iwíwadáypa jeeyaj hasta que tawíwadáypatim taichtam con jeeyaj.

12

Cotstap jém Dios imanictam iga más iwíwatyajiñ

1 Jeeyucmi w_i iga tantsacpa jém tantánca jém tsámpic tacmalwatpa. W_i iga tanyaachíyíñ itumpiy cosa iga tanwattámpa juuts ixunpa Dios porque tánix iga jáyan jém wiñicpic pixiñtam agui icupicneyaj iga Dios w_iap iyoxpát juuts tacuwoyxetne jém ucsi. 2 W_i iga tánámmatspa jém Jesús jém tachiipáppic jém fe. Tsám tayoxpát cuando moj tancupic Dios y seguido tayoxpátpa hasta tanaccupacpa. Tsám maymay jém Jesús iga yaachwatta cunusyucmi porque ijodon iga asíam icoñwíyppa jém ienemigoyaj. Da tsaap iga accaata juuts tum malopic pixiñ. Ocmi nic coñi jém Dios itrono inwimi. 3 Jistaami iga agui iyaachiy jém Jesús cuando iyaachwatyaj jém malopic pixiñtam. Jeeyucmi mannímáyppa: Odoy sopstaami iga inwattámpa juuts ixunpa Dios, odoy tsactaami iga incupicpa Dios. 4 Numa tsám pími mínatámpa contra jém tánca, pero hasta siip danam mictegáy iññipiñ. 5 ¿Que iñjaamanotneta iga Dios minquím juuts mimanic? Nimpa así jém Dios inmati jut jayñeta:

Mammanic, odoy jóycaí cuando micótspa jém injatun Dios.

Yaachiyi cuando michiiba castigo iga incupiguiñ.

6 Porque jém tanjatun Dios inuumanquímppa jém itoyyajpáppic.

Ícótspa itumpiy jém ipictsonpáppic juuts imaníc.

7 Yaachiytaami mimichtam cuando iññascaaba jém yaachaji. Asíam minquejáyppa Dios iga inwíwadiñ. Miwixpa Dios juuts tum mimanic. ¿Que it tum tsixi da icótspa ijatun?

8 Pero siiga Dios da micótspa juuts iññascaaba itumpiy jém imanictam, jesic da je Dios mimanic. Michíyppa juuts mipejpen. 9 Yip naxyucmipic tanjatun tacótspa, pero da tajóyppa, tanwixpa. Jesic más w_i iga tancupicpa jém anjatun Dios jém dapic tánixpa, jesic tanaitpa jém vida. 10 Yip naxyucmipic tanjatun tacótspa tum rato juuts je iwianjam. Pero jém tanjatun Dios tacótspa iga tayoxpátpa iga tanwíwattámiñtim juuts iwatpa je iga da tatáncaíyppa. 11 Numa tum pixiñ da iwianjam cuando cótstap. Jeeti rato tsám toypa. Pero ocmi siiga tancupicpa, tayoxpátpa iga tanwíwatpa, agui tamaymay.

Da w_i tanimpa iga da para ti w_i jém Dios inmatí

12 Chii pími jém inci jém sopsnewip. Chii pími jém incoso jém dapic cámpa iteñ.

13 Numtsaci jém tun jut miwittámpa, jesic jém cuxujpic idic da putpa tunjom, pispa.

14 Wadaayi caso iga inwinanigáyppa itumpiy jém pixiñtam. Seguido wíwati juuts ixunpa Dios porque jém dapic iwíwatpa da iixpa tanjatun Dios. 15 Nawattaji cuenta iga odoy inchaguiñ jém wibic anmati iga Dios tayaachanjampa y tayoxpátpa. Odoy tsíyí ni tum de mimichtam juuts tum tichic tsámpic tam jém inayi. Imalwadáyppa jáyan jém ityajwip jem. 16 Ni tum de mimichtam odoy pejoytaami ni odoy yamtsaayaji tum woñi. Odoy jóyixi jém Diospic imichi juuts iwat jém Esaú. Por tum chima wíccuy icucac jém herencia jém imichipic idic. 17 Michtam inwijodontam iga cuando jém Esaú ipictsontooba titam ichiiba idic jém ijatun, da i ichi. Mex tsám wej jém Esaú, dam wíwí icucac ijixi iga imalwat.

18 Mimichtam da incunúcta jém cotsic jém wíapaap tantsic juuts icunúcyaj jém Israelpic pixiñtam. Agui yótpa jém jucti, cupiicha. Ocmi más pími piichi, agui pími poypa jém sawa. 19 Mimichtam datim immatonja jém trompeta injiyi ni jém Dios ijyí. Jém imatonjaywip icunucsayyaj iga odom más jiyiñ. 20 Da wíap iyaachiyay titam inímáy Dios. Nímayyajta: “Siiga tum pixiñ ichicpa jém cotsic o tum animat, jesic nácscataami tsaami o tipcatañ con capi.” 21 Tsám pími ichiganjéc jém Moisés cuando iix. Tsám cinpa. Nimpa: “Tsám pími acin hasta acuetsáyppa.”

22 Pero, mimichtam, incunúctetámum jém cotsic Sión, jém vivopic Dios iattebet, jém sinyucmipic Jerusalén, jut antuumaneyaj tsám jáyan mil jém sinyucmipic pixiñtam 23 iga icujípyajppa Dios. Incunúctetámum jut antuumaneyaj jém Dios imanictam jém icupicneyajwip Jesucristo jém accámayñeyajwip iñiyi sinyucmi. Incunúctetámum jém tanjatun Dios,

jém ic̄ip̄in̄páppic itump̄iy p̄ixiñtam, y hasta jūt it jém wib̄ic p̄ixiñtam ianamayaj jém iw̄itsagayñeyajw̄ip Dios. ²⁴ In̄cunúcn̄etámum jém Jesús jém tacupujpáppic con jém jom̄ipic trato, y jém iñ̄ipiñ jém tacuáyñew̄ip. Tsam w̄i quejpa iga más w̄i que jém Abel iñ̄ipiñ.

²⁵ Mimichtam, cup̄ictaami titam tan̄madayta Dios, odoy jóyixi. Porque siiga da c̄ip̄utyaj jém wiñ̄icp̄ic p̄ixiñtam cuando an̄madayyaja yíp naxyucmi, jesic mucho más mimichtam da mic̄ip̄uttámpa siiga da immatontámpa cuando Dios mij̄iyaytámpa dende sin̄yucmi.

²⁶ Wiñ̄igam cuando jiypa Dios, agui tsigóypa jém nas. Pero siip̄ ijycámne, n̄impa: “Eȳbic anactsigóypa jém nas, pero da solamente jém nas, anactsigóypatim jém siñ̄.”

²⁷ Cuando n̄impa: “Eȳbic anactsigóypa”, tan̄cut̄iȳiypa iga Dios iccáypa jém tsigoypáppic, jém iwatnew̄ip Dios, ichacpa jém cosa jém dap̄ic tsigóypa. ²⁸ Tatigiytámpa jūt injacpa Dios jūt da ī ictsigóypa, jeeyucmi tanchiitámpa gracia Dios. Tan̄jístámpa Dios juuts je iw̄ianjam. Tantoytámpa y tan̄c̄iñtámpa. ²⁹ Jém tan̄jatun̄ Dios je tum̄ mij̄pic jucti, nooquedóypa.

13

Ti iw̄ianjam Dios iga tan̄watpa

¹ Odoy tsaci iga minitoytamtap con iñ̄t̄iwitam. ² Odoy jamnooti iga in̄w̄ipictson̄pa jém miñ̄yapáppic juumi. Acwíctaami. Jemp̄igam algunos ipictson̄yaj jém sin̄yucm̄ipic p̄ixiñtam mex iga da ijodon̄.

³ J̄istaami jém presoyaj juuts miwagapajnet̄a con jeeyaj. J̄istaami jém malwadayñet̄aw̄ip porque mimichtam inīttim jexp̄ic mij̄tay. Wiap̄tim iñ̄n̄asca jemp̄ic.

⁴ Itump̄iy jém an̄coomyñeyajw̄ip w̄i iga nap̄icyajtap y da imalwatyajpa. Pero Dios ichiiba castigo jém ichayapáppic tungac yomo y jém pejoypaap.

⁵ Odoy cusúniyi jém tumiñ. Maymáyāi con titam iniit̄ siip̄ porque n̄impa Dios: “Da nunca mantsacpa iga manyoxpátpa. Da nunca michiypa in̄cutum.” ⁶ Wiap̄ tanim: An̄wijodon̄ iga Dios ayoxpátpa.

Da ti an̄c̄iñpa.

Da ī wiap̄ amalwadáy.

⁷ J̄istaami ti iwatyaj jém pastoryaj, jém min̄madayñew̄ip jém Dios in̄mat̄i iga tsam iw̄iwatyaj y tsam iniityaj fe. Jemp̄ictim w̄icup̄ictaami mimichtam iga Dios wiap̄ miyoxpátpa.

⁸ Jém Jesucristo da cucacpa. Jeetim matic, jeetim yíp jama y jeetim itump̄iy tiempo.

⁹ Odoy j̄ici iga ī mimigóyáypa iga min̄quejáypa tungac an̄químayooyi dap̄ic jex juuts jém imp̄ictson̄new̄ip. Más w̄i iga ipimchiiba iñ̄anama jém Dios itóyooyi que iga tan̄cútpa jém w̄iccuy juuts n̄impa jém wiñ̄icp̄ic costumbre. Porque jém costumbre da tayoxpátpa iga tan̄watpa juuts ixunpa Dios.

¹⁰ Taichtam tanaít tum̄ altar jūt tsact̄a jém ofrenda, jém dap̄ic wiap̄ icútyaj jém yoxapáppic yíp naxyucm̄ipic masticjom. ¹¹ Jém cobacp̄ic pan̄iyaj icotyaj jém animat̄ iñ̄ipiñ jém cuarto jūt it Dios. Ichiiba juuts tum̄ ofrenda iga iccáyáypa jém p̄ixiñtam itán̄ca. Pero jém animat̄ im̄j̄tay noaytap an̄sicmi de jém atebet. ¹² Jextim jém Jesucristo tsam yaacha, accaatā an̄sicmi de jém atebet iga iccáyáy jém p̄ixiñtam itán̄ca con jém iñ̄ipiñ. ¹³ Jesic tan̄ictámpa an̄sicmi de jém atebet jūt it Jesús iga tayaachwattam̄tañ̄.

¹⁴ Porque yíp naxyucmi da tanaí tum̄ atebet jém dap̄ic cuyajpa. Pero tananjóctámpa jém atebet jém miñ̄páppic ocmi. ¹⁵ Jeeyucmi w̄i iga seguido tan̄cujíptámpa Dios por medio de Jesucristo. Cuando tan̄cujíppa Dios jex juuts tanchiiba tum̄ sacrificio. ¹⁶ Odoy jamnooti iga in̄w̄iwadáyapa jém iñ̄t̄iwitam iga iñ̄yoxpátyajpa con titam iniit̄. Siiga in̄watpa así jex juuts tum̄ sacrificio jém iw̄ianjampáppic Dios.

¹⁷ Cup̄ici jém pastoryaj jém min̄madaypáppic jém Dios in̄mat̄i. J̄ici iga min̄jacpa porque Dios iccám juuts tum̄ an̄jagooyi iga miwadáyapa cuenta jém iñ̄anama. Núcpa jama iga Dios

ic̄ip̄in̄pa jém pastor siiga iw̄ian̄jacne. Jesic maymay jém pastor siiga w̄iap̄ iñímáy Dios iga in̄w̄iwatne. Pero siiga da in̄w̄iwatne, jesic anyácpa jém pastor. Siiga da in̄cup̄icpa, jesic datim w̄i para mimich.

¹⁸ An̄wejpátaami Dios para aichtam. An̄wijodontam iga da s̄ip̄ ammalwat. Siempre an̄watpa juuts t̄um w̄ibic p̄ixiñ. ¹⁹ Mañcunucsáypa iga in̄in̄wejpáttámiñ Dios para aich iga Dios ijícpa iga da jáyñe asept̄a eyb̄ic j̄ut̄ miitta.

An̄quím̄yajt̄a jém p̄ixiñt̄am

²⁰ S̄ip̄ Dios jém tachiiñew̄ip̄ jém w̄ibic j̄ixi tán̄anaman̄jom, jém ic̄pisnew̄ip̄ tán̄omi Jesucristo de j̄ut̄ it̄ jém caaneyajw̄ip̄, je jém mījpic pastor, tawatpa cuenta juuts tabor-rego, itegáy iñ̄ipiñ iga tawadáy jém j̄omip̄ic trato jém dap̄ic cuyajpa, ²¹ ȳiptim Dios miyoxpáttámpa iga michíyñ juuts t̄um w̄ibic mip̄ixiñ iga da ti mitogóyáypa. Jesic w̄iap̄ in̄wat it̄ump̄iy cosa juuts je ixunpa por medio de Jesucristo jém tañcujíptampápic siempre. Amén.

²² Mant̄iw̄itam, mañcunucsáypa iga yaach̄iyi iga manan̄químpa con ȳip̄ an̄m̄ati, porque da juchañ manjáyáy ȳip̄ toto. ²³ Jodón̄aji iga jém tant̄iw̄i Timoteo cutsigayñet̄awum. Siiga jobittim núcpa ȳim̄ an̄wagananicpa cuando nicpa mánámta mimichtam.

²⁴ Dioschitaami it̄ump̄iy jém pastor jém miñmadayt̄ampápic jém Dios in̄m̄ati y it̄ump̄iy jém tant̄iw̄itam jém icup̄icneyajw̄ip̄ Cristo. Jém miññeyajw̄ip̄ de jém naxyucmi Italia micutsadayt̄ampa w̄ati Dios.

²⁵ Dios miw̄iwadayt̄amiñ iñt̄ump̄iytam. Amén. Jemum cuyaj.

²² Wattaami juuts nĩmpa jém Dios inĩmati. Siiga no más inĩxajamatõpa y da iniccupacpa juuts nĩmpa jém Dios inĩquĩmayooyi, jesic inĩyaac minimĩgõyaytap. ²³ Siiga tum pĩxiĩ imatõpa jém Dios inĩmati, pero da iwatpa juuts nĩmpa jém Dios inĩquĩmayooyi, jesic jém pĩxiĩ jex juuts tum pĩxiĩ iámpa iwiĩpac tum tescatjom. ²⁴ Iámpa juuts jém iwiĩpac, jesic ocmi iccáypa jém tescat, jeeti rato ijaamañnotpa juuts jém iwiĩpac. ²⁵ Pero siiga tum pĩxiĩ seguido iámpa jém wibic añquĩmayooyi, jesic da ijaamañnotpa, seguido iwatpa juuts nĩmpa jém añquĩmayooyi. Jesic jém pĩxiĩ tsam wĩitpa. Yĩp añquĩmayooyi tactsacpa iga tammalwatpa.

²⁶ Siiga tum pĩxiĩ nĩmpa iga icupicpa jém Dios inĩmati, pero da wiap ichac iga migõypa y malnĩmpa, jesic namĩgõyaytap iyaac jém pĩxiĩ. Da ti cuwatcuy jém ireligion. ²⁷ Jém iniiwĩp jém wibic religiõn, jém dapic tãncay Dios iwiĩjom, iyõxpátpa jém yuctucuyaj y jém cunoyayaj jém yaachayajpáppic. Nawattaptim cuenta iyaac iga odoy imalwadiĩ juuts jém malopic pĩxiĩtam, jém imalwatyajpaap, jém ityajwĩp yĩp naxyucmi.

2

Wixi itumpiy jém pĩxiĩtam

¹ Mantĩwĩtam, siiga numa inĩcupictámpa jém tánõmi Jesucristo jém itwĩp siñyucmi, jesic odoy nejatõyooyi. ² Siiga tigiyapa tum pĩxiĩ jut inĩwattámpa culto agui wĩcuyajne, iccámne tum cucuma de oro y tigiyapatim tum pĩxiĩ tsam pobre, da wĩcuyajne, ³ jesic siiga inĩwĩpictõpa jém pĩxiĩ jém wĩcuyajnewĩp y inĩĩmáypa: “Mĩni micoñi yĩm jut wĩcom.” Pero inĩĩmáypa jém pobrepic: “Mich jemum teñi o coñi yĩm naxyucmi.” ⁴ Siiga inĩwattámpa así, jesic quejpa iga miñejatõyõypa. Michiy juuts jém malopic juez jém dapic cĩpĩjõypa parejo.

⁵ Mantĩwĩtam mantoytampáppic, matõntaami. Tanjatun Dios icupin jém pobreyaj yĩp naxyucmi iga ichiiba jém siñyucmĩpic riqueza cuando icupicyajpa Jesucristo. Dios ijycámayñe iga ichiiba jém derecho iga nicpa iti con Dios itumpiy jém tsampic itoyyajpa. ⁶ Pero mimichtam inĩchaawatta jém pobreyaj. ¿Que da inĩjõdõntam iga jém ricopic pĩxiĩ mitobáyáypa jém michpic immĩchi, pĩmĩmi mininicpa jém añjagooyicim? ⁷ Yĩptim rico tsam imalnĩmáypa jém tánõmi Cristo inĩyi, mimichtam inĩyĩtim.

⁸ Jém más mĩppic añquĩmayooyi, jém jayñewĩp jém Dios inĩmati, nĩmpa iga: “Toyĩ inĩwĩ juuts minitoytap inĩyaac.” Siiga numa inĩwatpa juuts nĩmpa jém mĩppic añquĩmayooyi, jesic sĩp inĩwĩwat. ⁹ Siiga miñejatõyõypa, jesic sĩp inĩwat tãncã. Inĩwatpa contra jém Dios inĩquĩmayooyi. ¹⁰ Siiga tum pĩxiĩ iwatpa juuts nĩmpa itumpiy jém Moisés inĩquĩmayooyi, pero tum punto da iccupacpa, jesic iniĩftim la culpa jextim juuts iga iwatpa acontra itumpiy jém añquĩmayooyi. ¹¹ Jém nĩmnewĩp iga: Odoy pejooyi, nĩmtim iga: Odoy accaoyi. Siiga da mipejõypa, pero miccaõypa, jesic mitãncaytim. Inĩwatnetim acontra jém Dios inĩquĩmayooyi. ¹² Siempre añmattaami jém añmati dapic malo. Wĩwattaami porque inĩjõdõntam iga Dios tacĩpinpa con jém tánõmi Cristo inĩquĩmayooyi. Yĩptim añquĩmayooyi tactsacpa jém malopic jixi. ¹³ Tanjatun Dios da iyaachanjampa jém pĩxiĩtam jém dapic iyaachanjamyajpa jém itĩwĩtam, icĩpinpa y ichiiba castigo. Pero jém iyaachanjampáppic jém itĩwĩtam, da ti icĩpa cuando nũcpa jém hora iga cĩpĩjõypa Dios porque je iyaachanjapatim.

Siiga numa tanĩcupicpa jém Cristo, jesic tanĩwĩwatpa

¹⁴ Mantĩwĩtam, da para ti wĩ siiga tum pĩxiĩ iniit fe, nĩmpa iga icupicpa Cristo, pero ocmi da iwĩwatpa juuts ixunpa Dios. Siiga nĩmpa iga icupicpa Cristo, pero da iwĩwatpa, jesic Dios da icĩacputpa. ¹⁵ Siiga tum tantĩwi o tum tanyõmtĩwi, jém icupicnewĩp Cristo, da iniĩ ipuctucu ni datim iniĩ titam icũtpa cada jama, ¹⁶ pero siiga tum de mimichtam

iññímáypa: “Chogoyñicsim, najocoxwattaji iga odoy mixucsuccaiñ, wíwiici”, pero siiga da iñchiiba titam itogóyáy jém imijtáy, ¿para ti wí iga iññímáy jempic? ¹⁷ Jesanetim jém iniitwíp jém fe, siiga da iwíwatpa, tsíy juuts caane. ¹⁸ Algunos nimpá iga icupicpa Cristo iga iciacpudiñ Dios. Pero tungac nimpá iga iwíwatpa iga iwípicstóniñ Dios. Pero da quejpa siiga tum pxiñ icupicpa Cristo siiga da iwíwatpatim. Numa cuando tanwíwadáypa jém tantíwítam, tsam wíquejpa iga tancupicpa Cristo. ¹⁹ Mich incupicpa iga nada más it tum Dios. Wí iga incupicpa. Jém mal espíritu icupicyajpatim iga no más tum Dios it y tsam cinyajpa, tsam cuetsáypa. ²⁰ Odoy cuixaji, ¿que da iñjodon siiga tum pxiñ ijispa iga icupicpa Cristo, pero da iwíwatpa, jesic jém ife da para ti wí? ²¹ Tanjodon ti iñasca jém wiñicpic tanjatunwewe jém Abraham. Dios ipictson jém Abraham juuts tum pxiñ dapic táncaíy porque iwat ti iñímáy Dios. Ichiiba idic jém imaníc Isaac juuts tum ofrenda jém altaryucmi. ²² Jesic quejpa iga jém Abraham iniit fe porque iwat juuts ixunpa Dios. Jempigam quejpa iga numa iniit fe cuando iwat juuts iñímáy Dios. ²³ Asíam cupacpa jém anmati juuts jayñeta: “Jém Abraham icupic Dios jeeyucmi Dios ipictson juuts tum pxiñ dapic táncaíy. Nímayta jém Abraham iga Dios iamigo.”

²⁴ Jesic iñixta iga Dios iwítsagáypa tum pxiñ itánca porque iwatpa juuts ixunpa Dios, da solamente iga iniit jém fe. ²⁵ Jesatim jém yomo Rahab, jém pejoypaap, Dios ipictson juuts tum yomo dapic táncaíy porque icyam jém wisten jém icuixayyaap jém nas y ocmi inquejáy tungac tun iga odoy i wíñiñ imats. Jém yomo iwat juuts ixunpa Dios, jeeyucmi wítsagayta jém itánca. ²⁶ Siiga tum pxiñ imijtáy da anamajíy, jesic caane. Jesanetim siiga tum pxiñ nimpá iga iniit fe, pero da iwatpa juuts ixunpa Dios, jesic jém fe caanetim.

3

Jém pxiñ itots

¹ Mantíwítam, da wí iga agui jáyan de michtam michíytámpa juuts mimaestrotam. Iñjodontam iga aichtam jém amaestrotam más pími awicípintap que jém dapic je maestro. ² Tantumpiytam wátcíy tammalwatpa, pero él que da nunca malnimpá, jesic je tsam wíbic pxiñ. Wíap injac itumpiy jém imijtáy. ³ Jempictim tanaccámáypa tum freno jém cawaj iga tacupiguiñ. Jempam tananjacpa jém cawaj. ⁴ Jistaami jém barco tsam mij. Jém sawa tsam pími ininicpa. Pero jém barco iomi iyásetpa jém barco, con tum xutu timón wíap ininic jut ixunpa. ⁵ Jextim jém tantots tum cosa tsam xutu, pero wíap ictsucum jáyan pleito. Wíap tannooquet jáyan mjtampic cuyyay con tum xutu jucti. ⁶ Jém tantots jex juuts tum jucti. Wíap ictsucum jáyan malopic cosa, tsam jáyanap hasta icmalwatpa tum pxiñ icutero. Tamalwadáypa itumpiy jém tamvida. Yíp jucti tsucum jém infierno. ⁷ Jém pxiñtam wíap imanxuwatyaj jém jimñi animatyaj, jém jon, jém tsañ y jém ityajwíp jém lamar. ⁸ Pero da i ni tum pxiñ wíap imanxuwat jém itots. Tsam pími malo, da ijicpa iga tananjacpa. Jex juuts jém veneno jém accaoypápic. ⁹ Con tantots tanjupitámpa tanjatun Dios y con tantots tanjuytámpa jém tantíwítam jém Diospic iwatne juuts je. ¹⁰ Con jeetim tanjip tacujibóypa y tacujíyóypa. Mantíwítam, da wí iga inwattámpa jempic. ¹¹ Tumti nixcuy da wíap iput jém wíbic ni y jém tampic. ¹² Mantíwítam, tum tsuj da wíap iwat jém aceitunas itim. Y tum uvas da wíap iwat jém tsuj itim. Datim wíap iput tumti nixcuy jém canani y jém wíbic ni.

Tanquejáypa jup jém wíbic jixi

¹³ Siiga mijixíy algunos de mimichtam y incutiíyíypa ti ixunpa Dios, jesic seguido wíwati iga quejiñ iga mijixíy y da mimalo. ¹⁴ Siiga agui micujóyíyóypa y tsam miñajajóypa y tsam incusúníypa itumpiy jém wítampic cosa para mich mismo, jesic odoy nacujíptaji iñyaac iga tsam mijixíy. Siiga inwattámpa así, minimigóyaytap iñyaac,

da iññuumanjmatpa. ¹⁵ Yíp jixi da miññe de Dios. Tsucum yíp naxyucmi, jém Wocciwiñ ictsucum. ¹⁶ Porque jut it jém cujóyiooyi y jém najajooyi, agui cujínayñe jém pixiñtam, tsam imalwatyajpa. ¹⁷ Jém iniitwip jém Dios ijixi ichacpa iga imalwatpa, da áñapa con itiwitam. Wibic pixiñ, da malo. Matóñóyapa. Iyaachanjampa jém yaachayajpáppic, iwíwadáyapa i quej. Seguido iwatpa juuts ixunpa Dios y da tamigóyáyapa. ¹⁸ Jut da áñayajpa jém pixiñtam y da i jém pleito, tsam anpicpa jém wibic jixi.

4

Da wi iga tantoypa jém cosa jém itwip yíp naxyucmi

¹ ¿Tiiiga tsam míñatámpa con jém iñtíwítam? ¿Tiiiga tsam it jém pleito? Tsucum jém malopic jixi iññamanjom iga míñatámpa. ² Mimichtam tsam inçusúníyapa jáyan cosa, pero da i michiiba, jeeyucmi tsam miccaóyapa. Tsam inçusúníyapa tungac pixiñ imichi, pero cuando da i michiiba, jesic tsam míñatámpa. Da impictsonpa titam iññunpa porque da inwágáyapa Dios. ³ Inwágáyapa Dios alguna cosa, pero je da michiiba porque inwágáyapa iga immalwatpa. ⁴ A que mimichtam, inçupictip Dios. ¿Que da iñjodon tam siiga iñtoypa jém malopic cosa jém ityajwip yíp naxyucmi, jesic iñjóyixpa jém tanjatun Dios? Siiga iñtoypa jém malopic cosa, jesic eybic michiíyapa juuts enemigo de Dios. ⁵ Da xajanimpa jém Dios inmati: “Jém Dios iAnama, jém tachiiñewip Dios, tsam tatoypa y tawatpa cuenta iga odoy tantsagáyiñ jém Dios inmati.” ⁶ Numa, Dios tsam pimi tayaachanjampa. Asíam nimpá jém Dios inmati jut jayñeta: “Dios da iyoxpátpa jém pixiñ jém nacujíptapáppic. Pero iyaachanjampa jém dapic nacujíptap.” ⁷ Jesic wattaami juuts miñimáyapa Dios. Odoy jic iga micmalwatpa jém Wocciwiñ, jesic micupóyáyapa. ⁸ Cunúctaami Dios, jesic micunúcpatim Dios. Mitáncaiyaciwiñ, cujichaayi inçi. Siiga miñimpa iga iñtoypa Dios, pero iñtoypatim jém malopic cosa, jém ityajwip yíp naxyucmi, jesic cujichaayi jém iññanama, tsaci iga immalwatpa. ⁹ Anyáctaami. Wejtaami. Tsaci iga mixictámpa, wejtaami. Jém maymáyaj setpa iga anyaaqui. ¹⁰ Miñi micosteñi jém tanjatun Dios iwíñjom juuts da ti miwíap, jesic Dios micquímpa yucmi.

Jém icujíypáppic jém itwi

¹¹ Mantíwítam, odoy nacujíyamtajá con jém iñtíwítam. Jém icujíypáppic jém itwi, icujíypatim jém Dios inquímayooyi. Siiga icujíyapa jém wibic anquímayooyi, jesic tsíyapa juuts tum juez, da iwatpa juuts nimpá jém anquímayooyi. ¹² It tum jém Tachiipáppic jém Anquímayooyi, jeetim jém Juez. Je wíap taciapcut. Wíaptim tactogoy. ¿Pero mimich miñapaap iga inçipiñpa iñtíwi juuts mijuez?

Da tanjodon ti miñpa ocmi

¹³ Amatontaami mimichtam, jém miñimpáppic iga: “Yíp jama o joymi anicpa tum atebet. Nicpa anyaj tum amtiy iga amáymayóyapa iga anwatpa tumiñ.” ¹⁴ Ni da i ijodon ti naspá joymi. ¿Tí jém tamvida? Jex como tum oma. Itpa tum rato, pero ocmi togoypa. ¹⁵ Más wi iga miñimpa iga: “Siiga Dios iwíanjam, jesic tanaitpa tamvida y tanwatpa cualquier cosa.” ¹⁶ Pero mimichtam tsam minicujíptap iñyaac, iñjísapa iga agui miwíap. Agui malo iga minicujíptap iñyaac. ¹⁷ Jém ijodonpic iga wíap iwíwat, pero da iwatpa, jesic iwatpa táñca.

5

Chiitap jixi jém ricopic pixiñtam

¹ Matonjaami miricotam, anyáctaami, pimi anwejtaami porque miñpa tum mijpic yaachaji para mimichtam. ² Pucneum jém iñriquesa, jém impuctucu icútneum wechi.

³ Jém oro y jém plata jém iniitw̄ip, s̄ip itsneum. Cuando íñixpa iga itsneum, jesic quejpa iga datim jáypa jém immijtay. Pucpatim. Miñootaptim juctjom. Ininjtuumawatpa jáyay jém riqueza para jém íñajpigam jama. ⁴ Mimichtam miricopic, da injw̄iyoy jém immozoyaj, s̄ip miquejajwadayñe iga da injw̄iyoy. S̄ip matónajñetawum jém quejaj jém tanjatun Dios iwiñjom. ⁵ Tsam p̄imi miw̄it ȳip naxyucmi. Inwat titam íñjis íñanamanjom. Cusum injwat titam íñxunpa. Mijex juuts tum xix acp̄inetaw̄ip iga accaatap. ⁶ Miricopic mipixiñtam tsam mimalo. Íñchi castigo jém pixiñtam jém dapic táncaiy, iniccaayaj, y jeeyaj ijicyaj.

Tanyaachíypa iganam tananjóctámpa jém tánomi

⁷ Jeeyucmi, mantiw̄itam, yaach̄iyi iga mimalwadaytap hasta miñgacpa ȳip naxyucmi jém tánomi. Jém yoxayajpaap camjom injócpa jém wiñtipic tuj y jém ocm̄ipic tuj iga w̄iañ ipictson jém w̄ibic cosecha. ⁸ Yaach̄iyi, mimichtam, iganam injóctámpa jém tánomi. Odoy tsaci jém Dios injmati porque da jáyñe miñpa jém tánomi. ⁹ Mantiw̄itam, odoy naquejajwadaytamtaji con jém íñtiw̄itam, jesic mimichtam Dios datim mic̄ipinpa. Jém juez it jém puerta añaca. ¹⁰ Mantiw̄itam, jistaami jém wiñicpic añmatc̄iwiñ jém injmatyajp̄apic jém Dios injmati. Jeeyaj iyaach̄iyaj cuando yaachwatyajta. W̄i siiga tanyaachiytampatim taichtam cuando tayaachwattatp. ¹¹ Numa mannímáypa, tanjodon iga tsam maymay jém pixiñtam jém iyaach̄iyñew̄ip cuando yaachwattap. Michtam immatoneta ti íñasca jém Job iga tsam iyaach̄iy cuando yaachwattap y tanjodontim iga ocm̄i Dios tsam iw̄iwadáy jém Job. Quejpa iga tatoypa Dios y tayaachanjampa.

¹² Y s̄ip mantiw̄itam, manchiiba tum w̄ibic jixi. Odoy tsaci Dios juuts tum testigo iga da mimigóypa. Odoy n̄imi: “W̄jodios.” Cuando miñimtooba iga: “J̄i”, jesic n̄imi “J̄i.” Cuando miñimtooba: “Da”, jesic n̄imi “da” iga odoy michiitámiñ castigo Dios.

Cuando tanajwejpátpa Dios, je tsam tayoxpátpa

¹³ Siiga tum de mimichtam miyaachwattap, jesic w̄i iga injwejpádiñ Dios. Siiga mimaymay, jesic wánaayi Dios tum wañi iga injcujippa Dios. ¹⁴ Siiga tum de mimichtam mimimne, jesic w̄i iga injwejáypa jém anjagooyiyaj, jém injacyajp̄apic jém Dios ipixiñtam, iga injwejpádayyajiñ Dios para jém mimnew̄ip, iccámayyajiñ aceite jém tánomi Jesucristo íñiyimi. ¹⁵ Siiga numa iniit fe cuando injwejpátpa Dios, jesic p̄ispa jém mimnew̄ip. Jém tanjatun Dios icp̄ispa. Siiga táncaiy, jesic Dios iwadáypa perdón jém itanca.

¹⁶ Jeeyucmi mannímáypa, Nanmadaytamtaji jém íñtanca con jém íñtiw̄itam. Nanwejpádaytamtaji Dios con jém íñtiw̄itam iga mipistámiñ. Cuando tum w̄ibic pixiñ, dapic táncaiy, injwejpátpa Dios con itump̄iy jém íñnama, tsam w̄iap, Dios imatónáypa. ¹⁷ Jém profeta Elias pixiñtim juustim taichtam. Inwejpát Dios con itump̄iy íñnama iga odoy chijóyiñ jém tuj. Y numa tres años y medio da chijóy tuj jém naxyucmi. ¹⁸ Ocm̄i cuando injwejpátpa Dios eybic, moygacum chíoy jém tuj. Jesic jém naxyucmi eybic w̄iputpa jém cosecha.

¹⁹ Mantiw̄itam, siiga algunos de mimichtam ichacpa jém numapic añmati y siiga tum de mimichtam inicsetpa iga icupiguiñ eybic jém numapic añmati, jesic mich injw̄iwatpa. ²⁰ Jodónataami siiga íñyoxpátpa tum jém tant̄iw̄i, jém táncaiyw̄ip, iga ichacpa jém malopic tun, jesic tsam íñyoxpátpa iga odoy togóyiñ jém íñnama porque wadayta perdón jém itanca tsam jáyay. Jenum cuyaj.

Jém wiñtipic carta jém ijayñewiip Peto

Jém Peto ijáyáy jém Dios ipixiñtam jém nicnewiip juumi

¹ Ich aPeto. Acupiñne jém Jesucristo iga atsiy juuts tum apóstol. Siip manjáyáypa mimichtam miIsraelpic mipixiñtam, micupóyaytañwiip hasta jém tungac naxyucmi jém Ponto, Galacia, Capadocia, Asia y Bitinia. ² Micupiñneta jém tanjatun Dios. Tsam wiñigam ijodon Dios iga michiytampa juuts jém imanictam. Dios iAnama micujicháyayta jém iñanama iga wiap inwatta juuts ixunpa jém Jesucristo. Micupiñneta iga miwitsagayta jém iñtanga con jém Cristo iñipiñ. Siip anwágáypa Dios iga miwíwadaytamiñ y iga odoy iniittamiñ jém cobacpiji.

Tananjóctampa jém tiempo iga Dios tawíwadaytampa

³ Tanjucijíptampa tanjatun Dios jém tánomi Jesucristo ijatun. Dios tacnayxetta eybic porque tsam tayaachanjanta. Jeeyucmi iganam taifta yíp naxyucmi, tananjóctampa jém tiempo cuando nicpa taifti con Dios. Tanjodon iga numa porque pis jém Jesucristo de jut it jém caaneyajwiip. ⁴ Dios taccáyayñe tum wibic herencia siñyucmi. Da i wiap imiswat. Tum wibic cosa cuáyñe, da togoypa, dapic jex juuts tum moya iga xichpa. ⁵ Mimichtam incupictampa iga Dios wiap miyoxpáta, jeeyucmi miwattampa cuenta con jém ipimi iga da ti iñnascaaba hasta núcpa jém tiempo cuando taciacputtampa. Siip witsacneum itumpiy cosa. Jesic cuando núcpa jém inanjigam jama, quejpa ti tawadaytampa Dios.

⁶ Jeeyucmi wi iga mimaymáyatamiñ mex iga siip watciy mipoyyaachwattamtap, micutitstamtap. ⁷ Cutitstap jém oro con jucti siiga nunta oro. Jesanetim mimichtam siiga iñyaachiytampa cuando miyaachwattamtap, jesic quejpa iga numa incupictampa Dios. Siiga iñyaachiytampa, pero da iñchacpa jém Dios inmati, jesic cuando miñgacpa Jesucristo, miwipictsontampa Dios, tsam micujíptampa.

⁸ Mimichtam tsam iñtoytampa jém Jesucristo mex da iñixñeta. Da wiap iñixta, pero iñjodontam iga je wiap miyoxpáta. Jesic tsam mimaymáyata con jém wibic maymáyají juuts jém itwip siñyucmi, jém dapic wiap tanañmat con yíp naxyucmicic anmati. ⁹ Mimichtam incupicneta jém Cristo, jeeyucmi Dios miciacputneta.

¹⁰ Jém wiñicpic anmatciwiñ ninyaj iga Dios tsam itoypa jém pxiñtam, núcpa jama iga iciacputpa. Pero como da iwicutiyyiyaj, tsam icipinyaj jeetim inmati jém ijayñeyajwiip iga ijodónayajiñ ti nimtooba. ¹¹ Jém Dios iAnama, jém tachiiñewiip jém Cristo, icjodóna jém wiñicpic anmatciwiñ iga tsam yaachwattap jém Cristo yíp naxyucmi. Ocmi acpistap, nanictap siñyucmi. Jeetim anmatciwiñ tsam icipinyaj jém inmati iga ijodónayajiñ i iñascaaba jempic y juchis naspa jexpic cosa. ¹² Dios inquejáy jém wiñicpic anmatciwiñ iga jém inmati da para jeeyaj, pero para taichtam. Siip mimichtam impictsonta jeetim anmati cuando oy inmadayta jém inmatyajpáppic jém wibic anmati con jém Dios iAnama ipimi, jém cutsatnetawip yíp naxyucmi. Hasta jém siñyucmicic pxiñtam ijodónatooba ti nimtooba jém anmati.

Dios ixunpa iga tanwíwattamiñ yíp naxyucmi

¹³ Jistaami jutsap inwíwatta juuts ixunpa Dios. Naittaami jém wibic jixi iñanamanjom. Odoy tsaci iga ininjóctampa jém wibic cosa jém tajycámayñewiip Dios iga tachiiba porque tsam tatoypa. Tampictsonpa cuando miñgacpa yíp naxyucmi jém tánomi Jesucristo. ¹⁴ Siip wattaami juuts jém wibic tsixtam, jém icupicyajpaap jém ijatun. Tsactaami iga immalwattampa juuts jáy inwatta wiñic cuando danam iñixpicneta Dios. ¹⁵ Titam

inwattámpa, wíwattaami juuts tum wíbic píxiñ juuts ixunpa Dios. Porque da táñcaíy ni uxañ jém tanjatun Dios jém tacupinewiip. ¹⁶ Porque nimpa así jém Dios inmati: “Tsaci itumpiy jém inñáñca iga cuáyiñ jém inñanama porque ich da atáñcaíy ni uxañ.”

¹⁷ Siiga numa Dios inñatun, jesic cñtaami iga immalwattámpa iganam miitta yíp naxyucmi. Porque Dios icipiñpa parejo itumpiy jém píxiñtam titam iwatyaj. ¹⁸ Michtam inñodon iga Dios taciaputta iga da más tanwatpa jém malopic cosa yíp naxyucmi, jém dapic para ti wí, juuts iwatyaj jém tanjatunwewetam. Inñodonim iga da tajoáy tantáñca con jém oro ni jém plata jém cuyajpápic, ¹⁹ pero tajoáy tantáñca con jém Cristo inñipiñ jém tsampic wí. Jém Cristo juuts tum cordero jém dapic inii ni tum mancha ni dapic misane. ²⁰ Wiñigam cuando danam iwatne yíp nas, Dios ijodon iga jempigam iyoáypa jém píxiñtam itáñca. Jesic ocmi cuando núctooba jém inñapigam jama, wiñquej jém Cristo iga tayoxpáttámpa. ²¹ Tachiita jém jixi iga tancupictámiñ Dios jém icpisnewiip jém Cristo, ocmi ininic jém Dios inwimi. Jesic tancupicpa iga Dios icutum wiap tayoxpát. Tananjóctámpa jém tiempo cuando nicpa tañti con Dios.

²² Siip mimichtam wiap inñuntatoýta jém inñiwitam porque cuáñeum inñanama. Cuando moj incupic jém numapic anquímayooyi, jesic Dios inñanama miccáyay inñanamanjom jém naja y jém jooya. Jesic natoytamtaji con jém inñiwitam con itumpiy inñanama y itumpiy impimi. ²³ Miñayxetnetámum porque incupicneta jém Dios inmati jém dapic cuyajpa. Yíp jomipic vida, jém dapic cuyajpa, da jex juuts yíp naxyucmipic vida, jém cuyajpápic, jém michiñewiip jém inñatun. ²⁴ Nimpa jém Dios inmati:

Jém píxiñtam jém ityajwiip yíp naxyucmi jex juuts jém pim jém itwiip copjom.

Jém píxiñtam ipimi jex juuts jém pim imoya.

Titspa jém pim, túcpa jém imoya.

²⁵ Pero Dios inmati da nunca cuyajpa.

Yíp anmati jeetim jém minmadayñetawwiip mimichtam iga Dios taciaputtámpa.

2

¹ Jesic tsactaami itumpiy jém malopic jixi. Odoy migooyi, odoy nimanñtaayaji iga inwíwatpa, odoy cunaíyooyi, odoy cujíyooyi. ² Mijex juuts tum xutu tsixi jém yaguiñpic nay, tsam tsútstooba. Jesanetim mimichtam yaguiñ incupicneta Dios, jesic métstaami jém wíbic anmati, jém dapic motne iiti con jém migooyi. Jém anmati tsam tayoxpátpa iga más y más wiap tanwatta juuts ixunpa Dios hasta núcpa jém jama cuando taciaputtámpa Dios. ³ Mimichtam inñodon tam iga Dios tsam tatoypa.

Jém Cristo je jém wíbic tsa

⁴ Siip cunúctaami jém tánomi Cristo. Je juuts tum wíbic tsa jém tachiipápic vida. Jém píxiñtam ipatsayyaj jém tsa, pero Dios icupin para je porque iix iga agui wí. ⁵ Mimichtam mijex juuts jém tsaayaj para jém tic inñana, pero iniitta vida. Jesic jíctaami iga Dios mipictámpa iga iwatpa tum imastic jut itpa jém Dios inñanama. Jíci iga miccámpa Dios juuts tum mipanij iga incuyoxatámpa Dios. Jesic Dios iwianjam iga inwatpa jempic porque Cristo mimichitam. ⁶ Nimpa así jém Dios inmati jut jaychacne:

Ich antsac tum tsa jém naxyucmi Israel jut mojpa anacten jém antic.

Agui wíbic tsa, ich mismo ancupinne.

Jém icupicnewiip yíp wíbic tsa, da i wiap ichaawat.

⁷ Siiga incupictámpa, jesic inñodon tam iga tsam wíbic tsa. Pero jém dapic icupicpa, inñascaaba juuts nimpa jém Dios inmati jut jaychacneta:

Jém iwatyajpápic jém tic ipatsayyaj jém tsa.

Pero ocmi jeetim tsa pinñta.

Siīp jeetim tsa icóppacne jém tic.

⁸ Nimitim jém Dios in̄māti:

Jém p̄ixiñtam in̄epyajpa ipuy ȳip tsaayucmi.

Ȳiptim tsa ipaccaaba jém p̄ixiñtam.

In̄epa ipuy jém p̄ixiñtam porque da iwadāp caso jém wib̄ic an̄māti. Dende wiñigam Dios nim iga togoyyajpa jém dap̄ic icup̄icyajpa jém wib̄ic an̄māti.

Jém Dios ip̄ixiñtam jém im̄ichip̄ic

⁹ Mimichtam micup̄in̄eta Dios iga mim̄ichata. Miccámta juuts mipanijtam iga in̄cuyoxatámpa jém an̄jagooyi Cristo. Michíytámpa juuts tum wib̄ic mip̄ixiñtam dap̄ic tá̄ncaíy. Mimichtam jém Dios mim̄ichitam. Micup̄in̄tamta iga in̄wattámiñ itump̄iy jém wib̄ic cosa jém iwatnew̄ip Dios. Mitopta jém pīichc̄im, minin̄ictamta jém juctian̄tsocajom. ¹⁰ Mimichtam wiñic da je Dios mip̄ixiñtam, pero siīp Diosam mip̄ixiñtam. Wiñic da i miyaachanjámpa, pero siīp Dios miyaachanjámtámpa.

Taitta ȳip naxyucmi iga tan̄cuyoxatámiñ Dios

¹¹ Mant̄iwitam mantoytampáppic, mimichtam mijextam juuts jém p̄ixiñtam jém nicpáppic juumi porque danam miñúcne jém in̄ñicmi sin̄yucmi. Siīp man̄cunucsáypa iga odoy jīici iga jém malop̄ic j̄ixi micmalwatpa. Porque jém malop̄ic j̄ixi tsam in̄in̄apa jém in̄anama. ¹² Iganam miitta jém tun̄gac p̄ixiñtáman̄jom, jém dap̄ic iixp̄icyajpa Dios, w̄iwattaami. Jesic siiga miñímáypa iga mich micriminal, núcpa jama iga iixyajpa iga numa in̄w̄iwatne y da ti mal in̄watneta. Jesic jém tun̄gac p̄ixiñtam tsam icuj̄ipyajpa Dios cuando núcpa jém jama iga ic̄ip̄in̄pa jém p̄ixiñtam.

¹³ Siempre cup̄ictaami jém an̄jagooyiyaj, jém iccámneyajw̄ip jém p̄ixiñtam, porque jem̄pam ixunpa jém tán̄omi Cristo. Tan̄cup̄ictámpa jém más mijp̄ic an̄jagooyi, jém rey, porque je iniit jém más mijp̄ic cargo. ¹⁴ Tan̄cup̄ictámpatim jém gobernador jém iccámnew̄ip jém rey. Porque accám̄ta jém gobernador iga ichiñ castigo jém imalwatyajpaap y iga cuj̄iptāiñ jém iw̄iwatyajpaap. ¹⁵ Dios ixunpa iga in̄cup̄ictámpa jém an̄jagooyiyaj porque jem̄pam in̄in̄j̄iyajpa jém malop̄ic p̄ixiñtam, jém dap̄ic j̄ixīy, jém mimaln̄imaypaap.

¹⁶ Siīp da más michíyta juuts tum preso porque Dios miciacputnetámum. Micut̄sigayñetāwum iga in̄w̄iwattámiñ. Jesic odoy j̄isi iga w̄i iga immalwattámpa juuts mich in̄xunpa. Siīp cuyoxataami Dios juuts tum nunta esclavo. ¹⁷ W̄ixtaami itump̄iy jém p̄ixiñtam, odoy jóyixtaami. Natoytam̄taji con tant̄iwitam jém icup̄icneyajw̄ip Cristo. C̄in̄taami Dios. W̄ixtaami jém rey.

Tanyaach̄iypa cuando tayaachwattap juuts iwat jém Cristo

¹⁸ Miesclavotam, w̄ixtaami jém in̄ñomi. Siempre wattaami titam miñímáypa. Da no más in̄cup̄icpa jém wib̄ic p̄ixiñ jém tsamp̄ic mitoypa, pero cup̄ictaam̄tim siiga malo jém in̄ñomi siiga tsam mip̄im̄iypa. ¹⁹ Siiga chiitap castigo tum p̄ixiñ cuando da ti iwatne y siiga iyaach̄iypa porque ijod̄on̄ iga iixpa Dios, jesic w̄ixtap jém p̄ixiñ. ²⁰ ¿Pero tiiga tan̄cuj̄ippa tum p̄ixiñ siiga iyaach̄iypa cuando chiitap castigo iga imalwatne? Pero siiga michiitap castigo cuando in̄w̄iwatne y siiga in̄yaach̄iypa, jesic numa miw̄ixpa Dios. ²¹ Dios tacup̄in̄ta iga tan̄w̄iwattámpa y tannascaaba jém yaachaji porque jém tán̄omi Jesucristo tsam p̄imi yaachwattá taichtam tan̄cuyucmi. Tatsagayta tum ejemplo iga tantún̄iypa jém Cristo y tan̄wattámpatim juuts je. ²² Je da iwat ni tum tá̄nca. Da i imigóyay. ²³ Cuando tsam maln̄imayta jém tán̄omi Cristo, da icutson̄, da imaln̄imay jém ienemigoyaj. Cuando tsam p̄imi yaachwattá, da icumec jém ienemigoyaj. Pero je

ichagáy iga ichiñ Dios castigo porque ijodon iga icipinpa parejo. ²⁴ Jém Cristo iyaac nachitá iga accaata cunusyucmi iga tajoáy tantánca. Tapictónáy taichtam tancastigo imijtayyucmi iga tactsactámiñ jém tantánca, iga seguido tanwíwattámiñ yíp naxyucmi juuts ixunpa Dios. Accoowata jém Cristo iga mimichtam mipistámiñ. ²⁵ Mimichtam mijextim idic juuts jém borregoyaj jém togoyñewip. Pero sip mixettámum jém wibic pastorcim jut it jém tawadaypápic cuenta jém tánanama.

3

Anquímyajtap jém ancoomíyyajwip

¹ Jesanetim miyomtam mijaayiwip. Siempre wattaami juuts miñímáypa jém inwídaya. Jesic siiga algunos da icupictooba jém Dios inmati cuando ininmadáypa, jesic núcpa jama iga icupicpatim Cristo ² cuando iix jém iyomo iga agui iwíwatpa porque icinpa Dios y iwixpatim jém iwídaya. ³ Odoy cusúniyi jém wibic cuyajcuy, jém wibic puctucu y jém cosa de oro. Odoy meetsi jutpic inwítsacpa jém inway iga micusúniyiñ jém pixiñtam. ⁴ Pero wí iga miixtap porque wibic miyomo y wibic jixi iniiñ inñanamanjom. Jém wibic jixi da togoypa juuts jém cuyajcuy. Siiga da mimalo y da michoti, jesic Dios más iwianjam que jém cuyajcuy de oro. ⁵ Jesanetim wiñigam jém wibic yomtam, jém icupicneyajwip Dios, iniityajtim jém wibic jixi inñanamanjom. Seguido iwatyajpatim juuts inñímáypa jém iwídaya. ⁶ Jempictim iwat jém Sara. Icupictim jém iwídaya jém Abraham. Inñímáy jém Abraham iga: Mánomi. Sip mimichtam michiytampa juuts jém Sara iyommanictam siiga seguido inwíwattámpa y da ti inçintámpa.

⁷ Jesanetim mipixiñtam miyoomiywip, winaiti jém inyomo juuts tum pixiñ jixiywip. Wídaji jém inyomo. Jistaami iga jém yomtam da jex ipimi juuts tum pixiñ. Jistaamitim iga incuistictam inwagapictsontámpa titam tajycámayñe Dios, jém vida jém dapic cuyajpa. Porque siiga da inwíwadáypa jém inyomo, jesic da wíap ininwejpátta Dios.

Yaachwatta jém Cristo iga iyoxpátpa jém táncaywip

⁸ Sip mannimaytámpa inñumpiytam. Naittaami tumti jixi con jém tantíwítam, natoytamtaji juuts miñuntatíwítam. Yaachanjámtaami jém yaachayajpápic. Odoy nacujíptaji inyaac. ⁹ Siiga i mimalwadáypa o mimalnámáypa, odoy cianseedaayi. Más wí iga tanwíwadáyíñ jém tamalwadaypápic porque cuando Dios tacupin, tajycámáy iga tawíwadáypa. ¹⁰ Nimpa así jém Dios inmati:

Siiga inwattooba jém wibic cosa yíp naxyucmi,

siiga inxunpa iga miwídiñ,

jesic tsaci iga immalnámáypa jém inñíwítam.

Odoy migooyi.

¹¹ Tsaci iga immalwatpa, siempre wati jém wibic cosa.

Meetsi con itumpiy inñanama jutsap inwinanigáy jém inñíwítam.

¹² Porque Dios siempre iixpa jém iwíwatyaajpaap.

Iwatpa cuenta.

Imatonpa Dios cuando inwejpátyajpa.

Pero ijóyixpa jém imalwatyaajpaap.

¹³ ¿I mimalwadáypa siiga inwíwatpa con itumpiy inñanama? ¹⁴ Pero siiga miyaachwattap porque inwíwatpa juuts ixunpa Cristo, jesic maymáyají porque Dios miwíwadáypa. Odoy cini jém micumecpaap. Odoy wadaayi caso. ¹⁵ Siempre jistaami inñanamanjom iga jém Jesucristo je tánomi. Ittaami listo iga incutsonpa cuando i micwácpa tiiga injodon iga Dios miwípicsonpa. Pero wixi, chocoymi anmadaayi. Jistaami iga Dios taixtámpa. ¹⁶ Siempre wíwati iga da inñispa iga mitáncaiy inñanamanjom. Jesic siiga i

mimalnámáypa, tsam tsaayajpa cuando ixtap iga siempre inwíwatpa juuts minquejayñe jém tánQmi Cristo. ¹⁷ Siiga Dios ixunpa iga miyaachwattap cuando inwíwatpa, jesic it wí. Pero da wí siiga miyaachwattap porque immalwatne.

¹⁸ Tsam pimi yaachwatta jém tánQmi Cristo. Accaata iga tayojoyta tantánca tunçiy para siempre. Accaata jém wibic pixiñ iga iyojáy itumpiy jém malopic pixiñtam itánca iga tananictamtaiñ Dios iwiñjom. Accaata jém Cristo imijtay, ocmi pis, eybic ipictson ianama. ¹⁹ Cuando ca jém imijtay, oy inmadáy jém wibic anmati jém caaneyajwip jut pajneyajta. ²⁰ Anmadayyajta jém pixiñtam ianamayaj, jém dapic icupicyaj wiñgam cuando jém Noé iwat jém mijpic barco. Jeetim tiempo cuando Dios tsam iyaachiy iganam injóctip iga ichacyajiñ jém pixiñtam iga imalwatyajpa. Pero da wati ciiputyaj solamente ocho jém pixiñtam y yomtam. Cuando miñ jém mijpic nicoma, ciiputyaj jém niwiñpacyucmi. ²¹ Jesanetim sip jém ni tayoxpátpa iga taciaputtamiñ cuando tacchintamta nicim. Da tacchintamta iga cuayiñ tannaca. Pero cuando tacchintamta, tanwágáypa Dios iga tawítsagáyiñ tantánca. Tanjodon iga wíap tawadáy Dios porque icpis jém tánQmi Jesucristo. ²² Sip nicne sinyucmi jém tanjatun Dios inwimi jut accámta iga jém más mijpic anjagooyi iga injaguiñ itumpiy jém sinyucmic pic pixiñtam y itumpiy jém anjagooyiyaj, jém ityajwip jutquej.

4

Tañcuyoxap Dios con jeetim pimi jém tachiñewip

¹ Tsam yaachwatta jém tánQmi Cristo cuando oy iti yíp naxyucmi. Jesic mimichtam naittaamitim jeetim jixi juuts jém tánQmi Cristo. Jictaami iga miyaachwattamtap, jesic quejpa iga inñchacneum jém inñtánca. ² Siiga jempam tanwattámpa, quejpa iga tasiítámpa yíp naxyucmi juuts tum pixiñ dapic icupicpa jém malopic jixi, pero tanwattámpa jém wítampic cosa juuts iwianjam Dios. ³ Sip cusum inwatta juuts iwianjamyaj jém tungac pixiñtam, jém dapic icupicyajpa Dios. Tsam pimi immalwatne idic. Tsam incusúníypa idic jém malopic yomtam y jém tungac malopic cosa. Tsam idic miucpa, tsam mixínap. Tsam miuquiap con jém ucyajpáppic pixiñtam. Tsam inñjiswa idic jém watnas jém ijóyixpáppic Dios. ⁴ Sip jeetim pixiñtam jém inñamigoyaj idic, agui mipooñanjamyajpa porque da eybic inwattámpa itumpiy jém malopic cosa juuts inwatneta idic. Jeeyucmi tsam mimalnámayyajpa. ⁵ Pero núcpa jama iga nanicyajtap jém Dios iwiñjom iga quejiñ jém itánca jut ciipiñyajtap itumpiy jém malopic pixiñtam jém ityajwip vivo y jém caaneyajwip. ⁶ Jeeyucmi anmadayyajtatim jém wibic anmati jém pixiñtam jém caaneyajwip cuando vivoyaj. Ciipiñyajtap jeeyaj juuts itumpiy jém pixiñtam jém ityajwip yíp naxyucmi, pero Dios iciacputpa iga nicpa itiyaj ianamayaj jut it Dios.

⁷ Sip núctooba jém inñapic jama cuando cuyajpa itumpiy cosa. Wí iga mijixiityámiñ, ittaami al tanto, anwejpátaami Dios. ⁸ Pero más ixunpa Dios iga tanatoytamtaiñ con jém tantiwitam. Porque siiga numa tantoypa jém tantiwí, wíap tanwadáy perdón jáyan jém itánca. ⁹ Wípicsontaami jém tantiwitam, jém miññeyajwip juumi. Acwictaami, chiitaami lugar jut monpa. Odoy cujíyaami. ¹⁰ Cada tumtum de mimichtam michiñeta Dios tum pimi iga wíaiñ inwatta jém Dios iyoxacuy. Jesic con jeetim pimi cuyoxataami jém inñiwitam juuts tum wibic miyoxaciwiñ porque cada tumtum tachiitamta tungac jém yoxacuy. ¹¹ Jesic siiga wíap inñmat jém Dios inmati, anmati juuts tum jém Dios inmatciwiñ. Siiga incuyoxap jém tantiwitam, wíwadaayi con itumpiy impimi, jém michiñewip Dios. Siiga jempic tanwattámpa, jesic tsam cujíptap jém tanjatun Dios porque tançupictámpa jém tánQmi Jesucristo. Wí iga tançujíptamiñ jém tanjatun Dios para itumpiy tiempo porque je iniit itumpiy ipimi. Amén.

Jém Dios ipixiñtam wiap iyaachiyaj jém yaachaji

¹² Mantiwitam mantoytampáppic, odoy ámanjactaami cuando iññascatámpa jém mijpic yaachaji iga micutítstamtap. Odoy jisí iga jém Dios ipixiñtam da iññascayajpa jém yaachaji.

¹³ Pero maymáyaataami cuando iññascatámpatim jém yaachaji juuts iññascane jém tánomi Jesús. Porque núcpa jama cuando tsam pími mimaymáyatámpa cuando miñgacpa yíp naxyucmi jém tánomi Jesucristo con itumpiy ipími. ¹⁴ Siiga tsam mimalnímaytap jém tánomi Jesucristo icuyucmi, jesic maymáyaataami porque iniit jém Dios iññanama iññanamanjom jém tachiipáppic jém Dios ipími. ¹⁵ Pero da wi siiga miyaachwattamtap porque iga miccaóypa, miñúmpa, immalwatpa o iga mitigiytigiy cúmpa jém tunḡac pxiñ iasunto. ¹⁶ Pero siiga algunos de mimichtam miyaachwattamtap iga micristiano, jesic odoy tsaaji, mas tanꞑujíptámpa Dios porque tanaít jém Cristo iññiyí.

¹⁷ Núcneum jém tiempo iga mojpá icipin Dios jém ipixiñtam jém imichipic. Siiga tacipin támpa taichtam, jém Dios tamichitam, ¿jesic ti iññascayajpa jém malopic pxiñtam jém dapic icupicyajpa jém Dios inmati? ¹⁸ Nimpa jém Dios inmati:

Tsam tánca iga ciacputyajtámpa jém wibic pxiñtam.

Jesic jém malopic pxiñtam jém dapic icupicpa Dios tienes que ipictsonyajpa jém mijpic castigo jém dapic cuyajpa.

¹⁹ Jeeyucmi mannímaypa siiga miyaachwattamtap porque jempam iwianjam Dios, jesic seguido wíwattaami, cupicpaami iga Dios wiap miciaꞑputta. Tanꞑodon iga jém tanjatun Dios, jém iwatnewip itumpiy cosa, siempre iccupacpa juuts tajíycámayñe.

5

Anꞑúmyajtámpa jém icupicneyajwip Cristo

¹ Jesic miwídaytam, jém ininjactampáppic jém Dios ipixiñtam, siip mananꞑuímpa. Ich anaítim jexpicim cargo juuts mimichtam. Ich ánixñe cuando tsam yaachwattá jém tánomi Jesucristo. Ich ananjócpatim jém tiempo cuando wiñquejpa eybic jém tánomi Cristo con itumpiy ipími. ² Wattaami cuenta jém Dios ipixiñtam jém anꞑuumayajpáppic jut miitta, jex juuts tum wibic pastor iwatpa cuenta jém iborregoyaj. Wattaami jém Dios iyoxacuy porque inwianjamta, juuts ixunpa Dios, da porque mipimiytamtap, ni porque inꞑoñwiytamtooba tumiñ. Wattaami jém iñyoxacuy con itumpiy iññanama. ³ Odoy pimiyí jém impixiñtam juuts tum malopic anjagooyi. Pero wíwattaami mimichtam iga miixyajiñ jém impixiñtam iga inwíwatpa. ⁴ Jesic cuando wiñquejpa jém Cobacpic Pastor, jém tánomi Jesucristo, michiítamtap jém wibic corona jém dapic cuyajpa. Miwagaittámpa jém wibic juctianꞑocajom.

⁵ Jesanetim mimichtam jém dapicnam michamitam, wattaami juuts nimpa jém wídaytam jém ininjagooyiyaj. Jistaami iñtumpiytam jutsap inwíwadáy jém iññiwitam. Odoy jisí iga más miwíap que jeeyaj. Porque nimpa jém Dios inmati:

Dios da iwípicsonpa jém pxiñtam jém tsampic nacujíptámpa iyaac, pero tsam iyoxpátpa jém pxiñtam jém dapic nacujíptámpa iyaac.

⁶ Jesic costeeñayí jém Dios ipuycim. Jici iga minjacpa jém tanjatun Dios porque núcpa jama iga miwíwadáypa. ⁷ Odoy iniidiñ jém cobacpíji. Odoy jisí ti iññascaaba. Cijunꞑodaayí itumpiy jém imvida jém tanjatun Dios icijom porque tsam tawattámpa cuenta.

⁸ Jixiytaami, ittaami al tanto porque jém tánenemigo jém Wocciwiñ siiba nocojom juuts tum mijpic cañ agui pímpa. Tsam imétsa ti icispa. ⁹ Odoy jici iga jém Wocciwiñ micmalwatpa. Seguido cupici iga Dios wiap miyoxpát. Jodonꞑataami iga jém icupicneyajwip Cristo icuwíti yíp naxyucmi, iññascayajpatim jeetim yaachaji juuts iññascatámpa mimichtam. ¹⁰ Da jáypa miyaachwattamta hasta que jém tanjatun

Dios, jém tsampic tatoypa, iyaac miyoxpáttámpa. Michiitámpa jém wibic jixi iga da ti mitogóyáypa, iga da i wiap mictsac jém wibic anmati. Michiitámpa jém ipimi iga odoy i wiañ micmalwat iga seguido inwíwattámpa juuts ixunpa Dios. Miñwejayñeta iga miwagaiftámiñ con jém tánomi Jesucristo juñ it jém wibic juctiañtsoca jém dapic cuyajpa. ¹¹ Wi iga tançujíptámiñ jém tanjatun Dios para itumpiy tiempo porque je iniit itumpiy ipimi. Amén.

Anquímyajtap jém pixiñtam

¹² Sñp mançutsadáypa yíp toto con jém tantíwi Silvano. Ich animpa iga wibic pixiñ. Da juchan manjáyáy iga mananquímpa ti wiap inwatta. Mananmadáypa iga iniittámiñ jém numapic tóyooyi jém tachiiñewñp Dios. Jesic odoy tsactaami jém numapic tóyooyi.

¹³ Jém Dios ipixiñtam, jém ityajwñp yñm jém atebet Babilonia, micutsadáypa watidios. Jeeyaj cupiñneyajtatim juuts mimichtam. Midioschiibatim jém Marco jém tsíyñewñp juuts ich ammanic. ¹⁴ Mimichtam nadoschitamtajì con tum anñacatsuuchi juuts tum seña iga minitoytamtap. Sñp mimichtam jém Cristo mimichitam. Naiftaami jém wibic jixi iñanamanjom iga odoy ti inçiñtámiñ. Jemum cuyaj.

Jém segunda carta jém ijayñewiip Peto

Jém Peto ijayáy jém Dios ipixiñtam

¹ Ich aXimoy anniyitim Peto. Anꝥuyoxap jém Jesucristo. Ich accám iga aapóstol, jém acut-satnetawwip. Manjáyáypa mimichtam jém inꝥupicnetanwip jeetim wibic anꝥuímayooyi juuts aichtam. Jeeyucmi tawipictsonꝥtámpa jém tanꝥatunꝥ Dios y jém tánꝥmi Jesucristo jém taCiacputpáppic. ² Wi iga más y más jáyanꝥap jém wibic tóyooyi y jém paz cuando más inꝥwixpictámpa jém tanꝥatunꝥ Dios y jém tánꝥmi Jesucristo.

Tumti jixi tanait con Dios

³ Tachiifatim jém ipimi iga wiañ tanwatta yip naxyucmi itumpiy jém wítampic cosa juuts iwianꝥam Dios porque tánixpicneta jém Cristo. Tacupinꝥeta iga tampictsonꝥtámiñ jém Dios ipimi porque tsam iniit jém wibic juctianꝥsoꝥa, tsam cuáyñe ijixi. ⁴ Jeeyucmi tachi jém promesa tsam mij. Con ipimi tachiitámpatim itumpiy jém tsam wítampic cosa, jém tsampic tayoxpátpa juuts tajíycamayñe. Cuando tampictsonꝥpa jém wítampic promesa, jesic tumti tanjixi con Dios. Tactsacpa iga tammalwatpa y iga tanꝥcusúníypa jém malopic cosa jém itwip yip naxyucmi. ⁵ Jeeyucmi mannímáypa, wattaami empeño con itumpiy iñanama iga más y más inꝥwíwattámpa juuts iwianꝥam Dios porque tsam iniit fe. Jesic cuando más inꝥwíwattámpa, impictsonꝥtámiñ jém wibic jixi. ⁶ Siiga iniitfa jém wibic jixi, jesic wiꝥp ininꝥacta iñyaac iga odoy i micmalwadiñ. Siiga iñyaac mininꝥactap, jesic iñyaachíypa cuando miyaachwattap. Siiga wiꝥp iñyaachiyta, jesic más cuáyñe iñjixi. ⁷ Siiga cuáyñe iñjixi, jesic inꝥwinanigaytámpa jém iñtíwítam. Cuando inꝥwinanigáypa jém iñtíwítam, jesic iniitpa jém wibic tóyooyi.

⁸ Siiga jáyanꝥap yípyaj wítampic cosa, jesic quejpa iga da iñxajaixpic jém tánꝥmi Jesucristo. Wiꝥp inꝥwatta jém Dios iyoxacuy. Da michíypa juuts tum pxiñ jém dapic para ti wi. ⁹ Pero jém dapic iniit yip wibic cosa jex juuts tum cáchtí, jextim juuts jém dapic juumi ixixóypa. Ijaamanꝥnot iga accáyayñeta jém itánꝥa jém iwatnewwip idic. ¹⁰ Jeeyucmi mantíwítam, wadaytaami caso iga inꝥwíwattámiñ con itumpiy impimi, jesic quejpa iga numa Dios micupinꝥeta y miñwejayñeta. Porque siiga seguido inꝥwíwattámpa, da nunca micutínpa. ¹¹ Siiga inꝥwattámpa jempic, michiitámpa lugar iga miñúcpa sinꝥyucmi. Tsam miwipictsonꝥtap juꝥ inꝥjacpa jém tánꝥmi Jesucristo, jém taCiacputpáppic, juꝥ da nunca cuyajpa ipimi.

¹² Jeeyucmi da antsacpa iga manacjísipa yip wibic jixi iga odoy iñjaamanꝥnodiñ mex iga inꝥwijodonꝥtam jém numapic anꝥuímayooyi y da iñchacneta hasta siip. ¹³ Ich animpa wi iganam avivo iga mantsicyuspa iga odoy iñjaamanꝥnodiñ titam inꝥcuyucane. ¹⁴ Porque jém tánꝥmi Jesucristo acjodonꝥa iga dam jáyñe acaaba. ¹⁵ Anꝥwatpa empeño iga manchiitámpa yip wibic jixi iga cuando acaaneum, iñjístámiñ titam mannímáy.

Jém Peto iix cuando jém Cristo ipictsonꝥ itumpiy ipimi

¹⁶ Da mammigóyayta cuando oy manꝥaquejáy ti iñasca jém tánꝥmi Jesucristo, cuando oy yip naxyucmi con ipimi. Da je pxiñtam ijixquiimi. Porque aichtam ánixñeta ánixcuymi cuando jém Cristo ipictsonꝥ jém ipimi iga más mijpic anꝥjagooyi. ¹⁷ Ánixñeta cuando jém tanꝥatunꝥ Dios iccám jém Cristo iga más mijpic anꝥjagooyi con itumpiy ipimi. Ammatonꝥta jém Dios ijíyi jém wibic juctianꝥsoꝥajom. Nimpa iga: “Yip jém amManic jém tsampic antoypa. Ich tsam amaymay con je.” ¹⁸ Aichtam mismo ammatonꝥta jém ijíyi, jém miññewiip sinꝥyucmi, cuando anꝥwaganaitfa jém tánꝥmi Jesucristo jém cotsicyucmi

juṭ núc jém Dios ipimi. ¹⁹ Siip másṭim tanwíjodon iga da je miḡooyi jém anṃaṭi jém ijaychacnewiip jém wiñicpic anṃaṭicwiñ cuando inṃatyaj ti miñpa. Jesic mimichtam wí iga inṃadaytampa caso jém inṃaṭi porque je jex juuts tum wibic jucti, jém tsocpáppic piichcim. Tsam tayoxpátpa jém wiñicpic anṃaṭi hasta icuquejama cuando químpa jém wítmatsa iñanamanjom. ²⁰ Wiñti jodónataami iga ni tum pxiñ da wiap ijs iyaac ti nimtooba jém wiñicpic anṃaṭi, jém ijaychacneyajwip jém wiñicpic profeta. ²¹ Porque jém wiñicpic profeta da nunca inṃatyaj ijiximi juuts je ixunpa. Pero jém Dios iAnama ichi jixi iga wiap inṃatyaj juuts iwianjam Dios.

2

Miñpa jém miḡooyajpaap (Jud. 4-13)

¹ Pero wiñic ittim idic jém Dios ipixiñtamanjom jém malopic profeta jém miḡooyapaap. Jesanetim siip ittim jém miḡooyajpaap mimichtamanjom. Miyamanquejáypa jém miḡooyi, jém tsampic mimalwadáypa. Innécyajpa jém tánomi Cristo jém tajojayñewiip tantanca. Iga tsam imalwatyajpa jém pxiñtam, da jáypa ichiiba castigo Dios. Iñuntaactogoypa. ² Jáyan pxiñtam itúnyyaypa jém miḡooyi jém inimiñpáppic yíp malopic maestroyaj. Jeeyaj icuyucmi tsam malnímaytap jém numapic anquímayooyi. ³ Tsam icusúnyyaypa jém tumiñ. Jeeyucmi ijixquím jém miḡooyi iga mitobáypa jém iñtumiñ. Pero da jáypa chiitap castigo porque dende wiñigam Dios ijycámayñe iga icyojpa jém itanca jexpic pxiñtam.

⁴ Wiñic Dios da iwadáy perdón jém siñyucmic pxiñtam jém iwatnewiip tanca. Icot jém josjom, pajnetá jém piichcim, jém infierno, hasta que núc jém jama iga chipintap. ⁵ Ni datim iwadáy perdón jém wiñicpic pxiñtam, jém ityajwip yíp naxyucmi cuando it jém Noé. Dios icutsat jém diluvio iga ictogoypa jém malopic pxiñtam. Pero iciacput jém Noé jém inṃadayñewiip jém pxiñtam iga iwíwadiñ juuts ixunpa Dios. Ciacputyajta ocho con jém Noé. ⁶ Dios ictogoytim jém wisten attebet jém Sodoma y Gomorra. Iñooquet. Tsíy naps cuyjam. Iwadáy jempic iga tsíyñ juuts tum ejemplo jém wisten attebet para jém malopic pxiñtam jém miñpáppic ocmi. ⁷ Pero Dios iciacput jém wibic pxiñ jém Lot. Yíp pxiñ tsam anyác iga agui imalwatyajpa jém malopic pxiñtam. ⁸ Yíp wibic pxiñ iwaganait jém malopic pxiñtam. Itumpiy jama tsam ijispa ianamanjom, tsam anyácpa cuando iix y imaton iga pimi imalwatyajpa jeeyaj. ⁹ Tánomi Dios ijodon jutsap iciacput jém wibic pxiñtam, jém icupicneyajwip, cuando cutitstap. Pero jém malopic pxiñtam ichacpa aparte hasta núcpa jém jama iga chipintap, chiitap castigo.

¹⁰ Dios ichiiba castigo itumpiy jém malopic pxiñtam, jém imétsyajpáppic iga imalwatpa juuts ixunpa iyaac, jém ijóyixpáppic iga injacpa Dios. Da iwianjamyaj iga injacpa. Tsam jáyayanjichich. Da matónóypa. Da icinpa jém mijpic anjagooyiyaj jém itwip siñyucmi, tsam imalnímáypa. ¹¹ Pero jém siñyucmic pxiñtam aunque más wiap y tsam iniit ipimi, da iniquímpa quejaj Dios iwíñjom contra jém malopic.

¹² Yípyaj ijóyixpáppic Dios jex juuts jém jimñi animatyaj dapic jixiíy. Nay iga matstap y accaatap. Tsam imalnímáypa jém wibic jixi jém dapic icutíyíypa. Núcpa jama iga accaayajtap jeeyaj juuts jém jimñi animatyaj. ¹³ Tsam yaachwattap jeeyaj iga agui iyaachwatyaj jém itiwitam.

Tsam maymay iga imalwatyajpa siñni juṭ ixtap, da tsaap. Nímanjtaayap iga icupicpatim Cristo iga mimigóyáypa. Tsam tancaíy, tsam imalwatyajpa iganam miwagawíctampa. ¹⁴ Tsam icusúnyyapa jém malopic yomtam. Da cuspa imalwatyaj. Tsam imigóyáypa jém tantiwitam iga icmalwatpa jém dapic iwícupicne jém wibic anquímayooyi. Agui inyujne

iga icusúniypa jém itiwitam imichi. Dios ijycámayñe iga ichiiba castigo jexpic pixiñtam. ¹⁵ Togoyñeyaj porque ichacyaj jém numapic tun. Iwatyajpa juutsawat jém wiñicpic anmatcwiñ jém Balaam jém Beor imanic. Jém Balaam imalwatpa iga icoñwíypa tumiñ. ¹⁶ Pero wogayta jém profeta Balaam iga imalwatpa. Jém iburro ijíyáy juuts tum pixiñ. Mex iga da jypa jém animatyaj, injiyjac iga ichaguiñ iga locojane.

¹⁷ Yípyaj pixiñtam juuts tum niixcuy titsnewip, jex juuts jém ucsi jém dapic tujíy, jém tsampic inipoy jém sawa. Dios ijycámáy iga ichiiba castigo jém piichcim, jut tsam pimi piichi, jut da nunca putpa. ¹⁸ Tsam anmatyajpa, pero da ti cuwatcuy jém inmati. Inímayyaj jém pixiñtam iga wi iga imalwatyajpa. Nímaytap iga wíap iwatyaj titam icusúniypa ianamanjom. Icmalwatpa jém pixiñtam jém yaguiñpic ichacneyaj jém malopic vida. ¹⁹ Inímáy jeeyaj iga iniif libertad iga iwatyajpa juuts ixunpa iyaac. Pero yíp malopic maestro je mismo tsíy juuts tum esclavo. Datim wíap iwat juuts ixunpa iyaac, pero jém malopic jixi injacpa juuts tum esclavo. Siiga i injacpa jém malopic jixi, tsíypa juuts esclavo. ²⁰ Siiga i iixpicpa jém tánomi Jesús, jém taciacputpáppic, y siiga ichac iga imalwatpa juuts iwatyajpa jém ityajwip yíp naxyucmi, pero ocmi eybictim mojpa imalwat juuts iwatpa wiñti, jesic jém malopic jixi icoñwíy. Tsíy jém pixiñ juuts tsentá con cadena. Más pimi malo que cuando danam icupicne Cristo. ²¹ Más wi jém pixiñ meega da iixpicne jém numapic tun que iga cuando iixpicne, ocmi ichacpa iga icupicpa jém wibic anquímayooyi jém ichiñewip Dios. ²² Iníascaaba jém pixiñ juuts nimpa jém anmati jém dapic je migooyi: “Jém chimpa eybic icútpa jém iichi. Jém yoya, jém wíacchinetawip, eybic chinpa tuutjom.”

3

Miñgacpa jém tánomi

¹ Mantiwitam, mantoytampáppic, wisciyam manjáyáypa. Siip manacjspa eybic jém wibic jixi jém iniitwip inamanjom ² iga odoy injucisaytamiñ ti ninyajpa jém wiñicpic profeta y jém tánomi inquímayooyi jém taciacputpáppic. Jeetim anmati minquejáy jém tungac apóstolyaj.

³ Wiñti, jodónataami iga jém inajpigam jama miñyajpa jém malopic pixiñtam, tsam iwadayyajpa burla jém wítampic cosa. Tsam iwatyajpa itumpiy jém malopic cosa juuts ijsyajpa jeeyaj ianamanjom. ⁴ Acwágooyajpa: “¿Que da mijycámáy jém Cristo iga miñgacpa? ¿Siip jut it? Dende caaneyaj jém wiñicpic pixiñtam, itumpiy cosa jextim, da cucacne dende watnetá yíp mundo.” ⁵ Yípyaj icujisáy iga da jex itumpiy cosa dende wiñic. Porque wiñgam Dios inímáy jém sin iga idiñ y jesic itum. Dios inímáy jém nas iga pudiñ nichim, tsíyit titsijom, jesic putum. Con jeetim ni iwat jém nas. ⁶ Ocmi Dios icmiñ jém diluvio, ictogoy itumpiy jém itwip idic yíp naxyucmi. ⁷ Pero jém nas y jém sin jém itwip siip, juuts nimpa jém mismo anmati, injócyajpa jém jama cuando nooquettap con jucti. Injócyajpa jém inajpigam jama cuando cipiñyajtap itumpiy jém malopic pixiñtam iga actogoyyajtap.

⁸ Mantiwitam, mantoytampáppic, jém tánomi da táncap inimiñ jém castigo porque para je tum jama juuts tum mil amtíy. Y tum mil amtíy juuts tum jama. ⁹ Jém tánomi da chocóyap iccupac juuts tajycámayñe juuts ijsyajpa algunos. Da jáypa iccupacpa, pero tsam iyaachíypa jém ityajwip yíp mundo, da jobit ichégáy jém itánca porque tsam iyaachanjampa. Da ixunpa iga togoypa ni tum. Ixunpa iga itumpiy jém pixiñtam icucacyajit iixi.

¹⁰ Jém jama, cuando miñgacpa jém tánomi, icupiichcíypa jém pixiñtam juuts tum númpaap tsuucim. Actogoytap itumpiy cosa jém tánixpáppic sinyucmi. Nooquettap. Tsam

pimi tiñpa juuts tum mijpic jucti. Nooquettap tim yíp nas y itumpiy cosa jém ityajwíp yíp naxyucmi.

¹¹ Como tanjodon iga togoypa itumpiy yípyaj cosa, wí iga tanwíwattámiñ juuts ixunpa Dios. ¹² Iganam tananjóctámpa jém tiempo, wí iga tanwattámiñ titam wiap tanwat iga más jicsciy miñpa jém jama cuando Dios icipinpa jém pixiñtam. Cuando núcpa jém jama nooquettap jém siñ. Jém dapic jípsa, accunoomaytap. ¹³ Pero taichtam tananjóctámpa iga Dios icjoomasetpa jém siñ y jém nas porque jempam ijycámne. Nicpa íti naps jém wibic pixiñtam jém jomipic naxyucmi.

¹⁴ Jeeyucmi mantiwitam, mantoytampáppic, iganam ininjóctámpa, watí empeño iga inwíwattámpa juuts miwiap. Jesic cuando miñpa Cristo, mipátpa iga da síp iníñata, da immalwattámpa, da mitáñcaiyta. ¹⁵ Cutiiyiytaami iga jém tánomi tsam iyaachíypa jém malopic pixiñtam iga iciacputpa. Jempictim mijáyáy jém tantíwi Pablo jém tsampic tantoypa. Wiap miñmadáy ti miñpa porque Dios ichi jém jixi. ¹⁶ Cuando ijaychac jém toto jém Pablo, siempre inmatpatim jeetim anquímayooyi juuts ichpic anañmat. Numa, uxañ tánca tan cutiiyíypa jém Pablo inquímayooyi. Jém pixiñtam, jém dapic wícuyujne y jém dapic jixíy, iñejacutiiyíypa titam ijaychac jém Pablo. Iñejacutiiyítim jém tungac parte jém Dios inmatí. Jempic nactogoyajtap iyaac.

¹⁷ Pero mimichtam, mantiwitam, mantoytampáppic, manacjodónane wiñti iga tsam it jém migooyi. Jesic cuidado iga i mictsacpa jém Dios inmatí con jém migooyi jém inmatpáppic jém malopic pixiñtam. ¹⁸ Siñ más y más cutiiyiytaami jém wibic jixi jém tachiiñewíp jém tánomi Jesucristo, jém taCiacputpáppic. Wítim iga más jáyanap jém Cristo itóyooyi íñanamanjom. Tanjújptámiñ siñ jém tánomi Cristo para itumpiy jama. Jemum cuyaj.

Jém wiñtipic carta jém ijayñewiip jém Xiwan

*Nimpa jém Xiwan iga iixñe jém Cristo
(Jn. 1:1; Ap. 19:13)*

¹ Jém Cristo ittim idic dende wiñigam cuando danam i yíp mundo. Pero siip wiap mannimáy iga ánixñeta ánixcuymi. Ammatoñneta. Anámta. Antsic con añci. Iñiyitim jém Anmañti, je jém vida jém tachiiñewiip Dios. ² Awiñquejayta jém vida. Ánixñeta, jeeyucmi wiap manañmadáy iga núcneum y wiap manañquejayta iga jém Cristo jeam jém vida jém dapic cuyajpa. Ittim idic dende wiñigam con jém tanJatun Dios, jesic ocmi awiñquejayta. ³ Siip manañmadáypa ti ánixñeta y ti ammatoñneta iga wiañ tanaitta tumti jixi juutstim aich anaitta tumti jixi con tanJatun Dios y con jém Jesucristo jém Dios iManic. ⁴ Jeeyucmi manjáyaypa iga iniittámiñ jém maymáayaji jém numapic.

Jém tanJatun Dios tum wibic jucti agui witsocpa

⁵ Yibam jém wibic anmañti jém tanquejayñewiip jém Jesucristo. Siip manañmadáypa mimichtam. Nimpa jém anmañti iga jém tanJatun Dios jex juuts tum wibic jucti. Agui wi tsoepa. Jut it Dios da i piichi, je da táñcaiy ni uxañ. ⁶ Siiga tanimpa iga tumti tanjixi con tanJatun Dios, pero tasiibatim piichcim, jesic tamigóypa. Da tanwatpa juuts nimpa jém numapic anmañti. ⁷ Pero siiga tasiiba juctianñsocajom juuts jém tanJatun Dios it jém juctianñsocajom, jesic numa tumti jixi tanaitta y jém Jesucristo iñipiñ, jém Dios iManic, taccáyaypa itumpiy jém tantánca.

⁸ Pero siiga tanjispá iga da tatáncaiy, jesic tanamigóyaytap tanyaac. Da tanai jém numapic anmañti tánanamanjom. ⁹ Pero siiga tanañmadáypa Dios iga agui tammalwatne, jesic tanjodon iga tayoxpátpa porque Dios tajycamayñe iga tayoxpátpa. Tawitsagáypa itumpiy jém tantánca, taccáyaypa tánanamanjom. ¹⁰ Pero siiga tanimpa iga da tatáncaiy, jesic tamigóypa y tanimpa iga migóypatim jém tanJatun Dios. Quejpa iga da numa tancupicne jém inmañti.

2

Jém Jesucristo je jém tacupujpáppic

¹ Mammanictam, siip manjáyaypa yíp toto iga odoy immalwadiñ. Pero siiga i imalwatne, jém Jesucristo wiap icupuj jém Dios iwiñjom porque je da ti mal iwat. ² Accaata jém Cristo iga tajojayta tantánca. Y da no más taichtam tajojayta jém tantánca, pero iyojaytim itumpiy jém pixiñtam itánca icuwiti yíp naxyucmi.

³ Siiga seguido tanwatpa juuts tanimáypa Dios, jesic tanjodon iga numa tánixpicne jém Cristo. ⁴ Pero siiga tum pixiñ nimpa iga: Ich ánixpicpa jém Cristo, pero da iwatpa juuts nimpa jém wibic anmañti, jesic migóypa jém pixiñ. Da iniñ jém numapic anmañti ianamanjom. ⁵ Pero siiga tum pixiñ iwatpa juuts nimpa jém Cristo inmañti, jesic numa quejpa iga jém pixiñ tsam itoypa Dios. Siiga seguido tanwatpa juuts nimpa jém Cristo inmañti, jesic tanjodon iga tanwaganaitta jém tanJatun Dios. ⁶ Siiga tum pixiñ nimpa iga: Ich anwaganait tanJatun Dios, jesic wi iga iwadiñ jém wítampic cosa juuts iwatpa jém Jesucristo.

Jém jomipic anquímayooyi

⁷ Mantiwitam, da manjáyaypa tum jomipic anquímayooyi, pero manjáyaypa jeetim pecapic anquímayooyi jém iniitwip dende wiñti. Yíp anquímayooyi jém mojuwip

impictson̄ta. ⁸ Manjáyáypa juuts tum jomipic anquímayooyi porque Cristo oy tanquejáy iga tanatoytamtañ y mimichtam inwattámpa jem̄pic. Siip nasneum jem̄ piichi y núcneum jem̄ numapic juctian̄tsoc̄a.

⁹ Siiga nim̄pa tum̄ p̄ixiñ iga: Ich aít jem̄ juctian̄tsoc̄ajom, pero ijóyixpa jem̄ it̄iwitam, jesic̄ migóypa jem̄ p̄ixiñ. Quejpa iga danam putne jem̄ piichc̄im. ¹⁰ Pero siiga tum̄ p̄ixiñ itoypa it̄iw̄i, jesic̄ it̄ jem̄ juctian̄tsoc̄ajom y da i wiap icmalwat. ¹¹ Pero siiga tum̄ p̄ixiñ ijóyixpa jem̄ it̄iw̄i, jesic̄ tsíypa jem̄ piichc̄im. Da ichacpa iga imalwatpa. Jexpic̄ p̄ixiñ da ijodon̄ jut̄ nicpa porque jem̄ piichi da iguixixóypa.

¹² Mamman̄ictam, manjáyáypa porque Dios miwadayñeum perdón jem̄ iñtánca porque jem̄ Cristo miyoyáy jem̄ iñtánca. ¹³ Micham̄itampic, manjáyáypa porque incupic̄neum jem̄ Cristo jem̄ itw̄ip dende wiñigam. Manjáyáypatim, jem̄ dapic̄nam micham̄itam, porque incoñwiyñeum jem̄ Wocciwiñ. Manjáyáypatim michix̄tam porque iñixpic̄neta jem̄ tan̄jatun̄ Dios. ¹⁴ Manjáyáypa micham̄itampic porque incupic̄neum jem̄ Cristo jem̄ itw̄ip dende wiñigam. Manjáyáypatim jem̄ dapic̄nam micham̄itam porque tsam̄ miwiap. Iniit̄ jem̄ Dios in̄mat̄i iñanaman̄jom. Incoñwiyñeum jem̄ Wocciwiñ.

¹⁵ Tsac̄i iga iñtoypa itump̄iy jem̄ malopic̄ cosa jem̄ ityajw̄ip yíp naxyuc̄mi. Porque siiga tum̄ p̄ixiñ itoypa jem̄ malopic̄ cosa jem̄ ityajw̄ip yíp naxyuc̄mi, jesic̄ da itoypa jem̄ tan̄jatun̄ Dios. ¹⁶ Jem̄ da w̄ibic̄ p̄ixiñtam tsam̄ icusún̄iypa itump̄iy jem̄ malopic̄ cosa jem̄ ijsnew̄ip ianaman̄jom. Titam̄ iixpa imalwatpa, icusún̄iypatim. Agui nacujiptap̄ iyaac̄ iga agui w̄i it. Itump̄iy yíp malopic̄ j̄ixi jem̄ ityajw̄ip yíp naxyuc̄mi da miñpa de Dios. Jem̄ malopic̄ j̄ixi tsucumpa yíp naxyuc̄mic̄ p̄ixiñtam̄ iixian̄jom. ¹⁷ Cuyajpa yíp mundo y cuyajpatim̄ itump̄iy jem̄ malopic̄ cusún̄iyooyi. Pero jem̄ iwatyajpáppic̄ juuts ixunpa Dios da nunca cuyajpa. Jeeyaj tsíyyajpa para siempre.

Jém Cristo ienemigo je jém contracrsto

¹⁸ Mamman̄ictam, siip núctoobam jem̄ in̄an̄pigam̄ jama. Mimichtam̄ immaton̄neta iga miñpa tum̄ p̄ixiñ niman̄taayap̄ iga jeam̄ jem̄ Cristo. Tsam̄ an̄apa contra jem̄ Cristo. Siip núcneum w̄ati jem̄ an̄ayajpáppic̄ contra jem̄ Cristo. Jeeyuc̄mi tan̄jodon̄ iga núctoobam jem̄ in̄an̄pigam̄ jama. ¹⁹ Jeeyaj ityaj̄ idic̄ con taichtam, pero da iñuntacupic̄neyaj Dios. Jesic̄ oc̄mi cupudayyaj con taichtam. Siiga numa icupicyajpa Dios, jesic̄ tienes que tan̄waganait̄ámpa hasta siip. Pero cupudayyaj iga quejiñ iga da tawaganait̄a ni tum̄ de jeeyaj.

²⁰ Pero jem̄ tán̄omi Cristo michiñeta jem̄ Dios iAnama, jeeyuc̄mi iñtump̄iytam̄ wiap̄ in̄cut̄īiyta jem̄ w̄itampic̄ anquímayooyi. ²¹ Jesic̄ da manjáyáypa iga da in̄cut̄īiyta jem̄ numapic̄ anquímayooyi. Manjáyáypa porque mich̄ iñixpic̄pa jem̄ numapic̄ anquímayooyi. In̄jodon̄tim̄ iga jem̄ numapic̄ anquímayooyi da je migooyi.

²² ¿Jesic̄ iapaap jem̄ migoypaap? Jém migoypaap je jem̄ nimpáppic̄ iga jem̄ Jesús da je Cristo jem̄ icutsatnew̄ip Dios. Jém migóypáppic̄ je jem̄ contracrsto. Yíp malopic̄ p̄ixiñ in̄nécpa jem̄ tan̄jatun̄ Dios y in̄nécpatim̄ jem̄ Dios iMan̄ic. ²³ Porque siiga tum̄ p̄ixiñ da icupic̄pa jem̄ Dios iMan̄ic, jesic̄ datim̄ iixpic̄pa jem̄ tan̄jatun̄ Dios. Pero siiga tum̄ p̄ixiñ icupic̄pa jem̄ Dios iMan̄ic, jesic̄ iixpic̄patim̄ tan̄jatun̄ Dios.

²⁴ Jeeyuc̄mi mann̄imáypa iga odoy tsac̄i iga incupict̄ámpa jem̄ w̄ibic̄ anquímayooyi jem̄ moiw̄ip min̄quejaytam̄ta. Siiga da iñchacpa, jesic̄ seguido miwaganait̄ámpa jem̄ tan̄jatun̄ Dios y jem̄ iMan̄ic Jesucristo. ²⁵ Jém Jesucristo tajyc̄amayñe iga tachiiba jem̄ vida iga nicpa taít̄i con Dios.

²⁶ Manjáyáypa iga tsam̄ it̄ jem̄ tamigóyayajpáppic̄. ²⁷ Pero michtam̄ iniitt̄ámum jem̄ Dios iAnama jem̄ michiñew̄ip jem̄ Cristo. Iniitum̄ iñanaman̄jom. Jeeyuc̄mi da iñxunpa iga

i minquejáypa porque jém Dios iAnama minquejaytámpa itumpiy jém wibic jixi. Je jém numapic anquímayooyi, da je migooyi. Jesic odoy tsaci iga inwatpa juuts ixunpa jém Cristo juuts minquejáy jém Dios iAnama.

²⁸ Siip, mammanictam, wagaittaami con jém tánQmi Jesucristo, jesic da tançintámpa cuando miñgacpa yíp naxyucmi, da tatsaqtámpa cuando tanánámmocpa. ²⁹ Michtam inñodon iga da táncaiy jém Cristo. Jesic jodónataami iga itumpiy jém iwíwatyajpáppic nayñeyaj iga Cristo imanigap.

3

Nimpa jém Xiwan ti iwatyajpa jém Dios imanictam

¹ Ixi iga tsam pími tatoypa tanjatun Dios. Jeeyucmi tatsiytámpa iga Dios tamanictam. Yíp da je migooyi. Taichtam jém Dios tamanictam. Jeeyucmi jém dapic icupicyajpa Dios da tawixyajpa porque datim iixpicyajpa jém tanjatun Dios. ² Mantíwítam mantoytampáppic, siip taichtam Dios tamanictam. Da tanjodon siip juutspic tapixiñtam tatsiytámpa cuando tampictsonpa jém jomipic tammijtay. Pero tanjodon iga cuando miñgacpa yíp naxyucmi jém tánQmi Jesucristo, jesic tatsiytámpa jextim juuts jém Cristo. Porque cuando miñgacpa jém tánQmi, jesic tánixtámpa juutspic pxiñ. ³ Itumpiy jém pxiñtam jém injócyajpáppic iga miñgacpa jém tánQmi Cristo, tienes que ichacyajpa jém itánca iga cuáyñeiñ jém ianama porque da táncaiy jém Cristo.

⁴ Jém pxiñtam, jém iwatyajpáppic tánca, da icupicne jém Dios inquímayooyi. Itumpiy jém tánca it en contra de Dios inquímayooyi. ⁵ Michtam inñodon tam iga jém Cristo oy yíp naxyucmi iga iccáyáypa jém pxiñtam itánca. Inñodon tim iga jém Cristo da táncaiy ni uxañ. ⁶ Siiga tum pxiñ iwaganait jém Cristo, jesic da seguido iwatpa tánca. Pero itumpiy jém pxiñtam jém imalwatyajpáppic da icupicyajpa ni da iixpicyajpa Dios. ⁷ Mammanictam, cuidado iga i mimigóyáypa iga mictsactámpa jém Dios inmati. Siiga tum pxiñ seguido iwatpa juuts ixunpa Dios, jesic wibic pxiñ, jextim juuts jém tánQmi Cristo. ⁸ Pero siiga tum pxiñ da ichacpa itánca, jesic quejpa iga tsíypa juuts jém Wocciwiñ imichi. Porque dende wiñgam imalwatpa jém Wocciwiñ. Jeeyucmi jém Dios imanic oy yíp naxyucmi iga iccuyajáypa jém Wocciwiñ ipimi.

⁹ Jém Diospic imanictam ichacpa jém itánca. Da más imalwatpa. Siiga tanait jém vida jém Diospic tachiiñe, jesic da wíap tammalwat seguido porque Dios tamanigane. ¹⁰ Asíam tanjodónap iapaap jém Dios imanictam y iapaap jém Wocciwiñ imanictam. Jém dapic iwíwatpa da je Dios imanic ni jém dapic itoypa itíwítam.

Jém Dios ipixiñtam natoyyajtap con jém itíwítam

¹¹ Wiñgam tampictson yíp anquímayooyi: Wí iga tanatoytamtaiñ con jém tantíwítam. ¹² Da wí siiga tanwatpa juuts jém Caín, porque je jém Wocciwiñ imichi, icca itíwi. ¿Tíiga icca itíwi? Porque jém Caín iwatpa juuts ixunpa jém Wocciwiñ, pero jém itíwi iwatpa juuts ixunpa Dios.

¹³ Mantíwítam, odoy pooñanjamtaami siiga jém malopic pxiñtam tsam mijóyixpa. ¹⁴ Tatsiyñeta idic juuts tum pxiñ caane, pero siip taichtam tavolo. Tanjodon iga tavolo porque siip tantoypa jém tantíwítam. Jém pxiñ jém dapic itoypa itíwi jex juuts tum pxiñ caane. ¹⁵ Itumpiy jém ijóyixpáppic itíwi jex juuts tum accaoypaap. Y michtam inñodon tam iga jém accaoypáppic pxiñ da ini jém vida jém dapic cuyajpa. ¹⁶ Jesic asíam tançutñiyíypa jutsap tantoy jém tantíwítam porque jém Cristo iyaac nachiita iga accaata iga tajojáy tantánca. Jesic wítim iga tanjiguiñ iga taccaatap iga tanyoxpátpa jém tantíwítam jém icupicneyajwíp Jesús. ¹⁷ Siiga tum pxiñ tsam iniit iwíccuy y itumpiy cosa y iix iga pími

yaachap jém itíwí, pero da iyaachanjampa, jesic quejpa iga jém píxiñ da itoypa Dios. ¹⁸ Mammanictam, da wí iga tannímáypa jém tantíwí iga: Mantíwí, tsam mantoypa, pero ocmi da tanyoxpátpa. Siiga jém iníwí itogóyá algun ti, jesic yoxpaati, yaachanjami.

Jutsap tanjodon iga Diosam tamichitam

¹⁹ Siiga tantoypa tantíwítam, jesic tanjodon iga tanait jém numapic anquímayooyi. Jesic da tançinpa iga tanúcpa jém Dios iwiñjom. ²⁰ Siiga tanjís pa tánanamanjom iga agui tammalwatne idic, jesic odoy wadaayi caso porque Dios más mij que taichtam y Dios iixpicpa itumpiy jém píxiñtam ianama. ²¹ Jesaptim, mantíwítam, siiga da tanjís pa tánanamanjom iga agui tammalwatne, jesic da tançinpa iga tanúcpa jém Dios iwiñjom. ²² Siiga tanwágáypa Dios alguna cosa, jesic tachiiiba porque seguido tançupicpa jém Dios inquímayooyi y tanwatpa juuts iwianjam Dios. ²³ Nimpá jém Dios inquímayooyi iga tançupictámiñ jém iManic iníyi, jém Jesucristo. Nimpatim iga tanatoytamtaiñ con jém tantíwítam juuts tanímayñe. ²⁴ Itumpiy jém icupicneyajwíp jém Dios inquímayooyi ityaj con Dios. Ittim Dios con jém ipíxiñtam. Tanjodon iga tanwaganait Dios porque tachiiñeta jém Dios iAnama.

4

Quejpa juppíc jém malopíc espíritu jém tamigóyaypáppic

¹ Mantíwítam mantoytampáppic, odoy cupíci itumpiy jém anmatcñwiñ jém ninyajpáppic iga iniit jém Dios iAnama. Pero wiñti cutiñsi jém inquímayooyi, jesic quejpa siiga Dios icutsatne. Porque tsam it jém malopíc anmatcñwiñ jém tamigóyaypáppic. Ininúcyajpa jém migooyi jutíñquej. ² Siiga jém anmatcñwiñ nimpá iga jém Jesucristo oy yíp naxyucmi juuts tum píxiñ, maayítim juuts taichtam, jesic tanjodon iga jém anmatcñwiñ iniit jém Dios iAnama. Jempigam tánixpicpa siiga iniit jém Dios iAnama. ³ Pero siiga da inmatpa jém píxiñ iga maayítim jém Cristo juuts taichtam, jesic da ini jém Dios iAnama. Jém píxiñ iniit jém mal espíritu. Y jém mal espíritu it en contra de jém Cristo. Michtam injodontam iga miñpa jém anapáppic contra jém Cristo y sip núcneum yíp naxyucmi.

⁴ Pero mimichtam, mammanictam, Dios mimichitam. Incoñwiyñeum jém malopíc anmatcñwiñ jém tamigóyaypáppic. Porque jém Dios iAnama, jém iniitwíp inñanamanjom, más wíap que jém iniitwíp jém malopíc píxiñtam ianamanjom, jém dapic icupicneyaj Dios. ⁵ Jém malopíc anmatcñwiñ iniityaj yíp naxyucmipic jixi, jesic cuando inmatyajpa jém malopíc anquímayooyi, yíp naxyucmipic píxiñtam imatonyajpa. ⁶ Pero taichtam Diosam tamichitam. Cuando tanañmatpa jém Dios inmati, jesic jém icupicneyajwíp Dios imatonyajpa. Pero jém dapic je Dios imichi jeeyaj da imatonyajpa. Jempigam wíap tánixpic jém Dios iAnama y jém mal espíritu jém tamigóyaypáppic.

Dios tsam tóyóypa

⁷ Mantíwítam mantoytampáppic, wí iga taichtam tanatoytamtaiñ con jém tantíwítam porque Dios tachiiñe jém jixi iga tanatoytamtaiñ. Y itumpiy jém itoyyajpáppic itíwí je jém Dios imanictam y jeeyaj iixpicyajpa Dios. ⁸ Jém dapic itoypa itíwí jesic datim iixpicpa Dios porque tsam tóyóypa Dios. ⁹ Dios tanquejay jutpic tatoypa cuando icutsat yíp naxyucmi jém tumpic iManic iga tachiiñtam jém vida jém dapic cuyajpa. ¹⁰ Yimpic quejpa jém wibic tóyooyi. Da iga tantoypa Dios, pero iga Dios tatoytámpa taichtam. Jeeyucmi icutsat iManic iga tajojay tantánca.

¹¹ Mantíwítam mantoytampáppic, iga tsam tatoypa Dios jesic wítim iga tanatoytamtaiñ con jém tantíwítam. ¹² Da j nunca oypa iix jém tanjatun Dios, pero siiga tanatoytamtap con tantíwítam, jesic tanjodon iga tanaitta Dios tánanamanjom. Y másim

quejpa iga tatóyóypa. ¹³ Dios tachiiñeta jém iAnama, jeeyucmi tanjodon iga tait con Dios y Dios it con taichtam. ¹⁴ Anyaac ánixñeta jém Jesucristo y siip ananmattámpa jutinqej iga jém tanJatun Dios icutsat jém iManic yíp naxyucmi iga iciacputpa itumpiy jém pixiñtam jém ityajwip yíp naxyucmi. ¹⁵ Siiga tum pixiñ inmadáypa jém itiwitam iga jém Jesucristo jém Dios iManic, jesic jém pixiñ it con Dios y jém Dios it con jém pixiñ.

¹⁶ Tanjodon y tancupicpa iga Dios tsam tatoypa porque Dios tsam tóyóypa. Y jém pixiñ jém tóyoypáppic it con Dios y Dios ittim con jém pixiñ. ¹⁷ Siiga seguido taittámpa con Dios, jesic más tancutiyyitámpa jutsap tantoy Dios. Y cuando núcpa jém jama iga Dios ichiiba castigo jém malopic pixiñtam, jesic taichtam da tançintámpa. Taichtam tajextim juuts jém Cristo cuando jáy iti yíp naxyucmi. ¹⁸ Jut it jém tóyooyi da i jém çini porque jém numapic tóyooyi iccáypa itumpiy jém çini. Pero siiga tum pixiñ icinpa jém Dios icastigo, jesic quejpa iga da iniñ jém numapic tóyooyi.

¹⁹ Taichtam tantoytámpa Dios porque wiñti tatoyta. ²⁰ Pero siiga tum pixiñ nimpa iga: Ich antoypa Dios, pero ijóyixpa itiwí, jesic migóypa jém pixiñ. Porque siiga da itoypa itiwí jém iixñewip, jesic datim wíap itoy jém Dios jém dapic tánixpa. ²¹ Dios tachi yíp anquímayooyi: “Siiga inñtoypa Dios, jesic toyitim mex jém inñiwitam.”

5

Jém icupicneyajwip jém Cristo icoñwiyñeum jém Wocciwiñ ipimi

¹ Siiga incupicpa iga jém Jesús je jém Cristo, jesic Dios mimanic. Siiga tantoypa jém Jatunpic, jesic tienes que tantoytámpatim jém imanictam. ² Jesic tanjodon iga numa tantoypa jém Dios imanictam siiga tantoypa Dios y tanwattámpa juuts tanímáypa. ³ Siiga tanwatpa juuts nimpa jém Dios inquímayooyi, jesic quejpa iga tantoypa Dios. Y jém Dios inquímayooyi da tñca iga tanwatpa. ⁴ Porque jém Dios imanictam wíap icoñwiy itumpiy jém malopic jixi jém ityajwip yíp naxyucmi. Wíap tançoñwiy porque tancupicne jém Jesucristo. ⁵ Pero nada más jém icupicneyajwip iga jém Jesús je jém Dios iManic wíap icoñwiy itumpiy jém malopic jixi.

Tucuten testigo tanquejáypa iapaap jém Jesucristo

⁶ Oy iti jém Jesucristo yíp naxyucmi, acchinta niicim, itegáy inñipiñ jém cunusyucmi. Da je solamente con ni, pero tanquejayta con jém ni y con jém nñipiñ iga da je migooyi. Dios iAnama tsíypatim juuts tum testigo iga jém oyñewip numa jém Dios iManic porque jém Dios iAnama da inisiiba jém migooyi. ⁷ Tucuten testigo it siñyucmi: jém tanJatun Dios, jém tánomi Jesucristo y jém Dios iAnama. Icutres tsíy juuts tumti. ⁸ Ittim tucuten testigo yíp naxyucmi: jém Dios iAnama tsíy juuts tum testigo, y jém ni tsíy juuts tum testigo, y jém nñipiñ tsíy tim juuts tum testigo. Icutres it de acuerdo. ⁹ Tancupicpa jém pixiñtam cuando inmatyajpa juuts testigo. Pero más wibic testigo jém tanJatun Dios. Tanímayñe iga Jesucristo je jém iManic. ¹⁰ Jém icupicneyajwip jém Dios iManic chiiñeta jixi ianamanjom iga numa jém Jesús je jém Dios iManic. Pero jém pixiñ, jém dapic icupicpa Dios, nimpa iga migóypa jém tanJatun Dios porque da icupicpa titam tanmadáy Dios de jém iManic. ¹¹ Tacjodónaneta iga Dios tachiiñetámum jém vida jém dapic cuyajpa, yíp vida iniit jém Dios iManic. ¹² Jém iniitwip jém iManic, iniitum jém vida. Pero jém dapic iniñ jém Dios iManic, je da iniñ jém vida.

¹³ Manjáyáypa mimichtam jém incupicnetanwip jém Dios iManic inñyi iga inñuntawijodon iga impictsonneta jém vida jém dapic cuyajpa.

¹⁴ Siiga tanwágáypa Dios jém wítampic cosa juuts ixunpa Dios, jesic tanjodon iga tamatonpa. Tanjodon iga Dios iccupacpa juuts tajycámayñe. ¹⁵ Siiga tanjodon iga Dios

tamatonpa cuando tanañwejpátpa, jesic tanjodonjim iga tachiineum jem wibic cosa jem tanwagaynewiip. ¹⁶ Siiga tanixpa tum tantiwí iwat tum tñca jem dapic iccaaba, jesic wí iga tanañwejpádáyíñ Dios para je. Jesic Dios ichiiba vida jem tantiwí siiga da iwat jem tñca jem taccaapáppic. Porque it jem tñca jem taccaapáppic. Da mannímáypa iga inñwejpádáyíñ Dios para jem pñxiñ siiga iwatpa jexpic tñca. ¹⁷ Itumpiy jem malopic cosa jem iwatyajpáppic jem pñxiñtam tñcatim. Pero it jem tñca jem dapic iccaaba jem pñxiñ.

¹⁸ Tanjodon iga jem tsýñeyajwiip juuts jem Dios imanictam ichacneyajum iga imalwatpa porque jem Cristo iwatpa cuenta iga jem Wocciwiñ odoy wíñ icmalwat.

¹⁹ Tanjodon iga Dios tamaniganeta. Tanjodonjim iga itumpiy jem malopic pñxiñtam yíp naxyucmi ityaj jem Wocciwiñ icijom.

²⁰ Tanjodonjim iga oy yíp naxyucmi jem Dios imanic iga tachiiba jem wibic jñxi iga wíñ tancutiyíy juppic jem numapic Dios. Siip tanwaganaittampa jem numapic Dios, je jem tánomi Jesucristo. Je jem numapic Dios jem tachiinewiip jem vida jem dapic cuyajpa.

²¹ Mammañictam, odoy jistaami jem watnas jem dapic je nunta Dios. Jemum cuyaj.

Jém segunda carta jém ijayñewiip jém Xiwan

Jém numapic anquímayooyi tayo xpátpa iga tanatoytamtañ con jém tantiwitam

¹ Ich aXiwan, atsamipic anjagooyi. Siip manyomtíwi, jém micupiñnewiip Dios, manjáyáypa mimichtam con jém immanictam. Numa tsam mantoytámpa. Da no más ich mantoypa, mitoytámpatim itumpiy jém icupicneyajwiip jém numapic anquímayooyi.

² Mantoytámpa mimichtam porque tan cupictámpa jém numapic anquímayooyi jém tanaitwiip tánanamanjom, jém tanwaganaitwiip para itumpiy tiempo. ³ Siip tanjatun Dios y jém tánomi Jesucristo, jém Dios imaníc, miwíwadaytámpa y miyaachanjamtámpa mimichtam. Michiitámpa jém wibic paz iga odoy micintámiñ. Jempam miwadaytámpa Dios con jém numapic anquímayooyi y jém wibic tóyooyi.

⁴ Ich tsam amaymay iga ampát algunos jém immanictam agui iwíwatyajpa juuts nimpá jém numapic anquímayooyi, jém tanímayñewiip jém tanjatun Dios. ⁵ Manyomtíwi, siip mancunucsáypa iga natoytamtañ con jém tantiwitam. Da manjáyáypa tum jomipic anquímayooyi. Yíp anquímayooyi jeetim jém mojwiip tampictson. ⁶ Siiga tanait jém wibic tóyooyi, jesic tanwattámpa juuts nimpá jém Dios inquímayooyi. Yíp anquímayooyi jeetim jém wiñtipic tammatoñne iga tatóyoytámiñ.

Tsam it jém tamigóyayajpáppic

⁷ Siip siiyajpa jutínquej jáyan jém migoyyajpaap. Nimyajpa iga jém Jesucristo da oy ití yíp naxyucmi juuts tum pxiñ. Yíp migoyyajpaap it en contra de jém Cristo. ⁸ Wattaami cuenta mimichtam iga odoy togóyiñ jém incoñwiyooyi porque tsam pimi miyoxata. Wi iga capsá impictson jém incoñwiyooyi jém michiipáppic Dios.

⁹ Siiga i ichacpa jém Cristo inquímayooyi iga incodíypa y ijáyaníypa más jém anmáti, jesic jém pxiñ da iwaganait Dios. Pero siiga tum pxiñ da ichacpa jém Cristo inquímayooyi, iwaganait tanjatun Dios y iwaganaittim jém Dios imaníc. ¹⁰ Siiga núcpa inñicim tum anmátcíwiñ jém dapic inmatpa parejo jém Cristo inquímayooyi, jesic odoy jígaañ iga tigíypa con mimichtam. Datim wi iga tandioschiiba jém pxiñ. ¹¹ Porque siiga tannímáypa jém malopic anmátcíwiñ iga: Dios miwíwadáyiñ, jesic jempam tanyoxpátpa iga imalwatpa.

Cuyajum jém toto

¹² Tsam jáyan cosa manjáyaytooba idic, pero da más manjáyáypa con toto y tinta. Anjispá iga nicpa manjóyáy iga tanmatmatneeba con mimich, jesic agui tamaymáyatámpa.

¹³ Jém inñchitsi imanictam, jém icupiñnewiip Dios, micutsadáypa watidios. Jenum cuyaj.

Jém tercera carta jém ijayñewiip jém Xiwan

Wi iga tanyoxpátpa jém Dios ipixiñtam

¹ Ich aXiwan atsamiptic anjagooyi. Siip manjáyáypa, mánamigo Gayo, ich numa tsam mantoypa.

² Siip mantiwi, jém mantoypáppic, anañwejpátpa Dios para mimich iga odoy mimimneiñ, iga miwidiñ juustim tsam wi it jém iñanama. ³ Ich agui amaymay cuando algunos jém tantiwitam oy añmadáy iga mich da iñchacne jém numapic añquímayooyi, iga siempre tsam inwíwatpa. ⁴ Numa tsam pimi amaymáypa cuando ammaton iga jém ammanictam agui iwíwatyajpa juuts nimpá jém numapic añquímayooyi.

⁵ Mantíwi, mantoypáppic, agui miwi iga seguido iñyoxpátpa jém tantiwitam jém tungac pxiñtam jém dapic de mimichtam. ⁶ Jeeyaj cuando oy yim jut añtuumayajpa jém Dios ipixiñtam, nimyaj iga mich tsam wibic mipixiñ. Siip mancunucsáypa iga más iñyoxpádiñ yípyaj jém Dios ipixiñtam juuts iwianjam Dios. Chi titam itogóyay iga wiañ iñicyaj más juumi. ⁷ Nicyajpa juumi iga icuyoxayajpa jém Cristo. Da ti ipictsonyajpa de jém tungac pxiñtam jém dapic icupicneyaj Dios. ⁸ Jeeyucmi wi iga tanyoxpátámiñ jexpic pxiñtam iga tanwaganayoxap jém inmatyajpaap jém numapic añquímayooyi.

Jém pxiñ Diótrefes tsam imalwatpa

⁹ Anjáyay tum toto jém icupicneyajwiip Jesús jemum jut it jém pxiñ iñyi Diótrefes. Pero jém Diótrefes da awipictsona porque agui iwianjam iga tsíypa juuts tum mijpic añjagooyi iga injacpa jém Dios ipixiñtam. ¹⁰ Jeeyucmi cuando anicpa jemíc, añwogáypa jém Diótrefes iga odoy imalwadiñ. Tsam migóypa, tsam acujyapa. Tsam malotim jém pxiñ porque datim ipictsonpa jém Dios inmatcwiñ cuando nicpa najíyooyi. Datim ijígyapa iga i yoxpátpa jém Dios inmatcwiñ. Y siiga algunos ipictsonpa iga icwícpa, jesic jém Diótrefes iquebacputpa jém masticjom jut añtuumayajpa porque da iwianjam.

¹¹ Mantíwi, mantoypáppic, odoy wati juuts iwatpa yip malopic pxiñ. Wati juuts iwatpa jém wibic pxiñtam. Porque jém iwatyajpáppic juuts ixunpa Dios tsíyyajpa juuts jém Dios imichi. Pero jém malopic pxiñtam da iixpicyajpa Dios.

Wibic pxiñ jém Demetrio

¹² Pero itumpiy jém pxiñtam nimyajpa iga wibic pxiñ jém Demetrio. Quejpa iga iwatpa juuts nimpá jém numapic añquímayooyi. Aichtam animtámpatim iga jém Demetrio iwíwatpa. Mimichtam iñjodonam iga siempre mannuumanmadáypa.

Cuyajum jém toto

¹³ Tsam it jáyan cosa iga manjáyaytooba idic, pero da más manjáyáypa cimi. ¹⁴ Porque da jáyñe nicpa mánám. Jesic wíap tanañmat con mimich.

¹⁵ Dios miwattámiñ cuenta mimichtam. Jém iñamigoyaj, jém ityajwiip yim, tsam wátidios micutsadaytámpa. Awadaayi tum favor. Dioschiyaji cada tumtum jém tánamigoyaj jém ityajwiip jemíc. Jemum cuyaj.

Jém carta jém ijayñewiip jém Judas

Jém Judas ijáyáypa jém Dios ipixiñtam

¹ Ich aJudas añcuyoxap jém tánQmi Jesucristo. Jém Jacobo antiwi. Siip manjáyáypa mimichtam jém aguipic mitoypa tanJatun Dios, jém miñwejayñewiip. Miwatneta cuenta jém tánQmi Jesucristo. ² Wi iga miyaachanjamtámiñ Dios y iga jáyanaiñ jém paz y jém wibic tóyooyi.

Jém malopic maestroyaj inquejpa migooyi (2 P. 2:1-17)

³ Mantiwitam, mantoytampáppic, tsam anjisa iga manjáyáypa más parejo titam tannascaaba cuando taciacputtampa jém tánQmi Jesucristo. Pero siip anjisa iga más wi iga manjáyáypa iga miñpa jém enemigoyaj. Manañquimpa iga seguido míñatámiñ con jém ijóyixpáppic jém wibic añmati iga tancupicpa Cristo. Tunçiy ichac Dios yíp wibic añmati para siempre. ⁴ Algunos jém malopic pixiñtam yamtigiyñeyaj con jém Dios ipixiñtam. Pero dende wiñigam jaycámnetá jém Dios inmati iga jexpic pixiñtam ichiiba castigo tanJatun Dios. Yíp malopic pixiñtam da imatonyajpa ti iñimáypa Dios. Nimyajpatim iga wiap tanwatta itumpiy malopic cosa juuts tançusúnyypa tánanamanjom y da tachiiba castigo Dios porque tsam tóyóypa. Jeeyaj innécyajpa jém tanAnjagooyi, jém tánQmi Jesucristo.

⁵ Manacjisa, aunque michtam injodonam itumpiy yípyaj cosa, iga tanJatun Dios cuando itop jém ipixiñtam jém naxyucmi de Egipto, iccucaayyaj itumpiy jém dapic icupicyaj. ⁶ Wiñigam algunos jém siñyucmipic pixiñtam ichacyaj jém icargo jém ichiñewiip Dios. Ichacyaj iticmi iga iwatyajpa juuts iwianjamyaj iyaac. Pero siip matsyajta, pajta para siempre jém piichcim hasta jém inañpigam jama cuando Dios icipinpa jém malopic pixiñtam y ichiiba jém castigo. ⁷ Jistaamitim jém pixiñtam jém ityajwiip idic jém Sodoma y Gomorra con jém tungac tiganjoj, jém ityajwiip nocojom. Jeeyaj tsam pimi imalwatyaj juuts jém malopic siñyucmipic pixiñtam. Tsam icusúnyyajpa itumpiy jém malopic cosa. Tsam pejoyyajpa. Pixiñ con pixiñ nacusúnyyajta. Yomo con yomo nacusúnyyajta. Jesic Dios ichi tum miipic castigo. Jipsquetyajpa jeeyaj jém juctjom jut da nunca pichpa. Tsíyyaj juuts tum ejemplo para itumpiy jém pixiñtam.

⁸ Jesanetim jém yamtigiyñeyajwiip con mimichtam, jém mawíñayajpáppic, imalwatyajpa con imijtay. Da ijicpa iga anjactap. Tsam injibaccúmpa, imalnímáypa jém siñyucmipic añjagooyiyaj. ⁹ Wiñic jém arcángel Miguel tsam añayaj con jém Wocciwiñ, inçayajpa jém Moisés imijtay. Pero jém Miguel da iquejajwadáy jém Wocciwiñ, da imalnímáy, nada más iñimáy iga: Jém anJatun Dios miñiyjácpa. ¹⁰ Yíp malopic maestroyaj, jém yamtigiyñewiip con mimichtam, tsam imalnímayyajpa jém cosa jém dapic iixpicyajpa. Pero icutiyyayyajpa jém malopic jixi juuts jém animatyaj dapic jixiíy. Jesic namiswatyajtap entre jeeyaj.

¹¹ Agui uuguytim yípyaj pixiñtam porque tsam imalwatyaj juuts jém Caín. Ipic tungac tun iga ricojap juuts jém Balaam. Cucaayyajpa juuts jém rebelde Coré. ¹² Cuando miwagasinatampa con jém inñiwitam, jém inñoytampáppic, jesic miñyajpatim yípyaj malopic pixiñtam. Niñantaayap iga iñamigo, pero da je. Tum tsaaji para mimichtam. Tsam wícyajpa y ucyajpa. Nawidatap iyaac. Da iniayyaj respeto jém tánQmi Jesucristo. Yípyaj jex juuts jém ucsi jém dapic ini tuj, jém sawa icmiñpa yim, icnicpa jeexic. Jextim juuts

tum cuy jém dapic tímaj y sïp nasum itiempo, wixquímnetawum con itichic, wisciy caane. ¹³ Tsam tsigóypa jém lamar cuando pimi poypa jém sawa. Ichacpa lamar anñaca jém nimoya y jém puchi. Yíp malopic pixiñtam jextim juuts jém nipoa. Tsam anmatyajpa, pero inimiñpa jém jixi dapic wi. Juuts tum matsa jém dapic ijodon jut nicpa, jeeyaj acnicyajtap jém piichcim jut tsam pimi piichi. Tsacnetaj iga jemum tsíy itumpiy tiempo.

¹⁴ Wiñic it idic tum wibic pixiñ inñiyi Enoc. Je jém septimo nay despues de jém Adán. Chiitaj jixi jém Enoc iga wiañ inmat ti miñpa. Nimpa: “Ámtaami mimichtam, Dios anquejáy iga miñpa yíp naxyucmi jém tánomi. Iwaganamiñpa tsam jáyan mil jém ipixiñtam jém cuáyñeyajwïp. ¹⁵ Miñpa jém tánomi iga icipinpa y ichiiba castigo itumpiy jém táncayyajwïp. Miñpa iga inquejáypa iga táncay itumpiy jém ijóyixyajpáppic Dios porque tsam jáyan malopic cosa iwatyaj contra jém Dios inquímayooyi. Yíp malopic pixiñtam tsam imalnímayyaj jém tánomi jeeyucmi chiijaytap castigo.” ¹⁶ Tsam jóyteroyaj, i quej imalnímáypa. Imétsyajpa itumpiy jém malopic cosa juuts icusúniyyajpa. Anmatyajpa juuts agui wiap. Agui nacujíptaj iyaac. Imigóyayyajpa jém itiwitam, icujípyajpa iga itobáypa titam ixunpa.

Chiitaj jixi jém icupicneyajwïp Jesús

¹⁷ Mimichtam, mantoytampáppic, jistaami jém anmati, jém inmatnewïp jém apóstolyaj de jém tánomi Jesucristo. ¹⁸ Nimyaj: “Cuando núcpa jém inañpigam jama, itpa jém malopic pixiñtam. Tsam saayíyóypa, tsam xiccaóypa. Siempre iwatyajpa juuts iwianjam jeeyaj, jém dapic iwianjampa Dios.” ¹⁹ Yípyaj iwécyajpa jém Dios ipixiñtam. Iniityaj yíp naxyucmic jixi. Da iniityaj jém Dios inama inamanjom.

²⁰ Pero michtam, mantoytampáppic, seguido cuyujcai jém Dios inmati iga más y más wiap inwat juuts ixunpa tánomi. Jígaayi iga miyoxpátpa jém Dios inama cuando inwattampa oración. ²¹ Cada tumtum de mimichtam nawattaji cuenta inñaac iga odooy inchactamiñ jém tanjatun Dios itóyooyi. Anjóctaami jém jama iga miyaachanjampa jém tánomi Jesucristo cuando michiitampa jém vida dapic cuyajpa.

²² Yaachanjami jém dapic iwicutiyyíypa. Wianquejaayi. ²³ Ciacputitim jém jípsquetpáppic, topi de jém juctjom. Jém tungac, yaachanjami, cñitim. Jóyxaayi hasta jém ipuctucu jém imanchajiywïp con jém imijtay.

Icujíppa tanjatun Dios

²⁴ Sïp tanajíptampa jém wiapaap tawat cuenta iga da tacutinpa. Agui pimi tamaymay iga tacwiñquejpa sin tánc Dios iwiñjom. ²⁵ Jém tumpic Dios, jém taciacputtampaap por medio de tánomi Jesucristo, tsam kujíptaj. Je jém más mijpic anjagooyi. Iniit itumpiy ipimi. Iniit itumpiy autoridad. It pecam, it sïp, it itumpiy tiempo. Amén. Jemum cuyaj.

Jém toto jém ijayñewiip jém Xiwan iga tanquejáypa ti miñpa

Jém Jesucristo icjodóna jém Xiwan ti miñpa

¹ Yümpic icwiñquej Dios jém Jesucristo iga je inquejáyiñ jém icuyoxayajpaap ti miñpa da jáyñe. Jesucristo icutsat tum jém sinyucmipic pxiñ iga icjodónaiñ jém Xiwan jém icuyoxapaap jém Jesucristo. ² Ich aXiwan, annuumanmatpa jém Dios inmati y jém anímayñewiip Jesucristo con itumpiy jém ánixwiip. ³ Tsam maymay jém imaypaap y jém imatonyajpaap yíp anmati titam miñpa. Maymáayajpatim jém icupicyajpaap juuts jayñeta porque da jáyñe núcpa jém ínanpigam jama.

Jém Xiwan ijáyay jém siete grupo

⁴ Ich aXiwan, siip manjáyáypa mimichtam jém minuumatampaap jém siete grupo jém miittanwiip jém naxyucmi de Asia. Miwíwadaytamiñ Dios, michiitamiñ jém paz ínanamanjom iga odoy ti inçintamiñ. Da nunca cuyajpa jém tanjatun Dios, it dende wiñgam, ittim siip, it para siempre. Miwíwadaytampatim jém siete espíritu jém ityajwiip jém Dios itrono iwiñjom. ⁵ Miwíwadaytampatim jém tánomi Jesucristo jém wibic testigo jém dapic migóypa. Je jém wiñtipic acpisneta de jut it jém caaneyajwiip. Más miipic anjagooyi, injacpa itumpiy jém reyyaj de yíp naxyucmi. Tsam tatoypa. Taccáyáypa jém tantanca porque itegáy jém iñpiñ. ⁶ Jém Cristo taccámta juuts tanjagooyi, juuts tapanij iga tançuyoxatamiñ tanjatun Dios jém Cristo iDios y íjatun. Wi iga tançujíptamiñ porque je iniit itumpiy ipimi para siempre, da nunca cuyajpa. Amén.

⁷ Ixtaami. Miñgacpa yíp naxyucmi jém tánomi Cristo jém ucsanjom. Itumpiy jém pxiñtam icuwiiti yíp naxyucmi iixyajpa cuando miñpa. Iixyajpatim jém Israelpic pxiñtam jém ichenwiip. Tsam weyjajpa itumpiy jém pxiñtam cuando iixyajpa jém Cristo. Jempigam ínascayajpa.

⁸ Nimpa jém tánomi Cristo jém iniitwiip itumpiy ipimi: “Ich jém awiñtipic y jém ínanpic juuts jém letras alfa y omega.” Ich aít dende wiñgam, aittim siip, aítpa para siempre.

Jém Xiwan iix Cristo juuts tum poñ

⁹ Mantíwítam, ich aXiwan, manacjodónap iga ich annascanetim jém yaachaji juuts mimichtam jém tánomi Cristo icuyucmi. Je tsam tayoxpátpa iga tanyaachíypa iganam tananjóctampa jém jama iga nicpa tawagaiti jut injacpa jém tánomi Cristo. Apajta jém isla iñiyi Patmos porque anamatpa jém Dios inmati y anamatpa iga jém Jesucristo tawíwadáypa. ¹⁰ Ich aít en el Espíritu cuando núc jém tánomi ijama. Jesic ammaton antuuñiançim tum miipic jiyi juuts tum trompeta injiyi. ¹¹ Nimpa jém jiyi:

—Ich jém awiñtipic y jém ínanpic juuts jém letras alfa y omega. Titam ínixpa siip jaycaami tum librojom. Cutsadaayi jém siete grupo jut antuumayajpa jém Dios ipxiñtam jém naxyucmi de Asia. Cutsadaayi jém ityajwiip jém atebet Efeso, Esmirna, Pérgamo, Tiatira, Sardis, Filadelfia y Laodicea.

¹² Jesic aámset antuuñiançim iga ánixiñ i ajíyáy. Cuando aámset, ánix siete jém nooquejucuy tuncuy de oro. ¹³ Jut it jém siete nooquejucuy tuncuy de oro, jemum icucmi teñ tum pxiñ, íamooyi juuts jém Miññewiip Sinyucmi. Iccámne tum yagats yooti núcne hasta ipuyucmi. Iccámnetim ipechoyucmi juuts tum wiñtipic cinturón de oro. ¹⁴ Jém iway jém itwiip icobacyucmi tsam popo juuts lana. Pimi popo juuts nieve. Agui tsocpa jém iixcuy juuts tum jucti agupic yótpa. ¹⁵ Jém ipuy agui tsocpa juuts wibic bronce. Tsocpa juuts

tijcuy pijneta juctjom. Tsam pimi jiyapa juuts tiñpa jem ni cuando comne. ¹⁶ Imatspacne siete matsa inwiciimi. Jem ijipjom putpa tum espada agui tsupa icudoslado. Jem iamooyi pimi tsocpa juuts jem jama cuando agui pimi pijpa.

¹⁷ Cuando anix, acutiñ ipuycim juuts acaane. Jesic atsic con inwici. Animay:

—Odoy cñi. Ich jem awiñtipic y jem inañpic. ¹⁸ Ich jem avivopic. Accaata, pero siip ait vivo para siempre. Ich anaif jem llave para jem lugar jut pajyajap jem caaneyajwip. ¹⁹ Jaycaami titam inixne, titam inixpa siip y jem miñpappic ocmim. ²⁰ Siip manañquejyapa jem jixi jem añécnewip, ti nimtooba jem siete matsa jem ammatpacnewip anañwiciimi y jem siete nooquejucuy tuncuy de oro. Jem siete matsa nimtooba jem siete añmatcwiñ jem inmatyapappic jem Dios inmati para jem siete grupo de jem Dios ipixiñtam jut añtuumayajpa. Y jem nooquejucuy tuncuy de oro nimtooba jem siete mastic jut añtuumap jem Dios ipixiñtam.

2

Cutsadayta añmati jem ityajwip jem attebet Efeso

¹ Jáyaayi jem pixiñ jem inmatpappic jem Dios inmati jut añtuumayajpa jem Dios ipixiñtam jem attebet Efeso. Nimaayi: “Yimpic nimpa jem iniitwip jem siete matsa icijjom, jem sipappic jut tunnetá jem nooquejucuy: ² Ich anjodon iga mimichtam tsam inwíwattámpa y manixpicpa iga tsam pimi miyoxatámpa y iga inyaachiytámpa jem mijpic yaachaji. Anjodonjim iga da inwinanigaytámpa jem malopic pixiñtam. Anjodonjim iga incutitstámpa jem pixiñtam jem nimanñayapappic iga Dios icutsatne. Tsam wiquejpa iga migoypaap. ³ Tsam inyaachiytámpa cuando miyaachwattamtap y cuando mimalwadaytamtap ich añcuyucmi. Da inñchacneta iga antúnjyapa. ⁴ Pero anaif algo en contra de mimichtam. Porque dam jespuy antoypa juuts wiñti cuando moj añcupicta. ⁵ Jeeyucmi jistaami jutsap antoyta wiñti cuando danam micutiñneta. Cucactaami jem inñjixi. Eybic wattaami juuts moj inwatta wiñti. Siiga da inñcucactámpa jem inñjixi, ich da jáyñe añcpa jemc, manaccáyaypa jem inññooquejucuy tuncuy y da más tsocpa jem wibic jucti jut miitta. ⁶ Pero tum wibic cosa inwatta. Inñjyixtámpa ti iwatyajpa jem icupicneyajwip jem nicolaítaspic inñquímayooyi. Ich anñjyixpatim jem añquímayooyi. ⁷ Siiga mitatsigyta, matonñtaami ti nimpa jem Dios inñama jut añtuumayajpa jem Dios ipixiñtam. Nimpa así: Siiga inñcoñwíyapa jem enemigo, jesic manñiiba jem wibic cuy itim iga inñcútpa jem michiipappic vida. It jem cuy jut tsam wicom jut it Dios.”

Cutsadayta añmati jem ityajwip jem attebet Esmirna

⁸ Jáyaayitim jem pixiñ jem inmatpappic jem Dios inmati jut añtuumayajpa jem Dios ipixiñtam jem attebet Esmirna. Nimaayi: “Yimpic nimpa jem wiñtipic y jem inañpic, jem caanewip idic, pero siip vivojam: ⁹ Ich anjodon ti sip inwatta. Anjodon iga tsam miyaachwattamtap y tsam miyaachap, pero iniitta tungac riqueza. Anjodonjim iga tsam mimalmalnimaypa jem pixiñtam jem inñsyajpappic iga nunta Israelpic pixiñtam, pero da je. Jeeyaj jem Wocñwiñ imñchi. ¹⁰ Odoy cñtaami iga tsam miyaachwattamtap. Jem Wocñwiñ micottámpa cárcel algunos de mimichtam iga micutitstamtap. Tsam pimi miyaachwattamtap diez día. Pero yaachiytaami hasta micaaba, jesic ocmi manñiiba jem vida jem dapic cuyajpa juuts tum coñwiyoyi. ¹¹ Siiga mitatsigyta, matonñtaami ti nimpa jem Dios inñama jut añtuumayajpa jem Dios ipixiñtam. Nimpa yimpic: Siiga inñcoñwíyapa jem enemigo da wisciy micaaba. Yip nimtooba iga da miñcpa jut chiijajtap castigo para siempre.”

Cutsadayta añmati jem ityajwip jem attebet Pérgamo

¹² Jáyaayitim jém inmatpáppic jém Dios inmati jut antuumayajpa jém Dios ipixiñtam jém atebet Pérgamo. Nímaayi: “Yimpic nimpa jém iniitwip jém espada jém aguipic tsupa icudoslado. ¹³ Nimpa iga ich anjodon ti inwattámpa. Anjodon tim iga miitta jém lugar jut injacpa jém Wocciwiñ. Da inñchactámpa iga ancupicpa ni da ininécpa iga ancupicneta ni jém jama cuando accaata jém incompañero Antipas. Jém pixiñ tsam inuumanmatpa ich anamati. Accaata jut miitta mimichtam jém atebet jut it jém Wocciwiñ. ¹⁴ Pero anait algo en contra de mimichtam. Inwaganaita jém atebet Pérgamo algunos jém malopic pixiñtam jém dapic ichactooba jém Balaam inquímayooyi. Wiñigam jém Balaam inquejáy jém Balac jutsap icmalwat jém Israelpic pixiñtam. Inquejáy iga wi iga icisayajpa jém mayi jém accaanetawip jém watnas iwiñjom. Inquejáy tim iga wiap imalwatyaj con jém malopic yomtam. ¹⁵ Inwaganaitatim algunos jém pixiñtam jém dapic ichactooba jém nicolaítaspic inquímayooyi. Ich anjóiypatim jém anquímayooyi. ¹⁶ Jeeyucmi mannímaypa: Tsactaami iga immalwattámpa. Siiga da inñchactámpa iga immalwatpa jesic da jáyñe anicpa jut miitta. Nicpa añaji contra jém malopic pixiñtam con jém espada jém anaitwip anjipjom. ¹⁷ Siiga mitatsigiyta, matonjaami ti nimpa jém Dios iAnama jut antuumayajpa jém Dios ipixiñtam. Nimpa yimpic: Siiga incoñwíypa jém enemigo, manchiiba jém wiñicpic wíccuy, jém maná, jém nécnawip. Manchiiba tum tsa aguipic popo. Jaycámayñeta jém tsaayucmi tum jomipic niyi. Da i ijodon i inñyi jaycámayñeta jém tsaayucmi solamente ijodon jém ipictsonpáppic.”

Cutsadayta anmati jém ityajwip jém atebet Tiatira

¹⁸ Jáyaayitim jém pixiñ jém inmatpáppic jém Dios inmati jut antuumayajpa jém Dios ipixiñtam jém atebet Tiatira. Nímaayi: “Nimpa así jém Dios iManic jém aguipic tsocpa iixcuy juuts yótpa tum jucti, jém aguipic tsocpa ipuy juuts jém wibic bronce: ¹⁹ Ich anjodon itumpiy titam inwattámpa, iga tsam mitóyoytámpa, iga tsam incupictámpa Dios, iga tsam incuyoxatámpa jém inñiwitam, iga tsam inñyaachiytámpa cuando miyaachwattamta. Siip más inwíwatpa que cuando moj incupicta. ²⁰ Pero anait algo en contra de mimichtam porque inñictámpa iga jém malopic yomo, Jezabel, inquejpa jém malopic inquímayooyi. Nimanjaayap iga inmatpa jém Dios inmati. Tsam imigóyáypa jém ampixiñtam jém acuyoxapáppic. Nimpa wi iga pejóypa y wi iga icispa jém mayi jém accaanetawip jém watnas iwiñjom. ²¹ Anchi lugar jém yomo iga ichaguiñ jém malopic jixi, pero da icucactooba jém ijixi. Da ichactooba iga pejóypa. ²² Siiga siip da ichacpa iga iwatpa mal, jesic anacmatspa tum mimnei tsam pimi jém yomo. Y jém malopic pixiñtam, jém pejoyajpáppic con jém yomo, anyachwatpa con tum castigo siiga da ichacpa iga itúnjyypa jém migooyi. ²³ Anaccaaba jém ipixiñtam jém icupicneyajwip jém migooyi. Jesic itumpiy jém Dios ipixiñtam ijodónayajpa iga ich anjodon ti iniit ianamanjom jém pixiñtam y ti iniit jém ijixianjom. Cada tumtum de mimichtam manyojpa juuts inwatneta. ²⁴ Pero los de más de mimichtam miifanwip jém atebet Tiatira, da impictsonja yip malopic anquímayooyi ni da incuyujcata jém Wocciwiñ imigooyi. Siip da manchiiba tungac anquímayooyi. ²⁵ Solamente wattaami seguido juuts manaquejayñe hasta amiñpa jut miitta. ²⁶ Siiga incoñwíypa jém enemigo y da inñchacpa iga inwatpa juuts ich anwianjam hasta que miñpa jém inañpigam jama, jesic manchiiba jém pimi iga ininjactámpa yip naxyucmipic pixiñtam. ²⁷ Ininjactámpa con tum tinjucy vara con jeetim pimi juuts achiiñe jém anjatun Dios. Y yip naxyucmipic naciónyay cuyajpa ipimi juuts cusámáypa tum nas suun. ²⁸ Jesic manchiibatim jém wítmatsa jém químpaap jém cuquejacim. ²⁹ Siiga mitatsigiyta, matonjaami ti nimpa jém Dios iAnama jut antuumayajpa jém Dios ipixiñtam.”

3

Cutsadayta aḡmaṭi jém ityajwḡp jém attebet Sardis

¹ 'Jáyaayitim jém pḡxiñ jém inmatpáppic jém Dios inmaṭi juṭ aḡtuumayajpa jém Dios ipixiñtam jém attebet Sardis: Nímaayi: “Nimpa así jém iniitwḡp jém siete espíritu de Dios jém imatspacnewḡp jém siete maṭsa inwḡciimi: Ich anjodon itumpiy titam inwattámpa. Nimyajpa iga mivivo, pero micaane. ² Nawattaji cuenta, odoy moḡtaami. Más pḡmchḡi jém wḡbic jḡxi jém uxanḡpic tsýñe porque cuyajtooba jém wḡbic jḡxi juuts caatooba. Ánix iga da capsapa inwḡwatta jém tanjatun Dios iwiñjom. ³ Jḡstaami jém anquímayooyi jém impictsonnewḡp. Odoy tsaci iga incupicpa. Tsaci iga immalwatpa. Siiga da miitta al tanto, jesic amiñpa juuts tum númpaap tsuucim. Maḡcupiichciypa. Da inḡodon juchix hora miñpa manchi jém castigo. ⁴ Pero ittim con mimichtam jém attebet Sardis algunos jém pḡxiñtam jém dapic imalwatne, jém dapic ituudiyñe ipuctucu. Jeeyaj wḡp aḡwaganawityaj wḡaccuyajnetá con jém popopic puctucu. Wḡp icám jém popopic puctucu porque da imalwatne. ⁵ Siiga i icoñwḡyapa jém enemigo, accámayṭap tum popyooti y da nunca anactogóyápa inḡyi jém librojom juṭ jaycámnetá jém pḡxiñtam inḡyi jém anchiipáppic jém vida jém dapic cuyajpa. Núcpa jama iga ampictsonpa jém anjatun Dios iwiñjom juṭ it jém siḡyucmḡpic pḡxiñtam. Ich ananmadáypa iga jém pḡxiñ ich ammiḡchi. ⁶ Siiga mitatsigiyta matonṭaami ti nimpa jém Dios iAnama juṭ aḡtuumayajpa jém Dios ipixiñtam.”

Cutsadayta aḡmaṭi jém ityajwḡp jém attebet Filadelfia

⁷ 'Jáyaayitim jém pḡxiñ jém inmatpáppic jém Dios inmaṭi juṭ aḡtuumayajpa jém Dios ipixiñtam jém attebet Filadelfia. Nímaayi: “Nimpa yimpic jém Cristo jém dapic táncaiy, jém inmatpáppic jém numapic aḡmaṭi. Je iniit jém llave de jém rey David. Jém Cristo una vez inḡayñeum jém puerta da i wḡp inḡuc. Cuando inḡucneum jém puerta da i wḡp inḡay. ⁸ Ich anjodon titam inwatneta. Siip, antsacne tum puerta inwiñjom, aḡayñe. Da i wḡp inḡaj. Maḡwadáy así porque aunque uxan impimi, agui inwadaytámpa caso iga inḡupictámpa ich ananmaṭi. Da ininḡéctámpa ich anniyi. ⁹ Siip ich anḡijunḡotpa jém inḡuumawatnewḡp jém Wocciwiñ, jém nimyajpaap iga nunta judíos pero da je, migóypa. Siip ich anwatpa iga miñyajiñ y costenyajiñ impuycim iga iixyajpa iga agui mantoypa. ¹⁰ Mimichtam tsam inwatne juuts mannímayñe. Inyaachiyta jém yaachaji. Jeeyucmi maḡcupujpa iga odoy inḡascatámiñ jém miḡpic yaachaji cuando núcpa jém jama iga tsam cutitstap itumpiy jém pḡxiñtam jém ityajwḡp yip naxyucmi. ¹¹ Da jáyñe amiñgacpa. Odoy tsaci jém wḡbic aḡmaṭi jém iniitwḡp iga odoy i wḡaiñ miccáyáy jém inḡoñwḡyooyi. ¹² Jém icoñwḡyapaap jém enemigo, anaccámpa juuts jém Dios imastic icom iga icóppacpa jém imastic. Jemum nicpa iti para siempre. Da nunca putpa. Anjaycámáypa jém anjatun Dios inḡyi jém pḡxiñ iwiñpacyucmi. Anjaycámáypatim jém jomipic Jerusalén inḡyi jém miñpáppic siḡyucmi. Jém anjatun Dios imḡchi jém icutsatpaap yip naxyucmi. Ocmi anjaycámáypatim jém pḡxiñ iwiñpacyucmi jém jomipic anniyi. ¹³ Siiga mitatsigiyta, matonṭaami ti nimpa jém Dios iAnama juṭ aḡtuumayajpa jém Dios ipixiñtam.”

Cutsadayta aḡmaṭi jém ityajwḡp jém attebet Laodicea

¹⁴ 'Jáyaayitim jém pḡxiñ jém inmatpáppic jém Dios inmaṭi juṭ aḡtuumayajpa jém Dios ipixiñtam jém attebet Laodicea. Nímaayi: “Nimpa así jém dapic migóypa, jém wḡbic testigo jém nuumanmatpaap, jém cobapic, jém moḡwḡp iwat itumpiy cosa. ¹⁵ Ich anjodon itumpiy titam inwattámpa. Anjodonṭim iga da mipagac ni da mipijpa. Yip nimtooba iga da pimi anjójixpa ni da pimi antoypa. Más wḡ meega anjójixpa o antoypa. ¹⁶ Pero como mijocox no más y da mipagac ni da mipijpa, jesic mantsujputpa juuts tum cosa dapic wḡ.

17 Mimichtam miñimtámpa iga tsam mirico, tsam iniit jém iñyoꝝaji y da ti mitogóyáy. Pero da iñjodotam iga tsam miyaachap, tsam miuuguytim. Tsam mipobre, micáchtí, inꝑcusíci. 18 Jeeyucmi ich manañquímpa: Juytaami jém wibic oro jém ichꝑic anaít jém wítsacnewiꝑ jém juctjom iga iniittámiñ jém wibic riqueza. Juytaamítim jém popoꝑic yooti jém ichꝑic anaít iga inꝑcusuyꝑa jém immijtay porque inꝑcusíci iga odoy michaaíñ. Coti iñixcom jém ixꝑcuy ichoy iga miixixóyiñ. 19 Jém antoyꝑáꝑꝑic aꝑwogáꝑa siiga imalwatꝑa. Anchüba castigo iga ichaguíñ iga imalwatꝑa. Wíwattaami con itumpiy iñanama. 20 Ixi, ich yim ateiñ tum puerta aꝑnaca. Síꝑ antics jém puerta. Anjáyáꝑa jém tic iomi. Siiga amatónáꝑa jém anjyi y ínáꝑa jém puerta, jesic ich atigiyꝑa jém ꝑixiñ iticjom. Aꝑwaganawícꝑa jém ꝑixiñ. 21 Itumpiy jém icoñwiyyajwiꝑ jém enemigo anchüba tum lugar iga aꝑwaganacoñꝑa jém anjagooyi icoñꝑuyucmi. Jextim juuts aich cuando aꝑcoñwíy jém ánenemigo, niꝑ aꝑwaganacoñ jém anꝑatunꝑ Dios icoñꝑuyucmi, jém itrono. 22 Siiga mitatsigiyta, matonꝑtaami ti nimpá jém Dios iAnama juꝑ aꝑtuumayajꝑa jém Dios ipixiñtam.”

4

Jém ityajwꝑ siꝑyucmi ijisyajꝑa Dios

1 Jesic ocmi aámquím, ánix tum puerta áꝑáꝑñe siꝑyucmi. Eyꝑic ammatonꝑ jém jyi jex juuts jém trompeta inꝑjyi. Ajáyáy. Anímáy:

—Quiimi yim. Manañquejáyꝑa ti miñꝑa ocmim.

2 Jesic jeeti rato tsam anaít jém Dios iAnama. Ánix iga tunne tum anjagooyi icoñꝑuy siꝑyucmi. Coññim jém icoñꝑuyucmi. 3 Jém coñwiꝑ jém anjagooyi icoñꝑuyucmi jém iámooyi jex juuts tum jém wibic tsa jém aguꝑic tsoꝑa jém jaspe y de cornalina. Juꝑ it jém coñꝑuy icuwoyꝑetne tum júꝑichi agui tsus juuts tum esmeralda. 4 Ánixtim tunꝑac veinticuatro jém anjagooyi icoñꝑuy icuwoyꝑetne jém miꝑꝑic coñꝑuy. Jenum coñꝑaj veinticuatro wídaytam. Agui popo ipuctucu. Cada tumtum iccámneyaj tum corona de oro icoꝑacyucmi. 5 Jém anjagooyi icoñꝑuyꝑucim ꝑutꝑa majiywiñ. Agui tiñꝑa, agui nácsóꝑa. Jém coñꝑuy iwiñjom yóꝑa siete jucti de jém siete espíritu jém Diosꝑic imꝑchi. 6 Jém anjagooyi icoñꝑuy iwiñjom it tum lamar tanꝑuámnaꝑa juuts tum vidrio juuts tum cristalino.

It cuatro vivopꝑic cosa icuwoyꝑetneyaj jém coñꝑuy. Icutero naps ixꝑuy iwiñjom y ituuñiaꝑꝑim. 7 Tum jém vivopꝑic cosa juuts tum caꝑ. Jém tunꝑac juuts tum mañtoro. Jém tunꝑac iwiñꝑac juuts tum ꝑixiñ. Jém tunꝑac juuts tum tajꝑi queꝑa ixi. 8 Icucuatro jém vivopꝑic cosa cada tumtum iniit seis ixaj. Jém ixajꝑucmi y jém ixajꝑucim naps ixꝑuytim.

Siꝑñi y tsuucim da jeꝑyajꝑa. Seguido niꝑyajꝑa:
Tsam miwí, tsam miwí, tsam miwí, mánꝑmi Dios,
mich iniit itumpiy impimi.

Miit dende wiñgam,
miittim siꝑ,
miit para siempre.

9 Jém vivopꝑic cosa icujíꝑa y ichiiba gracia jém coñwiꝑ jém anjagooyi icoñꝑuyucmi jém ꝑapꝑic nunca cuyajꝑa. Cada vez iwatꝑa así 10 jesic jém veinticuatro wídaytam icosteeñayaj jém Dios iwiñjom juꝑ coñ jém coñꝑuyucmi. Ijisyajꝑa tanꝑatunꝑ Dios jém ꝑapꝑic nunca cuyajꝑa ivida. Jesic jeeyaj ipatsꝑedáy jém corona jém anjagooyi icoñꝑuy iwiñjom. Niꝑyajꝑa:

11 Mánꝑmi Dios, wí iga maꝑꝑucijíꝑtámpa.
Maꝑꝑucijíꝑa iga tsam miwíꝑ y tsam iniit impimi.
Mich inꝑwat itumpiy cosa.
Ityaj itumpiy cosa porque mich inꝑwianꝑam.
Jeeyucmi inꝑwatne.

5

Jém libro y jém Cordero

¹ Jesic ánix iga jém coñwïip jém coñcuyyucmi imatspacne tum libro inwïciimi. Jém libro juuts tum yagatspic toto wotneta. Jayñetím anšicmi y jayñetím jojmi. Jém toto anšajne con siete sello. ² Jesic ánix tum sïnyucmipic pïxiñ tsam iniit ipimi. Agui jïyipa. Nimpa:

—¿I iniit jém autoridad iga ínýapa jém libro iga ijacpa jém sello?

³ Pero da i jém wiapaap íný. Ni jém sïnyucmipic, ni jém naxyucmipic, ni jém más nascïmpic da i wiap íný jém libro ni da i wiap íám. ⁴ Jesic tsam pïmi awej porque da quej ni tum pïxiñ jém wiapaap íný jém libro iga imaypa. Ni da i wiap íám. ⁵ Jesic tum de jém wïdaytam anímáy:

—Odoj weji. Mannímáypa iga jém León jém tsucumnewïip de jém tribu de Judá, jém rey David iocmanic, icoñwïy itumpiy jém ienemigoyaj. Je wiap íný jém libro. Wiap ijac jém siete sellos.

⁶ Ánix jém Cordero noco teñ jém anjagooyi icoñcuyanaca jut it jém cuatro vivopic cosa, jém veinticuatro wïdaytam iwiñjom. Quejpa iga accaaneta idic jém Cordero, pero sïp pisneum. Iniit siete iwan y siete iixcuy. Yïp nimtooba jém siete espíritu jém icutsatnewïip Dios icuwïti yïp naxyucmi. ⁷ Jém Cordero miñ ipic jém libro jut imatspacne inwïciimi jém coñwïip jém anjagooyi icoñcuyyucmi. ⁸ Cuando ipic jém libro, jesic jém cuatro vivopic cosa y jém veinticuatro wïdaytam icosteñápa jém Cordero iwiñjom. Cada tumtum de jém wïdaytam iniit tum arpa y tum xanu de oro. Comne jém xanu con jém wïbic poma. Jém poma nimtooba jém oraciones jém iwatnewïip jém Dios ipixiñtam. ⁹ Jesic iwanyajpa tum jomipic wañi. Nimyajpa:

Mich wiap impic jém libro.

Wiap iñjac jém siete sellos.

Porque miccaata iga anyojayta antañca.

Iñtegáy iññïpiñ iga iñjúyayne para Dios

pïxiñtam de itumpiy raza,

jém inmatyajpáppic tunjac anmati,

jém ityajwïp tunjac naxyucmi y de jém tunjac naciónyaj.

¹⁰ Dios accámta iga anjagooyi y apanijtam

iga ancuyoxatámpa Dios

iga ananjactámpa jém ityajwïp yïp naxyucmi.

¹¹ Ocmi ánix iga antuumaneyaj tsam jáyan jém sïnyucmipic pïxiñtam. Ammatónáy ijïyi. Icutexetneyaj jém anjagooyi icoñcuy jut it jém cuatro vivopic cosa y jém wïdaytam. Ityaj millones y millones de jém sïnyucmipic pïxiñtam. ¹² Tsam pïmi jïyyajpa. Nimyajpa:

Tañcujíptámpa jém Cordero jém accaanetawïp idic porque tsam wiap.

Wï iga ipictsoj itumpiy ipimi

y jém riqueza y jém wïbic jïxi.

Wï iga jém pïxiñtam icujípyajñ

y ichiïyajñ gloria.

¹³ Ammatonjim iga jïyyajpa itumpiy jém Dios iwati, jém ityajwïp sïnyucmi, jém ityajwïp naxyucmi, jém ityajwïp nascim, jém ityajwïp jém lamar y itumpiy cosa jutinqej. Nimyajpa:

Wï iga tanwïwadaytamiñ jém coñwïip jém anjagooyi icoñcuyyucmi

y jém Cordero para itumpiy tiempo.

Tañcujíptámpa,

tanchiitámpa gloria,

an̄wian̄jamta iga an̄jactámpa.

¹⁴ Jesic jém cuatro vivopíc cosa n̄imyajpa:

—Amén. Itum w̄i.

Jém veinticuatro w̄idaytam costeeñact̄inyaj. Moj ij̄isyaj Dios, jém ðapíc nunca cuyajpa ivida.

6

Jagayta jém libro in̄núccuy

¹ Jesic ánix cuando jém Cordero ijac jém wiñtipíc sello jém libroyucmi. Ammaton̄ iga j̄iy tum̄ jém vivopíc cosa. Agui t̄iñpa jém ij̄iyi juuts majiywiñ. Anímáy:

—¡Miñi, aami!

² Jesic ánám. Ánix tum̄ popcawaj. Jém iquímcanew̄ip jém popcawaj imatspacne tum̄ picxi ic̄ijom. Iccámne icobacyucmi tum̄ corona. Nicpa icoñw̄iy jém ienemigo.

³ Cuando jém Cordero ijac tungac jém sello jém libroyucmi, jesic ammaton̄ iga j̄iy jém tungac vivopíc cosa. Anímáy:

—¡Miñi, aami!

⁴ Jesic put tungac cawaj, tsabatspic. Jém iquímcanew̄ip chiit̄a tum̄ mijpic espada. Chiit̄atim̄ jém p̄imi iga ictsucumpa jém guerra iga tsam̄ áñayajpa jém p̄ixiñtam̄ iga naccaayajtap.

⁵ Cuando jém Cordero ijac tungac jém libro ixello jém trespic, ammaton̄ iga j̄iyipa jém tungac vivopíc cosa. Anímáy:

—¡Miñi, aami!

Jesic ánám. Ánix tum̄ yic cawaj. Jém iquímcanew̄ip inisiiba tum̄ balanza ic̄ijom. ⁶ Jesic ammaton̄ tum̄ j̄iyi jut̄ ityaj jém cuatro vivopíc cosa. Nimpa:

—Muma jama yoxayajpa iga icoñw̄iyipa tum̄ kilo de trigo o tres kilo de cebada. Odoy accaī jém olivos icuy jém pictapaap para aceite ni jém uvas icuy.

⁷ Jesic cuando jém Cordero ijac tungac jém libro ixello jém cuatropic, ammaton̄ iga j̄iyipa tungac jém vivopíc cosa. Anímáy:

—¡Miñi, aami!

⁸ Jesic ánám. Ánix tum̄ cawaj da w̄i icolor agui cupuchayñe. Jém iquímcanew̄ip iñiyi jém accaoyapaap. Itún̄iyipa jém Hades, ȳip n̄imtooba jém lugar jut̄ it̄ jém caaneyajw̄ip. Chiijaytā jém p̄imi iga iccaayajiñ tum̄ cuarta parte ȳip naxyucm̄ipic p̄ixiñtam̄ con jém espada, con jém yuu, con jém malopic caacuy y con jém jim̄ni an̄imatyaj jém ityajw̄ip ȳip naxyucmi.

⁹ Jesic cuando jém Cordero ijac tungac jém libro ixello jém cincopic, ánix jém altarcucim̄ jém p̄ixiñtam̄ ianamayaj jém accaneyajtaw̄ip jém Dios in̄mati icuyucmi porque da in̄néc iga icupicyajpa tán̄omi Cristo. ¹⁰ Jém anamayaj tsam̄ p̄imi j̄iyajpa. N̄imyajpa:

—Mán̄omi Dios, tsam̄ miw̄i. Mich miñumapic. ¿Hasta jusan̄ in̄cip̄in̄pa jém malopic p̄ixiñtam̄ jém ityajw̄ip vivo jém naxyucmi iga antségáypa jém an̄c̄obac?

¹¹ Jesic cada tum̄tum̄ jém anama chiit̄a tum̄ yagats yooti tsam̄ popo. N̄imayyajtā iga poyejyajiñ tum̄ rato hasta que capspa jém numero de jém it̄iw̄itam̄ jém accaayajtapáppic juuts jeeyaj, jém icuyoxayajpáppictim̄ jém Cristo.

¹² Jesic cuando jém Cordero ijac jém tungac jém libro ixello jém seispic, ánix iga miñ tum̄ nasyixi tsam̄ p̄imi. Cupiichā jém jama juuts tum̄ puctucu tsam̄ yic. Jém poya set̄ juuts n̄ipiñ agui tsabats. ¹³ Jém matsa jém itw̄ip sin̄yucmi act̄in̄ naxyucmi juuts cuando tum̄ mijpic sawa icyojpa jém tsuj it̄im̄ cuando mañiñam. ¹⁴ Jém sin̄ togoypa juuts tum̄ toto cuando tan̄wotpa. Itump̄iy jém cotsic y jém isla accáytā ilugar jut̄ idic it̄. ¹⁵ Jesic itump̄iy jém an̄jagooyiyaj y jém in̄iityajw̄ip ip̄imi ȳip naxyucmi y jém soldado in̄jagooyi y jém ricoyaj

y jém iniitw̄ip ip̄imi con itump̄iy jém esclavo y jém dap̄ic je esclavo, itump̄iy tsam c̄inyajpa, wagayamyajpa jém tsaajosjom y jém tsaanjom jém cotsiganjoj. ¹⁶ In̄imayyajpa jém cotsic y jém tsa:

—Acuchijquettaami, acyami iga odoy aixiñ jém coñw̄ip jém tronoyucmi iga jém Cordero achuiba jém tsam mījpic castigo.

¹⁷ Porque núcne jém jama iga chiijajtap castigo jém malopic pixiñtam. ¿I wiap iteeñanjac Dios iwiñjom?

7

Accámayajta sello jém Dios ipixiñtam

¹ Jesic ocmi ánix cuatro siñyucmīpic pixiñtam teñyaj icucuatro esquina de ȳip naxyucmi. Ictēñ jém cuatro sawa iga odoy sujóyiñ ȳip naxyucmi. Da ixujpa ni jém lamar ni jém cuyyaj. ² Jesic ánix tungac jém siñyucmīpic pixiñ quimpa jém anjamquimmi. Iniit jém sello jém vivopic Dios im̄ichi. Jesic p̄imi jiypa jém siñyucmīpic pixiñ. Ij̄iyáy jém tungac cuatro siñyucmīpic pixiñtam jém iniitw̄ip jém p̄imi iga imalwadáypa jém nas y jém lamar.

³ Nimpa:

—Odoy malwadaayi ni jém nas ni jém lamar ni jém cuyyaj hasta que tanaccámáypa jém sello iwiñpacyucmi jém icuyoxayajpáppic Dios.

⁴ Jesic ammaton̄ iga accámayajta jém sello ciento cuarenta y cuatro mil pixiñtam de itump̄iy jém tribu de jém Israelpic pixiñtam. ⁵ Accámayajta sello doce mil pixiñtam de jém tribu de Judá, y doce mil pixiñtam de jém tribu de Rubén, y doce mil pixiñtam de jém tribu de Gad, ⁶ y doce mil pixiñtam de jém tribu de Aser, y doce mil pixiñtam de jém tribu de Neftalí, y doce mil pixiñtam de jém tribu de Manasés, ⁷ y doce mil pixiñtam de jém tribu de Simeón, y doce mil pixiñtam de jém tribu de Leví, y doce mil pixiñtam de jém tribu de Isacar, ⁸ y doce mil pixiñtam de jém tribu de Zabulón, y doce mil pixiñtam de jém tribu de José y doce mil pixiñtam de jém tribu de Benjamín.

Jáyan jém pixiñtam icámneyaj jém popyooti

⁹ Ocmi ánix iga an̄tuumaneyaj tsam jáyan pixiñtam, da i wiap imay. Ityaj itump̄iy clase de pixiñtam, jém tungac pixiñtam, jém jiyyajpáppic tungac an̄mat̄imi y jém tungac naxyucmīpic. Teñyaj jém trono iwiñjom y jém Cordero iwiñjom. Icámneyaj yagats yooti tsam popo. Imatspacne ic̄ijjom tum suyat iay. ¹⁰ Itump̄iy tsam p̄imi jiyyajpa. Nimyajpa: Taciacputnetámum jém tan̄jatun̄ Dios

jém coñw̄ip jém tronoyucmi con jém Cordero.

¹¹ Itump̄iy jém siñyucmīpic pixiñtam icuteñx̄etneyaj jém trono. Ityajtim jém w̄idaytam y jém cuatro vivopic cosa. Jesic itump̄iy jém ityajw̄ip jém tocsneact̄inyaj jém trono iwiñjom iga ij̄isyajpa Dios. ¹² Nimyajpa itump̄iy:

¡Amén! Tan̄cujíptampa tan̄jatun̄ Dios.

Tsam w̄ibic an̄jagooyi.

Tannímaytampa iga iyucuīpdios.

Je iniit itump̄iy ij̄ixi y itump̄iy ip̄imi.

Wiap iwat itump̄iy cosa.

Wī iga tan̄cujíppa Dios itump̄iy jém siglos. Amén.

¹³ Jesic tum jém w̄idaytam acwác. Anímáy:

—¿Que iapaap ȳipyaj pixiñtam jém icámneyajw̄ip jém yagatsyooti tsam popo? ¿Juf miññeyaj?

¹⁴ Jesic ich annímáy:

—Mich iñjodon.

Jesic jém wiḍaya animáy:

—Yípyaj p̄ixiñtam iñascayaj jém miḵpic yaachaji. Icheeyaj jém iyooti con jém Cordero iñiñpiñ hasta tsíy tsam popo. ¹⁵ Jeeyucmi wiap iñúcyaj jém anjagooyi itrono iwiñjom. Wiap icuyoxayaj Dios tsuucim y siññi jém siñyucmipic masticjom. Y Dios, jém coññewiḵ jém tronoyucmi, iyoxpátpa jém ip̄ixiñtam con ip̄imi porque iwaganait. ¹⁶ Jesic da más yuayajpa ni dam níctitsyajpa ni dam iñooba jém jama ni jém p̄iji. ¹⁷ Porque jém Cordero jém itw̄iḵ cucmi jém trono iwatpa cuenta jém ip̄ixiñtam. Ininicpa jém wiḵic niixcuy juṭ putpa jém ni jém tachiipáppic vida. Jesic Dios icujicháyáypa itumpiy jém iixcañi.

8

Jacta jém iñanpic libro iñnúccuy

¹ Jesic cuando jém Cordero ijac jém iñanpic libro ixello, jém sietepic, da ti tsigóypa siñyucmi como tum media hora. ² Ocmi ánix siete siñyucmipic p̄ixiñtam jemum teñyaj jém Dios iwiñjom. Chiijajta siete trompeta. ³ Ánixtim tum siñyucmipic p̄ixiñ icunúc jém altar de oro, jemum teñ. Inisiiba tum xanu de oro juṭ nootap jém poma. Chiita jáyan jém poma iga iñooba jém altaryucmi jém Dios iwiñjom iganam iwatyajpa oración jém Dios ip̄ixiñtam. ⁴ Jesic jém siñyucmipic p̄ixiñ imatspacne jém xanu. Joogap jém poma. Químpa jém poma ijoco, waganúcyajpa jém Dios iwiñjom con jém oración jém iwatyajpaap jém Dios ip̄ixiñtam. ⁵ Jesic ipic jém xanu de oro, icucom jém juuy. Itop juṭ yótpa jém jucti jém altaryucmi, ipatsquet hasta naxyucmi. Jesic agui tiñpa majiywiñ, tsam nácsóypa, tsam quénpa. Yispa nas.

Sustap jém cuatro trompeta

⁶ Jesic jém siete siñyucmipic p̄ixiñtam jém iniityajw̄iḵ jém siete trompeta moj naw̄itsacyajtaji iga susyajpa.

⁷ Jesic suspa jém wiñtipic siñyucmipic p̄ixiñ, actiñ naxyucmi jém icxtuj y jucti motne con niñpiñ. Jipsquet tum tercera parte jém nas y jém cuyyaj. Jipsquettim itumpiy jém tsusp̄ic p̄imyaj.

⁸ Ocmi suspa jém tungac siñyucmipic p̄ixiñ jém wistenpic. Jesic ánix juuts tum miḵpic cotsic agui jípspa, patsquetta lamar. Jesic setpa iga niñpiñ tum tercera parte de jém lamar. ⁹ Caayaj tum tercera parte de itumpiy jém ityajw̄iḵ lamar. Actogoyyajta tum tercera parte de itumpiy jém barcoyaj.

¹⁰ Ocmi suspa jém tungac siñyucmipic p̄ixiñ jém tucutenpic. Actiñ siñyucmi tum miḵpic maṭsa. Yótpa jém maṭsa juuts tum jucti. Ictsiy tum tercera parte de jém ríoyaj y de jém niixcuy. ¹¹ Jém maṭsa iñiyi jém tam̄pic. Jesic tum tercera parte de jém ríoyaj y jém niixcuy setpa iga tam̄. Jesic caayaj jáyan jém p̄ixiñtam porque tam̄ jém ni.

¹² Ocmi suspa jém tungac siñyucmipic p̄ixiñ jém cuatropic. Pích tum tercera parte jém jama ichoça y jém poya ichoça y jém maṭsa ichoça. Da p̄imi tsocyajpa. Siññi da jesp̄iy tsocpa jém jama. Tsuucim da jesp̄iy tsocpa jém poya ni jém maṭsa.

¹³ Jesic ánix tum tajpi quécpa siñyucmi. Ammaton iga p̄imi j̄iypa. Niñpa:

—Agui uuguytim jém p̄ixiñtam jém ityajw̄iḵ yíp naxyucmi. Porque tsíy tucuten jém siñyucmipic p̄ixiñtam iga ixuspa jém itrompeta.

9

¹ Jesic jém tungac siñyucmipic p̄ixiñ jém cincopic ixus jém itrompeta. Ánix juuts tum maṭsa actiñ siñyucmi hasta yíp naxyucmi. Y jém actiñnewiḵ naxyucmi chiita jém llave iga iñáypa jém miḵpic jos tsam jojmi. ² Jesic iñáy jém miḵpic jos tsam jojmi. Putpa tum joco

jém josjom juuts joogap tum mijpic horno. Jém joco injoogapac jém jama ichoca, cupiicha icuwiti yip naxyucmi. ³ Jesic jém jocoanjom putyaj jáyan jém awu. Actinpa naxyucmi. Jém awu jex juuts cacwi tsam tibóypa. ⁴ Nímayajta jém awu iga odoy imalwadáyíñ jém pimyaj ni jém ñipñibooyi ni jém cuyyaj jém ityajwip yip naxyucmi. Solamente imalwadáyíñ jém pixiñtam jém dapic ipictsonneyaj jém Dios imarca jém iwiñpacyucmi. ⁵ Dios da ijicpa iga jém awu iccaayajiñ jém pixiñtam no más iyaachwatpa cinco meses. Tsam pimi toypa juuts cuando tatippa jém cacwi. ⁶ Jesic cuando núcpa jém malopic tiempo, tsam caayajtooba jém pixiñtam, pero da wiap. Tsam imétsyajpa jutsap icaayaj, pero da ipátpa.

⁷ Jém awu jex juuts tum cawaj witsacne para jém guerra. Icobacyucmi iniit juuts tum corona de oro. Jém iwiñpac juuts pixiñ. ⁸ Tsam yagats iway juuts yomo. Jém itits juuts tum can. ⁹ Jém imijtayyucmi iccámne juuts tum tinçuy iga iyoxpátpa. Tsam pimi anjyipa jém ixaj juuts cuando nicyajpa jáyan jém carreta jém ijicyajpáppic jém cawaj cuando nicpa añajiyaj. ¹⁰ Jém ituts jex juuts jém cacwi. Iniit itibóycuy. Wiap imalwadáy jém pixiñtam cinco meses. ¹¹ Jém awu iniit tum injagooyi. Miñ jém mijpic josjom. Jém injagooyi iñiyi Abadón jém anmati hebreo, pero jém anmati griego iñiyi Apolión. Nimtooba jém actogóyopaap.

¹² Nas jém wiñtipic yaachaji. Siip miñpa tungac wisten.

¹³ Jesic jém tungac sinyucmipic pixiñ, jém seispic, ixus jém itrompeta. Jesic ammaton tum jiyi jém altaryucmi de oro jut it jém cuatro wan jém itwip Dios iwiñjom. ¹⁴ Jém jiyi iñimáy jém sinyucmipic pixiñ jém seispic jém iniitwip jém itrompeta:

—Cutsigaayi jém cuatro sinyucmipic pixiñtam jém tsennetawip jém mijpic río añaca jém Eufates.

¹⁵ Jesic cutsigayta jém cuatro sinyucmipic pixiñtam iga iccaayajiñ jém tercera parte de jém pixiñtam jém ityajwip yip naxyucmi. Witsacnetawum dende wiñgam para jém hora y jém jama y jém meses y jém amtij iga iccaayajpa jém pixiñtam. ¹⁶ Jesic ammaton jutén soldado ityaj, jém cawajyucmipic, doscientos millones.

¹⁷ Jempigam ánix jém cawajyaj cuando ánix jém poñ. Y jém químnayajwip jém cawajyucmi iccámyaj tum tinçuy ipechoyucmi iga iyoxpátpa. Algunos tsabats jém tinçuy, algunos tsus juuts jém sinpaqui, y algunos puuch. Jém cawajyaj icobac jex juuts can. Putpa jém ijipjom jucti y joco y azufre. ¹⁸ Jém tucuten plagas iccaayaj jém tercer parte de jém pixiñtam jém jucti y joco y azufre jém putpáppic jém cawaj ijipjom. ¹⁹ Yipyaj cawaj con icobac y con ituts wiap icca jém pixiñtam. Porque ituts inquiñi jex juuts tum tsañ icobac agui wasóypa. Imalwadayyajpa jém pixiñtam.

²⁰ Pero jém pixiñtam jém dapic iccaayaj yipyaj plaga da icucacyaj jém ijixi. Seguido ijisyajpa jém watnas jém iwatnewip cimi. Da ichacyajpa iga ijisyajpa jém Wocciwiñ ni jém watnas jém iwatneyajwip de oro, de plata, de bronce, de tsa y de cuy, jém dapic ixixóypa, ni matónóypa, ni witpa. ²¹ Da cucacyaj ijixi jém pixiñtam. Seguido accaóypa, iñawatwadáypa jém itiwitam, pejóypa, númpa.

10

Jém inimiñnewip jém xutu libro

¹ Ocmi ánix tungac sinyucmipic pixiñ tsam iniit ipimi, quet sinyucmi. Anmonne con tum ucsi. Iniit tum júñichi icobacantimci. Jém iámooyi tsam pimi tsocpa juuts jama. Jém ipuy juuts tum jucti agui yótpa. ² Imatspacne tum xutu libro añáyñe. Tum jém ipuy jém inwimipic nepteñ jém lamar iwiñpacyucmi y jém añaymipic ipuy nepteñ naxyucmi. ³ Pimi añwejpa juuts pímpa tum can. Cuando añwejpa, jesic tiñpatim jém siete jém

majiywiñ, ammatónay ijyi. ⁴ Cuando yaj jyi jém siete majiywiñ, anjaycámpa idic ti nimpa. Pero ammaton tum jyi sinyucmi. Anímáy:

—Anyamí ti nmyaj jém siete majiywiñ, odoy anmati. Odoy jaycaami.

⁵ Jesic jém sinyucmipic pixiñ jém ánixñewip nepteññe jém lamar iwiñpacyucmi y jém naxyucmi, icquím yucmi jém ici jém anwimipic. ⁶ Nimpa:

—Jém vivopic Dios jém dapic nunca cuyajpa, iwat jém sin y itumpiy cosa jém itwip sinyucmi, iwattim jém nas y itumpiy cosa jém itwip naxyucmi, iwattim jém lamar y itumpiy cosa jém ityajwip lamar. Yiptim Dios iwijodon iga da mammigóyáypa cuando mannímáypa iga sip cuyajpa jém tiempo. ⁷ Cuando núcpa jém jama iga jém tungac sinyucmipic pixiñ, jém sietepic, moj ixus jém íjanpigam trompeta, jesic cupacum jém dapic tacjodóñane Dios. Iwatpa Dios juuts inímáy jém profeta jém icuyoxayajpápic.

⁸ Jesic jém jyi jém ammatonnewip sinyucmi eybic ajíyáy. Anímáy:

—Nigi pici jém xutu libro jém ányñewip, jém imatspacnewip jém sinyucmipic pixiñ, jém nepteññewip jém lamar iwiñpacyucmi y jém naxyucmi.

⁹ Jesic anic jut it jém sinyucmipic pixiñ. Annímáy iga achiiñ jém xutu libro. Jesic anímáy jém sinyucmipic pixiñ:

—Yim it. Miñi pici. Cútqueti. Tsam paac inipjom juuts chiñu. Pero jém impuujom agui taamap.

¹⁰ Jesic ampic jém xutu libro jém sinyucmipic pixiñ icijom. Ancútquet. Numa agui paac anipjom juuts chiñu. Pero cuando yaj ancút agui tam jém ampuujom. ¹¹ Ocmi anímayta:

—Tienes que eybic ininmadáypa jáyan jém pixiñtam ti miñpa. Ininmadáypa jém tungac pixiñtam, jém ityajwip tungac naxyucmi, jém jiyajpápic tungac anmatimi y yip naxyucmipic anjagooyaj.

11

Jém wisten testigoyaj

¹ Jesic achiiñ tum quípsóycuy juuts tum waycuy. Anímayta:

—Tsucumi. Nigi quípsi jém Dios imastic. Quípsi jém altar. Mayi juten jém pixiñtam jém ijsyajpápic Dios jém masticjom. ² Pero odoy quípsi jém mastic íançi. Porque Dios ichiiba iga imichap jém tungac pixiñtam. Icunepnepquetyajpa jém wibic atebet, jém Dios imichi, cuarenta y dos meses. ³ Ich ancutsatpa wisten testigo jém ichpic ananmatciwiñ iga inmadayajpa jém pixiñtam ich ananquímayooyi. Inmatyajpa tum mil doscientos sesenta jama. Iccámpa tum yicyooti juuts tum pixiñ pimi anyácne.

⁴ Yip wisten testigo je jém wisten olivos icuy, jém wisten jém nooquejucuy tuncuy, jém teññewip Dios iwiñjom. ⁵ Siiga i imalwadáypa yip wisten Dios inmatciwiñ jesic putpa jucti ijipjom, inooquetpa jém ienemigoyaj. Siiga i imalwadáypa, jempigam iccaaba.

⁶ Yip wisten testigo wip inúc jém sin iga odoy chijóyiñ jém tuj íganam inmatyajpa jém Dios inmati. Wiptim icset jém ni juuts nipiñ. Wiptim iyaachwat jém pixiñtam con jém malopic caacuy juchixquej juuts je ixunpa. ⁷ Jesic cuando yaj inmatyaj jém Dios inmati, tsucum jém mipic animat jém Dios ienemigo jém putnewip jém mipic josjom. Tsam anapa contra jém wisten jém Dios itestigo, icoñwiy. Accaata jém wisten testigo.

⁸ Tsacyajtap jém wisten jém caaneyajwip imitay jém calle anaca jém mipic atebet jut cunúnta cunusyucmi jém iQmi. Tsam malo jém atebet juuts jém Sodoma y Egipto. ⁹ Miñ íamyaj jém accaanetawip tungac pixiñtam, de tungac naxyucmi, jém inmatpápic tungac anmatimi, de jém tungac naciónyaj. Tucunajama y media íamyajpa jém accaanetawip. Da ijicpa iga cumtap. ¹⁰ Itumpiy jém pixiñtam jém ityajwip yip naxyucmi agui maymayyaj iga ca jém wisten anmatciwiñ. Agui nachiiyajta xaja con itiwitam porque agui pimi

maymay. Tsam ijóyixajpa jém caaneyajwíp porque jém wisten profeta tsam iyaachwat jém p̄ixiñtam. ¹¹ Pero ocmi cuando nas jém tucunajama y media, Dios icp̄is. S̄ip vivojam eybictim. Jesic itump̄iy jém p̄ixiñtam, jém iixñeyajwíp, tsam p̄imi c̄inyaj. ¹² Jesic jém wisten testigo imaton̄yaj tum̄ j̄iyi s̄inyucmi tsam p̄imi. N̄imayta:

—Quiimi ȳim.

Jesic químyaj s̄inyucmi, in̄mon jém ucsi iganam jém ienemigoyaj iixyaj. ¹³ Jeeti rato miñ tum̄ mijp̄ic nasȳxi. Iccut̄in̄ jáyan̄ jém tic icuw̄iti jém mijp̄ic attebet. Iñuntayaj jém décima parte. Accaayajta siete mil p̄ixiñtam. Jesic jém ts̄iyñeyajwíp tsam p̄imi c̄inyaj. Moj icuj̄ipyaj jém tan̄Jatun̄ Dios jém itw̄ip̄ s̄inyucmi.

¹⁴ Nasneum jém wisten̄pic yaachaji y da jáyñe miñpa jém tungac yaachaji jém tresp̄ic.

Jém in̄an̄pic trompeta

¹⁵ Jesic jém tungac s̄inyucm̄ip̄ic p̄ixiñ, jém sietep̄ic, ixus jém itrompeta. Ammaton̄ mijp̄ic j̄iyi s̄inyucmi. N̄imyaj:

S̄ip tan̄Jatun̄ Dios y jém tán̄omi Cristo im̄chi itump̄iy jém naciónyaj jém ityajw̄ip̄ ȳip̄ naxyucmi.

S̄ip Dios in̄jacpa ȳip̄ mundo para siempre.

¹⁶ Jesic jém w̄idaytam, jém coñyajw̄ip̄ jém veinticuatro icoñcuyucmi jém Dios iwiñjom, tocsneact̄inyaj. Moj ij̄isyaj Dios. ¹⁷ N̄imyajpa:

Mañcuj̄ippa mán̄omi Dios jém tsamp̄ic miw̄iap.

Mich miit dende wiñgam,

miittim s̄ip, miit para siempre.

S̄ip imp̄ictson̄ne imp̄imi, tsam miw̄iap.

S̄ip in̄in̄jacpa itump̄iy cosa.

¹⁸ Tsam mijóyixpa jém p̄ixiñtam jém ityajw̄ip̄ ȳip̄ naxyucmi.

Pero s̄ip núcum jém tiempo iga in̄c̄ip̄in̄pa jém caaneyajw̄ip̄.

Iñchiiba castigo jém malop̄ic p̄ixiñtam.

Pero in̄w̄iyojpa jém imp̄ixiñtam jém micuyoxayajw̄ip̄,

jém mich in̄in̄mat̄c̄iwiñ.

In̄w̄iyojpa jém imm̄chip̄ic jém mitoyyajp̄app̄ic,

jém dap̄ic juchan̄ y jém in̄iitw̄ip̄ jém mijp̄ic cargo.

Pero iññuntaactogoypa jém malop̄ic p̄ixiñtam jém ictogoytop̄app̄ic itump̄iy jém michp̄ic imm̄chi jém itw̄ip̄ ȳip̄ naxyucmi.

¹⁹ Jesic ocmi añáy jém Dios im̄astic s̄inyucmi. Masticjom̄ ánix jém baúl juuts jém watnetaw̄ip̄ wiñgam cuando Dios ij̄ycámáy jém ip̄ixiñtam iga iciacputpa. Jesic tsam quénpa maj̄iywiñ, agui t̄iñpa. Ammaton̄ mijp̄ic an̄j̄iyi. Agui ȳispa jém nas. Act̄in̄ tum̄ mijp̄ic icxtuj.

12

Jém yomo y jém dragón

¹ Jesic quejpa s̄inyucmi tum̄ cosa dap̄ic queman t̄ánix. Tum̄ yomo iccámne jém jama juuts itecxi. It jém poya ipuyc̄im. Iccámne icobacyucmi tum̄ corona, iniit doce jém matsa jém coronayucmi. ² Man̄iccomcane jém yomo. Agui an̄wejpa porque núcne jém ts̄ixi itoya. Agui yaachap̄ iga naypa jém ts̄ixi. ³ Ocmi quejpatim s̄inyucmi tungac cosa dap̄ic oyra t̄ánix. It tum̄ mijp̄ic dragón agui tsabats. Siete icobac y diez iwan̄. Cada tum̄tum̄ icobacyucmi iccámne tum̄ corona. ⁴ Con ituts ij̄icmatspa jáyan̄ jém matsa jém tercera parte jém itw̄ip̄ s̄inyucmi. Iccut̄in̄pa naxyucmi. Ocmi jém dragón nic teñi jém yomo iwiñjom jém icnayp̄app̄ic jém ts̄ixi. In̄jócpa jém dragón iga ic̄ispa jém ts̄ixi cuando nayum. ⁵ Jesic jém yomo icnay tum̄ jaych̄ixi. Jém ts̄ixi chiita p̄imi iga in̄jacpa itump̄iy

jém naciónyaj. Injacpa con tum tñcuy vara. Pero ocmi accáyta jém tsixi, nanicta jém Dios iwiñjom jém mijpic coñcuyucmi. ⁶ Jesic poy jém yomo, nic iti jém titsinaxyucmi jut da iñim. Dios iwitsagáy tum lugar jut nicpa iti, jut icwícpa tum mil doscientos sesenta día.

⁷ Ocmi añayajpa sinyucmi. Jém Miguel con jém ipixiñtam añayajpa contra jém dragón con jém ipixiñtam. ⁸ Pero da wia micoñwíy jém dragón. Dam i lugar para jeeyaj sinyucmi. ⁹ Jesic quebacputta sinyucmi jém dragón, jém wiñicpic tsañ. Inñiyitim Wocciwiñ y Satanás. Imigóyáypa itumpiy jém pxiñtam icuwiti yíp naxyucmi. Quebacputta sinyucmi, acquetta naxyucmi jém Wocciwiñ con itumpiy jém sinyucmic pxiñtam jém itúnyyajpáppic.

¹⁰ Jesic ammaton tum mijpic jiyi sinyucmi. Nimpa:

—Siip núcum jém tiempo iga taciacputpa Dios. Núcne jém ipimi. Siip injacpa yíp naxyucmi. Jém Cristo, jém Dios imichi, ipictsonne jém autoridad. Quejpa iga iniit ipimi porque quebacputta pimimi jém Wocciwiñ jém tsampic icujyypa jém tantiwitam. Tsam iquejajwadáypa jém tantiwitam jém Dios iwiñjom tsuucim y siñi. ¹¹ Pero jém Dios ipixiñtam wia icoñwíy jém Wocciwiñ porque jém Cordero itegáy iñipiñ iga iyojáy itañca. Icoñwíy con jém wibic añquímayooyi jém inmatyajpáppic. Jeeyaj da cinyajpa iga togoypa ivida, pero ityaj dispuesto iga accaayajtap. ¹² Maymáyaami jém miittanwip sinyucmi. Agui miuuguytim jém miittanwip naxyucmi y jém lamar porque quetneum naxyucmi jém Wocciwiñ jut miit. Tsam pimi jóyñe. Ijodon iga da jáyñe cuyajpa ipimi.

¹³ Jesic cuando jém dragón iix iga patsquetnetawum naxyucmi, moj imalwadáy jém yomo jém icnayñewip jém jaychixi. ¹⁴ Pero jém yomo chiita wisten jém miltampic águila ixaj iga wia iquec iga nicpa tungac lugar jém titsinaxyucmi jut da iñim, juumi de jém animat. Jemum wiđatap jém yomo tres año y medio. ¹⁵ Jesic jém animat moj icput ni ijipjom iga iwatpa tum mijpic río iga icjídáypa jém yomo. ¹⁶ Pero jém nas iyoxpát jém yomo. Añáy jém nas, iucquet jém ni jém putnewip jém animat ijipjom. ¹⁷ Jesic jém dragón agui pimi ijóyixpa jém yomo. Nic inña los de más jém yomo imanictam jém dapic ichacpa jém Dios inquímayooyi jém icupicpáppic Jesucristo.

13

Jém tungac wisten animat

¹ Ich atañ jém lamar añaca cuando ánix tum tsam mijpic animat put jém lamar. Iniit siete icobac y diez iwan. Cada tumtum jém iwanycmi iniit tum corona. Cada tumtum icobacyucmi inimiñ tum malopic niyi iga icujyypa tanDios. ² Yíp animat, jém ánixñewip, juuts tum can. Ipuy jex juuts jém oso. Ijip juuts jém león. Jém dragón ichi jém ipimi, iccám juuts tum añjagooyi, ichi mijpic autoridad. ³ Ánix tum jém animat icobac pimi coowane. Iccaatooba jém icoowaji, pero ocmi pis jém icoowaji jém iccaapáppic idic. Jesic itumpiy jém pxiñtam agui ipooñanjamyajpa, ocmi moj itúnyyaj. ⁴ Jesic jém pxiñtam ijisyajpa jém dragón juuts tum dios porque ichiñe ipimi jém mijpic animat jém putnewip jém lamar. Jesic ijisyajpatim jém mijpic animat. Nimyajpa:

—Da i tungac wia paap juuts yíp animat. Da i wia icoñwíy siiga añapa.

⁵ Jesic chiita lugar jém animat iga icujyypa tanDios iga tsam pimi imalmalnimáypa. Chiita pimi iga iwatpa juuts je ixunpa para cuarenta y dos meses. ⁶ Jesic ináy ijip, moj imalmalnimáy Dios y imalnimáy jém inñiyi y jém wicom jut it Dios. Imalnimáytim jém ityajwip sinyucmi. ⁷ Chiitatim lugar iga añayajpa con jém Dios ipixiñtam jém imichipic hasta que icoñwíy. Chiitatim jém pimi iga injacpa itumpiy clase de pxiñtam, jém jiyajpáppic jém tungac anmatimi y jém ityajwip tungac naxyucmi. ⁸ Ijisyajpa yíp animat itumpiy jém pxiñtam jém ityajwip icuwiti yíp naxyucmi, jém dapic jaycámnetá inñiyi jém

librojom jém tachiipáppic jém vida. Imiichi jém libro jém Cordero jém accaanetawip dende moj iti yip mundo.

⁹ Siiga mitatsigiyta, maton̄taami. ¹⁰ Siiga i ipajpa jém itiw̄i, jesic pajtaptim mex je. Siiga i accaóypa con espada, accaataptim con espada mex je. Yimpic quejpa iga iyaachíypa jém Dios ipixiñtam cuando yaachwattap iga da ichacpa, seguido icupicpa iga Dios wiap iyoxpát.

¹¹ Ocmi ánix tungac tsam mijpic animat put nascim. Iniiit wisten iwan̄ jex juuts tum mañborrego, pero jypa juuts jém dragón. ¹² Chiitaim itumpiy jém ipimi jém iniitwip jém wiñtipic animat jém coowanewip idic icobac y ocmi pis. Yip ocmipic animat ipimíypa itumpiy jém pixiñtam jém ityajwip yip naxyucmi iga ijisyajiñ jém wiñtipic animat juuts tum dios jém pisnewip icoowaji. ¹³ Wiaptim iwat jém miltampic milagro. Iquetpa jucti sinyucmi hasta yip naxyucmi jém pixiñtam iwiñjom. ¹⁴ Imigóyáypa jém pixiñtam jém ityajwip yip naxyucmi con jém mijpic milagro jém wiapaap iwat jém wiñtipic animat iwiñjom. Inimáy jém pixiñtam iga iwatyajiñ tum watnas juuts jém wiñtipic animat jém coowanewip idic con jém espada, pero da ca. ¹⁵ Jesic jém tungac animat, jém putnewip nascim, iniit ipimi iga ichiiba iverda jém watnas iga wiañ̄ ijy. Ichi ipimi iga iccaayajpa itumpiy jém pixiñtam jém dapic ijisyajpa jém watnas. ¹⁶ Jesic ipimíy iga accámaytaiñ tum marca itumpiy jém pixiñtam inwicimi o iwiñpacyucmi. Itumpiy accámayajtap jém marca jém xutupic y jém mijpic, jém rico y jém pobre, jém esclavo y jém dapic je esclavo. ¹⁷ Siiga tum pixiñ da ini jém marca, da wiap imáymáyóy ni juyjúyóypa. Siiga iniit jém marca o jém animat in̄iyi o jém innumero wiap imáymáyóy y wiap ijuyjúyóy. ¹⁸ Yip ixunpa iga mijixiytamiñ. Siiga in̄cutiyíypa, jistaami ti nimtooba jém animat innumero. Yip nimtooba jém numero de jém pixiñtam. Jém innumero seiscientos sesenta y seis.

14

Wanyajpa jém 144,000

¹ Ocmi aámquim, ánix jém Cordero iga teñ jém cotsicyucmi in̄iyi Sión. Iwaganaityaj ciento cuarenta y cuatro mil jém ipixiñtam. Jaycámayta jém ipixiñtam iwiñpacyucmi jém Cordero in̄iyi y jém iJatun̄ in̄iyi. ² Jesic ammaton̄ tum an̄jyiyi sinyucmi juuts jupa jáyan̄ ni, juuts tsam pimi tñ̄pa jém majiywiñ. Ammaton̄ tum an̄jyiyi juuts ticstap tsam jáyan̄ arpa. ³ Jesic jém pixiñtam iwanyajpa tum jomipic wañi jut it jém trono jém Dios iwiñjom jut it jém cuatro vivopic cosa y jém widaytam. Da i wiap ictsíy jém wañi, solamente jém ciento cuarenta y cuatro mil pixiñtam jém ciacputneyajtawip yip naxyucmi. ⁴ Yipyaj jém dapic nunca yoomíy, da nunca ijypát yomo. Itun̄yiyajpa jut quej jém Cordero. Icupin̄ Dios entre jém malopic pixiñtam. Iyojáy itañca. Jeeyaj tsíy juuts jém wiñtipic tim. Tsíyyaj juuts Dios imiichi y juuts jém Cordero imiichi. ⁵ Da i migooyi ijipjom. Da tñ̄caíy jém tan̄jatun̄ Dios iwiñjom.

Jém tucuten sinyucmipic pixiñtam jém inimiññewip an̄matí

⁶ Jesic ánix tungac sinyucmipic pixiñ quecpa sinyucmi. Inisiba jém wibic an̄químayooyi jém dapic cuyajpa iga in̄madáypa jém pixiñtam jém ityajwip yip naxyucmi. An̄madayajtap itumpiy clase de pixiñtam, jém tungac pixiñtam, jém jyyajpáppic tungac an̄matimi y itumpiy jém ityajwip jém tungacpic naxyucmi. ⁷ Tsam pimi jypa jém sinyucmipic pixiñ. Nimpa:

—Cñ̄taami Dios, cujiptaami. Siip núcneum jém hora iga cipíhóypa yip naxyucmi. Jistaami Dios jém iwatnewip jém sin̄, jém nas, jém lamar y jém niixcuy.

⁸ Jesic ocmi miñ tungac sinyucmipic pixiñ. Nimpa:

—Actiņum, actiņum jém mijpic atebet jém Babilonia porque ichi jém malopic jixi itumpiy jém naciónyay juuts iuquiwat con jém malopic vino iga icpejóypa jém pxiñtam.

⁹ Jesic ocmi miñ tunğac siņyucmipic pxiñ jém trespic. Tsam pimi jiyapa. Nimpa:

—Siiga i ijspa jém animat o jém iwatnas juuts tum dios y siiga i ipictsonpa jém animat imarca iwiñpacyucmi o iciyucmi, ¹⁰ jesic tienes que ipictsonpa tum mijpic castigo. Dios ichiiba castigo y da iyaachanjampa ni uxaj. Yaachwattap jém pxiñ con jucti y azufre jém siņyucmipic pxiñtam iwiñjom y jém Cordero iwiñjom. ¹¹ Jemum jut chiitap castigo tsam joogap itumpiy tiempo, da nunca teñpa. Jém pxiñtam da nunca jeypa tsuucim ni siñi. Iñascaaba así itumpiy jém ijsyajpappic jém animat y jém iwatnas y jém ipictsonneyajwip jém marca de jém animat iñiyi. ¹² Yimur queypa jém Dios ipixiñtam siiga da ichacpa jém Dios inquímayooyi y seguido icupicpa tánomi Jesús.

¹³ Jesic ammaton tum jiyi siņyucmi. Anímáy:

—Jaycaami yip anmati: Nimpa jém Dios iAnama iga dende siip tsam maymayyay jém pxiñtam jém caaneyajwip, jém icupicnewip jém tánomi Cristo. Siip da yoxap, jeypajpa. Jém icoñwiyoyi iwaganaif.

Piņtap jém cosecha yip naxyucmi

¹⁴ Ocmi aámquim y ánix tum ucsi tsam popo. Jém ucsyucmi coñ tum pxiñ juuts jém Miñnewip Siņyucmi. Iniiť tum corona de oro icobacyucmi. Imatspacne tum tñcuy tsam tsupa iga ipiņpa jém cosecha. ¹⁵ Jesic tunğac siņyucmipic pxiñ put jém masticjom. Tsam pimi jiyapa. Inímáy jém coñwip jém ucsyucmi:

—Tñi con jém iñhoz, piņi jém cosecha. Núcum jém hora iga impiņpa porque ciņneum yip naxyucmi.

¹⁶ Jesic jém coñwip jém ucsyucmi moj itñ jém cosecha yip naxyucmi, ipiņ.

¹⁷ Ocmi put tunğac siņyucmipic pxiñ jém masticjom. Imatspacne icijom tum hoz tsam tsupa. ¹⁸ Tunğagam siņyucmipic pxiñ, jém jucti injagooyi, put de jut it jém altar. Jesic pimi ijíyáypa jém tunğac siņyucmipic pxiñ jém iniiťwip jém hoz aguipic tsupa. Inímáy:

—Tñi siip jém cosecha con jém hoz aguipic tsupa. Tñi jém uvas yip naxyucmi porque siip ciņneum.

¹⁹ Jesic jém siņyucmipic pxiñ moj itñ jém uvas yip naxyucmi. Itúc jém uvas, inťuumawatpa jut iñepnepcotspa iga itobáypa jém uvas iñi. Yip nimtooba iga Dios inťuumawatpa jém malopic pxiñtam iga ichiiba castigo. ²⁰ Jesic micstap jém uvas anšicmi de jém atebet. Tsam putpa nipiñ jut micstap jém uvas. Tsam jojmi jém nipiñ, núcpa hasta jém cawaj ifrenoyucmi. Núc tsam juumi jém nipiñ trescientos kilómetro icuwoyo.

15

Jém siete malopic caacuy

¹ Ocmi ánix siņyucmi tunğac seña tsam mij, jém tsampic tampooñanjampa. Siete siņyucmipic pxiñtam inimiñyay siete jém inanjigam caacuy. Cuando yaj miñi jém siete caacuy, jesic cuyajum jém Dios icastigo.

² Ocmi ánix juuts tum lamar de vidrio namotnetā con jucti. Teñyay jém Dios ipixiñtam jém lamar wiñpacyucmi. Jeeyaj icoñwiyyay jém mijpic animat y jém animat iwatnas. Icoñwiytim jém inumero de jém iñiyi. Inisiba jém arpa jém ichiñewip Dios. ³ Iwanyajpa jém Moisés iwañi jém icuyoxanewip Dios y jém Cordero iwañi. Nimpa: Mánomi Dios, agui mijpic cosa mich inwat.

Agui tampooñanjampa.

Mich iniiť itumpiy impimi.

Tsam miwapaap.

Mich tsam inwawatpa y da mimigóypa.

Mich más mijpic miRey ininjacpa itumpiy jém naciónyaj.

⁴ ¿I da micinpa, mánomi Dios?

¿I da micujíppa?

Porque solamente mimich jém dapic mitáncaiy.

Itumpiy jém naciónyaj miñpa micosteeñayaj

porque jutquej tsam wiquejpa jém ininquinmayooyi.

Quejpa iga inñumcñinpa itumpiy jém pixiñtam.

⁵ Jesic ocmi cuando nasne yípyaj cosa, ánix sinyucmi iga áñáyñe jém sinyucmic mastic hasta jém cuarto más jojmi jut it Dios ipimi. ⁶ Jém sinyucmic masticjom putyajpa jém

siete sinyucmic pixiñtam jém inimiññewip jém siete malopic caacuy. Wicuyajneyaj con jém popopic punctucu agui tsocha. Iccámneyaj tum cinturón de oro jém ipechoyucmi.

⁷ Ocmi tum de jém cuatro vivopic cosa ichi cada tum tum jém sinyucmic pixiñtam tum xanu de oro comne de jém mijpic castigo jém icutsatpaap Dios jém itwip itumpiy tiempo.

⁸ Jesic jém sinyucmic masticjom comne de joco. Tsam it jém joco porque tsam it jém Dios ipimi. Da i wiap itigiy jém masticjom hasta cuyajpa jém siete mijpic castigo jém inimiññewip jém siete sinyucmic pixiñtam.

16

Jém siete xanu comne de castigo

¹ Ocmi ammaton tum mijpic jiyi jém cuartojom jut it Dios ipimi. Nímayta jém siete sinyucmic pixiñtam:

—Sip nanici jém siete xanu jém Dios icastigo. Nigi cutegaayi naxyucmi.

² Jesic jém wiñtipic sinyucmic pixiñ icutegáy jém xanu naxyucmi. Itumpiy jém pixiñtam jém iniitwip jém mijpic animat imarca jém ijsyajpaap jém animat iwatnas imatsyaj jém malopic puuci tsam toypa, da witsíypa.

³ Jesic jém tungac sinyucmic pixiñ jém wistenpic nic icutegáy jém xanu lamar. Setpa jém lamar juuts jém tsúts inñipiñ. Jesic itumpiy jém ityajwip lamar caayajpa.

⁴ Jesic jém trespic sinyucmic pixiñ icutegáy jém xanu jém nñicim y jém nñxcuy. Itumpiy jém niyay set iga nñipiñ. ⁵ Jesic ammaton iga jiyapa jém sinyucmic pixiñ jém icutegayñewip jém xanu jém nñicim. Nimpa:

—Mánomi Dios, miñumcñinóypa. Mich miit dende wiñgam y miittim hasta sip. Mich da mitáncaiy. Agui inwicñin jém malopic pixiñtam. Wi iga inñchiiba jém mijpic castigo. ⁶ Porque jeeyaj iccaayaj jém impixiñtam jém ininmatcñiwiñ. Itegáyay inñipiñ yip naxyucmi. Jeeyucmi wi iga inicset jém ni juuts nñipiñ iga inigucpa jém malopic pixiñtam. Wi iga ipictsonyajpa jexpic castigo.

⁷ Ammatonjim tum jiyi jém altaryucmi. Nimpa:

—Numa, mánomi Dios, mich iniit itumpiy impimi, inñumcñin juuts iwatneyaj.

⁸ Jesic jém cuatropic sinyucmic pixiñ icutegáy jém xanu jém jamyucmi y jém jama chiita iga más pimi pijpa hasta inñooba jém pixiñtam con jém ipiji. ⁹ Jesic tsam pimi jípsyaj jém pixiñtam con jém jama ipiji. Pero da icucacyaj ijixi iga da icujípyajpa Dios. Moj imalmalnimayaj Dios jém icutsatnewip jém castigo.

¹⁰ Jesic jém cincopic sinyucmic pixiñ icutegáy jém xanu jém anjagooyi icóñcuyucmi jut injacpa jém mijpic animat jém putnewip lamar. Jesic cupiicha icuwiti jém naxyucmi. Tsam pimi yaachwattap jém pixiñtam hasta que iwaspa itots con jém toya. ¹¹ Tsam imalmalnimáy Dios jém itwip sinyucmi porque tsam yaachwattap con jém toya y jém puuci. Pero da icucacyaj ijixi iga imalwatyajpa.

¹² Jesic jém seispic sɨnyucmɨpic pɨxiñ icutegáy jém xanu jém mɨjpic río iñiyi Eufrates. Jesic tits jém ni iga wiap iñasyaj jém anjagooyiyaj jém miñpáppic anjamquím̄mi.

¹³ Jesic ánix tucuten mal espíritu juuts nac. Tum jém nac put jém dragón ijɨpjom. Tum jém nac put jém mɨjpic animat ijɨpjom jém putnewɨp lamar. Y tum jém nac put jém tungac mɨjpic animat ijɨpjom jém putnewɨp nascim jém imigóyaypaap jém pɨxiñtam. ¹⁴ Yíp mal espíritu jém Wocciwiñ imichi wiaptim iwat milagro. Nicpa in̄tuumawat itumpiy jém anjagooyiyaj icuwɨti yíp naxyucmi iga áñayajpa con Dios jém jama jém icupinnewɨp jém tanjatun Dios jém iniitwɨp itumpiy ipimi.

¹⁵ Nimpa Dios iga sɨp mannímáypa iga miittámiñ al tanto. Ich amiñpa juuts tum númpaap mancupiichciypa. Tsam mimaymay siiga miit listo y siiga iniccámne impuctucu. Jesic da in̄cusici. Da michaap iga miixpa jém pɨxiñtam.

¹⁶ Jesic jém mal espíritu in̄tuumawat itumpiy jém anjagooyiyaj tum lugar iñiyi Armagedón jém an̄mati hebreo.

¹⁷ Jesic jém sietepic sɨnyucmɨpic pɨxiñ icutegáy jém xanu sauyucmi. Jesic jém sɨnyucmɨpic masticjom, jut if Dios jém tronoyucmi, ammaton̄ tum jiyi tsam pimi. Nimpa:
—Cupacneum.

¹⁸ Jesic agui quénpa majywiñ. Agui tiñpa. Tsam nácsóypa. Tsam pimi yispa jém nas. Tsam mɨjpic nasyixi. Da i queman oypa iix jexpic nasyixi tsam mij dende moj iti jém pɨxiñtam yíp naxyucmi. ¹⁹ Jesic jac jém nas jut if jém mɨjpic atebet. Tsíy tres pedazo. Jesic jém tungac atebetay icuwɨti jém naxyucmi cujegayyaj iticyaj. Dios ijispa jém atebet Babilonia iga tsam imalwat jeeyucmi ichiiba jáyan̄ castigo juuts tum vaso comne. ²⁰ Togoyyay itumpiy jém isla jém itwɨp lamar. Togoytim mex jém cotsicyaj. ²¹ También actin̄tim tum mɨjpic icxtuj. Ictsiypa jém pɨxiñtam. Tsam pimi mij jém icxtuj hasta cuarenta kilo ichacxñi tumtum. Jesic jém pɨxiñtam tsam pimi imalmalmímáy Dios porque jém icxtuj tsam pimi iyaachwatyay. Tsam mɨjpic castigo chiiyajta.

17

Chiitá castigo jém malopic yomo

¹ Jesic tum de jém siete sɨnyucmɨpic pɨxiñtam jém inimiññewɨp jém siete xanu de oro miñ anímáy:

—Miñi. Manaquejáypa jém castigo jém ipictsonpáppic jém malopic yomo jém pejoypáppic jém coñwɨp jém lamar. ² Yíp naxyucmɨpic anjagooyiyaj tsam pejoyyajpa con yíp malopic yomo. Tsam iuquiwatyaj yíp naxyucmɨpic pɨxiñtam con jém vino de jém malopic cusuniyooyi.

³ Ocmi jém sɨnyucmɨpic pɨxiñ ananigáy jém áñanama tum titsinaxyucmi. Anquejáy juuts tum poñ. Ánix tum yomo iquím̄cane tum mɨjpic animat agui tsabats. Jém animat imijtayyucmi jaycámnetá itumpiy jém malopic an̄mati jém icujiyñewɨp Dios. Jém animat iniit siete icobac y diez iwan̄. ⁴ Jém yomo iccámne tum moradopic puctucu y tsabats. Agui wɨ cuyajne con oro, jém wɨtampic tsa y jém perla. Imatspacne ichijom tum copa de oro comne de jém cosa jém tsampic ijóyixpa Dios con itumpiy jém malajixi iga tsam pejoyñe yíp naxyucmi. ⁵ Jém yomo jaycámnetá iñiyi iwiñpacyucmi jém dapic i wiap icutiyiy. Nimpa así: “Jém mɨjpic atebet Babilonia. Yíp yomo tsíy juuts appic de itumpiy jém malopic yomt̄am y itumpiy jém malopic jixi jém tsampic ijóyixpa Dios yíp naxyucmi.” ⁶ Jesic an̄cutiyiy iga tsam uqui jém yomo. Iuc jém n̄ipiñ jut accaata jém Dios ipixiñtam jém Jesucristo icuyucmi. Jém n̄ipiñ iuquiwat. Cuando ánix jém yomo agui ampoñanjampa. ⁷ Jesic jém sɨnyucmɨpic pɨxiñ anímáy:

—¿Tiiga agui impooñanjampa? Siip manañmadáypa jém dapic inçutiíyíypa y ti nimtooba jém yomo iga iquímcané jém animat jém iniitwíip siete icobac y diez iwan. ⁸ Jém animat jém siipic íñix, it idic wiñic, pero ocmi ca. Pero ocmi pis, putpa eybic jém mijpic josjom jém tsampic pími jojmi. Nicpa jém lugar jut ipictsonpa castigo jém dapic nunca cuyajpa. Jesic itumpiy jém pixiñtam jém ityajwíip yíp naxyucmi jém dapic i ijaycámayñe íñiyi jém libro de la vida dende moj iwat Dios yíp mundo, jeeyaj tsam ipooñanjamyajpa cuando iixyajpa iga pisneum jém animat jém itwíip idic wiñigam y ocmi ca, pero eybic miñpa.

⁹ 'Da itumpiy jém pixiñtam wíap icutiíyíy, solamente jém jixiywíip wíap icutiíyíy. Jém siete icobac nimtooba jém siete cotsic jut coñ jém yomo. ¹⁰ Jém icobac nimtoobatim siete mijpic anjagooyi. Nasneum cinco jém anjagooyi. Tum siibam injac y jém tungac danam tsucumne. Y cuando miñpa jém íñanpigam anjagooyi da jáyñe cuyajpa. ¹¹ Jém mijpic animat jém itwíip wiñic y siip da i, cuando miñgacpa, tsíypa juuts jém ochopic anjagooyi. Tumti ijixi y tumti ipími con jém tungac sietepic. Ocmi nicpatim jém lugar jut ipictsonpa icastigo jut da nunca cuyajpa.

¹² 'Jesic jém diez iwan, jém íñixñewíip, nimtooba diez anjagooyi jém dapicnam ipictsonne icargo. Tsíypa juuts anjagooyi no más para tum rato iga injacyajpa yíp naxyucmi con jém mijpic animat. ¹³ Yíp diez anjagooyi tumti jixi iniityaj. Ichiiyajpa itumpiy ipími jém mijpic animat iga iyoxpátpa. ¹⁴ Jesic jeeyaj nicpa áñajiyaj contra jém Cordero. Pero jém Cordero iconwíypa. Jém tánomi más wíapaap, je más mijpic anjagooyi que itumpiy jém anjagooyiyaj. Jém ipixiñtam, jém iwaganaitwíip, icupin y inwejáy. Y jeeyaj da ichacyajpa iga icupicpa.

¹⁵ Jesic jém siñyucmipic píxiñ anímáytim:

—Jém lamar jém íñixñewíip jut coñ jém malopic yomo jém pejoypaap nimtooba itumpiy jém pixiñtam, jém ityajwíip tungac naxyucmi, jém jiyajpáppic jém tungac anmatími, jém tungac pixiñtam. ¹⁶ Jém malopic animat con jém diez iwan, jém íñixñewíip, tsam ijóyixyajpa jém malopic yomo jém pejoypáppic. Ichacyajpa icutum y cusici. Icódayyajpa jém imayi. Íñoquetpa con jucti. ¹⁷ Iwatyajpa jempic jém diez anjagooyi porque Dios ichi jém jixi íñanamanjom iga iwatyajiñ juuts je ixunpa iga tumti jixi iniityaj iga ichiiyajpa ipími jém mijpic animat hasta que cupacpa itumpiy juuts nimpa jém tanjatun Dios. ¹⁸ Jém malopic yomo jém íñixñewíip nimtooba jém mijpic atebet jém injacpáppic itumpiy jém anjagooyiyaj icuwíti yíp naxyucmi.

18

Cuyajpa jém mijpic atebet Babilonia

¹ Jesic ocmi ánix tungac siñyucmipic píxiñ quet siñyucmi. Agui iniit ipími. Iyicquejpa icuwíti yíp naxyucmi con jém ichoca. ² Tsam pími jíypa. Nimpa:

—Cuyajneum, cuyajneum jém mijpic atebet Babilonia. Tsíy juuts tum lugar jut nicpa íti jém mal espíritu jém Wocciwiñ imíchi, jut siiba jém espíritu dapic wí jém tamalwadaypáppic, jut ityaj jém malopic jonyaj jém tsampic jóyixítap. ³ Cuyajne jém atebet porque iuquiwat itumpiy jém naciónyay con jém vino de jém malopic cusúnyooyi. Jém atebet Babilonia tsam icmalwat jém anjagooyiyaj icuwíti yíp naxyucmi. Tsam wí it jém Babilonia, jeeyucmi jém máymáyoypaap tsam ricojaneyaj icuwíti de yíp naxyucmi porque jém pixiñtam tsam icusúnyayajpa titam iixpa.

⁴ Ocmi ammaton tungac jíyi siñyucmi. Nimpa:

—Mimichtam mamíchítam, puttaami de jém atebet iga odoy immalwattámiñ juuts jém ityajwíip jém atebet iga odoy impictsontámiñ jém plagas, jém castigo jém Diospic icutsatpa. ⁵ Porque jém itañca antuumaneum, núcneum hasta siñyucmi. Siip ijispa Dios iga tsam imalwatyaj, ichiiba castigo. ⁶ Jempictim acseedaayi jém yomo. Wisciy yoji juuts je

iwat. Jém copa jém iwatnewiip jém yomo iga íñucpa, siip moti más jáyan iga dos veces más íñchiiba. ⁷ Tsam pimi nacujípta iyaac. Tsam wi it para jáyan tiempo. Jesic chiitaami jém yaachaji y jém anyaahui tsam pimi. Tsam ijspa ijixianjom. Nimpa iga yim acoñ juuts tum reyna. Da nunca atsiypa ancutum juuts cunoya. Da nunca annascaaba jém anyaahui. ⁸ Jeeyucmi tumti jama miñpa itumpiy jém plagas. Tsam jáyan caayajpa, tsam it jém anyaahui y jém mijpic yuu. Ocmi jípsquetpa con jucti. Porque agui wiap jém tánomi Dios, iciñpa jém mijpic atebet, icyojpa jém itánca.

⁹ Tsam weyjajpa yip naxyucmic anjagooyi, tsam anyácnayaj, porque agui pejóypa idic con jém yomo, agui maymayyaj idic. Pero siip tsam anyácnayaj cuando iix iga químpa jém ijoco jut jípsquetajpa. ¹⁰ Juumi tsíyyaj jém anjagooyiyaj porque tsam iciñyajpa jém castigo. Nimyajpa:

—Agui uuguytim jém mijpic atebet Babilonia, agui iniit idic jém ipimi, pero siip tumti rato núc jém mijpic castigo.

¹¹ Jém máymáyoyajpáppic tsam weyjajpatim. Pimi anyácnayaj iga cuyajneum jém atebet porque da i más ijúyáypa jém imáycuy. ¹² It jém carga de oro y plata y jém witampic tsa aguipic tsoowiy y jém perla. It jém wibic punctucu jém lino y jém seda. Ittim moradopic y tsabats. It jém witampic cuy jém cinpáppic y jém cosa watneta de cuy aguipic tsoowiy y jém marfil. Ittim cosa de bronce y tinucuy y mármol jém tsa aguipic wi. ¹³ Ittim carga de canela y jém especia cinpaap, jém poma, jém mirra y jém perfume. Ittim vino y aceite y jém wibic harina y trigo. Ittim bestia mular. Ittim borrego. Ittim cawaj. Ittim carreta. Ittim esclavos. Ittim jém pixiñtam ianama. ¹⁴ Nimayajta jém ityajwip jém atebet:

—Itumpiy jém wibic tim jém incusúniypáppic cáyum de mich. Jém witampic cosa tsampic tsoowiy siip mitogóyay y da nunca impátpa.

¹⁵ Jém máymáyoyapaap tsam ricojaneyaj cuando iwat negocio con jém atebet. Siip juumi tsíyyaj porque iciñpa jém yaachaji jém siipic iñasca jém atebet. Tsam weyjajpa, tsam anyácnayaj. ¹⁶ Nimyajpa:

—¡Ay, ay! Agui uuguytim jém mijpic atebet. Tsam wicuyajne idic con jém wibic punctucu morado y tsabatspic. Agui wicuyajnetim con jém oro, jém witampic tsa y jém perla. ¹⁷ Tumti rato cuyaj itumpiy jém mijpic riqueza.

Itumpiy jém icwitpáppic jém mijpic barco con jém pasajeroyaj con jém yoxayajpáppic lamar, juumi teeñanjacyaj. ¹⁸ Jesic iixyajpa iga químpa jém joco jut jípsquetpa jém atebet, tsam anweyjajpa. Nimyaj:

—¿Jup atebet jex juuts yip mijpic atebet?

¹⁹ Como tsam pimi anyácnayaj iccámayñeyaj pótpót icobacyucmi. Tsam weyjajpa. Pimi anweyjajpa. Nimyaj:

—¡Ay, ay! Agui uuguytim yip mijpic atebet. Je icuyucmi ricojaneyaj itumpiy jém iniitwip ibarco porque tsam tumiñiy jém atebet. Pero siip tumti rato nunta miswatta.

²⁰ Pero mimichtam, miiftanwip sinyucmi, maymáyataami porque siip Dios ichiiba castigo yip malopic pixiñtam. Mimichtam jém micutsatnewip Dios y jém ininmatpáppic jém Dios inmati, siip Dios icyojpa itánca jém mimalwadayñewip.

²¹ Jesic tum sinyucmic pixiñ, tsampic pimi, ipin tum mijpic molino icha. Ipatscúm lamar. Nimpa:

—Yicsabam icutin jém mijpic atebet Babilonia. Nunta togoypa. Da eybic íñixtámpa. ²² Yip atebet da i nunca imatonpa jém música ni jém arpa, ni jém trompeta ni flauta. Itumpiy jém pixiñtam jém wiapaap iyoxa, dam más tampátpa yim, ni jém molino da más tammatonpa iga anjiypa. ²³ Jemic da más tsoepa jém jucti. Da más matonpa jém bulla de

jém aṅcoomíyóycuy. Jém máymáyoypaap más wiayajpa idic que jém ityajwɨp icuwɨti yíp naxyucmi. Imígóyáy itumpiy jém naciónyaj con jém iñawadaꝑcuy.

²⁴ Yíp attebet padayta jém profeta iñiipiñ y jém dapic táŋcaíy iñiipiñ y itumpiy jém accaanetaꝑwɨp icuwɨti yíp naxyucmi.

19

¹ Ocmi ammaton tɨm jiyi tsam mij. Pimi jiyajpa jáyan pɨxiñtam sɨnyucmi. Nimyajpa: ¡Aleluya! Jém tanJatun Dios wiap iciacput jém pɨxiñtam.

Tsam wɨ jém tanDios, wiap iwat itumpiy cosa.

² Jém tanJatun Dios iñumcɨpiñ jém malopɨc yomo,

jém pejoypaap jém mɨjɨpɨc attebet,

porque tsam icmalwatne jém ityajwɨp yíp naxyucmi con jém malopɨc jɨxi.

Sɨp Dios ichécum jém ipɨxiñtam iñiipiñ, jém accaataꝑwɨp jem.

³ Jesic eybictim nimyaj:

—¡Aleluya! Jém ijoco químpa itumpiy tiempo.

⁴ Jesic jém veinticuatro wɨdaytam con jém cuatro vivopɨc cosa tocsne actɨn naxyucmi iga ijisyajpa Dios jém coñwɨp jém anjagooyi icoñcuyucmi. Nimyajpa:

—¡Itum wɨ! ¡Aleluya!

⁵ Jesic put tɨm jiyi de jut it jém anjagooyi icoñcuy. Nimpa:

Cujíptaami jém tanJatun Dios, mimichtam,

jém inꝑuyoxatampáppɨc Dios,

jém inꝑɨntampáppɨc,

mixututampɨc y mimɨjtampɨc.

Jém Cristo ipictsonpa jém ipɨxiñtam

⁶ Jesic ammaton tɨm jiyi tsam mij juuts jiyajpa tsam jáyan pɨxiñtam, tɨm anjɨyi juuts jupa jáyan ni, juuts pimi tiñpa jém majiywiñ. Nimpa:

¡Aleluya! Porque sɨp tsucumneum iga injacpa yíp naxyucmi jém tanOmi Dios jém iniitwɨp itumpiy ipimi.

⁷ Sɨp tamaymáyatámiñ.

Wɨ iga tanaítámiñ jém maymáyaɨi tánanamanjom y taꝑcujíptampa Dios

porque sɨp núcneum jém jama iga aṅcoomíypa jém Cordero.

Jém iyomo nawitsacnetawom. (Yíp nimtooba jém Dios ipɨxiñtam.)

⁸ Jém yomo agui wɨcuyajne.

Chiíta jém wɨbɨc puctucu, jém lino agui cuáyne, jém agupɨc tsocpa.

Jém wɨbɨc puctucu nimtooba iga wɨtsagayñetawum jém Dios ipɨxiñtam itánca. Ityajum listo iga nicpa iwaganaityaj Cristo.

⁹ Jesic jém sɨnyucmɨpɨc pɨxiñ anímáy:

—Jaycaami así: “Agui maymay jém pɨxiñ jém inwejayñeyajwɨp Dios iga nicpa sɨnjajiyaj cuando aṅcoomíypa jém Cordero.”

Anímáytim:

—Yíbam jém numapɨc aṅmati, jém michiiñewɨp Dios.

¹⁰ Jesic acosteñ jém sɨnyucmɨpɨc pɨxiñ ipuyɨm iga anjɨspa. Pero anímáy:

—Odoy wati jempɨc. Ich aꝑcuyoxaptim Dios juuts mimich y juuts jém iñtɨwɨtam jém itúɨypáppɨc jém Jesús inꝑuímayooyi, jém numapɨc. Odoy ajɨsi aich, jɨsi Dios.

Jém numapɨc aṅmati, jém tachiiñewɨp jém tánOmi Jesús, jeetim jɨxi juuts jém ichiiñewɨp Dios jém wiñɨcɨpɨc inmatcɨwiñ.

Jém iquímcanewiip jém popcawaj
(Jn. 1:1; 1 Jn. 1:1)

¹¹ Jesic ánix iga áñáyñe jém siñ. It tum popcawaj. Jém iquímcanewiip jém cawaj da nunca migóypa y siempre iccupacpa juuts nimpa. Numcipíñóypa y áñapa con justicia. ¹² Agui tsocpa jém iixcuy juuts yótpa jucti. Jém icobacyucmi accámayñeta wati jém corona. Jaycámnetā tum niyi, pero da i icutiñiyiypa solamente je mismo. ¹³ Accámayñeta tum yooti mujne con niñpiñ. Jém iñiyi jém Dios Inmati. ¹⁴ Jém siñyucmipic soldado itñiyiyajpa. Cada tumtum iquímcanē tum popcawaj. Accámayñeyajta jém wibic puctucu agui popo, cuáyñe. ¹⁵ Jém anjagooyi jém iquímcanewiip jém popcawaj putpa iñipjom tum espada agui tsupa. Con yip espada iccoowap jém naciónay icuwiti yip naxyucmi. Injacpatim con tum tñcuy vara. Inepnecotspa jém uvas con ipuy iga itobáypa jém iñi. Yip nimtooba iga ichiiba castigo itumpiy jém malopic pixiñtam. Porque Dios, jém iniitwip itumpiy ipimi, tsam pimi ijóyixáypa jém pixiñtam itañca. ¹⁶ Jaycámnetā jém iyootyucmi y jém iwitpuyyucmi: “Jém Rey de itumpiy reyyaj, jém tánomi Dios itumpiy iomiyaj.”

¹⁷ Ocmi ánix tum siñyucmipic pixiñ teñ jamjom. Pimi jypa. Inwejáypa itumpiy jém jonyaj jém quecyajpáppic siñyucmi. Nimpa:

—Miñi miñtuumajitam yim. Miñi miwiiquitam jut iwatpa Dios tum mijpic siñ.

¹⁸ Miñtaami iga in cudáyñiñ jém reyyaj imayi y jém capitán imayi, y jém pimipic pixiñ imayi. Inçispa jém icawaj imayi y jém cawaj iomi imayi. Inçispa itumpiy jém pixiñtam imayi jém esclavo jém dapic je esclavo jém mijpic y jém xutupic.

¹⁹ Ocmi ánix jém mijpic animat con yip naxyucmipic reyyaj con jém soldadoyaj, an tuumaneyaj iga áñayajpa contra jém coñwip jém popcawajyucmi y contra jém soldadoyaj. ²⁰ Matsta jém mijpic animat y jém malopic profeta jém nímanñtaayañewiip iga Dios icutsatne. Yipyaj iwatyaj jém milagro jém mijpic animat iwiñjom iga imigóyayajpa jém pixiñtam, jém ipictsonñeyajwip jém animat imarca iwiñpacyucmi, jém iñisyajpaap jém animat iwatnas. Icuistic siwiñ cotyajta jém juctjom jém laguna jut naps jucti jém tsampic pimi yótpa con azufre. ²¹ Jesic itumpiy jém pixiñtam jém tsíyñeyajwip, accaayajtap con jém espada jém putnewiip jém mijpic anjagooyi iñipjom, jém iquímcanewiip jém cawaj. Jesic itumpiy jém jonyaj cusum icisayaj jém pixiñtam imayi.

20

Cristo injacpa tum mil amtíy yip naxyucmi

¹ Jesic ánix iga quet tum siñyucmipic pixiñ. Inimiñ jém llave iga ináypa jém mijpic jos tsam jojmi. Imatspacne icijjom tum mijpic cadena. ² Jesic imats jém dragón, jém wíday tsañ, je jém Wocciwiñ y Satanás. Ichen para tum mil amtíy. ³ Ipatscúm jém mijpic josjom tsam jojmi. Jenum ipaj. Iccámáy tum sello jut añnúcne iga odoy pudiñ. Jesic jém Wocciwiñ da wíap imigóyáy jém pixiñtam jém ityajwip yip naxyucmi hasta capsapa jém tum mil amtíy. Cuando yaj naxi jém mil amtíy tienes que cutsigaytap jém Wocciwiñ tum rato.

⁴ Ocmi ánix wati jém anjagooyi icóñcuy jut coñyay jém accámnetawip juuts juez iga cipíñóypa. Ánixáytim jém pixiñtam ianama jém tñcujagayñetañwip iisci porque inmatyajpa iga Jesús wíap taciaput y iga inmatyajpa jém Dios inmati. Yip pixiñtam da queman icosteeñayaj jém mijpic animat ni jém animat iwatnas. Datim ipictson jém animat imarca iwiñpacyucmi ni icñyucmi. Iwaganaityajpa jém Cristo tum mil amtíy. Iwaganjacyajpatim con Cristo. ⁵ Yipyaj jém wiñtipic pisnewiip de jut it jém caaneyajwip. Pero los de más jém caaneyajwip da pisneyaj hasta que cuyajpa jém tum mil amtíy. ⁶ Agui wíit jém wiñtipic acpisnetawip. Tsíyyaj juuts Dios imichi. Da caaba eybic. Tsíyyaj

juuts panij iga icuyoxap Dios, iga icuyoxap Cristo. Iwagaanjacyajpa jém pixiñtam con Cristo tum mil amtíy.

⁷ Jesic cuando cuyaj jém mil amtíy, cutsigayta jém Wocciwiñ jut pajneta. ⁸ Put iga imigóyayíñ jém naciónayaj, jém pixiñtam jém ityajwíip icuwíti yíp mundo. Nicpa imigóyay jém lugar iñiyi Gog y Magog. In tuumawatyajpa jém pixiñtam iga áñayajpa. Tsam pími jáyan ityaj juuts jém pooy jém itwíip lamar aññaca. ⁹ Miñyajpa icuwíti yíp naxyucmi. Icuwoyxtneyaj jut antuumaneyaj jém Dios ipixiñtam jém atebet jém tsampic itoypa Dios. Jesic Dios icquet jucti naxyucmi. Yaj jípsquetiyaj itumpiy jém ienemigoyaj. ¹⁰ Jesic jém Wocciwiñ, jém tsampic imigóyay jém pixiñtam, patcumta jém juctjom jém laguna jut naps jucti, jemum tsam pími yótpa con azufre. Jemtim patcumneta wiñti jém mijpic animat y jém malopic profeta jém nimanñtaayawíip iga Dios icutsat. Jemigam yaachwattap tsuucim y siññi. Da nunca cuyajpa jém yaachaji.

Cüpiñóyapa jém mijpic anjagooyi jém popopic itrono

¹¹ Jesic ocmi ánix tum tsam mijpic trono agui popo. De jém coññewíip iwiñjom poy jém nas y jém siñ, pero da ipátyaj jut nicyajpa. ¹² Jesic ánix jém caaneyajwíip teñyay Dios iwiñjom. Ittim jém mijpic y jém xutupic. Áñáyta jém libroyaj. Áñáytatim jém tungac libro, jém libro de la vida. Cada tumtum jém caaneyajwíip cüpiñyajtapa juuts jaycámnetá librojom juuts iwatneyaj cuando vivo. ¹³ Jém lamar chióy jém caaneyajwíip, icijunçot jém ityajwíip jem. Jém muerte y jém Hades chióytim jém caaneyajwíip. Icijunçot jém ityajwíip jem. Cüpiñyajta cada tumtum juuts iwat cuando vivonam. ¹⁴ Y jém muerte y jém Hades acnicyajta jém juctjom jém laguna jut naps jucti. Yípyaj tanimpa wisciy caaba, yíp laguna jut naps jucti. ¹⁵ Jemtim cotyajta itumpiy jém pixiñtam jém dapic i iñiyi jém librojom jut accámneyajta jém ipictsonpáppic jém vida jém dapic cuyajpa.

21

Jomipic siñ y jém nas

¹ Jesic ánix tum jomipic siñ y tum jomipic nas porque jém wiñicpic siñ y nas cuyajneum. Datim i jém lamar. ² Ich aXiwan ánix jém wibic atebet, jém jomipic Jerusalén, quetpa siñyucmi Dios iwiñjom. Witsacneum juuts tum woñi jém iniitwíip trato iga jáyíypa. Tsam wicuyajne iga ipictsonpa jém iwídaya. ³ Jesic ammaton tum mijpic jiyi siñyucmi. Nimpa: —¡Matonñtaami! Siip miñ iwaganañtiyay Dios jém pixiñtam. Jeeyaj tsíy juuts Dios ipixiñtam y Dios tsíy juuts jém pixiñtam iDios. ⁴ Dios icujicháypa jém ipixiñtam iixcañni. Dam más caaba jém pixiñtam. Da i jém anyaaqui. Dam weyjajpa. Dam i jém toya. Cuyajneum jém wiñtipic cosa.

⁵ Jesic jém coññewíip jém mijpic anjagooyi icoññcuyyucmi nimpa:

—¡Matonñtaami! Ich anacjomasetpa itumpiy cosa.

Jesic anímáy:

—Jaycaami porque numa yíp anañmati, da je migooyi. Tienes que cupacpa juuts mannímayñe.

⁶ Ocmi anímáytim:

—Cupacneum. Ich jém awiñtipic y jém íñanpic, juuts jém letra jém alfa y omega. Siiga i níctitpa, ich anacnícpa. Anchiiba jém ni jém ichiipáppic vida, jém quimpáppic jém wibic niixcuy. Da ammánychiiba, ansáypa. ⁷ Siiga i icoññwíypa jém malopic jixi tienes que ipictsonpa itumpiy jém wibic cosa juuts tum tsixi imiichap jém ijatun imiichi. Ich atsíypa juuts iDios y je tsíypa juuts ich ammanic. ⁸ Pero jém cuixiyajpic, jém dapic icupicyaj, jém jóyixoyajpaap, jém accaoyajpaap, jém pejoyajpaap, jém nawatyaj, jém ijisyajpaap

jém watnas y itumpiy jém migoyyajpaap, jeeyaj acnicyajtap jém laguna jut naps jucti, jut jipsyajpa con jém azufre. Jém acnicneyajtawhip jem tanimpa iga wisciy caayajpa.

Jém jomipic Jerusalén

⁹ Jesic núc tum jém siete sinyucmipic pixiñtam jém iniitwhip idic jém siete xanu de oro comne de jém siete ínanpic caacuy. Anímáy:

— ¡Miñi yim! Manañquejáypa jém woñi, jém ipicpaap jém Cordero iga añcoomíypa.

¹⁰ Jesic ananigáy ánanama tum mijpic cotsicyucmi tsam pimi yucmi. Anquejáy jém mijpic atebet jém wibic Jerusalén. Quetpa sinyucmi Dios iwiñjom. ¹¹ Jém atebet tsam wi tsocpa con jém Dios ichoça. Agui tsocpa juuts tum tsa aguipic tsoowíy juuts jém wibic tsa jém jaspe. Tançuámnapa juuts tum cristal. ¹² Cutánne jém atebet con tum mijpic taañi tsam pimi yucmi. Iniit doce ipuerta. Cada tumtum jém ipuerta it tum sinyucmipic pixiñ. Cada tumtum jém puertayucmi jaycámayñeta iñiyi cada tumtum de jém doce tribu de jém Israelpic pixiñtam. ¹³ Iniit tres ipuerta anjamquímni. Iniit tres ipuerta añwixáumi. Iniit tres ipuerta añtsapsaumi. Iniit tres ipuerta anjamtigíymi. ¹⁴ Jém atebet iniit doce ibase jut piimane jém taañi. Jaycámayñeta iñiyi cada tumtum jém baseyucmi jém doce apóstolyaj jém ícutsatnewhip jém Cordero.

¹⁵ Jém sinyucmipic pixiñ jém añmatpáppic con aich inisiiba tum quípsóycuy de oro iga iquípsa jém atebet y jém puertayaj y jém itaañi. ¹⁶ Jém atebet cuadrada. Jesañtim iyagats jesañtim iwíti. Jesic iquípsa jém atebet con iquípsóycuy. Iyagats dos mil dosciento kilómetro, jesañtim iwíti, jesañtim iyucmi. ¹⁷ Ocmi iquípsa jém atebet itaañi. Iyucmi sesenta y cuatro metro. Jém sinyucmipic pixiñ iquípsa con yip naxyucmipic quípsóycuy.

¹⁸ Jém taañi watnetá de jém wibic tsa jém jaspe. Jém atebet watnetá naps oro. Agui tsocpa juuts vidrio. ¹⁹ Jém itaañi ibase wiaccuyajnetá con jáyan jém wítampic tsa. Tum jém base accámayñeta jém jaspe. Jém tungac jém zafiro, jém tungac jém ágata, jém tungac jém esmeralda, ²⁰ jém tungac jém ónice, jém tungac jém cornalina, jém tungac jém crisólito, jém tungac jém berilo, jém tungac jém topacio, jém tungac jém crisoprasa, jém tungac jém jacinto y jém tungac jém amatista. ²¹ Jém doce ipuerta watnetá de doce jém perla. Cada tumtum jém puerta watnetá de tum perla. Jém atebet icalle naps oro, juuts jém vidrio wíap tançuámnapa.

²² Da ánix ni tum mastic jém atebet porque jém tánomi Dios, jém iniitwhip itumpiy ipimi, con jém Cordero, jeeyaj tsíyyaj juuts jém mastic. ²³ Jém atebet datim ixunpa jém jama ni jém poya iga iyicquejpa porque Dios ichoça iyicquejpa y jém Cordero je jém ijucti. ²⁴ Jém naciónyaj, jém iciacputnewhip, siiyajpa jém juctianjtsocajom. Yip naxyucmipic añjagooyiyaj ininicyajpa itumpiy jém ipimi jém atebet jut it Dios. ²⁵ Jém ipuerta da nunca añpajpa siñi, y jemic da nunca piichap. ²⁶ Jém naciónyaj ininicyajpa ipimi jém mijpic atebet iga icujípyajpa Dios. ²⁷ Pero jém malopic cosa da tigíypa jem. Datim tigíypa jém jóyixoypaap ni jém migoypaap. Solamente tigíyyajpa jém pixiñtam jém jaycámnetawhip iñiyi jém Cordero ilbrojom jém ichiñewhip jém vida jém dapic cuyajpa.

22

¹ Ocmi jém sinyucmipic pixiñ anquejáy tum wibic ni jém tachiipáppic vida jém dapic cuyajpa. Tsam cunajne jém ni juuts cristal. Putpa jém añjagooyi icoñcuyucim jut injacpa Dios y jut injacpa jém Cordero. ² Cucmi de jém calle de jém atebet y cada lado de jém ni it jém cuyaj jém tachiipáppic vida. Tímap doce veces tum antiy. Chióypa itim cada meses. Jém cuy iay wi para icpíspa jém naciónyaj. ³ Jemic da i jém cosa dapic wi, dam i ijycámne jém castigo. Pero it jém atebet jém más mijpic añjagooyi icoñcuy jut injacpa Dios y jut injacpa jém Cordero y jém imozoyaj icuyoxayajpa. ⁴ Jeeyaj iixayajpa jém iOmi

íamooyi. Cada tumtum jém imozo jaycámayñeta jém iQmi iñiyi iwiñpacyucmi. ⁵ Jemic dam i piichi. Jém ityajwip jemic da ixunpa jucti iga iyicquejpa. Datim ixunpa jém jama ichoça porque jém tánQmi Dios iyicquejpa jém ipixiñtam y jeeyaj injacyajpa para itumpiy tiempo.

Da jáyñe miñgacpa Jesucristo

⁶ Ocmi jém sinyucmipic pixiñ anímáy:

—Yíp aḡmati jém numapic. Da je migooyi. Jém tánQmi Dios, jém ichiñewip jixi jém wiñicpic inmatciwiñ, sip icutsat yíp naxyucmi tum jém sinyucmipic pixiñ jém imichipic iga inquejáyiñ jém icuyoxayajpaap ti miñpa da jáyñe.

⁷ —Da jáyñe amiñpa. Jempam nimpa Cristo. Tsam maymay jém icupicpaap jém Dios inmati jém jaycámayñetawip yíp librojom.

⁸ Ich aXiwán. Ánix y ammaton yipyaj cosa. Jesic cuando yaj ánix y ammaton, acosteñ jém sinyucmipic pixiñ ipuycim jém anquejayñewip itumpiy yipyaj cosa iga anjisa. ⁹ Jesic nimpa jém sinyucmipic pixiñ:

—Odoy wati jempic. Ich acuyoxaptim Dios juuts mimich y juuts jém iñtiwitam jém inmatpáppic jém Dios inmati y juuts jém icupicpáppic jém Dios inmati jém jaycámayñetawip yíp librojom. Jisi Dios.

¹⁰ Anímáytim:

—Odoy anyami yíp aḡmati jém nimnewip ti miñpa, jém iñjaycámnewip yíp librojom, porque núctooba jém tiempo iga cupacpa juuts miñimayñeta. ¹¹ Jém malopic pixiñ seguido imalwadiñ y jém iniitwip jém malopic jixi seguido iwadiñ jém malopic cosa. Y jém wibic pixiñ wí iga seguido iwíwadiñ. Y jém iniitwip jém wibic jixi ianamanjom wítim siiga seguido iwatpa juuts ixunpa Dios.

¹² Nimpa tánQmi Cristo:

—Da jáyñe amiñpa. Anamiñpa jém coñwiyoooyi. Anyojpa cada tumtum según juuts iwatne. ¹³ Ich jém awiñtipic y jém inapic, juuts jém letras alfa y omega.

¹⁴ Agui maymay jém icheenewip ipuctucu. Jeeyucmi chiitap derecho iga icunúcpa jém wibic cuy jém ichiipáppic vida. Chiitapim derecho iga tigiyapa jém puerta de jém jomipic Jerusalén. ¹⁵ Pero tsíyyajpa anscim jém chimpa, jém nawatyaj, jém pejoypaap, jém accaoypaap, jém ijispáppic jém watnas y jém tsampic itoypa jém migooyi, jém migoypaap.

¹⁶ —Ich aJesús. Mancutsadáy tum sinyucmipic pixiñ, jém acuyoxapaap, iga inmadáyiñ yíp aḡmati jém Dios ipixiñtam jut antuumayajpa. Ich jém acobacpic de jém rey David y ichtim jém iocmanic imaníc. Ich jém awímatsta jém tsocpáppic cuquejacim.

¹⁷ Jém Dios iAnama y jém Cordero iyomo, jém ancoomíoypaap, nimpa: ¡Miñi! Jém imatonayajpaap yíp aḡmati nimyajpatim: ¡Miñi!

Wí iga míñiñ jém níctitsnewip. Jém iwíanjamwip, wí iga iuguiñ jém ni jém tachiipáppic vida. Da tamáychiiba Dios, tasajíypa.

¹⁸ Sip manacjodónap mimichtam, jém immatonpáppic yíp aḡmati, jém jaycámnetawip yíp librojom. Siiga i incodíypa yíp aḡmati con tungac aḡmati, jesic Dios icmatspa jém plagas juuts jaycámnetá yíp librojom. ¹⁹ Siiga i iccáypa uxaj jém Dios inmati jut jaycámnetá yíp librojom, jesic Dios iccáyáypa jém iñiyi jém libro de la vida. Iccáyápatim jém derecho iga nicpa iti jém wibic atebet. Datim ichiiba jém wibic cosa juuts ijíycámayñe Dios yíp librojom.

²⁰ Jém inmatpaap nimpa:

—Numa, da jáyñe amiñpa.

Jesic ich animpa: Itum wí. ¡Miñi, mánQmi Jesús!

²¹ Jém tánQmi Jesucristo miwíwadaytamiñ iñtumpiytam. Amén. Jemum cuyaj.